

ს მ გ ე ნ ს მ მ ლ ე ნ ი

ქან-კრისტოფი

მთხ
გოგაღ



ს მ გ ე ნ ს მ ლ ე ნ ი

ქან-კრისტოფი



ტომი

ფიჭვი მამუკსე, მამუკლე, მამუკე



„ ნ ს მ ს ლ ყ ლ ი „
თბილისი
1977

И (Фр)
84—31
678

© „ნაკადული“, 1977

წიგნი
მეექვსე



ქრისტიანული

მეორე ტომი

ქანენები იმ ძველ ფრანგულ ოჯახთა რიცხვს ეკუთვნოდნენ, საუკუნეების მანძილზე ერთსა და იმავე მიყრუებულ კუთხეში რომ ცხოვრობენ და წმინდად იცავენ თავიანთ გვარს, ცდილობენ უცხო არავენ გამოერიოთ. საზოგადოებაში პომხდარი ცვლილებების მიუხედავად, საფრანგეთში ასეთი ოჯახები გაცილებით მეტია, ვიდრე წარმოიდგენდით. მათდა უნებურად, მშობლიურ მიწაში ისე ღრმად გაუდგამთ ფესვები, რომ მხოლოდ ძლიერი მიწისძვრა თუ ამოძირკვავთ. ამ ერთგულებაში გონებას არავეითარი წვლილი არ მიუძღვის, გამორჩენის მიზანიც მცირეა. რაც შეეხება ისტორიული წარსულის სიყვარულს, იგი მხოლოდ რამდენიმე ლიტერატორს თუ ახასიათებს. მაგრამ ყველას, უხეშსა თუ გონიერს, მტკიცე კავშირით აერთიანებს ის უხილავი, ძლიერი გრძნობა, რომ ოდითგანვე ამ მიწის ნაწილს შეადგენენ, მისი სიცოცხლით ცხოვრობენ, მისი სუნთქვით სუნთქავენ, საკუთარ მკერდში მისი გულის ცემა ესმით; როგორც ერთ სარეცელზე ორი არსება, ისე გრძნობენ მის ყოველ შეკრთომას, დღე-ღამის, წელიწადის დროთა, ამინდისა თუ უამინდობის, დუმილისა თუ ხმაურის უმცირეს ნიუანსებს. შეიძლება კუთხე არც ისე თვალწარმტაცი იყოს, და იქ ცხოვრება არც ისე საამური, რომ შორიდანვე მიგიზიდოს, სამაგიეროდ, იქაური მიწა უბრალოა, უფრო მახლობელი და კაცს შინაურულად ებაასება ხოლმე.

ცენტრალური საფრანგეთის სწორედ ასეთ პროვინციაში ცხოვრობდნენ ქანენები. დაბლობი, ნესტიანი მხარე იყო. პატარა და ძველი, მიყრუებული ქალაქი არხის მდორე წყალში ხედავდა თავის მოწყვნილ სახეს. ირგვლივ ერთფეროვანი მინდვრები, გადახნული ველები, პატარა ნაკადულები, დაბურული ტყეები, და ისევ ერთფეროვანი მინდვრები ეკრა... არსად ჩანდა თვალწარმტაცი სანახები, არავეითარი წარსულის ნაშთი, არავეითარი მოგონება. არაფერი გიზიდავს; ყველაფერი კი გბორკავს. ასეთ გარინდებასა და გაშეშებაში კი რაღაც იღუმალი ძალაა. პირველი შეხვედრისას ადამიანის გონება იტანჯება და შფოთავს, მაგრამ ვისაც თაობიდან თაობამდე ამ ძალის გავლენის ქვეშ უცხოვრია, მის დაღს ვერასოდეს მოიშორებს; იგი მას ძვალ-რბილზე გასჯდომია. ეს უძრავობა, პარმონიული ნაღველი, ერთფეროვნება ხიბლავს მას, ატკობს. თუმცა მისდაუნებურად კიცხავს, მაინც უყვარს და ვერასოდეს დაივიწყებს.

ქანენები უხსოვარი დროიდან ამ მიწაზე ცხოვრობდნენ. ქალაქსა და მის შემოგარენში მათ წინაპართა კვალს მე-16 საუკუნემდე მივყავართ. ქანენების ბიძამ მთელი სიცოცხლე მათი გვარის, გამოუჩინებელი, მშრომელი ხალხის გენეალოგიის შედგენას შეაღია. ვის არ შეხვდებოდით აქ — გლეხებს, ფერმერებს, სოფელ ხელოსნებს, გადამწერებსა და სოფლის ნოტარიუსებს, რომლებმაც ბოლოს და ბოლოს ოლქის სუპრეფექტურაშიც მოიკალათეს, სადაც ოგიუსტენ ქანენი, ახლანდელი ქანენის მამა, მეტად ოსტატურად მართავდა თავის ფინანსურ საქმეებს. მარჯვე კაცი იყო, გლეხისათვის ჩვეული სიჯიუტე და ეშმაკობა არ აკლდა. პატიოსანი როგორ არ იყო, მაგრამ არცთუ მეტისმეტად სინდისიერი, მოუღლეელი მშრომელი, მხიარული კაცი გახლდათ. თავისი ცბიერი გულკეთილობით, პირდაპირობითა და ქონებით ოლქში ათი ლიეს მანძილზე შეძლო პატივი მოეხვეჭა და ყველასთვის შიში შთაენერგა. ტანდაბალი, ჯმუხი კაცი იყო, წვრილი, ცოცხალი თვალები და ჩოფურა, ფართო, დაედაჟა სახე ჰქონდა. ამბობდნენ, ახალგაზრდობაში ქალებს ეტრფოდაო, თუმცა ეს ტრფიალი ახლაც არ განელებოდა. ხუმრობა და კარგი სმა-ჭამა უყვარდა. სუფრასთან უნდა გენახათ, თავისი ვაჟიშვილის ანტუნისა და მისივე ყადის რამდენიმე ძველი მეგობრის წრეში: მოსამართლე, ნოტარიუსი, მღვდელი — (მოხუცი ქანენი ეკლესიას კი გაშმაგებული ებრძოდა, მაგრამ სიამოვნებით ქეიფობდა მღვდელთან ერთად, თუკი მოლხენის მოყვარულს შეეყრებოდა) — ახოვანი ვაჟკაცები იყვნენ, სწორედ ისეთები, რაბლეს ქვეყანას რომ შეშვენის. უხეშად ხუმრობდნენ, მაგიდაზე მუშტებს უბრაახუნებდნენ, ხორხოცობდნენ, მათი მხიარულება სამზარეულოში მსახურთ და ქუჩაში გამვლელებსაც კი გადღედებოდათ ხოლმე.

ზაფხულის ერთ მცხუნვარე დღეს მოხუცმა ოგიუსტენმა სარდაფში პერანგისამარა ჩასვლა და ღვინის ბოთლებში გადასხმა აიხირა. იმ დღეს ფილტვების ანთება შეეყარა. სულ რაღაც ოცდაოთხ საათში იმ ქვეყანას გაემგზავრა, რომლის არსებობაც მაინცდამაინც არ სწამდა; არც ზიარება მოჰკლებია; როგორც პროვინციელ ვოლტერიანელ ბურჟუას შეჰფერის, სიკვდილის წინ ყველაფერზე თანახმა იყო, ოღონდაც ქალები შეშეებოდნენ; კიდევ იმიტომაც, რომ მისთვის სულ ერთი იყო... და თანაც ვინ იცის...

მამის საქმე ანტუნამა განაგრძო. იგი ტანდაბალი, ჩასკვნილი კაცი იყო, მხიარული, ლოყებდაჟდაჟა, მუდამ წვერაგაპარსული; ქილვაშუმს ატარებდა, ჩქარ-ჩქარა ლაპარაკობდა; ცოტათი ენას უკიდებდა, ამიტომ ლაპარაკის დროს ხშირად ეესტებს იშველიებდა ხოლმე. მამისაგან ფინანსური ნიჭი არ დაჰყოლოდა, სმაგეიროდ, საკმაოდ კარგი ადმინისტრატორი იყო. თუმცა დიდად თავსატეხი არაფერი ჰქონდა, გულმშვიდად უნდა გაეგრძელებინა მამის წამოწყებული საქმე, თავისთავად რომ მიედინებოდა და ღონიერდებოდა. ანტუნს საქმიან კაცად თვლიდნენ, თუმცა უნდა ვაღიაროთ, რომ საკუთარ წარმოებაში მას არცთუ დიდი წვლილი მიუძღოდა. წარმოების წინსვლას მხოლოდ გულმოდ-

გინებითა და სიბეჭითით უწყობდა ხელს. ფრიად ღირსეული ადამიანი, იგი ყველგან დამსახურებული პატივისცემით სარგებლობდა. უბრალო, შინაურული კაცი იყო, რაც ზოგს მეტისმეტ გულღიაობადაც ეჩვენებოდა. მშობლიურ ქალაქსა და მის მიდამოებში ანტუანმა პოპულარობა და კარგი სახელი მოიხვეჭა. ფულის ხარჯვა არ უყვარდა, სამაგიეროდ გულჩვილი კაცი იყო; თვალზე ცრემლი ადვილად მოადგებოდა ხოლმე; სხვისი გაჭირვება ისე გულწრფელად ააღელვებდა, შეუძლებელი იყო გაჭირვებაში მყოფს მისი თანაგრძნობისაგან გულს არ მოჰფონებოდა.

პატარა ქალაქში მცხოვრებ მამაკაცთა უმრავლესობის დარად, ანტუანიც პოლიტიკით იყო გატაცებული. ზომიერი რესპუბლიკელი იყო, ზედმიწევნით ლიბერალი, პატრიოტი და, მამის მსგავსად, უკიდურესი ანტიკლერიკალი. მუნიციპალური საბჭოს წევრი გახლდათ. მისთვის, ისევე როგორც მისი კოლეგებისათვის, ჰემმარტი სიამოვნება იყო რაიმე ოინის მოწყობა მღვდლისა თუ ბირქუში მქადაგებლისათვის, ქალაქის მანდილოსანთა შორის ესოდენ დიდი პატივით რომ სარგებლობდნენ. არც ის უნდა დაევიწყოთ, რომ ფრანგული პროვინციული ქალაქების ანტიკლერიკალიზმი ოჯახური ომების ერთ-ერთი სახეობაა. ცოლ-ქმარს შორის იმ ბრძოლის ყრუ და მკაცრი ფორმაა, თითქმის ყველა ოჯახში რომ ბუდობს.

ანტუან ეანენს ლიტერატურაც იზიდავდა. მისი თაობის პროვინციელთა მსგავსად, მასაც ლათინელ კლასიკოსებზე ზრდიდნენ. ამ შემოქმედთა ანდაზები და რამდენიმე გვერდი ზეპირად იცოდა. ასწავლიდნენ ლათონტენს, ბუალოს „პოეტურ ხელოვნებასა“ და „მგალობლებს“, „ორლეანელი ქალწულის“ ავტორს და მეთვრამეტე საუკუნის ფრანგ poetae minores¹, რომელთა მიბაძვით თვითონაც თხზავდა ლექსებს. მის წრეში ბევრს ჰქონდა ასეთი გატაცება, რაც კიდევ უფრო ზრდიდა ანტუანის სახელს. ქალაქში ხშირად იმეორებდნენ მის გალექსილ ხუმრობებს, ერთსტროფიან ლექსებს, ბურიმეებს, აკროსტიქებს, ეპიგრამებსა თუ სიმღერებს, რომლებიც ზოგჯერ მოურიდებელი და ცოტა უხეშიც გამოსდიოდა. ამ თხზულებებში საქმლის მონელების საიდუმლოებანიც არ იყო დავიწყებული. ლუარისპირა მხარეების მუზა² დანტესეული ეშმაკის მსგავსად სიამოვნებით ჩაჰბერავს ბუქს:

„...Ed egli avec del cul fatto tdombetta..³“

ამ ტანდაბალ, ჯმუხ, მხიარულ და მოუსვენარ კაცს სრულიად საწინააღმ-

¹ (ლათ.) წერილფება პოეტები.

² ავტორი მიგვანიშნებს რაბლეს ლექსებზე რომანიდან „გარანტუა და პანტაგრული“, სადაც ხშირად ეხვლებით მსჯელობას საქმლის მონელების საკითხებზე. რაბლე წარმოშობით ლუარისპირა ფრანგული პროვინციიდან, ტურენიდან იყო.

³ „უკანალიდან მოგვასმინა ღუღუკის ხმები“, დანტე, ღვთაებრივი კომედია, ჯოჯოხეთი, XXI სიმღერა.

დგგო ხასიათის ცოლი ჰყავდა — ადგილობრივი სასამართლოს მოხელის, ქალიშვილი, ლუსი დე ვილიე. დე ვილიეები, უფრო ზუსტად, დევილიეები — რადგან მათი გვარი დროთა განმავლობაში ორ ნაწილად გაიყო, როგორც მთიდან დაგორებული კენჭი გაიყოფა ხოლმე ორად, — თაობიდან თაობამდე სასამართლოს მოხელეები იყვნენ და საფრანგეთის პარლამენტარების იმ ძველ მოდემას ეკუთვნოდნენ, რომელთათვისაც წმიდათაწმიდაა კანონის, ვალდებულებების, საზოგადოებრივი და პირადი წესრიგის ცნება; მითუმეტეს, პროფესიული ღირსება, რომელსაც ზურგს უმაგრებს უზადო პატიოსნება, ოდნავ თვითკმაყოფილების სუნი რომ დაჰკრავს. გასულ საუკუნეში ისინი ფრონდარული იანსენიზმით გაიღინთნენ, რისი წყალობითაც ზიზილა შემორჩათ ყოველგვარი იეზუიტურისადმი და იმედგაცრუებულთა ჯუჯღუნი დასჩემდათ. ცხოვრება მრუმე ფერებში ესახებოდათ. სულაც არ ცდილობდნენ ყოფითი სიძნელეების მოგვარებას, პირიქით, წუწუნის სრული უფლება რომ ჰქონოდათ, უფრო ხლართავდნენ მათ. ზოგი ამ თავისებურებათაგან ლუსი დე ვილიესაც გააჩნდა. რაც მისი ქმრის არცთუ მთლად დახვეწილ ოპტიმიზს უპირისპირდებოდა. ტანმალალი ქალი გახლდათ, ქმარს მთელი თავით ასცილებოდა, გამხდარი, კენარი, გემოვნებით, მაგრამ მკაცრად იცმევდა, რის გამოც (თითქოს განზრახ), თავის ასაკზე უფროსი ჩანდა. ბუნებით მეტად სპეტაკი, სხეების მიმართ მეტისმეტად მომთხონეი იყო; დანაშაულს კი არა, შეცდომასაც არავის აპატიებდა, რის გამოც გულცივი და ქედმაღალი ქალის სახელი ჰქონდა გავარდნილი. ღრმად მორწმუნე გახლდათ და სწორედ ეს იყო ცოლ-ქმარს შორის გაუთავებელი კამათის მიზეზი. ისე კი, ერთმანეთი ძალიან უყვარდათ; მართალია, ხშირად კინკლაობდნენ, მაგრამ უერთმანეთოდ წუთსაც ვერ ძლებდნენ. პრაქტიკული აზროვნების უნარი ორივეს აკლდა: ქმარი არცთუ ისე კარგი ფსიქოლოგი იყო (მაინცდამაინც ძნელი არ იყო მისი გაცურება კეთილი სახითა და ტკბილი სიტყვით), ცოლს — საქმეების მართვის არაფერი გაეგებოდა (საქმეებში არასოდეს გაურევიათ და არც აინტერესებდა).

ქანენებს ორი შვილი ჰყავდათ: ქალიშვილი — ანტუანეტა და მასზე ხუთი წლით უმცროსი ვაჟი — ოლივიე.

ანტუანეტა ლამაზი, შავგვრემანი გოგონა იყო, მოხდენილი, თავაზიანი, წმინდა ფრანგული ნაკეთები ჰქონდა — მრგვალი პირისახე, ცოცხალი თვალები, ამობურცული შუბლი, თხელი ნიკაპი და მოკლე სწორი ცხვირი — „უჩვეულოდ კეთილშობილი თხელი ცხვირი (როგორც მოსწრებულად ამბობდა ერთი ძველი ფრანგი პორტრეტისტი), ოდნავ რომ იჭმუხნება და მთელ სახეს აცოცხლებს, ნათელყოფს, რაოდენ ნაზია ყმაწვილი ქალის გრძნობები, როცა ის ისმენს ან საუბრობს“. მხიარულება და უზრუნველობა მამისაგან დაჰყოლოდა.

ოლივიე ქერთმინი, სუსტი, მამასავეთ ტანდაბალი, მაგრამ სულ სხვა ხა-

სიათის ბიჭი იყო. ბავშვობაში ხშირმა ავადმყოფობამ მისი ჯანმრთელობა ფრიად სერიოზულად შეარყია. მართალია, შინაურები ძალზე ანებიერებდნენ, მაგრამ რაკი ფიზიკურად სუსტი იყო, მელანქოლიური, მეოცნებე ჰაბუჯი და-დგა, სიკვდილისა ეშინოდა და არც ცხოვრებასთან საბრძოლველად იყო შეი-რალეებული. მარტობა უყვარდა; ტოლებს გაურბოდა, ბავშვებთან უხერხუ-ლად გრძნობდა თავს, არ მოსწონდა მათი თამაში, მათი ჩხუბი; სწორების უხე-შობა აღაშფოთებდა ხოლმე. ხშირად ცემასაც ითმენდა. იმიტომ კი არა, რომ გამბედაობა არ ჰყოფნიდა, ერიდებოდა, ეშინოდა თავი დაეცვა, ვაითუ ვინმეს რამე ვატყინოო. მამამისის საზოგადოებრივი მდგომარეობა რომ არა, ბიჭები ჯვარს აცემდნენ. ნაზი და ავადმყოფურად მგრძნობიარე ყმაწვილი იყო: ერთი სიტყვა, ალერსი, საყვედური კმაროდა, რომ ცრემლად დაღვრილიყო; მისი და, ბევრად უფრო ჯანმრთელი გოგო, დასცინოდა და პატარა შადრევანს ეძახდა.

ბავშვებს ერთმანეთი გულწრფელად უყვარდათ, მაგრამ სულ საწინააღმ-დეგო ბუნებისანი იყვნენ, ამიტომ თანხმობით ვერ ცხოვრობდნენ; თითოეული თავისი გზით მიდიოდა, საკუთარ ოცნებებს მისდევდა. ანტუანეტა, რაც იზრ-დებოდა უფრო მშვენივდებოდა, ამას არც უმაღავედნენ და თვითონაც კარგად ხედავდა. ბედნიერი იყო და თავი მომავალი რომანების გამირად წარმოედგინა. სუსტ და სევდიან ოლივიეს გარესამყაროსთან არავითარი კავშირი არ იზიდავ-და. თავშესაფარს საკუთარ თავში ეძებდა, სხვადასხვა ამბებს იგონებდა. მასაც ქალივით სჭირდებოდა ვინმე ჰყვარებოდა და თავადაც ჰყვარებოდა ვინმეს. თანატოლთაგან განდევნილმა სამიოდე მეგობარი გამოიგონა: ერთს უანს ეძახდა, მეორეს — ეტიენს, მესამეს — ფრანსუას. მუდამ იმათთან ტრიალებდა, ხოლო მათ, ვინც გარს ერტყა — გაურბოდა. მძინარა არ იყო; მუდამ ოცნებობდა. დი-ლით ლოგინიდან ძლივძლივობით რომ ააყენებდნენ, შიშველ ფეხებს ძირს ჩა-ზოყოფდა და ოცნებაში წასული ხშირად ორივე წინდას ცალ ფეხზე წამოიცი-ვამდა ხოლმე. ოცნებობდა პირის ბანის დროს, ოცნებობდა, როცა წერდა, როცა გაკვეთილებს სწავლობდა; ოცნებობდა საათობით და უცებ შიშით გა-ახსენდებოდა, რომ არაფერი უსწავლია. სადილზე რამეს რომ ეტყოდნენ, ჯერ დაიბნეოდა ხოლმე. ორიოდე წუთის შემდეგ უპასუხებდა. შუა წინადადებაში სათქმელი ავიწყდებოდა. საკუთარ ფიქრებსა და ერთფეროვანი პროვინციული ცხოვრების ჩვეულ შთაბეჭდილებებში იძირებოდა: მათი მოზრდილი სახლი ნახევრად ცარიელი იყო. სახლს დიდი, საზარელი სხვენი და სარდაფი ჰქონდა. დარაბები ჩაერაზათ, ავეჯზე შალითები გადაეკრათ, სარკეები და ჭადები შეე-ფუთათ.. ძველებურ, საგვარეულო პორტრეტებს ბაგეებზე ღიმილი შეჰყინო-დათ. იმპერიის სტილის გრავიურებზე სათნოება და თავაშვებული სიმამაცე აღბეჭდილიყო. აქ გახლდათ „ალკიბიადე და სოკრატე კურტიზან ქალთან“¹,

¹ ალკიბიადე — (450—404 წწ. ძვ. წელთაღრიცხვით) ათენის სახელმწიფო მოღვაწე, ფილო-სოფოს სოკრატეს მოწაფე.

„ანტიოქე და სტრატონიკე“¹, „ეპამინონდას თავგადასავალი“², „ლატაკი ბელიზერი“³... გარეთ კი, ქუჩის მეორე მხარეს, სამკედლოდან ჩაქუჩის არითმული ცეკვის ხმა, საბერველის ქოშინი მოისმოდა, დაკვიდრილი ფლოკეების სუნი იდგა, მდინარის პირას ჩაცუტულ მრეცხავ ქალებს ურიაშული გაქჷონდათ, მეზობელი სახლიდან ყასბის ცულის ყრუ კაკუნი აღწევდა. მოისმოდა ცხენის ფლოკეების თქარუნი, ოწინარის ჭრიალი, გასაშლელი ხიდების ჭრაჭუნე არხზე; ხე-ტყით დატვირთული გემები ბუქსირით ნელა მიიწევდნენ წინ. დაკიდებულ ბაღებთან ფილაქნით მოგებული პატარა ეზო იყო, სადაც ბაბუაწვევრას და პეტუნისა ტევრში ორი იასამანი ხარობდა. არხის გასწვრივ, ტერასებზე დაფნა და აყვავებული ბროწეული დიდ ქოთნებში ჩაერგათ. ბაზრობა დღეს მეზობელი მოედნიდან ღრიანცელი აღწევდა; გლეხებს პრიალა, ლურჯი ხალათები ეცვათ, ღორები ჭყვიტინებდნენ. კვირას კი ეკლესიაში მგალობელი გალობას ურევდა. მოხუცი მღვდელი წირვის დროს ხანდახან ჩასთვლემდა ხოლმე. ზოგჯერ მთელი ოჯახი სადგურის გამზირზე გაისეირნებდა, სადაც ქუდს უხდიდნენ სხვა წამებულთ, რომლებიც ასევე ვალდებულად თვლიდნენ თავს, მთელი ოჯახის თანხლებით ესეირნათ. ბოლოს მზით სავსე მინდვრები გადაიშლებოდა, ცაში ტოროლები დანავარდობდნენ, იქვე იყო ლაპლაპა, მძინარე არხი, რომლის ორივე ნაპირზე ჩამწკრივებული ალევები თრთოდნენ. მერე დიდი წვეულებები, გაუთავებელი სადილები იმართებოდა. ამგვარი დარბაზობისას საქმის ცოდნით ლაპარაკობდნენ კერძებზე: იქ მხოლოდ მცოდნენი იკრიბებოდნენ და ჭამასმა ხომ პროვინციაში მთავარი საქმიანობა, ჭეშმარიტი ხელოვნებაა. საქმეებაც იხსენებდნენ, ანეკდოტებს ჰყვებოდნენ, საუბრობდნენ სხვადასხვა სნეულებაზე... თავგვივით კუთხეში მიყუყული ბიჭი რაღაცას ციციქნიდა, პირს არ რებდა კერძს, უფროსების საუბარს გაფაციცებით უსმენდა და არაფერი აჩებოდა. რასაც კარგად ვერ გაიგონებდა, წარმოდგენით შეაგესებდა ხოლმე. კვად იყო დაჭილდოებული იმ საოცარი ნიჭით, ძველი ოჯახების შთამომავალთ რომ დაჰყვებათ ხოლმე; ასეთ ოჯახებში საუკუნეების კვალი ძალზე აშკარაა. შეეძლო ამოეცნო აზრები, რომლებიც თავად ჭერ არც მოსვლოდა თავში და რომლებიც თითქმის არც კი ესმოდა. კიდევ, საოცრებებით სავსე სამზარეულოც არსებობდა, მოხუცი ძიძაც, სასაცილო და საშინელ ზღაპრებს რომ უყვებოდა... სადამოობით დამურები უხმაუროდ დაფარფატებდნენ ცაში, ძველი სახლის ჭურღმულებში ჩამალული ურჩხულები, ვირთხები და უზარ-

¹ ანტიოქე და სტრატონიკე — სირიის მეფის სელევკის ცოლი სტრატონიკე, რომელიც შემდგ მის შვილს, ანტიოქეს გაჰყვა ცოლად (111 ს. ძვ. წ.).

² ეპამინონდა — ქ. თებეს მცხოვრებთა წინამძღოლი სპარტელების წინააღმდეგ ბრძოლაში; გმირულად დაიღუპა მანტინეასთან, სადაც თებელემა სრული გამარჯვება მოიპოვეს.

³ ბელიზერი — ბიზანტიელი სარდალი, რომელმაც გამარჯვება მოიპოვა. შემდგომ შერისხულ და თვალდასხრილ იქნა იმპერატორ იუსტინიანეს მიერ და იძულებული იყო მათხოვრობით ერჩინა თავი.

მაზარი ობობები ბიჭს შიშის ზარს სცემდნენ. საწოლის წინ ლოცულობდა, თავადაც არ ესმოდა, რას ბუტბუტებდა; მეზობელი მონასტრიდან ზარის წკრიალი მონაზვნებს მწუხრის ეამს აუწყებდა და ბიჭიც ქათქათა ლოგინს — ოცნებების კუნძულს მიაშურებდა...

წელიწადის საუკეთესო დრო გაზაფხული და შემოდგომა იყო, როცა მთელი ოჯახი ქალაქის მახლობლად, მამულში მიემგზავრებოდა. შეგეძლო რამდენიც გინდა გეოცნება — არავინ შეგაწუხებდა. როგორც ქალაქელი ბავშვების უმრავლესობას, დამას გლახის ბავშვებთან სათამაშოდ არ უშვებდნენ; მოსამსახურენი და ფერმერები შიშსა და ზიზღს ჰგვირდნენ მათ. დედისაგან დაჰყვათ არისტოკრატიული, უკეთ რომ ვთქვათ, წმინდა ბურჯუაზიული ზიზღი მშრომელი ხალხის მიმართ. კოპიტის ტოტებზე მოკალათებული ოლივიე მთელ დღეებს ჯადოსნური ამბების კითხვაში ატარებდა. ეს იყო ჩინებული მითები, მუზეუსისა¹ თუ ქალბატონ დ'ოლნუას² ზღაპრები, „ათას ერთი ღამე“, „მოგზაურობები“. ბიჭი „ოკეანეზე ოცნებებს“, შორეულ მხარეთა იმ უცნაურ ნოსტალგიას მოეცვა, რომლითაც ხშირად არიან შეპყრობილნი საფრანგეთის პატარა პროვინციული ქალაქების ახალგაზრდები. სახლი ტევრს ეფარებოდა და ბიჭს შეეძლო წარმოედგინა, რომ შორს იყო, ძალიან შორს, თანაც იცოდა, რომ ახლოს იყო და უხაროდა; მარტოს შორს წასვლა არ უყვარდა; ბუნებაში დაკარგულად გრძნობდა თავს. ირგვლივ ხეები შრიალებდნენ, ფოთლებს შორის ჩაყვითლებული ვაზი მოჩანდა. მოჩანდა მინდვრები, რომლებზედაც ჭრელი ძროხები ბალახობდნენ; მათი ზმუილი მთვლემარე სოფლის სიმყუდროვეს ავსებდა. ფერმიდან ფერმაში მამლები გამყივანი ხმით გადასძახოდნენ ერთმანეთს. კალოდან საცეხველის ხმაური ისმოდა. ბუნების ამ აუღელვებელ სიმშვიდეში ცოცხალ არსებათა მშფოთვარე ცხოვრება თავისი გზით მიედინებოდა. ოლივიე აღელვებულ მხერას ვერ ამორებდა მუდამ მოფუსფუსე ჭიანჭველებს, ნადავლით დატვირთულ ფუტკრებს, ორლანივით რომ გუგუნებდნენ, ქარაფშუტა და ამპარტავან ბზიკებს, თავადაც რომ არ იციან, რა უნდათ. აკვირდებოდა ამ მოფუსფუსე მწერებს, საითკენღაც რომ მიეჩქარებათ, მაგრამ საით? არ უწყიან... რა მნიშვნელობა აქვს, საით! სადღაც... ოლივიეს ჟრუანტელი უვლიდა ამ ბრმა და მტრულ სამყაროში; მიწაზე დავარდნილი ნაძვის გირჩა თუ ხმელი ტოტის ჭრიჭინი კურდღელივით აკრთობდა... და მაშინვე მშვიდდებოდა, როგორც კი ბადის მეორე ბოლოდან საქანელას ჭრიალს გაიგონებდა. საქანელაზე გაშმაგებით ქინაობდა ანტუანეტა.

ანტუანეტაც ოცნებობდა; ოცნებობდა თავისებურად. მთელი დღეები ბაღში იქექებოდა, პირს იტყბარუნებდა ცნობისმოყვარე და მომღიმარი გოგო. ყურძნის მტევნებს შაშვივით კიკინდა, ჩუმად კრეფდა ატამს, ქლიავის ხეზე

¹ იოჰან კარლ მუზეუსი — (1735—1787) გერმანელი მწერალი.

² ქ-ნი დ'ოლნუა — (1650—1705) ფრანგი მწერალი ქალი, პოპულარული ზღაპრების ავტორი.

აცოცდებოდა, ანდა ხეს შეარხევდა ოქროსფერი მირაბელის ჩამოსაყრელად, სურნელოვანი თაფლივით რომ დნებოდა პირში. ანდა, თუმცა უკრძალავდნენ, ჩუმ-ჩუმად ყვავილებს კრეფდა; უცებ ვარდს მოგლეჯდა, დილიდანვე რომ უთვალთვალებდა. მოპარული ვარდით ბალის სიღრმეში, ხეივანს შეაფარებდა თავს. ცხვირს სურნელოვან ყვავილში ჩარგავდა, კოცნიდა, კბენდა, ლოკავდა; შემდეგ ნაქურდალს უბეში მალავდა და ცნობისმოყვარეობით შესცქეროდა ამობურცულ, შეხსნილ საკინძეს... ასეთივე მიმზიდველი და აკრძალული სიამოვნება იყო ფეხშიშველა სიარულიც. უყვარდა ფეხშიშველა ტანტალი ხეივნის გრილ სილაში, ნამიან მდელოზე, ჩრდილში ცივ და მზეზე გავარვარებულ ქვებზე, პატარა ნაკადულში ჩასვლა, ტყის პირას რომ მორაკაკებდა. ფეხებით, წვივებით, მუხლებით ეალერსებოდა წყალს, მიწას, სინათლეს. ნაძვის ჩრდილში წამოწოლილი, მზის შუქზე გამჟვრვალე თითებს აკვირდებოდა, ტუჩებით ეალერსებოდა თავის ნაზ და ჩაპუტკუნებულ; ხავერდოვან ხელებს. მუხისა და სუროს ფოთლებისგან გვირგვინებს, ყელსაბამებს იკეთებდა, კაბებს იკერავდა. ზედ ბურბურას ლურჯ ყვავილებს, კოწახურას წითელ ნაყოფს, ნაძვის პატარა, მწვანეგირჩებიან ტოტებს იბნევდა. პატარა, ველურ დედოფალს ჰგავდა და როკავდა, მარტო როკავდა შადრევანის ირგვლივ. მკლავებს შლიდა, ტრიალებდა, თავბრუს დახვევამდე ტრიალებდა; შემდეგ მდელოზე დაემხობოდა, სახეს ბალახში ჩარგავდა და რამდენიმე წუთს ხარხარებდა, სულმოუთქმელად ხარხარებდა, თვითონაც არ იცოდა, რა აცინებდა.

ასე გადიოდა დღეები. ბავშვები ორ ნაბიჯზე იყვნენ ერთმანეთისგან, მაგრამ ერთმანეთი არც ახსოვდათ — ზოგჯერ ანტუანეტას მოეპრიანებოდა ძმასთან ახუმრება, სახეში ნაძვის წიწვებს შეაყრიდა, ან ხეს შეარხევდა, რომელზედაც იქი შესკუპებულებიყო და ემუქრებოდა, ჩამოგაგდებო; ანდა აშინებდა, ჩუმად მიეპარებოდა და დასქყვივლებდა — უუუუ...

ზოგჯერ სურვილი აიტანდა, ძმა გაეზრაზებინა. ეუბნებოდა, დედა გეძახისო და ხიდან ჩამოჰყავდა. როცა ბიჭი ძირს ჩამოვიდოდა, თავად აცოცდებოდა ხეზე და არაფრის გულისათვის არ უნდოდა ჩამოსვლა. ოლივიე ტიროდა, ჩიოდა. დედას ვეტყვიო, მაგრამ ანტუანეტა თავად ველარ ძლებდა ხეზე: ორ წუთსაც ვერ ჩერდებოდა წყნარად. ხიდან ოლივიეს გამოჩავრებით გულს რომ იჯერებდა, ტირილის პირას რომ მიიყვანდა, ძირს ჩამოსრიალდებოდა, მივარდებოდა ძმას, სიცილით ანჯღრევდა, „პატარა დოყლაპიას“ ეძახდა, მიწაზე გააგორებდა და ცხვირს ბლუჯა ბალახით უსრესდა. ძმა ეწინააღმდეგებოდა, მაგრამ ღონე არ ჰყოფნიდა. მაისის ხოჭოსავით უძრავად წვებოდა ზურგზე, მისი სუსტი, გაშლილი მკლავები ანტუანეტას ღონიერ მუშტებს მიწაზე მიეჯაჭვა. საცოდავი და მორჩილი სახით შესცქეროდა დას. ანტუანეტაც მოლბებოდა, დასცქეროდა. დამარცხებულ და დამორჩილებულ ძმას, იხარხარებდა, ჩაკოცნიდა და თავს გაანებებდა. თუმცა წასვლისას, დამშვიდობების ნიშნად პირში ბლუჯა ბალახს ჩასტენიდა ხოლმე. ეს კი ყველაფერზე მეტად ეჯავრებოდა უალრესად აზიზ

ოლივიეს; იფურთხებოდა, პირს იწმენდა, აღშფოთებული ბრაზობდა, ანტუანეტა კი იცინოდა და თავქუდმოგლეჯილი გარბოდა.

იგი სულ იცინოდა; ღამით, ძილშიაც კი იცინოდა; ოლივიე მეზობელ ოთახში იწვა. არ ეძინა. ჯადოსნურ ამბებს თხზავდა. მაგრამ, როცა ღამის ღუმილს მძინარი დის ხარხარი ან უაზრო ბუტბუტი არღვევდა, შეკრთებოდა ხოლმე. გარეთ ქარი ხეებს აპრიალებდა. კოტი მოსთქვამდა, შორეულ სოფლებში და ტყეში გაფანტულ ფერმებში ძაღლები ყმუოდნენ. ღამის წყვდიადში ოლივიე ფანჯარაში მოჩვენებასავით მოქანავე ნაძვის მძიმე, ჩაშავებულ რტოს შესცქეროდა და ანტუანეტას სიცილზე გულს მოეშვებოდა ხოლმე.

ორივე ბავშვი ღრმად მორწმუნე იყო, განსაკუთრებით კი ოლივიე; აღშფოთებულნი იყვნენ მამის ურწმუნოებით, თუმცა მამა ბავშვებს ამ მხრივ სრულ თავისუფლებას აძლევდა და გულის სიღრმეში, როგორც არაერთი ურწმუნო ბურჯუა, კმაყოფილიც კი იყო, რომ მისიანები მის ნაცვლადაც ლოცულობდნენ. ურიგო როდია მოწინააღმდეგის ბანაკში მოკავშირეები იყოლაო. ვინ იცის, ბედი ვის გაუღიმებს. საერთოდ, იგი დეისტი იყო და მოელოდა, რომ ერთ დროს ალბათ თავიდან მამასავით მოუხმობდა მღვდელს — თუ არას არგებდა, ვნებით მიანიც ხომ ვერას ავნებდა — ხანძრისგან რომ ეზღვევი, სულაც არ ფიქრობ იმაზე, რომ აუცილებლად უნდა დაიფერფლო.

ფიზიკურად სუსტ ოლივიეს მისტიციზმი იზიდავდა. ზოგჯერ ეჩვენებოდა, არც კი ვარსებობო. დამყოლი და რბილი ხასიათის ბიჭი მყარ საყრდენს საჭიროებდა. აღსარება და კეთილი უცნობი მეგობარი, რომელიც მუდამ მზად არის მკერდში ჩაგიკრას, რომელსაც შეიძლება ყველაფერი უთხრა, რომელიც ყველაფერს გაგიგებს და გაპატიებს — ნაღვლიან შვებას ანიჭებდა. იგი მშვიდად ეშვებოდა მორჩილებისა და სიყვარულის ემბაზში, საიდანაც სული განწმენდილი, განზანილი და დამშვიდებული გამოდის. რწმენა მისთვის იმდენად ბუნებრივი რამ იყო, რომ ვერ წარმოედგინა, როგორ შეიძლებოდა არ გერწმუნა. ფიქრობდა, ეს ღმერთის მიერ მოგონილი სასჯელი, ან საკუთარი ბოროტების შედეგიაო. ბიჭი მალულად ლოცულობდა, რომ ღმერთს მამამისისთვის შეენდო. ერთხელ, როცა მამასთან ერთად სოფლის ეკლესიაში შევიდა და მამამ პირჯვარი გადაიწერა, უსაზღვროდ გაუხარდა. წმინდანთა ცხოვრება მის გონებაში რიუბეტალის¹ ჯადოსნურ ზღაპრებს, გრაციოზესა და პერსინეს², ხალიფ პარუნ ალ რაშიდის³ ამბებს გადაეჯავვა. სანამ პატარა იყო, მათ ჭეშმარიტებაში ეჭვიც არ ეპარებოდა. ზოგჯერ ეჩვენებოდა, რომ მართლაც შეხვედრია ბაგეგაპობილ

1 რიუბეტალი — ჯუჯების მბრძანებელი მუზიუსის ერთერთი ზღაპრიდან.

2 გრაციოზე და პერსინე — ქალბატონ დ'ოლნუას ამავე სახელწოდების ზღაპრის გმირები.

3 ხალიფ პარუნ ალ რაშიდი — „ათასერთი ღამის“ მოქმედი პირი.

შაკაბაქს¹, ყბედ დალაქს², კასგარელ კუზიანს³, სოფლად სეირნობისას თვალებს აცეცებდა, იქნებ შავი კოდალა დავინახო, ნისკარტში განძის მაძიებლის ჯადოსნური ფესვი რომ გაუჩრია — მისი ბავშვური წარმოსახვის წყალობით, ქანაანი და აღთქმული მიწა⁴ სულ ადვილად იქცეოდა ბურგუნდიის თუ ბერის ამა თუ იმ კუთხედ. სოფლის პატარა ბორცვი, რომელზედაც ერთადერთი, ბებერი, ტოტემშემოდარცული ხე ხარობდა, იმ მთად ესახებოდა, აბრამმა სამსხვერპლო რომ აღმართა⁵. ნაყანევთან, გამხმარი, მოზრდილი ბუჩქი მისთვის საუკუნეებისაგან ჩამქრალი უწვი მავკლოვანი⁶ იყო. ცოტა რომ წამოიზარდა და მასში კრიტიკულმა აზროვნებამ გაიღვიძა, კვლავაც თავს ინანავებდა ხალხური ლეგენდებით, ასე რომ ერწყმოდნენ რწმენას და უსაზღვროდ სიამოვნებდა, რომ, თუმცა მთლად ბრყვი არ იყო, თავს ძალით იბრყვებდა. ამგვარად, კარგა ზანს, დიდმარხვის უკანასკნელ შაბათს სააღდგომო ზარების დაბრუნებას უთვალთვალებდა, წინა ხუთშაბათს რომს რომ გაემგზავრნენ და ახლა უკან მოფრინავდნენ ბაფთებით შემკულნი. ბოლოს და ბოლოს მიხვდა, რომ ეს მართალი არ უნდა ყოფილიყო, მაგრამ თვალებს მაინც ცისკენ აღაპყრობდა, როცა ზარის ხმა შემოესმოდა ხოლმე. ერთ მშვენიერ დღეს მოეჩვენა კიდევ — თუმცა კარგად იცოდა, რომ ეს შეუძლებელი იყო, — თითქოს ცისფერი ბაფთებით შემკულმა ზარმა სახლს გადაუფრინა და გაუჩინარდა.

ლეგენდებისა და რწმენის სამყაროში ჩაძირვის დაუძლეველი მოთხოვნილება ჰქონდა. ცხოვრებას გაურბოდა. საკუთარ თავს გაურბოდა. გამხდარი, ფერმკრთალი, კიკნა ბიჭი იყო; ეს ძლიერ ტანჯავდა და ამიტომ ამის მოგონებაც არ სურდა. დედის მუცლიდან მემკვიდრეობად პესიმიზმი დაჰყოლოდა და ავადმყოფი ბავშვის სულში ნოყიერი ნიდაგი ეპოვა. თავად ამას ვერ გრძნობდა: ფიქრობდა, ყველა ასეთიაო; ეს ათიოდე წლის ბიჭუნა შესვენებაზე ბაღში კი არ გარბოდა სათამაშოდ, თავის ოთანში ჩაიკეტებოდა ხოლმე, საუზმეს ციკქნიდა და ანდერძს ადგენდა.

ბევრს წერდა. ყოველ საღამოს მალულად ავსებდა დღიურს — თავადაც არ იცოდა რატომ. სათქმელი არაფერი ჰქონდა, სისულელეების გარდა. წერის მანიაც — საფრანგეთის პროვინციელი ბურჟუას საუკუნოვანი ჩვევა — მემკვიდრეობით დაჰყოლოდა. ჩვევა, რომ სიკვდილამდე ყოველდღე წეროს, წეროს თავისთვის, იდიოტური, თითქმის გმირული მოთმინებით, დაწვრილებით წეროს,

¹ შაკაბაქი — „ათასერთი ღამის“ მოქმედი პირი.

² ყბედი დალაქი — „ათასერთი ღამის“ მოქმედი პირი.

³ კასგარელი კუზიანი — „ათასერთი ღამის“ მოქმედი პირი.

⁴ ქანაანი, აღთქმული მიწა — ბალესტინის ბიბლიური სახელწოდება.

⁵ ბიბლია გვიამბობს, რომ ღმერთმა აბრამს უბრძანა მისთვის მსხვერპლად შეეწირა თავისი შვილი ისაკი. აბრამი დაემორჩილა და მთის წვერზე კოცონი დაანთო, მსხვერპლად შეწირვის შემდეგ შვილის გვამი რომ დაეწვა.

⁶ უწვი მავკლოვანი — ბიბლია გვიამბობს, რომ მოსეს ანგელოზმა თავისი მოწოდება უწინასწარმეტყველა აღმოდებული ბუჩქის სახით, რომელიც არ იწვოდა.

რაც ხდება ყოველდღე, რაც ნახა, თქვა, გააკეთა, გაიფიქრა, შესვა და ჭამა; წეროს მხოლოდ საკუთარი თავისთვის. თუმცა, კარგად იცის, რომ მის ნაწერს თავის დღეში არავინ წაიკითხავს: აკი თავადაც არასოდეს კითხულობს საკუთარ ნაწერს.

მუსიკა, ისევე როგორც რწმენა, ოლივიესთვის დღის თვალისმომჭრელი სინათლისაგან თავშესაფარს წარმოადგენდა. დაძმა სულით მუსიკოსები იყვნენ. განსაკუთრებით კი ოლივიე, რომელსაც ეს ნიჭი დედისაგან დაჰყოლოდა. სხვათა შორის, მუსიკალური გემოვნებით მაინცდამაინც ვერ დაიტრაბახებდნენ. ამ მიყრუებულ კუთხეში აბა ვის შეეძლო მათი გემოვნების განვითარება. აქ მხოლოდ დაფდაფების მარშს, ან, უკეთეს შემთხვევაში, ადოლფ ადანის პოპუარის თუ მოისმენდა კაცი, ანდა, ეკლესიის ორღანზე თუ დაუკრავდნენ რაიმე რომანსს ან საფორტეპიანო ეტიუდებს ბურჟუების ქალიშვილები. ისინი აშლილ ინსტრუმენტზე რამდენიმე ვალსს და პოლკას, „ბაღდადელი ხალიფას“¹ უგერტიურას თუ „ახალგაზრდა ანრის ნადირობას“², მოცარტის ორ-სამ სონატას, მუდამ ერთსა და იმავეს, მუდამ ერთი და იგივე ყალბი ბგერებით უტყაპუნებდნენ. ყოველივე ეს წვეულების აუცილებელი პროგრამა იყო. ნასადილევის. მუსიკალური ნიჭით დაჯილდოებულთ სთხოვდნენ პატივი დედოფთ სტუმრებისათვის და რაიმე შეესრულებინათ. ისინი ჯერ უარობდნენ, წითლდებოდნენ, შემდეგ თანხმდებოდნენ და რაც კარგად იცოდნენ, იმას ასრულებდნენ. სტუმრები აღტაცებულნი რჩებოდნენ შემსრულებლის მეხსიერებით და მისი უზაღო ხელოვნებით.

ასეთი წარმოდგენა ყოველი წვეულების დროს იმართებოდა და ბავშვებს საზეიმო სადილის სიამოვნებას უქარწყლებდა. როცა ისინი ოთხი ხელით უკრავდნენ ბაზენის „ჩინეთში მოგზაურობას“³, ან ვებერის პიესებს, მაინცდამაინც არ ეშინოდათ, რადგან ერთმანეთის იმედი ჰქონდათ. მარტო დაკვრა კი ნამდვილი წამება იყო. ჩვეულებრივ, ანტუანეტა უფრო თამამი იყო. დაკვრა საშინლად ეზარებოდა, მაგრამ იცოდა, რომ თავს ვერ დაიძვრენდა, ბედს ემორჩილებოდა და პიანინოსთან ჯდებოდა. შეუვალი იერით, დაუღვევრად უბრაბუნებდა თავის „რონდოს“, ერთ პასაჟს მიაშაბათებდა, მეორეს წაუპარტყუნებდა, გაჩერდებოდა, შემობრუნდებოდა და ღიმილით იტყოდა:

— აჰ, აღარ მახსოვს...

მერე გაბედულად გააგრძელებდა, რამდენიმე ტაქტს გამოტოვებდა და ბო-

¹ „ბაღდადელი ხალიფა“ (1800) — ფრანგი კომპოზიტორის ფრანსუა-ანდრე ბუალდის (1775—1834) კომიკური ოპერა.

² „ახალგაზრდა ანრის ნადირობა“ (1797) — ფრანგი კომპოზიტორის ეტიენ ნიკოლა მეპიულის (1763—1817) ოპერა.

³ „ჩინეთში მოგზაურობა“ (1865) — ფრანგი კომპოზიტორის ფრანსუა ბაზენის (1816—1878) ოპერა.

ლომდე ჩაარაკრავდა. არ მალავდა, რომ დამთავრება უხაროდა. თავის ად-
გისს მიაშურებდა. ქათინაურებს აყრიდნენ, ისიც იცინოდა და ამბობდა:

— ო, რა საძაგლად ვუკრავდი...

ოლივიე ასე დამყოლი არ გახლდათ. არ უყვარდა, სტუმრებს რომ წარუდ-
გენდნენ, ყველა რომ მისჩერებოდა. სტუმრებთან ლაპარაკიც კი წამებად ექ-
ცეოდა ხოლმე. დაუკრა, განსაკუთრებით მათთვის, ვისაც მუსიკა სულაც არ
უყვარს (ამას ის კარგად ხედავდა), თავსაც კი აბეზრებს და მხოლოდ იმისთვის
გაიძულებს დაუკრა, რომ ასეა მიღებული, ნამდვილი ტირანია იყო მისთვის.
ამაოდ ცდილობდა აჯანყებულიყო; ჯიუტად უარობდა და მიუხედავად იმისა,
რომ ობობების ეშინოდა, ზოგჯერ ბნელ ოთახში, დერეფანში ან სხვენზე იმა-
ლებოდა. მაგრამ, რაც უფრო მეტს ჯიუტობდა, მით უფრო მეტად ჩააცვიდე-
ბოდნენ ხოლმე. მშობლებიც უჭავრდებოდნენ, ზოგჯერ სილასაც უთავაზებდ-
ნენ. მეტი რა გზა ჰქონდა, უნდა დაეკრა. მერე მთელი ღამე იტანჯებოდა, რომ
ცუდად დაუკრა, რადგან მართლაც ძალიან უყვარდა მუსიკა.

ამ პატარა ქალაქის მუსიკალური გემოვნება მუდამ ასე მდარე როდი იყო.
მოხუცებს ისეთი დროც ახსოვდათ, როცა ორ-სამ ბურჟუაზიულ ოჯახში არცთუ
ურიგო კამერული კონცერტები იმართებოდა. ქალბატონი ქანენი¹ ხში-
რად იგონებდა თავის პაპას, რომელიც გატაცებით უკრავდა ვიოლონჩელზე და
გლიუკის, დალერაკის² და ბერტონის³ არიებს მღეროდა. ოჯახში ახლაც ინა-
ხებოდა სქელი სანოტო რვეული და იტალიური არიების მთელი დასტა. კეთილი
მოხუცი ზომ ბატონ ანდრიოს⁴ ჰკავდა, რომელზედაც ბერლიოზს უთქვამს: „ძა-
ლიან უყვარდა გლიუკი“, და მწარედ დაუმატებდა — „მას პიჩინი⁵ ძალიან
უყვარდა“. იქნებ პიჩინი უფრო უყვარდა? ყოველ შემთხვევაში, მოხუცის არ-
ქივში იტალიური არიები სჭარბობდა. ეს იყო პატარა ოლივიეს მუსიკალური
პური. არცთუ ისე ნოყიერი საკვები, იმ პროვინციული ტკბილეულისა არ იყოს,
ბავშვებს ძალით რომ აკუმევენ. იგი გემოვნებას უფუჭებს, კუჭს უზიანებს და
შეიძლება ნაყოფიერი საკვების ჭამის მადა საუდამოდაც დაუკარგოს. მაგრამ ეს
ოლივიეს მსუნაგობის ბრალი როდი იყო, უფრო მაწიერ საკვებს არავინ სთავა-
ზობდა. პური არ გააჩნდა და ნამცხვარს შეექცეოდა. ალბათ ბედისწერა იყო,
რომ ამ მისტიურ და მელანქოლიურ ბიჭუნას ჩიმაროზა⁶, პაეზილო⁷ და რო-
სინი⁸ ასაზრდოებდნენ. თავბრუ ესხმოდა, როცა რძის ნაცვლად Asti spuman-

1 ნიკოლა დალერაკი (1753—1809) ფრანგი კომპოზიტორი.

2 ანრი ბერტონი (1767—1844) ფრანგი კომპოზიტორი.

3 ფრანსუა ანდრიო (1759—1833) ფრანგი პოეტი.

4 ნიკოლო პიჩინი (1728—1800) იტალიელი კომპოზიტორი, რომელიც საფრანგეთში ცხოვ-
რობდა და გლიუკის მეტოქე იყო.

5 დომენიკო ჩიმაროზა (1749—1801) იტალიელი კომპოზიტორი.

6 ჟოვანი პაეზილო (1741 — 1816) იტალიელი კომპოზიტორი.

7 ჟოაკინო როსინი (1792—1868) ცნობილი იტალიელი კომპოზიტორი.

ტელ-ს ასმევედნენ მხიარული, უტიფარი მამა სილენები², გულუბრყვილო და ავ-
ხორცად მომღიმარე, ერთი ნეაპოლეელი, ხოლო მეორე კატანელი, ორი პატარა
თვალცრემლიანი ბაკხელი ქალი: პერგოლეზე³ და ბელინი⁴.

ბევრს უკრავდა. უკრავდა მარტო, საკუთარი სიამოვნებისთვის. მუსიკა
ძვალ-რბილში გასჯდომოდა. არ ცდილობდა გაეგო რას უკრავდა და ზედმეტი
ფიქრით თავს არ იტყებდა, უბრალოდ, ანგარიშშიუცემლად ტკბებოდა. აზრად
არავის მოსვლია მისთვის ჰარმონია ესწავლებინა. თავად მისი უცოდინარობა
სულაც არ აწუხებდა. მეცნიერებასა და სამეცნიერო აზრთან წილნაყარი, ყვე-
ლაფერი უცხო იყო მათი, და განსაკუთრებით დედის, ოჯახისათვის. ყველა ეს
კანონის მცოდნენი, მკვერმეტყველნი და ჰუმანისტები, უსუსურნი იყვნენ ნე-
ბისმიერი მეცნიერული პრობლემის პირისპირ... ფენომენურ კაცად მოიხსენი-
ებდნენ შორეულ ნათესავს, რომელიც გეოგრაფიული საზოგადოების წევრი
გამხდარიყო. იმასაც ამბობდნენ, ბოლოს გაგჩედაო. პროვინციულ ხანდაზმულ
ბურჟუაზიას, ვისაც ჯანსალი გონება აქვს, მაგრამ საკმლის ხანგრძლივ მონე-
ლებასა და ერთფეროვანი დღეების დაღამებას უნდება, იმდენად სწამს საკუთა-
რი კეთილგონიერება, რომ სჯერა, არ არსებობს პრობლემა, ის რომ ვერ გაუმ-
კლავდება. ეჩვენება, რომ მეცნიერები დიდად არ განსხვავდებიან ხელოვანთა-
გან — მართალია, მეტი სარგებლობა მოაქვთ, მაგრამ ნაკლებ განდიდებულნი
არიან; ხელოვანთაგან არაფერს მოელიან. თანაც ამ უქნარებს სინატიფე არ
აკლიათ, მაშინ, როცა მეცნიერები თითქმის შავ მუშებს ჰგვანან (რაც საკმაოდ
დამამცირებელია), ოღონდ, უფრო განსწავლულნი და ცოტა ჰკუანაღრძობნი
უნდა იყვნენ. ქაღალდს რომ ჰკითხო, ყველანი ჰკვიანები ბრძანდებიან, მაგ-
რამ, როგორც კი თავიანთ ციფრების ქარხანას გასცდებიან — არარაობად იქ-
ცევიან ხოლმე. ისინი ბევრ რამეს ვერ მიაღწევდნენ, გონიერი, ამავე დროს
ცხოვრებასა და საქმეში გამოცდილი ხალხი რომ არ ხელმძღვანელობდეს.

საუბედუროდ ჯერ არავის დაუმტკიცებია, რომ ცხოვრებასა და საქმეში
გამოცდილება ისეთივე ყოვლისშემძლეა, როგორც ამ კეთილგონიერ ხალხს
მიაჩნია. ეს უბრალო ჩვევაა, ისიც მხოლოდ ზოგიერთ, იოლ შემთხვევაში
გამოსადეგი. საკმარისია რაიმე მოულოდნელი მოხდეს, როცა საჭიროა სწრაფი,
გაბედული გადაწყვეტილების მიღება და ისინიც ფარ-ხმალს ყრიან.

ბანკირი ჟანენიცი ამ ჯურის ხალხს ეკუთვნოდა. თავიდანვე ყველაფერი ისე
კარგად იყო გათვალისწინებული, ყველაფერი ისე ზუსტად მეორედებოდა პრო-
ვინციული ცხოვრების რიტმში, რომ საქმეში სერიოზული წინააღმდეგობები
არასოდეს შეხვედრია. მამის საქმეს აგრძელებდა, თუმცა ამ ხელობას არცთუ

¹ მსუბუქი, შუმსუნა ღვინო.

² მამა სილენები — ბერძნული მითოლოგიის მიხედვით ბახუსის მეგზურები.

³ ჯოვანი პერგოლეზე (1710—1736) იტალიელი კომპოზიტორი.

⁴ ვინჩენცო ბელინი (1801—1835) იტალიელი კომპოზიტორი, წარმოშობით სიცილიიდან იყო.

განსაკუთრებულად ესწრაფვოდა. ყველაფერი თავისი გზით მიდიოდა და ეგონა, საკუთარი ნიჭიერების ნაყოფს იმკიდა. ხშირად ამბობდა, საცესებით საკმარისია პატიოსანი, ბეჯითი და კეთილგონიერი იყოსო კაცი. ფიქრობდა, წარმოება თვითონაც ვაჟიშვილისთვის გადაეცა და ისევე, როგორც მამამისი, შვილის გატაცებას ყურადღებას არ აქცევდა. შვილს მომავალი კარიერისთვის არ ამზადებდა. ბავშვები ნებაზე ჰყავდა მიშვებული, ოღონდ პატიოსანი, განსაკუთრებით კი ბედნიერი ყოფილიყვნენ. შვილებისთვის სულსაც არ იშურებდა. ამგვარად, ბავშვები ცხოვრებასთან საბრძოლველად სულ არ იყვნენ მომზადებული: სათბურში გაზრდილ ყვავილებს ჰგავდნენ. მუდამ ასე ხომ არ უნდა ეცხოვრათ, ამ მიყრუებულ პროვინციაში, მდიდარ, დაფასებულ ოჯახში, მეგობრებით გარშემორტყმული, მხიარული, გულთბილი და მოსიყვარულე მამის გვერდით, სადაც ცხოვრება ძალზე ადვილი და ლამაზი ჩანდა.

ანტუანეტას თექვსმეტი წელი შეუსრულდა. ოლივიეს მალე პირველი ზიარება უნდა მიეღო. ბიჭი მისტიური ოცნებების ტყვე იყო. ანტუანეტა დამატარობელი მომავლის იმედის ტყბილ ჰანგს უსმენდა, მაისის ბულბულივით რომ ატკბობს ნორჩ გულებს. ახარებდა იმის შეგრძნება, რომ იფურჩქნებოდა მისი სული და სხეული, იცოდა, ლამაზი იყო და ამას პირშიც ეუბნებოდნენ. მამის ქება და წინდაუხედავი სიტყვებიც კმაროდა, მისთვის თავბრუ რომ დაეხვია. ჟანენი აღტაცებული იყო თავისი ქალიშვილით. ართობდა მისი სიკეკლუცე, მიზნდილი მზერა სარკეში, უცოდველი და ახირებული ცელქობა. კალთაში ჩაისვამდა, აქეზებდა სასიყვარულო ამბებზე, მოპოვებულ გამარჯვებებსა და თაყვანისმცემლებზე ლაპარაკით, რომლებიც ვითომდა მის ხელს სთხოვდნენ. მერე ჩამოთვლიდა ხოლმე მათ, პატივცემულ ბურჟუებს, ერთიმეორეზე ხნიერებსა და შეუხედავთ. შეშინებული ანტუანეტა წამოიყვირებდა ხოლმე, თან იცინოდა. მამას კისერზე ჩამოეკიდებოდა, სახით ლოყაზე ეკვროდა. მამა ეკითხებოდა, ვინაა შენი ბედნიერი რჩეული — ბატონი რესპუბლიკის პროკურორი ხომ არა, ჩვენი მოხუცი ძიძა ჯოჯოხეთის მაშხალას რომ ეძახის? თუ გაბერილი ნოტარიუსიო? გოგონა ურტყამდა, ბაგეებზე ხელს აფარებდა, მამა რომ გაეჩუმებინა. ის კი ხელებს უკოცნიდა, კალთაში არწევდა და თან ცნობილ სიმღერას ღლინებდა:

ტურფავ, მითხარ გულახდილად,
გონჯი ქმარი ხომ არ გინდა?

სიცილით გაგულდული გოგონა ქილვაშებს ნიკაპის ქვეშ შეუკრავდა და მიუმღერებდა ხოლმე:

გონჯი რად უნდა მინდოდეს,
კალმით დახატული მინდა!

ანტუნენტას დიდი ხანია განზრახული ჰქონდა თვითონვე გადაეწყვიტა თავისი ბედი. იცოდა, რომ იყო, ან იქნებოდა ძალიან მდიდარი (მაშა სულ ამას ჩასჩინებდა) და, მაშასადამე, სასურველი სარძლო გახლდათ. ადგილობრივი წარჩინებული ოჯახები, რომლებსაც საცოლე ვაჟები ჰყავდათ, ელაქუცებოდნენ და თეთრი ძაფით შეეკერილ, პირმოთნეობისა და მზაკვრობის მსუბუქ ბადეს ისროდნენ, მშვენიერი ოქროს თევზი რომ დაეჭირათ. მაგრამ, სარისკო საქმეს სჩადიოდნენ: ეს თევზი მათთვის შესაძლოა აპრილის თევზად¹ ქცეულიყო, რადგან გამჭირაბ ანტუნენტას მათი ფანდები არ ეპარებოდა და ამით ერთობოდა კიდევ: დაე, ამაოდ ცდილიყვნენ თავისას, მისმა პატარა გონებამ უკვე გადაწყვიტა, ვისაც გაჰყვებოდა ცოლად.

ადგილობრივი არისტოკრატების (ჩვეულებრივ, ყველგანაა თითო ასეთი ოჯახი, თავიანთ თავს ადგილობრივი ძველი სენიორების შთამომავლებად რომ თვლიან, სინამდვილეში კი ეროვნული ქონების რომელიმე შემსყიდველის, მე-18 საუკუნის ინტენდანტის, ან ნაპოლეონის ჯარის მომმარაგებლის შთამომავლები არიან), ბონივეების ოჯახი ქალაქიდან ორი მილის მანძილზე თევზებიანი ტბორებით სავსე დაბურულ ტყეში ცხოვრობდა; ლაპლაპა ფიქალით გადახურული, წვერწამახულკოშკებიანი სიმაგრე ჰქონდათ. ისინი უკვე კარგა ხანია უანენებთან დამოყვრებას ესწრაფოდნენ. ახალგაზრდა ბონივე ანტუნენტას გულის მოგებას ცდილობდა. ლამაზი ბიჭი იყო, თავისი ასაკისათვის საკმაოდ ღონიერი და ჩასკვნილი. დილიდან საღამომდე ნადირობის, ჰამასმისა და ძილის მეტს არაფერს აკეთებდა. უყვარდა ცხენით ჯირითი, ცეკვა; საკმაოდ დახვეწილი მანერები ჰქონდა და არცთუ სხვაზე უჭკუო იყო. დროდადრო თავის ციხე-სიმაგრეს მიატოვებდა და ქალაქს ესტუმრებოდა ხოლმე. საქმეებს მოიმიზებებდა, მაღალყელიან ჩექმებს ჩაიცვამდა და ცხენით ან თავისი ჯაყჯაყა ეტლით ბანკირს ეწვეოდა. ზოგჯერ ერთ კალათა ნანადირევს, ან ქალებისთვის ვეება თაიგულს ჩამოიტანდა. ამ შემთხვევით სარგებლობდა და ქალიშვილს ეარშიყებოდა. დასეირნობდნენ ბაღში, ვაჟი ყმაწვილ ქალს ტლანქი ქათინაურებით ამკობდა, სასიამოვნოდ ხუმრობდა, ულვაშებს იგრეხდა და ტერასის ქვაფენილზე დეზებს აწკარუნებდა. ანტუნენტას იგი მომჩიბვლელად ეჩვენებოდა; ვაჟის ტრფიალი გულს ეფონებოდა და მის პატივმოყვარეობასაც მალამოდ ედებოდა. ბავშვური სიყვარულის ტკბილ წუთებს ეძლეოდა. ოლივიეს სძაგდა ეს წვრილი მემამულე, ღონიერი, ჩლუნგი და უხეში, ხმამაღლა რომ იცინოდა ხოლმე, ხელებს მუხრუჭებივით უჭერდა, მუდამ რაღაცნაირად ქედმალლურად ეძახდა „პატარაო“ და ლოყაზე ჩქმეტდა. ყველაზე მეტად ოლივიეს იმიტომ სძაგდა, — თუმცა ამ მიზეზს თავსაც არ უმხელდა, — რომ ამ უცხო კაცს მისი და უყვარდა... მისი და, რომელიც მას ეკუთვნოდა, მხოლოდ მას და სხვას არავის...

¹ საფრანგეთში პირველი აპრილის ხუმრობას poisson d'avril-ს (აპრილის თევზს) უწოდებენ.

ამასობაში კატასტროფა ახლოვდებოდა. აღრე თუ გვიან ერთი კატასტროფა მაინც წამოეწევა ხოლმე ძველ ბურჟუაზიულ ოჯახებს, საუკუნეების მანძილზე მიწის ერთ ნაკვეთში რომ გაუღდამთ ფესვები და ამ ნიადაგის მთელი წვენი რომ გამოუწოვიათ. ისინი მშვიდად თვლემენ, თავიანთი თავი ისევე უკვდავად მიაჩნიათ, როგორც ნიადაგი, რომელზედაც ფეხი მოუკიდებიათ. მაგრამ ეს ნიადაგი მკვდარია და ფესვებიც კარგა ხანია გახმა. წერაქვის ერთი დაკვრაც საკმარისია, ყველაფერი რომ ამოძირკვოს. მაშინ მოჰყვებიან ჩივილს ბედის უკუღმართობაზე, თავს დატეხილ უბედურებაზე. ხე უფრო გამძლე ჯიშის რომ ყოფილიყო, უბედურება არ მოხდებოდა, განსაცდელი ქარბუქივით ჩაივლიდა, მხოლოდ რამდენიმე ტოტს ჩამოგლეჯდა, ხის მოთხრას კი ვერ შეძლებდა.

ბანკირი ჟანენი სუსტი, მიმნდობი, ცოტა ამპარტავანი კაცი გახლდათ. ბაქიაობა უყვარდა და „ასეა“-ს და „მგონია“-ს სიამოვნებით ურევდა ერთმანეთში. უამრავ ფულს ფანტავდა, უმიზეზოდ ანიავებდა, მაგრამ სინდისის ქენჯნის დროს ამ დანახარჯს მემკვიდრეობით მიღებული ხელმოშპირნეობა აწონასწორებდა (შეეძლო კუბომეტრი შეშა დაეწვა, ასანთის ღერის მოშპირნეობა კი გაეწია); ყოველივე ეს მის ქონებას შესამჩნევ ზიანს ვერ აყენებდა. საქმეებში მაინცდამაინც ფრთხილი არ იყო. ფულის სასესხებლად მოსულ მეგობარს არასოდეს გააწბილებდა; მასთან დამეგობრება კი არცთუ ისე ძნელი გახლდათ. ხშირად ხელწერილის გამოსართმევდაც არ იწუხებდა თავს. გასესხებულ ფულს დაუდევრად აღრიცხავდა და თუ ვალი არ მოჰქონდათ, თავად არასოდეს მოსთხოვდა. ისევე სწამდა სხვათა პატიოსნება, როგორც სხვებს შეეძლოთ დარწმუნებული ყოფილიყვნენ მის კეთილსინდისიერებაში. სხვათა შორის, გაცილებით უფრო მორცხვი იყო, ვიდრე მისი უცერემონიო და თავისუფალი მანერები გაფიქრებინებდათ. არასოდეს არ უკადრებია გაეძევებინა თავხედი მთხოვნელი, ან ეჭვი გამოეთქვა, ვალს არ გადამიხდისო. მის ყოველ საქციელში სიკეთეც გამოსჭვიოდა და სიმბალეც. არ უნდოდა ვინმე გაენაწყენებინა, ერჩივნა მუდამ დაეთმო. სიამოვნებით იტყუებდა თავს — ჩემგან ფულის სესხება ჩემთვის სამსახურის გაწევას ნიშნავსო. მზად იყო კიდევაც დაეჭვრებინა თავისივე გამოწავონი. თავმოყვარეობა და ოპტიმიზმი ადვილად არწმუნებდა, რომ ყოველი საქმე, რასაც კი ხელს მოჰკიდებდა, მომგებიანი იყო.

ამგვარი საქციელით მოვალეების გულსაც ინადირებდა. გლეხებმა იცოდნენ, რომ ყოველთვის შეეძლოთ ჟანენისაგან ფულის სესხება და აღმერთებდნენ მას. ფულის სესხების შემთხვევას ხელიდან არ უშვებდნენ. მაგრამ ხალხის მადლიერება, კეთილი ხალხისაც კი, ისეთი ნაყოფია, დროულად რომ უნდა მოწყვიტო. თუ გადაამწიფებ, თვალსა და ხელს შუა შემოგალბება. რამდენიმე თვის შემდეგ ბატონ ჟანენის მოვალეებს ეგონათ, რომ მათთვის გაწეული სამსახური ჩვეულებრივი ამბავი იყო. იმასაც კი ფიქრობდნენ, რაკი ბატონი ჟანენი სიამოვნებით დაგვეხმარა, თავადაც დაინტერესებული ყოფილაო. უფრო

სინდისიერნი ბაზრობა დღეს ნანადირევ კურდღელს ან საკუთარი ქათმების დადებულ ერთ კალათა კვერცხს მიაართმევდნენ ბანკირს და დამშვიდებულნი იყვნენ, ვალი თუ არ გადავიხადეთ, მაღლიერების გრძნობა მინც გამოვხატეთ.

რადგან აქამდე საქმე მცირე თანხას ეხებოდა და ბატონ ჟანენსაც საკმაოდ პატიოსან ხალხთან ჰქონდა ურთიერთობა, ამას არავითარი უბედურება არ მოჰყოლია. დაკარგული თანხა, რომლის შესახებაც ბანკირს არასოდეს არავისთან კრინტიც არ დასცდენია, უმნიშვნელო იყო. მაგრამ საქმე სხვაგვარად დატრიალდა, როცა ერთ მშვენიერ დღეს ჟანენი ვიღაც თაღლითს გადაეყარა, დიდი სამრეწველო საქმის წამოწყებას რომ აპირებდა; მას ბანკირის სიკეთეზე ბევრი გაეგონა და მისი ფინანსური მდგომარეობის ასავალ-დასავალიც გაეგო. ეს შთამბეჭდავი გარეგნობის კაცი, მკერდს საპატიო ლეგიონის ორდენი რომ უმშვენებდა, თავს ორი თუ სამი მინისტრის, არქიეპისკოპოსის, მრავალი სენატორის, ლიტერატურული და საფინანსო სამყაროს ვარსკვლავების და ერთი ყოვლისშემძლე გაზეთის მეგობრად ასაღებდა. კარგად აეთვისებინა ავტორიტეტულ და თან შინაურ კილოზე საუბარი და ბანკირიც ამ ანკესზე ადვილად წამოეგო. რეკომენდაციის სახით, რაც ბატონ ჟანენზე უფრო გამჭრიახ კაცს თვალს აუხელდა, უტიფრად წარუდგინა სახელმძღვანელო ნაცნობებისაგან მიღებული ბანალური ქათინაურებით სავსე წერილები, რომლებშიც მაღლობას უზღიდნენ სადილად მიპატიყებისათვის, ანდა თავისთან იწვევდნენ. ცნობილია, რომ ფრანგებმა ამგვარ საქმეებში ძუნწობა არ იციან და არც ერთი საათის წინ გაცნობილი ხალხისათვის ხელის ჩამორთმევასა და მათთან სადილობას თაკილობენ. საეკარისია სტუმარი ართობდეთ და მათგან არაფერს მოითხოვდეს; თუმცა ბევრი ფრანგი ფულსაც არ დაუჭერს ახალგაცნობილ ადამიანს, თუკი ოდესმე სხვებიც ასე მოქცეულან. და ჰკვიან კაცსაც, ვინც ცდილობს მოყვას ზედმეტი ფული გამოსცინცლოს და მით ტვირთი შეუმსუბუქოს, ისე როგორ გაუწყრება ღმერთი, რომ ბოლოს მინც არ იპოვოს ისეთი ბატკანი, სხვებზე უწინ რომ ისკუპებს, რათა დანარჩენებიც აიყოლიოს. ჟანენამდე ასეთი ცხვარი სულაც რომ არ არსებულებოდა, პირველი თვითონ იქნებოდა. მას ჩინებული მატყლი ემოსა და ამნაირ ძვირფას ცხვარს გაკრეჭა არ ასცდებოდა. ჟანენი აცდუნა კარგმა ნაცნობობამ, ყბედობამ, სტუმრის ტრაბახმა და მისი რჩევის პირველმა კარგმა შედეგებმა. თავდაპირველად მცირე თანხა გარისკა და მოიგო. მერე უფრო დიდი თანხა გადადო, და ბოლოს მთელი ქონება გასწირა — არამართო საკუთარი, კლიენტების ფულიც კი. კლიენტები არ გაუფრთხილებია, დარწმუნებული იყო, მოიგებდა და უნდოდა გაწეული სამსახურით გაეოცებინა ისინი.

მაგრამ წამოწყება ჩაიფუშა. ამის შესახებ ერთი პარიზელი კორესპონდენტისაგან შეიტყო. იმან სხვათა შორის ჩამოუგდო სიტყვა კრახზე, ისე, რომ აზრადაც არ მოსვლია, თუ ჟანენიც ამ კრახის ერთერთი მსხვერპლი იქნებოდა.

ბანკირს სიტყვაც არავისთან დასცდენია. შეუფერებელი ქარაფშუტობა და დაუდევრობა გამოიჩინა — არ ისურვა რჩევა ეკითხა იმათთვის, ვისაც სწორი ცნობების მიცემა შეეძლო. ყველაფერი საიდუმლოდ მოიმოქმედა. საკუთარ კეთილგონიერებაში ღრმად დაჭერებული, ზერელე ცნობებით დაკმაყოფილდა. ასეთი შემთხვევებიც გვხვდება ცხოვრებაში: შეიძლება ითქვას, ზოგჯერ და-ღუპვა გარდაუვალა. თითქოს გეშინია ვინმე არ მოგეშველოს, გაურბინარ ყოველგვარ რჩევას, რომელსაც შეუძლია გადაგარჩინოს. იმალები, აღგზნებული გულმოდგინებით იჩქარი შენს გემოზე ჩაიძირო.

ბ-ნი ჟანენი საღვთისკენ გაექანა და სევდით გულმოკლული პარიზისკენ მიმავალ მატარებელს გაჰყვა. ნაცნობის საქებნელად მიდიოდა. ჯერ კიდევ არ კარგავდა იმედს, რომ ხმები ყალბი, უკიდურეს შემთხვევაში, გაზვიადებული აღმოჩნდებოდა. ნაცნობს ვერ მიაკვლია, სამაგიეროდ დარწმუნდა, რომ პირ-წმინდად გაკოტრებულიყო. შინ სასოწარკვეთილი დაბრუნდა, ხმას არ იღებდა. ჯერ კიდევ არავინ ეპკობდა. შეეცადა რამდენიმე კვირა, თუნდაც რამდენიმე დღე მოეგო. ბუნებით იმედიანს სურდა დაეჭვებინა, რომ საკუთარი თუ არა, კლიენტების დანაკარგის ანაზღაურების საშუალებას მაინც გამოიხატავდა. შეეცადა რაიმე გამოსავალი მოენახა. ჩქარობდა, უთავბოლოდ ფართიფურთობდა, რამაც წარმატების ყოველგვარი შესაძლებლობა მოუსპო. ყველამ უარი უთხრა ფულის სესხებაზე. გაბედულმა სპექულაციამ, რომელშიაც თავგზააბნეულმა გადარჩენილი თანხა დააბანდა, საბოლოოდ და-ღუპა იგი. ამ დღიდან მკვეთრად შეეცვალა ხასიათი. არაფერს ამბობდა, ადვილად ღიზიანდებოდა, შფოთავდა, მკაცრი და მეტისმეტად ნაღვლიანი გახდა, უცხო ხალხთან კიდევ ცდილობდა თავი მხიარულად მოეჩვენებინა, მაგრამ მისი მღელვარება არავის ეპარებოდა. ამას მის ავადმყოფობას მიაწერდნენ. შინაურებში თავს ვერ იოკებდა; მათაც მაშინვე შეატყვევს, რომ რაღაც დიდ ამბავს მალავდა. საოცრად შეიცვალა. ზოგჯერ ოთახში შემოიჭრებოდა, უჯრებს ამო-ქეჩავდა, ქაღალდებს იატაკზე დაყრიდა და თუ რაიმეს ვერ იპოვიდა, საშინლად გაშმაგდებოდა. ისიც აღიზიანებდა, შინაურები მიხმარებას რომ შეეცდებოდნენ ხოლმე. მერე დაბნეული იდგა ამ არეულობაში. თუ ჰკითხავდნენ, რას ეძებო, ზვირიანად პასუხსაც არ გასცემდა. შინაურების ამბავი არ აინტერესებდა, ანდა ზოგჯერ თვალცრემლიანი ეხვეოდა ხოლმე ცოლ-შვილს. ძილი გაუტყდა, აღარც ჭამდა და აღარც სვამდა.

ქ-ნი ჟანენი აშკარად ხედავდა, კატასტროფა გარდუვალა იყო. მაგრამ ქმრის საქმეებში არასოდეს არავითარი მონაწილეობა არ მიუღია და არც არაფერი გაეგებოდა მათი. მაინც შეეკითხა ქმარს, რა მოხდაო. ქმარმა უხეშად მოიცილა. ქალმა იწყინა და აღარც ჩასციებია. შიშით კანკალებდა და თავდაც კარგად ვერ გაეგო — რად.

ბავშვებს არ შეიძლებოდა საფრთხეზე რაიმე ეპვი ჰქონოდათ. ანტუანეტა თუმცა ძალზედ ჰკვიანი იყო, იმდენად ჰკვიანი, რომ ღედასავით გრძნობდა

უბედურებას, მაგრამ მთელის არსებით მისცემოდა ახლადგადვილებული სიყვარულის გრძობას და არ უნდოდა სევდიან ამბებზე ეფიქრა. თავს ირწმუნებდა, ღრუბლები თავისთავად განიბნევიანო, ანდა, ჯერ კიდევ დიდი დროა მათ მოახლოებამდეთ.

პატარა ოლივიე ყველაზე უკეთ გრძობდა, რა ხდებოდა ბანკირის სულში. გრძობდა, რომ მამა იტანჯებოდა და იღუპილად თანაუგრძობდა მშობელს. მაგრამ ვერაფრის თქმას კი ვერ ბედავდა. არაფერი შეეძლო, არაფერი იცოდა. ცდილობდა განედევნა სევდიანი აზრი, რომლის არსიც არ ესმოდა; დედასა და დასავით ცრუმორწმუნე, ფიქრობდა, შესაძლოა უბედურებამ გვერდი აგვიაროსო. საბრალო ადამიანები, უბედურება რომ დაემუქრება, სირაქლემას ემსგავსებიან ხოლმე: თავს ქვას ამოაფარებენ და ჰგონიან, უბედურებას ემალებიან.

საეკვო ხმები დაირხა. ამობდნენ, ბანკი სანდო აღარააო. ბანკირი ამაოდ ცდილობდა კლიენტებისთვის თავი ისე მოეჩვენებინა, თითქოს არაფერი მომხდარა. ზოგმა ჰკვიანმა კლიენტმა ანაბრის დაბრუნება მოითხოვა. ჟანენმა იგრძნო, რომ საქმე წაუხდა. სასოწარკვეთილი იცავდა თავს: ხან გულს მოიყვანდა, ხან ქედმაღლობდა, ხან კი შწარედ ჩიოდა, აღარ მენდობიანო. საქმე იქამდეც კი მივიდა, რომ ძველ კლიენტებს საშინელი სკანდალი მოუწყო, რამაც საბოლოოდ დასცა იგი ხალხის თვალში. ნიაღვარივით მოაწყდა განცხადებები, ფულის გატანას მოითხოვდნენ; დევნილ კაცს საბოლოოდ აებნა თავგზა და მეზობელ აგარაკზე გაემგზავრა, უკანასკნელ საბანკო ქალაქებზე რომ ეთამაშა; თხუთმეტ წუთში ყველაფერი წააგო და უკან დაბრუნდა.

მისმა უეცარმა გამგზავრებამ საბოლოოდ შეაშფოთა პატარა ქალაქი; ყველას პირზე ეკერა — ბანკირი გაიქცაო. ქალბატონ ჟანენს ძალიან გაუჭირდა გამკლავებოდა ხალხის გაშმაგებულ მღელვარებას: ვედრებოდა, მოთმინება მოიკრიბეთ, ჩემი ქმარი მალე დაბრუნდებაო, ეფიცებოდა; არ უჯერებდნენ, თუმცა გულით ეწადათ, ქალი მართალი ყოფილიყო. ბანკირის დაბრუნება რომ გაიგეს, ყველამ შეებით ამოისუნთქა; ბევრმა ისიც კი გაიფიქრა, ამაოდ შევიწუხე თავიო. ჟანენები საკმაოდ ეშმაკები არიან და მუდამ შეძლებენ თავი დააღწიონ სამძიმო მდგომარეობას, თუკი ასეთი მდგომარეობა შეიქმნებაო. ბანკირის ქცევა ამ აზრს ადასტურებდა. ახლა, როცა იცოდა, რა გზა დარჩენოდა, დადლილობა ეტყობოდა, მაგრამ მეტად მშვიდად გამოიყურებოდა. მატარებლიდან რომ ჩამოვიდა, სადგურის გამზირზე რამდენიმე მეგობარს მშვიდად გაესაუბრა. ილაპარაკეს ნათესებზე, რამდენიმე კვირაა წვიმის წვეთი არ ჩამოვარდნილაო, ვენახს წელს კარგი პირი უჩანსო; მერე სამინისტროს გადადგომა მოიხსენიეს, სადამოს გაზეთები რომ იუწყებოდნენ.

შინ დაბრუნებულმა თავი ისე დაიჭირა, თითქოს ცოლის აღელვებას ვერ

ამჩნევდა. ცოლმა კი მაშინვე მიიბრინა მასთან, დაწვრილებით და არეულად უაპბო, რაც მის არყოფნაში მოხდა. ქალი ცდილობდა ქმრის სახეზე ამოეკითხა, შეძლო თუ არა კაცმა მისთვის უცნობი საფრთხის თავიდან აცილება. სიამაყის გამო არაფერი უკითხავს: ელოდა თავად როდის გადაუშლიდა გულს. მაგრამ ჟანენს სიტყვაც არ დაუძრავს იმაზე, რაც ორივეს ტანჯავდა. უხმოდ უარპყო ცოლის სურვილი მინდობოდა და გულახდილი საუბარი წამოეწყო. მხოლოდ ისა თქვა, საშინლად დამცხა, თავი მტკივა, გზაშიაც გავილახე და ჩვეულებრივ შემოუსხდნენ სუფრას.

დალღილი, ფიქრებში ჩაფლული, შუბლშეკმუხენილი ბანკირი ცოტას ლაპარაკობდა, მაგიდაზე თითებს ათამაშებდა; ცდილობდა ექამა, იცოდა აკვირდებოდნენ და უაზრო თვალებით შესცქეროდა ღუმილით შეწუხებულ ბავშვებსა და თავმოყვარეობაშელახულ, დაძაბულ ცოლს, თავაუღებლად თვალყურს რომ ადევნებდა ქმრის ყოველ მოძრაობას. სადილის ბოლოს თითქოს გამოცოცხლდა. შეეცადა, ანტუანეტასა და ოლივიეს გამოლაპარაკებოდა. ჰკითხა, რას აკეთებდით ჩემს არყოფნაშიო, მაგრამ პასუხი არ გაუგონია; მხოლოდ ბავშვების ხმები უწიოდა ყურში. თუმცა თვალებით მიშტერებოდა, მისი მზერა სხვაგან იყო. ოლივიემ იგრძნო ეს: შუა სიტყვაზე შეჩერდა, აღარ სურდა გაგრძელება. ანტუანეტაც წუთით შეკრთა, მაგრამ მხიარულმა ბუნებამ თავისი გაიტანა. კაჭკაჭივით ქაქანებდა, ხელში მამის ხელი ეჭრა, რამდენჯერმე მკლავზე მოქაჩა, მისი ყურადღება რომ მიეპყრო. ბ-ნი ჟანენი ღუმიდა. ხან ანტუანეტას გახედავდა, ხან ოლივიეს და შუბლი უფრო და უფრო ეკმუხნებოდა. გოგონა შუა თხრობაში რომ იყო, ბანკირმა მეტს ვეღარ გაუძლო, სუფრიდან წამოდგა და მღელვარების დასაფარავად ფანჯარას მიაშურა. ბავშვებმა ხელსაწმენდები დაკეცეს და წამოდგნენ. ქალბატონმა ჟანენმა ისინი ბაღში გაისტუმრა სათამაშოდ. მალე მოისმა, როგორ დასდევდნენ ერთმანეთს ხეივანში და გამყივანად გაჰკიოდნენ. ქალბატონი ზურგით მდგარ ქმარს შესცქეროდა: მერე მაგიდას შემოუარა, ვითომ რაღაცას ალაგებდა. მოსამსახურეებს რომ არ გაეგონათ, მიუახლოვდა და შიშისა და მღელვარებისგან დაგუდული ხმით უთხრა:

— ბოლოს და ბოლოს, რა დაგემართა, ანტუან? რაღაცას მიმალავ... შეგემთხვა რაიმე?... ნამდვილად რაღაცას მიმალავ... რაიმე უბედურება ხომ არ გვეწია... ავად ხომ არა ხარ?

ბ-ნმა ჟანენმა ერთხელ კიდევ მოუთმენლად აიჩჩა მხრები და უხეშად მიუგო:

— არა! ხომ გოთხარი, არა-მეთქი, თავი დამანებე!

შეურაცხყოფილი ქალი მოშორდა. ბრაზით აღსილი საკუთარ თავს უმტკიცებდა, რაც უნდა შეემთხვეს, თავს აღარ შევიწუხებო.

ბატონი ჟანენი ბაღში ჩავიდა. ანტუანეტა კვლავ ხუმრობდა, ძმას არბენინებდა, არ ასვენებდა ბიჭს. უცებ ოლივიემ განაცხადა, თამაში აღარ მინ-

ლაო. მამისაგან რამდენიმე ნაბიჯზე ტერასის კედელს აეკრა. ანტუანეტამ სცა-
და ისევ გამოეწვია სათამაშოდ, მაგრამ გაბრაზებულმა ძმამ ხელი ჰკრა; დამ
მკვანზე სიტყვები მიახალა და რაჟი აქ გასართობი აღარაფერი დარჩენოდა, შინ
დაბრუნდა და პიანინოს მიუჯდა.

ბატონი ჟანენი და ოლივიე მარტონი დარჩნენ.

— რა მოგივიდა, ჩემო პატარავ, რატომ აღარ გინდა თამაში? — ალერ-
სით ჰკითხა მამამ.

— დავიღალე, მამიკო.

— კარგი. აბა, მაშ ავერ იმ მერხზე ჩამოვსხდეთ.

ჩამოსხდნენ. სექტემბრის მშვენიერი ღამე იდგა. უღრუბლო ცა ჩამუქე-
ბულიყო. პეტუნიას მოტკბო სუნი ტერასის კედლის ძირას მთვლენმარე არხის
აშმორებულ სუნში ირეოდა. ღამის პეპლები, დიდი, ქერა სფინქსები ყვავი-
ლებს თავს დასტრიალებდნენ, ფრთებს აფართხუნებდნენ, პატარა ჯარასავით
ზუზუნებდნენ. არხს გაღმა, სიჩუმეში, საკუთარ კარწინ ჩამომსხდარი მეზობ-
ლების მშვიდი ბაასი ისმოდა. სახლში ანტუანეტა იტალიურ კავატიენებს უკრავ-
და ფიორტიტურებით. ბატონ ჟანენს ოლივიეს ხელი ეჭირა; თამბაქოს აბოლებ-
და. წყვილი სახის ნაკვთებს თანდათანობით უფარავდა. მისი ჩიბუხის ცეცხლი
ხან გაკრთებოდა, ხოლმე, ხან ბუჟუტავდა. დუმდნენ. ოლივიემ რამდენიმე ვარ-
სკვლავის სახელი ჰკითხა. ბატონმა ჟანენმა, როგორც ყველა სოფელმა ბურ-
ჟუამ, ბუნების მოვლენებისა მაინცდამაინც ბევრი არაფერი იცოდა, მხოლოდ
რამდენიმე დიდ თანავარსკვლავედს ცნობდა, ყველა რომ ცნობს კარგად. მაგ-
რამ თავი ისე მოაჩვენა, თითქოს ეგონა, სწორედ ამ ვარსკვლავებზე მეკითხე-
ბიანო და ისინი ჩამოუთვალა. ოლივიე აღარ შეჰკამათებია. მუდამ სიამოვნებდა,
მოესმინა და ჩურჩულით გაემეორებინა ვარსკვლავთა მშვენიერი, ჯადოსნური
სახელები. თანაც, მამასთან სულიერი სიახლოვე უფრო ეწადა, ვიდრე რაიმეს
გაგება. კვლავ დუმილი ჩამოვარდა. ოლივიეს თავი მერხის ზურგზე ჩამოედო
და პირდაღებული შესცქეროდა ვარსკვლავებს. მთლად გათოშლილყო. მამის ხე-
ლის სითბო მის სხეულშიც გადადიოდა. უცებ მამას ხელი აუჟანკალდა, ოლი-
ვიეს ეუცნაურა ეს და ძილნარევი, მაგრამ მხიარული ხმით წამოიძახა:

— ო, მამა, როგორ გიკანკალებს ხელი!

ბატონმა ჟანენმა ხელი გასწია.

ცოტა ხნის შემდეგ ოლივიემ, რომლის პატარა გონებასაც ფიქრი არ ას-
ვენებდა, ჰკითხა:

— განა შენც დაიღალე, მამა?

— ჰო, ჩემო პატარავ.

ბავშვმა ალერსით განაგრძო:

— ასე არ უნდა გადაიღალო ხოლმე, მამიკო.

ბატონმა ჟანენმა ოლივიეს თავი მკერდში ჩაიკრა და წასჩურჩულა:

— ჩემო საბრალო პაწიაე!

მაგრამ ოლივიე უკვე სხვა რამეზე ფიქრობდა. კოშკის საათმა რვა ჩამოჰყარა. ბიჭმა თავი გაითავისუფლა და — წავალ, წავიკითხავო — თქვა.

ხუთშაბათობით, ნავახშმევს, ოლივიეს ნებას აძლევდნენ დაწოლამდე ერთი საათი ეკითხა: ეს უდიდესი ბედნიერება იყო. ამ ერთი საათიდან ერთ წუთსაც ქვეყნად ვერავინ დაათმობინებდა.

ბატონმა ჟანენმა შვილი გაუშვა, თვითონ ცოტა ხანს კიდევ სცემდა ბოლთას ჩაბნელებულ ტერასაზე; მერე სახლში შევიდა.

დედა-შვილები ოთახში ლამპას შემოსხდომოდნენ. ანტუანეტა კორსაჟზე ბაფთას იკერებდა, თან განუწყვეტლივ ლაპარაკობდა ან ლიღინებდა, ეს კი მის ძმას აბრაზებდა. წარბშექმუხვნილ ოლივიეს იდაყვები მაგიდაზე ჩამოეწყო, ყურები თითებით დაეცო, რომ არაფერი გაეგონა, და წიგნს ჩაჰკირკიტებდა. ქალბატონი ჟანენი წინდებს კემსავდა და მოხუც ძიძას ესაუბრებოდა, რომელიც გვერდით ედგა და დღის დანახარჯთა ანგარიშს აბარებდა, თანაც შემთხვევით სარგებლობდა და ყბედობდა. ამ ქალს სასაცილო ამბები არ ელეოდა, შეუდარებელი ჟარგონით ჰყვებოდა და ყველას სიცილით კლავდა. ანტუანეტაც ცილიობდა მისთვის მიებაძა. ბატონი ჟანენი მდუმარედ შესცქეროდა ყველას. მისთვის ყურადღება არავის მიუქცევია. წუთით გაუბედავად შეჩერდა, მერე ჩამოჯდა, წიგნი აიღო, სადაც მოხვდა, იქ გადაშალა, კვლავ დახურა, წამოღვა. ეტყობოდა, ერთ ადგილას ვერ ჩერდებოდა. სანთელი აანთო და საღამო მშვიდობისაო, თქვა. ბავშვებს მიუახლოვდა, მხურვალედ გადაკოცნა. მათაც აკოცეს მამას, თუმცა არც კი შეუხედავთ მისთვის — ანტუანეტა ხელსაქმით იყო გართული, ოლივიე კი — წიგნის კითხვით. ბიჭს ყურებიდან თითები არ გამოუღია, გაჯავრებულმა წაიბურტყუნა — საღამო მშვიდობისაო და კითხვა განაგრძო: როცა კითხულობდა, სხვას ცეცხლიც რომ წაჰკიდებოდა, თავს არ შეიწუხებდა. ბატონი ჟანენი ოთახიდან გავიდა, ცოტა ხანს მეზობელ ოთახში შეყოვნდა. მალე ცოლიც შეჰყვა ლოგინის გასაშლელად — ძიძა უკვე წასულიყო. ქალბატონმა ჟანენმა ისეთი სახე მიიღო, თითქოს ქმარს ვერ ამჩნევსო. კაცი ცოტა ხანს ყოყმანობდა, მერე მიუახლოვდა და უთხრა:

— მაპატიე, წელან ცოტა უხეშად გელაპარაკე.

ცოლს სურდა ეთქვა: ჩემო საბრალოვ, არა მწყინს, მაგრამ გამაგებინე რა მოგივიდა, მითხარი, ასე რა გტანჯავსო!

მაგრამ ქალმა, იმით ბედნიერმა, რომ სამაგიეროს გადახდის საშუალება მიეცა, მიუგო:

— დამეხსენი! აუტანლად უხეში გახდი. წინათ მოსამსახურესაც არ მოეპყრობოდი ჩემსავით.

საყვედურები არ დააკლო, სეტყვასავით მიაყარა მკვახე-მკვახე და ღვარძლიანი სიტყვები.

ჟანენმა ხელი ჩაიქნია, მწარედ გაიღიმა და გავიდა.

გასროლის ხმა არავის გაუგონია. მეორე დღეს, მომხდარი ამბავი რომ შეიტყვეს, მეზობლებს გაახსენდათ, რომ შუალამისას ჩაწყნარებულ ქუჩას რალაც ხმაურმა გადაუარა, თითქოს მათრახმა გაიტკაცუნაო. ყურადღება არავის მიუქცევია. ქალაქში კვლავ ღამის სიმშვიდე ჩამოწვა და ცოცხლებიც და მკვდრებიც თავის მძიმე სამოსში გაახვია.

ქალბატონ ქანენს ეძინა. მან ერთი თუ ორი საათის შემდეგ გაიღვიძა. ქმარი გვერდით რომ ვერ ნახა, შეწუხებული წამოდგა, ოთახები შემოიბრინა, ქვედა სართულში ჩავიდა, სახლის მოსაზღვრე შენობაში, ბანკის კანტორაში შეიხედა და იქ, კაბინეტში, იპოვა იგი; საეარძელში იჯდა, საწერ მაგიდაზე გადამხობილი, საკუთარი სისხლის გუბეში ცურავდა. სისხლი ჭერ კიდეც წვეთავდა იატაკზე. ქალმა ცივი ხმით შეჰკივლა, სანთელი ხელიდან გაუვარდა და გრძობა დაკარგა. სახლში მისი კივილი გაიგონეს. მოსამსახურეებმა მოირბინეს, წამოაყენეს, ცდილობდნენ, გრძობაზე მოეყვანათ. ბატონი ქანენის გვამი საწოლზე გადაიტანეს. ბავშვების ოთახი დაკეტილი იყო. ანტუანეტას ტკბილად ეძინა. ოლივიეს ლაპარაკი და ნაბიჯების ხმა შემოესმა. უნდოდა გაეგო რა მოხდა, მაგრამ შეეშინდა, და არ გავაღვიძო, და კვლავ ძილს მისცა თავი.

მეორე დღით ბატონ ქანენის თვითმკვლევლობის ამბავი მთელ ქალაქს მოედო. ბავშვებმა ჭერ არაფერი იცოდნენ. თვალტრემლიანმა მოხუცმა ძიძამ გაუმხილა მათ ეს ამბავი. ქალბატონ ქანენს არაფერზე არ შეეძლო ფიქრი. თავს ძალზე ცუდად გრძობდა. ბავშვები მარტონი დარჩნენ სიკვდილის პირისპირ. თავდაპირველად შიში უფრო ტანჯავდათ, ვიდრე დარდი, თან იმის დროც კი არ ჰქონდათ, მშვიდად ეტირათ. მკაცრი იურიდიული ფორმლობანი დილიდანვე დაიწყო. ანტუანეტა ოთახში ჩაეკტილიყო და ახალგაზრდული ეგოიზმის მთელი ძალა ერთადერთი აზრისკენ მიემართა, — აზრისკენ, რომელიც გამანადგურებელი შიშის დაძლევაში დაეხმარებოდა. გოგონა თავის მეგობარზე ფიქრობდა. ყოველ წუთს ელოდა. უკანასკნელი შეხვედრისას ვაჟი ისე ტკბილად ექცეოდა, როგორც არასდროს; ეშვიც არ ეპარებოდა, ბიჭი მოირბენდა, მწუხარებაში თანაუგრძობდა. მაგრამ არავინ მოსულა. სიტყვაც არავის დაუძრავს. სიმპათიის არავითარი ნიშანწყალი არ გამოუმჟღავნებიათ. პირიქით, როგორც კი თვითმკვლევლობა გახმაურდა, ხალხი, ვინც ფული ბანკირს ანდო, ქანენებისკენ გამოეშურა, კარებს მოაწყდა და ქალბატონ ქანენსა და ბავშვებს შეუბრალებლად მკაცრი, საშინელი სცენები გაუმართა.

ყველა უბედურება ერთად დაატყდათ თავს: ძვირფასი არსება, მთელი ქონება, მდგომარეობა, საზოგადოების პატივისცემა ერთბაშად დაკარგეს. მეგობრებმა ზურგი შეაქციეს; ყველაფერი გაქრა, არა გადარჩა რა, რითაც ადრე ცოცხლობდნენ. სამივენი ძალზედ წმინდა იყვნენ მორალურად, შერცხვენილები ძლიერ იტანჯებოდნენ და ბრალი კი არ მიუძღოდათ. დარდს ყველაზე მეტად ანტუანეტასთვის დაერია ხელი, რადგან აქამდე არ იცოდა, რა იყო დარდი, ქალბატონი ქანენი და ოლივიე, მართალია, უბედურებას გაენადგურე-

ბინა, მაგრამ მწუხარება უცხო არ იყო მათთვის. ბუნებით პესიმისტები, ისინი უფრო შეურევებულნი იყვნენ, ვიდრე გაოცებულნი. სიკვდილზე ფიქრი მათთვის მუდამ თავშესაფარს წარმოადგენდა, და ახლა, კიდევ უფრო მეტად, ვიდრე ოდესმე, სიკვდილს ნატრობდნენ. ეს ნატვრა სიკვდილისა სავალალო ბედის მორჩილება გახლდათ, მაგრამ ისე საშიში როდი იყო, როგორც ახალგაზრდა, მიმნდობი, ბედნიერი და სიცოცხლის მოყვარული არსების აღშფოთება, რომელსაც გამოუვალი მწუხარება ან სიკვდილი მოულოდნელად ჩიხში მიიმწყვდევს და ენით გამოუთქმელ ძრწოლას ჰგვრის...

ანტუანეტამ ერთბაშად იხილა ამ ქვეყნის მთელი სისაძაგლე. თვალი აეხილა; ცხოვრება დაინახა; განსაჯა მამა, დედა, ძმა. ოლივიე და ქალბატონი ჟანენი ერთად ტიროდნენ, ანტუანეტა კი საკუთარ მწუხარებაში ჩაფლულიყო. მისი პატარა, სასოწარკვეთილი გონება წარსულზე, აწმყოსა და მომავალზე ფიქრობდა. დაინახა, რომ აღარაფერი დარჩენოდა, არავითარი იმედი, არავითარი დასაყრდენი, აღარავისი სწამდა.

დასაფლავებამ პირქუშად, თითქმის სამარცხვინოდ ჩაიარა. ეკლესიამ უარი განაცხადა თვითმკვლელის გვამის გაბატოსებაზე. ძველი მეგობრების სიმხდალის წყალობით ქვრივი და თბლები მარტონი დარჩნენ; ორმა თუ სამმა კაცმა წუთით შემოიბრინა, მაგრამ მათი შეწუხებული იერი კიდევ უფრო მტანჯველი იყო, ვიდრე სხვათა მოუსვლელობა; თითქოს მოსვლით მოწყალება გაიღეს; მათი ღუმილი საყვედურებითა და ზიზღნარევი სიბრალულით იყო სავსე. ნათესავები კიდევ უფრო უარესად მოიქცნენ: თანაგრძნობის ნაცვლად მწარედ საყვედურობდნენ. ბანკირს თვითმკვლელობამაც ვერ უშველა, ცოდვები არ აპატიეს. ეს საქციელიც ისეთსავე დანაშაულად ჩაუთვალეს, როგორც გაკოტრება. ბურჟუაზია თვითმკვლელებს არაფერს პატიობს. აზრი, რომ პატივყარი სიცოცხლეს შეიძლება სიკვდილი გერჩიოს, საზარლად ეჩვენება. იგი მთელი ძალით, სიამოვნებით მოუხმობს კანონს იმათ წინააღმდეგ, ვინც იტყვის:

— ყველაზე დიდი უბედურება თქვენთან ცხოვრებაა.

ყველაზე მხდალები ყველაზე მეტად ისწრაფვოდნენ სიმხდალეში ჩამოერთმიათ ეს საქციელი. თუ თვითმკვლელი, ცხოვრებას რომ ეთხოვება, შეურაცხყოფს მათ ინტერესებს, ისინი შმაგდებიან; წუთითაც არ დაფიქრებულან იმაზე, ალბათ როგორ დაიტანჯა საწყალი ჟანენი, ამ გადაწყვეტილებამდე რომ მისულიყო, უნდოდათ, ათასჯერ უფრო მკაცრად დაეტანჯათ, და რადგან ხელიდან დაუსხლტათ, განკიცხვა ჟანენის ახლობლებს დაუწყეს. ამას საკუთარ თავსაც ვერ უმხელდნენ, რადგან მშვენივრად იცოდნენ, რომ უსამართლობას სჩადიოდნენ; მაგრამ მაინც ასე იქცეოდნენ, ვინაიდან მსხვერპლი სჭირდებოდათ.

ქალბატონმა ჟანენმა, რომელსაც თითქოს კენესის ჭეტი აღარაფერი შეეძლო, როცა ქმარი აუგად უხსენეს, მთელი ენერგია მოიკრიბა. ახალა იგრძნო, როგორ ჰყვარებია მეუღლე. და ეს სამი არსება, რომლებსაც ოდნავი წარ-

მოდგენაც არ ჰქონდათ იმაზე, რა ბედი ეწეოდათ ხვალ, უყოყმანოდ შეთანხმდა უარი ეთქვათ დედისეულ მზითევზე და მთელ პირად ქონებაზე, რათა შეძლებოდათ მამის ვალები დაეფარათ. ქალაქში აღარ დაედგომებოდათ და გადაწყვიტეს პარიზს გამგზავრებულიყვნენ.

ეს გამგზავრება გაქცევას ჰგავდა.

წინა საღამოს (სექტემბრის დამლევის სევდიანი საღამო იდგა, მინდვრები თეთრ ნისლში გახვეულიყვნენ, გზის ორივე მხარეს ნისლიდან გამოჩრილი სველი და მთრთოლვარე ბუჩქები აკვარიუმის მცენარეებს ჰგავდნენ)—გამოსამშვიდობებლად ერთად მიაშურეს სასაფლაოს. მუხლი მოიყარეს ქვის ვიწრო ფილებზე, ახლად გათხრილ საფლავს რომ ერთყა გარს. უსიტყვოდ იცრემლებოდნენ. ოლივიეს ნერვული სლოკინი აუტყდა; ქალბატონი უანენი სასოწარკვეთით იწმენდა ცხვირს. იტანჯებოდა, თავში სულ ის სიტყვები უტრიალებდა, უკანასკნელად რომ უთხრა ქმარს. ოლივიეს მამასთან ტერასაზე საუბარი აგონდებოდა. ანტუანეტას მომავალი აკრთობდა. გულის სიღრმეში არცერთი ოდნავადაც არ ჰყვედრიდა უბედურს, თავი და ოჯახი რომ დალუბა. მაგრამ ანტუანეტა ფიქრობდა:

— ო, ძვირფასო მამიკო, როგორ გაგვიჭირდება!

სქელი ნისლი ჩამოწვა, ნესტმა მთლად დაასველა სამივე, მაგრამ ქალბატონი უანენი წასვლას აზრს ჰქარობდა. ანტუანეტამ შეხედა აკანკალებულ ოლივიეს და დედას უთხრა:

— დედა, მცივა.

წამოდგნენ. წასვლისას ქალბატონი უანენი უკანასკნელად კვლავ მიბრუნდა საფლავისკენ.

— ჩემო საბრალო მეგობარო! — წაიჩურჩულა ქალმა.

სასაფლაოდან რომ გამოვიდნენ, ბინდდებოდა. ანტუანეტას ოლივიეს გაყინული ხელი ეჭირა.

ძველ სახლში დაბრუნდნენ. უკანასკნელი ღამე უნდა გაეთიათ ბუდეში, სადაც ამდენ ხანს ეძინათ, სადაც ჩაიარა ყოველი მათგანის და მათ წინაპართა ცხოვრებამ. კედლები, კერა, მიწის პატარა ნაგლეჯი ისე მჭიდროდ იყო დაკავშირებული ოჯახის დარდთან თუ სიხარულთან, რომ თითოეულის ცხოვრების ნაწილად ქცეულიყო, იმ ნაწილად, რომელთანაც მხოლოდ სიკვდილი თუ დააშორებდათ.

ბარგი შეკრული ჰქონდათ. დილით, მეზობელი ფარდულების გაღებამდე, პირველსავე მატარებელს უნდა გაჰყოლოდნენ. თავს არიდებდნენ ცნობისმოყვარეთა კირიქტსა და მტრულ გამოხდომებს. ერთადერთი სურვილი ჰქონდათ — მჭიდროდ ჩაჰკვროდნენ ერთმანეთს და მაინც თითოეულმა თავის ოთახს მიაშურა: იქ უძრავად იდგნენ, ქუდის მოხდა და პალტოს განდაც არ უფიქრიათ, ხელს უსვამდნენ კედლებს, ავეჯს, ყველაფერს, რასაც შორდებოდნენ. შუბ-

ლით მინებს ეკვროდნენ, ცდილობდნენ შეესრუტათ და დიდხანს შეენახათ საყვარელ საგნებთან სიახლოვის გრძნობა. ბოლოს, შეეცადნენ, თავი დაეღწიათ ნაღვლიანი, ჭიუტი ფიქრებისთვის და ქალბატონ ჟანენის ოთახში შეიკრიბნენ, საგვარეულო ოთახში, რომლის ნიშშიც წალო იდგა: წინათ, თუ სტუმრები არ ჰყავდათ, საღამოობით, ნავახშმევს აქ იკრიბებოდნენ. წინათ... ეჩვენებოდათ, თითქოს ეს ძალიან დიდი ხნის წინ იყო!.. მღუმარედ შემოუსხდნენ მბუუტავ ცეცხლს, მერე ერთად ილოცეს საწოლის წინ დაჩოქილებმა და აღრიანად დაწვენენ, რადგან ალიონზე უნდა ამდგარიყვნენ. თვალს რული არ ეკარებოდა.

დილის ოთხი საათი იქნებოდა, როცა ქალბატონმა ჟანენმა, ყოველ წუთში საათს რომ მისჩერებოდა, სანთელი აანთო და ადგა, ანტუანეტას მთელი ღამე თვალი არ მოეხუჭა. დედის ადგომა რომ გაიგო, მაშინვე წამოდგა. ოლივიეს გულისძილით ეძინა. ქალბატონმა ჟანენმა ნაღვლიანად შეხედა, გაღვიძება დაენანა, თითის წვეკრებზე გაშორდა და ანტუანეტას უთხრა:

— ნუ ვინმეაურებთ, დატკბეს პატარა უკანასკნელი წუთებით ამ სახლში.

ქალები ჩაცმასა და ბარგის შეფუთვის მორჩნენ. სახლის ირგვლივ ღამეული, ცივი სიჩუმე გამეფებულიყო. ამ დროს ყოველი ცოცხალი არსება, ადამიანიცა და ცხოველიც ხარბად ეფლობა ტკბილ ძილში. ანტუანეტა კბილს კბილზე აცემინებდა, გულსა და სხეულში ყინული ჩასდგომოდა.

გაყინულ ჰაერში კარის ჭახუნი გაისმა. სახლის გასაღები მოხუც ძიძას ჰქონდა და ახლა მოვიდა, უკანასკნელად რომ მომსახურებოდა თავის ბატონებს. ტანდაბალი და მსუქანი ქალი იყო. სიმსუქნე აწუხებდა, მაგრამ თავისი ასაკის პირობაზე საოცრად სხარტი გახლდათ. თავზე შალი ეხვია, ცხვირი ასწითლებოდა, თვალები ცრემლებით ავსებოდა. ეწყინა, ქალბატონმა ჟანენმა ადგომა და სამზარეულოში ღუმელის დანთება რომ დაასწრო. მისი შემოსვლა იყო და ოლივიემაც გაიღვიძა, მაგრამ მსწრაფლ დახუჭა თვალები და ძილის შესაბრუნებლად გვერდი იცვალა. ანტუანეტამ მხარზე ნაზად შეახო ხელი და ხმადაბლა უთხრა:

— ოლივიე, ჩემო პატარავ, დროა!

ოლივიემ ამოიოხრა, თვალები გაახილა, დას ახედა. დამ ნაღვლიანად გაუღიმა, შუბლზე ხელი გადაუსვა, თან უმეორებდა — აღეჭიო.

ოლივიე ადგა.

სახლიდან ქურდებივით უჩუმრად გავიდნენ. ფუთები ეჭირათ ხელში. წინ მოხუცი ძიძა მიუძღოდათ, ურიკით ბარგს მიაგორებდა. რაც გააჩნდათ, თითქმის ყველაფერი დატოვეს. შეიძლება ითქვას, რომ მიჰქონდათ მხოლოდ ის, რაც ტანთ ემოსათ და ცოტა სხვა ჩასაცემელიც. მათთვის ძვირფას უბრალო ნივთებს მოგვიანებით გადაუგზავნიდნენ. ეს იყო რამდენიმე წიგნი, სურათები, ძველებური საათი, რომლის რეკვაც მათი ცხოვრების მაჩისცემას წააგავდა... სუსხიანი დილა იყო. ქალაქს ჯერ კიდევ ეძინა; დარაბები ჩაერაზათ; ქუჩაში

არაფინ ჰკანებდა. დუმდნენ. მხოლოდ ძიძა ლაპარაკობდა. ქალბატონი ჟანენი ცდილობდა უკანასკნელად კარგად აღებეჭდა მეხსიერებაში ეს სურათები, საკუთარ წარსულს რომ აგონებდა.

სადგურზე ქალბატონ ჟანენს თავმოყვარეობამ სძლია და მეორე კლასის ბილეთები შეიძინა. მართალია, გადაწყვეტილი ჰქონდა, მესამე კლასით ემგზავრათ, მაგრამ გამბედაობა არ ეყო რკინიგზის ორი თუ სამი ნაცნობი მოხელის წინაშე ასე დაემცირებინა თავი. სასწრაფოდ შეძერა ცარიელ კუბეში და თავის პატარებთან ერთად იქ ჩაიკეტა. ფარდებს ამოფარებულთ ნაცნობი სახის გამოჩენისა ეშინოდათ. მაგრამ არაფინ გამოჩენილა; მათი გამგზავრებისას ქალაქი ის-ის იყო ილვიძებდა. მატარებელი ცარიელი იყო, შიგ მხოლოდ სამი თუ ოთხი გლეხი იჯდა. იქვე, ვაგონის თეჯირიდან, რამდენიმე კამეჩს გამოეყო თავი და ნაღვლიანად ბლაოდა. დიდი ხნის ლოდინის შემდეგ მატარებელმა ერთი დაუსტეინა და ნისლში შერგო თავი. სამმა ლტოლვილმა ფარდები გადასწია, მინაზე აკრულებმა უკანასკნელად გადახედეს პატარა ქალაქს. გასცქეროდნენ გოთურ კოშკს. ნისლის ფარდას ამოფარებული ძლივს რომ მოჩანდა, თივით დაფარულ ბორცვებს, თეთრად გადაჭირხლულ მინდვრებს, ოხშივარი რომ ასდიოდა: ეს პეიზაჟი უკვე შორეულ მოგონებად ქცეულიყო, ძლივსდა არსებობდა და როცა ისიც მოსახვევს მიეფარა, დარწმუნებულებმა, რომ არაფინ უთვალთვალეზდათ, თავი ვედარ შეიკავეს. ქალბატონმა ჟანენმა სახეზე ცხვირსახოცი აიფარა და ატირდა. ოლივიე დედას მივარდა, თავი კალთაში ჩაუდო და ხელები ცრემლითა და კოცნით დაუფარა. კუბეს მეორე კუთხეში მოკალათებული ანტუანეტა ფანჯრისკენ შემობრუნებულიყო და ჩუმად ქვითინებდა. სამივე ერთი და იმავე მიზეზით როდი ტიროდა. ქალბატონი ჟანენი და ოლივიე მხოლოდ იმაზე ფიქრობდნენ, რაც უკან დარჩათ... ანტუანეტა უფრო იმაზე დარდობდა. წინ რაც ელოდა: თავის თავს საყვედურობდა, უნდოდა მოგონებებში ჩაფლულიყო... არ ცდებოდა, მომავალზე რომ ფიქრობდა, იგი უფრო ნათლად ხედავდა მოვლენებს, ვიდრე დედა და ძმა. მათ პარიზის დიდი იმედი ჰქონდათ. ანტუანეტას კი ეჭვიც არ ეპარებოდა, რომ იქ კარგი არაფერი ელოდათ. პარიზში არასოდეს ყოფილან; ქალბატონ ჟანენის და პარიზში ცხოვრობდა, მდიდარ სასამართლოს მოხელეს ჰყავდა ცოლად; ქალბატონ ჟანენს მისი დახმარების იმედი ჰქონდა. სხვათა შორის, დარწმუნებულიც იყო, მის შეილებს, იმ განათლებით, რაც ვააჩნდათ, და ბუნებრივი მონაცემებით (რაშიც, როგორც ყველა დედა, რა თქმა უნდა, ცდებოდა) არ გაუჭირდებოდათ პატიოსანი შრომით ლუკმაპური ეშოვათ.

პირველი შთაბეჭდილება მეტად ნაღვლისმომგვრელი იყო. ჯერ კიდევ სადგურის სატვირთო განყოფილებაში ზედახოცვამ და გასასვლელის წინ შევროვილი ეტლების რია-რიამ გააოგნა ისინი. წვიმდა. ეტლი ვერ იშოვეს. საკმაოდ ბევრი იჩანჩალეს ფეხით, ჩემოდნებმა ხელები ჩამოაწყვიტათ. მეტი რა გზა

ჰქონდათ, შუა ქუჩაში უნდა გაჩერებულიყვნენ, აქ კი სულ ადვილი შესაძლებელი იყო, ეტლი დასაჯახებოდათ ან ტალახი შესხმოდათ. არცერთი მეეტლე უურადღებას არ აქცევდა მათ. ბოლოს, როგორც იქნა, გააჩერეს ერთი საშინაოდ ბინძური ეტლი, რომელსაც ბებერი ჯაგლაგი მიათრევდა. ეტლში ბარგს რომ აწყობდნენ, საბნებიანი ფუთა ტალახში ჩაუვარდათ. სადგურის მტვირთავმა და მეეტლემ მათი გამოუცდლობით ისარგებლეს და ორმაგი ფასი გადაახდევინეს. ქალბატონმა ყანენმა მეეტლეს ერთერთი იმ ძვირფასიანი სასტუმროს მისამართი მისცა, რომელსაც, მოუწყობლობის მიუხედავად, მაინც ეტანებოდნენ პროვინციელები, რადგან ოცდაათიოდე წლის წინ მათ წინაპარს იქ გაეთია ღამე-აქაც ტყავი გააძვრეს. უთხრეს, სასტუმროში ტევა აღარ არისო, სამივენი ერთ პატარა ოთახში მოათავსეს და სამი ოთახის ფასი გადაახდევინეს. იფიქრეს, სადილისთვის ფულს ნაკლებს დაეხარჯავთ და ტაბლდოტსაც თავს ავირიდებთო, ამიტომ უბრალო სადილი შეუკვეთეს, მაგრამ ისიც ძვირი დაუჯდათ და ისევ მშვივრები დარჩნენ. ჩამოსვლისთანავე გაუცრუვდათ იმედები. სასტუმროში გატარებულ პირველ ღამეს, უპაირო ოთახში შეჩუქჩულთ, თვალს რული არ ეკარებოდათ, სციოდათ, სცებლოდათ, ვერ სუნთქავდნენ, დერეფანში ნაბიჯების ხმაური, კარების ჯახუნი, ელექტროზარების რეკვა აკრთობდათ, საზიდრებისა და ეტლების გაუთავებელი გრუხუნისაგან თავი უსკდებოდათ, საშინელი შთაბეჭდილება შეეკმნათ ამ საზარელ ქალაქზე, რომელშიც ასე თავგანწირვით გადაეშენენ და ჩაიკარგნენ.

მეორე დღეს ქალბატონმა ყანენმა თავის დას მიაშურა. იგი დიდებულ ბინაში ცხოვრობდა, ოსმანის ბულვარზე. ქალბატონი ყანენი გულში იმედოვნებდა, პირველ ხანებში ჩემი და შეგვიფარებსო, მაგრამ ერთხელ მისვლაც საკმარისი იყო, რომ თვალი ახელოდა. პუაიე-დელორმები აღაშფოთა ნათესავის გაკოტრებამ. განსაკუთრებით კი ქალბატონი დელორმი ბრაზობდა, რადგან შიშობდა ამ ამბავში ჩემი ქმარიც არ გახვიონ და კარიერის გაკეთებაში ხელი არ შეეშალოსო. დიდ უსინდისობად მიაჩნდა, რომ გაკოტრებული ოჯახი ცდილობდა კისერზე დასჯდომოდა და მათთვისაც სახელი გაეტეხა. მოსამართლეც ასევე ფიქრობდა, მაგრამ უფრო კეთილი კაცი იყო; ცოლს თვალყური რომ არ ელევნებინა, — რაც, სხვათა შორის, სიამოვნებდა კიდევ, — უფრო ხელგაშლილიც იქნებოდა. ქალბატონმა პუაიე-დელორმმა და ყინულივით ცივად მიიღო. ქალბატონი ყანენი განცვიფრებული დარჩა; თავს ძალა დაატანა და საკუთარი სიამაყე დათრგუნა: შეეცადა აეხსნა თავისი გაჭირვება და ეთქვა, რას მოელოდა პუაიეებისგან. მაგრამ მის ჩივილს ყური მოუყრუეს. სადამოს ვახშამზედაც არ მიიწვიეს. დიდის ამბით დაპატიყეს კვირის ბოლოსათვის; თანაც, ქალბატონმა პუაიემ კი არა, მოსამართლემ გამოიღო თავი; ცოლის გულცივობით ცოტათი შეწუხებულმა სითბოს გამოჩინა სცადა, ცდილობდა კეთილ კაცად მოეჩვენებინა თავი, მაგრამ იგრძნობოდა, რომ მაინცდამაინც გულწრფელი არ იყო და დიდი ეგოისტიც გახლდათ. საბრალო ყანენები სასტუმროში დაბრუნდნენ.

ვერ ბედავდნენ ერთმანეთისათვის გაეზიარებინათ შთაბეჭდილებები ამ პირველი ვიზიტის თაობაზე.

შემდეგი დღეები პარიზში ხეტიალს მოანდომეს. ბინას ეძებდნენ. სართულებზე ასვლა-ჩამოსვლით დაიქანცნენ. გული ერეოდათ ხალხით გადატენილი ყაზარმების, ქუჩყიანი კიბეების, ბნელი ოთახების შემხედვარეთ, მათ პროვინციულ, დიდ სახლთან შედარებით ასე ნაღვლიანი იყრი რომ ჰქონდათ. სულ უფრო და უფრო დაჩაგრულად გრძნობდნენ თავს. ყველაფერი აბრუებდათ — ქუჩები, მადაზიები, რესტორნები — პარიზელები ამით სარგებლობდნენ კიდევ და საბრალოებს ყველგან იბრთყებდნენ. ყველაფერი, რასაც მოითხოვდნენ, საშინლად ძვირი ღირდა; რასაც შეეხებოდნენ, თითქოს ოქროდ აქცევდნენ ხოლმე: ოქროდ, რომლის საზღაურიც მათ უნდა გადაეხადათ. წარმოუდგენლად მოუხერხებელნი იყვნენ და თავის დასაცავად ძალაც არ შესწევდათ.

მართალია, ქალბატონ ჟანენს დამ მოლოდინი გაუმტყუნა, მაგრამ მაინც დიდ იმედებს ამყარებდა სადილზე, რომელზედაც მიიწვიეს. გულისფანტკალით ელოდნენ ამ დღეს. მათ ისე შეხვდნენ, როგორც სტუმრებს და არა როგორც ნათესაებს, თუმცა სადილი ჩვეულებრივი სადილისაგან მხოლოდ ცერემონიული ტონით განსხვავდებოდა. ბავშვებმა ნახეს თავიანთი დეიდაშვილები, დაახლოებით მათი ტოლნი. არც ისინი აღმოჩნდნენ მშობლებზე უფრო გულთბილნი. ელეგანტური და კეკლუცი გოგონა ენამოჩლეკით, ზრდილობიანად, მაგრამ საკუთარი უპირატესობის გრძნობით ლაპარაკობდა. მისი თვალთმაქცური, დაშაქრული მანერები და-ძმას აკრთობდა, ალაშფოთებდა. ბიჭს კი გული გაუწყალდა ღარიბი ნათესაების წრეში სადილით და წარბშეკრული იჯდა. სკამზე გაკიმული ქალბატონი პუაიე-დელორმი თითქოს კერძის შეთავაზების დროსაც კი ჰკუას არიგებდა დას. ბატონი პუაიე-დელორმი, სერიოზული საუბრისათვის თავი რომ აერიდებინა, რაღაც წვრილმანებზე ლაპარაკობდა. ინტიმურ და საშიშ თემაზე საუბრისა ეშინოდათ, მართო კერძებზე თუ იტყოდნენ რამეს, ბაასი ამ თემას არ გასცილებია. ქალბატონი ჟანენი შეეცადა საუბარი იმ საგანზე გადაეტანა, რაც აგრერიგად სტანჯავდა, მაგრამ ქალბატონმა პუაიე-დელორმმა რაღაც უმნიშვნელო შენიშვნით მაშინვე შეაწყვეტინა და ქალბატონ ჟანენსაც გამბედაობა აღარ ეყო ხელახლა წამოეწყყო საუბარი.

ნასადილევს, ქალბატონმა ჟანენმა, შვილის ნიჭიერება რომ გამოემჟღავნებინა, ანტუანეტა აიძულა რაიმე დაეკრა. შეწუხებულმა, გაღიზიანებულმა გოგონამ საშინლად დაუკრა. მოწყენილი პუაიეები სულმოუთქმელად ელოდნენ, როდის დაასრულებდა. ქალბატონი პუაიე თავის ქალიშვილს შესცქეროდა, ირონიულ ღიმილს ძლივს იკავებდა და რაკი დაკვრა დიდხანს გაგრძელდა, ქალბატონ ჟანენისთვის ნაკლებსაინტერესო თემაზე საუბარი წამოიწყო. ბოლოს, მთლად თავგზააბნეულმა ანტუანეტამ შეშინებულმა შეამჩნია, რომ ერთ-ერთი პასაჟის დაკვრისას, გაგრძელების ნაცვლად თავიდან დაიწყო პიესის დაკვრა; თავდახსნის ყოველგვარი იმედი რომ დაკარგა, ორი არაზუსტი და მესამე

მთლად ყალბი აკორდით მოულოდნელად შეწყვიტა დაკვრა. პუაიემ შესძახა—
ბრავო, და ყავა მოითხოვა.

ქალბატონმა პუაიემ განაცხადა, ჩემს ქალიშვილს პუნო ამეცადინებდა.
ქალიშვილმა, რომელსაც „პუნო ამეცადინებდა“ თქვა, მშვენიერია გენაცვა-
ლეთ და იკითხა, სად სწავლობდაო ანტუანეტა.

საუბარი არ ეწყობოდა. სალონის სამშვენიესებსა და პუაიეს ოჯახის მან-
დილოსანთა ტუალეტზე სათქმელი გამოილია. ქალბატონი ყანენი თავისთვის
იმეორებდა:

— სწორედ ახლა შეიძლება ვუთხრა, უნდა ვუთხრა...

საშინლად იტანებოდა, ბოლოს, როგორც იქნა, თავს ძალა დაატანა და
გადაწყვიტა, რაღაც ეთქვა. ქალბატონმა პუაიემ თითქოს უეცრად, მაგრამ უბო-
დიშოდ განაცხადა, ვწუხვართ, მაგრამ ათის ნახევრისთვის წასასვლელები ვართ,
მიგვიწვიეს და უარის თქმა შეუძლებელიაო. შეურაცხყოფილი ყანენები მაშინვე
წამოდგნენ. მასპინძლები ვითომ შეეცადნენ შეეჩერებინათ. თხუთმეტი
წუთის შემდეგ ზარი დარეკეს: მსახურმა აუწყა, თქვენი მეგობრები მოვიდნენ,
მეზობლად, ქვედა სართულზე რომ ცხოვრობენო. პუაიემ და მისმა ცოლმა
ერთიანდნენ თვალი ჩაუკრეს და მოსამსახურეებს ორიოდ სიტყვა წასჩურჩულეს.
პუაიემ რაღაც მოიმინებუა და ყანენები გვერდით ოთახში გაიყვანა (უნდოდა
მეგობრებისათვის დამალა სამარცხვინო ნათესავეების არსებობა და, განსაკუთ-
ბით. მათი სტუმრობა). ყანენები მარტო დატოვეს, ცივ ოთახში. ბავშვები
აღაწვოთა ან დამცირობამ. ანტუანეტას თვალები ცრემლით აევსო. უნდოდა იქა-
ურობას გასცლოდნენ. დედა ჯერ უარზე იყო, მაგრამ მასპინძლები რომ აღარ
გამოჩნდნენ. მანაც წასვლა გადაწყვიტა. ოთახიდან გამოვიდნენ. დერეფანში
პუაიე, რომელიც მოსამსახურეს გაეფრთხილებინა, დაეწია მათ და რაღაც ბა-
ნალური სიტყვებით მოუბოდიშა, თავს ისე აჩვენებდა, თითქოს უნდოდა ეთხო-
ვა, დარჩითო, მაგრამ აშკარა იყო, მათი წასვლა ეჩქარებოდა. პალტოების ჩაც-
მაში მოეხმარა, ღიმილით კარისკენ უბიძგა, ხელი ჩამოართვა, თავაზიანად, ხმა-
დაბლა რაღაც უთხრა და გაისტუმრა. სასტუმროში რომ დაბრუნდნენ, ბავშვებ-
მა სიმწრისაგან იტირეს. ანტუანეტა ფეხებს აბაკუნებდა და ამბობდა, იმ ხალ-
ხთან ფეხს აღარასოდეს მივადგამო.

ქალბატონმა ყანენმა მეხუთე სართულზე იქირავა ბინა, ბოტანიკური ბა-
ღის მახლობლად. საწოლი ოთახის ფანჯრებიდან ბნელი ეზოს გაქუცული კედ-
ლები მოჩანდა. სასადილო და სასტუმრო ოთახები (ქალბატონ ყანენს სურდა
უთუოდ ჰქონოდათ სასტუმრო ოთახი) ხალხმრავალ ქუჩას გადაჰყურებდა. ყო-
ველდღე დაქროდნენ ორთქლის ტრამვაები და ბალდახინები, ივრის სასაფ-
ლაოს! ჰიშვარში რომ უჩინარდებოდნენ. ტილიანი იტალიელები ბავშვების
მთელი ჯგროთი მერხებზე უქმად ჩამოსხდებოდნენ ხოლმე ან ცხარედ კამა-

! ივრის სასაფლაო — ერთ-ერთი ღარიბთა უბნის სასაფლაო პარიზში.

თობდნენ. ისეთი ხმაური იდგა, კაცი ფანჯარას ვერ გააღებდა. საღამოს. შინ დაბრუნებისას, აყროლებული და მოფუსფუსე ბრბო უნდა გაერღვიათ, ტალახით სავსე ქვაფენილებიანი ვეებერთელა ქუჩები გადაეჭრათ, მეზობელი სახლის ქვედა სართულში მოთავსებული საზიზღარი ლუღანისთვის უნდა ჩაეელოთ. რომლის წინაც ჩასუქებული და გაბღენძილი, ფერუმარილწათხიზნილი ქერათმიანი ქალები გამვლელებს უტიფრად შესციცინებდნენ თვალებში.

ყანენებს მცირეოდენი თანხა ხელში უდნებოდათ. ყოველ საღამოს გულისტკივილით აღნიშნავდნენ, რომ ფული თვალსა და ხელს შუა ქრებოდა. ცდილობდნენ უფრო მომჭირნედ ეცხოვრათ, მაგრამ არაფერი გამოსდოდათ. ესეც თავისებური მეცნიერებაა, რომლის შესწავლასაც მრავალი წლის გამოცდილება სჭირდება. ვინც ბუნებით მომჭირნე არაა, ამაოდ შეეცდება მომჭირნე გახდეს. როგორც კი ფულის ხარჯვის ახალი შემთხვევა მიეცემა, მაშინვე დათმობაზე წავა, ხელმომჭირნეობას მომავლისთვის გადადებს. და როცა მოიგებს, ან ფიქრობს სულ ცოტა მაინც მოვიგეო, ჩჩქარის მოგროვებულ თანხა ისეთ რამეზე დახარჯოს, რაც ათჯერ მაინც აღემატება დანაზოგს.

რამდენიმე კვირის შემდეგ ფული სულ შემოეხარჯათ. ქალბატონი ყანენი იძულებული გახდა თავმოყვარეობაზე ხელი აეღო და ბავშვებიან დაწალულად პუაიესთვის ფული ეთხოვა. მოახერხა, რომ ბატონი პუაიე კაბინეტში დაემარტოხლებინა და შეევედრა მცირეოდენი თანხა მასესხეთ, სანამ რაიმე საარსებო საშუალებას გამოვნახებოთ. მოსამართლე გულჩვილი კაცი იყო, თავდაპირველად შეეცადა უცბად არ დათანხმებულიყო, მაგრამ ბოლოს დანებდა. წუთიერ აღელვებას აჰყვა და ქალბატონ ყანენს ორასი ფრანკი მისცა, თუმცა მაშინვე ინანა, განსაკუთრებით, როცა ქალბატონ პუაიესთან აღიარა თავისი საქციელი. ქალბატონი პუაიე აღაშფოთა ქმრის სისუსტემ და თაღლითი დი. საქციელმა.

სამუშაოს ძებნას გადაყოლილი ყანენები მთელი დღე პარიზში სირბილს უნდებოდნენ. ქალბატონ ყანენს მღრღარი პროვინციელი ბურჟუას შეხედულებები ჰქონდა. თავისთვის და ბავშვებისთვის მხოლოდ ეგრეთ წოდებული „Librales“¹ პროფესიით საქმიანობა მიაჩნდა დასაშვებად. (ასე უთუოდ იმტომ უწოდებენ, რომ ამ საქმიანობით საბოლოოდ შიმშილით კვდებიან). იმის გაგონებაც არ უნდოდა, რომ მისი ქალიშვილი რომელიმე ოჯახში აღმზრდელად მოწყობილიყო. მხოლოდ სახელმწიფო სამსახურის ოფიციალური თანამდებობები არ მიაჩნდა სათაკილოდ. რაიმე საშუალება უნდა გამოენახათ, ოღვიეს სწავლა რომ დაემთავრებინა და მასწავლებელი გამოსულიყო. რაც შეეხება ანტიუანეტას, ქალბატონ ყანენს სურდა გოგონას რომელიმე სასწავლებელში გაკვეთილები მიეცა, ანდა, სიგელზე დაემთავრებინა კონსერვატორია, ფორტე-

¹ კალამბურია, Liberal — გულუხვი. Profession liberal — თავისუფალი პროფესია.

ბიანოს განმხრით. მაგრამ, სასწავლებლებს, რომლებსაც ქალბატონმა ჟანენმა მიზნით, საკმაოდ ჰყავდა კვალიფიციური მასწავლებლები. მის ქალიშვილს კი მხოლოდ საშუალო განათლების ცნობა გააჩნდა. რაც შეეხება მუსიკას, უნდა ვაღიაროთ, რომ ანტუანეტა მუსიკაში ნაკლებ ნიჭიერი იყო იმათთან შედარებით, მასაფთ მუხის გამოვლენის საშუალებას მოკლებულნი რომ იყვნენ. ჟანენებმა მხოლოდ აბლა აღმოაჩინეს. რა სასტიკად იბრძოდნენ არსებობისათვის და რა უმოწყალოდ ნთქავდა პარიზი იმ დიდი და მცირე გაქანების ხალხს, ვისაც სულ არ სპირიტუალობდა.

ბავშვები შემოდნენ. რწმენა დაეარგეს. თავი უნიჭობად ჩათვალეს; ცდილობდნენ თავადაც შეეგნოთ ეს და დედისთვისაც დაემტკიცებინათ. ოლივიე, პროვინციულ კოლეჯში არჩევად რომ ითვლებოდა, ამ გამოცდამ მთლად გაანადგურა. თათქოს მთელი თავისი ნიჭი და უნარი ერთბაშად დაეარგა. როგორც იქნა. ბიჭო ლიტერაში მიიბარეს და იმასაც მიიღწიეს, რომ მისთვის სტიპენდია დაენიშნათ. მაგრამ, პირველ ხანებში სწავლა ისე გაუჭირდა, რომ სტიპენდიაც კი მოეხსნა. თავი მთლად სულელად ჩათვალა. ამინებდა პარიზი, ეს ფუსფუსი, ამხანაგებს აუტანელი უზნეობა, უღირსი საუბარი, ზოგი მათგანის დაუნდობლობა. უხანაშობას რომ სთავაზობდნენ საბრალო ბოქს. თავად კი იმის ძალაც არ წესწევდა, მათდამი ზიზლი გამოეხატა; მათ უზნეობას რომ უყურებდა, ფიქრობდა, მეც წინდაცემული გავხდით. ყოველ საღამოს დედასთან და დასთან ერთად მხურვალე ლოცვაში პოულობდა ერთადერთ თავშესაფარს ყოველდღიური იმედგაცრუებისა და ღრმა შეურაცხყოფისაგან, რაც მათ უცოდველ გულებს ისეთ სიბინძურედ ეჩვენებოდათ, რომ ერთმანეთსაც ვერ უხმელდნენ. მაგრამ ფარულ ათეისტურ აზროვნებასთან კონტაქტის წყალობით, რომლითაც პარიზში სუნთქავენ, ოლივიეს რწმენა მისდა შეუმჩნეველად თანდათანობით იფიტებოდა, ისევე, როგორც ახლადწასმული ბათქაში ცვივა კედლებიდან წვიმის დრო... ბიჭს ჯერ კიდევ არ დაეკარგა რწმენა, მაგრამ მის თვალწინ ღმერთი კვდებოდა.

ქალები ამაო სიბრბილს განაგრძნობდნენ. ქალბატონი ჟანენი კვლავ ეწვია პუაიეტებს, რომლებმაც, თავიდან რომ მოეშორებინათ, რაღაც სამუშაო შესთავაზეს. ქალბატონ ჟანენს წიგნები უნდა ეკითხა ერთი მოხუცი ქალბატონისათვის, რომელიც სამხრეთ საფრანგეთში ატარებდა ზამთარს, ანტუანეტას კი აღმზარდელის ადგილი უშოვეს დასავლეთ საფრანგეთის ერთ-ერთ ოჯახში, რომელიც მთელი წლობით სოფლად ცხოვრობდა. პირობები არცთუ ისე ურიგო იყო, მაგრამ ქალბატონმა ჟანენმა უარი განაცხადა. სხვისი სამსახურით თავის დამცირებაზე უფრო ის აღარდებდა, რომ მისი ქალიშვილიც იძულებული იქნებოდა იგივე გაეკეთებინა. არც ის უნდოდა, ანტუანეტა კალთიდან მოეშორებინა. ძალზედ უბედურები იყვნენ და სწორედ ამ უბედურების გამო ერთად ყოფნა უნდოდათ. ქალბატონ პუაიეს ეს არ მოეწონა, — როცა ცხოვრების სახსარი არ გაეაჩინათ, კული ყავარზე არ უნდა გქონდეთ გადებულო, —

ურჩია. ქალბატონმა ჟანენმა ვერ მოითმინა და უგულობა უსაყვედურა დას. ქალბატონმა პუაიემ კადნიერად შეახსენა, გაკოტრებული ხართ და ჩვენი ფულიც გმართებთო. სამკვდრო-სასიცოცხლოდ ნაჩხუბარნი დაშორდნენ ერთმანეთს. მათ შორის ყოველგვარი ურთიერთობა შეწყდა. ქალბატონ ჟანენს ერთი-და სურდა მხოლოდ — დისთვის ვალი დაებრუნებინა, მაგრამ ეს არ შეეძლო.

ამაო სიარული გრძელდებოდა. ქალბატონმა ჟანენმა დეპუტატი და თავიანთი დეპარტამენტის სენატორი ინახულა, რომლებისთვისაც ბატონ ჟანენს ბევრჯერ გაეწია სამსახური. ყველგან უმადურობასა და ეგოიზმს შეეჭახა. დეპუტატმა წერილებზეც კი არ უპასუხა და როცა ქალბატონმა ჟანენმა კარზე მიუკაკუნა, უბრძანა ეთქვათ, შინ არ არისო. სენატორმა უხეშად გამოუტყადა თანაგრძნობა მისი მდგომარეობის გამო, ბრალს ყველაფერში იმ „საცოდავ ჟანენს“ სდებდა, რომლის თვითმკვლელობასაც სასტიკად გმობდა. ქალბატონმა ჟანენმა ქმარი დაიცვა. სენატორმა დასძინა — ვიცი, უსინდისობის გამო კი არ ჩაიდინა ასეთი რამ, სისულელით მოუვიდა, გულუბრყვილო კაცი იყო საბრალო, თავქარიანი, რაც მოეპრიანებოდა, მუდამ იმას აკეთებდა, აზრს არავის ჰკითხავდა და არავის გაფრთხილებას ყურს არ უგდებდაო. მართო თავი რომ დაედუპა, ჯანდაბას, ღირსიც იქნებოდა! სხვების დაღუპვაზე რომ არაფერი ვთქვათ, საკუთარი ცოლ-შვილი გააღატაკა და მიატოვა, ახლა კი, როგორც შესძლებთ, ისე დაიძვრინეთ თავიო... თქვენ თუ წმინდანი ხართ, შეგიძლიათ აპატიოთ, მე კი, უბრალოდ, გონიერი, წინდახედული და საღად მოაზროვნე კაცი ვარ და არავითარი საფუძველი არ გამაჩნია შეგუნდოო. კაცი, რომელიც ასეთ შემთხვევაში თავს იკლავს, უბადრუკი არსებობს. ერთადერთი შემთხვეუბები — გარემოება, რომელმაც შეიძლება დაიცვას ჟანენი, ის ვახლავთ, რომ იგი თავის საქციელზე პასუხს არ აგებსო. აქ მან ქალბატონ ჟანენს მოუბოდიშა, ცოტა მკვახედ ვილაპარაკე განსვენებულზე, მაგრამ მიზეზი თქვენდამი ჩემი სიმპათიისაო, უჭრა გამოაღო და სამოწყალოდ ორმოცდაათფრანკიანი ბილეთი შესთავაზა. ქალმა უარი განაცხადა ამ ფულის აღებაზე.

სამუშაოს დიდ დაწესებულებებში ეძებდა. ასეთ საქმეებში გაჩვეული არ იყო და ყოველი ცდა უშედეგოდ მთავრდებოდა. წასვლისას მთელ მხნეობას იკრებდა, შინ კი ისე განაწამები ბრუნდებოდა, რამდენიმე დღე ხელის განძრევაც არ შეეძლო. როცა კვლავ მიაკითხავდა, უკვე დაგვიანებული იყო. ვერც ეკლესიის მსახურთა შორის ჰპოვა თანაგრძნობა. იქნებ იმიტომ, რომ მისგან არაფერს გამოელოდნენ, ანდა იმიტომ, რომ აღარ აინტერესებდათ გაკოტრებული ოჯახი, რომლის მამაც აშკარად ანტიკლერიკალი იყო. ამდენი წვალების ფასად ქალბატონმა ჟანენმა რომელიღაც მონასტერში მუსიკის მასწავლებლის ადგილი იშოვა — უმადური სამუშაო იყო, გასამრჩელოს ცოტას უხდიდნენ. ცოტა ზედმეტი ფული რომ ეშოვა, სადამოობით ერთერთი სააგენტოს ქალაქებს ათვთრებდა. აქაც უღმობლად ექცეოდნენ. ხელწერას უწუნებდნენ. დიდი მეცადინეობის მიუხედავად, ზოგჯერ სიტყვა ან მთელი სტრიქონი გამოირჩებო-

და ხოლმე (მას ხომ იმდენი საზრუნავი ჰქონდა!), რის გამოც გულისმომწყვლელ შენიშვნებს იმსახურებდა. ისეც მომხდარა, რომ თვალმდაწითლებულსა და გადაქანცულს შუალამემდე უწერია, მეორე დღეს კი ნაწერი დაუწუნებიათ. შინ შეძრწუნებული დაბრუნებულა. მთელ დღეებს კენესაში ატარებდა, არ იცოდა, რა გზას დასდგომოდა. კარგა ხანია, გული აწუხებდა. განსაცდელი კიდევ უფრო უუარესებდა ჯანმრთელობას და ავებდითი წინათგრძნობით ავსებდა. ზოგჯერ ისეთი კაეშანი იპყრობდა, ისე ეხუთებოდა სული, გეგონებოდათ კვდებო. ქუჩაში გავლისას ჯიბეში მისამართსა და გვარს იღებდა, ვაითუ გზაში ცუდად გაეხდეთ. რა მოხდებოდა, რომ მომკვდარიყო? ანტუანეტა, რაც შეეძლო, შველოდა, თუმცა ძალზე დელავდა, თავს მშვიდად აჩვენებდა. ევედრებოდა, თავს გაუფრთხილდი და სამუშაო მე დამითმო. მაგრამ ქალბატონი ჟანენი სიამაყის უკანასკნელ ნარჩენებს არ თმობდა, არ უნდოდა ქალიშვილსაც ისეთივე დამცირება გადაეტანა, რომლისგანაც თავად იტანჯებოდა.

ამოდ იკლავდა თავს, ამოდ ცდილობდა ხარჯი შეემციკრებინა: რასაც შოულობდა, პურის ფულად არ ჰყოფნიდათ. რამდენიმე შემორჩენილი სამკაულის გაყიდვა მოუხდა. ყველაზე უარესი ის იყო, რომ ფული, რომელიც ასე სჭირდებოდათ, ქალბატონ ჟანენს აღებისთანავე მოჰპარეს. საბრალო ქალს საშინელი დაბნეულობა სჭირდა: მან ქუჩაში გამოსვლისთანავე აიხირა მალაზია „Bon marché“-ში შეეკლო: მეორე დღეს ანტუანეტას დღეობა იყო და უნდოდა პატარა საჩუქარი ეძღვნა. ფულის დაკარგვისა ეშინოდა და საფულე ხელში ეჭირა. საჩუქარს რომ ათვალეირებდა, მექანიკურად, საფულე ერთი წამით დახლზე დადო. ასაღებად რომ მოუბრუნდა — საფულე გამქრალიყო. ამ ელდამ ბოლო მხოულო.

რამდენიმე დღის შემდეგ, აგვისტოს ჩახუთულ საღამოს (ქალაქის თავზე სქელი ბუდი ტრიალებდა) ქალბატონმა ჟანენმა სააგენტოში სასწრაფო სამუშაო ჩააბარა და შინ ბრუნდებოდა. თუმცა სადილად აგვიანდებოდა, გადაწყვიტა ფეხით წასულიყო და ომნიბუსის სამი სუ გადაერჩინა. ეშინოდა, ბავშვებმა არ იღელვონო და ჩქარობდა. მთლად გასავათდა. მეხუთე სართულზე რომ აღწია, აღარც ლაპარაკი შეეძლო და ვერც სულს ითქვამდა. ამ მდგომარეობაში პირველად არ ბრუნდებოდა. ბოლოს და ბოლოს ბავშვებიც შეეჩვივნენ და აღარ უკვირდით. ქალბატონმა ჟანენმა სცადა, ბავშვებთან ერთად სუფრას მისჯდომოდა. ბავშვები არაფერს ჰამდნენ. სიცხისგან გული ერეოდათ. თავისთვის ძალა უნდა დაეტანებინათ, რამდენიმე ლუკმა ხორცი ზიზლით რომ გადაეყლაპათ და ორიოდ ყლუპი უგემური წყალიც მიეყოლებინათ. დედისთვის გონს მოსელა რომ ეცლიათ, ხმას არ იღებდნენ (ლაპარაკის თავიც აღარ ჰქონდათ) და ფანჯარას შესცქეროდნენ.

უცებ, ქალბატონმა ჟანენმა ხელები გაშალა, მაგიდას ჩაებლაუჭა, ბავ-

¹ „Bon marché“ — ერთ-ერთი დიდი უნივერსალი პარიზში.

შვეტს შეხედა, ერთი დაიკვნესა და ჩაიკეცა. ანტუანეტამ და ოლივიემ ხელი შეაშველეს. გაშმაგებულნი ყვიროდნენ, ევედრებოდნენ:

— დედა, დედიკო!

მაგრამ დედა აღარ პასუხობდა. ბავშვებს თავგზა აებნათ. ანტუანეტა დედის სხეულს გულში იკრავდა, კოცნიდა, უხმობდა. ოლივიემ კარი გამოაღო და გვიშველეთო დაიძახა.

კონსიერჟი ქალი კიბეზე ამობობლდა; რა ნახა, რაც მომხდარიყო, ეჭიმიან გაიქცა. ეჭიმიმა იმის თქმალა შეძლო — ყველაფერი დამთავრებულაო. ქალბატონი ჟანენის საბედნიეროდ, სიკვდილი ელვისებური იყო (მაგრამ ვინ იცის, რა გაიფიქრა უკანასკნელ წუთებში, როცა იგრძნო კვდებოდა და ბავშვებს მართლმართო ტოვებდა აუწერელ სილატაკეში!..).

მარტონი დარჩნენ საშინელი კატასტროფის წინაშე, მარტოებს უნდა ეტირათ, მარტოებს დააწვათ ის საშინელი საზარუნავი, სიკვდილს რომ ახლავს თან. კეთილი კონსიერჟი ცოტათი წაეხმარათ. მონასტრიდან, სადაც ქალბატონი ჟანენი ასწავლიდა, მხოლოდ გულგრილა თანაგრძნობის რამდენიმე სიტყვა შემოუთვალეს.

პირველი წუთები ენით გამოუთქმელი სასოწარკვეთით იყო აღსავსე. ოლივიეს კრუნჩხვები დაეწყო. ამან ანტუანეტას საკუთარი სატანჯველი დააეწიყა. მხოლოდ ძმაზე ფიქრობდა. მისმა მხურვალე სიყვარულმა ოლივიეს ავადმყოფობაც დათრგუნა, გამოიყვანა საზარელი მდგომარეობიდან, რომელშიც მწუხარებამ ჩააგდო. ერთმანეთს ჩაეკვრნენ საწოლთან, რომელზედაც დედა განისვენებდა. ოთახს ღამის ღამა ანათებდა. ოლივიემ დაიყინა — უნდა მოვკვდეთ, ამ წუთასვე უნდა მოვკვდეთ ორივეო და თან ფანჯრისკენ იშვერდა თითს. ანტუანეტაც მოეცვა ამ საზარელ აზრს, მაგრამ თავიდან იცილებდა, სიცოცხლე უნდოდა...

... — რისთვის?

.. — ამისთვის — მიუგო ანტუანეტამ (და დედაზე მიუთითა) — ის მუდამ ჩვენთანაა, იფიქრე... ჩვენი გულისათვის რამდენს ეწამა. უნდა ვეცადოთ, აუაროდოთ ყველაზე დიდი მწუხარება — უბედურნი მოვკვდეთ... აჰ! — გაცხარებით განაგრძო მან, — ბედს ასე არ უნდა დაემონო, მე არ მსურს, ამის წინააღმდეგი ვარ: მინდა, რომ შენ მაინც იყო ბედნიერი ოდესმე!

.. — არასოდეს!

— კი, შენ ბედნიერი იქნები. ბევრი უბედურება გვინახავს, მაგრამ ყველაფერი შეიცვლება. უთუოდ ასე უნდა მოხდეს. ცხოვრებას მოიწყობ, ოჯახი გექნება, ბედნიერი იქნები, მე მინდა, ასე მინდა.

— როგორ ვიცხოვრებთ? ჩვენ ვერასოდეს შევძლებთ...

— შევძლებთ. ამას რა უნდა? სანამ ფეხზე დადგები; თავს როგორმე გავი-

ტანთ: მე ვკისრულობ. ნახავ, თუ ვერ შევძლებ. ეჰ, დედას ადრევე რომ მოეცა ნება, ახლა უკვე...

— რას აპირებ? მე არ მინდა, რომ დამამცირებელ საქმეს მოჰკიდო ხელი. ამას თვითონაც ვერ შეძლებ.

— შევძლებ. დამამცირებელი არაფერია, თუკი პატიოსანი ხარ, თუ თავს საკუთარი შრომით ირჩენ. გთხოვ, ნუ იღარდებ. ნახავ, ყველაფერი მოგვარდება, შენ ბედნიერი იქნები, ჩვენ ბედნიერნი ვიქნებით, ჩემო ოლივიე. დედასაც გავაბედნიერებთ...

დედის კუბოს ორი ბავშვი მიჰყვებოდა. ისინი შეთანხმდნენ, რომ პუაიევის ბისთვის არაფერი ეცნობებინათ. პუაიევი მათთვის აღარ არსებობდნენ. როცა კონსიერჟმა ჰკითხა, ვინმე ნათესავი თუ გყავთო, — არავინო, უპასუხეს.

ხელიხელჩაყიდებულებმა ილოცეს ახლადგათხრილ საფლავთან. შეურიგებელნი და ამყუნი სასოწარკვეთას გაექვავებინა. გულგრილი და პირმოთნე ნათესავების თანაგრძნობას მარტოობა ამჯობინეს. შინ ფეხით დაბრუნდნენ. მათი მწუხარების, ფიქრების, მთელი მათი არსებისთვის უცხო ბრბოში მიიკვლევდნენ გზას. ამ ხალხთან საერთო მხოლოდ ენა ჰქონდათ, რომელზედაც ლაპარაკობდნენ. ანტუანეტას ოლივიე ხელმკლავით მოჰყავდა.

იმავე სახლის უკანასკნელ სართულზე ოროთახიანი პაწაწინა ბინა იქირავეს. პატარა წინათახი, სასადილოს მაგივრობაც რომ უნდა გაეწია და განჯინის ტოლა სამზარეულო ჰქონდათ. სხვა უბანში უკეთესი ბინის შოვნაც შეეძლოთ, მაგრამ ეჩვენებოდათ, აქ დედასთან ერთად ვართო; კონსიერჟი ქალი თავდაპირველად თანაგრძნობით ეკიდებოდა, მაგრამ მალე საკუთარმა საქმეებმა შთანთქა და ბავშვების ბედით მეტი აღარავინ დაინტერესებულა. არცერთი მდგმური არ იცნობდა ობლებს. თავადაც არ იცოდნენ, ვის გვერდით ცხოვრობდნენ.

ანტუანეტამ მონასტერში დედის მაგივრად მუსიკის მასწავლებლობა დაიწყო. სხვა გაკვეთილებსაც ეძებდა. ერთადერთი მიზანი ჰქონდა: ისე აღეზარდა ოლივიე, რომ ნორმალურ სასწავლებელში¹ შესვლა შესძლებოდა. ეს დამოუკიდებლად გადაწყვიტა. პროგრამები შეისწავლა, გადაიკითხა, შეეცადა ოლივიეს აზრიც გაეგო; მაგრამ, რადგან ოლივიეს ამ საკითხზე აზრი არ გააჩნდა, ანტუანეტამ მისი მაგივრად აარჩია გზა. ნორმალურ სასწავლებელში თუ მოხვდება, ლუკმაურის შოვნა არ გაუჭირდება და თავისი ბედის გამგებელი თავადვე იქნებაო. როგორმე უნდა მივაღწიო მიზანს, რადაც უნდა დამიჯდეს, ამ დღემდე უნდა ვიცოცხლო! ხუთი-ექვსი წელი ჰქირს, მერე ყველაფერს ეშველება. ამ აზრმა უცნაური ძალით გაიდგა ფესვები, მთლად დაიმონა ანტუანეტა. მარტოობასა და გაჭირვებაში ცხოვრება, მომავალში ამჟამად რომ ელოდა, მხოლოდ იმ დიდი გატაცების წყალობით შეიძლებოდა, გოგონა რომ მოეცვა.

¹ პარიზის ჰედაგოგიური სასწავლებელი.

გადაარჩინოს ძმა, თუკი თავად ვერ იქნება ბედნიერი, ძმის საბედნიეროდ მაინც იღრნოს ყველაფერი. ეს პატარა, ჩვილმეტ-თვრამეტი წლის ფუქსავატი და მგრძნობიარე გოგონა საესებით გარდაქმნა გმირულმა გადაწყვეტილებამ: მგზნებარე თავგანწირვა დაუფლებოდა და ბრძოლის სიამაყეს შეეპყრო. ვერაფერს ვერ წარმოიღგენდა მას ასეთად, ანტუანეტას თვითონაც უყვირდა. ყველა ქალისათვის ამ კრიტიკულ ასაკში, აფეთქებული გაზაფხულის პირველ დღეებში, როცა სიყვარულის ძალა მოიტაცვს არსებას, მიწისქვეშა, მოჩუხჩუხე, ფარულ წყაროსავით განბანს, გარს ეკვრის, ავსებს და მუდმივ აცდუნებს, სიყვარული ყველა შესაძლო ფორმას ღებულობს. მხოლოდ იმას ეძებს, ვინ დააპუროს: ყველა საბაბი მოსწონს, უმანკო და ღრმა გრძნობა მზადაა ნებისმიერი მსხვერპლი გაილოს. სიყვარულმა ანტუანეტა მეგობრობის მსხვერპლად აქცია.

მისი ძმა ასეთი მგზნებარე არ გახლდათ და არც ასეთი მიზანსწრაფვა გააჩნდა. ესეც არ იყოს, თვითონ კი არ მიჰქონდა თავი სამსხვერპლოზე, რაც მეტად სასიამოვნოა, როცა გიყვარს, არამედ მას ეწირებოდნენ. ქანცგამოცლილი დის ხილვისას სინდისი ქენჯინდა; ამას არც უმაღავდა. და კი ეუბნებოდა:

— აჰ, ჩემო პატარავ!... ნუთუ ვერ ხედავ, რომ მხოლოდ ამით ვცოცხლობ? შენზე რომ არ ვზრუნავდე, რა აზრი ექნებოდა ჩემს სიცოცხლეს?

ბიჭს ეს კარგად ესმოდა. ანტუანეტას ადგილზე ისიც სათუთად გაუფრთხილდებოდა ამ ძვირფას საზრუნავს. მაგრამ გული ეთანაღრებოდა, რომ დას ასეთი თავსატეხი გაუჩინა. თავმოყვარეობაც შელახული ჰქონდა. სუსტი არსებისათვის მეტად მძიმე ტვირთი იყო დაკისრებული პასუხისმგებლობა—აუცილებლად წარმატებისთვის მიეღწია, რადგან მისმა დამ, როგორც ბანქოს თამაშში იციან, მთელი თავისი სიცოცხლე ამ ქაღალდზე შეავლო. ამაზე ფიქრიც კი ზარავდა. იმის ნაცვლად, რომ ორჯერ მეტი ძალა მოეკრიბა. ზოგჯერ სულ დაბეჩავედებოდა ხოლმე. მაგრამ, ყველაფრის მიუხედავად, და აიძულებდა ებრძოლა, ემუშავა, ეცოცხლა: გაეკეთებინა ის, რასაც ამ იძულების გარეშე ვერ გააკეთებდა. ოლივიე წინასწარვე შეგუებული იყო მარცხს, იქნებ თვითშეკვლელობასაც; შესაძლოა, ამ გრძნობას საბოლოოდ მოეცვა კიდეც, მის დას რომ არ მოესურვებინა გაეხადა იგი პატივმოყვარე და ბედნიერი. იტანჯებოდა, რომ მისი ბუნება დამარცხდა; და მაინც ეს გამარჯვება იყო! თავადაც კრიტიკული ასაკისა იყო, იმ საეჭვო ასაკისა, როცა ათასობით ახალგაზრდა იღუპება, გარყვნილებას რომ ეძლევა და ორი-სამი წლის სიშმაგეს დაუბრუნებლად სწირავს მთელს ცხოვრებას. საფიქრელი დრო რომ ჰქონოდა, ფუქსავატურ ცხოვრებას ან სასოწარკვეთას მიეცემოდა. როგორც კი საკუთარ გულში ჩაიხედავდა, ავადმყოფური ოცნება იპყრობდა, ეზიზღებოდა პარიზი, სადაც მილიონობით არსება სიბინძურის წუმქეში ჩაძირულიყო. ერთმანეთში ირეოდა და ერთად იხრწნებოდა. მაგრამ დის ხილვა ამ კოშმარს ფანტავდა: რაკი ანტუანეტა მხოლოდ იმისთვის ცოცხლობდა, რომ ძმის ეცოცხლა, ოლივიესაც გადაეწყვიტა, საკუთარი სურვილის მიუხედავად ეცოცხლა და ბედნიერი გამხდარიყო.

ამგვარად წარიმართა ცხოველ რწმენაზე დაფუძნებული მათი ცხოვრება. ეს რწმენა სიზამაცის, რელიგიისა და კეთილშობილი პატივმოყვარეობისაგან შედგებოდა. ორივე ბავშვი მთელი არსებით ერთადერთი მიზნისკენ — ოლივიეს წარმატებისაკენ მიისწრაფოდა. ანტუანეტა ყოველგვარ სამუშაოზე, ყოველგვარ დამცირებაზე თანახმა იყო. აღმზრდელად მუშაობდა ოჯახებში, სადაც თითქმის მოსამსახურესავით ეპყრობოდნენ. თავის მოწაფეებს ძიძასავით სასიეროდ უნდა გაპყროლოდა, მათთან ერთად საათობით უნდა ეთელა ქუჩები, იმ საბაბით, რომ გერმანული ესწავლებინა მათთვის. მაგრამ ძმის სიყვარული და საკუთარი სიამაყე ამ სულიერ ტანჯვასა და დაღლილობაში შეეხებას პვერიდა.

ქანცგაწყვეტილი ბრუნდებოდა შინ; ახლა ოლივიეზე უნდა ეზრუნა: ბიჭი მთელ დღეს ლიცეუმში ატარებდა, ნახევრად პანსიონერად მიეღოთ და შინ მხოლოდ საღამოს მოდიოდა. ანტუანეტა გაზის ქურაზე, ან სპირტქურაზე ამზადებდა სადილს. ოლივიეს მადა არ ჰქონდა, ყველაფერი ეზოზლებოდა, ხორცი გულს ურევდა: ძალა უნდა დაგეტანებინა, რაიმე რომ ეჭამა; თავი უნდა გემტვრია, მისი მოსაწონი კერძი რომ გამოგეგონებინა; საბრალო ანტუანეტა კი არასოდეს ყოფილა დახელოვნებული მზარეული. დიდი ტანჯვა-წამების სანაცვლოდ დამამცირებელ შენიშვნებს ისმენდა ძმისგან — შენი ნახელავი პირში არ ჩაიდებაო. მხოლოდ გაზის ქურასთან გატარებული არაერთი სასოწარკვეთით სავსე საათის შემდეგ, იმ იღუმალი სასოწარკვეთის შემდეგ, რასაც ასე კარგად იცნობენ ახალბედა, გაუწაფავი დიასახლისები, რაც სიცოცხლესა და ზოგჯერ ძილსაც უწამლავს მათ, ისე, რომ არავინ არაფერი იცის ამის შესახებ, — ასე თუ ისე წარმატებასაც მიაღწია.

ნასაღილევს ანტუანეტა ორიოდ დასვრილ თევშს გარეცხავდა (ოლივიეს უნდოდა დას ამ საქმიანობაში მიხმარებოდა, მაგრამ იგი უარობდა) და დედისავით ზრუნავდა ძმაზე. გაკვეთილებს ათხრობინებდა, დავალებებს უმოწმებდა. ზოგჯერ ამოცანის ამოხსნაშიც ეხმარებოდა, თან ცდილობდა ყოველივე ისე გაეკეთებინა, რომ ამ პატარა, ექვიანი არსებისთვის შეუტარცხყოფა არ მიეყენებინა. საღამოობით იმ ერთადერთ მაგიდას შემოუსხდებოდნენ, ერთდროულად სანადილო და საწერი მაგიდის მაგივრობას რომ სწევდა. ოლივიე დავალებებს ამზადებდა, ანტუანეტა კერავდა ან წერდა. როცა ოლივიე წებებოდა, ანტუანეტას მისი ტანსაცმელი მოჰყავდა წესრიგში ან თავისთვის მუშაობდა.

თუმცა წლებზე ფეხს იდგამდნენ, გადაწყვიტეს, რომ ფულით, რომლის გადანახვასაც მოახერხებდნენ, უპირველეს ყოვლისა, ვალი გაესტუმრებინათ. დედამ რომ აიღო პუაიესგან. იმიტომ კი არა, რომ მოსამართლე და მისი ცოლი ფულის თხოვნით თავს აბეზრებდნენ: პირიქით, მათი არსებობის არავითარი ნიშანწყალი არ ისმოდა; ისინი ამ ფულზე აღარც ფიქრობდნენ, სამუდამოდ დაკარგულად მიაჩნდათ: ბედნიერადაც კი თვლიდნენ თავს. ასე იოლად რომ მოიშორეს სახელისგამტეხი ნათესავები. მაგრამ სიამაყე და დედის ხსოვნისადმი პატივისცემა ნებას არ აძლევდა ბავშვებს, რომ დედა მათთვის საძულველი

ხალხის მოვალედ დარჩენილიყო. ყველაფერს იკლებდნენ, ხელს უჭერდნენ ყოველ გროსს, უარს ამბობდნენ გართობაზე, ჩასაცემლზე და საკმელზე, მათთვის უზარმაზარი თანხა, ორასი ფრანკი რომ მოეგროვებინათ. ანტუანეტას უნდოდა მხოლოდ საკუთარი თავი შეეზღუდა. მაგრამ, როცა ძმა მიუხვდა სანაძღვლს, ვერაფერმა გადაათქმევინა, რომ ისიც დასავით მოქცეულიყო. ლონეს არ იშურებდნენ ამ მიზნის მისაღწევად და ბედნიერი იყვნენ იმ დღეს, როცა რამდენიმე სუს გადაინახავდნენ.

სუს სუზე აწებებდნენ და სამი წლის მომჭირნეობის შედეგად შეძლეს საჭირო თანხის მოგროვება. ეს დიდი სიხარული იყო მათთვის... ერთ საღამოს ანტუანეტა პუაიეს ეწვია. არცთუ ალერსიანად მიიღეს, რადგან ეგონათ დახმარების სათხოვნელად მოვიდაო. იფიქრეს, გაღმა შევედავოთო და გულცივად უსაყვებლურეს, თქვენს ამბავს რატომ არ გვაგებინებ, დედის სიკვდილიც კი არ შეგვეტყობინე, როცა დაგკირდით, მხოლოდ მაშინ გავვიხსენეო. ანტუანეტამ შეაწყვეტინა და უთხრა, თქვენს შეწუხებას არ ვაპირებ, მხოლოდ ნასესხები ფულის დასაბრუნებლად მოვედიო. მაგიდაზე ორი საბანკო ბილეთი დადო და ხელწერილი მოითხოვა. პუაიებმა მაშინვე კილო შეიცვალეს, თავს აჩვენებდნენ, თითქოს ფულის აღება არ უნდოდათ: გოგონასადმი იმ უეცარი სიყვარულით განიშკვალნენ, კრედიტორი რომ გრძნობს ხოლმე მევალის მიმართ, როცა იგი წლების შემდეგ დაუბრუნებს ფულს, რომლის დაბრუნების იმედიც დაკარგული ჰქონდა. უნდოდათ გაეგოთ, სად და როგორ არიან ის და მისი ძმა. ანტუანეტამ პასუხს თავი აარიდა, კვლავ ხელწერილი მოითხოვა, მეჩქარებაო დაძინა, ცივად გამოემშვიდობა მასპინძლებს და შინისაკენ გასწია. ამ გოგოს უმადურობამ პუაიები მოთმინებიდან გამოიყვანა.

აკვიატებული აზრისაგან განთავისუფლებულმა ანტუანეტამ კვლავ დუბკირი ცხოვრება განაგრძო, ოღონდ ახლა უკვე ოლივიესთვის. საკუთარ თავში იკეტებოდა, ოლივიეს რომ არაფერი სცოდნოდა. საკუთარ ჩასაცემელსა და ზოგჯერ საკვებზეც მომჭირნებდა, ძმისთვის ჩასაცემელი და გასართობი რომ არ მოეკლო, მისი ცხოვრება უფრო მშვიდი და ლამაზი რომ გაეხადა, საშუალება რომ მიეცა ღროდადრო კონცერტზე ან მუსიკალურ თეატრში წასულიყო, რაც ოლივიესთვის უდიდესი ბედნიერება იყო. ოლივიეს დის გარეშე წასვლა არ უნდოდა: მაგრამ ანტუანეტა ყოველთვის პოულობდა მიზეზს, წასვლისთვის თავი რომ აერიდებინა და ძმას სინდისის ქენჯნა არ ეგრძნო. ამბობდა, ძალიან დავიღალე, წასვლა არ მინდა და არც მესიამოვნებაო. ოლივიე როდი იჯერებდა სიყვარულით ნაკარნახევ ამ ტყუილს, მაგრამ მისი ბავშვური ეგოიზმი იმარჯვებდა. თეატრში მაინც მიდიოდა. მისვლისთანავე კვლავ სინდისი ქენჯნიდა. მთელი წარმოდგენის განმავლობაში სულ ამაზე ფიქრობდა და ბედნიერებაც ჩაშხამებული ჰქონდა. ერთხელ, კვირას დამ „შატლე“-ში კონცერტზე

1 „შატლე“ — თეატრი პარიზში.

რომ გაგზავნა, ნახევარი საათის შემდეგ უკან მობრუნდა და ანტუანეტას უთხრა, სენ-მიშელის ხილს რომ მივალწიე, გზის გაგრძელება ვეღარ შევძელი, კონცერტი აღარ მინტერესებდა, მიმძიმს მარტომ ვისიამოვნოო. ამაზე ტკბილი არაფერი იყო ანტუანეტასთვის, თუმცა ეწყინა, რომ მის გამო ძმა კვირის ვასართობს მოაკლდა. ოლივიე კი სულაც არ ნანობდა. შინ დაბრუნებულმა სახეგაბრწყინებული დის ხილვისას, ამოდ რომ ცდილობდა დაემალა სიხარული, თავი ისე ბედნიერად იგრძნო, როგორც ვერცერთი, მსოფლიოში საუკეთესო მუსიკის მოსმენისას ვერ იგრძნობდა.

მთელი საღამო ფანჯარასთან ერთმანეთის პირისპირ ისხდნენ; ძმას წიგნძეკირა, დას — ხელსაქმე. მაგრამ არც ერთი კითხულობდა და არც მეორე ქვრავდა; წერილმანებზე ლაპარაკობდნენ, მაინცდამაინც არცერთს რომ არ აინტერესებდა. არასოდეს არცერთი კვირა ასეთი ტკბილი არ მოსჩვენებიათ. შეთანხმდნენ, დღეიდან კონცერტებზე სულ ერთად ვიაროთო. უერთმანეთოდ არ შეძლოთ ბედნიერად ეგრძნოთ თავი.

ანტუანეტამ შეძლო ფარულად იმდენი ფული გადაენახა, რომ ოლივიესთვის სიურპრიზი დაეხვედრებინა, პიანინო ეჭირავებინა. საფასურს თუ სისტემატურად გადაიხდიდნენ, რამდენიმე თვის შემდეგ პიანინო მათი საკუთრება გახდებოდა. მძიმე ვალდებულება იკისრა! ფულის გადახდის ვადა რომ მოვიდოდა, თავი კომარში ეგონა ხოლმე, ძალ-ღონეს არ იზოგავდა, საჭირო ფული რომ ეშოვა. სამაგიეროდ, ეს გატაცება იმხელა ბედნიერებას ჰპირდებოდა ოლივიეს! მუსიკა მათთვის ნამდვილი სამოთხე იყო, უზარმაზარი ადგილი ეჭირა მათ ჯოჯოხეთურ ცხოვრებაში. მუსიკაში ეფლობოდნენ და ქვეყნად ყველაფერს ევიწყებდნენ. ეს არცთუ უხიფათო იყო. მუსიკა — თანამედროვე ადამიანის უდიდესი გამხრწნელია ზოგჯერ. მისი მხურვალე ნეტარება, ცხელი ოსშივარი ასუსტებს ან მაცდურ შემოდგომასავით მეტისმეტად აღაზნებს გრძნობებს და ნებისყოფას ადუნებს. ანტუანეტას შრომისაგან გადაღლილ და ყოველგვარ სიხარულს მოკლებულ სულისთვის იგი ნამდვილი შვევა იყო. საკვირაო კონცერტი მუხლჩაუდრეკელ შრომაში გატარებული კვირის ერთადერთი მოღვაწე სხივი იყო. უკანასკნელ კონცერტს იგონებდნენ და მომავლის იმედით ცოცხლობდნენ; ამ ორი-სამი საათის განმავლობაში მათთვის არც დრო არსებობდა და არც პარიზი. წვიმასა თუ თოვლში, ქარსა თუ ყინვაში ქუჩაში დიდი ხნის ლოდინის შემდეგ ერთმანეთს ჩაკრულნი და ათრთოლებულნი, ვაითუ ადგილი აღარ იყოსო, ბოლოსდაბოლოს ხმაურიან ბრბოსთან ერთად თეატრში შედიოდნენ ვიწრო და ცუდად განათებული ადგილების დასაკავებლად. სიცხისა და სივიწროვისაგან გული თითქმის უწუხდებოდათ, მაგრამ ბედნიერნი იყვნენ, ბედნიერნი საკუთარი და ერთმანეთის ბედნიერებით; ბედნიერნი, რომ მათ სულში იღვრებოდა ბეთჰოვენისა და ვაგნერის სულიდან მომდინარე ნათელი და ძლიერი ტალღა; ბედნიერნი იმის ხილვით, როგორ აცისკროვნებდა სიხარული ძვირფას, ნადრევი ზრუნვისა და დაღლილობისაგან გაფითრებულ

სახეს. მოქანცული ანტუანეტა უჩვეულო სისუსტეს გრძნობდა, ეჩვენებოდა, დედის მკლავები მკერდში მიკრავენო! გოგონა წყნარ და თბილ ბუდეში იკალათებდა და ხმადაბლა ჭკითინებდა. ოლივიეს მისი ხელი ეჭირა. ჩაბნელებულ დარბაზში, სადაც მათ გარდა მრავალი იყო მუსიკის მშობლიურ ფრთას შეფარებული ტანჯული სული, მათ არაფერ აქცევდა ყურადღებას.

ანტუანეტა სარწმუნოებაში ეძებდა შვებას. მეტად მორწმუნე იყო. ყოველ-ცისმარე დღე ხანგრძლივად და მხურვალედ ლოცულობდა, კვირაობით წირვას არ გააცდენდა. უსამართლობითა და გაჭირვებით სავსე ცხოვრებაში როგორ შეეძლო არ ეწამა ღვთაებრივი მეგობრის სიყვარული, მასთან ერთად რომ იტანჯებოდა და ოდესმე ნუგეში რომ უნდა ეცა მისთვის. ღმერთზე მეტად სულიერი კავშირი თავის მეკვდრებთან ჰქონდა. ყოველ განსაცდელს მათ უზიარებდა. დამოუკიდებელი და გამჭირაბი გონების პატრონი, სხვა კათოლიკეებისაგან განზე იდგა და ისინიც არ უყურებდნენ კარგი თვალთ, ბოროტ სულს ხედავდნენ მასში, ჯერ მთლად თავისუფლად მოაზროვნეს თუ არა, ამჟამად ამ გზაზე მდგარს, რადგან, როგორც ყოველ ჰემმარიტ ფრანგს, არ სურდა თავისუფალ აზროვნებაზე ხელი აეღო, სწამდა სიყვარულის გამო და არა უგუნური პირუტყვივით ბრმად.

ოლივიეს ღმერთი არ სწამდა. რწმენა პარიზში ჩამოსვლის პირველსავე თვეებში შეერყა და მისმა თანდათანობით დაკარგვამ საბოლოოდ გაანადგურა ბიჭი. ეს საშინლად ტანჯავდა, რადგან არც ძლიერი იყო და არც გონებაზეზღუდული, რწმენის გარეშეც იოლად რომ გასულიყო. ერთხანს საშინელი უგუნებობაც დასჩემდა. მისტიციზმისკენ მიდრეკილება კი მაინც შემორჩა. ურწმუნეობის მიუხედავად დის ფიქრები მეტად ახლობელი იყო მისთვის. ორივენი რელიგიური რწმენის ატმოსფეროში ცხოვრობდნენ. საღამოს, მთელი დღის განშორების შემდეგ, ქალაქის სხვადასხვა ბოლოდან შინ რომ ბრუნდებოდნენ, მათი ღარიბული, გაყინული, მაგრამ სუფთა პატარა ბინა ნამდვილ ნავსაყუდლად, ხელშეუხებელ თავშესაფრად იქცეოდა ხოლმე. რა შორს იყო აქედან პარიზის ბილწი ფიქრები!..

თავიანთ საქმეებზე მაინცდამაინც ბევრს არ ლაპარაკობდნენ; დაღლილი რომ ბრუნდები, სურვილი არა გაქვს მოყოლისას ხელახლა გადაიტანო მძიმე დღე; ცდილობდნენ, ერთად მიეცათ იგი დავიწყებისთვის. განსაკუთრებით პირველი საათის განმავლობაში. საღამოს, ვახშამს რომ მიუსხდებოდნენ, ცდილობდნენ, ერთმანეთისთვის არაფერი ეკითხათ. თვალებით ეუბნებოდნენ ერთმანეთს „საღამო მშვიდობისაო“ და ზოგჯერ ისე დაასრულებდნენ ვახშამბას, სიტყვაც არ დაცდებოდათ. ანტუანეტა თეფშის წინ ჩაფიქრებით მჯდომ ოლივიეს შესცქეროდა. ბიჭი ისევე იჯდა, როგორც პატარაობისას სჩვეოდა ხოლმე. და ხელზე ნაზად შეეხებოდა.

— აბა, ყოჩაღად! — ეტყოდა ღიმილით.

ძმაც იღიმიებოდა, ჰამას იწყებდა. ვახშამი ისე ჩაივლიდა, არცერთი არ

შეეცდებოდა საუბრის წამოწყებას; სიჩუმეს მოწყურებულნი იყვნენ... ბოლოს, ცოტას რომ ამოისუნთქავდნენ და გასული დღის ბინძური კვალის წამშლელ ურთიერთსიყვარულის გარემოცვას რომ იგრძნობდნენ, მაინც ამოიღვამდნენ ენას.

ოლივიე პიანინოს მიუჯდებოდა. ანტუანეტა თანდათანობით დაკვრასაც გადაეჩვია, რადგან მუდამ ძმას უთმობდა ამ სიამოვნებას: ეს ზომ ბიჭის ერთადერთი გასართობი იყო და ისიც მთელის ძალით ეძლეოდა ამ ნეტარებას. ოლივიე მუსიკალური ნიჭით უხვად იყო დაჯილდოებული. მისი ქალური ბუნება, უფრო სიყვარულისთვის რომ იყო შექმნილი, ვიდრე მოქმედებისთვის, იმ ავტორთან ქმნილებებს ერწყმოდა, რომლებსაც უკრავდა, ზუსტად გადმოსცემდა მათ უმცირეს ნიუანსებს, რამდენადაც ამის საშუალებას აძლევდა სუსტი მკლავები და სუნთქვა, „ტრისტანის“ ტიტანურ ძალასა და ბეთჰოვენის უკანასკნელ სონატებზე რომ იმსხვრეოდა. უფრო მეტად მოცარტისა და გლიუკის მუსიკაში ეძებდა თავშესაფარს. ანტუანეტას სწორედ ეს მუსიკა უყვარდა.

ზოგჯერ ანტუანეტაც მღეროდა, მაგრამ უბრალო და მოძველებულ სიმღერებს. ყრუდ მკლერი მეცო-სოპრანო ჰქონდა, ღრმა და ნაზი. იმდენად მორცხვი იყო, ოლივიეს გარდა არავისთან მღეროდა; მასთანაც ძლივს ბედავდა: სუნთქვა ეკვროდა. განსაკუთრებით ბეთჰოვენის ერთი მელოდია უყვარდა შოტლანდიური ბალადის სიტყვებზე. ეს გახლდათ „ერთგული ჯონი“ — მას ისე მშვიდი და თან ისე ნაზი მოტივი ჰქონდა!.. სულ მთლად ანტუანეტას ჰგავდა. ოლივიეს არ შეეძლო უცრემლოდ მოესმინა, როგორ მღეროდა ანტუანეტა ამ სიმღერას.

ანტუანეტას ძმის მოსმენა ერჩია. ცდილობდა, სწრაფად მოეთავებინა საქმე, სამზარეულოს კარს ღიავებდა, უკეთესად რომ მოესმინა, როგორ უკრავდა ოლივიე: თუმცა გოგონა ძალზე ფრთხილობდა, ოლივიე მაინც უჩიოდა, ხმაურით ალაგებო. მაშინ ანტუანეტა კარს მიხურავდა; საქმეს რომ მორჩებოდა, პიანინოდან მოშორებით, ბუხრის წინ, დაბალ სკამზე მოიკალათებდა (ძმა ვერ იტანდა დაკვრისას ვინმე რომ უჭდა გვერდით). ინსტრუმენტისკენ ზურგშექცევით მჯდარი ანტუანეტა კნუტივით მოიკუნტებოდა და ბუხრის ოქროსფერ ალს ჩააცქერდებოდა, სადაც უხმაუროდ იწვოდა ქვანახშირი. წარსულის მოგონებას ეძლეოდა. ცხრა საათი რომ დარეკავდა, უმძიმდა ოლივიესთვის შეესხენებინა, დროა დაამთავრო. თავადაც უჭირდა ფიქრებს მოსწყვეტოდა. მაგრამ ოლივიეს სამუშაო ჰქონდა და ძალზედ გვიან დაწოლაც არ შეიძლებოდა მისთვის. თუმცა ბიჭი უცბად არ უჯერებდა დას. დაკვრის შემდეგ ცოტა დრო უნდა გასულიყო, წიგნის აღება რომ შესძლებოდა. მისი ფიქრები სადღაც დაფრინავდნენ. ხშირად საათი ათის ნახევარს ჩამოჰკრავდა, ის კი კვლავ რაღაც ბურუსით იყო გარემოცული. მაგიდის მეორე მხარეს სამუშაოზე დახრილმა ანტუანეტამ იცოდა, რომ ძმა არაფერს აკეთებდა, მაგრამ ვერ ბედავდა ხშირად გაეხედა მისკენ, ეშინოდა, ზედამხედველობით არ გვაჯავრო.

ოლივიე იმ ასაკისა იყო, როცა ყმაწვილთ უმადურობა სჩვევიათ, მაგრამ ბედნიერნი არიან, როცა მთელი დღეები უსაქმურობაში გადის ხოლმე. სუფთა შუბლი, ქუთუთოებჩაღურჯებული, ქალიშვილივით დადლილი, გულუბრყვილო თვალეები ჰქონდა, დიდი პირი, ჭიუტი, ოდნავ ირიბი სქელი ტუჩები ბუნდოვანი, დაბნეული და ემბაკური ღიმილით იღიმებოდნენ. თვალეებზე ჩამოფხატული სქელი თმა კეფაზე შინიონივით ედო, ზედ ერთი ურჩი კულული აღმართულიყო. ყელსახვევი დაუდევრად ჰქონდა შეკრული (თუმცა და ყოველ დილით მზრუნველობით უკრავდა), ქურთუკზე ღილები მუდამ აწყვეტილი ჰქონდა, თუმცა ანტუანეტა. ყოველდღე უკერებდა. სამაჭეებს არ ატარებდა. ძვალტყავა გრძელი თითები ჰქონდა, დამცინავი, ნამძინარევი და მიბნედილი იერი, გულგრილი იყო და დოყლაპია. უყვარდა ანტუანეტას ოთახის თვალეჩება (სამუშაო მაგიდა გოგონას ოთახში იდგა). შესცქეროდა რკინის პატარა საწოლს, რომლის თავთანაც ბზის ტოტთან ერთად სპილოს ძვლის პატარა ჯვარცმა ეკიდა, დედისა და მამის პორტრეტებს, ძველ ფოტოსურათებს, რომლებზეც პატარა პროვინციული ქალაქი იყო გამოსხატული კოშკითა და სარკესავით კამკამა წყლებით. მზერით მდუმარედ მომუშავე დის სახეს რომ მიადგებოდა, მისდამი უსაზღვრო სიბრალულისა და საკუთარი თავისადმი ზიზღის გრძნობა ეუფლებოდა. აღელვებული და საკუთარი უსაქმურობით გაღიზიანებული გარინდებიდან გამოერკვეოდა და დაკარგული დროის ასანაზღაურებლად ენერგიულად მუშაობდა.

თავისუფალ დროს ოლივიე კითხულობდა ხოლმე. თითოეული თავისთვის კითხულობდა. მიუხედავად იმისა, რომ ერთმანეთი ძალიან უყვარდათ, ერთი და იგივე წიგნის ერთად, ხმამალა კითხვა არ შეეძლოთ. ეს თითქოს მათ კდემამოსილებას შეურაცხყოფდა. კარგი წიგნი ისეთ საიდუმლოდ ეჩვენებოდათ, რომელიც მხოლოდ გულის სიღრმეში უნდა წაეჩურჩულებინათ. როცა რომელიმე გვერდით მოიხიბლებოდნენ, იმის ნაცვლად, რომ იგი ერთმანეთისთვის წაეკითხათ, წიგნს გაუწვდიდნენ, საინტერესო ნაწყვეტზე მიუთითებდნენ და — წაიკითხეო — იტყოდნენ.

სანამ ერთი კითხულობდა, მეორე გაბრწყინებული თვალეებით შესცქეროდა მეგობრის განცდას და მასთან ერთად ტკებოდა.

ხშირად წიგნს შემოუსხდებოდნენ იდაყვებზე დაყრდნობილნი და კი არ კითხულობდნენ, — საუბრობდნენ. შედამებისას უფრო უადვილდებოდათ საუბარი. ოლივიეს ნაღვლიანი ფიქრები არ შორდებოდა, ამ სუსტ არსებას უნდოდა დარდი გაექარებინა, თავის სატანჯველს დას უმხელდა და მასაც ნაღველს აწვეთებდა გულში. ეკვები ღრღნიდა. ანტუანეტას უნდა გაემხნევებინა იგი და საკუთარი თავისაგან დაეცვა. ეს უსასრულო ბრძოლა ყოველ ცისმარე დღე გრძელდებოდა. ოლივიე მწარე და ნაღვლიან ამბებს ჰყვებოდა და მსწრაფლ გულს მოეფონებოდა ხოლმე. მაგრამ თავს არ იწუხებდა იმაზე ფიქრით, რომ მათი სიმძიმე ახლა დას უკლავდა გულს. ძალიან გვიან შენიშნა, როგორ ქან-

ცავდა დას: ძალას ართმევდა და საკუთარი ეკვებით ავსებდა. ანტუანეტა არაფერს იზინევდა. ბუნებით გულადი და ლაღი გოგონა ცდილობდა ძმისთვის კვლავ მხიარულად მოეჩვენებინა თავი, თუმცა მისი მხიარულება კარგა ხანია გამქრალიყო. მას დაქანცულობისა და მუდმივად თავგანწირული სიცოცხლის წინააღმდეგ, თავად რომ მოიხვია თავს, აღშფოთების წუთებიც ჰქონდა. მაგრამ გმობდა ამ აზრებს და არ უნდოდა მათზე ეფიქრა. ეს აზრები თავისთავად აუკვიატებოდა, მაგრამ მყისვე უარყოფდა. ლოცვა შეელოდა; გარდა იმ შემთხვევებისა, როცა მის გულს ლოცვა აღარ შეეძლო (ასეც ხდება ხოლმე), როცა გული ეფიტებოდა. მაშინ ისღა რჩებოდა, მღუპარეს, აღმურმოდებულსა და დარცხენილს დაეცადა, რომ მადლი დაბრუნებოდა. ოლივიეს აზრადაც არ მოსდიოდა დის კავშანი. ამ დროს ანტუანეტა მუდამ პოულობდა მიზეზს, რომ სახლიდან გასულიყო ან თავის ოთახში ჩაკეტილიყო. მხოლოდ მაშინ გამოჩნდებოდა, როცა კრიზისი ჩაივლიდა. მომღიმარი, განაწამები სახე ჰქონდა, გაცილებით უფრო ნაზი, ვიდრე წინათ, თითქოს გადატანილი ტანჯვისათვის სინდისი ქენჯნისო.

და-ძმის ოთახები ერთმანეთს ემიჯნებოდნენ. საწოლები ერთ კედელთან ედგათ. შეეძლოთ ერთმანეთთან ეჩურჩულათ; როცა რომელიმეს უძილობა აწუხებდა, წყნარი კაკუნი კედელზე ნიშნავდა — გძინავსო? მე არ მეძინებაო.

კედელი ისე თხელი იყო, და-ძმა თითქოს ორი მეგობარივით გვერდიგვერდ, უბწოდ იწვნენ ერთ საწოლში. მაგრამ კარი მათ ოთახებს შორის ყოველდამ იეცებოდა ინსტინქტური და ღრმა მოკრძალების წმინდა გრძნობის გამო. კარი ღიად მხოლოდ მაშინ რჩებოდა, როცა ოლივიე ავად იყო, რაც საკმაოდ ხშირად ხდებოდა.

ბიკის სუსტი ჯანმრთელობა არ უმჯობესდებოდა. პირიქით, თითქოს უფრო შეირყა კიდევ. მუდამ იტანჯებოდა, ხან ყელი სტკიოდა, ხან მკერდი, ხან თავი ან გული; ოდნავი გაცივებაც კი შესაძლოა ბრონქიტად ქცეოდა. ერთხელ ქუნთრუშმა დაემართა და კინაღამ გადაჰყვა კიდევ. კარგად მყოფიც კი ზოგჯერ სერიოზული ავადმყოფი გეგონებოდათ. ფილტვებსა და გულში მტკივნეულ ჩხვლეტას გრძნობდა. ერთხელ ექიმმა მოუსმინა და პერიკარდიტის თუ პერიპნევმოზის დიაგნოზი დაუსვა; შემდეგ უფრო ცნობილ სპეციალისტს მიმართეს. მანაც დაადასტურა დიაგნოზი. თუმცა მართალი არ გამოდგა; ოლივიეს, უბრალოდ, ნერვები ვერ ჰქონდა წესრიგში. ცნობილია, რომ ამ სახის სენი ყველაზე უფრო მოულოდნელ ფორმასაც კი იღებს, მაგრამ რამდენიმე დღის ნერვიულობის შემდეგ გაივლის. რა საშინელი იყო ეს დღეები ანტუანეტასათვის! რამდენი ღამე გაუტარებია უძილოდ! ხშირად წამოდგებოდა, კართან მივიდოდა, ძმის სუნთქვისთვის ყური რომ მიეგდო. ეშინოდა, ეგონა კვდებოდა: იცოდა, დარწმუნებული იყო ამაში. აკანკალებული საწოლზე წამოჯდებოდა, ხელებს იმტვრევდა. პირზე იფარებდა, რომ არ ეყვირა.

— ღმერთო ჩემო! ღმერთო ჩემო! — ლოცულობდა იგი, — ნუ წაპართმევ

მის თავს! არა, ამის უფლება არა გაქვს!.. გთხოვ, გვედრები!.. ო, ძვირფასო დედიკო! დამეხმარე! გადაარჩინე იგი, ისე ჰქმენ, რომ იცოცხლოს!
სხეული ეძაბებოდა.

— აჰ! მოკედეს მაშინ, როცა უკვე ამდენი გააკეთა, როცა თითქმის მიად-წია მიზანს, როცა ბედნიერება თითქმის კარზე მოადგა..., არა, ეს შეუძლებე-ლია, ეს უღმერთობა იქნება!..

მალე ოლივიემ სხვა საზრუნავი გაუჩინა დას.

ისიც დასავით ზედმიწევნით პატიოსანი იყო, მაგრამ სუსტი ნებისყოფა და ძალზედ თავისუფალი და რთული გონება ჰქონდა, მუდამ იწყნარებდა იმას, რაც ცუდად იცოდა, ცოტა დაბნეულსა და სკეპტიკოსს სიამოვნება უყვარდა. ანტუანეტა ისეთი სუფთა ბუნებისა იყო, დიდხანს ვერ შეძლო გაეგო, რა ხდებოდა ძმის სულში. ეს მან ერთ დღეს უეცრად აღმოაჩინა.

ოლივიეს და შინ არ ეგონა. ჩვეულებრივ, ამ დროს მას გაკვეთილი ჰქონდა, მაგრამ წასვლის წინ მოწაფისგან ბარათი მიიღო, დღეს ვერ ვიმეცადინებთო. ამან ფარული სიამოვნებაც კი მიანიჭა, თუმცა მის ღარიბულ ბიუჯეტს რამდენიმე ფრანკი დააკლებოდა; მეტად დაღლილი იყო და საწოლზე გაიშობა; სიამოვნებდა, რომ ერთ დღეს მაინც დაისვენებდა სინდისის ქენჯნის გარეშე. ოლივიე ლიცეიდან დაბრუნდა, ერთი ამხანაგიც მოჰყვა. გვერდით ოთახში მოიკალათეს და საუბარი გააბეს. ყველაფერი ისმოდა, რასაც ლაპარაკობდნენ: არავის ერიდებოდნენ, ეგონათ, მარტო იყვნენ. ანტუანეტა ღიმილით უსმენდა ძმის მხიარულ ხმას. მაგრამ მალე ღიმილი შეწყვიტა და ძარღვებში სისხლი გაეყინა. ბიჭები უხეში და გულისამრევი გამოთქმებით ჰყვებოდნენ ათასგვარ სისაძაგლეს. თითქოს ეს სიამოვნებდათ კიდევ. ანტუანეტას ესმოდა, როგორ იცნოდა ოლივიე, მისი პატარა ოლივიე, რომლის ბაგეებიდან, აქამდე უცოდველი რომ ეგონა, ახლა უწმაწური სიტყვები ამოდიოდა და გოგონას შიშისაგან გულს უყინავდა. ანტუანეტას გული მწვავე ტკივილმა დაუსერა. ამან დიდხანს გასტანა. ბიჭები ლაპარაკით არ იღლებოდნენ, ანტუანეტას კი არ შეეძლო ძმისთვის არ ესმინა. ბოლოს ბიჭები წავიდნენ და ანტუანეტა მარტო დარჩა. მაშინ იგი ატირდა. რაღაც ჩაკვდა მასში. მის მიერ შექმნილი ძმის, ბავშვის იდეალური სურათი წაიბილწა. ეს მომაკვდინებელი ტანჯვა იყო. საღამოს, ერთმანეთს რომ შეხვდნენ, გოგონას ძმისთვის არაფერი უთქვამს. ძმამ შენიშნა, რომ იგი ნამტირალევი იყო, მიზეზი კი ვერ გაიგო. ვერ გაიგო, რატომ შეიცვალა და მის მიმართ. დრო იყო საჭირო, ანტუანეტას საკუთარი თავი ხელში რომ აეყვანა.

მაგრამ, ყველაზე მტკივნეული დარტყმა, რომელიც ოლივიემ დას მიაყენა, ის იყო, რომ ერთ საღამოს შინ არ დაბრუნებულა. ანტუანეტა მთელი დამე ელოდა, არ დაწოლილა. არა მხოლოდ ფაქიზი სული, გულის იდუმალი კუნძულებიც ეტანჯებოდა; ის ღრმა კუნძულები, სადაც საშინელი გრძნობები

დღედა და რომლებსაც საბურველით ფარავდა. ამ საბურველის გადაწევა ცი აჭრძალული იყო.

ოლივიეს ძალიან სურდა დამოუკიდებლობა მოეპოვებინა. დილით დაბრუნდა: ნოფიქრებული ჰქონდა, როგორ მოქცეულიყო, მზად იყო კადნიერადაც ეპასუხა დისტის, თუკი იგი შენიშვნას მისცემდა. ბინაში თითის წვერებზე შეიპარა, ანტუანეტა რომ არ გაეღვიძებინა. მაგრამ და ფეხზე დაინახა, მომლოდინე, გაფითრებული, თვალბდაწითლებული, ნამტარალევი, საყვედურის ნაცვლად მღუმარედ რომ ზრუნავდა მასზე, ლიცეუმში წასვლის წინ საუზმეს რომ უმზადებდა და თუმცა უგუნებოდ ჩანდა, ხმას არ იღებდა. მთელი მისი არსება ცოცხალი საყვედური იყო, და ბიჭმაც ვერ გაუძლო, მუხლებში ჩაუფარდა, თავი დის კალთაში ჩარგო. ერთად ატირდნენ. ბიჭს საკუთარი თავისა რცხვენოდა, გატარებული ღამის მოგონება გულს ურევდა. თავი მიწასთან გასწორებულად მიაჩნდა; უნდოდა რაღაც ეთქვა, მაგრამ ანტუანეტამ არ დაანება, პირზე ხელი ააფარა; ბიჭმა ხელები დაუოცნა. მეტი არაფერი უთქვამთ. ერთმანეთს გაუგეს. ოლივიემ თავს შეჭფიცა, ისეთი გაეხლები, როგორადაც ჩემს დას სურს მიხილოსო. მაგრამ ანტუანეტას ასე მალე არ უშუშდებოდა წყლული; თანდათანობით გამოდიოდა მდგომარეობიდან. დას კვლავინდებურად ძალიან უყვარდა ძმა, მაგრამ მის სულში რაღაც ისეთი დაინახა, რაც ანტუანეტასთვის უცხო იყო და რისიც ეშინოდა.

ანტუანეტას განსაკუთრებით აღეღებდა ის, რასაც ოლივიეს გულში ამჩნევდა, რადგან თავადაც იტანჯებოდა მამაკაცების დევნის გამო. საღამოობით, შებინდებისას, შინ რომ ბრუნდებოდა, მითუმეტეს, თუ ნასადილევს უხლებოდა გასვლა რაიმეს მოსატანად ან გადაწერილი სამუშაოს დასაბრუნებლად, აუტანელი ნალველი შემოაწვებოდა გულზე, თუ ვინმე აედევნებოდა, კუდში გაჭყვებოდა და მის ბინძურ წინადადებებს თუ მოისმენდა. ყოველთვის, როცა ძმის წაყვანა შეეძლო, თან მიჰყავდა, იმ საბაბით, რომ ცოტა გაესეირნებინა. ოლივიე მაინცდამაინც ხალისით არ თანხმდებოდა და გოგონაც დაჟინებას ვერ ბედავდა. არ უნდოდა მუშაობაში ხელი შეეშალა. მისი უმანკო და პროვინციული სული პარიზულ ადამებს ვერ ეგუებოდა. ღამით პარიზი მისთვის ტყე იყო. სადაც საძაგელი მხეცებისგან დევნილად გრძნობდა თავს. თავშესაფრიდან გასვლისა ეშინოდა. დიდხანს ყოყმანობდა. მუდამ იტანჯებოდა იმის გაფიქრებაზე. იქნებ ჩემი პატარა ოლივიეც იმ კაცებისთანაა, ჩემზე რომ ნადირობენო. საღამოს, შინ დაბრუნებისას, ძმისთვის ხელის ჩამორთმევა და საღამო მშვიდობისას თქმაც კი უჭირდა. ძმას კი ვერ წარმოედგინა, რაზე წუხნდა მისი და...

ანტუანეტა ძალიან ღამაზი არ იყო, მაგრამ მეტად ეშხიანი გოგონა გახლდათ და მიწაუნებურად მხერას იპყრობდა. უბრალოდ, თითქმის მუდამ ძაძებში ჩაცმული, მომცრო ტანის, სუსტი, ნაზი, არასოდეს ხმას არ იღებდა, მღუ-

მარედ გაძვრებოდა ბრბოში, სხვების ყურადღებას გაუბრბოდა და, პირიქით, თავისი დაღლილი და მშვიდი თვალების ღრმა, მომხიბვლელი გამომეტყველებითა და პატარა, უმანკო ბაგეებით ყურადღებას იქცევდა. რამდენჯერმე შენიშნა კიდევ, რომ მოსწონდათ; ამან შეაჯრთო, მაგრამ მაინც ესიაშოვნა. ვინ იცის, რამდენ სანდომიან, უმანკო, კეკლუც არსებას მისდაუნებურად აუღელდება მშვიდი სული სხვა სულებთან სასიაშოვნო ურთიერთობას რომ შეიგრძნობს. ყოველივე ეს უხერხულ მოძრაობაში, ნაზ მზერაში გამოიხატებოდა, რაც სასიაშოვნოც იყო და ამაღლევებელიც. ეს შიში კიდევ უფრო მიმზიდველს ხდიდა გოგონას. სურვილს აღძრავდა; რაკი ღარიბი გოგონა იყო და მფარველი არ გააჩნდა, არავინ ერიდებოდა და რაც მოეპრიანებოდათ, პირდაპირ ეუბნებოდნენ.

ზოგჯერ იგი მდიდარი ებრაელების, ნათანების სალონში დადიოდა. მათ იგი ერთერთი მეგობრის ოჯახში გაიკვნეს, სადაც ანტუანეტა მასწავლებლობდა. ნათანები დააინტერესა ანტუანეტამ. მიუხედავად სიმორცხვისა და თავდაპირილობისა, გოგონამ მაინც ვერ შეძლო თავი დაეღწია ერთი თუ ორი წვეულებისაგან. ბატონი ალფრედ ნათანი პარიზში ცნობილი პროფესორი გახლდათ, გამოჩენილი მეცნიერი, საკმაოდ მაღალ წრეს ეკუთვნოდა, მეცნიერება და ფუქსავატობა უცნაურად აღრეულიყო მასში: ეს დამახასიათებელია ებრაული საზოგადოებისათვის. ქალბატონი ნათანი ჭეშმარიტი ქველმოქმედი და უციღურესად დარბაისელი ქალი იყო. ანტუანეტას ხელგაშლილად, აშკარა სიმპათიითა და გულწრფელად ხედებოდნენ, თუმცა არა ყოველთვის. ანტუანეტამ ებრაელებს შორის მეტი სიკეთე ჰპოვა, ვიდრე თანამორწმუნეებთან, მათაც ბევრი ნაკლი გააჩნდათ, მაგრამ უდიდესი და უპირველესი ღირსებაც ჰქონდათ. ისინი ცხოვრობენ, ადამიანურნი არიან, არაფერი ადამიანური მათთვის უცხო არაა, ცოცხალი არსებანი აინტერესებთ. მაშინაც, როცა ჭეშმარიტი, მხურვალე სიყვარული აკლიათ, ცნობისმოყვარეობა მაინც შერჩენიათ, რაც აიძულებს თავიანთგან განსხვავებულ ადამიანთა სულები და მეტნაკლებად ღირებული აზრები ეძებონ. ეს ჯერ კიდევ იმას როდი ნიშნავს, რომ მათ დასახმარებლად დიდ რამეს აკეთებდნენ, რადგან ერთდროულად სხვადასხვა ინტერესი ამოძრავებთ და თუმცა უარობენ, სხვაზე მეტად ეძლევიან მაღალი წრის პატივმოყვარეობას; ყოველ შემთხვევაში, რალაცას მაინც აკეთებენ და ეს უკვე დიდი რამაა თანამედროვე აპათიურ საზოგადოებაში. ისინი ყოველგვარი სიცოცხლის წყაროს, ცხოვრების საფუარს წარმოადგენენ. კათოლიკეებთან ანტუანეტა გაყინულ, გულგრილ კედელს შეეჭახა და გრძნობდა იმ ზედაპირული ინტერესების ფასს, რომელსაც ნათანები მის მიმართ იჩენდნენ. ქალბატონი ნათანი მიხვდა, რა თავგანწირულ ცხოვრებასაც ეწეოდა ანტუანეტა. გოგონას ფიზიკურმა და სულიერმა მომხიბვლელობამ გული აუჩვილა. უნდოდა მფარველობა გაეწია მისთვის. შეილები არ ჰყავდა, მაგრამ ახალგაზრდობა უყვარდა და ზმირად უყრიდა თავს საკუთარ სახლში. დაიყინა, რომ ანტუანეტაც სწვეოდა ზოლმე, მარტობისთვის თავი დაეღწია და ცოტა გართობილიყო. ადვილად მიხვდა, რომ

ანტუანეტას ველურობა, ნაწილობრივ, სიღარიბით იყო გამოწვეული; მოისურვა მისთვის რამდენიმე ლამაზი კაბა შეეთავაზებინა. გოგონამ უარი განაცხადა, მაგრამ კეთილმა მფარველმა გამონახა საშუალება, ანტუანეტა რამდენიმე პატარა საჩუქრის მიღებაზე დაეთანხმებინა, ანტუანეტას უხაროდა და რცხვენოდა კიდევ. თავს ძალას ატანდა, ცდილობდა იშვიათად ევლო ქალბატონ ნათანის წვეულებებზე, მაგრამ ახალგაზრდა იყო და ყველაფრის მიუხედავად. მაინც სიამოვნებდა იქ ყოფნა.

ამ შერეულ საზოგადოებაში, სადაც ბევრი ახალგაზრდა იყრიდა თავს, ქალბატონი ნათანის ღარიბი და ლამაზი პროტექტე მსწრაფლ იქცა ორი თუ სამი თავგასული ყმაწვილკაცის აღტაცების საგნად: რადგან ანტუანეტას მფრთხალი ბუნების დიდი იმედი ჰქონდათ, ამ ყმაწვილკაცებს საკუთარ წარმატებაში ეჭვი არ შეჰპარვიათ. ნიძლავსაც კი ღებდნენ.

ერთ დღეს ანტუანეტამ ანონიმური წერილი მიიღო — უფრო ზუსტად, კეთილშობილი ფსევდონიმით ხელმოწერილი უსტარი — სიყვარულს უხსნიდნენ. ჯერ იყო და პირმოთნე, მგზნებარე სასიყვარულო ბარათები პაემანს უნიშნავდნენ. მერე ეს ბარათები უფრო გაბედულად აუღერდნენ, ემუქრებოდნენ, ხოლო ბოლოს ლანძღვითა და ცილისწამებით აივსნენ. ამ წერილებში გოგონას ამიშვლებდნენ. დაწვრილებით განიხილავდნენ მისი სხეულის ღირსებებს და თავიანთი ბინძური გულისტყმით შეურაცხყოფდნენ. ცდილობდნენ ანტუანეტას გულუბრყვილობით ესარგებლათ, თუ პაემანზე არ მოვიდოდა, საჯარო შერცხვენით ემუქრებოდნენ. გულმოკლული გოგონა მწარედ ტიროდა, ეს სიბინძურე თრგუნავდა მის სიამაყეს და გულს უთუთქავდა. არ იცოდა, როგორ დაეღწია თავი ამ მდგომარეობიდან. არ უნდოდა ძმისთვის რამე ეთქვა: იცოდა, ოღვივს დატანჯავდა და ამით საქმესაც უფრო სერიოზულ სახეს მისცემდა. მეგობრები არ გააჩნდა. პოლიციისთვის მიემართა? სკანდალის შიშით უარს ამბობდა. და მაინც, ამას ბოლო უნდა მოღებოდა. გრძნობდა, ჩუმად ყოფნა არ იკმარებდა თავდასაცავად. არამზადა, ვინც სდევნიდა, თავისას არ დაიშლიდა, და თუ საფრთხეს არ დაინახავდა, არ შეეშვებოდა.

ერთ დღეს ვაჟმა ულტიმატუმიც კი წაუყენა ანტუანეტას, უბრძანებდა, ხეალ ლუქსემბურგის მუზეუმში მიიღო; ანტუანეტა მივიდა — დიდი ფიქრის შემდეგ დარწმუნდა. მდევნელი ქალბატონ ნათანის ერთ-ერთი სტუმართაგანი უნდა ყოფილიყო. წერილის რამდენიმე სიტყვა გადაკვირით მოაგონებდა იმ ფაქტს, რომელიც მხოლოდ ნათანების ბინაზე შეიძლება მომხდარიყო. მან სთხოვა ქალბატონ ნათანს, გაეწია მისთვის დიდი სამსახური — ეტლით წაჰყოლოდა მუზეუმის კარამდე და ცოტა ხანს იქ დალოდებოდა. ანტუანეტა მუზეუმში წავიდა. დათქმულ სურათთან შანტაჟისტი მიუახლოვდა და გადაჰპარბეზული თავიანთობით დაუწყო ლაპარაკი. ქალი მდუმარედ მიაშტერდა. როცა კაცმა სათქმელი დაამთავრა, ხუმრობით ჰკითხა, ასე რატომ მათვალისწინებთო. ქალმა მიუგო — ლაჩარს ვუმზერო.

ვაჟი ასე პატარა რამემ არ შეაცბუნა, თავისუფლად ეჭირა თავი. ქალმა უთხრა:

— გსურდათ სკანდალით დამმუქრებოდით? ახლა მე შემოგთავაზებთ სკანდალს, გინდათ?

მთელი ტანით კანკალებდა, ხმამალა ლაპარაკობდა; ჩანდა, ირგვლივ მყოფთა ყურადღების მიქცევა სურდა. მათ ირგვლივ სერიის მოყვარულებმა მოიყარეს თავი. კაცმა იგრძნო, რომ ანტუანეტა არაფერს მოერიდებოდა, უკან არ დაიხევდა. ხმას დაუწია. ანტუანეტამ უკანასკნელად მიახალა — ლაჩარი ბრძანდებითო და ზურგი შეაქცია.

კაცს არ უნდოდა დამარცხებული დარჩენილიყო და უკან გაჰყვა. ანტუანეტა მუწუნუმიდან გავიდა; კაცი ფხვნიანად მისდევდა. გოგონა პირდაპირ იმ ეტლისაკენ გაეშურა, რომელშიც ქალბატონი ნათანი იჯდა და ელოდა. უცებ კარი გამოაღო და მისი მღვეარი და ქალბატონი ნათანი პირისპირ აღმოჩნდნენ. რა თქმა უნდა, ქალბატონმა ნათანმა ვაჟი იცნო, მიესალმა და დაუძახა კიდევ. ვაჟი დაიბნა და მოკურცხლა.

თუმცა არ უნდოდა, ანტუანეტა იძულებული იყო უკიდურესი თავშეკავებით მოეთხრო თანამგზავრისთვის თავისი ამბავი. უმძიმდა, უცხო ადამიანისთვის გაენდო იღუმალი ტანჯვა. ქალბატონმა ნათანმა უსაყვედურა — რატომ ადრე არ გამაფრთხილეო. ანტუანეტა შეევედრა, არავისთან არაფერი დაგცდეთო. ეს ამბავი ამით დამთავრდა. ანტუანეტას მეგობარს არც კი დასჭირვებია თავისი სალონის კარი მიეხურა იმ ვაჟისათვის: იგი აღარ გამოჩენილა.

დაახლოებით იმავე დროს, ანტუანეტას სულ სხვა დარდიც აწუხებდა.

ერთი ძალზე პატიოსანი, ორმოციოდე წლის კაცი, რომელსაც შორეულ აღმოსავლეთში კონსტანტინოპოლის პოსტი ეკავა და შვებულების რამდენიმე თვეს საფრანგეთში ატარებდა, ნათანებთან ანტუანეტას შეხვდა. მას ყმაწვილი ქალი შეუყვარდა. ქალბატონი ნათანს გადაწყვეტილი ჰქონდა უეჭველად გაეთხოვებინა თავისი პატარა მეგობარი. მან ისე მოაწყო მათი შეხვედრა, რომ ანტუანეტას არაფერი სცოდნოდა. კაცი ებრაელი გახლდათ. მაინცდამაინც ლამაზი არ ეთქმოდა. ცოტა მელოტი და წელში მოხრილი იყო. მაგრამ კეთილი თვალები და მოსიყვარულე გული ჰქონდა. მანერებსა და ქცევასაც ვერ დაუწუნებდით. ტანჯვა უცხო არ იყო მისთვის და სხვისი სატანჯველის გაზიარებაც იცოდა. ანტუანეტაც აღარ იყო კვლავინდებურად პატარა, რომანტიკული გოგონა, რომელიც ცხოვრებაზე ისე ოცნებობდა, როგორც ერთ მშვენიერ დღეს შეყვარებულთან გასაერთიანებდა. ცხოვრება ახლა ხელჩართულ ბრძოლად მიაჩნდა, ყოველდღე ხელახლა რომ უნდა დაიწყო, წუთითაც ვერ შეისვენებ იმის შიშით, რომ წლების განმავლობაში მონაპოვარი შესაძლოა ნამცეც-ნამცეც დაკარგო. ხშირად უფიქრია, რა კარგი იქნებოდა მეგობრის მკლავზე დაყრდნობა, მისთვის დარდის გაზიარება რომ შემეძლოსო. წუთით თვალს თუ მოხუჭავდა, მტკი-

ცელ ეცოდინებოდა, რომ მის მაგივრად მეგობარი იფხიზლებდა. იცოდა, ეს მხოლოდ ოცნება იყო, მაგრამ ჯერ კიდევ ვაჟკაცობა არ ჰყოფნიდა ამ ოცნებაზე უარის სათქმელად. გულის სიღრმეში კარგად იცოდა, უმზითვო ქალიშვილს არაფრის იმედი არ უნდა ჰქონოდა იმ საზოგადოებაში, რომელშიც ცხოვრობდა. მთელმა მსოფლიომ უწყოდა, რა ბილწი და ანგარებიანი იყო ძველი ფრანგული ბურჟუაზიის ქორწინება. ებრაელები ასე საძაგლად როდი არიან დახარბებული ფულს. მათ შორის არცთუ იშვიათად შეხედვებით მდიდარ ყმა-წვირკაცს, ღარიბი გოგონა რომ ამოერჩიოს, ანდა ისეთ ქალიშვილს, ქონება რომ არ აკლია და გატაცებით ეძებს ჰკვიან კაცს. მაგრამ კათოლიკე და პროვინციელი ფრანგი ბურჟუების ქისა ქისას ეძებს, ნეტავ რა თავში იხლიან ამდენ სიწმინდეს ეს უბედურნი? მათთვის უცხოა ამაღლებული კაცის მოთხოვნილებები. მხოლოდ ჰამა, მთქნარება, ძილი და მომჭირნეობა იციან. ანტუანეტა კარგად იცნობდა მათ. ბავშვობიდან მრავლად უნახავს; სიმდიდრისა და სიღარიბის თვალთ განუჭვრეტია ისინი. ილუზიები აღარ გააჩნდა, აღარც რამეს მოელოდა მათგან სასიკეთოს. ამგვარად, მოქმედება კაცისა, რომელმაც ხელი სთხოვა, სასიამოვნო მოულოდნელობა იყო მისთვის. თუმცა თავიდანვე არ ჰყვარებია, თანდათანობით მისდამი მადლიერებისა და სინანლის გრძნობით განიმსქვალა. წინადადებასაც დასთანხმდებოდა, იმ კაცთან ერთად კოლონიამი გამგზავრება და ძმის მიტოვება რომ არ ყოფილიყო საჭირო. ამიტომ უარი თქვა. კაცმა კი, თუმცა ჩინებულად გაიგო ამ მოსაზრებათა კეთილშობილება, მაინც არ აპატია: სიყვარულის ეგოიზმი ვერ ითმენს, ყველაფერი თუ არ შეიწირა, თვით სათნობაც კი, საყვარელი არსების ყველაზე ძვირფასი განძი. კაცი აღარ ზღვებოდა ანტუანეტას. გამგზავრების შემდეგ აღარც წერილი მოუწერია; ანტუანეტამ მისი ასავალ-დასავალისა არაფერი იცოდა, სანამ ერთ დღეს, ხუთი თუ ექვსი თვის შემდეგ, ოფიციალურმა წერილმა, რომელზედაც მისამართი მისი ხელით ეწერა, არ მოიტანა ამბავი, რომ სხვა ქალი შეერთო.

ეს ანტუანეტასათვის დიდი მწუხარება იყო. კიდევ ერთხელ დაზაფრულმა ტანჯვა ღმერთს გაანდო. თავს ჩასძახოდა, იმიტომ ვიტანჯები, რომ წუთით დავივიწყე ჩემი ერთადერთი მიზანი, ძმისთვის თავგანწირვაო. და გადაწყვიტა, კვლავ ძმისთვის დაედო თავი.

საგსებით მოწყდა ამ ქვეყანას. ნათანებთანაც აღარ დადიოდა. ისინი ნაწყენები იყვნენ, ბედნიერება კარზე მივაყენეთ და ხელი გვიკრაო. ანტუანეტამ რომ მოიღო, არც ის მიზეზი მიაჩნდათ მიზეზად. ქალბატონ ნათანს, რომელმაც წინდაწინვე დაასკვნა, ეს ქორწინება აუცილებლად უნდა მოხდეს და კარგი საქმეაო, პატივმოყვარეობა შელახვოდა, საქმე ანტუანეტას გამო რომ ჩაიშალა. ქალიშვილის სინდისიერება მეტად საპატიოდ, მაგრამ გადაჭარბებულ მგრძნობელობად მიაჩნდა, დღითიდღე უნელდებოდა ინტერესი ამ პატარა ჰუკის მიმართ. მოთხოვნილებად ქცეოდა სიკეთე მოეტანა ხალხისათვის, იმას აღარ დაგიღვედათ, თვით მოყვასს სურდა ეს თუ არა. ცოტა ხნის შემდეგ ახალი პრო-

ტევი შეიგულა, რომელმაც მთლად შთანთქა ქალბატონ ნათანის ინტერესები და ყურადღება.

ოლივიემ არ იცოდა, რა ნაღველი უტრიალებდა დას გულში. სანტიმენტალური და ქარაფშუტა ბიჭი იყო. მაინცდამაინც მის იმედად ყოფნა არ შეიძლებოდა, თუმცა გამკრიახი და მომხიბვლელი გონებისა და ანტუანეტასავით უზომოდ კეთილი გულის პატრონი გახლდათ. შეეძლო მკმუნეარებას, უქნარობას, ლამაზმანების სიყვარულს გადაჰყოლოდა და თვეების ნაშრომი წყალში ჩაეყარა. შეეძლო შეჰყვარებოდა გზად შემხვედრი ლამაზმანები, პატარა კეკლუცი გოგონები, რომლებსაც ოდესღაც სალონში გამოლაპარაკებოდა და რომლებიც ბიჭს არავითარ ყურადღებას არ აქცევდნენ. ადვილად იტაცებდა წიგნი, ლექსი, მუსიკა; თვეობით მათ ულოლიავებდა, სხვას ყველაფერს ივიწყებდა და მეცადინეობაში ხელი ეშლებოდა. მუდმივი თვალყურის დევნება სჭირდებოდა. თანაც, ძალზე ფრთხილი, მას არაფერი რომ არ შეემჩნია და გული არ სტკენოდა. ოლივიესაგან მუდამ იყო მოსალოდნელი განუსჯელი საქციელი. ხან მეტისმეტად აღიგზნებოდა და წონასწორობას ვერ ინარჩუნებდა, ხან მოუსვენრად თრთოდა, რაც ასე ხშირად ემართებოდა ჭლეჩით დაავადებულთ. ეჭიმმა ანტუანეტას ეს საფრთხე არ დაუმალა. პროვინციიდან პარიზს გამომორგულ ავადმყოფ მცენარეს სუფთა ჰაერი და სინათლე სჭირდებოდა: ანტუანეტას უჭირდა, სახსარი და საშუალება არ ჰქონდა. იმდენი ფული არ გააჩნდათ, რომ არდადეგების დროს პარიზს გასცლოდნენ. წლის დანარჩენ დროსაც მთელი კვირა თავ-თავიანთ საქმით იყვნენ დაკავებულნი. კვირაობით კი გასავალებულთ გარეთ გამოსვლის სურვილიც არ ექნებოდათ, კონცერტზე რომ არ ყოფილიყვნენ წასასვლელნი.

ზოგჯერ, ზაფხულის კვირა დღეს ანტუანეტა თავს ძალას ატანდა და ოლივიე ქალაქგარეთ ტყეში მიჰყავდა შავილისა თუ სენ-კლუს¹ მხარეს. ტყეები სავსე იყო მოხმაურე წყვილებით, კაფე-რესტორნებიდან მომავალი სიმღერებით, გაქონილი ქალაღლებით. ეს ის საუცხოო სიმარტოვე არ გახლდათ, კაცს რომ მოასვენებს და განწმენდს. საღამოს — დაბალი, ვიწრო და ბნელი, სულისშემხუთავი საძაგელი ვაკონებით, სადაც ერთმანეთში ირეოდა ხმაური, სიცილი, სიმღერა, მოურიდებელი ლაპარაკი, მყრალი სუნი და თამბაქოს კვამლი, პარიზისკენ მიგრუხუნებდნენ. და-ძმას კი სულ სხვა, ამაღლებული სული ედგათ და შინ ხალისწართმეულნი, დატანჯულნი ბრუნდებოდნენ. ოლივიე დას ევედრებოდა, სასეირნოდ ნულარ წავალთო; სასეირნოდ არც ანტუანეტას მიუწევდა გული, მაგრამ ამ ექსკურსიებს მაინც არ თმობდა, თუმცა თვითონ უფრო ნაკლებ სიამოვნებდა, ვიდრე ოლივიეს. ფიქრობდა, ამგვარი გასეირნება ბიჭის ჯანმრთელობისთვის აუცილებელიაო და ძმასაც აიძულებდა ქალაქგარეთ გასვლას. ყოველივე მეორდებოდა და ოლივიე მწარედ საყვედურობდა დას. მაშინ ისინი ჩა-

¹ შავილი, სენ-კლუ — სააგარაკო ადგილებია პარიზის მახლობლად.

ხუთულ ქალაქში რჩებოდნენ და ციხის მსგავს ეზოში გამომწყვდეულნი მინდვრებზე ნაღვლობდნენ.

დადგა სწავლის დასრულების წელი. ნორმალურ სასწავლებელში გამოცდების ჩაბარების დროც მოსულიყო. ანტუანეტას ქანცი გასწყვეტოდა. წარმატების იმედს მაინც არ კარგავდა. ოლივიეს საამისოდ ყველაფერი ხელს უწყობდა, ლიცეოში საუკეთესო კანდიდატად სთვლიდნენ. ყველა მასწავლებელი აქებდა პიკის მუშაობასა და მონაცემებს, თუ მხედველობაში არ მივიღებთ გონებაგაფანტულობას, რის გამოც მეტად უძნელდებოდა რაიმე გეგმას დამორჩილებოდა. მაგრამ დაკისრებული პასუხისმგებლობა იმდენად აბეჩავებდა, რომ, რაც უფრო ახლოვდებოდა გამოცდები, მით უფრო ერთმეოდა ძალ-ღონე. უკიდურესი დაღლილობა, ჩაქრის შიში, ავადმყოფური მორცხვობა წინდაწინვე დამბლას სცემდა. იმის გაფიქრებაზეც კი აყრუოლებდა, საჯაროდ რომ უნდა წარმდგარიყო გამომცდელების წინაშე. სიმორცხვე ტანჯავდა. კლასში, როცა რაიმე უნდა მოეთხრო, ალმური ედებოდა, ყელი უშრებოდა. თავდაპირველად, თავისი გვარის ამოკითხვისას პასუხს თუ ვასცემდა, ესეც დიდი ამბავი იყო. ვაცილებით ეიოლებოდა მოულოდნელ გაძახებაზე პასუხი, ვიდრე მაშინ, თუ წინასწარ იცოდა, რომ გამოჰკითხავდნენ. ასეთ შემთხვევაში ცუდად ხდებოდა, მაგრამ მისი გონება მუშაობას არ წყვეტდა, ყველა დეტალი, რაც კი შეიძლება თავს გადახდენოდა, ნათლად ედგა თვალწინ; რაც უფრო დიდხანს ელოდა, მით უფრო იტანჯებოდა. შეიძლება ითქვას, არ ყოფილა გამოცდა, რომ ორჯერ არ ჩაებარებინოს, რადგან გამოცდის წინა ღამეებში სიზმარშიაც გამოცდას აბარებდა, მთელ ენერჯიას ამას ალევდა ხოლმე და მერე ნამდვილი გამოცდის ჩასაბარებლად ძალა აღარ ჰყოფნიდა.

მაგრამ იმ საშინელ ზეპირ გამოცდამდე, რომელზე ფიქრიც კი ცივ ოფლს ასხამდა, აღარ მიუღწევია. წერაზე, ფილოსოფიურ თხზულებაში, რომელიც სხვა დროს უეჭველად გაიტაცებდა, ექვსი საათის განმავლობაში ორი გვერდიც ვერ დაწერა. პირველი საათების განმავლობაში თავში არაფერი მოსდიოდა; არაფერზე, არაფერზე ფიქრობდა. თვალწინ რაღაც შავი კედელი აღმართულიყო, რომელსაც უნდა შესჯახებოდა. წერის დამთავრებამდე ერთი საათით ადრე კედელი გაიპო და ბზარში ნათელი სხივი გამოკრთა. მაშინ რამდენიმე ბრწყინვალე, მაგრამ ნიშნის მისაღებად არასაკმარისი სტრიქონი ჩააწყვიწყია; ნაღვლიანი გამოვიდა გამოცდიდან. ანტუანეტა მაშინვე მიხვდა, ოლივიეს მარცხი მოსვლიაო და შეწუხდა, თუმცა არაფერი გამოუმყდავენებია; სასოწარკვეთის წუთებშიც კი შექმლო შეურყეველი იმედი ჰქონოდა.

ოლივიე ჩაიჭრა.

იგი თავზარდაცემული იყო. ანტუანეტა კი, თითქოს დიდი არაფერი მომხდარაო, გაღიმებას ცდილობდა, მაგრამ ტუჩები უკანკალებდა. ძმა დაამშვივდა, უთხრა, ეს ადვილი გამოსასწორებელი მარცხია, მომავალ წელს ერთერთ

პირველთაგანს მიგიღებნო. კრინტიც არ დაუძრავს იმის შესახებ, თუ რაოდენ ესპიროებოდა, რომ ძმა წელს ჩარიცხულიყო, როგორ ეწამა სულითა და ზორცით, როგორ ეშინოდა მომავალი წელიც ამ წელს არ დამსგავსებოდა. და შაინც ასე მოხდა. ანტუანეტა რომ ოლივიეს მოწყობამდე მომკვდარიყო, ბიქს მხნეობა არ ეყოფოდა, მარტოს გაეგრძელებინა ბრძოლა. ცხოვრება შთანთქაე-
და.

ანტუანეტამ ძმას დაღლილობა დაუშალა. ძალა გაიორკეცა, წლებზე ფეხს იღგამდა, არდადეგების დროს ძმას გასართობს არ აკლებდა, სასწავლო წლის დაწყებისას მეტი ენერგიით შეუდგებო შრომას. მცირე დანახოვი ხელში შემოაღდა, გარდა ამისა ყველაზე მეტად შემოსავლიანი გაკვეთილები დაკარგა.

კიდევ ერთი წელი! გადამწყვეტ გამოცდას და-ძმა უკიდურესად დაეძაბა. უპირველეს ყოვლისა საჭირო იყო ეცოცხლათ და არსებობის სხვა საშუალება გამოენახათ. ანტუანეტა დათანხმდა აღმზრდელად ემუშავა გერმანიაში. ეს ადგილიც ნათანების წყალობით იშოვა. სხვა გზა არცა ჰქონდა. მოცდაც არ შეეძლო. ექვსი წლის განმავლობაში ძმა არასოდეს, ერთი დღითაც არ მიუტოვებია, ვერც კი წარმოდგინა, როგორ უნდა ეცხოვრა ისე, რომ ძმა არ ენახა და მისი ხმა არ გაეგონა. ოლივიესაც თავზარი დაეცა. მაგრამ ვერაფრის თქმას ვერ ბედავდა: თავად იყო ამ გაკირვების მიზეზი. სასწავლებელში რომ მიეღოთ, ანტუანეტა ამ უკიდურესობამდე არ მივიდოდა. ბიქს წინააღმდეგობის, მწუხარების გამოძეღვენების უფლება არ ჰქონდა. ანტუანეტას თვითონ უნდა გადაეწყვიტა ყველაფერი.

ანტუანეტას გამგზავრებამდე დარჩენილი დღეები უსიტყვო ნაღველმა მოიცვა, თითქოს ერთერთი მათგანი უნდა მომკვდარიყო. როცა დარდი მოეძალებოდათ, ერთმანეთს გაურბოდნენ. ანტუანეტა ოლივიეს თვალეში ეძებდა რჩევას. ბიქს რომ ეთქვა არ წახვიდეო, არ წავიდეოდა, თუმცა გამგზავრება აუცილებელი იყო. უკანასკნელ საათამდე, ეტლში მჭდომიც კი, როცა აღმოსავლეთის სადგურისაკენ მიჰქროდნენ, მზად იყო უარი ეთქვა საკუთარ გადაწყვეტილებაზე: ღონე არ ჰყოფნიდა აღსრულებისათვის. ძმის ერთი, მხოლოდ ერთი სიტყვა კმაროდა!... მაგრამ ოლივიე ჩუმად იყო. ისიც თავს იკავებდა. ანტუანეტამ პირობა ჩამოართვა, ყოველდღე მომწერე, არაფერი დამიმალო და თუ რამე ავი შეგემთხვეს, დაუყოვნებლივ გამომიხმეო.

ანტუანეტა გაემგზავრა. იმ დროს, როცა გულგაყინული ოლივიე ლიცეის საძინებელ ოთახში ბრუნდებოდა, სადაც სრულ პანსიონზე მიიღეს, ნაღვლიან და გათოშილ ანტუანეტას მატარებელი მიაქროლებდა. ორივე გრძნობდა, როგორ ამორებდათ ყოველი წუთი, უხმოდ ეძახდნენ ერთმანეთს.

ანტუანეტას აშინებდა ის სამყარო, სადაც მიდიოდა. ექვსი წლის განმავლობაში ძალზე შეიცვალა. ოდესღაც გაბედული გოგონა, არაფერს რომ არ

ერიდებოდა, ისე შეეჩვია სინუშესა და სიმარტოვეს, მისთვის ნამდვილი წამება იყო ამ მდგომარეობის დათმობა. მოცინარი, მოქაქანე და მხიარული ანტუანეტა გარდასული ბედნიერების დღეებთან ერთად მოკვდა. უბედურებამ მალად გააველურა. ალბათ ოლივიეს გვერდით ცხოვრებამ მასაც გადასდო ძმის სიმორცხვე. გარდა ძმისა, ყველასთან უჭირდა ლაპარაკი. ყველაფერი აფრთხობდა, სტუმრად წასვლა აშინებდა. ნერვიული კაეშანი იპყრობდა იმის გაფიქრებაზე, რომ უცხო ხალხთან უნდა ეცხოვრა, ესაუბრა, მუდამ უცხოთა თვალწინ ეტრიალა. ოლივიესი არ იყოს, არც მას გააჩნდა მასწავლებლობის მოწოდება. მოვალეობას კეთილსინდისიერად ასრულებდა, მაგრამ არ სწამდა და არც შეიძლებოდა შვება ეგრძნო საკუთარი შრომის საჭიროების შეგრძნებით. იგი სასიყვარულოდ იყო შექმნილი და არა სამასწავლებლოდ, მაგრამ მისი სიყვარულით თავს არავინ იწუხებდა.

სიყვარულსათვის ისე ზედმეტი არსად ყოფილა ანტუანეტა, როგორც ახალ ადგილზე, გერმანიაში. გრუნბაუშები, რომელთა ბავშვებისთვისაც მას ფრანგული უნდა ესწავლებინა, არავითარ ინტერესს არ იჩენდნენ მასწავლებლის მიმართ. ქედმაღალნი და ფამილარულნი, გულგრილნი და მოუარიდებელნი იყვნენ. ფულს კი საკმაოდ კარგად უხდიდნენ. სამაგიეროდ ისე უყურებდნენ, როგორც მევალეს და ფიქრობდნენ, მის მიმართ ყველაფრის უფლება გვაქვსო. განსწავლულ მოსამსახურესავით ეპყრობოდნენ. ნაბიჯებს უთვლიდნენ. თავისი ოთახიც კი არ გააჩნდა. ბავშვების ოთახის მომიჯნავე პატარა ოთახში ეძინა, რომლის კარი ღამითაც არ იკეტებოდა. არასოდეს მართო არ რჩებოდა. ვერ ხვდებოდნენ, რომ დროდადრო საკუთარ თავთან განმარტოება სჭირდებოდა. არაფრად მიაჩნდათ შინაგანი მარტოობის წმინდა უფლება, ყველა არსებას რომ გააჩნია. მთელი მისი ბედნიერება ის იყო, რომ გონებით ძმასთან ყოფილიყო, მასთან ესაუბრა; საამისოდ თავისუფალ წამებს იყენებდა. მაგრამ ხელს უშლიდნენ. როგორც კი წერილის დასაწერად დაჯდებოდა, ოთახში მის ირგვლივ წრიალს იწყებდნენ, ეკითხებოდნენ, რას წერო. როცა წერილს კითხულობდა, აინტერესებდათ, რა სწერიაო. დამცინავი ფამილარობით ეკითხებოდნენ. „დამიკოზე“. ზოგჯერ იძულებული იყო, წერილი დაემალა. მოსაყოლადაც კი: უხერხულია, რა ღონეს არ მიმართავდა, საკუქნაოში იკეტებოდა, ოლივიეს წერილები სხვების თვალწინ რომ არ წაეკითხა. წერილი ოთახში რომ დარჩენოდა, დარწმუნებული იყო, წაიკითხავდნენ; რადგან ჩემოდნის გარდა არავითარი ავეჯი არ გააჩნდა, რომელიც იკეტებოდა, იძულებული იყო, თან ეტარებინა ყველა ქაღალდი, რომლებიც არ უნდოდა წაეკითხათ. გამუდმებით იქექებოდნენ მის ნივთებსა და გულში, ცდილობდნენ იღუმალ ფიქრებშიაც შექრილიყვნენ. იმიტომ კი არა, რომ ეს აინტერესებდათ, იმიტომ, რომ ასე მიაჩნდათ, რაკი ფულს ვუხდით, მისი სულიც ჩვენ გვეკუთვნისო. სხვათა შორის, ამას ბოროტი განზრახვის გარეშე აკეთებდნენ: უტაქტობა ბუნებით მოსდგამდათ და ამისა არც კცხვენოდათ.

ანტუანეტასთვის თავის დღეში არაფერი ყოფილა ისე აუტანელი, როგორც ეს ჯამუშობა, მორალური მოუკრძალებლობა, დღეში ერთი საათითაც რომ არ აძლევდა საშუალებას მოურიდებელ მზერას დამალვოდა. ქალიშვილის ქედმაღლური თავშეკავებულობა გრუნბაუმებს შეურაცხყოფდა. ბუნებრივია, ისინი მაღალ მორალურ მიზნებს პოულობდნენ, რათა დაესაბუთებინათ თავიანთი უხეში ცნობისმოყვარეობა და დაეძრახათ ანტუანეტას პრეტენზია, დამალვოდა უცხო თვალს. ფიქრობდნენ, „ჩვენი ვალია ვიცნობდეთ ინტიმურ ცხოვრებას ქალიშვილისა, რომელიც ჩვენთან ცხოვრობს და ჩვენი ოჯახის ნაწილს შეადგენს, რომელსაც ბავშვების აღზრდა ვანდეთ, ჩვენ მასზე პასუხისმგებლები ვართო“ — (ასე ამბობს თავის მოსამსახურეებზე ბევრი დიასახლისი, ვინც თავის მოვალეობად მიიჩნევს, წაართვას ამ უბედურთ ყოველგვარი სიამოვნება და იმას სულაც არ დაგიდევთ, დაიღლებიან, თუ ისეთ საქმეს გააკეთებენ, რაც სულაც არ ეამებთ) — „რადგან ანტუანეტას არ სურს აღიაროს ასეთი მოვალეობა, ასკენიდნენ ისინი, ალბათ თავი უზადოდ არ მიაჩნია. პატიოსან ქალიშვილს რა აქვს დასამალიო“.

ასე დაიწყეს ანტუანეტას მუდმივი დევნა; ქალიშვილიც სულ იმის ცდაში იყო, როგორმე თავი დაეცვა და ეს კიდევ უფრო ცივსა და გულჩათხრობილს აჩენდა, ვიდრე ჩვეულებრივ იყო.

ძმა ყოველდღიურად სწერდა თორმეტგვერდიან წერილებს. ისიც ახერხებდა ყოველდღიურად, თუნდაც ორი-სამი ბჭკარით ეპასუხა. ოლივიე ცდილობდა ყოჩაღად ყოფილიყო და საკუთარი ნაღველი მეტისმეტად არ გამოეფაშკარავებინა. მოწყენილობა კლავდა. მისი ცხოვრება ისე განუყოფლად დაკავშირებოდა დის ცხოვრებას, რომ ახლა, როცა ერთმანეთს მოსწყვიტეს, ეჩვენებოდა, საკუთარი არსების ნახევარი დაკვარგეო. ვერ მოესაზრებინა რა ექნა საკუთარი ხელ-ფეხისათვის, ფიქრებისათვის, როგორ ესეირნა, ოცნებაც მხოლოდ დაზე თუ შეეძლო. სასიკეთო არაფერი გამოუდიოდა ხელიდან: ფიქრით სხვაგან იყო, იტანჯებოდა ან დაზე ფიქრობდა, მის გუშინდელ წერილზე; საათს მიშტერებოდა და ახალ წერილს ელოდა. წერილს რომ მოუტანდნენ, სიხარულსა და შიშისაგან აცახცახებული თითებით ხსნიდა კონვერტს — არასოდეს, არავის ხელები შეყვარებულის წერილს ესოდენი სინაზითა და მღელვარებით არ აუცახცახებია. წერილი რომ წაეკითხა, ისიც ანტუანეტასავით იმალებოდა, ყველა წერილს უბით ატარებდა. ახლადმიღებულ ბარათს ღამით ბალიშის ქვეშ ამოიდებდა ხოლმე, დროდადრო ხელსაც შეავლებდა უძილო ღამეებში, თავის დაიკოზე ოცნებისას, უნდოდა დარწმუნებულიყო, კვლავ ჩემთანააო. რა შორს იყო დისგან! განსაკუთრებით, წერილის დაგვაანება ტანჯავდა, როცა ანტუანეტას გამოგზავნილი ბარათი მასთან მხოლოდ ორი დღის შემდეგ აღწევდა ხოლმე. მთელი ორი დღე და ღამე ამორებდა მათ!.. იგი დროსა და მანძილს აზვიადებდა, მითუმეტეს, რომ არასოდეს ემოგზაურა. მისი წარმოდგენა მსწრაფლ ამუშავდებოდა ხოლმე: „ღმერთო ჩემო! ავად რომ იყო! ვაითუ ისე

მოკვდეს. მისი ნახვაც ვერ მოვასწრო!... რატომ მომწერა გუშინ მხოლოდ რამდენიმე ბწკარი?... ავად ხომ არ არის... ჰო, ნამდვილად ავად იქნება..." სუნთქვა ეკვროდა — უფრო ხშირად კი შიში იპყრობდა, დისგან მოშორებით მოკვდებოდა, მარტო, ამ უსულგულო ხალხში, ამ საძაგელ ლიცეუმში, ამ სევდიან პაროზში. ეს ფიქრი ავად ხდიდა... „იქნებ მივწერო, ჩამოვიდეს?...“ მაგრამ საკუთარი სილანჩისგან წითლდებოდა. სხვათა შორის, იმხელა ბედნიერება იყო დასთან ბასი, რომ, როცა წერილს მისწერდა, წამით საკუთარი ტანჯვა ავიწყდებოდა. ეჩვენებოდა, დას ვხედავ, მისი ხმა მესმისო. ყველაფერს უყვებოდა: ერთად რომ იყვნენ, არასოდეს ასე გულახდილად, ასე გატაცებით არ უსაუბრია მასთან; უხმობდა დას — „ჩემო ერთგულო, ჩემო ყოჩაღო, ძვირფასო, საყვარელო დაიყო, როგორ მიყვარხარო“. მისი წერილები ნამდვილი სასიყვარულო ბარათები იყო.

ისინი ანტუანეტას გულს თავიანთი სინაზით ესალბუნებოდნენ. წერილებზე გოგონას ცხოვრების ერთადერთი სუფთა პაერი იყო. როცა დილით, ჩვეულებრივ დროს, წერილი არ მოდიოდა, თავს უბედურად გრძნობდა. ორ-სამჯერ ისე მოხდა, რომ გრუნბაუმებს გულგრილობისა თუ, ვინ იცის, იქნებ ბოროტი ხუმრობის მიზნით, საღამომდე, ერთხელ კი მეორე დილაამდეც, დაავიწყდათ მისთვის წერილი გადაეცათ; გოგონას სიცხემ აუწია. ახალ წელს, ყოველგვარი შეთანხმების გარეშე, ორივეს ერთმა აზრმა გაუელვა; ერთმანეთს სიურპრიზად გრძელი დეპეშები გაუგზავნეს (ეს საკმაოდ ძვირი ჯდებოდა), რაც ორივემ ერთსა და იმავე დროს მიიღო. ოლივიე ანტუანეტას კვლავ სთხოვდა რჩევას თავისი საქმიანობის შესახებ; ანტუანეტა რჩევას აძლევდა, მხარში უდგა, საკუთარ ძალას შთაბერავდა.

თავადაც უკვე ძალა ელევოდა. სული ეხუთებოდა ამ უცხო მხარეში, სადაც არავის იცნობდა, არავის აინტერესებდა, გარდა ერთი მასწავლებლის ცოლისა, რომელიც ცოტა ხნის წინ დასახლებულიყო ამ ქალაქში და მასავით უცხოდ გრძნობდა თავს. კეთილი ქალი დედობრივად და თანაგრძნობით ეკიდებოდა ორი მოყვარული და ერთმანეთს დამორებული ბავშვების დარდს (მან ანტუანეტას ნაწილ-ნაწილ ათქმევინა თავისი თავგადასავალი); მაგრამ ეს ქალი ისეთი ხმაურიანი და უხეში იყო, ისე აკლდა ტაქტი და თავდაქერა, რომ ანტუანეტას არისტოკრატიული პატარა სული დამფრთხალი გაურბოდა მას. ყმაწვილი ქალი ვერავის განდობოდა. ყოველგვარ საზრუნავს საკუთარ გულში ატარებდა. ეს საკმაოდ ძვირე ტვირთი იყო. დროდადრო ეგონა დავეციემო, მაგრამ ტუჩებს კუმავდა და კვლავ გზას განაგრძობდა. ჯანმრთელობა შეერყა: თანდათან ხდებოდა და ილეოდა. ძმა სულ უფრო და უფრო სასოწარკვეთილ წერილებს იწერებოდა. სულიერი კრაზისის დროს „დაბრუნდი, დაბრუნდი, დაბრუნდიო“, სწერდა.

მაგრამ რცხვენოდა და როგორც კი წერილს გააგზავნიდა, სასწრაფოდ მეორე წერილსაც მიაყოლებდა, სადაც ევედრებოდა ანტუანეტას, წინა წერი-

ლი დაეხია და მასზე აღარ ეფიქრა. თავს მხიარულადაც კი აჩვენებდა, თითქოს და არც სჭირდებოდა. ავადმყოფურად თავმოყვარეს ექვი ტანჯავდა, არ იფიქრონ, უიმისოდ ვერ ვძლებო!

ანტუანეტა არ ტუუვდებოდა, ყველაფერს კარგად ხვდებოდა, მაგრამ არ იცოდა, რა გზას დასდგომოდა. ერთხელ ის-ის იყო, უნდა გამგზავნებულყო, სადგურშიც წავიდა, პარიზის მატარებლის გასვლის დრო რომ გაეგო. მერე საკუთარ თავს უმტკიცებდა, ეს სიგიჟე იქნებაო, აქ ნაშოვნი ფული ოლივიეს პანსიონისთვის ესაქიროებოდა. სანამ ორივეს შეეძლო გაძლება, უნდა გაეძლოთ. ენერგია არ ჰყოფნიდა რაიმე გადაწყვეტილების მისაღებად: დილით მისი ვულადობა ილვიძებდა, მაგრამ რაც მეტად წვეებოდა საღამოს ბინდი, ძალა ეცლებოდა, გაქცევაზე ფიქრობდა. სამშობლოზე დარდი კლავდა — იმ ქვეყნის დარდი, რომელიც მის მიმართ დაუნდობელი და მკაცრი იყო, მაგრამ სადაც მისი წარსულის რელიქვიები იყო დამარხული; ენატრებოდა ენა, რომელზეც მისი ძმა ლაპარაკობდა და თავადაც სიყვარულს გამოხატავდა ძმიადმი.

სწორედ ამ დროს, ამ პატარა გერმანულ ქალაქს ფრანგი მსახიობების დასი ეწვია. თუმცა ანტუანეტა იშვიათად დადიოდა თეატრში (საამისოდ არც დრო ჰქონდა და არც ხალისი), დაუძლეველმა სურვილმა შეიპყრო, მოესმინა მშობლიური ენა, თავი კვლავ საფრანგეთში ეგრძნო. დანარჩენი უკვე ვიციო¹, თეატრში ადგილი არ იყო; ახალგაზრდა მუსიკოსს ჟან კრისტოფს შეხვდა; ვაჟი არ იცნობდა, მაგრამ რომ დანიხაა შეწუხებული ყმაწვილი ქალი, თავისი ლოყა შესთავაზა. ანტუანეტა განუსჯელად დათანხმდა. კრისტოფის გვერდით მისმა გამოჩენამ პატარა ქალაქი აალაპარაკა; ამ არაკეთილსასურველმა ხმებმა გრუნბაუმების ყურამდეც მიადწია. ისინი ისედაც ექვის თვალთ უყურებდნენ ახალგაზრდა ფრანგ გოგონას, გარდა ამისა, კრისტოფის წინააღმდეგ განწყობილებმა. ახვადასხვა მიზეზთა გამო, რომლებზეც უკვე გიამბეთ, ანტუანეტა უხეშად დაითხოვეს.

ეს უმანკო და მორცხვი სული, მთელი არსებით ძმის სიყვარულს რომ მოეცვა და ბინძური აზრებისაგან იფარავდა მას, კინაღამ სირცხვილით მოკვდა, როცა გაიგო რაში სდებდნენ ბრალს. წუთითაც არ გაბრაზებულა კრისტოფზე. იცოდა, რომ მასავით უდანაშაულო იყო და თუ ავნო, მხოლოდ იმიტომ, რომ მისთვის კარგის ვაკეთებდა უნდოდა. ანტუანეტა მისი მადლიერი იყო. კრისტოფზე არაფერი იცოდა იმის გარდა, რომ მუსიკოსი იყო და რომ ძალზე უტევდნენ. ყმაწვილი ქალი, მართალია, ცხოვრებას არ იცნობდა, ავ-კარგს ბუნებრივი ალღოთი გრძნობდა, გაჭირვებამ რომ გაუმახვილა; ცუდად აღზრდილ, ცოტა უცნაურ მეზობელში თავისავით ფაქიზი სული და ვაჟკაცური სიკეთე ამოიცნო, რისი მხოლოდ გავონებაც კი ახარებდა. ცუდს რომ ამბობდნენ, ეს სრულებითაც არ ურყევდა კრისტოფისადმი ნდობას. თავად მსხვერპლს, ექვიც არ ეპა-

¹ იხ. ჟან-კრისტოფი, II, „ჯანყი“. — რ. რ.

რებოდა, რომ ყმაწვილიც იმ ბოროტი ხალხის ტანჯული მსხვერპლი იყო, მას რომ შეურაცხყოფდა; გადაჩვეული იყო საკუთარ თავზე ფიქრს და სხვებზე ფიქრობდა: აზრი, რომ ალბათ კრისტოფიც იტანჯებოდა, საკუთარ სატანჯველს უმსუბუქებდა. არაფრის გულისათვის არ შეეცდებოდა ენახა ან მიეწერა მისთვის. სიფრთხილისა და სიამაყის გრძნობა ამას უკრძალავდა. თავს უმტკიცებდა, არ იცის, რა ზიანი მომაყენაო და რაკი გულკეთილი იყო, სურდა კრისტოფს თავის დღეში არაფერი გაეგო ამის შესახებ.

ასე გამოემგზავრა. შემთხვევამ იწება და ერთი საათის მგზავრობის შემდეგ, მატარებელი, რომელიც ანტუანეტას მიაქროლებდა, იმ მატარებელს შეხვდა, რომელსაც კრისტოფი მეზობელი ქალაქიდან მოჰყავდა, სადაც მას ეს დღე გაეტარებინა.

მათი ვაგონები რამდენიმე წუთის განმავლობაში გვერდიგვერდ იდგა. დამის დუმილში ერთმანეთი დაინახეს; ერთმანეთისთვის სიტყვაც არ უთქვამთ. ბანალური სიტყვების გარდა, რისი თქმა შეეძლოთ? ამით ისინი ურთიერთშებრალებისა და იღუმალი სიმპათიის იმ განუსაზღვრელ გრძნობას წაბილწავდნენ, მათში რომ ჩაისახა და მხოლოდ მათი შინაგანი ხედვის რწმენას ემყარებოდა. ამ უკანასკნელ წუთს, როცა უცნობებმა ერთუროს თვალი შეავლეს, ორივემ ისე დაინახა ერთმანეთი, როგორც არავის, მათ გვერდით მცხოვრებს ისინი არ დაუნახავს. ყველაფერი დაეიწყებას ეძლევა: სიტყვები, კოცნა, შეყვარებულ სხეულთა ხვევნა, მაგრამ წარუშლელია კონტაქტი სულთა, რომლებიც შეიყარნენ და ეფემერულ ფორმათა გროვაში ერთმანეთი ამოიცნეს. ანტუანეტამ ეს მოგონება გულის სიღრმეში შემოინახა; ნაღველით საესე გულის სიღრმეში, საიდანაც მაინც გამოკრთოდა ნათელი სხივი, იმ შუქს რომ მოგვაგონებს, რომელშიაც „ორფეოსის“¹ ელისეს აჩრდილები ბანაობენ.

ანტუანეტამ კვლავ იხილა ძმა. სწორედ რომ დროზე დაბრუნდა. ოლივიე ის-ის იყო, ავად გამხდარიყო და ეს ნერვიული და განაწამები პატარა არსება, ვისაც, თუ და გვერდით არ ჰყავდა, მოგონილი ავადმყოფობა ცახცახს ჰგვრიდა, ახლა, როცა ნამდვილად ავად იყო, არაფერს ატყობინებდა დას, აქაოდა არ შევაშფოთოო. გონებით მხოლოდ მას უხმობდა, მის დაბრუნებას ისე ევედრებოდა ღმერთს. როგორც სასწაულის მოვლინებას. და როცა სასწაული მოხდა, ლიცეუმის სავადმყოფოში იწვა სიცხიანი და ზმანებებში წასულიყო. ანტუანეტას დანახვაზე ხმა არ ამოუღია. რამდენჯერ მოსჩვენებია, როგორ შემოდოდა იგი!... პირდაღებული, აქანკალებული ოლივიე ლოგინში წამოჯდა, კვლავ მოჩვენება ეგონა. როცა ანტუანეტა მის მახლობლად ლოგინზე ჩამოჯდა, გაყინული მკლავები მოხვია, მკერდში ჩაიკრა, ტუჩებთან დის ნაზი ლოყა იგრძნო,

¹ მხედველობაშია გლიუქის ოპერა „ორფეოსი და ევრიდიკე“ (1762), რომელიც ძველი ბერძნული მითის თემაზეა შექმნილი. მომღერალი ორფეოსი საიქიოს ჩავიდა (ბერძნები საიქიოს ელისეს მინდვრებს ეძახდნენ), თავისი ცოლი ევრიდიკე სააქაოს რომ დაებრუნებინა.

ხელებში — მგზავრობით გათოშილი დის ხელები მოხვდა; ბოლოს და ბოლოს, რა დარწმუნდა, ეს ნამდვილად მისი და იყო, მისი პატარა გოგონა, ყმაწვილი ატირდა. სხვა არაფერი შეეძლო: სამუდამოდ ისეთსავე „პატარა დოცლაპიად“ დარჩა, როგორც ბავშვობაში იყო. გულში იკრავდა დას. ეშინოდა, კვლავ არ დაგვარგო. როგორ შეცვლილან ორივენი! რა ნაღვლიანი სახეები აქვთ! მერე რა! ერთმანეთი ხომ იპოვეს; ყველაფერი გაციისკროვნდა: საავადმყოფო, ლიცეუმი, ღრუბლიანი დღე: დიდხანს ეკვროდნენ ერთმანეთს, მეტად აღარ გავიყაროთო. სანამ ანტუანეტა რამეს იტყოდა, ოლივიემ დააფიცა, რომ აღარ წავიდოდა, ერთმანეთს მოწყვეტილნი მეტად უბედურად გრძნობდნენ თავს. დედა მართალი იყო: განშორებას ყველაფერი სჯობს; დაე, გაჭირვებაში მოვეკედეთ, ოღონდ ერთად ვიყოთო.

საჩქაროდ იჭირავეს ბინა: თუმცა ვერაფერი შვილი იყო, მაინც ისევ ძველი ბინის დაქირავება უნდოდათ, მაგრამ უკვე გაექირავებინათ. ახალი ბინაც ეზოში გადიოდა; კედლების თავზე აკაცის კენწერო მოჩანდა. მსწრაფლ თანამემამულესავით მიეჩაკვნენ მას, მათსავით ქალაქის ქვაფენილის პატიმარს. ოლივიე მალე გამოჯანმრთელდა, ან უკეთ. ის მდგომარეობა დაუბრუნდა, რასაც ისინი ჯანმრთელობას ეძახდნენ (რაც მისთვის ჯანმრთელობა იყო, სხვა, უფრო ძლიერი ადამიანისთვის ავადმყოფობა იქნებოდა). გერმანიაში გატარებულმა სევდიანმა დღეებმა ანტუანეტას ცოტაოდენი სახსარი მაინც გაუჩინა; გარდა ამისა, ერთი გერმანული წიგნის თარგმანმა, რომლის დაბეჭდვაზეც ერთ-ერთი გამომცემელი დასთანხმდა, მისი რესურსები გაზარდა. მატერიალური საზრუნავი ღროებით გადაიღო. ყველაფერი კარგად იქნებოდა, წლის ბოლოს ოლივიეს თუ მიიღებდნენ... მაგრამ რომ არ მიეღოთ?

როგორც კი კვლავ შეეჩვივნენ ერთად ყოფნის სიტკბოებას, მომავალი გამოცდის შიშმა მოიცივა ორივე. ცდილობდნენ, ამ თემაზე არ ელაპარაკათ, მაგრამ ამაოდ. კვლავ და კვლავ მას უბრუნდებოდნენ; აკვიატებული აზრი გართობის დროსაც კი არ ასვენებდათ. შუა კონცერტზე უცებ ჩნდებოდა ეს ფიქრი, ღამით უფსკრულივით გადაეშლებოდათ და აღვიძებდათ. მწველ სურვილს, დას შეშველებოდა, იმ გაღებულ მსხვერპლის სანაცვლოდ, ანტუანეტას საკუთარი ახალგაზრდობის ფასად რომ დაუქდა, ოლივიეს სამხედრო სამსახურში გაწვევის შიშიც დავმატა. თუ არ ჩაირიცხებოდა, არაფერი უშველიდა (მაშინ, უმაღლეს სასწავლებელში ჩარიცხვა სამხედრო სამსახურისგან ათავისუფლებდა ყმაწვილკაცებს). ენით უთქმელ ზიზღს ჰგვრიდა ფიზიკური და სულიერი სიციფროვე, ინტელექტუალური დეგრადაცია, სამართლიანად თუ უსამართლოდ რომ ხდებოდა ყაზარმებში. ყველაფერი უბიწო და არისტოკრატიული, რაც კი მასში იყო, ამ ვალდებულების წინააღმდეგ ამხედრებულიყო. გადაჭრით ვერც კი გეტყოდათ, სიკვდილი თუ არ ერჩია იქ მოხვედრას. ეს სწორედ ისეთი გრძნობაა, რომელსაც შეიძლება დასცინო ან დაგმო საზოგადოებრივი მორალის სახელით, რაც დღევანდელი დღის რწმენად ქცეულა. ბრმაა, ვინც ამას უარყოფს.

არაფერია სულიერი მარტოობის ტანჯვაზე უღრმესი, ჩვენი დღეების სულგრძე-
ლი და უხეში კავშირი რომ ბლალავს.

დაიწყო გამოცდები. ოლივიემ კინაღამ გამოცდებში მონაწილეობის უფლე-
ბა დაკარგა. თავს ცუდად გრძნობდა და ისე ეწინააღმდეგებოდა მღელვარების, რაც, ჩაი-
რიცხებოდა თუ არა, მაინც ელოდა, რომ თითქმის ისურვებდა, მართლა ავად გამხდ-
რიყო. ამჯერად წერითი გამოცდა საქმაოდ კარგად ჩააბარა. საშინელი იყო
შედგებების ლოდინი. რევოლუციურ ქვეყანაში, ამავე დროს, მსოფლიო-
ში ყველაზე რუტინულიც რომ იყო, არსებული უძველესი ადათების მიხედვით
გამოცდები ივლისში, წლის ყველაზე პაპანაქება დღეებში ტარდებოდა. თით-
ქმის სურდათ საბოლოოდ გაენადგურებინათ ნაბრალე აბიტურიენტები, ისე-
დაც დასუსტებულნი რომ იყვნენ საშინელი პროგრამის მომზადებით, რომლის
მეთაური ნაწილიც კი არ იცოდა არც ერთმა გამომცდელმა. თხზულებაში მიღე-
ბულ ნიშნებს თოთხმეტი ივლისის ზარ-ზეიმის მეორე დღეს აქვეყნებდნენ,
ესოდენ სამძიმო მხიარულება რომ არის მათთვის, ვისაც არ ულზინს და სიჩუ-
მეს ნატრობს. სახლის მომიჯნავე მოედანზე ბაზარი იყო, სადაც შუადღიდან
შუალამემდე ტკაცუნობდა ტირი, ორთქლის კარუსელის ხის ცხენები ჭინვი-
ნებდნენ, არღანი ღრიალებდა. ზარ-ზეიმი ერთ კვირას გაგრძელდა. შემდეგ, რეს-
პუბლიკის ერთ-ერთმა პრეზიდენტმა, საკუთარი პოპულარობა რომ განემტკი-
ცებინა, მოღრიალე ბრბოს კიდევ ნახევარი კვირა დაუმატა. ეს მას არაფრად
უღირდა. ბრბოს ხმაური მას არ ესმოდა. ხმაურისგან განაწამებ ოლივიესა და
ანტუანეტას ფანჯრები ჩაეკრახათ და თავიანთ ოთახებში გამოკეტილიყვნენ.
ყურები თითებით დაეცოთ. ამაოდ ცდილობდნენ თავი დაეღწიათ გულის გა-
მაწყალებელი, სულელური რეფრენებისაგან, დილიდან საღამომდე რომ ის-
მოდა და ჩაქუჩივით სცემდათ თავში. ორივენი სიმწრისაგან იგრიხე-
ბოდნენ.

ზეიმი გამოცდა წერის ნიშნების გამოცხადებისთანავე დაიწყო. ოლივიე
დას შეევედრა, გამოცდას ნუ დაესწრებო. ანტუანეტა კართან ელოდა და ძმაზე
მეტად თრთოდა. ოლივიე არ ამბობდა, კმაყოფილი იყო თუ არა თავისი პასუ-
ხებით.

საბოლოო შედეგების გამოცხადების დღეც დადგა. მიღებული კანდიდა-
ტების სია სორბონის ეზოში გამოაკრეს. ანტუანეტას არ უნდოდა მარტო გაეშვა
ოლივიე. სახლიდან რომ გამოვიდნენ, ორივე იმაზე ფიქრობდა, რომ უკან დაბ-
რუნებისას ყველაფერი ეცოდინებოდათ და შესაძლოა, ენატრათ კიდევ ში-
შით აღსავსე ეს წუთები, როცა იმედის ნაპერწკალი მაინც უელავდათ გულში.
სორბონი რომ დაინახეს, მუხლი მოეკვეთათ. ჩვეულებრივ ყოჩაღმა ანტუანეტამ
ძმას უთხრა:

— თუ ღმერთი გწამს, ასე ჩქარა ნუ მიდიხარ...

ოლივიემ შეხედა დას, გაღიმებას რომ ცდილობდა და მიუგო:

— მოდი, ცოტა ხნით ამ მერხზე ჩამოვსხდეთ.

არც მას უნდოდა ბოლომდე წასვლა, მაგრამ წამიც არ გასულა, დამ ხელზე ხელი მოუჭირა და უთხრა:

— არა უშავს, ჩემო პატარავ, განვაგრძოთ გზა.

სია მაშინვე ვერ ნახეს. რამდენიმე სია წაიკითხეს, სადაც ქანენის გვარი არ ეწერა. ბოლოს და ბოლოს, როცა ნახეს, პირველად ვერც კი გაიგეს კარგად, რამდენჯერმე ჩაიკითხეს, ვერ იჯერებდნენ. მერე, რა დარწმუნდნენ, რომ ქანენი ოლივიე იყო, რომ ქანენი მიეღოთ, ხმა ველარ ამოიღეს, ისე მოკურცხლეს შინისაქენ. ანტუანეტამ ძმას ხელი ჩასჭიდა, ძმა მის ხელს ეყრდნობოდა. თითქმის გარბოდნენ, ირგვლივ ვერაფერს ამჩნევდნენ; ბულვარს რომ ჰკრიდნენ, კინაღამ ეტლი დაეჯახათ. „ჩემო პატარავ!... ჩემო პატარავ“, — ამასლა გაიძახოდნენ.

სულმოუთქმელად აირბინეს თავიანთ სართულზე. შინ რომ დაიგულებს თავი, ერთმანეთს გადაეხვივნენ. ანტუანეტამ ძმას ხელი ჩასჭიდა, გშობლების სურათებთან მიიყვანა, საწოლთან რომ ეკიდა ანტუანეტას ოთახის ერთ კუთხეში და მისთვის წმიდათაწმიდა იყო. სურათების წინ დაიჩოქეს და ჩუმად აქვითინდნენ.

ანტუანეტამ მოისურვა კარგი სადილი შეეკვეთათ, მაგრამ პირიც ვერ დააკარეს! არ შიოდათ. მთელი საღამო ოლივიე ხან ფერხითთ, ხან კალთაში უჯდა დას და ისიც პატარა ბავშვივით ეალერსებოდა. ხმას თითქმის არ იღებდნენ. დაქანცულებს ძალაც არ ჰყოფნიდათ, ბედნიერება ბოლომდე შეეგრძნოთ. ცხრა საათიც არ იყო, რომ დაწვნენ და მკვდრებივით ჩაეძინათ.

მეორე დღეს ანტუანეტას ძალიან სტკიოდა თავი; სამაგიეროდ, უზარმაზარი ტვირთი მოიხსნა გულიდან. ოლივიეს ეჩვენებოდა, რომ პირველად ამოისუნთქა შევებით. გადარჩა, დამ გადაარჩინა, თავისი ვალი შეასრულა, ძმამ კი მისი ნდობა გაამართლა!... პირველად იყო, მრავალი წლის განმავლობაში, რომ ნებივრობის ნება მისცეს თავს. შუალამემდე იწვნენ, ოთახებს შორის კარი ღია ჰქონდათ და ლაპარაკობდნენ; სარკეში ხედავდნენ ერთმანეთის ბედნიერსა და დაღლილობისგან შეშუპებულ სახეებს. უღიმოდნენ ერთმანეთს, კოცნას უგზავნიდნენ, მერე კვლავ ჩასთვლემდნენ, ერთმანეთს მძინარეს შესცქეროდნენ; დაქანცულნი და მოტეხილნი ძლივს პოულობდნენ ძალას, რომ ერთმანეთისთვის ალერსიანი სიტყვა ეთქვათ.

ანტუანეტამ გროშ-გროშ მოაგროვა მცირეოდენი თანხა შავი ღლისთვის. ძმას არ უმხელდა, თუ რა სიურპრიზს უმზადებდა. ერთი თვით შევიცარიაში წავიდეთო, უთხრა ნორმალურ სასწავლებელში მიღების მეორე დღეს. ეს მძიმე შრომაში გატარებული წლების ჯილდო გახლდათ. ახლა ოლივიე გარანტირებული იყო, რომ სამ წელს სახელმწიფოს ხარჯზე გაატარებდა ნორმალურ სასწავლებელში, რომლის დამთავრების შემდეგ სამსახურსაც იშოვიდა; ამიტომ

შექლოთ ხელგამლილობა გამოეჩინათ და მთელი დანაზოგი დაეხარჯათ. ამის გაგონებაზე ოლივიემ აღფრთოვანებით შესძახა. ანტუანეტა კიდევ უფრო ბედნიერი იყო ძმის ბედნიერებით. ბედნიერი იყო იმიტაც, რომ განაწამები, ბოლოს და ბოლოს, კვლავ ნახავდა ბუნებას.

სამოგზაუროდ მომზადება მათთვის საკმაოდ დიდი საქმე და თან უდიდესი სიამოვნება იყო; აგვისტო კარგა ხნის დამდგარი გახლდათ, როცა გაემგზავრნენ. მოგზაურობას დიდად ჩვეულნი არ იყვნენ. წინა ღამეს ოლივიემ თვალი ვერ მოხუჭა, ვერც მატარებელში შექლო დაძინება. მთელი ღამე იმის შიში ჰქონდა, სადგურში მისვლა არ დაგვაგვიანდესო. ძლიერ ჩქარობდნენ, სადგურში კინალამ გაისრისნენ, ისეთი ჰყლებთა იყო. მეორე კლასის ვაგონში ავიდნენ, სადაც იმის საშუალებაც კი არ ჰქონდათ, თავი მკლავზე ჩამოედოთ და ჩაეთვლინათ (ესოდენ დემოკრატიული ფრანგული სარკინიგზო კომპანიები ცდილობენ წაართვან ღარიბ მგზავრებს ეს სიამოვნება, რათა მდიდრები დატკბნენ სასიამოვნო ფიქრით, ამ სიკეთით მხოლოდ ჩვენ ვსარგებლობთო). ოლივიეს წუთითაც არ მოუხუჭავს თვალი. ჭერ კიდევ ვერ დარწმუნებულყო, რომ მატარებელი არ შეეშალათ და ყოველი სადგურის სახელს უთვალთვალებდა. ანტუანეტამ ჩასთვლიმა, მაგრამ წამდაუწუმ იღვიძებდა. ვაგონი საშინლად ინჯღრეოდა. ოლივიე ამ მოძრავი სარკოფაგის ჭერზე დაკიდებული ღამისის შუქზე შესცქეროდა დას. გაოცდა, როგორ შესცვლოდა ნაკეთები, თვალეები ჩასცვენოდა, ბავშვური ბაგეები დაღლილობისაგან ნახევრად ღია ჰქონდა, სახეზე ყვითელი ფერი გადაჰკრავდა, ლოყებზე, რომლებზედაც მღელვარებასა და სასოწარკვეთას თავიანთი კვალი დაემჩნიათ, აქა-იქ პატარა ნაოჭები გასჩენოდა. დაბერებული, ავადმყოფური იერი ჰქონდა. მართლაც, ძალზედ დაღლილი იყო; გამგზავრების გადაწევა ვერ გაბედა, არ უნდოდა ძმისთვის სიამოვნება ჩაეზნამებინა. სურდა თავი დაერწმუნებინა, რომ მისი უქეიფობა მხოლოდ დაღლილობის ბრალი იყო და სოფელი გამოაკეთებდა. როგორ ეშინოდა, გზაში ავად არ გავხდეთო. გრძნობდა, რომ ძმა უმზერდა. რულს ძლიეს წაართვა თავი, თვალეები გაახილა, მუდამ ასე ახალგაზრდული, გამჭვირვალე, ნათელი თვალეები, რომლებშიაც დროდარო უნებური სევდა გამოკრთებოდა, როგორც ღრუბელი გამოჩნდება ხოლმე პატარა ტბის თავზე. შეწუხებულმა ძმამ ხმადაბლა ჰკითხა, თავს როგორ გრძნობო. ანტუანეტამ ხელი ხელზე მოუჭირა და დაარწმუნა, კარგადა ვარო. სიყვარულით ნათქვამი ერთი სიტყვაც კი საიქიოდან მოაბრუნებდა ხოლმე.

დოლსა და პონტარლიეს! შორის ვარდისფერ აისში გახვეული, გაცრეცილი მინდვრები იღვიძებდნენ. ჰორიზონტიდან მხიარული მზე ამოდიოდა, მზე, რომელიც მათსავით მტვრიანი ქუჩების, პარიზის სქელი კვამლის ტყვეობას

1 დოლი, პონტარლიე — ტენტრალური საფრანგეთის აღმოსავლეთი ნაწილის ქალაქებია ნეიციარისის საზღვართან.

გაქცეოდა; მობიძინე მდელოები რძესავით თეთრ, მსუბუქ ნისლში გახვეულიყვნენ. გზად სოფლის პატარა სამრეკლო, მოწანწკარე ნაკადული, ოდნავ რომ მოჩანდა, თვალსაწიერიდან ამოჩრდილი ბორცვების ლურჯი ზოლი ფაწოლილიყო. ზოგჯერ მატარებელი ჯერ კიდევ მძინარე სოფელში ჩერდებოდა, ნიავს ეკლესიის ზარების რეკვის შორეული, ვულისამაჩუყებელი ხმა მოჰქონდა. გზის ზემოთ, ფერდობზე, ოცნებაში წასული ჯოგის დინჯი სილუეტები ჩანდა — ყველაფერი იპყრობდა ანტუანეტასა და მისი ძმის ყურადღებას, ყველაფერი ახლად ეჩვენებოდათ. ორ გამხმარ ხეს წააგავდნენ, სიამოვნებით რომ ეწაფებოდნენ.

დილით შვეიცარიის საბაჟოში მოუხდათ ჩამოსვლა. პატარა სადგური ტრიალ მინდორში იდგა. უძილო ღამის შემდეგ გული ერეოდათ, განთიადის სიგრილისაგან აკანკალებდათ. კარგი ამინდი იყო, ცა — მოწმენდილი, ირგვლივ მინდვრების სუნთქვა იფრქვეოდა, პირში ეღვრებოდათ, ენაზე ადნებოდათ, ყელში გადადიოდა, გულის სიღრმემდე აღწევდა, როგორც პატარა ნაკადული. მაგიდასთან ფეხზე მდგარი მგზავრები სუფთა ჰაერზე მიირთმევდნენ ცხელ, გამაცოცხლებელ ყავას ნადებთან რძით, ბალახისა და მინდვრის ყვავილების სურნელება რომ დაჰკრავდა.

შვეიცარულ ვაგონებში ავიდნენ. ვაგონის მათთვის უცხო განლაგებამ ბავშვური სიამოვნება მოჰგვარათ. მაგრამ რა დაღლილი იყო ანტუანეტა! ვერაფრით აეხსნა თავისი უქეიფობა. თუმცა ირგვლივ ყველაფერი ასე ლამაზი და საინტერესო იყო, მაინც ასე ცოტა სიამოვნებას რად ჰგვრიდა. განა ამაზე არ ოცნებობდა წლების მანძილზე? მშვენიერი მოგზაურობა ძმასთან ერთად, მომავლის საზრუნავი მოგვარებულია, ბუნებაც ჩინებულია... მაშ რაღა დაემართა; საკუთარ თავს საყვედურობდა, უნდოდა თვითონაც აღფრთოვანებულიყო და ძმის გულუბრყვილო სიხარული გაეზიარებინა...

ტუნში¹ გაჩერდნენ. მეორე დღეს მთაში უნდა გამგზავრებულიყვნენ. დამით, სასტუმროში ანტუანეტას სიცხემ აუწია, გული ერეოდა და თავი სტკიოდა. ოლივიე შფოთავდა, მთელი ღამე ვერ მოისვენა, იძულებული იყვნენ დილით ექიმი მოეყვანათ (ეს გაუთვალისწინებელი ხარჯი მათი პატარა თანხისათვის საგრძნობი დანაკარგი იყო). ექიმმა ვერაფერი სერიოზული ვერ დაადგინა. უკიდურესი გადაღლილობისა და დასუსტებული ორგანიზმის ბრალიაო. გზის გაგრძელებაზე ლაპარაკიც ზედმეტი იყო. ექიმმა ანტუანეტას ადგომა აუკრძალა. თანაც, ტუნში ცოტა შეყოვნება ურჩია. შეწუხდნენ, მაგრამ მაინც კმაყოფილნი დარჩნენ, ამ ფასად რომ გადაურჩნენ იმას, რისიც უნდა შინებოდათ. მაგრამ მაინც საშინელებაა, ასე შორიდან ჩამოხვიდე და სასტუმროს უბადრუკ ოთხ კედელში გამოიკეტო, სადაც მხურვალე მზე ისე აცხუნებს, როგორც სათბურში. ანტუანეტამ ძმას სთხოვა, ცოტა მაინც გაისეირნო. ოლივიეც რამოდ-

¹ ტუნი — ქალაქი შვეიცარიაში.

ნიმე ნაბიჯით გაშორდა სასტუმროს და დაინახა ლამაზ, მწვანე სამოსში გახვეული აარი. შორს, ცაში აღმართული თეთრი მწვერვალი ტივტივებდა. სიხარულისგან გული აუჩუყდა; მაგრამ არ შეეძლო ეს სიხარული მარტოს ეტვირთა სასწრაფოდ დის ოთახს მიაშურა, აღელვებულმა უამბო, რაც იხილა. დამ გაოცა მისი ასე მალე დაბრუნება და სთხოვა, კიდევ გაისეირნეო. ოლივიემ ისე უპასუხა, როგორც წინათ, შატლეს კონცერტიდან რომ დაბრუნდა:

— არა, ეს მეტად ლამაზია, უშენოდ ამის ნახვა არ შემიძლია.

ეს გრძნობები მათთვის უცხო არ იყო: იცოდნენ, რომ ერთად თუ არ იქნებოდნენ, მთელი სისრულით ვეღარ იგრძნობდნენ საკუთარ „მე“-ს, მაგრამ ამის მოსმენა მაინც მუდამ ეამებოდათ. ყოველგვარ წამალზე უკეთ ამ სიტყვებმა არგო ანტუანეტას. ბედნიერი და დათენთილი იღიმებოდა. ღამით კარგად გამოიძინა. თუმცა დიდად გონიერული არ იყო გამგზავრება, გადაწყვიტეს დილით ადრე წასულიყვნენ, ისე, რომ ექიმი არ გაეფრთხილებინათ; ვაითუ კვლავ დაგვიშალოსო, შიშობდნენ. სუფთა ჰაერისა და იმის წყალობით, რომ ამ ლამაზი ბუნებით ერთად ტკბებოდნენ, ანტუანეტას არ დასჭირვებია ეზლო წინდაუხედავი ნაბიჯისათვის. დაუბრკოლებლად მიაღწიეს თავიანთ მოგზაურობის მიზანს — შპიცის¹ მახლობლად, ტბის პირას გაშენებულ მთის სოფელს.

იქ პატარა სასტუმროში გაატარეს სამი თუ ოთხი კვირა. ანტუანეტასთვის სიცხეს აღარ აუწევია, მაგრამ საბოლოოდ ვერ გამოკეთდა. თავში რაღაც აუტანელ სიმძიმეს გრძნობდა და სუსტად იყო. ოლივიე ხშირად ეკითხებოდა, როგორა ხარო, უნდოდა ცოტა ფერმოსული ეხილა და, მაგრამ ბუნების სიმშვენიერით მთვრალი იყო და ინსტინქტურად დევნიდა ნაღვლიან ფიქრებს. ანტუანეტა არწმუნებდა, ძალიან კარგად ვგრძნობ თავსო. ბიჭს უნდოდა, დაეჭვებინა, რომ და მართალი იყო, თუმცა კარგად იცოდა, ანტუანეტა ატყუებდა. სხვათა შორის, დაც ტკბებოდა ძმის სიხალისით, იერით, დასვენებით. რა კარგი იყო დასვენება ამ საშინელი წლების შემდეგ!

ოლივიეს უნდოდა ანტუანეტა ყოველთვის თან წაეყვანა სასეირნოდ. ისიც ბედნიერი იყო ძმასთან ერთად სეირნობით, მაგრამ, არაერთხელ, გულადად წასული, იძულებული გახდებოდა ოციოდე წუთის შემდეგ სუნთქვაშეკრული და გულამოვარდნილი შეჩერებულიყო. მაშინ ოლივიე მარტო აგრძელებდა ექსკურსიებს. მთაზე აღიოდა. ეს საშიში სულაც არ იყო, მაგრამ ანტუანეტა მის დაბრუნებამდე მოსვენებას კარგავდა; ანდა, ერთად გაისეირნებდნენ ხოლმე. ანტუანეტა მკლავზე ეყრდნობოდა, ტატიტ მიჰყვებოდა, ხმადაბლა საუბრობდნენ. ოლივიე ენას ამოიდგამდა, იცინოდა, გეგმებს აწყობდა, სასაცილო ამბებს ჰყვებოდა. ხეობის ზემოთ გაჭიმული გზიდან უყურებდნენ, როგორ იცქირებოდნენ უძრავ ტბაში ქულა ღრუბლები, უყურებდნენ ღემებს, გუბურის თავზე მოცურავე მწერებს რომ წააგავდნენ. თბილი ჰაერითა და ჯოგის ზანზალაკების მუსიკით სუნთქავდნენ, მოცეკლილი ბალახისა და ცხელი ფისის სუნთან ერთად ნაწყვეტ-ნაწყვეტ რომ მოჰქონდა ქარს. ერთად ფიქრობდნენ წარსულ-

¹ შპიცე — ქალაქი შვეიცარიაში.

ზე, მომავალზე, აწმყოზე, რაც მათ ყველა ოცნებაზე არაჩვეულებრივად და დამატარობლად მიაჩნდათ. ზოგჯერ ძმის ბავშვური მხიარულება ანტუანეტასაც გადაედებოდა ხოლმე: ერთმანეთს დასდევდნენ, ბლუჯა ბალახს ესროდნენ. ერთ მშვენიერ დღეს ოლივიემ დაინახა, რომ ანტუანეტა ძველებურად იცინოდა, ისევე როგორც ბავშვობაში, კეთილი, პატარა გოგონას გიჟმაჟი სიცილით, წყაროს წყალივით გამჟვირვალე რომ იყო და ამდენი წელია რომ არ გაეგონა.

ხშირად ოლივიე შორს გასეირნების ცოტა უძლებდა და მერე სინდისი ჭენჭნიდა, თავს საყვედურობდა, სეირნობის ნაცვლად დასთან რატომ არ ვისაუბრეო. ხშირად სასტუმროში მართო ტოვებდა ანტუანეტას. იქ ყმაწვილებისა და ქალიშვილების პატარა წრე იყო, რომელსაც და-ძმა თავდაპირველად გაურბოდა; შემდეგ მორცხვი ყმაწვილი მიიზიდა ამ ჯგუფში. ბავშვობიდან მეგობრები არასოდეს არ ჰყოლია; საკუთარი დის გარდა მხოლოდ ლიკუემის უნემ ამხანაგებსა და მათ საყვარლებს იცნობდა, ზიზღს რომ ჰკვირდნენ. მისთვის ჭეშმარიტი სიამოვნება იყო კარგად აღზრდილი, თავაზიან და მხიარულ თავის ტოლა ჭაბუკებსა და ქალიშვილებთან ყოფნა. თუმცა საქმოდ ველური იყო, გულუბრყვილოდ ცნობისმოყვარე და სანტიმენტალური, უბიწოდ მგრანობიარე გული ჰქონდა, რომელსაც ადვილად აჯადოებდა ქალის თვალთაგან გამოწკრთომი მკრთალი, ცბიერი სხივი. სიმორცხვის მიუხედავად, თავდაც შეიძლებოდა ვინმეს მოსწონებოდა. გულწრფელად სწყუროდა ჰყვარებოდა ვინმე და თავდაც ვინმეს ჰყვარებოდა და ეს მისდა უნებურად ახალგაზრდულ მომხიბვლელობას ანიჭებდა, მოყვარულ, თავაზიან სიტყვებსა და ჟესტებს სძენდა, რომელთა მოუქნელობა კიდევ უფრო მიმზიდველს ხდიდა მას. ოლივიეს ირგვლივ სიმპათიის გამოწვევა შეეძლო. თუმცა მარტობაში გონებით მეტად ირონიულად განწყობილიყო, თვალნათლივ ხედავდა ხალხის ველურობასა და ნაკლს, ასე რომ სძაგდა; როცა მათ პირისპირ იყო, მხოლოდ თვლებს ხედავდა, საიდანაც შეჰყურებდა არსება, რომელიც ერთ მშვენიერ დღეს მოკვდებოდა, არსება, რომელსაც მასავით მხოლოდ ერთი სიცოცხლე ჰქონდა და მასავით მალე უნდა დაეკარგა იგი. მაშინ ამ არსებისადმი უნებური სიყვარულით იმსკვალებოდა. ვერაფრის გულისთვის ვერ აწყენინებდა; სურდა თუ არა, თავაზიანად უნდა მოპყრობოდა. სუსტი იყო და ამის გამო; მხოლოდ იმისთვის ვახლდათ შექმნილი, რომ მოსწონებოდა „მაღალ საზოგადოებას“, რომელიც ყოველგვარ ნაკლს, ასე განსაჯეთ, ყოველგვარ სათნოებასაც კი შეგინდობთ, გარდა ძალისა, რაც ყველა სხვა სათნოების საწინდარია.

ანტუანეტა ამ ახალგაზრდულ წრეში არ ერეოდა. ჯანის სისუსტე, დაღლილობა, უჩინარი მიზეზით გამოწვეული უგუნებობა ხელ-ფეხს უბორკავდა. ზრუნვასა და მძიმე შრომაში გატარებულმა წლებმა, სხეულსა და სულს რომ ცვეთს, მასსა და ძმას შორის როლები შეცვალა. ახლა იგი ამ ქვეყნიდან შორს გრძნობდა თავს, ყველაფრისგან ძალიან შორს იყო... აღარ შეეძლო ამქვეყნად მობრუნება; ეს საუბრები, ხმაური, სიცილი, წვრილმანი

ინტერესები სევდას ჰგვრიდა, ქანცავდა, შეურაცხყოფდა კიდევ. იმისგანაც
ეტანჯებოდა, რომ ასეთად იქცა. უნდოდა ამ ქალიშვილებს ჰგვანებოდა, დაინ-
ტერესებულიყო იმით, რაც მათ აინტერესებდათ, გაეცინა იმაზე, რაზეც ისინი
იციოდნენ... მაგრამ ვაი, რომ აღარ შეეძლო! გული შეკუმშვოდა, ეჩვენებო-
და, ვკვდებო. საღამოს ოთახში გამოიკეტებოდა. ხშირად ლამპასაც არ ანთებ-
და, სიბნელეში რჩებოდა, მაშინ, როცა ოლივიე ქვემოთ, სასტუმროში, მის-
თვის ჩვეული პატარა, რომანტიკული სიყვარულის სიტკბოს ეძლეოდა. ვაოგ-
ნებიდან მხოლოდ მაშინ გამოდიოდა, როცა ოლივიეს ფეხის ხმას გაიგონებდა;
ძმა ზღურბლთან იდგა, იცინოდა, მეგობრებთან ქაქანებდა, დაუსრულებლად
იმეორებდა „საღამო მშვიდობისაო“, მაგრამ მათ ვერ შორდებოდა, ანტუანეტა
სიბნელეში იღიმებოდა და ლამპის ასანთებად დგებოდა. ძმის სიცილი სი-
ცოცხლეს უბრუნებდა.

შემოდგომა იწურებოდა. მზეს თანდათანობით სხივი მოაკლდა. ბუნება
გაიცრიცა. ოქტომბრის ღრუბლებისა და ნისლის ქულებს ქვეშ ფერები ხუნდე-
ბოდა. მთებზე ჩამოთოვა და ბარში ნისლი ჩამოწვა. ჩამოსულები ჯერ თითო-
თითოდ, შემდეგ ჯგუფ-ჯგუფად უკან გაემგზავრნენ. სამწუხარო იყო გეზი-
ლა, როგორ მიემგზავრებოდნენ მეგობრები, თვით უცხოებიც კი, ყველაზე
მეტად — როგორ მიიპარებოდა ზაფხული, სიწყნარისა და ბედნიერების უამი,
ცხოვრების ოაზისი. უკანასკნელად, ოქტომბრის ღრუბლიან დღეს, მთის გას-
წვრივ, ტყეში ერთად გაისერნეს. არ ლაპარაკობდნენ. მელანქოლიურ ოცნე-
ბებს მისცემოდნენ. პალტოებში გახვეულიყვნენ, საყელო აეწიათ და გაყინუ-
ლი თითები ერთმანეთისთვის ჩაეკიდათ. სველი ხეები სიჩუმეში იტრემლებო-
დნენ. ტყის სიღრმიდან მარტოხელა ფრინველის ნაზი და დამფრთხალი ხმა
აღწევდა, ისიც გრძნობდა ზამთრის მოახლოებას. ჯოგის ზანზალაკები ნისლში,
საღლაც შორს, თითქოს ცხოველების მკერდიდან ძლივს გასაგონად წკარუნობ-
დნენ...

პარიზს დაბრუნდნენ. ორივე სევდას მოეცვა. ანტუანეტას ჯანმრთელობა
ვერ გაუმჯობესდა.

ანტუანეტას ოლივიეს სასწავლებელში წასაღები ბარგისათვის უნდა მიე-
ხედა. ამაზე დახარჯა უკანასკნელი დანაზოგი. ყელსაბამიც კი გაყიდა ძმისგან
ფარულად. რა მნიშვნელობა ჰქონდა? მოგვიანებით განა მასვე არ დაუბრუნდებ-
ოდა? მითუმეტეს, რომ ახლა ძმის გარეშე ისე ცოტა რამ დასპირდებოდა! ცდი-
ლობდა არ ეფიქრა მომავალზე, როცა ოლივიე გვერდით აღარ ეყოლებოდა;
თეთრეულს უმზადებდა, ამ საქმეს მთელი იმ მხურვალე ალერსით ეკიდებოდა,
რაც ძმის მიმართ გააჩნდა. ისეთი წინათგრძნობა ჰქონდა, თითქოს უკანასკნე-
ლად ზრუნავდა ძმაზე.

ბოლო დღეებში ერთმანეთს არ შორდებოდნენ, წუთის დაკარგვისაც ეში-
ნოდნენ. უკანასკნელ საღამოს გვიანობამდე ცეცხლის პირას შერჩნენ, ანტუა-

ნეტა ერთადერთ სავარძელში იჯდა, ოლივიე მის ფერხთით, ტაბურეტზე მოკალათებულიყო. ანტუანეტა როგორც მოზრდილ, განებვიერებულ ბავშვს, ისე ეალერსებოდა ძმას. ოლივიე შეფიქრიანებულიყო, ახალი ცხოვრება აინტერესებდა. ანტუანეტა ფიქრობდა, ჩვენს მყუდროებას ზოლო მოედოო და შიშით ეკითხებოდა საკუთარ თავს, აწი რა მომელისო? თითქოს ეწადა ეს ფიქრი მისთვის უფრო მწველი გაეხადა, ოლივიე ისე ნაზი არასოდეს ყოფილა, როგორც ამ უკანასკნელ სადამოს. მასში იმ არსებათა გულუბრყვილო კეკლუცობა გამოსჭვიოდა, უკანასკნელ, გამგზავრების წინა საათს რომ ელიან იმის გამოსამყვანებლად, რაც ყველაზე საუკეთესო და მომხიბვლელი გააჩნიათ. პიანინოს მიუჯდა და დიდხანს უკრავდა მოცარტისა და გლიუკის იმ ნაწარმოებებს, ყველაზე მეტად რომ უყვარდა და-ძმას, ამაღლევებელი ბედნიერებისა და წმინდა სევდის ამ სურათთან მათი ცხოვრების წარსული იყო დაკავშირებული.

განშორების დღე რომ დადგა, ანტუანეტამ ოლივიე სასწავლებლის კარამდე მიაცილა. მერე შინ დაბრუნდა. კიდევ ერთხელ დარჩა მარტო. მაგრამ ეს არ ჰგავდა გერმანიაში გამგზავრებას, როცა მასზე იყო დამოკიდებული, კვლავ ძმას დაბრუნებოდა, თუ ვეღარ აიტანდა განშორებას. ამჯერად იგი შინ რჩებოდა, ოლივიე კი დიდი ხნით, სამუდამოდ გაემგზავრა. ანტუანეტა იმდენად იყო გამსჭვალული დედობრივი გრძნობით, რომ საკუთარ თავზე მეტად ძმაზე ფიქრობდა. ოლივიეს ახალი ცხოვრება აღელვებდა, სასწავლებელში ახალბედებს ავიწროვებდნენ, იქაური პატარა-პატარა უსიამოვნებაანი ადვილად იღებდა შემაზრზენ პროპორციებს მარტონელა ადამიანის თვალში, რომელიც საყვარელ არსებათათვის ტანჯვასაა შეჩვეული. ეს საზრუნავი, ყოველ შემთხვევაში, მასზე კარგად მოქმედებდა, ცოტათი მაინც უქარებდა მარტოობით გამოწვეულ სევდას. იგი უკვე იმ ნახევარ საათზე ფიქრობდა, ძმას რომ ნახავდა მისაღებში. თხუთმეტი წუთით ადრე მივიდა. ძმა მეტად აღერსიანად შეხვდა, მაგრამ ძალიან დაკავებული იყო, ართობდა კიდევ, რაც იქ ნახა. მომდევნო დღეებში, როცა სიყვარულით აღვსილი ანტუანეტა კვლავ მიდიოდა, კონტრასტი იმისა, რას ნიშნავდა ეს წუთები მისთვის, და რას ნიშნავდა ძმისთვის, კიდევ უფრო მკვეთრი ხდებოდა. ანტუანეტასთვის ახლა ეს მთელი სიცოცხლე იყო. ოლივიეს, ცხადია, ნაზად უყვარდა ანტუანეტა, მაგრამ შეუძლებელი იყო მისთვის მოეთხოვათ მხოლოდ დაზე ეფიქრა. ერთხელ თუ ორჯერ მისაღებში დაგვიანებით მივიდა. ერთხელ ანტუანეტამ ჰკითხა, მოწყენილი ხომ არა ხარ ხოლმეო. არაო, უპასუხა მან. ანტუანეტასთვის ეს მტკივნეული დარტყმა იყო — ბრაზობდა, ასეთი რატომ ვარო, ეგოისტი გავხდიო, ფიქრობდა; კარგად იცოდა, რომ უაზრობა, ცუდი და არაბუნებრივიც იქნებოდა, უერთმანეთოდ გაძლებდა რომ არ შესძლებოდათ და ცხოვრებაში სხვა მიზანი რომ არ ჰქონოდათ. დიახ, იცოდა ყველაფერი ეს, მაგრამ რას შველოდა ამის ცოდნა? ეს მის ძალას აღემატებოდა. ათი წლის განმავლობაში მთელი მისი სიცოცხლე ამ ერთადერთ ფიქრს,

ძმას ეწირებოდა. ახლა, ცხოვრების ეს ერთადერთი ინტერესი წაერთვა და აღარაფერი დარჩენოდა.

ანტუნანეტამ მამაცურად გადაწყვიტა, კვლავ დაბრუნებოდა თავის საქმიანობას, კითხვას, მუსიკას, საყვარელ წიგნებს... დმერთო! რა ცარიელი იყო ძმის გარეშე შექსპირი და ბეთჰოვენი!.. დიახ, ცხადია, მშვენიერი გახლდათ... მაგრამ ძმა აქ აღარ იყო! რაღად უნდოდა ეს სილამაზე, თუკი მას საყვარელი არსების თვალებით ვერ დაინახავდა? რა უნდა ვუყოთ სილამაზეს, თვით სიხარულს, თუ საყვარელ ადამიანთან ერთად არ განვიცდით?

ანტუნანეტა უფრო ძლიერი რომ ყოფილიყო, შეეცდებოდა მთლად გარდაექმნა თავისი ცხოვრება, სხვა მიზანი დაესახა. მაგრამ, ქანცი გასწყვეტოდა. ახლა, როცა არაფერი აიძულებდა, რაღაც უნდა დასჯდომოდა, გამაგრებულებოდა, ნებისყოფა დაეძაბა, — დაუძღურდა; ავადმყოფობა, ერთი წლის წინ რომ შეუჯდა და აქამდე ყმაწვილი ქალი ენერგიით რომ სძლევა, ახლა ადვილად მოერია.

მარტომმარტო დარჩენილი სევდით სავესე საღამოებს შინ ატარებდა, ჩაფერფლილი ცეცხლის პირას. ძალა არ ჰყოფნიდა, ცეცხლისთვის შეეკეთებინა, ან დაწოლილიყო. შუაღამემდე იჯდა, მთვლემარე, ფიქრებში წასული და აკანკალებული. ხელახლა განიცდიდა თავის ცხოვრებას. უსიყვარულო დაკარგული ახალგაზრდობის გამო საშინელი სევდა იპყრობდა, ფარული, გაუმხელებელი ტკივილი... ქუჩაში ბავშვი იცინოდა, ქვაფენილზე გაუბედავად დაბაჯბაჯებდა... ეჩვენებოდა, თითქოს ეს პატარა ფეხები მის გულზე დააბიჯებდნენ; ეკვსა და უსიამოვნო ფიქრებს შეეპყრო; მის დასუსტებულ სულს ეგოისტური და საკუთარი სიამოვნებაში ჩაფლული ქალაქი წამლავედა — სინანულს ებრძოდა, საკუთარი სურვილების რცხვენოდა, ვერ გაეგო, რა ტანჯავდა. ამას თავისი ცუდი ინსტინქტებით ხსნიდა; საბრალო პატარა ოფელია, უცნაური სენი რომ ღრღნიდა, შიშით გრძნობდა, როგორ ამოდიოდა მისი არსებიდან რაღაც ბნელი და უხეში სურვილი, თვით ცხოვრების ძირიდან რომ მოიწვედა. აღარ მუშაობდა. გაკვეთილები თითქმის მიატოვა. მუდამ დილაადრიან რომ დგებოდა, ახლა ნაშუადღევამდე ლოჯინში იყო. ადგომას და დაწოლას აღარავითარი აზრი აღარ ჰქონდა. ცოტას წაციცქნიდა, ანდა სულაც არაფერს ჰამდა. იმ დღეებში, როცა ძმა თავისუფალი იყო, ხუთშაბათს — ნაშუადღევს და კვირას — დილიდანვე, თავს ძალას ატანდა, ძველებურად სჩვენებოდა.

ოლივიე ვერაფერს ამჩნევდა. ჰაბუკს ძალზე აინტერესებდა თუ ართობდა ახალი ცხოვრება და ველარ ახერხებდა კარგად დაჰკვირვებოდა დას. იმ ასაკში იყო, როცა უქპირთ მთელი არსებით მიეცენ, ან გულგრილად არიან განწყობილნი იმის მიმართ, რაც ცოტა ხნის წინ აღელვებდათ და მალე კვლავ ააღლევენ. ზოგჯერ ასაკოვანთ, როგორც ჩანს, უფრო ცოცხალი შთაბეჭდილებები აქვთ, უფრო გულუბრყვილოდ ტბებიან ბუნებითა და სიცოცხლით, ვიდრე ოცი წლისანი. ამბობენ, ახალგაზრდები გულით ნაკლებ ჰაბუქნი არიანო. ამაში ხშირად ცდებიან. ისინი უგრძნობლები იმიტომ კი არ გვეჩვენებიან, რომ მო-

ყირქებული აქვთ ყველაფერი, არამედ იმიტომ, რომ მათი სული ვნებებში, პატივმოყვარეობაში, სურვილებსა და აკვიატებულ აზრებში ჩაფლულა. როცა სხეული გაცვეთილია და ცხოვრებისგან აღარაფერს მოელი, უინტერესო გრძნობები კვლავ თავის ადგილს პოულობენ და კვლავ მოედინება ბავშვური ცრემლების ნაკადული. ოლივიე ათასობით წვრილმან საქმეს მისცემოდა, რომელთაგან ყველაზე მნიშვნელოვანი უაზრო გატაცება იყო (მას მუდამ გააჩნდა ასეთი გატაცებები), რომელსაც იმდენად შეეპყრო, რომ თითქმის დაებრმავებინა და ყველაფერი ამქვეყნიურის მიმართ გულგრილი გაეხადა. ანტუანეტამ არ იცოდა რა სჭირდა ძმას. ზედაედა მხოლოდ, რომ ძმა გაუბრბოდა. ეს მარტო ოლივიეს ბრალიც არ იყო. ზოგჯერ შინ დაბრუნება და დასთან ბაასი უხაროდა კიდევ. მაგრამ ოთახში შემოვიდოდა თუ არა, გაქვავდებოდა ხოლმე. მოუსვენარი სიყვარული და ძალა, რომლითაც და ეჭიდებოდა, მის სიტყვებს ეწაფებოდა და თავისი მზრუნველობით ტანჯავდა — სიყვარულისა და უდიდესი ყურადღების ეს მოჭარბება ყოველგვარ სურვილს უკარგავდა, დას განდობოდა. ოლივიეს უნდა შეენიშნა, რომ ანტუანეტას რაღაც ემართებოდა; ყოველივე ეს ძალიან არ ჰგავდა მისთვის ჩვეულ თავაზიან თავდაპყრილობას. მაგრამ ოლივიე ამაზე არ ფიქრობდა. მის კითხვაზე „არაო“ ან „ჰოო“ პასუხობდა; რაც უფრო მეტად ცდილობდა ანტუანეტა, გამოეყვანა ძმა ამ მდგომარეობიდან, ოლივიე მით უფრო ჭიუტად დუმდა, ანდა უხეში პასუხით დას გულს სტკენდა ხოლმე. მაშინ ქალიშვილიც ჩუმდებოდა გულმოკლული. ასე გადიოდა, უფრო სწორად, იკარგებოდა დღე. როგორც კი სახლის ზღურბლს გადაბიჯებდა, სასწავლებელში მიმავალი სასოწარკვეთას ეძლეოდა, ასე რატომ მოვექციე დასო. მთელი დამე ტანჯავდა იმაზე ფიქრი, რაც ჩაიდინა. სასწავლებელში მისვლისთანავე დას სინანულით აღსავსე წერილებს სწერდა. მაგრამ, მეორე დღით რომ გადაიკითხავდა, მსწრაფლ დახევდა ხოლმე. ანტუანეტამ ამის შესახებ არაფერი იცოდა. ფიქრობდა, ძმას აღარ ვუყვარვარო.

ანტუანეტამ ერთხელ კიდევ იგრძნო უკანასკნელი სიხარული თუ არა, ყოველ შემთხვევაში, ახალგაზრდული გრძნობის უკანასკნელი აღელვება, უცებ რომ გააცოცხლა მისი გული — მასში მოულოდნელად გაიღვიძა სიყვარულის, რწმენისა და ბედნიერების გრძნობამ. ეს იმოდენა უაზრობა იყო და ისე ეწინააღმდეგებოდა მის მშვიდ ბუნებას! ეს რომ მომხდარიყო, ამისათვის აუცილებელი იყო მისი მღელვარება, სულიერი დაცემა და მეტისმეტი აღზნებულობა, ავადმყოფობას რომ უძლოდა წინ.

ძმასთან ერთად „შატლე“-ში კონცერტს ესწრებოდა. ოლივიეს ის-ის იყო, ერთ პატარა ყურნალში მუსიკალური განყოფილება ჩააბარეს, ამიტომ ცოტა უკეთესი ადგილები ჰქონდათ, ვიდრე წინათ, მაგრამ გაცილებით უფრო უსიამოვნო საზოგადოებაში იმყოფებოდნენ. პარტერის წინა რიგებში ისხდნენ, სცენის მახლობლად. კრისტოფ კრაფტს უნდა დაეკრა. ამ გერმანელ მუსიკოსს არ

იცნობდნენ. ანტუანეტას მის დანახვაზე გული აუჩქროლდა; თუმცა მისმა დაქანცულმა თვალებმა იგი მხოლოდ სადღაც, ნისლს მიღმა დაინახეს, შემოსვლისთანავე იცნო გერმანიაში გატარებული მძიმე დღეების უცნობი მეგობარი. მასთან მასზე არასოდეს კრინტი არ დაუძრავს. საკუთარ თავთანაც უჭირდა ამაზე ლაპარაკი: მთელი მისი გონება ცხოვრებისეულ საზრუნავს მოეცვა. თანაც ჭკვიანი ფრანგი გოგონა იყო, ვერ აპყვებოდა ბუნდოვან გრძნობას, რომლის წყაროც გაურკვეველი იყო და არც მომავალი გაანდა. თავადვე რცხვენოდა თავისი სულის შეუცნობელ კუნჭულებში მიძინებული გრძნობების. იცოდა, რომ მათ იქ მოეკალათებინათ, მაგრამ თვალს არიდებდა, რელიგიური შიშით იყო შეპყრობილი იმ რაღაც იღუმალის მიმართ, გონების კონტროლს რომ გაეპარება ხოლმე.

სული რომ მოეთქვა, ძმას ლორნეტი გამოართვა. უნდოდა კრისტოფისთვის შეეხედა. პროფილში ხედავდა, ღირიყოების პულტთან მდგომს, ენერგიული და ღრმააზროვანი გამომეტყველება ჰქონდა. მოძველებული ტანსაცმელი საშინლად არ უხდებოდა. ხმაგაკმენდილი და გაყინული ანტუანეტა ესწრებოდა ამ საკვალალო კონცერტს, რომელზედაც კრისტოფი მსმენელის აშკარა არაკეთილსინდისიერებას შეეჯახა: მსმენელისა, რომელიც ცუდად იყო განწყობილი გერმანელი მუსიკოსის მიმართ და რომელიც მისმა მუსიკამ არ დააინტერესა.¹ სიმფონიის შემდეგ, რომელიც ძალიან გრძელი ეჩვენათ, კრისტოფი კვლავ რომ გამოვიდა რამდენიმე საფორტეპიანო პიესის შესასრულებლად, უხეში შეძახილებით შეხვდნენ. ცხადი იყო, მისი ხელახლა ხილვა მაინცდამაინც დიდ სიამოვნებას არავის ჰგვირდა. მაინც დაიწყო დაკვრა მოწყენილ მსმენელთა წინაშე. წუთითაც არ შემწყდარა უხეში შენიშვნები, უკანასკნელი იარუსის ორი მაყურებელი ხმამალა რომ უზიარებდა ერთმანეთს მთელი დარბაზის გასართობად. მაშინ კრისტოფი შეჩერდა: ბავშვური ყინით ატანილმა ცალი თითით დაუქრა „მაღბრუჯი მიდის ომში“-ს მელოდია, რთილს მოშორდა და მსმენელთ მიახალა:

— აი, თქვენ ეს შეგფერთ!

ხალხმა პირველად ვერ გაიგო მუსიკოსის განზრახვა და ყვირილი ატეხა. წარმოუდგენელი ღრიალცელი ატყდა; უსტვენდნენ, ყვიროდნენ:

— ბოდიში მოიხადოს! მობრძანდეს და ბოდიში მოიხადოს!

ბრახიანგან აღწილი, აღელვებული ხალხი ცდილობდა თავი დაერწმუნებინა, რომ ნამდვილად შეურაცხვეს, მაგრამ უფრო ზუსტად, მოხარულნი იყვნენ ხმაურსა და დასვენების შემთხვევა რომ მიეცათ: ისე იქცეოდნენ, როგორც გიმნაზიელები მეორე გაკვეთილის შემდეგ.

ანტუანეტას ძალა არ ჰყოფნიდა გასანძრევად, გაქვავებულიყო. მოკუმშული თითები უხმაუროდ ძიძგნიდნენ ხელთათმანს. სიმფონიის პირველივე ბგე-

¹ იხ. ეან კრისტოფი, 11, ბაზრობა მოედანზე.

რებიდან გრძნობდა, რაც უნდა მომხდარიყო, გრძნობდა, როგორ იზრდებოდა მსმენელთა ფარული მტრობა; კრისტოფს შეატყო, ამბობდა გარდუვალი იყო და მღელვარებით ელოდა ამ ამბოსს. ძალ-ღონეს ძაბავდა, რათა ხელი შეეშალა და როცა ყველაფერი ზუსტად ისე მოხდა, როგორც იწინასწარმეტყველა, ისეთი გრძნობა დაეუფლა, თითქოს ბედისწერამ გასრისა, რომლის წინააღმდეგაც ვერაფერს გააწყობ კაცი. თვალს არ ამორებდა კრისტოფს, რომელიც უტიფრად შესტკეპროდა მაყურებელს, მას რომ უსტვენდა. მათი მზერა ერთმანეთს შეეჯახა. კრისტოფის თვალებმა შესაძლოა წამით იცნო კიდეც. მაგრამ ამ ორომტრიალში იგი ვერ მიხვდა, რომ ეს ანტუანეტა იყო (კარგა ხანია, აღარც უფიქრია მასზე). სტვენა არ წყდებოდა, კრისტოფი სცენიდან გავიდა.

ანტუანეტას უნდოდა ეყვირა, რაიმე ეთქვა, მაგრამ შებოჭილი იყო, როგორც კოშმარულ სიზმარში ხდება ხოლმე. მისთვის ნამდვილი შვება ის გახლდათ, რომ მისმა ყოჩაღმა, პატარა ძამიკომ არაფერი იცოდა, რაც მის გულში ტრიალებდა და მაინც მის სევდასა და გულისწყრომას ინაწილებდა... ოლივიე სულთ მუსიკოსი იყო და დამოუკიდებელი, ურყევი გემოვნება გააჩნდა. თუ რაიმე მოსწონდა, მთელი ქვეყანა რომ წინ აღდგომოდა, მაინც მოსწონდა. სიმფონიის პირველივე ტაქტებიდან იგრძნო რაღაც დიადი, არასოდეს ცხოვრებაში რომ არ შეხვედრია. ხმადაბლა, ალგზნებით იმეორებდა:

— რა მშვენიერია! რა მშვენიერია!

მადლიერებით აღვსილი ანტუანეტა ინსტინქტურად ეკვროდა ძმას. სიმფონია რომ დამთავრდა, მაყურებლის ირონიული გულგრილობის წინააღმდეგ პროტესტის გამოსახატავად ოლივიე მხურვალედ სცემდა ტაშს. აურზაური რომ ატყდა, წონასწორობა დაკარგა. ეს წყნარი ბიჭი სწრაფად წამოხტა, კრისტოფი მართალიაო, დაიძახა, მათ, ვინც სტვენდა, წესრიგისკენ მოუხმო, მათთან ჩხუბი უნდოდა. მისი ხმა ხმაურში იკარგებოდა; უხეშად უყვიროდნენ, ცინგლიანი უწოდეს. „შინ წადი, დაიძინეო“, ურჩიეს. ანტუანეტამ კარგად იცოდა ამ ჯანყის ამოება, ძმას ხელი ჩასჭიდა და უთხრა:

— გაჩუმდი, გევედრები, გაჩუმდი!

ოლივიე სასოწარკვეთილი დაჯდა, კვლავ ოხრავდა:

— სირცხვილია, სირცხვილი! საძაგლები!

ანტუანეტა ხმას არ იღებდა, ჩუმად იტანჯებოდა; ოლივიეს ეგონა, ამ მუსიკისადმი გულგრილიაო და ჰკითხა:

— ანტუანეტა, ნუთუ არ მოგეწონა?

ყმაწვილმა ქალმა ანიშნა, მომეწონაო. გაოგნებული იჯდა, ძალა არ შესწევდა, გამოცოცხლებულიყო. როცა ორკესტრის ახალი ნაწყვეტი უნდა დაეკრა, უტბად წამოდგა და ძმას ზიზღით წასჩურჩულა:

— წამოდი, წამოდი, ამ ხალხის ყურება აღარ შემიძლია.

სასწრაფოდ წავიდნენ. ქუჩაში ოლივიემ დას ხელმკლავი გაუქეთა და გატაცებით დაუწყო ლაპარაკი. ანტუანეტა ხმას არ იღებდა.

შემდეგ დღეებში, თავის ოთახში მარტოდმარტო დარჩენილი, იმ გრძნობებში ჩაეფლო, რომლებსთვისაც თვალი ვერ გაესწორებინა, მაგრამ რომლებიც ყველა მის აზრს ისევე კვეთდა, როგორც სისხლის ყრუ ჩქეფა მის საფეთქლებს, ასე რომ სტკიოდა.

რამდენიმე ხნის შემდეგ ოლივიემ დას კრისტოფის „სიმღერების“ კრებული მოუტანა, რომელიდაც გამომცემელთან ახლახან რომ აღმოეჩინა. ანტუანეტამ ალაღებდნე გადაშალა და პირველსავე გვერდზე, ერთ-ერთი ნაწყვეტის სათაურთან შემდეგი მიძღვნა ამოიკითხა გერმანულად: „ჩემს საბრალს, ძვირფას, პატარა მსხვერპლს“. ქვემოთ თარიღი იყო მიწერილი.

მას კარგად ახსოვს ეს თარიღი. ამან ისე ააღელვა, რომ მეტის გადაფურცვლა აღარ შეეძლო. რვეული დადო და ძმას შეევედრა, დაუკარო. თვითონ თავის ოთახში შევიდა და იქ ჩაიკეტა. ახალი მუსიკით ნასიამოვნებმა ოლივიემ დააკვრა დაიწყო, დის აღელვება არ შეუმჩნევია. გვერდით ოთახში მჯდომი ანტუანეტა გულის ძგერას ძლივს იკავებდა. უცებ წამოდგა, კარადაში ანგარიშის წიგნაკი მოძებნა, გერმანიაში გამგზავრებისა და კიდევ ერთი საიდუმლო თარიღი რომ დაედგინა. მან ეს რიცხვი წინდაწინვე იცოდა: დიახ, ეს იმ საღამოს წარმოდგენა იყო, კრისტოფთან ერთად რომ ესწრებოდა. ლოგინზე წამოწვა და თვალები დახუჭა. აღმური მოეკიდა, ხელები მკერდში ჩაიკრა, საყვარელ მუსიკას ისმენდა. გული მადლიერების გრძნობით ჰქონდა საგვ. მაგრამ, თავი ასე რად სტკიოდა?

ანტუანეტა აღარ გამოსულა. დაკვრა რომ დაამთავრა, ოლივიე მასთან შევიდა და ლოგინზე გამოტილი იხილა. ჰკითხა, ცუდად ხომ არა ხარო. ცოტა დავიდალეო, მიუგო ანტუანეტამ და ძმა მარტო რომ არ დაეტოვებინა, თავს ძალა დაატანა და მინც წამოდგა. წაისაუბრეს. ანტუანეტა ძმის კითხვებზე სწრაფად ვერ პასუხობდა, ისეთი სახე ჰქონდა, თითქოს სადღაც შორს იყო. იღიმებოდა, წითლდებოდა, ბოდიშს იხდიდა, თავი ძალიან მტკივა და მთლად გამოყვყენილი. ბოლოს ოლივიე წავიდა. ანტუანეტამ სთხოვა, სიმღერების რვეული დამიტოვეო. გვიან ღამემდეგ მარტო იჯდა პიანინოსთან, კითხულობდა, არ უკრავდა, ზოგჯერ ოდნავ შეეხებოდა კლავიშებს, ეშინოდა, მეზობლები არ შევაწუხო. არც კი კითხულობდა, უფრო ოცნებობდა, ბედნიერებისა და იმ ადამიანის სიყვარულის გრძნობას შეეპყრო, რომელსაც იგი შეებრალა და იღუმალის სიკეთით მოცულმა მისი სულის წაკითხვა შეძლო. აზრს ვერ იკრებდა. ბედნიერი და სევდიანი იყო — სევდიანი! ო, როგორ სტკიოდა თავი!

ტკბილ და მტანჯველ ოცნებაში გაატარა მთელი ღამე. მელანქოლიას მოეცვა; მეორე დღეს, გაოგნებისთვის თავი რომ წაერთვა, გარეთ გავიდა. თავის ტკივილი კვლავ ტანჯავდა. უმიზნოდ რომ არ ევლო, დიდ მაღაზიაში წავიდა საყიდლებზე. სულაც არ ფიქრობდა, რას აკეთებდა. თუმცა საკუთარ თავსაც არ უშხელდა, მხოლოდ კრისტოფზე ფიქრობდა. მაღაზიიდან რომ გამოვიდა, განაწამები და ნაღვლით აღსავსე, ჯგლეთაში მოჰყვა. უცებ, ქუჩის მეორე მხა-

რეს, ტროტუარზე მიმავალი კრისტოფი შენიშნა. კრისტოფმაც იმავე წუთში დაინახა. მაშინვე (ეს მოუფიქრებლად მოხდა) ანტუანეტამ ხელი გაიწვდინა მისკენ. კრისტოფი შეჩერდა: ამჯერად იცნო იგი. ანტუანეტასთან რომ მისულიყო, ქუჩა გადმოირბინა. ანტუანეტამ მის შესახვედრად გასწია, მაგრამ უხეშმა ბრბომ ბუმბულივით წაიღო მაშინ, როცა ომნიბუსში შებმული ცხენი სრიალა ასფალტზე დაეცა და კრისტოფის წინ რამდენიმე წამით გადაულახავი ბარიერი აღიმართა. ამის მიუხედავად, კრისტოფი გასვლას ლამობდა: ეკიპაჟებს შორის მოეჭვა, ვერც წინ მიდიოდა, ვერც უკან. ბოლოს და ბოლოს, როცა თავი დააღწია და იმ ადგილს მიაღწია, სადაც ანტუანეტა დაინახა, ქალი უკვე შორს იყო: ანტუანეტა ამაოდ ცდილობდა შებრძოლებოდა ხალხის ნიაღვარს, მერე ფარ-ხმალი დაყარა. გაბრძოლება აღარ უცდია, რაღაც საბედისწერო ძალას შეეპყრო და კრისტოფთან შეხვედრას უშლიდა. ბედისწერის წინააღმდეგ კი რას გააწყობ! როცა ბრბოდან გამოსვლა მოახერხა, უკან დაბრუნება აღარ უცდია; შერცხვა. რა უნდა გუთხრა? ეს რა გავბედე? რას იფიქრებდამო! — და შინისაკენ მოკურცხლა.

შინ რომ მივიდა, მხოლოდ მაშინ დამშვიდდა. ჩაბნელებულ ოთახში მაგიდას მიუჯდა, ღონე არ ჰყოფნიდა ქუდი მოეხადა ან ხელთათმანები წაეძრო. იტანჯებოდა, ხმა რად ვერ გავეც კრისტოფსო, თან გრძნობდა, რომ სხეულში ავადმყოფობა შეჯდომოდა. გაუთავებლად, დაწვრილებით იგონებდა ყველაფერს, რაც მოხდა. ცოტათი ასხვაფერებდა, ცდილობდა წარმოედგინა, რა მოხდებოდა, საქმე სხვაგვარად რომ დატრიალებულიყო. გაახსენდა, როგორ გაიშვირა ხელი კრისტოფისაკენ, როგორ გაუცისკროვნდა სახე, კრისტოფმა რომ იცნო; იცინოდა და სახეზე ალმური ედებოდა. მარტოდმარტო, ჩაბნელებულ ოთახში, სადაც ვერავენ დაინახავდა, კვლავ გაიშვირა მისკენ ხელები. ამდენს ვეღარ გაუძლებდა. გრძნობდა, რომ იღუპებოდა, ინსტინქტურად ცდილობდა, ჩაბლაუჭებოდა ძლიერ სიცოცხლეს, გვერდით რომ ჩაუარა და კეთილი თვალით გადმოხედა. სიყვარულითა და ნაღველით სავსე მისი გული წყვილიაღში კრისტოფს მოუხმობდა — მიშველე, გადამარჩინეო.

აღლევაბული წამოდგა ლამპის ასანთებად. ქაღალდი და კალამი აიღო. წერილი მისწერა კრისტოფს. ამ მორცხვ და ამაყ გოგონას არასოდეს აზრადაც არ მოუვიდოდა, მიეწერა მისთვის, მაგრამ ახლა ავად იყო. თვითონაც არ იცოდა, რას წერდა. თავს ვერ იკავებდა; მოუხმობდა, მიყვარხარო, ეუბნებოდა. შუა წერაში თავზარდაცემული შეჩერდა; წერილის გადაკეთება უნდოდა. მის აღფრთოვანებას ფრთები შეეკვეცა. თავი უხურდა და სტკიოდა. საშინლად უჭირდა სიტყვების პოვნა; ქანცი გამოსტკოლოდა, რცხვენოდა... რა საჭირო იყო ყოველივე ეს? კარგად იცოდა, რომ თავს იტყუებდა, რომ არასოდეს გაუგზავნიდა წერილს... კიდევაც რომ ნდომოდა, როგორ გაუგზავნიდა?... მისი მისამართი არ გააჩნდა... საბრალო კრისტოფო! რა შეეძლო გაეკეთებინა მისთვის, ყველაფერიც რომ სცოდნოდა და კარგადაც ყოფილიყო მის მიმართ განწყობილი? ძალიან გვიან

იყო. არა, არა, ყველაფერი ამო იყო; ყოველივე ეს მომაკვდავი ჩიტის უკანასკნელ გაფართხალებას ჰგავდა, მთელი ძალით რომ სცემდა ფრთებს. უნდა დანებებულიყო...

ფიქრში წასული კვლავ დიდხანს უჯდა მაგიდას; გაოგნებისთვის თავი ვერ დაეღწია. შუაღამე გადასული იყო, მთელი ძალა რომ მოიკრიბა და წამოდგა. ჩვეულებისამებრ, წერილი თავისი ბიბლიოთეკის ერთ-ერთ წიგნში ჩადო. ძალა არ ჰყოფნიდა, რომ შეენახა ან დაეხია. სიცხისაგან აკანკალებული დაწვა. ამოცანა გადაჭრილი იყო. გრძნობდა, რომ ყველაფერი ღვთის ნებით ხდებოდა.

სრული სიმშვილე დაეუფლა.

კვირა დილას სკოლიდან დაბრუნებულ ოლივიეს ანტუანეტა ლოგინში დახვდა; ქალს დროდიდრო აბოდებდა... ოლივიემ ექიმი იხმო. ექიმმა სწრაფ-მავალი ჭლექის დიაგნოზი დაუსვა.

ბოლო დღეებში ანტუანეტას კარგად ესმოდა თავისი მდგომარეობა. ბოლოს და ბოლოს მიხვდა იმ სულიერი მღელვარების მიზეზს, ელდას რომ სცემდა. საბრალო გოგონასთვის, საკუთარი თავისაც რომ რცხვენოდა, თითქმის შვება იყო იმაზე ფიქრი, რომ თავად არაფერ შუაში იყო, რომ ყოველივე ამის მიზეზი მხოლოდ მისი აუადმყოფობა გახლდათ. ღონე მოიკრიბა და სიფრთხილის ზომები მიიღო; ქაღალდები დასწვა, ქალბატონ ნათანს წერილი მისწერა: შეევედრა, მისი „სიკვილის“ (უჭირდა ამ სიტყვის დაწერა) შემდეგ, პირველ კვირებში, მიეხედა მისი ძმისთვის.

ექიმს არაფერი შეეძლო. აუადმყოფობას მაგრად გაედგა ფესვები, ანტუანეტას ორგანიზმი კი შრომით გადატვირთულ წლებს გაეცვითა.

ანტუანეტა მშვიდად იყო; რაც თავი დაღუპულად ჩათვალა, სევდაც გადაიგდო გულიდან. ყველა გადატანილ სატანჯველს იხსენებდა. მისი მიზანი შესრულებული იყო. გადაარჩინა საყვარელი ოლივიე. გული აუწერელი სიხარულით ჰქონდა საესე, თავს ეუბნებოდა:

— ეს მე გავაკეთე.

თან საყვედურობდა კიდეც თავს ამ სიიმაყეს.

— მარტო ვერაფერს შევძლებდი, ღმერთი დამეხმარა.

ღმერთს მადლობა შესწერა, მიზნის შესრულებამდე რომ აცოცხლა. გული სტიკოდა, რომ ახლა უნდა მომკვდარიყო, მაგრამ წუწუნს ვერ ბედავდა. ეს ღვთის მიმართ უმადურობა იქნებოდა, ხომ შეეძლო, ცოტა ადრეც მიეხმო იგი. უარესი არ იქნებოდა, ერთი წლის წინ რომ მომკვდარიყო? ოხრავდა და მადლიერების გრძნობა ეუფლებოდა.

ტანჯვის მიუხედავად, არაფერზე წუწუნებდა, თუ არა ღრმა ძილში, როცა ზოგჯერ პატარა ბავშვივით წამოიკენესებდა ხოლმე. ყველას და ყველაფერს მორჩილი ღიმილით შესცქეროდა. ოლივიეს ხილვა სიხარულით ავსებდა. უსიტყვოდ, ბაგეებით მოუხმობდა. უნდოდა მასთან ბალიშზე ჩამოედო თავი!

თვალს თვალში გაუყრიდა და დიდხანს შეჰყურებდა მღუმარედ. მერე წამოიწიგა და, მის თავს მკერდში ჩაიკრავდა და ეუბნებოდა:

— ო, ოლივიე, ოლივიე!...

ყელსაბამი მოიძრო და ძმას ჩამოჰკიდა. თავის სულიერ მამას, ექიმს, ყველას ჩააბარა ოლივიე. გრძნობდა, რომ იგი უკვე მხოლოდ ძმაში ცოცხლობდა, რომ სიკვდილის წუთს, როგორც კუნძულს, მას შეაფარებდა თავს. ზოგჯერ სიყვარულის მისტიური აღფრთოვანებითა და რწმენით მთვრალს ჰგავდა, ტკივილს აღარ გრძნობდა, ნაღველი სიხარულად ექცეოდა — ღვთაებრივ სიხარულად, მის ბაგეებსა და თვალებში რომ ელავდა.

ბედნიერი ვარო, იმეორებდა.

გაოგნება იპყრობდა. უკანასკნელ წუთებში, სანამ გრძნობას დაჰკარგავდა, მისი ბაგეები ამოძრავდნენ, რალაცას ამბობდნენ. ოლივიე დის სასთუმალთან მივიდა და დაიხარა. ანტუანეტამ იცნო ძმა და მისუსტებულმა გაუღიმა. მისი ტუჩები კვლავ მოძრაობდნენ, თვალები ცრემლით ავსებოდა, ვერ გაიგებდი, რისი თქმა სურდა... მაგრამ, ოლივიემ ნიავეით დაიჭირა ძველებური სიმღერის სიტყვები, ასე რომ უყვარდათ და ანტუანეტას არაერთხელ რომ უმღერია მისთვის. *I will come again, my sweet and bonny, I will come again*¹.

მერე ანტუანეტამ გონება დაკარგა და... მიიძინა.

ანტუანეტამ თავადაც არ იცოდა, რაოდენ სიმპათიას უნერგავდა ხოლმე ბევრ მისთვის უცნობ ადამიანსაც კი: მაგალითად, მეზობლებს, რომლებს სახელებიც კი არ იცოდა. ოლივიეს მისთვის უცხო ხალხმა გამოუცხანა თანაგრძნობა. ანტუანეტა ისე უპატრონოდ არ დაუქრძალავთ, როგორც დედამისი. მეგობრები, ძმის ამხანაგები, ოჯახები, სადაც გაკვეთილებს აძლევდა, ხალხი, რომელთა წინაშეც მხოლოდ უხმოდ ჩაევილო, სიტყვაც არ დაეძრა თავის ცხოვრებაზე, და რომელთაც, თავის მხრივაც, არაფერი უთქვამთ მისთვის, მაგრამ ჩუმად ტკბებოდნენ ამ ქალით, რაკი კარგად იცოდნენ, რა თავგანწირული იყო. დატაკებიც კი: მოსამსახურე ქალი, მას რომ ეხმარებოდა, მისი უზნელი წვრილი ვაჭრები — სასაფლაომდე გაჰყვინენ. უარის მიუხედავად, სიკვდილის დღიდანვე ოლივიე ქალბატონმა ნათანმა წაიყვანა, მისთვის დარდი რომ შეემსუბუქებინა.

ეს ერთადერთი შემთხვევა იყო ოლივიეს ცხოვრებაში, ასეთი კატასტროფის გამკლავება რომ შეძლო. ერთადერთი, როცა ნება არ მისცეს, მთლიანად მისცემოდა სასოწარკვეთას. ის-ის იყო, ახალი ცხოვრება დაიწყო, ერთ ჯგუფს დაუახლოვდა და მისდა უნებურად დინებას მიჰყვა. სასწავლებლის საქმიანობა და საზრუნავი, ინტელექტუალური წვა, გამოცდები, სიცოცხლისთვის ბრძოლა საშუალებას არ აძლევდა საკუთარ თავში ჩაეკტილიყო. მარტო ყოფნა არ

¹ „მე დავბრუნდები, საყვარელო, მე დავბრუნდები“...

შეეძლო. იტანჯებოდა ამით, მაგრამ ეს მისი ხსნა იყო. ეს ერთი წლით აღრე, ან რამდენიმე წლის შემდეგ რომ მომხდარიყო, უსათუოდ დაიღუპებოდა.

რამდენადაც შეეძლო, ღის მოგონებებთან განმარტოვდებოდა ხოლმე-გული სტკიოდა, რომ ვერ შეძლო შეენარჩუნებინა ბინა, სადაც ერთად ცხოვრობდნენ. საამისოდ ფული არ გააჩნდა. იმედოვნებდა, ისინი, ვინც სამძიმარს უცხადებდნენ, გაუგებდნენ, როგორ იტანჯებოდა, რომ არ შეეძლო იმის გადარჩენა, რაც ღას ეკუთვნოდა. როგორც ჩანს, ვერავინ გაუგო. ნაწილობრივ ნასესხები და ნაწილობრივ გაკვეთილებით ნაშოვნე ფულით მანსარდა იქირავა და იქ მოათავსა ყველაფერი, რაც ღის ავეჯიდან დაიტოვა: მისი საწოლი, მაგიდა, სუარძელი. მოგონებების ტაძარი მოიწყო. როცა მწუხარება შეიპყრობდა, იქაურობას აფარებდა თავს. მისი ამხანაგები ფიქრობდნენ, ალბათ ვინმე შეუყვარდაო. თავისთვის განმარტოვდებოდა და საათობით ფიქრობდა დაზე, ხელეღმში თავჩარგული. სამწუხაროდ, მისი პორტრეტიც არ გააჩნდა, ერთი პატარა ბავშვობის სურათის გარდა, რომელზედაც ორივე ერთად იყვნენ გადაღებული. ოლივიე ესაუბრებოდა ღას, ტიროდა... სად იყო ანტუანეტა? ქვეყნის მერე ბოლოში რომ ყოფილიყო, ნებისმიერ ადგილას, რა სიხარულით, დაუოკებელი გულმოდგინებით გაექანებოდა მის საქებნელად, არად დაგიდევდათათას სტანჯველს, საუკუნეების მანძილზე ფეხშიშველი ივლიდა, თუკი თითოეული ნაბიჯი ღასთან მიახლოებდა!.. დიახ; დამდე მიღწევის ათასიდან ერთი შესაძლებლობაც რომ ჰქონდეს... მაგრამ არაფერი... არავითარი საშუალება არ არსებობდა მასთან მისაღწევად... რა მარტო იყო... რა მიტოვებული, უმწეო ბავშვივით იყო რაც და გვერდით აღარ ჰყავდა, რომ ჰყვარებოდა იგი, ენუგეშებინა!... მას ვისაც ბედნიერება ხვდა, თუნდაც ერთხელ შეეცნო მეგობრულ გულის სრული და უსაზღვრო სიახლოვე, მან შეიგარძნო ღვთაებრივი სიხარული, სიხარული, რომელიც მერე მთელი სიცოცხლე გააუბედურებს.

Nessun maggior dolore che ricordarsi del tempo felice nella miseria...¹

სუსტი და ფაქიზი სულისთვის საშინელი უბედურებაა, ერთხელ მაინც თუ იგემა უდიდესი ბედნიერება.

მაგრამ, რაც უნდა დასანანი იყოს, სიცოცხლის დასაწყისში დაკარგო საყვარელი აღამიანი, მაინც ნაკლები საშინელებაა, ვიდრე მისი მოგვიანებით დაკარგვა, როცა სიცოცხლის წყარო დამშრალია. ოლივიე ახალგაზრდა იყო; მიუხედავად თანდაყოლილი პესიმიზმისა, მიუხედავად ბედკრულობისა, სიცოცხლე უნდოდა. თითქოს ანტუანეტამ სიკვდილის წინ თავისი სულის ნაწილი ძმას შთაბერა. მას ასე სჯეროდა. თუმცა ღისებრი რწმენა არ ჰქონია, ფარულად თავს ირწმუნებდა, ანტუანეტა სამუდამოდ არ გამოქალაქო, დაპირების თანახმად, იგი ჩემში ცოცხლობსო. ერთი ბრეტონული ანდაზა ამბობს — ახალგაზრდა მიცვალებულები მიცვალებულები არ არიანო. იმ ასაკამდე, სანამ მიწიერო

¹ „მოგონება გარდასრული ბედნიერების, უბედობის ეამს უდიდესი სატიკვარია“ (დანტე, ღვთაებრივი კომედია, ჯოჯოხეთი, ქება V).

ირსებობის ნორმალურ ასაკს მიაღწევენ, ისინი იმ ადგილებში დაფარვატებენ, სადაც ცხოვრობდნენო. ამგვარად, ანტუანეტა ოლივიეს გვერდით განაგრძობდა სიცოცხლეს.

ოლივიემ ანტუანეტას დარჩენილი ქალაქები გადაიკითხა. სამწუხაროდ, თითქმის ყველაფერი დაეწვა. სხვათა შორის იგი ისეთი ქალი არ იყო, საკუთარი ცხოვრება აღენუსხა. თავისი აზრის გაშიშვლებაზე სირცხვილით იწვოდა. მხოლოდ პატარა უბის წიგნაკი ჰქონდა, მის გარდა, თითქმის ყველასთვის გაუგებარი, რომელშიც ყოველგვარი შენიშვნების გარეშე სწერდა გარკვეულ თარიღებს, განსაკუთრებულ მოვლენებს ყოველდღიური ცხოვრებიდან, რომლებსაც ოდესღაც სიხარული თუ მღელვარება მოუტანიათ მისთვის და რომელთა დაწვრილებით ჩაწერა არ სჭირდებოდა მეხსიერებაში აღსადგენად. თითქმის ყველა ეს ჩანაწერი ოლივიეს ცხოვრების ამა თუ იმ მოვლენასთან იყო დაკავშირებული. ძმის წერილები უკლებლივ ჰქონდა შენახული. ოლივიე კი ნაკლებ მზრუნველი აღმოჩნდა. დის გამოგზავნილი თითქმის ყველა წერილი დაეკარგა. რაში სჭირდებოდა ისინი? ეგონა, და მუდამ გვერდით ეყოლებოდა. სიყვარულის ეს ძვირფასი წყარო დაუმრეტელი ეჩვენებოდა. დარწმუნებული იყო, იგი მუდამ გაუგრილებდა გულსა და ბაგეებს. წინდაუხედავად გაფლანგა მისგან მიღებული სიყვარული, რომლის უმცირესი წვეთების შეკრებასაც ახლა ლამობდა...

როგორ აღელდა, როცა ანტუანეტასეული ერთ-ერთი ლექსების კრებული ფურცელისას, ქალაქის ნაგლეჯზე ფანქრით მინაწერი შემდეგი სიტყვებით აღმოაჩინა:

„ოლივიე, ჩემო ძვირფასო ოლივიე!“

კინადამ ცუდად გახდა. ქეთინებდა, ტუჩებით ეკონებოდა უხილავ ბაგეებს, საფლავიდან რომ ესაუბრებოდა.

ამ დღიდან მის ყოველ წიგნს სათითაოდ ფურცლავდა, რომ ენახა, რაიმე საიდუმლო ხომ არ დაუტოვებია შიგ. კრისტოფისადმი მინაწერი წერილს წააწყდა და დის გულში ჩასახული იღუმალი სიყვარულის ამბავი შეიტყო. ოლივიე პირველად შეიპრა მის ინტიმურ ცხოვრებაში, რომლის შესახებ არაფერი იცოდა და რომლის გაგება არც უცდია. კვლავ განიცადა მღელვარებით სავსე უკანასკნელი დღეები, მისგან მიტოვებული, უცნობი მეგობრისკენ რომ იშვერდა ხელს. მისთვის არასოდეს გაუმხელია, რომ კრისტოფი ენახა. მისი წერილის რამდენიმე სტრიქონმა აუწყა, რომ ისინი ოდესღაც გერმანიაში შეხვედრიან ერთმანეთს. მიხვდა, რომ კრისტოფი ანტუანეტას კეთილისმყოფელი ყოფილა რომელიღაც გარემოებაში, რომლის დეტალებიც არ იცოდა, და რომ აქედან დაწყებული ანტუანეტას გრძნობა, ბოლომდე საიდუმლოდ რომ შეინახა.

ოლივიეს, მართალია, უკვე უყვარდა კრისტოფი მისი მშვენიერი ხელოვნებისათვის, მაგრამ უეცრად ეს კაცი უსაზღვროდ ძვირფასი გახდა მისთვის. ანტუანეტას უყვარდა კრისტოფი. ოლივიეს ეჩვენებოდა, რომ დის სიყვარულს

თანაუგრძნობდა. ყველაფერს აკეთებდა, რომ კრისტოფს დაახლოებოდა. არც ისე ადვილი იყო მისი კვალის მიგნება. მარცხის შემდეგ კრისტოფი უზარმაზარ პარიზში გაუჩინარდა, ყველას ჩამოშორდა, ისიც აღარავის აინტერესებდა. რამდენიმე თვის შემდეგ ოლივიე შემთხვევით ქუჩაში შეხვდა კრისტოფს. ფერმკრთალი იყო და ახლახან გადატანილი ავადმყოფობის გამო გამხდარიყო. ოლივიეს გამბედაობა არ ეყო, შეეჩერებინა. სახლამდე გაჰყვა. უნდოდა წერილი მიეწერა, მაგრამ ვერ გაბედა. რა მიეწერა? ოლივიე მარტო არ იყო, ანტუანეტა ახლდა თან. მისი სიყვარული, მისი სიფრთხილე ძმაში გადასულიყო. იმის გაფიქრება, რომ ანტუანეტას კრისტოფი უყვარდა, კრისტოფის წინაშე ისე აწითლებდა, თითქოს თვითონ ყოფილიყო ანტუანეტა. და მაინც, როგორ ეწადა კრისტოფთან დაზე ესაუბრა! მაგრამ არ შეეძლო. მისი საიდუმლო ბაგეებს ამოეჭოლათ.

ცდილობდა კრისტოფს შეხვედროდა. ეძებდა ყველგან, სადაც ფიქრობდა, რომ შეიძლებოდა კრისტოფი ყოფილიყო. სურვილი კლავდა, ხელი ჩამოერთმია მისთვის, მაგრამ, როგორც კი დაინახავდა, ემალებოდა, ეშინოდა, არ შეემაჩნისო.

ბოლოსდაბოლოს კრისტოფმა იგი ერთ საღამოს მეგობრის სალონში შეინიშნა. ოლივიეს მისგან შორს ეჭირა თავი. არაფერს ამბობდა, კრისტოფს უყურებდა მხოლოდ. უეჭველია, ამ საღამოს ანტუანეტა ძმასთან ერთად იყო, რადგან კრისტოფმა იგი ოლივიეს თვალეშში დაინახა; სწორედ მოულოდნელად გახსენებულმა მისმა სახემ მიიყვანა სასტუმრო ოთახის ბოლოდან უცნობ მაცნესთან, ახალგაზრდა ჰერმესის¹ მსგავსად სამოთხის აჩრდილის სევდიანი და ტკბილი სალაში რომ მოუტანა.

¹ ჰერმესი — ბერძნული მითოლოგიის მიხედვით, ზევსის შვილი ჰერმესი მამის ბრძანებებს აუწყებდა მოკვდავთ.

ᄒᄃᄆᄇᄃ
ᄃᄃᄃᄃᄃᄃ



ᄃᄃᄃ

წინასიტყვაობა პირველი გამოცემისათვის

ჟან-კრისტოფის მემორაბეზს

წლების განმავლობაში ჩემს ნაცნობ და უცნობ მეგობრებთან ფიქრებით საუბარი დამჩემდა, დღეს კი მინდა, ხმამალა გავესაუბრო მათ. უმადური ვიქნებოდი, მაღლობა მაინც არ მეთქვა მათთვის, ვისგანაც ესოდენ დავალებული ვარ. მას შემდეგ, რაც ჟან-კრისტოფზე ამ ვრცელი ამბის წერას შევუდექი, განუწყვეტლივ ვგრძნობ მეგობრების შემწეობას, მათთვის ვწერ. ისინი მამხნევენ, მოთმინებით მომყვებიან გვერდით, მათი თანაგრძნობით ვარ გამთბარი. თუ ზოგიერთი მათგანის წინაშე მცირედი სიკეთე მეც მიმიძღვის, ათმაგად მიზღეს. ეს თხზულებაც იმ ფიქრების ნაყოფი გახლავთ, რომლებიც ერთად აღგვეძრა.

გამოგტყდები, როდესაც კალამს მოვკიდებ ხელი, მეგონა, რომ ჩვენ ერთი მუქა მეგობრები ძლივს შეგვგროვებდნოდა: ჩემს პატივმოყვარეობას უფრო მეტი მეგობარი როდი ეგულებოდა, ვიდრე სოკრატეს სახლს. მაგრამ წლები გადიოდა და სულ უფრო ძლიერ ვგრძნობდი, რომ ძმები ვართ ყველანი, ვისაც ერთი სიხარული გვახარებს და ერთი წუხილი გვაწუხებს, პარიზში ვცხოვრობთ თუ პროვინციაში, საფრანგეთში თუ მის ფარგლებს გარეთ. ამაში კიდევ ერთხელ დავრწმუნდი სულ ახლახან, როდესაც გამოქვეყნდა ამ თხზულების წინა ტომი, სადაც კრისტოფმა (ჩემთან ერთად) გული მოიოხა და ზიზლით დაგმო „ბაზრობა მოედანზე“. ასე სწრაფი გამომხაურება არც ერთ ჩემს წიგნს არ გამოუწვევია. ეს იმიტომ, რომ, სიმართლე უნდა ვთქვა, იქ მარტო მე არ ვლაპარაკობ: ჩემს სიტყვებში ჩემი მეგობრების ხმა ღალადებს. მათ უწყიან, რომ კრისტოფი მხოლოდ ჩემი კუთვნილება როდია; მათი ნაწილიც არის. კრისტოფში ხორცუმესხმულა ყველა ჩვენგანის სული.

* * *

რაკი კრისტოფი ჩემს მკითხველებს ეკუთვნის, მოვალე ვარ ზოგიერთი ახსნა-განმარტება მივცე მათ „ჟან-კრისტოფის“ ამ ახალი ტომის შესახებ, რომელსაც დღეს გთავაზობთ. ვშიშობ, რომ მან არ გაგიცრუოთ მოლოდინი. ისე-

ვე, როგორც „ბაზრობა მოედანზე“, სატრფიალო თავგადასავლებით ვერც ეს წიგნი გაგართობთ, თანაც კრისტოფის ცხოვრების ამბავი გაწყვეტილი მოგეჩვენებათ. აქ უფრო გმირის გარემომცველ სამყაროზეა თხრობა, ვიდრე თვით გმირზე.

უნდა ავიხსნათ ის ვითარება, რომელშიც ხელი მოკიდე მთელ ამ ნაწარმოებს.

მარტომმარტო დავრჩი. როგორც მრავალი ჩემნაირი საფრანგეთში, ვიხუთებოდი მორალურად მტრულ სამყაროში. მინდოდა სული მომეთქვა; ვცდილობდი, წინ აღვდგომოდი სნეულ ცივილიზაციას, შევბრძოლებოდი საზოგადოების „რჩეულთა“ დამყაყებულ აზრს, მსურდა, პირში მიმეხალა ამ ვაიჩრეულთათვის: „ტყუილს ჩმახავთ, საფრანგეთზე წარმოდგენა არა გაქვთ“.

ამისათვის კი გულწრფელი, უმწიკვლო გმირი მჭირდებოდა; მას უნდა ჰქონოდა სპეტაკი სული, რომ უფლებამოსილი ყოფილიყო ელაპარაკა, და მჭექარე ხმა, რათა ეიძულებინა, ყური მიეპყრათ. მე მოთმინებით ვქმნიდი ამ გმირს. სანამ ნაწარმოების პირველი სტრიქონის დაწერას გავებედავდი, გულში ვატარებდი მას წლების მანძილზე; კრისტოფს არ გამოვემშვიდობე მანამ, ვიდრე არ მივაგენი გზას, რომელსაც ბოლომდე უნდა მიეყვანა იგი. ზოგიერთი თავი „მოედანზე ბაზრობიდან“ და „ჟან-კრისტოფის“ ბოლო ტომების ზოგიერთი ნაწილიც¹ კი, რომლებიც მოგვიანებით გამოქვეყნდება, „რიჟრაჟზე“ აღრე, ან მასთან ერთად დაიწერა. საფრანგეთის სახეს, როგორც კრისტოფსა და ოლივიეშია აღბეჭდილი, თავიდანვე მიჩენილი ჰქონდა ადგილი ამ წიგნში. ამიტომ აქ ამბიდან გადახვევა კი არ უნდა დავინახოთ, არამედ განზრახ შედგომა, შესვენება გზაზე — ცხოვრების ერთ-ერთ იმ მაღალ სერზე, საიდანაც თვალს გადაავლებ უკვე გადალახულ ველს, წინ კი შორეული ჰორიზონტი მოჩანს, რომლისკენაც უცნობი გზა გელის.

ცხადია, აზრადაც არ მომსვლია, რომ ამ ბოლო ტომებისთვის—„ბაზრობა მოედანზე“, „მინ“—და, საერთოდ, „ჟან-კრისტოფისათვის“ რომანი მეწოდებინა. მაშ რა არის ეს თხზულება? პოემა? რა ბედენაა რას დავარქმევთ? როდესაც ადამიანი გვიჩნდა გავიცნოთ, განა იმას ვკითხულობთ, რომანია იგი თუ პოემა? მე ადამიანი შევქმენი. ადამიანის სიცოცხლე კი ვერ ეტევა ლიტერატურულ ფორმათა ჩარჩოებში. სიცოცხლის კანონი თვით სიცოცხლეშია; ყოველ სიცოცხლეს კი საკუთარი კანონი აქვს. მისი არსი გამოხატულებაა ბუნების ძალისა. ზოგი ადამიანის სიცოცხლე წყნარ, უშფოთველ ტბას ჰგავს, ზოგისა—ცივ უძირო ლაყვარდს, რომელშიაც ღრუბლები დაცურავენ; ერთნი ნაყოფიერ ველებს შეიძლება შევადაროთ, მეორენი — ცადაზიდულ მთათა განმარტობულ მწვერვალებს. ჟან-კრისტოფი კი მდინარეს მომაგონებდა ყოველთვის. ამაზე აკი პირველივე ფურცლებიდან გავამახვილე ყურადღება. მდინარეებსაც

¹ მაგალითად, „უწვი მაყვლოვანის“ მეორე ნაწილი. — რ. რ.

ხომ აქვთ გაშლილი ადგილები, სადაც დინება მდოვრდება და მძინარეს ემს-
გავსება წყლის ზედაპირი, რომელზედაც კამკამა ცა და სოფლის ნაპირები იხა-
ტება. წყალი კი დის დაუსრულებლივ და ემორჩილება მარადიულ ცვალებადო-
ბას; ხოლო ზოგჯერ, ამ მოჩვენებითი უძრაობის ქვეშ ჩქარი დინება იმალება,
რომლის იღუმალი ძალა მოულოდნელად თავს იჩენს ქვემოთ, პირველსავე
დაბრკოლებასთან შეჯახებისას. აი, ამ სახით წარმოგვიდგება „ჟან-კრისტოფის“
წინამდებარე ტომი. ახლა, როდესაც ეს მდინარე განივრცო და წყალუხვი გახდა,
თავის ნაკადში რომ შეერთო გაღმა-გამოღმა ნაპირთა ფიქრები, იგი კვლავ გა-
ნაგრძობს თავის სრბოლას ზღვისკენ, საითაც მივედინებით ყველანი.

იანვარი, 1909 წ.

რ. რ.

მეგობარი მყავს!... ნეტარებაა პპოვო ერთგული სული, რომელსაც მიეკვრები ცხოვრების ქარიშხალში მობუზული; თავი შეაფარო თბილ, მყუდრო სავანეს, სადაც დამაშვრალი სულს მოითქვამ და დაიყუჩებ აქოშინებულ გულს! აღარ იგრძნო მარტობა, აღარ დაგჭირდეს იფხიზლო დღედაღამ იარაღ-მომარჯვებულმა და უძილობისაგან გათანგულმა, ვიდრე ბოლოს ღონემიხდილი მტრის ლუკმა არ გახდები! გყავდეს ძვირფასი მესაიდუმლე, მთელი არსებით რომ მიენდობი და მთელი არსებით მოგენდობა. ბოლოს, დატკბე სიმშვიდით — იძინო, როცა ის ფხიზლობს, იფხიზლო, როცა მას სძინავს. ვინც გიყვარს, ვინც გულწრფელი ბავშვივით გენდობა, მისი გამოქომაგების სიხარული განიცადო. გამოსცადო კიდევ უფრო დიდი სიხარული, რომ ენდობი, გრძნობ, ყველა შენი გულისნადები იცის, განაგებს შენს სულს. წუთისოფლის ტვირთის ზიდვით ქანცგაწყვეტილს, წელში ოთხად მოხრილსა და დაჩაჩანაკებულს მეგობრის უბეში სიჭაბუკე დაგიბრუნდეს და ფერი იცვალო; მისი თვალით იხილო სამყაროს განახლება, მისი გულით შეიგრძნო სიცოცხლის მომხიბვლელობა და მისი გონებით შეიცნო ცხოვრების სილამაზის წარმავალობა... მასთან ერთად წუხდე... აჰ, რა ბედნიერებაა თვით მწუხარებაც, როცა ერთად ვართ!

მეგობარი მყავს! შორს არის თუ ახლოს, მარად ჩემს გულშია. ის ჩემია. მე მისი ვარ. ვუყვარვარ, მიყვარს. სიყვარულმა შეასისხლხორცა ჩვენი სულები.

რუსენებთან წვეულების მეორე დღეს დილით, გამოვღვიძა თუ არა, კრისტოფს პირველად ოლივიე ჟანენი გაახსენდა. მყის ახალი ნაცნობის მონახულების დაუოკებელი წადილი დაეუფლა. ტანთ ჩაიცვა და გავიდა. ჯერ რვა საათი არ იყო. ნადრევი აპრილის თბილი, ჩამოხუთული დილა იდგა: პარიზის ცა საავდროდ მოქუფრულიყო.

ოლივიე სენტ-ჟენევიევის გორის ძირას, ბოტანიკური ბაღის მახლობლად, ვიწრო შესახვევში ცხოვრობდა. სახლი იდგა იქ, სადაც ქუჩა ყველაზე მეტად ვიწროვდებოდა. ჩაბნელებული, ათასგვარი სიმყარალით აშშორებული ეზოს სიღრმეში იწყებოდა მალა, სართულიდან სართულზე აკლაკნილი კიბე, რომლის საფეხურები ფანქრის ნაჭაბნებით აჭიჭყნილი კედლისაკენ გადაბრეცილიყვნენ. მეოთხე სართულზე პერანგგაღედილმა, თმაგაჩეჩილმა ჭადარა მანდილო-

'სანმა ფეხის ხმაზე კარი გამოაღო და უცნობი რომ დანახა, დაფეთებით მიიჯახუნა. კიბის ყოველ ბაქანზე რამდენიმე ბინა იწყებოდა; ცუდად მიხურულ კარების ფარდალალეებიდან ბავშვების ალიაქოთისა და ღრიანცელის ხმა ისმოდა. გულისამრევი ეზოს გარშემო ერთიმეორეზე დაშენებულ დაბალ სართულებში შეჭუჭკულიყვნენ და ფუთფუთი გაჭქონდათ ადამიანურ არსებებს, სიბინძურესა და უღიმღამო ყოფაში რომ ამოსდიოდათ სული. „ნეტავი რა ცთუნებას მოუზიდავს ეს ადამიანები აქ, — კითხულობდა გულში ზიზღმორეული კრისტოფი, — ასე შორს ლაღი ველებიდან, სადაც ჰაერი მაინც მოიპოვება ყველას სამყოფი? რა სარგებელს გამოელიან ისინი პარიზისაგან, რომ მთელ ცხოვრებას, თავიანთი ნებით, ამ ჯურღმულში ცოცხლად დამარხულნი ატარებენ?“.

კრისტოფი უკვე ოლივიეს სართულზე ასულიყო. ზართან გამონასკული ბაწარი ება. კრისტოფმა ისე ღონივრად გამოსწია იგი, ხმაურზე რამდენიმე კარმა კვლავ გაიჭრიალა კიბეზე. ოლივიემ გააღო. მისმა სადა, მაგრამ ფაქიზმა ჩაცმულობამ გააოცა კრისტოფი. ეს სიფაქიზე, სხვა გარემოებაში რომ ალბათ შეუმჩნეველი დარჩებოდა, აქ სასიამოვნო მოულოდნელობად ეჩვენა; ამ მოღუშულ, ბინძურ გარემოში მას რაღაც სილაღისა და სიჯანსაღის ელფერი შეჰქონდა. ოლივიეს სპეტაკი და ნათელი თვალების დანახვამ უცებ წუხანდელი შთაბეჭდილება განუახლა კრისტოფს. ხელი გაუწოდა ოლივიეს. მან შექპრთალმა წაილულლულა:

— თქვენ... თქვენ აქ!..

კრისტოფმა, რომელიც შეეპყრო სურვილს, ჩასწვდომოდა ამ ჯერ კიდევ უცნობი ჰაბუკის მომხიბვლელ სულს, წუთიერი დაბნეულობისას თავის ბუნებრიობაში რომ გამოკრთა, მხოლოდ გაიღიმა და არაფერი უპასუხა. ბიძგიტ ოლივიემ წინ გაიგდო და შევიდა მის ერთადერთ ოთახში, რომელიც საძინებელიც იყო და სამუშაო ოთახის მაგივრობასაც სწევდა. ფანჯრის ახლოს, კედელთან, რკინის ვიწრო საწოლი იდგა; კრისტოფს თვალში ეცა მუთაქაზე ერთიმეორეზე მიწყობილი ბალიშების გროვა. მთელ მოწყობილობას სამი სკამი, შავად შეღებილი მაგიდა, პიანინო და თაროზე დალაგებული წიგნები შეადგენდა. ოთახი მომცრო, დაბალი და ბნელი გახლდათ; მაგრამ ყველგან მისი ბინადრის სხივმოსილ თვალთა ანარეკლი ეფინა. ყველაფერი ისე გაქათქათებული და გაქვრივებული იყო, თითქოს ქალის ხელი შევლებოდა. სურაში ჩაწყობილი ვარდების კონას გაზაფხულის სურნელი დაეფრქვია ძველი ფლორენციელი მხატვრების რეპროდუქციებით დამშვენებულ ოთხ კედელს შორის.

— მაშ თქვენ ჩემთან, ჩემს სანახავად მოხვედით? — აღელვებული იმეორებდა ოლივიე.

— მეტი რა ჩარა იყო, — მიუგო კრისტოფმა. — ვიცი, თქვენ არ მომაკითხავდით.

— რატომ გგონიათ? — შეეპასუხა ოლივიე.

მერე ექვე დასძინა:

— თუმცა მართალი ხართ. მაგრამ არა იმიტომ, რომ არ მეწადა.

— აბა, რა დაგიჭერდათ?

— ძალიან მსურდა.

— რა კარგი მიზეზია!

— დიახაც, რომ ასეა, ტყუილად დამცინით. მეშინოდა, ვაითუ თქვენ ასე ძალიან არ გსურდათ.

— მაგაზე ფიქრით შევიწუხებდი თავს! თქვენი ნახვა მომესურვა — ავდექი და მოვედი. თუ არ გესიამოვნათ, ალბათ, მიხვებლები.

— მაგის მიხვედრა არც ისე იოლია.

ერთმანეთს თვალი თვალში გაუყარეს და გაელიმათ.

— რა ბრიყვულად ვიქცეოდი წუხელ. თქვენი მეხათრებოდა. გაუბეღაობა ნამდვილ ავადმყოფობად გადამექცა: თითქოს ენა მებმება, ლაპარაკს ველარ ვახერხებ ხოლმე.

— ნუ სწუხხართ. თქვენში ყბელები ისედაც ბლომად არიან; ბედნიერებაა, როდესაც აქა-იქ ისეთებსაც შეხვდები, ვინც ზოგჯერ მაინც დუმს, თუნდაც ეს გაუბეღაობით, ანუ უნებურად მოსდიოდეს.

კრისტოფი იცინოდა, საკუთარი ენამახვილობით ნასიამოვნები.

— გამოდის, რომ ჩემი დუმილი მოგეწონათ?

— დიახ, თქვენი დუმილი. თქვენი დუმილის ნიჭი. დუმილსაც ხომ ცოდნა უნდა: მე მიყვარს, თქვენ რომ დუმხართ, მორჩა და გათავდა.

— შეყვარება სადღა მოასწარით? ჯერ ხომ ძლივს მიცნობთ.

— ეგ უკვე ჩემი ხელობაა. არჩევანში ყოყმანი არ მიყვარს. თუ ცხოვრებაში თვალწინ ჩამიარა კაცმა, რომელიც მომეწონა, ბევრს აღარ ვაყოვნებ: მყისვე უკან გამოვედევნები, რომ არ დავკარგო.

— ამ დევნაში ჯერ არ გაგცრუებიათ იმედი?

— ხშირად.

— იქნებ ამჭერადაც ცდებით?

— ვნახოთ.

— ოჰ! მაშინ წასულა ჩემი საქმე! ეგ დაყინებული ცქერა მმსჭვალავს. იმის გაფიქრებისას, რომ მაკვირდებით, ბრინჯივით ვიბნევი.

კრისტოფი აღერსიანი ცნობისმოყვარეობით მიშტერებოდა ოლივიეს მეტყველ სახეს, რომელიც ხან უჭარხლდებოდა და ხან უფითრდებოდა: გრძნობები ისე ინახებოდა მასზე, როგორც ღრუბლები წყალზე.

„რა მგრძნობიარე არსება ყოფილა! — ფიქრობდა კრისტოფი. — თითქოს ქალი იყოს“.

ოლივიეს მუხლზე ხელი დაადო.

— კარგი ერთი, — უთხრა კრისტოფმა, — ხომ არ გგონიათ, რომ თქვენს გამოსაჩხრეკად მოესულეარ? მძულს, ფსიქოლოგიაში სავარჯიშოდ საკუთარი

შეგობრების სულში რომ იქექებინან. მე მხოლოდ ერთ რამეს მოვიტხოვ — უფლება გვექონდეს ორივეს, ვიყოთ თავისუფალი და გულწრფელი, ვიქცეოდეთ ისე, როგორც გული გვიკარნახებს, ძალდაუტანებლად, ცრუ მორცხვობის გარეშე; არ გვეშინოდეს, ვაითუ დღევანდელი ნაბიჯი ხვალ სანანურად გავვიხდეს, ვაითუ საკუთარ თავთან წინააღმდეგობაში მოვექცეთ, — უფლება გვექონდეს, გვიყვარდეს ამ წუთს და უკვე ერთი წუთის შემდეგ აღარ გვიყვარდეს. განა ეს უფრო ვაყაბურობს, უფრო წესიერი არ არის?

ოლივიემ სერიოზულად შეხედა და უპასუხა:

— რასაკვირველია. ეს ნამდვილად ვაყაბურობა და თქვენ საამისო ძალაც შეგწევთ. მაგრამ მე ძლიერი როლი ვარ.

— მწამს, რომ ხართ, — მიუგო კრისტოფმა, — ოღონდ სხვა მხრივ. თუმცა მეც ხომ სწორედ იმისათვის მოვედი, რომ დაგეხმაროთ, ძლიერი გახდეთ, თუ მოისურვებთ. ვინაიდან წელანდელი ჩემი ნათქვამი უფლებას მამლევს განსაკუთრებით გულახდილი ვიყო, გავკადნიერდები დაეძინო, რომ მიყვარხართ ამ წუთს, ხვალისას კი წინასწარ ვერაფერს გეტყვით.

ოლივიე ყურებამდე გაწითლდა. უხერხულობისგან ენა დაება და ვერაფერი უპასუხა.

კრისტოფმა ოლივიეს ბინა მოათვალიერა.

— ძალზე ვიწროდ გიცხოვრიათ. მეტი ოთახი არა გაქვთ?

— საკუჭნაო.

— უჰ! კაცს სული შეეხუთება! აქ როგორ ცხოვრობთ?

— ყველაფერს შეგუება სცოდნია.

— მე კი ვერასოდეს შევეგუებოდი.

კრისტოფმა ყილეტი შეიხსნა, ეტყობოდა, სუნთქვა უჭირდა.

ოლივიე ფანჯარასთან მივიდა და ყურთამდე გააღო.

— ქალაქში თავს ლაღად ვერასოდეს იგრძნობთ, ბატონო კრაფტ. მე, საზენდეროდ, სუსტი ვარ: ისე მცირე ჰაერი მყოფნის, ყველაფერს ვახერხებ გაძლებას. თუმცა ზაფხულში, დამ-დამობით, მეც მიჭირს. დაღამებისა მეშინია: წამომჯდარი ვარ ლოგინში და მგონია, საცაა გავიგულები.

კრისტოფმა შეხედა საწოლზე აგრეთვე ბალიშებს, ოლივიეს დაღლილ სახეს და თვალწინ დაუდგა მისი ბორცვაში გათენებული დამეები.

— სხვაგან გადადიოთ, — უთხრა კრისტოფმა. — აქ როგორ ჩერდებით?

ოლივიემ მხრები აიჩეჩა და გულგრილად უპასუხა:

— ეჰ! რა ბედენაა, აქ თუ სხვაგან?...

ჭერზე ბრაგუნა ჩექმები დალაჭუნებდნენ. ქვედა სართულზე ორი გაანჩხლებული ხმა ერთმანეთს ლანძღავდა. ქუჩაში ომნიბუსის რანჩახზე კედლებს წამდაუწუმ ზანზარი გაჰქონდა.

— ესეც თუ სახლია! — განაგრძო კრისტოფმა. — ირგვლივ სიბინძურეს, საშინელ სიმყარალესა და არაადამიანურ სილატაკეს დაუსადგურებია. როგორ

არ გზარავთ, რომ აქ უნდა დაბრუნდეთ ყოველ საღამოს? ნუთუ ეს აზრი სასო-
წარკვეთილებებში არ გაგდებთ? მე აქ ერთ ღამესაც ვერ გავათენებდი. ათასჯერ-
ვაძკობინებდი ხილქვეშ დამეძინა.

— პირველ ხანებში მეც მიმძიმდა. მეც ისეთივე ზიზღს განვიცდიდი, რო-
გორც თქვენ. მახსოვს, ბავშვობაში ხალხით გაჰვიდოდ ქუჩყიან ქუჩებში სასეირ-
ნოდ რომ წამიყვანდნენ, გული ჩქროლვას დამიწყებდა და რაღაც უცნაური ში-
ში შემიპყრობდა ხოლმე, რაც ვერავისთვის გამემხილა. „უცებ მიწისძვრა რომ“
მოხდეს, — ვფიქრობდი გულში, — ხომ აქ მოვკვდებოდი და სამუდამოდ ამ სი-
ბინძურეში დავრჩებოდი-მეთქი“. მაშინ ეს ყველაზე საშინელ უბედურებად
მიმაჩნდა. რას წარმოვიდგენდი, რომ ოდესმე, ჩემივე ნება-სურვილით, ამ
ჯურღმულებში მომიწევდა ცხოვრება, და ალბათ, სიკვდილიც. ბედმა ნაკლებ
გულაზიზი გამხადა. ყოველივე ეს დღესაც არანაკლებ მეზიზღება, მაგრამ
ვცილობ, აღარ ვიფიქრო ამაზე. კიბეზე რომ ამოვიდვარ, თვალებს ვხუჭავ,
ყურებს ვიციბ, სუნთქვას ვიკრავ, ყველა შეგრძნებას ვიქოლავ და საკუთარ
არსებაში ვიკეტები. აბა, აი იქ, სახურავის ზემოთ აიხედეთ, აკაციის ტოტები
რომ მოჩანს. მივჯდები ამ კუთხეში და ისე, რომ გარშემო მეტი ველარაფერი-
დავინახო, ვუმზერ მის კენწეროებს. მწუხრისას, როცა სიო აკაციის ტოტები
არხევის, მელანდება, ვითომ პარიზიდან შორსა ვარ; ზოგჯერ დიდი, დაბურული-
ტყეების შრიალი ისე ნეტარად არ ესალბუნება ჩემს სულს, როგორც მის კუ-
წუბიან ფოთოლთა საამო შარიშური.

— ვხვდები, — მიუგო კრისტოფმა, — რომ საოცნებო არ გეღევათ. მაგ-
რამ დასანანია, რომ ცხოვრების წვრილმან უსიამოვნებებთან ბრძოლაში ფუჭ-
ოცნებებზე იფლანგება ფანტაზიის ის მადლი, რომელიც ხელოვანის შემოქმე-
ლებას უნდა ხმარდებოდეს.

— ეს ხომ ყოველი ჩვენგანის ხვედრია. განა თქვენ ცოტას იხარჯებით
ამაო გაშმაგებასა და ბრძოლაში?

— მე სხვა ვარ. მე ბრძოლისთვის დავიბადე. შეხედეთ ჩემს ხელებს, ამ
ლონიერ მკლავებს. ჩემთვის ბრძოლა ჯანმრთელობაა. თქვენ კი ზემდეტი ძალა-
არ გაგაჩნიათ. ეს ისედაც ნათლად ჩანს.

ოლივიემ ხელის სუსტ, გამხლარ მტევნებზე დაიხედა და ნაღვლიანად თქვა:

— დიახ, სუსტი გახლავარ. ასეთი ვარ, რაც თავი მახსოვს. მაგრამ რას
იზამ? ცხოვრება თავისას მოითხოვს.

— რით ცხოვრობთ?

— მოსწავლეებს ვამეცადინებ.

— რაში?

— ყველაფერში — ლათინურში, ბერძნულში, ისტორიაში. ბაკალავრის-
ხარისხისათვის ვამზადებ. ამას გარდა, ქალაქის ერთ-ერთ სკოლაში ზნეობას-
ვასწავლი.

— რას?

— ზნეობას.

— ეგ რაღა სიბრძნეა? მაშ, თქვენში ზნეობასაც ასწავლიან?

ოლივიეს გაეღიმა:

— რასაკვირველია.

— განა რა შეგონებებს აძლევთ, რომ ათ წუთში ვერ დაგიმთავრებიან?

— კვირაში თორმეტი საათი მაქვს.

— ასწავლით, ცუდი როგორ ჩაიდინონ?

— რატომ?

— მაშ რა საჭიროა ამდენი ჩიჩინი იმისათვის, რომ იცოდნენ რა არის კარ-
გი?

— თუ იმისათვის, რომ არ იცოდნენ?

— ღმერთმანი, უფრო სწორად: რომ არ იცოდნენ! ეს კი ყველაზე უარესი საშუალება როდია, რომ სულ დააბნიო. სიკეთე მეცნიერება არ განლავს; იგი ქმედებაა. ზნეობაზე გაუთავებელი პაექრობა მხოლოდ ნევრასტენიკების საქმეა. ყოველგვარი ზნეობის უპირველესი კანონი კი ის არის, ნევრასტენიკი არ იყო. დალახეროს ეშმაკმა ეს ჭკუის დამრიგებლები! ეგლა მაკლია, კუტებმა სიარული მასწავლონ.

— ისინი თქვენისთანებისთვის როდი ქადაგებენ. თქვენ იცით, მაგრამ რამდენიც გნებავთ იმდენია, სიარულიც რომ არ იციან.

— რა უშავს! დაე, ფეხაუდგმელი ბავშვებივით ოთხზე იფოფხონ, ვიდრე თავისით არ გაივლიან. მანამდე კი, ორ ფეხზეა თუ ოთხზე, მთავარია, რომ და-
დიან.

კრისტოფი დიდი ნაბიჯებით ბოლთას სცემდა ოთახში, რომლის სიგრძე ოთხ ნაბიჯს არ აღემატებოდა. უცებ პიანინოს წინ გაჩერდა, სახურავი ასწია, ნოტები გადაფურცლა და კლავიშებს შეეხა; მერე ოლივიეს მიმართა:

— დაუკარით რამე!

ოლივიე შეკრთა:

— მე? — გაიკვირვა. — რამ მოგაფიქრათ?

— მაღამ რუსენმა მითხრა, რომ კარგად უკრავთ. მიდი, დაუკარით!

— თქვენი თანდასწრებით? ოჰ! — წამოიძახა. — სირცხვილით დავიწვები.

ამ უნებლიე, გულუბრყვილო შემოფოთებაზე კრისტოფმა გულიანად გადა-
იხარხარა და ოლივიესაც გაეცინა დარცხვენის.

— როგორ! — გაიკვირვა კრისტოფმა. — ფრანგებმა იცით სირცხვილი რა.
ხელია?

ოლივიე კვლავ თავს იცავდა:

— კი მაგრამ, რად გინდათ? რა საჭიროა?

— დაუკარით და გაიგებთ.

— რა?

— რაც გინდათ.

ოლივიემ ამოიგმინა და პიანინოს მიუჯდა: მიხვდა, ველარაფერს გააწყობდა აჰ უცებ გამოცხადებული მეგობრის მბრძანებლურ ნებასთან და, დიდი ყოყმანის შემდეგ, დაიწყო მოცარტის წარმტაცი ადაჯიო სი-მინორში. პირველად თითები უცახცახებდა, უღონოდ რომ ეხებოდნენ კლავიშებს; მერე ოლივიე თანდათან ვათამამდა, გული გაიმზნევა, მე ხომ მხოლოდ ვასრულებო მოცარტის ქვნილებას, და საკუთარი სული გამოამჟღავნა უნებლიეთ. მუსიკა ცუდი მესაიდუმლეა: იმათს ყველაზე იდუმალ გულისნადებს, ვისაც იგი უყვარს, უმხელს მათ, ვისაც მისი ენა ესმის. მოცარტის ადაჯიოს ღვთიურ ჰანგებში კრისტოფი ჰკრეტდა არა მოცარტის, არამედ ამ ჯერ კიდევ უცნობი მეგობრის უხილავ სულიანკვეთებას: მთრთოლვარე, მოტრფიალე, მოკრძალებული და უბიწო არსების ნაღვლიან სიმშვიდეს, მის კდემამოსილ, ნაზ ღიმისს. ზოლო როდესაც დასასრულს მიუახლოვდა, სადაც მტანჯველი სიყვარულის ჰანგი მჭიმუნვარების მწვერვალს აღწევს და იმსხვრევა, — უნაზესმა მორცხვობამ მელოდია გააწყვეტინა ოლივიეს; თითები მოუღუნდნენ და კლავიშებს ხმა ჩაუწყდათ. პიანინოს ხელები მოსწყვიტა და წარმოთქვა:

— მეტი აღარ ძალმიძს.

კრისტოფი მის ზურგსუკან იდგა, დაიხარა, ორივე ხელი შემოხვია და გაწყვეტილი მელოდია დაამთავრა. მერე მეგობარს მიუბრუნდა:

— ახლა ვიცი, როგორ უღერს თქვენი სული.

ოლივიეს ხელები თავის ხელებში მოიმწყვდია და დიდხანს მიშტერებოდა თვალებში. მერე დასძინა:

— უცნაურია!.. თითქოს სადღაც მინახავხართ... რა კარგად, რა დიდი ხანია გიცნობთ!

ოლივიეს ტუჩები აუთრთოლდა: თითქოს რაღაც უნდოდა ეთქვა. მაგრამ ისევ გაჩუმდა.

კრისტოფმა ერთხელ კიდევ შეათვალიერა იგი. მერე უსიტყვოდ გაუღიმა და წავიდა.

გულგაციისკროვნებული კრისტოფი კიბეზე დაეშვა. უცებ ორი ტურტლიანი ბიჭუნა შეეფეთა. ერთს პური ამოეჩარა, მეორე კი ზეთით სავსე ბოთლს ნიატუნცულებდა. ბიჭუნებს სიყვარულით ხელი მოუთათუნა ლოყებზე. გასასვლელში მოღუშულ მეკარეს გაუღიმა. ნელი ღიღინით ქუჩას გაუყვა. მალე ლუქსემბურგის ბაღში ამოყო თავი. ჩრდილში სკამზე მიწვა და თვალები მილულა. ჰაერი დახშულიყო, ნიავე არსაიდან იძვროდა. ბაღში თითო-ოროლა მოსეირნე იყო. შადრეენის ყრუ, უთანაბრო ხმაური და კანტიკუნტად გამვლელთა ფეხქვეშ ქვიშის ხრამა-ხრუში არღვევდა მყუდროებას. კრისტოფი გადაულახავ სიზარმაცეს შეეპყრო; მზეზე მიფიცხებული ზვლიკვიით მოთენთილიყო; ჩრდილი, რა ხანია, გაპარულიყო მისი სახიდან. განძრევა კი ვერ გადაეწყვიტა. აზრები ციბრუტივით უტრიალებდნენ თავში; არ ცდილა, ცნობიერებაში ამოტივტივებინა რაიმე გარკვეული აზრი: ბედნიერების შუქს გაესხივოსნებინა

მთელი გონება. ლუქსემბურგის სასახლეზე საათმა დაჰკრა; ყური არ უგდია, უცებ მოეჩვენა, რომ თორმეტჯერ დარეკა. ზეზე წამოიჭრა; მიხვდა, რომ ზოზინში ორი საათი გაფრენილიყო: ჰექტთან პაემანი გაეცდინა, დილა ხელიდან გასხლტომოდა. გაეცინა და სტვენით შინისაკენ გაუყვა. მოვაჭრის შეძახილზე, ხელდახელ, როზლო შეთხზა „კანონის“ ფორმით. ნადვლიანი მელოდიებიც მზიარულ ჟღერადობას იძენდნენ მის სულში. ნაცნობ ქუჩაზე სამრეცხაოს რომ ჩაუარა, ჩვეულებისამებრ, შიგ შეიჭყიტა და თვალი მოჰკრა წითურ გოგონას, რომელიც აუთოებდა; ფერმკრთალი სახე სიცხისაგან აღაჟღაჟებოდა, უსახელო კოფთაში მხრებამდე შიშველი გამხდარი მკლავები და გაღვლილი მკერდი მოუჩანდა. როგორც ყოველთვის, გოგონამ ამჯერადაც გამომწვევი მზერა სტყორცნა ჭაბუქს; პირველად მოხდა, რომ ამ მზერამ არ გააღიზიანა კრისტოფი. გაეცინა კიდევ. თავის ოთახში რომ მოვიდა, აღარ გახსენებია არც ერთი დილანდელი საზრუნავი. ქუდი, ქურთუკი და ჟილეტი აქეთ-იქით დაუდევრად ისროლა და ისეთი აღმადრენით შეუდგა მუშაობას, თითქოს მსოფლიოს დაპყრობა განეზრახა. მიმოფანტული შავად ნაწერი ფურცლები წამოკრთა; კოთხულობდა, მაგრამ სხვაგან დაჰქროდა გონებით; თვალები უაზროდ დარბოდნენ ნოტებზე. ცოტაც და — ისევ ლუქსემბურგის ბალის ნეტარი თვლემ დაეუფლა: თავი ნამთვრალევივით უბრუოდა, თვალები ელულებოდა. ერთიორჯერ თავი გაიქნ-გამოიქნია, სცადა გამოფხიზლებულიყო, მაგრამ ამაოდ. მერე მზიარულად შეიკურთხა, წამოდგა და ცივი წყლით სავსე ტაშტში ჩაყო თავი. ამან ცოტა გამოაფხიზლა. ისევ მაგიდას მიუჯდა; ბაგეზე გაურკვეველი ღიმილი დასთამაშებდა. იგი უკვე ოცნებაში ჩაძირულიყო:

„რა განსხვავებაა ამ გრძნობასა და სიყვარულს შორის?“

უნებურად ხმას დაუწია, თითქოს შერცხვავო; მხრები აიჩეჩა და ჩურჩულთ განაგრძო ფიქრი:

„ორგვარი სიყვარული არ არსებობს... ან, უფრო სწორად, იგი ორგვარია: სიყვარული, ყველაფერს რომ სწირავენ, და სიყვარული, რომლისთვისაც თავიანთი სიჭარბის მონარჩენს იმეტებენ მხოლოდ. ღმერთო, დაიფარე გული ჩემი ამგვარი სიძუნწისაგან!“

აზრი გაუწყდა; იღუმალმა მორცხვობამ ფიქრი აღარ გააგრძელებინა. დიდხანს გარინდებული უღიმოდა შინაგან ოცნებას. გული მღეროდა მღელმარებაში.

„Du bist mein, und nun ist das Meine meiner als jemals“...

(„შენ ჩემი ხარ, და ამიერიდან თავი ჩემი მე მეკუთვნის, როგორც არასდროს...“)

ნოტების ფურცელი აიღო და დამშვიდებულმა გულიდან ამოხეთქილი სიმღერის წერა დაიწყო.

გადაწყვიტეს, ერთად დაეჭირავენინათ ბინა. კრისტოფი მოითხოვდა, ახლავე გადავიდეთ, დარჩენილ ქირას ნულარ გამოვეკიდებითო. ოლივიე, უფრო

წინდახედული, ურჩევდა, თვის გასვლამდე მოეთმინათ, თუმცა მეგობართან ერთად ცხოვრება კრისტოფზე ნაკლებ არ ეწადა. კრისტოფს ვერ გაეგო ასეთი დაწვრილმანება. ყაირათიანობას, როგორც ეს ყველა ჯიბეგაფხეკილს სჩვევია, არაფრად აგდებდა. ამიტომ დაასკვნა, ალბათ, ოლივიეს ჩემზე მეტად უჭირსო. ერთხელ, როდესაც მეგობრის ხელმოკლეობამ გული დაუთუთქა, უეცრად გავიდა და ორი საათის შემდეგ დაბრუნებულმა გამარჯვებულებით წინ დაუწყო რამდენიმე ფრანკი, რომელიც ჰეხტისაგან ავანსად აედო. ოლივიე გაწითლდა და უარი უთხრა. განაწყენებულმა კრისტოფმა დააპირა, გადაეყარა ფული იტალიელი მუსიკოსისათვის, ამ დროს ეზოში რომ უკრავდა. ოლივიემ არ დაანებდა. კრისტოფი გამწყრალივით წავიდა; გულში კი საკუთარ თავზე იყო გაბრაზებული: ოლივიეს უარს თავის მოუქნელობას აბრალებდა.

მეგობრის წერილი მალამოდ მოეცხო მის დაკოდილ გულს. ოლივიე სწერდა, რაც კრისტოფისთვის პირადად ვერ ეთქვა: რომ ბედნიერი იყო მისი გაცნობით და გულაჩუყებული მისი მეგობრული საქციელით. კრისტოფმა აღგზნებული და შმაგი წერილით უპასუხა, თხუთმეტი წლისას რომ მიუწერია მეგობარ ოტოსადმი; წერილი აღსავსე იყო Gemüth¹-ითა და მიკიბულ-მოკიბული ამბებით; აკვებდა ფრანგულ და გერმანულ ქარაგმებს, რომლებიც მუსიკალურადაც კი გაფეორმებინა.

ბოლოს, როგორც იქნა, გადავიდნენ. ბინა, რომელიც მონპარნასის უბანში, დანფერის მოედნის მახლობლად მდებარეობდა, მოთავსებული იყო ძველი შენობის მეექვსე სართულზე და სამი პაწაწინა ოთახისა და სამზარეულოსაგან შედგებოდა. იგი გადაპყურებდა ერთი ციციქნა ბაღს, რომელიც მაღალი კედლებით იყო შემოზღუდული. მათი სართულიდან, მოპირდაპირე მოდაბლო კედლის გაღალმა იშლებოდა მონასტრის დიდი ბაღი, როგორიც მრავლად მოიპოვება პარიზში, თვალისათვის უხილავი და უცნობი. კაცის ჭაჭანება არ იყო მის უკაცრიელ ხეივანებში. ბებერი ხეები, უფრო მაღალი და გაფოთლილი, ვიდრე ლუქსემბურგის ბაღში, ტოტებში მოთამაშე მზის სხივებს ეშრიალებოდნენ; ჭიკჭიკებდნენ ფრინველთა გუნდები; როგორც კი ირიყრაყებდა, არემარეს ეფინებოდა შაშვების სალამურთა ტყბილი ჰანგები, რომლებსაც მალე ბელურების გუნდის აღგზნებული და ხმაუფყობილი გალობა ცვლიდა; ბინდისას კი, ზაფხულობით, ყურთასმენა იყო წაღებული ნამგალების ჭყვილით, რომლებიც აპობდნენ ჩამავალი მზის სხივებით გაციხროვნებულ ცას და მის ლაყვარდში დასრიალებდნენ. ხოლო დამით, მთვარის შუქზე, გუბის ზედაპირი წყლიდან ამოტივტივებული ბუშტებით ინატებოდა, რომლის ნოტებზე გომბეშოებს გაუთავებელი ყიყინი გაეხატა. ალბათ, დაგავიწყდებოდათ, რომ პარიზში იყავით, მძიმე ფორნების რახნაზი რომ არა, რომელიც ძველი შენობის კედლებს ზოგჯერ ისეთი ძალით შეაზანზარებდა ხოლმე, თითქოს დედამიწას ციებ-ცხელებისგან შეაყრყოლაო.

¹ გულითაღობა (გერმ.).

ერთი ოთახი სხვებზე მოზრდილი და უკეთესი გახლდათ. მეგობრები დიდ-ხანს დავობდნენ: არა შენ, არა შენაო. საქმე კენჭისყრაზე მიდგა; კრისტოფმა, რომელმაც ეს იდეა შესთავაზა, ეშმაკობა იხმარა (ეს ისე მარჯვედ გამოუვიდა, თვითონვე გაუკვირდა) და მოახერხა, რომ ოთახი ოლივიესთვის ერგუნებინა.

მაშინ მათს ცხოვრებაში უსაზღვრო ბედნიერების ხანა დადგა. ბედნიერება არ ყოფილა ერთ გარკვეულ რამეში, იგი სუფევდა ერთბაშად ყველაფერში; მის შუქს გაეცისკროვნებინა ყოველი მათი მოქმედება, მათი ფიქრი. ბედნიერების განცდა არ სცილდებოდა მათს გულებს არც ერთი წამით.

მეგობრობის ამ თაფლობის თვის განმავლობაში, ისინი თითქმის არ ლაპარაკობდნენ, ერთმანეთთან ლაპარაკი ერიდებოდნენ: ამ უსაზღვრო და მუნჯო ლხენის ნეტარებას მიხვდება მხოლოდ ის, „ვისაც თუნდ ერთადერთი სული ამ ქვეყნად თავისად ეგულის“... — Ja, wer auch nur eine Seele sein nennt auf dem Erdenrund... საკმარისი იყო, ერთმანეთის გვერდით ეგრძნოთ თავი, მზე-რა მზერას შეხვედროდა, უბრალოდ სიტყვა დაეძრათ და — ხანგრძლივი დუმილის შემდეგ, კვლავ რწმუნდებოდნენ, რომ მათი ფიქრები ერთსა და იმავე დინებას გაეტაცებინა. არაფერს ჰკითხავდნენ, თვალსაც კი არ შეაგლებდნენ ერთმანეთს, და მაინც განუწყვეტლივ ხედავდნენ ერთიმეორის გამომეტყველებას. შეყვარებული შეუცნობლად ემსგავსება ბუნებით მას, ვინც უყვარს; ისე დიდი წადილი აქვს, არაფრით ეხამუშოს მას, მისი ორეული გახდეს, რომ ანაზღად, იღუმალი წინათგარძნობის წყალობით, მისი სულის უხილავ მოძრაობებს ჰკრეტს. მეგობარი გამჟვირვალეა მეგობრისათვის; ისინი უზიარებენ ერთმანეთს საკუთარი არსების იღუმალებას. ხასიათი ბაძავს ხასიათს, სული ბაძავს სულს, — ვიდრე ერთ დღეს შინაგანი ბოროტი ძალა უცებ არ აიწყვეტს და თავს არ დააღწევს სიყვარულის ხიბლს, რომელსაც დაეტყვევებინა იგი.

კრისტოფი ხმადაბლა ლაპარაკობდა, ფეხაკრეფით დადიოდა იატაკზე, ფრთხილობდა, რომ ხმაურით მყუდროება არ დაერღვია გვერდით ოთახში მყოფი, მღუმარე ოლივიესათვის. მეგობრობას გარდაეჭმნა კრისტოფი: მისი გამომეტყველება ისეთ ბედნიერებასა და ნდობას გამოხატავდა, როგორიც არ ენახათ ჯერ კრისტოფის სახეზე. იგი აღმერთებდა ოლივიეს. ის კი, რომელსაც სულ ადვილად შეეძლო ბოროტად გამოეყენებინა ეს, მხოლოდ წითლდებოდა თავისი ძალაუფლებით, როგორც დაუმსახურებელი წარმატებით, რადგან ოლივიე კრისტოფზე დაბლა აყენებდა თავს, თუმცა, თავის მხრივ, კრისტოფიც არანაკლებ თავმდაბალი გახლდათ. ეს ურთიერთმოკრძალება, დიდი სიყვარულიდან რომ მომდინარეობდა, მათ მეგობრობას კიდევ უფრო მეტ სიამეს ანიჭებდა. ნეტარება მას, ვისაც მეგობრის გულში ესოდენ დიდი ადგილი მოუპოვებია, მთ უმეტეს, თუ მის წინაშე არაფერი დაემსახურებია. ამის გამო, ორივე მეგობარი მსურვალე მადლიერებით იყო გამსჭვალული ერთმანეთის მიმართ.

ოლივიემ თავისი ბიბლიოთეკა კრისტოფის წიგნებს შეუერთა და ერთმანეთისგან აღარ განურჩევია ისინი. თუ რომელიმე მათგანის დასახელება უნ-

დოდა, იგი არ იტყოდა: „ჩემი წიგნი“, არამედ: „ჩვენი წიგნი“. მხოლოდ მცირეოდენი საგნები არ შეურევია საერთო განძში; ეს ის ნივთები გახლდათ, რომელიც ოდესღაც მისი დის კუთვნილებას წარმოადგენდა, ან მის სსოვნასთან იყო დაკავშირებული. კრისტოფს, რომელიც სიყვარულს უაღრესად გულხმვიერი და თავდაპირველი გაეხადა, მხედველობიდან არ გამოეპარა ოლივიეს საქციელი, მაგრამ არაფერი უგრძობინებია; თუმცა ვერ აეხსნა იგი. კრისტოფმა იცოდა, რომ ოლივიეს მშობლები აღარ ჰყავდა, მაგრამ მათ შესახებ არასოდეს არაფერი უკითხავს: ჯერ ერთი, შეყვარებულის თავმოყვარეობა ნებას არ აძლევდა მეგობრის ოჯახური საიდუმლო გამოეჩხრია; გარდა ამისა, ეშინოდა, მიძინებული მწუხარება არ გაეღვიძებინა მის გულში. რაღაც უცნაური მოკრძალება ბორკავდა მის ძლიერ სურვილს, მისულიყო ოლივიეს მაგიდასთან და ყურადღებით დაეთვალიერებინა ფოტოსურათები, საიდანაც იმზირებოდნენ გაჭვრეულ პოზაში გადაღებული მამაკაცი, მანდილოსანი და თორმეტი წლის გოგონა, რომლის ფერხთით მოზრდილ ნაგაზს მოეკალათებინა.

ახალ ბინაში გადასვლიდან ორი-სამი თვის შემდეგ ოლივიე გაცივდა და ლოგინად ჩავარდა. კრისტოფი, რომელმაც დედობრივი მზრუნველობის უნარი გამოამჟღავნა, სიყვარულით დასტრიალებდა თავს ავადმყოფს. ექიმმა ფილტვის ზედა ნაწილში ანთების ნიშნები აღმოუჩინა ოლივიეს და კრისტოფს დაავალა, იოდით დაეზილა ავადმყოფის ზურგი. ერთხელ, პირნათლად რომ ასრულებდა დავალებას, კრისტოფმა ხატი შენიშნა ოლივიეს ყელზე. მეგობარს უკვე საკმაოდ იცნობდა და იცოდა, რომ რელიგიური რწმენისაგან იგი თვით კრისტოფზე უფრო თავისუფალი იყო. ამიტომ გაკვირვება ვეღარ დამალა.

ოლივიე გაწითლდა და წარმოთქვა:

— სახსოვარია. ჩემს საბრალო პატარა ანტუანეტას ეკიდა ყელზე სიკვდილის წუთებში.

კრისტოფს გააყრჟოლა: ანტუანეტას სახელმა ელვასავით გაიბრწყინა მის სულში.

— ანტუანეტა? — შეეკითხა იგი.

— ჩემი და, — განმარტა ოლივიემ.

— ანტუანეტა?... ანტუანეტა ყანენი?... მაშ, თქვენი და იყო?... მაგრამ, — თქვა კრისტოფმა და მაგიდაზე ფოტოსურათს დააცქერდა. — იგი ჯერ კიდევ სრულიად ბავშვი ყოფილა, როცა დაგიკარგავთ?

ოლივიემ ნაღვლიანად გაიღიმა:

— ეგ პატარაობის სურათია, სხვა არ გამაჩნია... იგი ოცდახუთი წლის იყო, როდესაც სამუდამოდ დამტოვა.

— აა! — წამოიძახა აღელვებულმა კრისტოფმა. — იგი ერთ დროს გერმანიაშიც ცხოვრობდა, არა?

ოლივიემ თავი დაუქნია.

კრისტოფმა ხელები დაუქირა:

— მე ვიცნობდი მას!

— ვიცი, — უპასუხა ოლივიემ და კრისტოფს ყელზე ჩამოეკიდა.

— საბრალო გოგონა! საბრალო ბავშვი! — იმეორებდა კრისტოფი.

ორივენი ტიროდნენ.

კრისტოფს გაახსენდა, რომ ოლივიე შეუძლოდ იყო. დამშვიდება სცადა, მკლავები ლოგინში შეაყოფინა, საბანი მხრებზე წამოახურა და მშობლიური მზრუნველობით ცრემლი მოსწმინდა; თავით დაუჯდა და თვალეში ჩახედდა.

— აი, თურმე რატომ მეცნობოდი, — თქვა კრისტოფმა. — პირველსავე საღამოს გიცანი.

(ძნელი გამოსაცნობი იყო, რომელ მეგობარს ესაუბრებოდა: მას, რომელიც ამ წუთს მის წინ იდგა, თუ მას, ამ ქვეყნად რომ უკვე აღარ იყო).

— მაშ, — განაგრძო კრისტოფმა ცოტა ხნის შემდეგ, — შენ ეს იცოდი?... რატომ აქამდის არაფერს მეუბნებოდი?

ოლივიეს თვალეზით ანტუანეტამ უპასუხა:

„მე არ შემეძლო მეთქვა. შენ უნდა ამოგეკითხა“.

ერთხანს დუმდნენ, კრისტოფს ხელი დაედო მეგობრის ხელზე; მერე ოლივიემ, გაუხდრეველად რომ იწვა, ღამის სიჩუმეში ხმადაბლა მოუთხრო მას ანტუანეტას თავგადასავალი. მაგრამ არ უთქვამს ის, რასაც ვეღარ ეტყოდა: საიდუმლო, რომელიც ანტუანეტამ გულში ჩაიმაჩხა, და კრისტოფმა, ალბათ, უთქმელადაც იცოდა.

მას შემდეგ ანტუანეტას სულმა თავის შარავანდედში გაახვია ორივე მეგობარი. როდესაც ერთად იყვნენ, ანტუანეტაც მათთან იმყოფებოდა. საჭირო არ იყო, მასზე ეფიქრათ: ყველაფერი, რასაც ერთად ფიქრობდნენ, მას უკავშირდებოდა. ანტუანეტას სიყვარული ის შემაკავშირებელი რგოლი იყო, რომელიც აერთებდა მათს გულებს.

ოლივიე ხშირად ცდილობდა მეხსიერებაში აღედგინა ანტუანეტას სახე. ეს გახლდათ ნაწყვეტ-ნაწყვეტი მოგონებები, ცალკეული შემთხვევები. ამ მოგონებათა წუთიერ შუქზე წარმოდგენაში ცოცხლდებოდა უდროოდ გამქრალი არსების კდემამოსილი და მოხდენილი ყესტი, მისი ნორჩი, დინჯი ღიმილი, მისი ფიქრმორეული სიტურფე. კრისტოფი მდუმარედ უსმენდა და მისი გონება დაკარგული მეგობრის ანარეკლებს გაესხივოსნებინა. თავისი ბუნების კანონის ძალით, ბუნებისა, რომელიც ყველგან და ყოველთვის სხვაზე ხარბად შეიწოვდა სიცოცხლის ნექტარს, — კრისტოფი ზოგჯერ ისე ცხადად ისმენდა შორეულ გამოძახილს ოლივიეს სიტყვებში, თავად ოლივიესაც რომ ვერ ესმოდა: კრისტოფის წარმოდგენაში უფრო ცხოვლად აღდგებოდა გარდაცვლილი გოგონას არსება.

კრისტოფს, უნებლიეთ, ანტუანეტას მაგივრობა სურდა გაეწია ოლივიესათვის; და რარიგ გულის ამაჩუყებელი სანახავი იყო, როდესაც ეს მოუხეშავი

გერმანელი ცდილობდა ანტუნანეტასებრ ნაზი გულისხმიერება და თავაზიანობა გამოეჩინა მეგობრისადმი. ზოგჯერ ველარც კი გაეგო, ოლივიე უყვარდა ანტუნანეტაში, თუ ანტუნანეტა ოლივიეში. სიყვარულის ფაქიზი გრძნობით შთაგონებული, საიდუმლოდ დადიოდა ანტუნანეტას საფლავზე და ყვავილები მიჰქონდა. ოლივიემ დიდხანს არ იცოდა ეს. ამას მაშინ მიხვდა, როდესაც დის სამარეზე ცოცხალი ყვავილები დაინახა. თუმცა კრისტოფის გამოტეხა არც ისე იოლი აღმოჩნდა. როდესაც ოლივიემ ამის თაობაზე გაუბედავად ჩამოუგდო ლაპარაკი, კრისტოფმა ბურტყუნით სიტყვა ბანზე აუგდო: გაგონებაც არ სურდა, რომ ამის შესახებ ოლივიეს რაიმე სცოდნოდა. ასე ჭიუტობდა, ვიდრე ერთ დღეს იგრის სასაფლაოზე მოულოდნელად არ შეეფეთნენ ერთმანეთს.

თავის მხრივ, ოლივიე, მეგობრის ნამალავად, წერილებს სწერდა კრისტოფის დედას: შვილის ამბავს ატყობინებდა; უყვებოდა, როგორ უყვარდა კრისტოფი, რარიგ აღტაცებული იყო მისით. ლუიზა ერთფეროვანი და მოკრძალებული წერილებით უპასუხებდა, რომლებშიც მადლობით ავსებდა ოლივიეს; შვილს კი სულ ისე იხსენიებდა, თითქოს იგი ისევე პატარა ბიჭუნა ყოფილიყო.

გავიდა უტყვი სიყვარულის ხანა, ხანა იმ „წარმატაცი-სიმშვიდისა, გულს გამოუცნობი ლხენით რომ ავსებს“, და მეგობრებს ენა გაეხსნათ: საათობით ემუსაიდებოდნენ ერთმანეთს მეგობრის სულის ჭერ კიდევ მიუტკვეველ იდუმალეებათა შესაცნობად.

კრისტოფი და ოლივიე სულ სხვადასხვა ყალიბისანი იყვნენ, მაგრამ ორივე ერთი წმინდა ლითონისგან ჩამოსხმულნი. ერთმანეთი უფრო იმიტომ უყვარდათ, რომ ესოდენ განსხვავდებოდნენ და მაინც ერთი და იგივე იყვნენ შინაგანად.

ოლივიე სუსტი და უღონო, არსებობისათვის ბრძოლაში უსუსური იყო. რაიმე დაბრკოლებას რომ წააწყდებოდა, უმალ უკან იხევდა; მაგრამ არა იმიტომ, რომ ეშინოდა, არამედ ერიდებოდა, უფრო კი ეთაკილებოდა ის უხეში, უღირსი ხერხები, რომლებიც საჭიროა ცხოვრებაში წარმატების მოსაპოვებლად. თავს გაკვეთილებით ირჩენდა; აქვეყნებდა წიგნებს ხელოვნებაზე, რაშიც, ჩვეულებრივ, სამარცხენო გროშებს უხდიდნენ. შიგადაშიგ მიმოხილვებსაც წერდა ჟურნალებისთვის, სადაც თავის აზრს თავისუფლად ვერასოდეს გამოთქვამდა, თანაც ისეთ თემებზე, მაინცდამაინც რომ არ აღეღვებდა: იმაზე, რაც მას აღეღვებდა, მოთხოვნილება არ იყო. არასოდეს სთხოვდნენ გაეკეთებინა ის, რაც მას ყველაზე უკეთ შეეძლო; ბუნებით პოეტი იყო, მას კი კრიტიკულ სტატიებს აწერინებდნენ; მუსიკაში ერკვეოდა და ფერწერაზე ალაპარაკებდნენ. იცოდა, ამ სფეროში, რაღაც საშუალოს გარდა, საგულისხმოს ვერაფერს იტყოდა; მათ სწორედ ეს საშუალო მოსწონდათ, რადგან ელაპარაკებოდა საშუალოებს თავიანთ ენაზე. ბოლოს შეზიზღდა და ხელი აიღო წერაზე. მუშაობის ხალისს მხოლოდ პატარა ჟურნალებთან თანამშრომლობაში პოულობდა; ისინი თუმცა არაფერს უხდიდნენ, მაგრამ მრავალი ახალგაზრდა ავტორის მსგავ-

სად, ერთგულად ემსახურებოდა მათ, რადგან იქ თავისუფალი იყო. მხოლოდ მის ფურცლებზე შეეძლო გამოემქვადანებინა ის ნამდვილად ღირებული, რომელიც ცოცხლობდა მასში.

წყნარი, თავაზიანი და გარეგნულად მომთმენი ოლივიე უაღრესად მგრძნობიარე გახლდათ. ოდნავ მკვახე სიტყვა გულს უკოდავდა; უსამართლობა სულს უშანთავდა მაშინაც, როცა მას საკუთარ თავზე განიცდიდა, და მაშინაც, თუ სხვის მიმართ იჩენდნენ. საუკუნეთა წინათ ჩადენილი სულმდაბლობა ისე ტანჯავდა, თითქოს თვითონ ყოფილიყო მისი მსხვერპლი. ბრაზისაგან ფთირდებოდა, ბოლმა ახრჩობდა, უბედურად რაცხდა თავს იმ ადამიანის სიბრაღულით, ვისაც ეს დაუმსახურებელი დამცირება აეტანა, და წუხდა, რომ საუკუნეები აშორებდა, გამოსარჩლებოდა. ხოლო როდესაც უსამართლობის უშუალო მოწმე გახდებოდა, ისეთი გულისწყრომა იფეთქებდა ხოლმე მასში, მთელი სხეულით ცახცახებდა, ზოგჯერ ავადაც ხდებოდა და ძილი ეკარგებოდა. ოლივიემ იცოდა თავისი სისუსტე და ცდილობდა სიმშვიდე შეენარჩუნებინა, რომ მოთმინებიდან გამოსულს პირში არ მიეხალა სიძარბო, რასაც არასოდეს იფიწყებენ ადამიანები. ეს წყენა განსაკუთრებით გულში რჩებოდათ მისგან, ვიდრე მუდამ ფიცხი კრისტოფისაგან, რადგან ხვდებოდნენ, რომ ოლივიე წონასწორობიდან გამოსვლის წუთებშიც მხოლოდ და მხოლოდ იმას ლაპარაკობდა, რასაც გონებაში ფიქრობდა. ეს მართალიც იყო. იგი მათ კრისტოფისებური ბრმა გაზვიადებით, ანდა რაღაც ილუზიებით კი არ სჯიდა, არამედ ულმობლად ფხიზელი გონებით. ამას კი ადამიანები ყველაზე უფრო არ გააბატონებენ. ამიტომ ოლივიე უმეტესად დუმილს ამჯობინებდა და ერიდებოდა კამათს: იცოდა, ყოველგვარი კამათი აშაო იყო. მაგრამ გაჩუმებაც ყოველთვის როდი გახლდათ იოლი. ოლივიე ყველაზე მეტად მაინც თავის მორიდებულობას განიცდიდა, რომლის გამო ხშირად იძულებული იყო ეღალატა საკუთარი მრწამსისათვის, ბოლომდე არ დაეცვა იგი, ანდა ბოდიშიც კი მოეხადა მოკამათის წინაშე, როგორც მაგალითად, ლუსიენ ლევი-კერთან მოიქცა კრისტოფზე კამათის დროს. ოლივიემ ბევრჯერ გამოსცადა სასოწარკვეთილება, ვიდრე საბოლოოდ შეუირიდებოდა გარესამყაროს და თვით საკუთარ თავს. სიჭაბუკის წლებში, როდესაც მას ჯერ კიდევ გრძნობები განაგებდა, მის ცხოვრებაში სულიერი აღმავრენის ხანას ზევრჯერ მოჰყოლია ხანა გულგატეხილობისა, უეცრად და გარდუვალად რომ ენაცვლებოდნენ ერთმანეთს. იმ დროს, როდესაც ბედნიერებაში მყოფი ნეტარებას მისცემოდა, უნდა ეფიქრა, რომ ბედი ახალ მწუხარებას უმზადებდა. მართლაც, ანაზღად, ვიდრე გონს მოსვლას მოასწრებდა, მისი რისხვა საიდანაც თავს დაატყუებოდა. მაგრამ მართლ მწუხარებას როდი აკმარებდა: თავისივე უბედურების საბაბად აქცევდა, რომ სანანებლად გაეხადა თავისი სიტყვები, გაეკიცხა თავისი საქციელი, განეცადა სინდისის ქენჯნა და საკუთარი თავის ბრალმდებელი გამხადირყო. გული გაშმაგებით უჩქოროდავდა მკერდში, თავის თავთან უმწეოდ დავობდა და ხმა უწყდებოდა. მაგრამ ანტუანეტას სიკვდილის

შემდეგ, იქნებ სწორედ ამ სიკვდილის წყალობითაც, იმ ნათელი შარავანდდის წყალობით, რომლითაც ზოგიერთი ჩვენი გარდაცვლილი მახლობელი ისე გვაცისკროვნებს და გვაწყნარებს, როგორც განთიადის სხივი ავადმყოფის სულს, — ოლივიემ შესძლო დაემორჩილებინა საკუთარი ვნებები და თუმცა ვერ აიცილა მოზღვავებული მწუხარება, მოითმინა და არ გაეთელინა მას. ბევრი როდი ხვდებოდა ამ შინაგან კიდილს. ოლივიე გულში იკლავდა, ვით დამამცირებელ საილუზიოს. უნებლიე დრტიკინიას მიკნავებული და ტანჯული სხეულისა, რომელსაც ვერ მორეოდა, მაგრამ არც მას ემონებოდა ლაღი და წყნარი გონება — „შინაგანი სიმშვიდე, რომელიც სუფევს უსაზღვრო მღელვარების წიაღში“.

ამას გაეოცებინა კრისტოფი. ეს სიმშვიდე გამოკრთოდა მეგობრის თვალთაგან. ოლივიეს ადამიანთა გულთამხილავი წინათგრძნობა და ფართო, გამპრიახი, ცნობისმოყვარე და ყველაფრისადმი გახსნილი გონება ჰქონდა; იგი არაფერს უარყოფდა, არაფერს შეიძულებდა და ყოველივე ადამიანურს დიდსულოვანი თანაგრძნობით უყურებდა, — ცხოვრების საღი ხედვის უნარი ის ფასდაუღებელი ნიჭი გახლავთ, რომელიც გულს ჰაბუკუტრ ხალისს უნარჩუნებს და მარადიული განახლების სიტკბოებას შეაგრძნობინებს. თავის შინაგან სამყაროში, სადაც ოლივიე უსაზღვრო თავისუფლებასა და მეუფებას გრძნობდა, საკუთარი სისუსტე და ხორციელი სატიკივარი ავიწყდებოდა. იგი დამცინავი სიბრალულით უმზერდა შორიდან თავის უძლურ სხეულს, რომელსაც ყოველ წუთს უკვალოდ გაქრობა მოელოდა და ეს აზრი რაღაც იღუმალ სიაშვენებასაც კი ჰგვირდა: ასე, სიკვდილით არაფერს დაკარგავ, ხოლო სიცოცხლეს კი უფრო მხურვალედ შეიყვარებ. მთელ თავის ძალ-ღონეს, რომელსაც ოლივიე მოქმედების ასპარეზზე უარყოფდა, სიყვარულსა და აზროვნებას ახმარდა. მას არ ჰყოფნიდა თავისი ნექტარი, რომ მართოდენ საკუთარი არსებით ეცოცხლა. იგი სუროს ჰგავდა, რომელსაც სჭირდება რაღაცას შემოეხვიოს. იმაზე მდიდრად არასოდეს გრძნობდა თავს, როდესაც მთლიანად ვინმეს ეკუთვნოდა. ქალური ბუნება ჰქონდა, რომელსაც არ შეუძლია არავინ უყვარდეს და არავის უყვარდეს. ოლივიე კრისტოფისათვის იყო შექმნილი და კრისტოფი ასულდგმულებდა მას. ასეთი იყვნენ ის ჩინებული და წარმტაცი მეგობრები, რომლებიც ახლდნენ ცხოვრების გზაზე თითქმის ყველა დიდ მხატვარს; ისინი, ვით ნაზი ყვავილები, ამ შემოქმედთა ძალუმი სულიდან შეიწოვდნენ სიცოცხლის საზრდოს: ბელტრაფიო — ლეონარდოს მეგობარი, კავალიერი — მეგობარო მიქელანჯელოსი, უმბრიელი ამხანაგები ჰაბუკი რაფაელისა და აერტ ვან გელდერი, ბოლომდე ერთგული რომ დარჩა გადატაცებული და მოხუცი რემბრანდტისა. მათ არ გააჩნიათ ხელოვანთა დიდება; მაგრამ რაც კი რამ კეთილშობილი და წმინდა ამ ხელოვანთა სულში, თითქოს კიდევ უფრო შთაგონებულად გაცოცხლებულა მათს მეგობრებში. ისინი გენიოსების იდეალური თანამგზავრნი არიან.

მეგობრობა მადლად მოეკლინა ორივეს. მეგობარი ფასს ანიჭებს ცხოვრებას; მისი გულისათვის ცოცხლობ, მისი გულისათვის იცავ შენი არსების სიპრთელეს დროის ხავისსაგან.

ისინი ავსებდნენ და ამდიდრებდნენ ერთმანეთს. ოლივიეს მშვიდი გონება ჰქონდა, მაგრამ უძლური იყო, კრისტოფი კი — ძლიერი, მაგრამ მშფოთვარე სული ჰქონდა. ისინი დამბლადაცემულსა და უსინათლოს ჰგავდნენ. ახლა, როცა ერთმანეთი გვერდით ჰყავდათ, ორივენი ავსებდნენ ერთიმეორეს. მეგობრის ჩრდილში ოლივიეს კვლავ სინათლისკენ გაუწია გულმა; კრისტოფი თავისი მჩქეფარე ცხოველმყოფელობის, თავისი ხორციელი და სულიერი სიძლიერის ნაწილს გადასცემდა მეგობარს, რაც ოპტიმიზმს უნარჩუნებდა ოლივიეს მაშინაც კი, როცა მწუხარება ეუფლებოდა, როცა თვით უსამართლობასა და სიძულვილს ხედებოდა. მაგრამ კრისტოფი მაინც გაცილებით მეტს იღებდა ოლივიესაგან, ვიდრე ოლივიე კრისტოფისაგან, რადგან, თანახმად კანონისა, გენიოსი, რაც უნდა ბევრს გასცემდეს, მაინც მეტს იღებს სიყვარულში, ვიდრე გასცემს, quia nominor leo¹, იმიტომ რომ გენიოსია; გენიოსობა კი ნახევრად იმას ნიშნავს, რომ შთანთქმავს რაც მის გარშემო დიდი და მაღალია, რათა იგი კიდევ უფრო განადიდოს და აღამაღლოს. ქონებავ, სად მიხვალ და — საცა ბევრიაო, — ამბობს ხალხური სიბრძნე. ძალა ძლიერთან მიდის. კრისტოფი ოლივიეს აზრებით საზრდოობდა; იყვინთებოდა მისი გონებრივი სიმშვიდით, მისი ცივი განსჯის, საგნებისა და მოვლენების საღი ხედვის უნარით, რომელიც შეიცნობს და ნდუმარედ მბრძანებლობს ყველაფერზე. ხოლო კრისტოფში გადანერგილი და მის ნოყიერ ნიადაგში ნახარები მეგობრის ღირსებანი სულ სხვა ძალით იფურჩქნებოდნენ.

ორივენი ალტაცებაში მოჰყავდა ხასიათის თავისებურებებს, ერთმანეთში რომ აღმოაჩენდნენ ხან ერთი, ხან მეორე. რამდენი რამ ჰქონიათ გასაზიარებელი! მეგობრები გულუხვად უნაწილებდნენ ერთურთს თავ-თავის აურაცხელი სიმიდირეს, რომელიც აქამდე თვითონაც არ ჰქონდათ თურმე შეცნობილი; ეს მათი ხალხების სულიერი საუნჯე იყო: ოლივიე საფრანგეთის ვრცელ კულტურასა და ფსიქოლოგიური წვდომის უნარს უმხელდა, კრისტოფი კი — გერმანიის შინაგან მუსიკალობასა და ბუნების შეცნობის თანდაყოლილ აღლოს.

კრისტოფს ვერ გაეგო, რა ფრანგი იყო ოლივიე. მისი მეგობარი ხომ ესოდენ არ ჰგავდა არც ერთ იმ ფრანგს, რომლებიც მანამდე ენახა! სანამ ოლივიეს შეხვდებოდა, კრისტოფი მზად იყო, რომ თანამედროვე ფრანგი ინტელიგენტის ტიპიურ წარმომადგენლად მიეჩინა ლუსიენ ლევი-კერი, რომელიც სინამდვილეში მის კარიკატურად თუ გამოდგებოდა. მაგრამ აი, ოლივიეს მაგალითი არწმუნებდა, რომ პარიზში ყოფილან ლუსიენ ლევი-კერზე უფრო გონებაფხიზელი და თავისუფლად მოაზროვნე ადამიანები, რომლებიც ამავე დროს სიწმინდესა და ურყევობას ინარჩუნებდნენ. კრისტოფს სურდა დაემტკიცებინა ოლი-

¹ იმიტომ რომ ლომი მქვია (ლათ.).

ვესათვის, რომ იგი და მისი და — ანტუანეტა წმინდა ფრანგები არ უნდა ყოფილიყვნენ.

— ჩემო კეთილო მეგობარო, — უთხრა ოლივიემ, — რა იცი შენ საფრანგეთის შესახებ?

კრისტოფი შეეპასუხა, სამწუხაროდ, უკვე საკმაოდ ვიციო, და ჩამოუთვალა ყველა ფრანგები, სტივენსებისა და რუსენების საზოგადოებაში რომ შეხედროდა: ებრაელები, ბელგიელები, ლუქსემბურგელები, ამერიკელები, რუსები, აღმოსავლელები და აქა-იქ თითო-ოროლა მკვიდრი ფრანგი ძლივს დაასახელა.

— ავი გითხარი, — მიუგო ოლივიემ, — შენ ჯერ კიდევ არც ერთი ნამდვილი ფრანგი არ გინახავს. საფრანგეთზე მსჯელობ ამ გარყვნილ საზოგადოებაში, ამ ავზორცი პირუტყვებით, სინამდვილეში რომ არც არიან ფრანგები, დარდიმანდი მოქეიფეებით, პოლიტიკანებით, უქნარებით, მთელი ამ ყარტა-ყურტათი, რომელიც ისე ჰრება, რომ ვერავითარ ნაკვალევს ვერ ტოვებს ერის სახეზე. შენ გინახავს შემოდგომის მწიფე ბაღების სურნელით გაღიზიანებული კრაზანების მირიადები, მაგრამ ვერ შეგინიშნავს დაუცხრომელი ფუტკრის სკები, შრომის ფერხული და აზრის გაცხოველებული რუდუნება.

— მომიტევე, — უთხრა კრისტოფმა, — მაგრამ თქვენი ინტელიგენციის ნალებიც მინახავს.

— რა? ორი-სამი ათეული მწიგნობარი? დიდი ამბავი! დღეს, როცა მეცნიერებამ და მოქმედებამ ასეთ მასშტაბებს მიაღწიეს, ლიტერატურა ხალხის აზრის ყველაზე ზერელე გამოხატულებად იქცა. თუმცა ან ლიტერატურას რას იცნობ, თუ არა მხოლოდ თეატრს, თეატრს ფუფუნებისა, ამ ინტერნაციონალურ სამზარეულოს, რომელიც კოსმოპოლიტურ სასტუმროთა მდიდარი მუშტრის გემოვნებას აკმაყოფილებს. პარიზის თეატრები? იცი, რომ მშრომელ კაცს წარმოდგენა არა აქვს, რა გადის იქ? პასტერი თავის სიცოცხლეში ათჯერაც არ ყოფილა თეატრში! როგორც ყველა უცხოელი, შენ გადაჭარბებულ მნიშვნელობას ანიჭებ ჩვენს რომანებსა და ბულვარულ სპექტაკლებს, ჩვენი პოლიტიკოსების ხრიკებს... მე შემიძლია, გაჩვენო ფრანგი ქალები, რომლებიც არასოდეს კითხულობენ რომანებს, პარიზელი ქალიშვილები, რომელთაც არ იციან თეატრის გზა, კაცები, თავის დღეში პოლიტიკაში რომ არ ჩარეულან, — და ეს ინტელექტუალურ ადამიანთა შორის. შენ არც ჩვენს მეცნიერებს იცნობ, არც ჩვენს პოეტებს. არც ჩვენი ხელოვანნი გინახავს, მარტობაში ჩუმად რომ იფერფლებიან; არც ჩვენი რევოლუციონერების გულში მოგიზგიზე ნალვერდალის მხურვალეობა გიგრძენია. არ გინახავს არც ერთი ჭეშმარიტი მორწმუნე, არც ერთი ჭეშმარიტი ურწმუნო. ხალხზე უკვე აღარას ვამბობ. რა იცი მის შესახებ? ვის იცნობ იმ საწყალი ქალის მეტს, შენ რომ გივლიდა? სად უნდა შეხვედროდი მათ? რამდენ პარიზელს იცნობ, მესამე ან მეოთხე სართულზე ზევით რომ ცხოვრობდეს? თუ მათ არ იცნობ, მაშასადამე, არც საფრანგეთი გცნობია. არ

იცნობ პარიზის სხვენებსა და ღარიბულ ქოხმახებში შეხიზნულ, აგრეთვე, მიყრუებულ პროვინციაში მცხოვრებ გულწრფელ, პატიოსან ადამიანებს, მთელი თავიანთი უღიმღამო ცხოვრების მანძილზე ერთგულად რომ ემსახურებიან მაღალ პრინციპებს და მსხვერპლად სწირავენ თავიანთ ყოველდღიურ არსებობას; ისინი იმ მცირე ეკლესიას ქმნიან, რომელიც მუდამ არსებობდა საფრანგეთში, — მცირე რიცხოვრივად, მაგრამ დიადი თავისი სულით; ეს თითქმის უცნობი კრებული, რომელიც არ ცდილობს ძალით თავი გამოიჩინოს, წარმოადგენს სწორედ საფრანგეთის მთელ ძალას: იგი ღუმს და ძლებს, მაშინ როდესაც ე. წ. „ელიტა“ განუწყვეტლივ ლპება და ცვალებადობას განიცდის... შენ გაგკვირვებია, რომ შეხვდი ფრანგს, რომელიც ცოცხლობს არა იმისათვის რომ ისიამოვნოს, დატკბეს რაღაც უნდა დაუჭდეს, არამედ განახორციელოს თავისი მრწამსი ან ემსახუროს მას. ათასობით არიან ჩემისთანა და ჩემზე გაცილებით ღირსეულნი, უფრო ერთგულნი, უფრო თავდადებულნი, უკანასკნელ ამოსუნთქვამდე ურყევად რომ იცავენ ერთ იდეალს, ერთ ღმერთს, თუმცა მას არ ესმის მათი ღალადისი. არ იცნობ უბრალო ხალხს, მომჭირნე, წესიერ, მუყაითსა და მშვიდობიან ადამიანებს, ვის გულშიაც ჯერ არ განელებულა გზნების ალი, — მუდამ განწირულ ხალხს, რომელსაც ოდესღაც ამა ქვეყნის ძლიერთა სიხარბის წინააღმდეგ ჩემი თანამემამულე, ცისფერთვალბა მოხუცი ვოზანი გამოესარჩლა. არ იცნობ ხალხს, არ იცნობ მის ჭეშმარიტ რჩეულთ. წაგიკითხავს ერთი წიგნი მაინც იმათ შორის, რომლებიც ჩვენს ერთგულ მეგობრებად და თანამოაზრეებად გვეგულებიან და გვამხნევენ ცხოვრებაში? უბრალოდ თუ იცი, რომ არსებობს ახალი ჟურნალები, სადაც ამდენი თავდადება და რწმენა იხარჯება? იქნებ ექვი გეპარება, რომ გყავს ზნეობრივად მაღალი პიროვნებები, რომლებიც ჩვენს მზედ დაგვისახავს და ვისი მღუმარე ბრწყინვალეობაც კი შიშის ზარსა სცემს ფარისეველთა ბრბოებს? ეს უკანასკნელნი, პირდაპირ ბრძოლას რომ ვერ უბედავენ, ქედს იხრიან მათს წინაშე, რათა უფრო ადვილად მოახერხონ მათი ღალატი. ფარისეველი მონაა; ხოლო როდესაც მონებს ასხენებენ, ბატონებიც იგულისხმება. შენ მხოლოდ მონებს იცნობ, ბატონებს კი არა... შენ ნახე ჩვენი შეტაკება და ველურ უაზრობად მოგეჩვენა იგი: იმიტომ რომ ვერ ჩასწვდი მის აზრს. ჩრდილებსა და მკრთალ ანარეკლებს ხედავ, მაგრამ ვერ ამჩნევ კაშკაშა სინათლეს — ჩვენს მრავალსაუკუნოვან სულს. გიციღია კი ოდესმე, შეგეცნო იგი? თვალი გადაგივლია ოდესმე ჩვენი გმირული ღვაწლისათვის — ჯვაროსნული ლაშქრობიდან მოკიდებული პარიზის კომუნამდე? მიმხედარჩარა ფრანგული სულის ტრაგიკულობას? დახრილხარ ოდესმე პასკალის უფსკრულის თავზე? როგორ კადრულობ, ცილი დასწამო ხალხს, რომელიც ათ საუკუნეზე მეტია იღვწის და ქმნის, ვინც გოთიკური ხელოვნებით, მეჩვიდმეტე საუკუნითა და რევოლუციით მთელი მსოფლიო თავის ყაიდაზე ვარდაქმნა, — ხალხს, რომელმაც ბარე ოცქერ გამოიარა ცეცხლის გამოცდა, მაგრამ ვერ მოკლეს და ოცქერვე აღდგა კიდევ უფრო გამოწრთობილი.. ერთნი

ხართ ყველანი. საფრანგეთში ჩამოსული ყოველი შენი თანამემამულე მხოლოდ იმ მუქთახორებს ამჩნევს, ჩვენს ხალხს რომ ღრღნიან, ლიტერატურას, პოლიტიკასა და ფულიან საქმეებს მიტმასნილ ავანტურისტებს, თავიანთი მომმარაგებლებით, მუშტრებითა და მეძაიე ქალებით; და საფრანგეთზე მსჯელობთ ამ არამზადებით, რომლებიც მხოლოდ სისხლს სწოვენ მას. არც ერთ თქვენგანს თავში არ მოსვლია დაფიქრებულიყო ნამდვილ, ჩაგრულ საფრანგეთზე, ქვეყნის პროვინციაში არსებულ ცოცხალ ძალებზე, მთელ ამ ხალხზე, შრომაში გართული აინუნში რომ არ აგდებს თავისი დღემოკლე ბატონების ღრიანცელს... დიახ, სრულიად ბუნებრივია, რომ არაფერი იცით ამის შესახებ; არც გამტყუნებთ: ან კი საიდან უნდა გცოდნოდათ? თავად ფრანგებიც ძლივს სცნობენ დღეს თავიანთ სამშობლოს. ქვეყნის საუკეთესო შვილები მომწყვდელი არიან და საპყრობილედ ჰქცევიათ საკუთარი მიწა-წყალი... ვერავინ გაიგებს ყოველივე იმას, რაც ჩვენ გამოგვივლია, თუმცა მუდამ ერთგული დავრჩენილვართ ერის სულისა, რომლის წმინდა ნათელს სალოცავი ხატივით ვუფრთხილდებოდით და თავგანწირვით ვიცავდით მტრების მუქარისაგან, მის ჩაქრობას რომ ლამობდნენ; მარტოდმარტონი, ამ გადამთიელთა მიერ მოწამლულ გარემოში ვიხუთებოდით: ისინი თავს ესხმოდნენ ჩვენ აზრებს, როგორც ბუზების გუნდი, რომელთა საზიზღარი მატლები ღრღნიდნენ ჩვენს გონებას და ბოლაავდნენ ჩვენს გრძნობას; ნალატვენი მათგან, ვცააც მინდობილი ჰქონდა ჩვენი დაცვა — ჩვენი წინამძღოლებისა და კრიტიკოსების მიერ, რომლებიც თავიანთი სირეგვით ან სილაჩრით, მტრის წინაშე პირმოთნეობენ და პატიებას ითხოვენ იმისათვის, რომ ჩვენი მოდგმისანი არიან; მიტოვებულნი თვით მშობელი ხალხისაგან, რომელსაც ჩვენთვის არა სცალია და არც გვიცნობს... რით შეგვიძლია თავი გავაცნოთ მას? ჩვენ მისკენ გზა ვერ გაგვიგნია... სწორედ ეს არის ყველაზე ძნელი! ვიცით, რომ ათასობით თანამოაზრე გვყავს საფრანგეთში, ვიცით, ერთმანეთის გულისნადებს ვლაპარაკობთ, მაგრამ ერთიმეორისთვის ხმა ვერ მიგვიწვდენია! მტერს ხელთ უპყრია ყველაფერი: გაზეთი, ჟურნალი, თეატრი... პრესა გაუზრბის აზრს და დაუშვებლად მიიჩნია ყველაფერი, რაც გართობის საშუალებას, ან რომელიმე პარტიის იარაღს არ წარმოადგენს. წრეები და ჯგუფები კარს იმ პირობით გიღებენ, რომ მათს დაკრულზე იცეკვო. ცალკე სილატაკე და აუტანელი შრომა სიქას გვაცლის. პოლიტიკოსებს, მარტოოდენ გამდიდრების წყურვილი რომ ამოძრავებთ, პროლეტართაგან მხოლოდ ისინი აინტერესებთ, ვისი მოსყიდვაც შეიძლება. გულგრილი და თავკერძა ბურჟუაზია კი მშვიდად გვიყურებს, როგორ ვიცლებით სისხლისაგან. ჩვენ არ გვიცნობს. საკუთარი ხალხი; იმათაც კი, ვინც ჩვენსავით იბრძვის და ჩვენებრ დუმილით არის მოცული, ისევე არ იციან, რომ ვარსებობთ, როგორც ჩვენ არ ვიცით მათი არსებობა... ო, ეს ნავსი პარიზი! ცხადია, გარკვეული სიკეთე გაუწევია, თავი რომ მოუყრია ფრანგული აზრის მთელი ძალებისათვის, მაგრამ მასთან ერთად არც ბოროტება დაუკლია; ხოლო ისეთ ხანაში კი, როგორიც ჩვენი ღროა,

სიკეთეც ბოროტებად მოქცეულა. საკმარისი გამხდარა, რომ ღროებით პარიზს დაბატრონებულ თვითმარქვია „ელიტას“ პროპაგანდის უშველებელ საყვირში ჩაეძახა და მთელი დანარჩენი საფრანგეთის ხმა დახშულა. უფრო მეტი: მას შეცდომამდე კი შეუყვანია ფრანგი ერი; იგი გაჩუმებულია და საგონებელში ჩაყარდნის ეჭვი ეპარება საკუთარ აზრებში... ოდესღაც ეს მე ძალზე მტანჯავდა. ახლა კი, კრისტოფ, მშვიდად აღვიქვამ ყოველივე ამას. მე ვირწმუნე საკუთარი ძალა, ძალა ჩემი ხალხისა. უნდა დაველოდოთ, სანამ ეს წყალდიდობა არ ჩაივლის. იგი ვერ გამოუთხრის ძირს საფრანგეთის უმტკიცეს გრანიტს. თუმცა ტალახს წაუღუკავეს იგი, მე ხელს შეგახებინებ ამ გრანიტზე. აგერ, აქა-იქ წყლიდან უკვე ამოჩრილა მისი მაღალი მწვერვალები...

კრისტოფი მიხვდა იდეალიზმის იმ უზარმაზარ ძალას, მის თანამედროვე ფრანგ პოეტებს, მუსიკოსებსა და მეცნიერთ რომ შთააგონებდა. იმ დროს, როდესაც ქვეყნის ღროებითი მეუფენი უხეში სენსუალიზმის ბრაზა-ბრუნით ფრანგული აზრის ხმას ახშობდნენ, ეს აზრი, მეტისმეტად კეთილშობილი, რომ ამ ვიგინდარასთან უტიფარ ყვირილში გაჯიბრება ეკადრა, თავისთვის და თავისი ღმერთისათვის მგზნებარე, გულჩათხრობილ სიმღერას განაგრძობდა. თითქოს იგი კმაყოფილიც კი იყო, რომ გაჰქცეოდა ამქვეყნიურ ორომტრიალს და თავისი კოშკის ცხრაკლიტულში განმარტოებულყო.

პოეტები, ის ერთეულნი, ვინც ნამდვილად იმსახურებდა ამ წარმატებულად დასაჯებას, რასაც პრესა და აკადემიები გულუხვად ურიგებდნენ ფულსა და პატივმოყვარეობას დახარბებულ ყველა ყბედს, — პოეტები, ვისაც სძულდა ჟრცხვი მალაფარდოვნება და მონური რეალიზმი, საგანთა ქერქს რომ ღრღინის, მაგრამ ვერ აღწევს მის შიგნით, შეხიზნულიყვენ საკუთარი სულის საფარში და მისცემოდნენ მისტიკურ ხილვას, რომელშიც ფორმათა და აზრთა სამყარო შეიწოვებოდა, როგორც ტბაში ჩამდინარე ნიაღვარი, და შინაგანი ცხოვრების ელფერთ იღებებოდა. ალტყინებულობა ამ იდეალიზმისა, რომელიც ჩაკეტილიყო საკუთარ თავში, რათა გარდაეჭმნა სამყარო, — მიუწვდომელი გამხდარიყო ბრბოსათვის. პირველად ვერც კრისტოფი გაერკვა მასში. „მოედანზე ბაზრობის“ შემდეგ, უცებ ამ იდეალიზმთან შეჯახება — მეტისმეტად მოულოდნელი გახლდათ. თითქოს თვალისმომჭრელი სინათლიდან, განწირული წივილ-კივილით გაყრუებული — ღამის წყვილია და სიჩუმეში მოხვდა. ყურები უბეჭოდა და ველარაფერს ხედავდა. კრისტოფს, რომელიც მჩქეფარე სიცოცხლეზე იყო შეყვარებული, პირველ ხანს საშინლად არ ეჭაშნიკა ეს კონტრასტი. გარეთ კვლავ მოქუხდა ვენბათადლევის ნიაღვარი, რომელიც წალეკვით ემუქრებოდა საფრანგეთს და მთელი კაცობრიობა შეეძრა. ხელოვნებაში კი, ერთი შეხედვით, არაფერი აღბეჭდილიყო. კრისტოფი კითხვას კითხვაზე აყრდა ოლივიეს:

— თქვენ ცაში ვარსკვლავებამდე აღზევდით და უცებ დაექანეთ ღრეიფ-

უსის საქმის უფსკრულში. სად არის პოეტი, ვის არსებაშიც გაიარა ამ გრიგალმა? ამჟამად მორწმუნე ადამიანთა სულში მიმდინარეობს ყველაზე ღირსშესანიშნავი ბრძოლა, რომლის მსგავსი ჯერ საუკუნეებს არ ახსოვთ: ბრძოლა ეკლესიის ხელისუფლებასა და სინდისის უფლებებს შორის. სად არის პოეტი, ვინც ასახავდა ამ წმიდათაწმიდა ტყვიელებს? მშრომელი მასები საბრძოლველად ემზადებიან; ზოგი ერი კვდება, ზოგი მკვდრეთით აღსდგება; სომხებს ჟღერებენ; აღმოსავლეთის ხალხები ათასწლოვანი ძილისაგან იღვიძებენ და ძირს ამხობენ მოსკოვის კოლოსს, ევროპის ამ მეკლიტურს; თურქეთი, ადამის მსგავსად, პირველად ახელს თვალს; ადამიანი იპყრობს ცას; ბებერი დედამიწა სკდება ჩვენს ფეხქვეშ და პირს აღებს; იგი მთელ ხალხებს ნთქავს... რა იქნა ყველა ეს სასწაული, სულ რაღაც ოციოდე წელში რომ მოხდა და ბარე ოც „ილიადას“ ეყოფოდა შთაგონებად? სად გაქრა მათი მგზნებარე კვალი თქვენი პოეტების წიგნებიდან? ნუთუ მხოლოდ მათთვის დახშულა სიცოცხლის პოეზიის კარი?

— მოთმინება, მეგობარო, მოთმინება!—მშვიდად უპასუხებდა ოლივიე.— ჩუ! იყუჩე, ყური დაუგდე...

ნელ-ნელა მიწყნარდა დედამიწის ღერძის კრიალი; შორს, ცხოვრების ქვაფენილზე მიწყდა მოქმედების მძიმე ეტლის რახრახი, და გაისმა სიჩუმის ღეთაებრივი გალობა.

ბზუის ფეტკარი, სურნელება იფრქვევა ცაცხვის...
და ცელქი სიო მდელოს ეშხით ვალერსება...
ჟეჟუნებს წვიმა და დაგათრობს სურნელი ვარდის.

ისმოდა ჟღერა პოეტთა საქრეთლებისა, რომელთაც ლარნაკის გვერდებზე გამოეძერწათ

. მოკრძალებული სიდიადე უბრალოების,

დაეხატათ მძიმე და მხიარული ცხოვრება,

ოქროს სალამურთ, აბანოზის სალამურთ ხმები,

მოწიწებული სიხარული და რწმენის შადრევანი, მოჩუხჩუხე მათი გულებიდან,

ვისთვის მარადის ნათელია ყოველი ბნელი...

ნეტარი ტანჯვა, ღიმილით რომ გვარწევს,

ვის კუშტ სახეზე
კრთის ნათელი ზებუნებრივი...

და

მშვიდი სიკვდილი, თავის დიდი, წყნარი თვალებით.

ეს კრიალა ხმების სიმფონია იყო. მართალია, მათ არ გააჩნდათ კორნელებისა და ჰიუგოების სახალხო ბუკთა მაღალი ჟღერადობა, მაგრამ რაოდენ ღრმა

და უფრო ნატიფიც ჩანდა მათი ჰარმონია! იგი თანამედროვე ევროპის ყველაზე დიდებული მუსიკა გახლდათ.

— ახლა ხომ გესმის? — უთხრა ოლივიემ კრისტოფს, რომელიც სმენად ქცეულიყო.

თავის მხრივ, კრისტოფმა ანიშნა იყუჩეო. თუმცა გერმანელი ყოველთვის უპირატესობას აძლევდა უფრო ვაჟკაცურ ჰანგებს, მაგრამ ამ წუთს იგი ხარბად დასწაფებოდა ჰალეების ჩურჩულსა და ნაკადულების რაკარაკს პოეტთა სულისა, რომლის შარიშურს უკვე არჩევდა. ისინი გალობდნენ ხალხთა შორის უგუნური ბრძოლების ფონზე, რათა განედიდებინათ სამყაროს მარადიული სიჭაბუქე და

მშენიერების სიკეთე ქველი.

იმ დროს, როდესაც კაცობრიობა

შიშისგან ძრწის და საბრალოდ გოდებს,
მწირ, უკუნ ველზე ბრუნავს, ვით ჩარხი,

როცა მილიონობით არსება სასოწარკვეთილი დასტაყებოდა ერთმანეთს, რათა ხელიდან გამოეგლიჯა თავისუფლების გასისხლიანებული ნაგლეჯები, — ნაკადულები და ჰალეები იმეორებდნენ:

„იყავნ თავისუფალი... თავისუფალი...
Sanctus, Sanctus...“¹

მაგრამ მათ ეგონისტური მყუდროების ზმანება როდი არწევდათ. პოეტთა გუნდში ტრაგიკული ხმებიც გაისმოდა: ხმა სიამაყის, ხმა ტრფობის და ხმა ტკივილების.

ეს მთვრალი გრიგალი იყო,

ხან მქინვარე, ხან თვინიერი, უსათნოესი,

მათი ძალების ბობოქრობა, მათი წარმოდგენებით აღგზნებული ეპოპეები, ვინც უმღეროდა ბრბოების ამხედრებას, მიწიერი ღმერთების გოლიათურ შერკინებასა და შრომისაგან დაქანცულ ადამიანებს,

კუპრივით ქცეულ შავ სახეებს, ბინდსა და ნისლში,
ბეჭებდაკუნთულთ, თუ ჯაფისგან მოხრილებს უცებ,
ბრძმედთან გახვითქულთ, უროს ცემით ხელდაკოვრილებს...

ხვალინდელი ღღის სამოთხეს რომ ქედდნენ.

კიდევ, ეს იყო „გონების მყინვარებზე“ მოფენილ კაშკაშა და ილუმალ შუქში გამომჭვირვალ გმირული ბოღმა ამ განმარტოებულ სულთა, რომელნიც ამაოდ ცდილობდნენ მის გაქარვებას უნუგეშო ლხენით.

¹ წმინდა, წმინდა (ლათ.).

ამ იდეალისტთა მრავალი თვისება გერმანელ კომპოზიტორს უფრო მშობ-
ლიური ეჩვენებოდა, ვიდრე ფრანგული. მაგრამ ყველას ჰქონდა სიყვარული
„ფრანგული სიტყვის სიფაქიზისადმი“ და მათი პოემებიდან ძველბერძნული
მითების ნექტარი იღვრებოდა. საფრანგეთის ბუნების სურათები და მისი ყო-
ველდღიური ყოფა მათი თელის გუგებში, რაღაც სასწაულებრივი ძალით, ატი-
კის ხილვად გარდაიქმნებოდა. თითქოს XX საუკუნის ფრანგებში კიდევ ცო-
ცხლობდნენ შორეულ წინაპართა სულები, რომლებიც ლამობდნენ გაეძროთ
თანამედროვეობის ძონძები და კვლავ თავიანთი სიშიშვლის მშვენიერებაში
წარმომდგარიყვნენ.

ამ პოეზიის ანსამბლიდან იფრქვეოდა საუკუნეების მანძილზე დაბრძნილი
მდიდარი ცივილიზაციის სურნელება, რომლის მსგავსს ვერსად შეიგრძნობდით
ევროპაში. ვინც ერთხელ მაინც იყნოსავდა, ველარასოდეს დაივიწყებდა მას.
იგი ანდამატივით იზიდავდა უცხოელ ხელოვანთ მსოფლიოს ყოველი კუთხი-
დან, და ისინი თავგამოდებული ფრანგი პოეტები ხდებოდნენ; ფრანგულ კლასი-
კურ ხელოვნებას ამ ანგლო-საქსებზე, ფლამანდიელებსა და ბერძნებზე უფ-
რო მგზნებარე მიმდევრები არცა ჰყოლია.

კრისტოფი, რომელსაც მიუძღოდა ოლივიე, იმსკვალებოდა ფრანგული
მუზის ფიქრმორეული სიტურფით, თუმცა ამ არისტოკრატული არსების წინაშე,
მეტისმეტად ჰკვიანი რომ იყო მისთვის, გულის სიღრმეში კვლავ უპირატესო-
ბას ანიჭებდა ხალხიდან გამოსულ, უბრალო, ჯანმრთელსა და ჩათქვირებულ
ლამაზმანს, რომელიც ასე ღრმად ვერ მსჭელობს, მაგრამ უფრო ძლიერი სიყვა-
რული იცის.

ეს odor di bellezza¹ ისე იფრქვეოდა მთელ ფრანგულ ხელოვნებაში, რო-
გორც მწიფე მარწყვის სურნელი მზის სხივებით გამთბარ შემოდგომის ტყეში.
ბალახებში მიმაღული ამ მარწყვების ერთ-ერთი პატარა მდელო მუსიკა იყო.
გერმანიაში მუსიკის გაბარდულ ბუჩქნარებს შეჩვეულმა კრისტოფმა გვერდით
ჩაუარა და ვერ შენიშნა იგი. მაგრამ უცებ საამო სუნი იგრძნო და შეჩერდა;
ეკლის ბარდებსა და გაყვითლებულ, დამკვნარ ფოთლებს შორის, მუსიკად რომ
ასალებდნენ თავს, კრისტოფმა, ოლივიეს შემწვობით, ერთი მუჰა მუსიკოსთა
ნატიფი და ქორფა ხელოვნება აღმოაჩინა. დემოკრატის ბოსტნებსა და ქარხნის
საკვამლეებს შორის, შუაგულ სენ-დენის ველზე, პატარა წმინდა ჭალაში ცეკ-
ვადნენ უზრუნველი ფავნები. კრისტოფი გაოგნებული უსმენდა მათი
საკვირველი სალამურის დამცინავსა და უშფოთველ ჰანგებს, რომლებიც არ
ჰგავდნენ არც ერთ მელიდიას, რაც აქამდის მის ყურს გაეგონა:

კმარა ლერწმის მცირე ღერო,
რომ ბალახი ავაბგრო,

¹ მშვენიერების სურნელი (იტალ.).

და თვით მდლოც,
ტირიფებიც,
და ჩაკრაკა ნაკადულიც;
კმარა ლერწმის მცირე ღერო,
ტყე უღრანი ავამღერო...

ამ პატარა საფორტეპიანო პიესების, სიმღერებისა და მთელი ფრანგული კამერული მუსიკის უზრუნველ სიკეკლუტესა და გარეგნულ დილეტანტიზმში, რომელსაც გერმანული მუსიკა თავს არ უყადრებდა და რომლის პოეტურ მადლ-მოსილებას აქამდე თვითონაც უგულვებელყოფდა, კრისტოფი რაინგალმა ჯერ უცნობ ჩქროლვასა და განახლების ალტყინებას გრძნობდა, რაც იმაზე მეტყველებდა, რომ ფრანგი მუსიკოსები თავიანთი ხელოვნების ყამირ მიწაზე ნაყოფიერი მომავლის ჩანასახს ეძიებდნენ. იმ დროს, როდესაც გერმანელი კომპოზიტორები მამების ბანაკში გამაგრებულნი ერთ ადგილს ტყეპნიდნენ და ისწრაფოდნენ თავიანთი წარსული გამარჯვებებით მსოფლიოს განვითარება დაებრკოლებინათ, — ცხოვრება განაგრძობდა წინსვლას; ფრანგები, წინა რიგებში მიმავალნი, პირველნი მიდიოდნენ დაზვერვაზე: ისინი იკვლევდნენ ხელოვნების შორეულ მიჯნებს, მზებებს ჩამქრალთ და მზებებს ახლად აღმობრწყინებულთ, გარდასულ საბერძნეთსა და საღათის ძილისაგან გამოდგიძებულ შორეულ აღმოსავლეთს, სინათლისაყენ რომ მიეპყრო უამრავი ზმანებებით მოთენთილი, მოგრძო თვალეზი. დასავლეთის მუსიკას, წესრიგის სულსიკვეთებითა და კლასიკური გონებით გაჭირლ არხში რომ მიედინებოდა, ფრანგებმა ძველი ყაიდის რაბები გაუღეს და ვერსალის აუზში მსოფლიოს ყოველი კუთხიდან იწყო დენა მუსიკის ნაკადმა: იღვრებოდა ხალხური მელოდიები და ჰანგები, ეგზოტიკური და ანტიკური მოტივები, ახალი და ახლებურად აუღერებელი ინტონაციები. როგორც ადრე ფრანგმა იმპრესიონისტმა მხატვრებმა — ფერთა ამ ქრისტეფორე კოლუმბებმა ახალი სამყარო გადაუშალეს ადამიანის თვალს, ასევე ბგერათა სამეფოს დასაპყრობად დაგეშოლმა ფრანგმა მუსიკოსებმა ყველაზე ღრმად შესცურეს სმენის იღუმალ ოკეანეში და უცნობი ხმელეთის ნაპირები აღმოაჩინეს. თუმცა ეს კია: ისინი აღარ დაუწყებენ კირკიტს საკუთარ აღმოჩენილს. თანახმად თავიანთი ჩვეულებისა, ფრანგები კაცობრიობის გზის გამკვალავნი არიან მხოლოდ.

კრისტოფი ალტაცებაში მოყვანა ფრანგული მუსიკის სითამამეს, გუშინ ფხხადგმული უკვე წინა რიგებში რომ მიაბიჯებდა. რამხელა გამბედრობა ჰქონია ამ პაწაწინა კეკლუტ ქმნილებას! კრისტოფი ახლა შემწყნარებლურად უყურებდა მის სულელურ მხარეებს, ცოტა ხნის წინათ ასე რომ აღიზიანებდა. არ ცდება მხოლოდ ის, ვინც არაფერს ქმნის. ცოცხალი ჰემმარტების ძიებაში დაშვებული შეცდომა კი უფრო სასარგებლოა, ვიდრე მკვდარი ჰემმარტება.

რა შედეგიც უნდა გამოეღო, საოცრად დიდი მეცადინეობა იყო

გაწეული. ოლივიე უჩვენებდა კრისტოფს, რაც ამ ოცდათხუთმეტი წლის მანძილზე შექმნილიყო — იმ უზარმაზარ დახარჯულ ენერჯიას, რომელსაც არარსობის წყვილიადიდან გამოეყვანა ფრანგული მუსიკა, მძინარე 1870 წლამდე: არ გააჩნდა საკუთარი სიმფონიური სკოლა, არ ჰქონდა დიდი კულტურა, ტრადიციები, არც ოსტატი ჰყავდა, არც მსმენელი, მარტოოდენ ბერლიოზის ამარა რომ იყო და მასაც სული ეხუთებოდა უპაერობისა და მოწყენილობისაგან. ჰოდა, კრისტოფი უკვე პატივისცემით გამსჭვალულიყო იმათ მიმართ, ვისაც ეროვნული გამოცოცხლების უღელი გაეწია და აზრად აღარ მოსდიოდა ქილიკობა დაეწყო მათი ესთეტიკური შეხედულებების შეზღუდულობასა და გენიის უქონლობაზე. მათ შეექმნათ მუსიკალურ ნაწარმოებზე უფრო მეტი — მუსიკოსთა მთელი ერი. იმ დიდ შემოქმედთა შორის, ვისაც ახალი ფრანგული მუსიკა გამოექვდა, კრისტოფისათვის ყველაზე ძვირფასი ცეზარ ფრანკის სახელი გახლდათ, რადგან იგი ვერ შეესწრო გამარჯვებას, რომელსაც თვითონ ჩაუყარა საფუძველი და, მოხუცი შიშის მსგავსად, ფრანგული ხელოვნების პირქვეშ დროში უმწიკვლოდ შეინახა საკუთარი რწმენის საუნჯე და თავისი ერის სულისკვეთება. ამაღლელებელი გამოცხადება იყო: სიტკობების მაძიებელ პარიზელებს შორის ცხოვრობდა ეს ღვთიური მესტრო, მუსიკის წმინდანი, ვინც ხელმოკლე ცხოვრებისა და შრომის ათვალწუნების ყამს უღრუბლო სინშვიდე შეინარჩუნა უდრტვინველ სულში, რომლის უწყინარი ღიმილი სიკეთით აცისკროვნებდა მის შემოქმედებას.

საფრანგეთის ცხოვრებას ჯერ კიდევ ღრმა გაუცნობელ კრისტოფს თითქმის სასწაულად ესახებოდა ურწმუნო ხალხის წიაღიდან ამ რწმენით აღსავსე კომპოზიტორის მოვლინება.

მაგრამ ოლივიემ ოდნავ მხრები აიჩეჩა და ჰკითხა, ევროპის კიდევ რომელ ქვეყანაში მოიძებნებოდა ბიბლიის გზნებით უფრო შთაგონებული მხატვარი, ვიდრე პურიტანი ფრანსუა მილე, ან უფრო მხურვალე და მოწიწებული რწმენით გამსჭვალული მეცნიერი, ვიდრე ნათელმოსილი პასტერი, რომელმაც მუხლი მოიღრიაკა უსასრულობის იღვის წინაშე, და როცა ეს აზრი მის სულს დაეუფლებოდა, „მშენებარე ფიქრებით შეპყრობილი, — როგორც თვითონ იტყოდა, — შენდობას შესთხოვდა საკუთარ გონებას, რომ საცაა პასკალის მაღალ უგონობას მისცემდა თავს“. ღრმა კათოლიციზმი ვერ გახდა დაბრკოლება როგორც პირველის გამორეული რეალიზმისათვის, ისე მეორის მგზნებარე გონებისათვის, რომელიც მტკიცე ნაბიჯით, მიუხევე-მოუხევევლად, მიისწრაფოდა უმარტივესი ბუნების ილუმალეებაში, უსასრულო მცირე სიდიდეთა უკუნ და-მეში, ყოფიერების იმ მიკარგულ უფსკრულში, სადაც ისახება სიცოცხლე“. ეს რწმენა, რომელიც მუდამ ღვიოდა მაღლიან ფრანგულ მიწაზე და რომლის არსებობის უარყოფას ამაოდ ლამობდა ყბედ დემაგოგთა მცირე ხროვა, — მათ იმ პროვინციელი ხალხის წიაღში შეიწოვეს, საიდანაც ეს დიდი ადამიანები გა-

მოვიდნენ. ოლივიე კარგად იცნობდა ამ რწმენას: იგი თვითონაც დიდხანს ეტარებინა გულში.

ოლივიე უჩვენებდა კრისტოფს კათოლიციზმის განახლებისათვის ოცდახუთწლიან დიად მოძრაობას, საფრანგეთში ქრისტიანული აზრის იმ გაცხარებულ მეცადინეობას, რომელსაც სურდა რწმენა გონებასთან, თავისუფლებასა და ცხოვრებასთან შეეხამებინა; იმ საოცარ სულიერ მამებს, რომელთაც გამბედაობა ჰქონდათ, როგორც ერთმა მათგანმა გამოთქვა, „კაცად მონათლულიყვნენ“, და მოითხოვდნენ კათოლიციზმისათვის უფლებას — გაეგო და მხარი დაეჭირა ყოველი გულწრფელი აზრისათვის, რამეთუ „ყოველი გულწრფელი აზრი, თუნდაც მცდარი, წმინდა და ღვთაებრივია“; უჩვენებდა ათასობით ახალგაზრდა კათოლიკეს, ვისაც დაედო დიდსულოვანი აღთქმა — შეექმნა ქრისტიანული რესპუბლიკა, თავისუფალი, წმინდა, ძმური და ღია ყველა კეთილი ნების ადამიანისათვის; განახლების სულისკვეთებით გამსჭვალულ იმ ჰეშმარიტ ქრისტიანთა პატარა რაზმს, რომელნიც, მიუხედავად საზიზღარი დევნისა, ერესში ბრალდებისა და ვერაგი ხრიკებისა მარჯვნიდან და მარცხნიდან (მეტადრე მარჯვნიდან),—მიიწვედნენ წინ მკაცრ ხეობაში, მომავლისაკენ მიმავალ გზაზე, და წყნარი მზერით, მშვიდად ელოდნენ ყოველგვარ განსაცდელს, დარწმუნებულნი, რომ მტკიცე შენობას ვერ ააგებ ისე, თუ საკუთარი სისხლითა და ცრემლით არ ჩაჯირავ მას.

ცხოველი იდეალიზმისა და მგზნებარე ლიბერალიზმის ამ ქროლას სხვა სარწმუნოებანიც გამოეცოცლებინა საფრანგეთში. ახალი ცხოვრების ყრუანტელმა პროტესტანტიზმსა და იუდაიზმსაც დაუარა ვეება, დაბუთებულ სხეულზე. ყველანი ჩაბმულიყვნენ დიდსულოვან შეჯიბრში — შეექმნათ თავისუფალი კაცობრიობის სარწმუნოება, რომელიც მსხვერპლად არ მოითხოვდა არაფერს— არც სულის ლად აღმაფრენას და არც გონების განსჯის უნარს.

ეს რელიგიური აღტყინება მარტო სარწმუნოებრივი დრტენივა როდი იყო; იგი რევოლუციურად განწყობილი სულის გამოხატულება გახლდათ. სწორედ აქ იჩენდა თავს მისი ტრაგიკული ხასიათი. კრისტოფი აქამდე მხოლოდ მდარე სოციალიზმს იცნობდა, სოციალიზმს პოლიტიკანებისა, რომლებიც თავიანთ დამშეულ მუშტრებს აცთუნებდნენ ბედნიერების, ანუ, გულახდლიად რომ ვთქვათ, საყოველთაო ტკობის ბავშვური, ბრიყვული ოცნებით, რომლის განხორციელება ძალაუფლებაზე დაყრდნობილ მეცნიერებას შეუძლიათ. კრისტოფი ხედავდა, რომ ამ გულისამრევი ოპტიმიზმის წინააღმდეგ ამხედრებულები არჩეულთა გააფთრებული მისტიციზმი, მუშათა პროფკავშირებს საბრძოლველად რომ მიუძღოდა. იგი მოუწოდებდა „ომისაკენ, რომელსაც შეუძლია ერთადერთს შვას ამალღებული, და მომაკვდავ სამყაროს აზრი, მიზანი და იდეალი დაუბრუნოს“. ამ დიდ რევოლუციონერებს, ზიზღით რომ უარყოფდნენ „ბურჟუაზიულ, ვაქრულ, პაციფისტურ, ინგლისური ყაიდის“ სოციალიზმს, მისთვის დაეპირისპირებინათ ტრაგიკული მსოფლმხედველობა, „რომლის კანონი

ანტაგონიზმი“ და მხოლოდ მსხვერპლი, განუწყვეტელი და მარად ახალი მსხვერპლი ასულდგმულებს. თუ შესაძლოა საეკვიპო იყო, რომ ამ მეთაურთა მიერ ჰველ სამყაროზე საიერიშოდ დაგეშილ ლაშქარს ზედმიწევნით ესმოდა მათი მებრძოლი მისტიციზმის არსი, ძალმომრეობით მოქმედებას ერთდროულად კანტისა და ნიცშეს ფილოსოფიით რომ ამართლებდა, — ამის გამო ნაკლებ საოცარ სანახაობას როდი წარმოადგენდა ეს რევოლუციური არისტოკრატია, რომლის აღტყინებული პესიმიზმი, გმირული ცხოვრების უინი და ომისა და მსხვერპლის რწმენით გამსჭვალვა ტექტონთა ორდენის რაინდებისა ან იაპონელი სამურაების სამხედრო და სარწმუნოებრივ იდეალს მოგვაგოხებდა.

და მინც ეს გახლდათ პიტალო ფრანგული მოვლენა: ფრანგული ჯილაგის გამოხატულება, ჯიუტად რომ ინარჩუნებდა თავის ზნეს საუეუენების მანძილზე. კრისტოფს ეცნაურებოდა ფრანგი კაცის ეს ხასიათი კონვენტის ტრიბუნთა და პროკონსულთა, ძველი წყობილების რომელიმე ფრანგი მოაზროვნის, მოღვაწისა და რეფორმატორის სიტყვებიდან, ოლივიეს რომ მოჰყავდა ხოლმე. კალვინისტებსაც და იანსენისტებსაც, იაკობინელებსაც და სინდიკალისტებსაც — ყველას ძვალ-რბილში ჰქონდა გამჭდარი პესიმისტური იდეალიზმის ეს ნაცნობი სულისკვეთება, ერთთავად რომ ებრძვის და ემიჯნება გარესამყაროს, ფუჭი იმედებისა და ასევე უსარგებლო სასოწარკვეთილების გარეშე; ეს სულისკვეთება ის რკინის ჭავშანია, რომელიც ნიადაგ იცავს და საკუთარ სახეს უნარჩუნებს ერს, თუმცა ზმირად ნამცეცხად აქევეს და აქუთმაცებს კიდეც მას.

კრიტიკი ისუნთქავდა ამ მისტიკური ბრძოლების ჰაერს და თანდათან ხვდებოდა სიდიადეს ამ ფანატიზმისა, რაშიც საფრანგეთი ისეთ შეუბღალავ პატიოსნებას იჩენდა, რომლის მსგავსზე ათასგვარ combinazioni-ს ჩვეულ ერებს წარმოადგენა არ გააჩნდათ. როგორც ყველა უცხოელს, თავდაპირველად კრისტოფსაც სიამოვნებას ჰკვირდა ელაზნანდარა მეთისმეტად აშკარა წინააღმდეგობაზე, რომელიც არსებობდა ფრანგების დესპოტურობასა და იმ გრძნეულ ფორმულირებას შორის, რითაც რესპუბლიკას შენობის ფასადის შეღამაზება უყვარდა. იგი პირველად ჩასწვდა მებრძოლი თავისუფლების არსს — გონების ამ მახვილ ხმალს, ასე რომ ეთაყვანებოდნენ ფრანგები. არა, გონების გაღმერთება უბრალო მაღალფარდოვნება ან ბუნდოვანი იდეოლოგია არ ყოფილა მათთვის, როგორც ადრე ეგონა, ხალხში, რომლისთვისაც გონების მოთხოვნილებანი უპირველეს საჭიროებას წარმოადგენს, არ არსებობს უფრო მთავარი საზრუნავი, ვიდრე გონების დაკმაყოფილებისათვის ბრძოლა. მერე რა ვუყოთ, რომ ეს ბრძოლა შესაძლოა უაზრობად მოეჩვენოთ ერებს, რომელნიც თავიანთ თავს პრაქტიკულ ხალხებად ასაღებენ? ასე რომ ჩაეყვეთ, განა ნაკლებ ამო აღმოჩნდება მსოფლიოს დასაპყრობად, იმპერიის შესაქმნელად, ან ფულის მოსახვეჭად გაჩაღებული ყოველი ომი? მილიონი წლის შემდეგ რომ ერთი და

¹ კომბინაციები (იტალ.).

მეორეც აღიგვება პირისაგან მიწისა. მაგრამ თუ ცხოვრების აზრი ბრძოლის დაძაბულობაა, რომელშიაც სრულად ვლინდება ადამიანური არსების მთელი ძალები, თვით უმადლესი არსისათვის მსხვერპლად შეწირვამდე, — მაშინ ცოტა ბრძოლა ანიჭებს ცხოვრებას ისეთ აზრს, როგორც გონების სახელით საფრანგეთში ატეხილი მუღდმივი ომი. მათ, ვისაც ერთხელ მაინც გაუსინჯავთ მისი ჰაშინკი, ანგლო-საქსების ნაქები გულგრილობა და შემწყნარებლობა ფრიადლუგუმი და დონდლო მოეჩვენებათ. ანგლოსაქსები თავს იმით იმართლებენ, რომ სხვა რამეში ხარჯავენ თავიანთ ენერგიას. იქ კი, სადაც ჯერ არს, ვერ გამოუყენებიათ. შემწყნარებლობა მხოლოდ მაშინ იძენს სიდიადეს, როდესაც პარტიათა შეხლა-შემოხლის დროს მისი სიმტკიცე გმირობას უტოლდება. დღევანდელ ევროპაში კი იგი უფრო დაუდევრობას მოგვაგონებს, რომელსაც რწმენა და სიცოცხლის უნარი აკლია. ინგლისელები, ვოლტერის სიტყვები თავიანთებურად რომ გაუგიათ, თავმომწონედ იკვებნიან, რომ „რწმენათა მრავალფეროვნებამ მეტი შემწყნარებლობა წარმოშვა ინგლისში“, ვიდრე რევოლუციამ საფრანგეთშიო. მაგრამ საქმე ის არის, რომ საფრანგეთის რევოლუციაში უფრო მეტი რწმენაა, ვიდრე ინგლისის მთელ სარწმუნოებებში.

მებრძოლი იდეალიზმის რვალისებრი წრიდან, გონებისათვის გაჩაღებულ ბრძოლის ველიდან, ვითარცა ვერგილიუსმა დანტე, ოლივიემ ხელჩაკიდებული გამოიყვანა კრისტოფი და აუძლვა მთის მწვერვალზე, სადაც ჰეშმარიტად თავისუფალ ფრანგთა მცირე კრებული მღუპარებასა და სიმშვიდეში სადგურობდა.

უფრო თავისუფალი ადამიანი არსად მკვიდრობდა დედამიწის ზურგზე. მათი სიმშვიდე ცაში მონავარდე ჩიტის უშფოთველობას ჰგავდა. ამ სიმადლეზე ჰაერი ისე სუფთა და გაუნშოებელი იყო, რომ კრისტოფს სუნთქვა უჭირდა. აქ იყვნენ ხელოვანი, ვინც ოცნების უსაზღვრო თავისუფლებას ელტვოდნენ, — თავაწყვეტილი სუბიექტივისტები, რომელთაც, როგორც ფლობერს, სძულდათ „ყვეყჩი პირუტყვები, საგანთა რეალობა რომ სჯეროდათ“; აქვე იყვნენ მოაზროვნენი, ვისი დაუდგრომელი და მრავალსახოვანი აზრი — მოძრაობაში მყოფ საგანთა დაუსრულებელი ნაკადის გამოხატულება — „მიედინებოდა და მიგორავდა შეუწყვეტილად, არსად არ ჩაგუბდებოდა, ვერავითარი მყარი ნიადაგი, ვერავითარი სალი კლდე ვერ დააკებდა და, როგორც მონტენი იტყოდა, „ასახავდა არა მუღდმივ არსებულს, არამედ გარდაამავალს, გარდაამავალს მარად, დღითი დღე და წამით წამამდე“; აქ იყვნენ აგრეთვე მეცნიერნი. ვისაც შეცნობილი ჰქონდა სიცარიელე და არარობა სამყაროსი, სადაც ადამიანმა გამოიგონა თავისი აზრი, თავისი ღმერთი, თავისი ხელოვნება, თავისი მეცნიერება, და კვლავ განაგრძობდა სამყაროსა და მისი კანონების შექმნას — ამ უზარმაზარ, ერთი დღის საგზალ ოცნებას. ისინი მეცნიერებაში არ ეძებდნენ სიმშვიდეს, ბედნიერებას, თვით ჰეშმარიტებასაც კი, რადგან ეკვი ეპარებოდათ, რომ ჰპოვებდნენ მას; მეცნიერება უყვარდათ მეცნიერებისათვის, იმიტომ

რომ ის მშვენიერი იყო, ერთადერთი მშვენიერი, ერთადერთი რეალური. ეს მეცნიერნი, ეს მგზნებარე პიროვნული, გულგრილი ტანჯვის, იმედგაცრუებისა და ლამის თვით სინამდვილის მიმართაც კი, იღვწენ აზრის მწვერვალებზე და თვალბმობილული უსვენდნენ სულების მღუშარე კონცერტს, რიცხვებისა და ფორმების ნატიფსა და დიდებულ ჰარმონიას. ეს დიდი მათემატიკოსნი, ეს თავისუფალი ფილოსოფოსნი — მსოფლიოს ზუსტი და უტყუარი გონების მქონენი მ-სტიკური აღგზნების ზღვარზე იმყოფებოდნენ; ისინი იკვლევდნენ ირგვლივ სიკარიელეს; უფსკრულში გადაჰიდულნი, გაბრუებულნი იყვნენ მისი თავბრუდამხვევი სიღრმით და ზეციური ღებნით აღვისილნი, თავიანთი აზრების ელვით ანათებდნენ უსაზღვრო დამეს.

მათ გვერდით დახრილი კრისტოფიც ღამობდა ჩაეხედა უფსკრულში, მაგრამ თავბრუ ესხმობდა. იგი, თავისუფალი რომ ეგონა თავს, რაკი აღარ სცნობდა აღარავითარ კანონს, საკუთარი სინდისის კანონის გარდა, — გაოგნებული გრძნობდა. რაოდენ ვერ იყო ჭერ კიდევ თავისუფალი ამ ფრანგებთან შედარებით. რომელთათვისაც არ არსებობდა თვით გონების არავითარი აბსოლუტური კანონი, არავითარი კატეგორიული იმპერატივი, არავითარი ცხოვრების აზრი. მაშ, რიდასთვის ცხოვრობდნენ?

— რათა თავისუფლების სიხარული განიცადონ, — მიუგებდა ოლივიე. მაგრამ კრისტოფს, რომელსაც ფეხქვეშ ნიადაგი ვერ ეპოვა ამ თავისუფლებებში, კვლავ დისციპლინის ძლიერი სულისკვეთება და გერმანული ავტორიტარული მონატრებობა.

— ეგ სიხარული, — განაგრძობდა იგი, — ფუჭი თავისმოტყუებაა, თრიაქის კვამლში განვეული ოცნება. თქვენ თავს იბრუებთ თავისუფლებით, მაგრამ გავიწყდებთ ცხოვრება. აბსოლუტური თავისუფლება სულისათვის სიგიჟეა, სახელმწიფოსათვის — ანარქია... თავისუფლება! ვინ არის თავისუფალი ამ ქვეყანაზე? ვინ არის თავისუფალი თქვენს რესპუბლიკაში? არამზადები. თქვენ კი, უველაზე უკეთესთ, სული გეხუთებათ. თქვენ მხოლოდ ისღა დაგრჩენიათ, რომ იოცნებოთ. მალე, ალბათ, ოცნებაც სანატრელი გავიხდებთ.

— მერე რა! — უპასუხა ოლივიემ. — შენ ვერ მიხვდები, ჩემო კეთილო კრისტოფ, თავისუფლების განცდის ნეტარებას. ღირს საფრთხეში ჩაივლო თავი, იტანჯო და თვით სიცოცხლაც კი გასწირო მისი გულისათვის. თავისუფალი იყო და გრძნობდა, რომ თავისუფალია შენს გარშემო ყოველი სულმდგმული, — დიახ, თვით არამზადებიც! ეს ხომ ენით გამოუთქმელი სიტყობებაა: თითქოს სული უსასრულო სივრცეში დანაეარდობს; სხვა გარემოში იგი ვეღარ გაძლებს. რა თავში ვიხლი მაგ შენს უშიშროებას, მკაცრ წესრიგსა და უზადო დისციპლინას საიმპერიო კაზარმის ოთხკედელშია გამომწყვდეული? მე იქ გავიღულები და სულს გავაფრთხობ. ჰაერი! სულ უფრო მეტი ჰაერი! სულ უფრო მეტი თავისუფლება!

— ცხოვრებას კანონები სჭირდება, — თქვა კრისტოფმა. — აღრე თუ გვიან პატრონი მოდის.

ხოლო ოლივიემ დამცინავად მოაგონა კრისტოფს მოხუცი პიერ დე ლ'ეტ-
ულის სიტყვები:

მთელი მიწიერი ძალნი ისევე უძლურნი არიან
სიტყვის თავისუფლება წაართვან ფრანგებს,
როგორც მიწაში ჩამარხონ, ან
ბნელ ხაროში ჩაამწყვდიონ
მზე.

ნელ-ნელა კრისტოფი ეჩვეოდა უსაზღვრო თავისუფლების ჰაერს. ფრან-
გული აზრის მწვერვალებიდან, სადაც ოცნებას მისცემოდნენ ჭეშმარიტად
თავისუფალ ფრანგთა რჩეულნი, ვისი სულებიც ანათებდნენ უკუნ დამეს, კრის-
ტოფი დაპყურებდა დაბლა ციცაბო ფერდობებს: სულ ზევით, მწვერვალის
მისადგომებთან, მოჩანდა რჩეულთა გმირული რაზმი, რომელიც იბრძოდა ქვეყ-
ნად ცხოველი რწმენისათვის, სულ ერთია, რაშიც უნდა ყოფილიყო გამოხატუ-
ლი ეს რწმენა, და სულმოუთქმელად მიიწევდა მალა, მთის წვერზე ასაღწე-
ვად,—ისინი, ვინც წმიდათაწმიდა ომს ეწეოდა უმეტრების, ავადმყოფობებისა,
სიღატაკის წინააღმდეგ, ვინც შეეპყრო გამომგონებლობის მგზნებარე ჟინს და
თანამედროვე პრომეთეთა და იკაროსთა ალტყინებული იდეები აბოდებდა, ვი-
საც დაეპყრო სინათლე, გზას კვალავდა ცაში და ბუნებაზე მეცნიერების ბუმბე-
რაზ შეტევას ახორციელებდა; უფრო დაბლა ხედავდა პატიოსან და თავმდა-
ბალ ადამიანთა მღუმარე ჯგუფს — კეთილი ნების ქალებსა და კაცებს, რომლე-
ბიც რის ვაი-ვაგლახით ფერდობის შუამდე კი აფოფხებულაყენენ, მაგრამ მეტზე
ველარ ასულიყვნენ და, გაჯახირებულ ცხოვრებას მიჯაჭვულნი, საიდუმლოდ
იფერფლებოდნენ გამოუთქმელი პრინციპების ერთგულებაში; კიდევ უფრო
დაბლა, მთის ძირას, ციცაბო ფერდობების ვიწრო ბილიკებზე გაჩაღებულყო
დაუსრულებელი ბრძოლა ფანატიკოსთა განყენებულ აზრებსა და ბრმა ინს-
ტინქტებს შორის, გააფთრებით რომ ეკვეთებოდნენ ერთმანეთს და ეჭვის შე-
ტანაც კი არ სურდათ, რომ მათ თავზე აღმართული სალი კლდეების მალა
კიდევ რამ არსებობდა; სულ დაბლა კი, მოჩანდა ჭყანტობები და პირუტყვი,
საკუთარ ნაკელში რომ გორაობდა. ხოლო ყველგან, საითაც უნდა გაგებდათ,
მთის კალთები ხელოვნების ნორჩი ყვაილებისა და მუსიკის სურნელოვანი
მარწყვის მღელოებით მოფენილიყო, ირგვლივ კი ნაკადულების რაკრაკ-მღე-
რა და პოეტ ფრინველთა ჭიკჭიკ-გალობა გაისმოდა.

და კრისტოფმა ჰკითხა ოლივიეს:

— თქვენი ხალხი სადღაა? მე მარტო „რჩეულთ“ ვხედავ — კეთილისმყო-
ფელთ ან მავნეთ.

— ხალხი? იგი თავის ბაღს მარგლავს. მას ჩვენთვის არა სცალია. რჩეულ-
თა ორივე ჯგუფი ცდილობს თავის მხარეზე გადაიბიროს და იმსახუროს იგი.
მას კი ერთიც და მეორეც ფეხებზე ჰკიდია. წინათ ის სეირის საყურებლად

მანც მიიხედვად პოლიტიკურ ტაკიმასხარათა ძახილზე, შემომხედეთ რა ყო-
ჩალი ვარო. ახლა აღარც ამაზე იბერტყავს ყურს. მილიონობით ადამიანი აღ-
არც კი სარგებლობს თავისი საარჩევნო ხმის უფლებით. პარტიებს ერთმანეთიც
დაუხოცავთ, ხალხმა მაგაზე არ ინალვლოს, — ოღონდ ამ აყალმაყალში მისი
ნათესები არ გათვლონ: მაშინ კი იგი ცხარდება და განურჩევლად ხან ერთ
პარტიას უბარტყუნებს, ხან — მეორეს. იგი არც ერთს არ ემხრობა, მხოლოდ
წინააღმდეგობას უწევს, სულერთია რომელი იქნება, ვინც მეტისმეტად ხელს
უშლის შრომასა და დასვენებაში. მეფეები, იმპერატორები, რესპუბლიკელები,
ხუცეები, ფრანკ-მასონები თუ სოციალისტები, ვინც უნდა იჩემებდეს მის
ბელადობას, — ერთადერთი, რასაც ხალხი მათგან მოითხოვს, ის არის, რომ
ააცილონ მას საქვეყნო უბედურებანი: ომები, უწესრიგობანი და ეპიდემიები;
სხვა მხრივ, თავში ქვა უხლიათ, ოღონდ კი ხელი არ შეუშალონ, მშვიდად იფუს-
ფუსონ თავის ბაღში. გულში ფიქრობს: „ნეტა როდის დამეხსნებიან ეს პირუ-
ტყვეები?“

მაგრამ ეს პირუტყვეები ისე რეგვენნი ბრძანდებიან, რომ თავს არ დაანებ-
ბენ ამ ხათრიანი კაცის გაღიზიანებას მანამ, სანამ იგი ფიწალს არ წამოაჯლებს
უცებ ხელს და გარეთ არ გააპანღურებს ყველა მათ, — რაც ერთ მშვენიერ
დღეს მართლაც მოელით დღევანდელ ჩვენს მედროვე ბატონებს. ოდესღაც
ხალხს აღაფრთოვანებდა დიადი საქმეები. ეგებ ძველებურად კვლავ აღიგზნოს
მისი გული, თუმცა რა ხანია, ვნებები დაუცხრა; ყოველ შემთხვევაში, ხალხის
აღგზნება ხანგრძლივი არ არის: იგი მალე უბრუნდება თავის ბებერ მშობელს—
დედამიწას. იგი აჯაჟავს ფრანგებს საფრანგეთთან, როგორც ბევრ სხვას თავის
მიწა-წყალთან. რამდენი მოდგმის ხალხი მხარდამხარ იღვწის ოღითგან ამ მად-
ლიან დედამიწაზე, მათ რომ აკავშირებს; მიწა ადამიანების ყველაზე დიდი სიყ-
ვარული. სიხარულსა თუ მწუხარებაში დაუცხრომლად ხნავენ და ამუშავენენ
მას; მათთვის ძვირფასია ყოველი მისი კენჭი, ყოველი მისი მტკაველი.

კრისტოფი გარშემო იხედებოდა. ყველგან, სადამდეც კი თვალი მისწვდებოდა —
გზისპირებზე, ქაობის ნაპირებსა და კლდეთა ფერღობებზე, ბრძოლის
ველებსა და ომის ნანგრევებს შორის, — ერთიანად აყუყუებინა კაცის ხელს
საფრანგეთის მთა-ბარი. თვალწინ გადაშლილიყო ევროპული ცივილიზაციის
ვრცელი ბღნარი. მისი წარმტაცი სიმშვენიერე მარტოოდენ ნოყიერი ნიადა-
გის წყალობა არ ყოფილა; იგი უფრო იმ დაუღალავი ხალხის შეუპოვარი გულ-
მოდგინების ნაყოფი გახლდათ, ვინც საუკუნეთა მანძილზე არასოდეს დამცხრა-
ლა და დღენიდაღ ხნავდა, თესავდა და ამშვენიერებდა მას.

საოცარი ხალხია! ყველა უმდგრადობას უკიჟინებს; მასში კი არაფერი იცვ-
ლება. ოლივიეს უტყუარი თვალი გოთიკურ ქანდაკებაში დღევანდელი პროვინ-
ციის მცხოვრებთა ყველა ტიპს პოულობდა; ისევე, როგორც კლუესა და დიუმუს-
ტიეს ფანქრით ნახატებში მაღალი წრის წარმომადგენელთა და ინტელიგენტთა
დადღილი, დამცინავი სახეები, ანდა კიდევ, ძმები ლენენების. სურათებში ილ-

დე-ფრანსელი და პიკარდიელი მუშისა და გლეხის გონიერი, ნათელი თვალები ეცნაურებოდა. გარდასულ დროთა ფიქრით გამსჭვალულიყო თანამედროვეთა შეგნება. პასკალის სულისკვეთება კვლავ ცოცხლობდა არა მარტო მოაზროვნე და მორწმუნე ელიტაში, არამედ ყველასათვის უცნობ ბურჟუეზსა და რევოლუციურად განწყობილ სინდიკალისტებშიც. კორნელისა და რასინის ხელოვნება კვლავ ცხოველმყოფელი იყო ხალხისათვის; უბრალო პარიზელი მოხელისათვის მეფე ლუი XIV ხანის ტრაგედია უფრო ახლობელი იყო, ვიდრე ტოლსტოის რომანი ან იბსენის დრამა. თანამედროვე ფრანგებს მეტი სულიერი ნათესაობა აკავშირებდათ შუა საუკუნეების სიმღერებთან და ძველ ფრანგულ „ტრისტანთან“, ვიდრე ვაგნერის „ტრისტანთან“. აზრის ყვაილები, XII საუკუნიდან მოკიდებული განუწყვეტლივ რომ იფურჩქნებოდნენ საფრანგეთის წალკოტში, მათი მრავალფეროვნების მიუხედავად, ძალზე ჰგავდნენ ერთმანეთს და აშკარად განსხვავდებოდნენ სხვა დანარჩენისაგან.

კრისტოფი ისე ზედმიწევნით არ იცნობდა საფრანგეთს, რომ მისი თვისებების მდგრადობას ჩასწვდომოდა. ნაირფერად ფრანგულ პეიზაჟში ყველაზე მეტად მას მიწის ნაკვეთების უკიდურესი დაქუცმაცება ხვდებოდა თვალში. როგორც ოლივიე იტყოდა, ყველას თავისი ბაღი ჰქონდა შემოღობილი; ყოველ მტკაველ მიწას კედლები, ცოცხალი მესერი და ათასგვარი ზღუდე ჰყოფდა დანარჩენებისაგან. მხოლოდ აქა-იქ, კანტაკუნტად თუ სადმე შეგვხვდებოდათ საზოგადო მდელი და ქალა, ანდა მდინარის გამოღმა მცხოვრებთ ასე თუ ისე კიდევ რაღაც ურთიერთობა ჰქონდათ ერთმანეთთან, ვიდრე გაღმელებთან. ყველა თავის ნაჭუქში ჩაყეტლიყო; და იმის ნაცვლად, რომ ეს იჭვენული ინდივიდუალიზმი საუკუნეობრივი მეზობლობის შედეგად ცოტა შესუსტებულიყო, პირიქით, ისე გაძლიერებულიყო, როგორც არასოდეს. კრისტოფი გულში ფიქრობდა:

„რა მარტონი არიან!“

არაფერი ამ მხრივ ისე ნიშანდობლივი არ ყოფილა, როგორც სახლი, რომელშიც კრისტოფი და ოლივიე ცხოვრობდნენ. ეს გახლდათ მთელი საზოგადოება რაკურსში მოქცეული, დაბატარაებული საფრანგეთი, პატიოსანი და შრომისმოყვარე, რომლის გათიშულ წევრებს შორის კავშირის ნატამალი არ არსებობდა. სახლი წარმოადგენდა ძველი, მორყეული შენობის ექვს სართულს, გვერდზე გადაბრეცილი კედლებით, მოქრაქუნე იატაკითა და დაფუტურობული პერით. კრისტოფისა და ოლივიეს ბინაში, სახურავის ქვეშ რომ იყო მოთავსებული, წვიმა ჩამოდრიდა; საჭირო გახდა ხელოსნები მოეყვანათ, რომ სახურავი როგორმე მიეკოწიწ-მოეკოწიწებინათ. კრისტოფს ესმოდა, როგორ მუშაობდნენ და მასლაათობდნენ მხურავები ზედ მის თავზე. მეტადრე ერთი მუშა აცდენდა და აღიზიანებდა კრისტოფს თავისი ოხუნჯობით: წუთით ენას არ ასველებდა, ხითხითებდა, ღიღინებდა, ლაზღანდარობდა, ზოგჯერ სასაცილოდ წა-

უსტვენდა, თავისთავს ესაუბრებოდა და თან საქმეს განაგრძობდა; უსათუოდ ხმამალა უნდა განეცხადებინა, რასაც აკეთებდა:

— ახლა ლურსმანი მიეუკაცუნო! ჩაქუჩი სადღა ეშმაკში დაიქარგა? ეს ერთი. ახლა მეორე. ერთი ჩაქუჩიც ვუთავაზო! აჰა, ჩემო ბებრუხუნავ, ესეც ასე...

კრისტოფი რომ როიალის დაკვრას დაიწყებდა, მხურავი ერთხანს გატყინდებოდა. უსმენდა, მერე კი ისევ სტვენას მოჰყვებოდა კიდევ უფრო ეშნში შესული, თან მელოდიის წარმტაც გადასვლებში ჩაქუჩს ყურისწამლებად აყოლებდა სახურავზე. ბოლოს, მოთმინებადაკარგული კრისტოფი სკამზე შეხტა და სხვენის სამერცხულში გაყო თავი, რომ ლაზათიანად გამოეთათხა ეს ვილაც აბეზარი. მაგრამ როგორც კი თვალი მოჰკრა სახურავის კოჭზე გადალაცულსა და მხიარული გამომეტყველების, პირში ლურსმნებგაჩრილ მუშას, კრისტოფს სიცილი წასკდა და მხურავმაც გულიანად გადაიხარხარა. კრისტოფს გადაავიწყდა, რომ გაბრაზებული იყო და მუსაიფი გაუბა. უცებ გაახსენდა, რისთვისაც ამოფოფნდა სამერცხულში.

— ჰო მართლა, — უთხრა კრისტოფმა, — მინდოდა მეკითხა, ხელს ხომ არ გიშლით ჩემი როიალის ქლარაყლური?

მუშამ დაარწმუნა, სრულიადაც არაო; ოღონდ ცოტა უფრო ჩქარი რამე დაუქარი, თორემ მაგ გაკვიანურებულ მელოდიას რომ ვყვები, ძალაუნებურად მუშაობაში ვყოვნდებიო. ერთმანეთს მეგობრებად დაშორდნენ. სულ რაღაც თხუთმეტითღე წუთში კრისტოფმა უფრო მეტი სიტყვა დახარჯა მასთან, ვიდრე ექვსი თვის მანძილზე მათს სახლში მობინადრე ყველა მეზობელთან ერთად აღებული.

ყოველ სართულზე ორ-ორი ბინა იყო მოთავსებული: თითო სამოთახიანი, თითო კი—ორიანი. ოთახი შინამოსამსახურისათვის გათვალისწინებული არ ყოფილა: ყველა მდგმური თავად უნდა მომსახურებოდა საკუთარ ოჯახს, გარდა პირველი და მეორე სართულების მობინადრეებისა, რომლებსაც ორ-ორი გაერთიანებული ბინები ეკავათ.

მეექვსე სართულზე კრისტოფსა და ოლივიეს კარის მეზობლად ჰყავდათ ორმოციოდე წლის მდგელი აბატი კორნელი, ფრიად განსწავლული, თავისუფლად მოაზროვნე და გონებაგახსნილი ადამიანი, ერთ-ერთ დიდ სემინარიაში ეგზეგეტიკის ყოფილი მასწავლებელი, რომელიც მეტისმეტად თანამედროვე აზრებისათვის ამასწინათ რომის მიერ შერისხული გახლდათ. აბატი უხმოდ დათანხმდა სასჯელს და; თუმცა არ ეთანხმებოდა მას გულის სიღრმეში, მაინც დუმილი არჩია: არ იკადრა ბრძოლა, რათა თანამდებობაზე აღედგინათ, და იმის შესაძლებლობაც კი უარყო, საჯაროდ დაეცვა თავისი შეხედულებანი და თავისი პიროვნების გარშემო ხმაურის ატეხასა და სამარცხვინო აურზაურს საკუთარი მრწამსის დაღუპვა ამჯობინა. კრისტოფს ვერაფრით ვერ აეხსნა თვინიერი შემოხის ეს ტიპი. სცადა კიდევ გამოლაპარაკებოდა მას, მაგრამ აბატი ზრდილო-

ბიანად და ცივად უსმენდა და კრინტსაც არ ძრავდა იმის თაობაზე, რაც მოსაუბრეს ყველაზე უფრო აინტერესებდა; თითქოს საკუთარ ღირსებად მიაჩნდა ცოცხლად ამოექოლა თავი.

ქვედა სართულზე ზუსტად ისეთივე ბინაში, როგორც მეგობრებს ეკავათ, ცხოვრობდა ელი ელისბერყეს ოჯახობა: იწყინერი, ცოლითა და ორი ბავშვით — შვიდისა და ათი წლის გოგონებით; ისინი ფრიად ზრდილი და სასიამოვნო ხალხი იყვნენ, მაგრამ კარჩაკეტილ ცხოვრებას ეწეოდნენ, მეტადრე ცრუ თავმოყვარეობის გამო, რომ მათი ხელმოკლეობა არავის გაეგო. ყმაწვილი ქალი, ოჯახზე ზრუნვას მამაცურად რომ აკლავდა თავს, დამცირებას გრძნობდა ამით; იგი სიამოვნებით გაიორკეცებდა ჯაფას, ოღონდაც ამის შესახებ არავის სცოდნოდა, — აი ფრანგული ხასიათის კიდევ ერთი თავისებურება, რომლის გაგებას ვერ ახერხებდა კრისტოფი. ელსბერყეები პროტესტანტები, წარმოშობით აღმოსავლეთ საფრანგეთიდან იყვნენ. რამდენიმე წლის წინათ ორივე ცოლ-ქმარი დრეიფტუსის საქმის გრიგალმა აიტაცა; ამ უსამართლო პროცესმა აღაგზნო და გაცოფებამდე მიიყვანა მთელი მათი არსება, როგორც ათასობით ფრანგი, რომელნიც შვიდი წლის მანძილზე ურყევად იღგნენ ამ წმიდათაწმიდა ისტერიის მძინვარე ქარტეხილში. მას შესწირეს მოსვენება, მდგომარეობა, ნაყოობობა: მას ანაცვალეს ესოდენ ძვირფასი მეგობრული ურთიერთობანი ადამიანებთან და კინაღამ საკუთარი ჯანმრთელობა შეირყიეს. მთელი თვეების მანძილზე ძილი გაუკრთათ და მალა დაეკარგათ; მანიაკური ექინანობით იმეორებდნენ კვლავ და კვლავ ერთსა და იმავე დამამტკიცებელ საბუთებს, აღაგზნებდნენ ერთმანეთს; მიუხედავად მათი მორცხვობისა და შიშისა, რომ შესაძლოა სასაცილო გამოჩენილიყვნენ, ცოლ-ქმარი ელსბერყეები მონაწილეობას იღებდნენ დემონსტრაციებში, გამოდიოდნენ მიტინგებზე, საიდანაც წარმოდგენებით დამძიმებულ გონებითა და მტკივანი გულით ბრუნდებოდნენ შინ და ღამ-ღამობით ერთად ტირილდნენ. ამ ბრძოლას იმდენი ენთუზიაზმი და ვნება შეაღიეს, რომ როდესაც გამარჯვების დღე დადგა, ძალა აღარ ეყოთ სიხარულისათვის; ენერჯისგან ისე დაწრეტილიყვნენ, რომ ცხოვრებისათვის არაქათი გამოლოვდათ. ისე მაღალი იმედები ჰქონდათ, ისე წმინდა იყო მათი თავგანწირვის გზნება, რომ სასაცილოდ მოეჩვენათ გამარჯვება იმასთან შედარებით, რაზეც ოცნებობდნენ. ასეთ პირდაპირ ადამიანთა სულში, სადაც ადგილი არსებობს მხოლოდ ერთი ჭეშმარიტებისათვის, მათი გმირების პოლიტიკური გარიგებანი და დათმობები მწარე იმედგაცრუებას იწვევდნენ. მათ საკუთარი თვალით იხილეს, რომ თავიანთი თანამებრძოლნი, — ადამიანები, რომლებიც შთაგონებულნი ეგონათ სამართლიანობის იმავე ერთადერთი წყურვილით, — როგორც კი მტერი დამარცხებული დაინახეს, მყისვე ნადავლს ეძგერნენ, ძალაუფლება მოიგდეს, პატივი და თანამდებობანი დაირიგეს და, თვითეულმა თავის ჭერად, ფეხქვეშ გათელა იგივე სამართალი!.. საკუთარი მრწამსის ერთგული დარჩნენ მხოლოდ ერთი მუჰა ადამიანები: ღარიბნი, განმარტოებულნი და ყველა პარტიისაგან გა-

რიყულნი; მერე თვითონაც ზურგი აქციეს ყველას, ჩრდილში დადგნენ და გაუბოდნენ ერთმანეთსაც კი, მწუხარებასა და ნევრასთენიისაგან გათანგულნი, ყველაფერზე იმედგადაწყვეტილნი, ადამიანებზე გულგატეხილნი და წუთისოფლის ბრუნვისაგან დაქანცულნი. ამ დამარცხებულთა რიცხვს მიეკუთვნებოდნენ სწორედ ინიჩნერი და მისი ცოლი.

მათი ბინიდან ხმაური არასოდეს გამოდიოდა; ცოლ-ქმარი შეეპყრო ავადმყოფურ შიშს, არ შეეწუხებინათ მეზობლები, თუმცა თვითონ მთლად მოსვენებული არ ყოფილან მათგან. მაგრამ სიამაყე ნებას არ აძლევდათ დაეჩივლათ. კრისტოფს ებრალებოდა მათი ორი პატარა გოგონა, რომლებსაც წამდაუწუმ უხშობდნენ მხიარული ჟღერტულის, შეყვირების, კუნტრუშისა და კისკისის დაუოკებელ სურვილს. კრისტოფი აღმერთებდა ბავშვებს; როდესაც პატარა მეზობლებს კიბეზე შეხვდებოდა, იგი ალერსით ეფერებოდა და ესიყვარულებოდა ხოლმე. გოგონები ჯერ მორცხვობდნენ, მაგრამ მალე შეეჩვივნენ კრისტოფს, რომელსაც მუდამ რაღაც სასაცილო ამბავი, ან რაიმე ყელის ჩასაკოკლოზინებელი ჰქონდა მათთვის შემონახული; გოგონები მის შესახებ შინ ჰყვებოდნენ: პირველად მშობლებმა ფრიად აღმაცერად შეხედეს ამას, მაგრამ ბოლოს გული მოუნადირათ გულწრფელობამ ამ აბეზარი მეზობლისა, რომლის გამო არაერთხელ დასწყევლეს ქვეყნად როიალის მომგონი და ზედა სართულიდან თავზე დატეხილი ყურთასმენის წამლები აურზაური (რადგან ოთახში სულმეხუთული კრისტოფი გალიაში გამომწყვდეული დათვივით ბორგავდა და აქეთ-იქით აწყდებოდა). თუმცა ადვილად როდი მოხერხდა მათი საუბარში ჩათრევა. კრისტოფის მოუხეშავი ქცევა ხშირად უკან ახევინებდა ელუელსბერკეს. მაგრამ ინიჩნერი ამაროდ ცდილობდა ხელუხლებლად დაეცვა გულჩათხრობილობის კედელი, ადამიანებისაგან თავშესაფრად რომ აღემართა; შეუძლებელი იყო ყოველთვის გასძალიანებოდა გერმანელის მოზღვავებულ გულდიაობას, რომელიც ნათელი და სათნოებით მზირალი თვალებით მისჩერებოდა, და ხანდახან კრისტოფი ახერხებდა გულის კარი გაეღებინებინა მეზობლისათვის. ელსბერკე უცნაური სულის კაცი გახლდათ: მამაცი და უხალისო, გულნაკლული და ბედს დანებებული. ძალა შესწევდა, ღირსეულად ეზიდა წუთისოფლის ტვირთი, მაგრამ არ ძალუძდა შეეცვალა იგი. თითქოს კმაყოფილად კი ჩანდა ამით, რომ შეეძლო საკუთარი პესიმიზმი გაემართლებინა. ამასწინათ ხელსაყრელი ადგილი შეეთავაზებინათ მისთვის: ზელმძღვანელობა გაეწია ერთ-ერთი საწარმოსათვის ბრაზილიაში, მაგრამ ელსბერკემ უარი თქვა, ვაითუ უცხო ჰავამ ცოლ-შვილი დასცადოსო.

— მაშინ, ოჯახი აქ დატოვეთ, — უთხრა კრისტოფმა. — მართო წადით და სიმდიდრე მოუპოვეთ.

— ოჯახი აქ დატოვო? — გაიკვირვა ინიჩნერმა. — გეტყობათ, რომ შვილები არა გყავთ.

— რომც მყოლოდა, მაინც ასე მოვიქცეოდი.

— არამც და არამც! არაფრის გულისათვის!.. თანაც სამშობლოდან სად-
ღაც გადავიხვეწო?.. არა! მირჩევნია აქ ვიტანჯო.

კრისტოფს უცნაური ეჩვენებოდა სამშობლოსა და თავისიანების ასეთი სი-
ყვარული, რაც იმას გულისხმობდა, რომ ერთად ეცოდნენ და ისე გაეთრიათ
წუთისოფელი. მაგრამ ოლივიეს ესმოდა ინჟინრისა:

— წარმოდგინე, — ამბობდა იგი, — ხომ შეიძლება უცებ გადაბრუნდე და
მოკვდე კაცი იქ, უცხო მიწაზე, სადაც არავინ გიცნობს და არავინ გყავს დამ-
ტირებელი? არა, ამ საშინელებას ყველაფერი სჯობია! ესეც არ იყოს, განა რამ-
დენ ხანს ეცოცხლობთ ამქვეყნად, რომ ამდენ დავიდაბაბას მოკვდე?..

— რაღა უსათუოდ სიკვდილზე უნდა ვიფიქროთ? — მხრების აჩეჩით
მიუგებდა კრისტოფი. — ხოლო თუ იგი მაინც გარდუვალია, არა სჯობია, მათი
ბედნიერებისათვის ბრძოლაში მოკვდე, ვინც გიყვარს, ვიდრე ასე უხალისობა-
ში დაიშრიტო?

მათს პირდაპირ, მეხუთე სართულის პატარა ბინაში იღვა ელექტრომონ-
ტიორი, გვარად ობერი. თუ ყველა დანარჩენ მობინადრეთაგან მასაც განზე
ეჭირა თავი, ამაში უკვე მარტო მონტიორს როლი მიუძღოდა ბრალი. ხალხის
დაბალი ფენებიდან გამოსულ ამ კაცს საშინლად სურდა აღარასოდეს დაბრუნე-
ბულიყო იქ, საიდანაც იყო წარმოშობით. ობერი ჩია ტანისა და ავადმყოფური
სახის კაცი იყო; ჯიუტი შუბლის ქვეშიდან დაყინებით იცქირებოდნენ
მისი ცქვიტი თვალები, რომელთა მზერა ბურღივით გესობოდათ; ქერა უღვა-
შები და დამცინავად მოკუმული პირი ჰქონდა, ყრუ ხმა ლაპარაკში მსტვენ
ბგერებს გამოსცემდა; ყელი ერთთავად ხილაბანდით ჰქონდა შეხვეული და წამ-
დაუწუმ ხველა უვარდებოდა, რასაც კიდევ უფრო უღიზიანებდა თამბაქოს გა-
მუდმებული წვევის ცუდი ჩვეულება; თავისი აღზნებული მოძრაობებით
ობერი ზედგამოჭრილ ქლექიანის ხასიათს განასახიერებდა. თვითკმაყოფილე-
ბის, ირონიისა და სევდის ნარევის მიღმა იმალებოდა მისი აღფრთოვანებული,
მალაღმარდოვანი და მიამიტი სული, რომელსაც ყოველ ნაბიჯზე იმედს უც-
რუებდა ცოხვრება. ვილაც ბურჟუას ნაბიჯვარმა (წარმოდგენა არ ჰქონდა სა-
კუთარ მამაზე), გაზრდილმა დედის მიერ, რომელიც პატივისცემას არ იმსახუ-
რებდა, — ობერმა მრავალი მწუხარებისა და ქუჩუის ნახვა მოასწრო აღრეულ
ბავშვობაში. ელექტრომონტიორმა ბევრი ხელობა გამოიცვალა, მოიარა მთელი
საფრანგეთი. სწავლის საოცარი წყურვილის მეოხებით, წარმოუდგენელი ძალ-
ლონის დაძაბვის ფასად, თვითგანათლება შეიძინა; კითხულობდა განურჩევლად
ყველაფერს: ისტორიას, ფილოსოფიას, დეკადენტ პოეტებს; თვალს ადევნებდა
ყველაფერს: თეატრს, გამოფენებს, კონცერტებს. ობერს თავყანსაცემ კერპად
დაესახა ბურჟუაზიული ლიტერატურა და ნაზრევი, მოჯადოებულებით რომ
იზიდავდნენ თავისკენ. იგი გაყდენთილი იყო იმ ბუნდოვანი და მხურვალე იდეო-
ლოგიით, რომელიც რევოლუციის პირველ წლებში ყველა ბურჟუას აბოდებ-
და. მას მტკიცედ სწამდა გონების შეუცდომლობა, უსასრულო პროგრესი, —

quo non ascendam?¹ — მოახლოებული ბედნიერების დამყარება დედამიწაზე, მეცნიერების ყოვლისშემძლეობა, კაცობრიობა — ღმერთად და საფრანგეთი — კაცობრიობის უფროს ასულად. აღფრთოვანებული და გულუბრყვილო ანტი-კლერიკალისტი ობერი ყოველგვარ რელიგიას, განსაკუთრებით კი კათოლიციზმს, ბნელეთის მოციქულობად რაცხდა და ყველა მღვდელში სინათლის დაუძინებელ მტერს ხედავდა. სოციალიზმი, ინდივიდუალიზმი, შოვინიზმი — ყველაფერი ერთად არეულიყო მის თავში. თავისი შეხედულებებით ჰუმანისტი, ტემპერამენტით დესპოტი და საქმით კი ანარქისტი გახლდათ. ობერი ამპარტავანი ბრძანდებოდა და რაკი იცოდა თავისი განათლების ნაკლი, იძულებული იყო საუბრის დროს დიდი სიფრთხილე გამოეჩინა: ყურებად ცქვიტილი უსმენდა, რასაც ელაპარაკებოდნენ, მაგრამ რჩევას კი არასოდეს ჰკითხავდა თავად, — ეგონა, ეს დაამცირებდა; ამრიგად, ვერავითარი მიხვედრილობა და საზრიანობა მონტიორს კლასიკური განათლების უქონლობას ვერ უნაზღაურებდა. აიჩემა, მწერალი ვარო. მრავალი უსწავლელი ფრანგის მსგავსად, ობერს სტილის გრძნობა და მახვილი ხედვის თანდაყოლილი უნარი ჰქონდა, მაგრამ აბდა-უბდა აზრები გამოსდიოდა. ერთხელ, თავისი ნაცოდვილარი ერთ აღიარებულ ჟურნალისტს წააკითხა, ვისიც სწამდა; მან მასხრად აიგდო ახალბედა მწერალი. ობერი საშინლად შეურაცხყოფილი დარჩა და კინტი აღარავისთან დაუქრავს თავისი ნაწარმოებების თაობაზე. წერას კი მაინც განაგრძობდა: შინაგანი მოთხოვნილება ჰქონდა, საკუთარი სული გადმოეფრქვია, და ეს ამაყი სიხარულით ავსებდა მას. თავად ფრიად კმაყოფილი გახლდათ თავისი ღვლარუნული სიტყვებითა და მოფილოსოფიურო აზრებით, თუმცა ისინი გროშის ფასადაც არ ღირდნენ, და არაფრად ავდებდა ცხოვრების სინამდვილეზე მიგნებულ თავის შენიშვნებს, რომლებიც ხშირად ძალზე საგულისხმო იყვნენ. თავი ფილოსოფოსად წარმოედგინა და დაიყინა, გინდა თუ არა სოციალური დრამები და მალალაზროვანი რომანები უნდა შევთხზაო. გადაუჭრელ საკითხებს ერთი დაკვრით წყვეტდა და ყოველ ნაბიჯზე ახალ ამერიკას აღმოაჩენდა. ხოლო როდესაც მიხვდებოდა, რომ იგი უკვე აღმოჩენილი იყო, იმედგაცრუება ეუფლებოდა, რასაც განაწყენებამდე მიჰყავდა და ცოტადა აკლდა, აქაც ინტრიგების ძებნა არ დაეწყო. დიდების წყურვილით ანთებულს თავდადების გზენება სწევდა და იტანჯებოდა, რომ არავის სჭირდებოდა. მისი ოცნება იყო, ცნობილი მწერალი გამხდარიყო, რომ კარი გაეღო მისთვის მჭაბუნელთა მალალ საზოგადოებას, რომელიც ზეციური შარავანდელით მოსილი ეჩვენებოდა. თუმცა ცდილობდა თავი მოეტყუებინა ფუჭი იმედებით, ობერს საკმაო კეთილგონიერება და ირონიის გრძნობა ჰქონდა და არ შეეძლო ვერ მიმხვდარიყო, რომ წარმატების არავითარი შანსი არ გააჩნდა. მაგრამ ბურჟუაზიული აზრის ატმოსფეროს ხომ მაინც ისუნთქავდა, შორიდან ასე სხივმოსილი რომ ესახებოდა. ეს სურვილი, თავის-

1 საღ არ ავალწევ (ლათ).

თავად უწყინარი, ერთი რამით საზიანო გახლდათ: იგი უძნელებდა ურთიერთობას ადამიანებთან, რომელთა შორის იძულებული იყო ეცხოვრა. და რაკი ბურჟუაზიულ საზოგადოებას, რომელსაც ობერი ესწრაფოდა, კარი დაეხშო მისთვის, ელექტრომონტიორს ისღა დარჩენოდა, რომ განმარტოებულიყო. ამიტომ არავითარ სიძნელეს არ წარმოადგენდა კრისტოფისათვის, დაახლოებოდა მას. პირიქით, სულ მალე კრისტოფი იძულებული გახდა თავი დაეღწია მისი ხშირი სტუმრობისაგან, თორემ ობერი მალე კარზე დაუსახლდებოდა: იგი ბედნიერად თვლიდა თავს, რომ გაიჩინა ხელოვანი მეგობარი, ვისთანაც შეეძლო გაუთავებლად ესაუბრა მუსიკაზე, თეატრზე და სხვ. მაგრამ კრისტოფს, ცხადია, დიდად არ ხიბლავდა ეს პერსპექტივა: უბრალო ხალხისგან გამოსულ ადამიანთან უბრალო ხალხზე საუბარი ერჩია. ობერს კი ეს არ სურდა, ხალხს აღარც კი იცნობდა.

რაც უფრო დაბლა სართულზე ცხოვრობდნენ, ბუნებრივია, მით უფრო ნაკლები ურთიერთობა ჰქონდა კრისტოფს მეზობელ მდგმურებთან. რაღაც ჯადოსნური სიტყვა, რაღაც „სეზამ, გაიღე“ იყო საჭირო, რომ მეოთხე სართულის მობინადრეებთან შეგედწიათ. კიბის ერთ მხარეს ცხოვრობდა ორი მგლოვიარე მანდილოსანი, რომლებიც თითქოს მონუსხულიყვნენ, უკვე დიდი ხნის ძაძები ველარ გაეხადათ: ოცდათხუთმეტი წლის ქ-ნი ჟერმენი, რომელსაც ქმარი და ერთადერთი გოგონა დაღუპოდა და განდევილივით ცხოვრებას ეწეოდა ღვთისმოსავი, მოხუცი დედამთილის გვერდით. მოპირდაპირე ბინაში იდგა გაურკვეველი ასაკის, ასე, ორმოცდაათიდან სამოცამდე წლის, იღუმალებით მოცული პიროვნება, ათიოდე წლის გოგონასთან ერთად. იგი მელიტი იყო, ლამაზი, მოვლილი წვერი, დარბაისლური მიხრა-მოხრა, არისტოკრატიული ხელები ჰქონდა და დინჯი საუბარი იცოდა. გვარად ვატლე გახლდათ. ანარქისტს, რევოლუციონერსა და უცხოელს უწოდებდნენ, მაგრამ ზუსტად არავინ იცოდა, სადაური ან რა ეროვნებისა იყო — რუსი თუ ბელგიელი? სინამდვილეში კი ჩრდილოელი ფრანგი გახლდათ და ფრიად საეჭვოა, კიდევ რევოლუციონერი ყოფილიყო, მაგრამ ისევ ძველი სახელით იცნობდნენ. 1871 წლის კომუნის ამბებში გარეუღმა და სიკვდილმისჯილმა, ხეირიანად თვითონაც არ იცოდა, როგორ დააღწია სასჯელს თავი; ათი წლის მანძილზე ევროპის რომელ ქვეყანაში აღარ მოუწია ცხოვრებამ. ვინ მოთვლის, რამდენი სისაძაგლის მოწმე გამხდარა პარიზის ქარიშხლიან დღეებში, და მერეც, გადასახლებაში ყოფნისას, თუ სამშობლოში დაბრუნების დროს, — როგორც ძველი ამხანაგების წრეში, ხელისუფლებას რომ შეურიგდნენ შემდეგში, ისე ყველა რევოლუციური პარტიის რიგებში, რომელთაც ჩამოსცილდა და თავისთვის მშვიდად ინახავდა გულში საკუთარ მრწამსს, შეუბღალავსა და უნაყოფოს. ვატლე ბევრს კითხულობდა; ხანდახან წიგნებსაც წერდა, მშვიდ სიტყვებში აღმგზნები აზრები რომ იყო დამალული; მასთან მოდიოდა (როგორც ამტკიცებდნენ) ძალზე შორს — ინდოეთში თუ საღდაც შორეულ აღმოსავლეთში გაბმული ანარქისტული მოძრაობის ყვე-

ლა ქსელი, იკვლევდა საყოველთაო რევოლუციას და ასევე საყოველთაო, მაგრამ უფრო უწყინარ საკითხებს: მსოფლიო ენასა და მუსიკის სწავლების ყველასათვის ხელმისაწვდომ ახალ მეთოდს. მეზობლებში არავისთან ჰქონდა მისგლა-მოსგლა და მათთან შეხვედრისას თავის მდებლად დაკვირვებით კმაყოფილდებოდა. მაინც თავს ნება მისცა, მუსიკის სწავლების საკუთარ მეთოდზე რამდენიმე სიტყვა გაეზიარებინა კრისტოფისათვის. მაგრამ კრისტოფს ეს ყველაზე ნაკლებ აინტერესებდა: მისთვის სულერთი იყო, რა ნიშნებით გადმოსცემდა იგი თავის აზრს: თავად ნებისმიერ ენაზე ახერხებდა მის გადმოცემას. ვატლე კი თავისას არ იშლიდა და ღიანი დაბეჭითებით განაგრძობდა საკუთარი სისტემის განმარტებას; ხოლო რაც შეეხება ვატლეს წარსულს, მის შესახებ კრისტოფმა ვერაფერი შეიტყო. ამიტომ, როდესაც მას კიბეზე შეხვედებოდა, კრისტოფი იმისათვის თუ შეჩერდებოდა, რომ შეეთვალე რებიანა გოგონა, მუდამ თან რომ დაჰყვებოდა ვატლეს: ეს გახლდათ ქერათმიანი, ფერმკრთალი, სისხლნაკლები, ცისფერთვალა ბავშვი, რომელსაც თხელი პროფილი, სუსტი ტანი და ავადმყოფური, არცთუ ძალიან გამომეტყველი იერი ჰქონდა. კრისტოფს, როგორც ყველას, გოგონა ვატლეს შვილი ეგონა. მაგრამ იგი ობოლი გახლდათ, მუშის შვილი; ვატლემ იგი იშვილა ოთხი თუ ხუთი წლისა, როდესაც ეპიდემიის დროს მშობლები დაეხოცნენ. იგი უსაზღვრო სიყვარულით იყო გამსჭვალული ღარიბი ბავშვებისადმი. ამ გულთბილობას რაღაც მისტიკური ხასიათი მიეღო მასში, ვენსან დე პოლის სულისკვეთების მსგავსი. ხოლო ვინაიდან ვატლე უნდობლად ეკიდებოდა ყოველგვარ ოფიციალურ ქველმოქმედებას და მოეხსენებოდა, რას ნიშნავდა ფილანტროპიული საზოგადოებანი, იგი ამკობინებდა სიკეთე ჩაედინა მარტოს, თვითონ კი არ გამოჩენილიყო: ამაში რაღაც იღუმალ სიხარულს პოულობდა. ვინმესთვის რაიმე სარგებლობის მოტანა რომ შესძლებოდა, ვატლემ მედიცინა შეისწავლა. ერთხელ, იქვე ახლოს მცხოვრებ მუშასთან რომ შეიარა, ნახა, რომ მთელი ოჯახი ავად იყო და მკურნალობა დაუწყა. ცოტაოდენი სამედიცინო ცოდნა გააჩნდა და გადაწყვიტა სრულყოფილი იგი. ვატლეს არ შეეძლო ეცქირა ბავშვის ტანჯვისათვის: სიბრაღულით გული ეწვოდა. მაგრამ წარმოიდგინეთ მისი ნეტარება, როდესაც საბრალო პატარას ტკივილის კლანჭებისგან გამოიხსნიდა და სუსტი ღიმილი გამოკრთებოდა მის გამხდარ სახეზე! ვატლე სიხარულისაგან ცას ეწვოდა. თავი სამოთხეში ეგონა. იგი ავიწყებინებდა იმ გულისტკენას, სიკეთის სანაცვლოდ რომ იმკიდა უმადური ადამიანებისაგან. იშვიათად თუ ვინმე დარჩენილა მაღლიერი. მეკარე ქალი ცოფვებს ჰყრიდა, ვატლესთან ათასი ვიღაც უცნობები დაიარებთან და კიბეს მიტალახიანებენო, და გამწარებული ჩიოდა. სახლის პატრონი, შემფოთებული ანარქისტა ამ თავყრილობებით, საყვედურებს გამოთქვამდა. ვატლეს უკვე გუნებაში ჰქონდა, ბინა გამოეცვალა, მაგრამ უპირდა გადაწყვეტილება მიეღო; მასაც თავისი უცნაურობა სჭირდა: მეტისმეტად ღიანი და დაუდევარი იყო და საყვედურებზე ყურს არ იბარტყუნებდა.

ბავშვების სიყვარულმა კრისტოფს გარკვეული ნდობა მოუპოვა ვატლეს თვალში. ეს სიყვარული მათი დამაკავშირებელი რგოლი გახდა. ვატლეს გოგონას დანახვისას კრისტოფს გული შეეკუმშებოდა ხოლმე: იღუმალი მსგავსების წყალობით, რომელიც მიუწვდომელია გონებისათვის და მხოლოდ ალღო გრძობს, იგი აღუნებდა კრისტოფს საბინას პატარა ასულს, პირველი და შორეული სიყვარულის წუთიერ აჩრდილს, ვისი მღუმარე სიტურფე ჯერ კიდევ არ წაშლილიყო მის სულში. ამიტომ მიიპყრო მისი ყურადღება ამ პატარა, ფერმკრთალმა არსებამ, რომელიც არასოდეს დახტოდა, არ დაარბოდა, თითქმის ვერ გაიგონებდით მის ხმას, არ გააჩნდა ტოლ-მეგობარი და მუდამ მარტო, ხმა-ამოუღებლად ერთობოდა ჯდომელა, წყნარი თამაშით ეფერებოდა თოჯინას ან ხის პაწია ჯოხს და ტუჩების ცმაცუნითა და ჩურჩხლით რაღაც თავგადასავალს სუცებოდა თავისთვის. გოგონა მოსიყვარულე და ამავე დროს გულგრილიც იყო; რაღაც უცნაური და აუხსნელი უცხოობა იგრძნობოდა მასში, მაგრამ მამობილი ამას ვერ ამჩნევდა: მას უყვარდა ბავშვი. ვაგლახ: ამ საოცარ უცხოობას არა ვგრძნობთ მუდამ ღვიძლ შვილებშიც კი, ჩვენს სისხლსა და ხორციში?.. კრისტოფმა სცაღა პატარა განდევნილსათვის ინჟინრის გოგონები გაეცნო, მაგრამ, როგორც ელსბერგეს. ასევე ვატლეს მწარე. ცივი უარი მიიღო—თავაზიანი, ოღონდ კატეგორიული. თითქოს ამ ადამიანებს პირადი ღირსების საკითხათ მიაჩნდათ, რომ ყველას ცალ-ცალკე, თავ-თავიანთ ბუნაგში მოცხლად დაემარხა საკუთარი თავი. თუ საჭიროება მოითხოვდა, თითოეული მათგანი მზად იყო, დახმარება გაეწია მეზობლისათვის. მაგრამ ყველას ეშინოდა, სხვას არ გაეგო, რომ თვითონ სჭირდებოდა შევლა; ხოლო ვინაიდან ორივე მხარე ერთნაირად თავმოყვარე განლდათ. და ერთიც და მეორეც ვაჭირვებულ მდგომარეობაში იმყოფებოდნენ, იმედის ნატამალიც არ არსებობდა, რომ რომელიმე მათგანი გაბედავდა, პირველს გაეწოდებინა ხელი.

მესამე სართულის დიდი ბინა თითქმის სულ მუდამ ცარიელი იყო. სახლის პატრონს იგი თავისთვის დაეტოვებინა, თუმცა შიგ არასოდეს ცხოვრობდა. ეს გახლდათ ყოფილი კომერსანტი. რომელმაც ერთბაშად მიატოვა სავაჭრო საქმიანობა, როგორც კი ნაგროვებმა ქონებამ დასახულ თანხას მიაღწია. წელიწადის უმეტეს ნაწილს პარიზის გარეთ ატარებდა: ზამთარს — ლაჟვარდოვანი სანაპიროს სასტუმროში, ზაფხულს — ნორმანდიის პლაჟზე, და ცხოვრობდა წვრილი რანტიეს კვლობაზე, რომელიც ცდილობს მცირე სახსრებით ფუფუნების ილუზია შეიქმნას, სხვების განცხრომას უჭვრეტს და მათებრ უსარგებლო ცხოვრებას ეწევა.

პატარა ბინა უშვილო წყვილს — ცოლ-ქმარ არნობს ჰქონდათ დაჭირავებული. ქმარი, ორმოცი-ორმოცდახუთი წლის კაცი, ლიცეუმის მასწავლებელი იყო. გაკვეთილებით, საშინაო დავალებების სწორებითა და რეპეტიციებით გადატვირთულმა, დისერტაციის დასაწერად ვეღარ მოიცალა და ბოლოს საერთოდ ხელი აიღო ამ განზრახვაზე. ცოლი, ათი წლით მასზე უმცროსი, სან-

დომიანი და უღარესად მორიდებული ქალი გახლდათ. ორივენი ჰკვიანი, განათლებული და მოსიყვარულე მეუღლენი იყვნენ, მაგრამ მისვლა-მოსვლა არავისთან ჰქონდათ და შინიდან გარეთ არ გამოდიოდნენ. ქმარს არ ეცალა, ცოლს კი მოცილილობისაგან გული უღონდებოდა; მაგრამ იგი წესიერი ყმაწვილი ქალი იყო და მხნედ უმკლავდებოდა მოძალებულ ნაღველს, ანუ, რაც უფრო საგულისხმოა, საგულდაგულოდ მალავდა მას და რითაც შეეძლო იმით ირთობდა თავს: კითხულობდა, ქმარს კონსპექტებს უდგენდა, ქმრის კონსპექტებს ათეთრებდა, ტანსაცმელს უკერებდა და თავისი ხელით კაბებსა და ქუდეებს იკერავდა. დრო-გამოშვებით უარს არ იტყოდა თეატრში წასვლაზეც, მაგრამ არნოს ეზარებოდა: საღამოობით ძალზე დაღლილი ბრუნდებოდა და ქალიც ხმას აღარ იღებდა.

მათი ყველაზე დიდი სიხარული მუსიკა იყო. ისინი აღმერთებდნენ მას. ქმარმა არ იცოდა დაკვრა; ცოლმა კი, თუმცა იცოდა, მაგრამ მეტისმეტად მორცხვი გახლდათ: როდესაც ვინმეს თანდასწრებით, თუნდაც ქმრის წინაშე უკრავდა, ისე ლეღავდა, იტყოდით, პიანინოს ბავშვის ხელები ეხებიანო. ცოლ-ქმარს კი ესეც კმაყოფილებას ჰგვრიდა; გლუკი, მოცარტი და ბეთჰოვენი, რომელთა მუსიკა უღურტულით ელამუნებოდათ, მათი მეგობრები გამხდარიყვნენ. არნობმა ზედმიწევნით იცოდნენ კომპოზიტორთა ცხოვრების ყველა წვრილმანი და მათ მიერ განცდილი ტანჯვა სიყვარულითა და თანაგრძნობით მსჭვალავდა მეუღლეთა გულებს. ბედნიერებას ანიჭებდათ აგრეთვე საყვარელი წიგნების ერთად კითხვა, რასაკვირველია, კარგი წიგნებისა. მაგრამ თანამედროვე ლიტერატურაში სანთლით საძებარია კარგი წიგნი: მწერლები დღეს აღარ ირჩებიან მათი გულისათვის, ვინც ვერ მოუპოვებს მათ რეპუტაციას, სიამესა და ფულს, — იმ თავმდაბალი მკითხველებისათვის, რომლებიც ხშირ-ხშირად არ იკრიბებიან მაღალ საზოგადოებაში, არსად არაფერს წერენ და მხოლოდ სიყვარული და დუმილი შეუძლიათ. ხელოვნების ეს მღუშმარე შარავანდელი, რომელიც ამ პატიოსან და მოწიწებულ ადამიანთა სულში თითქმის ზებუნებრივ შუქს ასხივებს, და ის ურთიერთსიყვარული, ცოლ-ქმარს რომ ჰქონდა, საკმარისი იყო, რათა არნობს მშვიდად და ფრად ბედნიერად ეგრძნოთ თავი, თუმცა არც ნაღველი აკლდათ (ერთი მეორეს სულაც არ გამოირიცხავს), მართონი და ცხოვრებისაგან ცოტა გულნატყენი იყვნენ. ორივენი ვაცოლებით მალა იდგნენ იმ ხვედრზე, რომელიც ბედმა არგუნათ. ბ-ნ არნოს უამრავი ჩანაფიქრი ჰქონდა, მაგრამ არც დრო ჰყოფნიდა და ახლა უკვე აღარც გამბედაობა, რომ ხელში კალამი აეღო. სტატიისა თუ წიგნის გამოქვეყნებას იმდენი დავიდაარაბა სჭირდებოდა, რომ ჩიტი ბღღვნად არ ღირდა: ფუჭი პატივმოყვარეობა გახლდათ. რას წარმოადგენდა იმ მოაზროვნეთა გვერდით, რომელთაც თავყანს სცემდა! მას მეტისმეტად უყვარდა ხელოვნება, რომ თვითონაც ხელოვანად გახდომა მოესურვებინა: ასეთ პრეტენზიას კანდიერად და სასაცილოდ ჩათვლიდა. საკუთარი ხვედრი, მისი აზრით, ის გახლდათ, რომ ხელოვნების ქმნილებანი სხვებისთვის გაეცნო. თავის იდეებს კი მოსწავლეებს უნერგავდა: ამ იდე-

ეზზე ისინი წიგნებს დაწერდნენ შემდეგში, თუმცა, ცხადია, აღარავინ მოიხსენიებდა თავიანთ მასწავლებელს. უამრავი სხვადასხვა გამოცემის გამოწერაში არავინ იმდენ ფულს არ ფლანგავდა, რამდენსაც ბ-ნი არნო. ღარიბები ყოველთვის უფრო გულუხვნი არიან: ისინი ყიდულობენ წიგნებს; მდიდრებს თავმოყვარეობის შელახვად მიაჩნიათ, რომ მუქთად არ უბოძონ წიგნი. არნო დაენელებინა წიგნებს: ეს მისი სისუსტე იყო, მისი ნაკლი. თვითონვე რცხვენოდა ამისი და ცოლს უმაღავდა, თუმცა ქალი არ საყვედურობდა — მის ადგილას, ალბათ, თვითონაც ასევე მოიქცეოდა. ცოლ-ქმარი მუდამ წარმტაც გეგმებს აწყობდნენ, რომ ფული დაეზოგათ და იტალიაში სამოგზაუროდ წასულიყვნენ, თუმცა მშვენივრად იცოდნენ, რომ მათ განზრახვას განხორციელება არ ეწერა; მერე მხიარულად იცინოდნენ ხოლმე, რომ მომჭირნეობა არ შეეძლოთ. არნო გულს არ იტეხდა: მოსიყვარულე მეუღლე ჰყავდა; ამასთან, შრომა და შინაგანი სიხარულიც ჰყოფნიდა ცხოვრებაში. ცოლს რაღა უნდა ჰქონოდა დასამღერი? აკი არც ჩიოდა. მას ვერ გაეებდა ეთქვა, რომ კარგი იქნებოდა ქმარი ცოტა ცნობილი ადამიანი ყოფილიყო, რომ მისი სახელის ანარეკლი ცოლსაც მოჰფენოდა; იგი გააცისკროვნებდა ქალის ცხოვრებას და ოჯახსაც კეთილდღეობას შემატებდა. შინაგანი სიხარული ცუდი არ არის, მაგრამ რა უშავს, ცოტადენი სინათლე რომ გარედანაც კრთოდეს?!... და მაინც ქალი სიტყვიერად არაფერს ამბობდა, ვინაიდან გაუბედავი გახლდათ; თანაც იცოდა, ქმარს ბევრიც რომ ეცადა, საეჭვოა სახელი შეეძინა: უკვე გვიანდა იყო!.. ცოლ-ქმარი არნოები ყველაზე უფრო მაინც იმით იყვნენ გულდაწყვეტილი, რომ შვილი არ ჰყავდათ. ამ გულნაკლულობას ორივენი უმაღავდნენ ერთმანეთს, რაც მათს ცოლ-ქმრობას კიდევ უფრო ნაზს ხდიდა: თითქოს ამ საცოდავებს ერთიმეორესთან საბოდიშო ჰქონდათ. ქ-ნი არნო კეთილი და გულითადი ადამიანი იყო; იგი სიამოვნებით დაუახლოვდებოდა ქ-ნ ელსბერყეს, მაგრამ ვერ გაეებდა: ინჟინრის ოჯახი არ აგრძნობინებდა, რომ მასაც სურდა ეს. რაც შეეხება კრისტოფის ვაცნობას, ცოლ-ქმარი არნოები უკეთესს ვერაფერს ინატრებდნენ: ორივენი მოქალოებული იყვნენ მისი მუსიკის შორეული ჰანგებით. მაგრამ ამქვეყნად არაფრის გულისათვის თვითონ არ გადადგამდნენ პირველ ნაბიჯს: ეს ხომ ძალით-მაცხონეობა იქნებოდა.

მეორე სართული მთლიანად ცოლ-ქმარ ფელიქს ვაილეს — მდიდარ, უშვილო ებრაელებს ეკავათ, რომლებიც წელიწადის ექვს თვეს ქალაქგარეთ, აგარაკზე ატარებდნენ. თუმცა უკვე ოცი წელი იყო, რაც ამ სახლში ცხოვრობდნენ (მიჩვევის გამო, თორემ არ გაუჭირდებოდათ თავიანთი ქონების შესაფერი ბინა ეშოვათ), ვაილები აქ ყოველთვის წასასვლელად გამოზადებულ სტუმრებს ჰგავდნენ. მეზობლებს არასოდეს გამოელაპარაკებოდნენ და მათ შესახებ ვერავის იმაზე მეტი ვერ გაეგო, რაც მათი მოსვლის პირველ დღეს იცოდნენ. მაგრამ ხალხს ეს ხელს არ უშლიდა, ისინი ეძრახა; უფრო მეტიც: ვაილები სძულდათ

კიდევ. ცოლ-ქმარი. ცხად-ა, არც ცდილობდა მათი სიყვარული მოეპოვებინა; მაგრამ ისე, ღიბსი კი იყვნენ, ცოტა უკეთ გაეცნოთ: ორივენი ჩინებული გულის ადამიანები იყვნენ და, ამავე დროს, ჭკუა-გონებით სავსენი. ქმარი, სამოც წელს მიღწეული მოხუცი, ანტიოლოგი გახლდათ, რომელსაც სახელი გაეთქვა შუა აზიამი არქეოლოგიური გათხრებით; ეს გონებაგახსნილი და ცნობისმოყვარე კაცი, მრავალი თავისი თანამომქმის მსგავსად, თავისი სპეციალობის ნაჭუჭში არასოდეს იკეტებოდა და ქვეყანაზე ყველაფერი ანტიერესებდა: ხელოვნება, სოციალური საკითხები და თანამედროვე აზრის ყოველგვარი გამოვლინება. მაგრამ ვერც ერთი დარგი ან საკითხი ვერ აოკებდა, რომ მხოლოდ მისით შეზღუდულიყო. ბ-ნი ვაილი ძალზე ჭკვიანი გახლდათ, მეტისმეტად ჭკვიანი და მეტისმეტად თავისუფალი ყოველგვარი ხუნდებისაგან, და მუდამ მზად იყო, ცალი ხელით ნანგრევებად ექცია ის, რასაც მეორეთი ქმნიდა; ხოლო ქმნიდა ბევრს: ღირ შრომებსა და საკუთარ თეორიებს. ეს დაუცხრომელი ადამიანი, რომელიც შრომობდა ჩვეულების ძალით და გონების ჰიგიენის გულისათვის, მოთმინებით და გულდაგულ განაგრძობდა მეცნიერების ყამირის გატეხას და ბელტს ბელტზე აწვენდა. თუმცა არ ეჯერა იმის სარგებლობა, რასაც აკეთებდა. ვაილს ბედნიერება არა ჰქონდა, რომ ღარიბი ყოფილიყო: ეგებ ცხოვრების აზრი არსებობისათვის ბრძოლაში მაინც ეპოვა; ხოლო აღმოსავლეთის ექსპედიციის შემდეგ, რომლის ხელმძღვანელობამაც წლების მანძილზე თავი მოაბეზრა, ვაილმა უარი თქვა ყოველგვარ ოფიციალურ თანამდებობაზე. მაგრამ, ამავე დროს, თავის დარგში კვლევასთან ერთად, იგი ჩვეული გამჭირახობით მუშაობდა საქარზორტო საკითხებსა და პრაქტიკული მნიშვნელობის გადაუდებელ სოციალურ რეფორმებზე, სახელდობრ, სახალხო განათლების რეორგანიზაციაზე საფრანგეთში; აყენებდა ახალ-ახალ იდეას, აყალიბებდა მთელ მიმდინარეობას, მოძრაობაში მოჰყავდა უზარმაზარი ინტელექტუალური მექანიზმები და მყისვე ხალხი ეკარგებოდა. რამდენჯერ აღშფოთება გამოუწვევია ადამიანებში, რომლებიც თავისი მოსაზრებებით ჯერ რაიმე საქმისათვის წაუჭებებია, და მერე თვითონვე. ამავე საქმის წამოწყებისათვის ყველაზე ღვარძლიანი და ყველაზე გულისგამტეხი კრიტიკა დაუტეხია თავზე მათთვის. ამას განზრახ როდი სჩადიოდა: ეს მისი ბუნების შინაგან მოთხოვნას წარმოადგენდა; მეტად ნერვულსა და დამკინაჟს. უჭირდა თვალი დაეხუჭა სასაცილო მხარებებზე, თავისი დაკვრების გამო უნებურად რომ ამჩნევდა ცხოვრებასა და ადამიანებში. ხოლო რადგან არ არსებობს ქვეყნად ისეთი ქველი საქმე, ან ისეთი კეთილისმყოფელი ადამიანები, რომელთაც, გარკვეული კუთხითა და გამადიდებელი შუშით რომ გაეხედოთ, სასაცილო მხარე არ აღმოაჩნდეთ, — ვაილის ირონიაჲ არავის ინდობდა. ამ გზით კი მეგობრებს სულაც ვერ შეიძენ. და მაინც მას გულითადი სურვილი ჰქონდა, სიკეთე ჩადინა ადამიანებისათვის, და სჩადიოდა კიდევ, მაგრამ მთლად მადლიერი არავინ დარჩენილა: მათაც კი, ვისაც მისი კარგი ახსოვდათ, გულის სიღრმეში ვერ ეპატიებინათ, რომ მის თვალში სასაცილონი

გამოჩნდნენ. ვაილი იძულებული იყო მეტისმეტად ახლოს არ მიეშვა აღამიანები, რომ მათი სიყვარული შესძლებოდა. იმიტომ კი არა, თითქოს მიზანთროპა იყო: ისე თავდაჯერებული როდი გახლდათ, რომ კაცთმოძულეობა რწმენად გაეხადა. იგი მორიდებულობას იჩენდა იმ საზოგადოების წინაშე. რომელიც დაცივნას იწვევდა მის გულში: დარწმუნებული არ იყო, რომ მაინცდამაინც საზოგადოება ცდებოდა მასთან; ამიტომ ცდილობდა მეტისმეტად განსხვავებული არ გამოჩენილიყო სხვებისაგან, და ზედმიწევნით მიეხატა მათთვის ქცევასა და შეხედულებებში. მაგრამ ამოდ: თავს ვერ იკავებდა, არ განესაჯა ისინი, რადგან ყოველგვარი გაზვიადება, უბრალოების სულ მცირე დარღვევაც კი გულზე ეკლად ესობოდა და ვედარ ითმენდა. ვაილს განსაკუთრებით ებრაელების სასაცილო მხარეები ხედებოდა თვალში, ვინაიდან მათ უკეთ იცნობდა. თუმცა მისი თავისუფლად მოაზროვნე გონება ერებს შორის ზღუდეებს არ სცნობდა, თვითონ ხშირად ეკახებოდა სხვა ერის აღამიანების მიერ მის წინაშე აღმართულ ამ ზღუდეებს; და რადგან, მიუხედავად ამისა, მაინც უცხოოდ თვლიდა მას ქრისტიანული აზრის სამყარო, ვაილი, საკუთარი ღირსება რომ არ შეეღაპა, განზე გამდგარიყო და თავი შეეკედლებინა ილაჯის გამწყვეტი ირონიისა და ცოლისადმი ღრმა სიყვარულისათვის.

ყველაზე უარესი კი ის გახლდათ, რომ ქმრის ირონიისაგან არც ქ-ნი ვაილი ყოფილა დაზღვეული. ეს სათნო, ყოჩაღი ქალი იმის ცდაში იყო, ვინმესთვის ხელი გაემართა და ერთთავად საქველმოქმედო საქმეებით იყო გართული. ქმართან შედარებით გაცილებით მარტივი ბუნებისა, ქ-ნი ვაილი ებლაუჭებოდა კეთილისმყოფელობის ზნეობრივ პრინციპსა და ცოტა განუსჯელ, საგულისხმო, მაგრამ ძალზე მალალ აზრს, რომელიც ლამის მოვალეობად გაეხადა. დიდ სიხარულსა და დიდ სიყვარულს მოკლებული ეს უშვილო ქალი მთელ თავის ნაღვლიან ცხოვრებას ამყარებდა ამ ზნეობრივ რწმენაზე, უფრო რწმენის სურვილს რომ ჰგავდა. ქმრის ირონიას არ შეეძლო გამოჰპარვოდა ამ რწმენაში დამალული ნებაყოფლობითი გაბრიყვების წილი და (რაც უკვე მის ძალ-ღონეს აღემატებოდა) თავი შეეკავებინა ცოლის დაცივნისაგან. ბ-ნი ვაილი წინააღმდეგობათა მთელი ხლართი იყო. მოვალეობის მალალი გრძნობა ცოლზე ნაკლებ როდი ჰქონდა შეგნებული, მაგრამ ამავე დროს უღმობელი სურვილი იპყრობდა დაუსრულებლივ ეანალიზებინა, ეკრიტიკებინა, რომ გულკეთილობა გულუბრყვილობაში არ ჩამოერთვათ: ეს აზრი გლეჯდა და ნაწულეთებად აქცევდა მის ზნეობრივ იმპერატივს. იგი ვერ ამჩნევდა, რომ ამით ცოლს ფეხქვეშ ნიადაგს აცლიდა და სასტიკ სასოწარკვეთილებაში აგდებდა. როდესაც ამას ხედებოდა, ცოლზე მეტად იტანჯებოდა; მაგრამ ბოროტება უკვე ჩადენილი იყო. ცოლ-ქმარს მაინც ერთგულად უყვარდათ ერთმანეთი, კვლავ იღვწოდნენ და განაგრძობდნენ სიკეთის ჩადენას. მაგრამ ქ-ნი ვაილის ცივ სათნოებას მისი ქმრის ირონიაზე უკეთ როდი აფასებდნენ; ხოლო რადგან მეტისმეტად ამაყნი იყვნენ და არ გაჰყვიროდნენ, რომ სიკეთეს სჩადიან, ან აპირებენ ჩაიდინონ,

მათს თავდაპირილობას გულგრილობად აცხადებდნენ, კარჩაკეტილობას კი ეგოიზმად ნათლავდნენ. მაგრამ რაც უფრო აშკარად გრძნობდნენ, რომ ხალხს მათზე ასეთი წარმოდგენა ჰქონდა, ვაილები მით უფრო ნაკლებ ირჩებოდნენ, რომ მათთვის აზრი შეეცვლევინებინათ. მრავალი მათი თანამოქმდის უბოდიშო მოუხრიდებლობის საპირისპიროდ, ცოლ-ქმარი ვაილები იმ თავდაპირილი გულ-ჩათხრობილობის მსხვერპლი გამხდარიყვნენ, რომელშიაც ესოდენი სიამაყე იმა-ლებოდა.

დაბოლოს, პირველ სართულზე, რამდენიმე საფეხურით პატარა ბაღში რომ ჩადიოდა, ცხოვრობდა კოლონიური საარტილერიო ჯარების გადამდგარი ოფიცერი, მაიორი შაბრანი. ამ ჯერ კიდევ ჯანმბაგარსა და მხნე კაცს ბრწყინვალე ბრძოლები ჩაეტარებინა სუდანში და მადაგასკარზე; მერე უეცრად ყველაფერი ჯანდაბას გაუყენა, ამ სახლში მოიკალათა, ჯარის გაგონება აღარ სურდა და დილიდან საღამომდე ყვავილნარს ჩიჩქნიდა, ან ფლეიტაზე ვარჯიშობდა წარუმატებლად, ანდა პოლიტიკაზე განაწყენებული ებუზღუნებოდა და ტუქსავდა თავის ქალიშვილს, რომელსაც აღმერთებდა. ეს გახლდათ ოცდაათიოდე წლის არცთუ მზეთუნახავი, მაგრამ ფრიად სანდომიანი ყმაწვილი ქალი, რომელიც მამის სიყვარულით ვერ გათხოვილიყო, რომ მარტოკა არ დაეტოვებინა იგი. ფანჯარაზე გადაყუდებული კრისტოფი ხშირად ხედავდა მამა-შვილს, რომელთაგან მის ყურადღებას, ბუნებრივია, უფრო ასული იპყრობდა, ვიდრე მამა. ნაშუადღევს ქალიშვილი მეტწილად ბაღში ატარებდა: კერავდა, ოცნებობდა, თავს ევლებოდა ყვავილებს და მუდამ დაყვავებით უპასუხებდა თავის ბუზღუნა მამას. კრისტოფს ამოესმოდა ქალიშვილის წყნარი, მკაფიო ხმა, რომელიც სიცოლის კილოთი ეხმიანებოდა ერთთავად აღრენილ მაიორს, გაუთავებლად ბოლთას რომ სცემდა ქვიშამოყრილ ხეივანში; მერე კაცი სახლში შებრუნდებოდა, ქალიშვილი კი ბაღში რჩებოდა, იჯდა სკამზე, საათობით კერვაში გართული, ერთ მდგომარეობაში გარინდული და გაურკვეველი ღიმილი დასთამაშებდა ბაგეზე; ამასობაში, საქმეგამოლეული ოფიცერი შინ თავის ფლეიტას აწრბინებდა, ანდა, ეს რომ მოსწყინდებოდა, ახლა მოშლილ ფისპარმონს ააქყვიტინებდა, რაც ხან აცინებდა, ხან აღიზიანებდა კრისტოფს (გააჩნია, როგორ გუნებაზე შეხედებოდა).

ყველა ეს ადამიანი გვერდიგვერდ ცხოვრობდა ამ სახლში, ფასადი ბაღის კედლებით რომ ჰქონდა ჩაკეტილი და ქვეყნის ორომტრიალს გაცლილნი ერთმანეთისგანაც შეუღწევი ზღუდეებით გათიშულიყვნენ. მხოლოდ კრისტოფი, თანაზიარობის შინაგანი მოთხოვნილებითა და მჩქეფარე ცხოველყოფილობით, ჰფენდა ყველას, მათდა შეუცნობლად, თავის უხვ თანაგრძნობას — ბრმასა და, ამავე დროს, ყოვლისმხილველს. კრისტოფს არ ესმოდა მათი არ ძალედვა მათი გაგება: მას არ გააჩნდა ოლივიესებრი სულში ჩახედვის უნარი, მაგრამ უყვარდა ისინი, თავს მათს მდგომარეობაში იყენებდა უნებლიეთ, და ნელ-ნელა, თითქოს იღუმელ მოქცევათა ძალით, კრისტოფის გონებაში ამოტივტივდა ამ ახლობელ

და, ამასთანავე, შორეულ სიცოცხლეთა ბუნდოვანი გაგება: მგლოვიარე მანდილოსნის ძაძებში გაყინვა; აბატის, ებრაელის, ინჟინრისა და რევოლუციონერის ამაყი და სტოიკური გულჩათხრობილობა, ნაზი გრძნობისა და რწმენის მკრთალი, საამო ალი, უხმაუროდ რომ ფერფლავდა ცოლ-ქმარ არნოების გულეებს; უბრალო ხალხისგან გამოსული კაცის გულუბრყვილო მისწრაფება განათლებისაკენ; მაიორის გულში ჩაყლული ამბოხი და მისი უსარგებლო ყოფა; ბოლოს, იასამნის ჩრდილში მეოცნებე ქალიშვილის უდრტვინეული სიმშვიდე. ხოლო ამ ადამიანთა სულების მღუმმარე მუსიკაში ჩაწვდომა კი მარტოდმარტო კრისტოფს ძაღედვა; თვითონ მათ იგი არ ესმოდათ: ყველანი საკუთარ დარდებსა და ოცნებებში ჩანთქმულიყვნენ.

თუმცაღა ყველანი შრომობდნენ, — მოხუცი სკეპტიკოსი მეცნიერიცა და პესიმისტი ინჟინერიც, — აბატიცა და ანარქისტიც, ყველა ეს ამაყი თუ გულგატეხილი ადამიანები. სახურავზე კი კალატოზი თავისთვის ღიღინებდა.

კრისტოფი იმავე სულიერ მარტოობას ამჩნევდა სახლის გარეთაც, თვით საუკეთესოთა შორის, მაშინაც კი, როცა ისინი ერთ ჯგუფში გაერთიანებულყვნენ.

ოლივიემ მას პატარა ჟურნალის თანამშრომლები გააცნო, სადაც თვითონაც მოღვაწეობდა. ჟურნალს „ეზოპე“ ერქვა და დევიზად მონტენის სიტყვები ჰქონდა წამძღვარებული:

„ორ სხვა მონასთან ერთად, ეზოპე გასაყიდად გამოიყვანეს. მუშტარმა პირველ მონას ჰკითხა: რის გაკეთება იციო; მონამ, თავი ძვირად რომ დაეფასებინა, დაიტრაბახა, ოქროს კოშკებს ავაგებო; თავის ქებაში მას არც მეორე მონა ჩამორჩა. როდესაც ჯერი ეზოპეზე მიდგა და ჰკითხეს, შენ რაღა შეგიძლიაო, მან მიუგო: არაფერი. თუკი რამ იყო, სულ მაგათ მითთვისეს, ყველაფერი მაგათ სცოდნიათ“.

ეს გახლდათ აგდებული დამოკიდებულების აშკარა გამოხატულება იმათი „უტიფრობის“ მიმართ, ვინც, როგორც მონტენი იტყოდა, „ყველაფერი მარტო თვითონ იცის და ეჭვი არასოდეს ეპარება საკუთარ ცოდნაში“. სკეპტიკოსებად წოდებული ეს ეზოპელები სინამდვილეში ყველაზე მზურავლე რწმენით იყვნენ გამსჭვალული. მაგრამ ხალხის თვალში ირონიის ამ ნიღაპს, ბუნებრივია, მაინც-დამაინც დიდი მიმზიდველობა არ ჰქონია; პირიქით: იგი საწინააღმდეგო გრძნობასაც კი იწვევდა მათში. ხალხი მხოლოდ იმას მიჰყვება, ვინც მას უბრალო, ნათელ, კონკრეტულ და უტყუარ ცხოვრებაზე ესაუბრება. ხალხს მკლე ჭეშმარიტებას მსუყე ტყუილი ურჩევნია. სკეპტიციზმზე კი მხოლოდ მაშინ შეიძლება კიდევ დათანხმდეს, თუ მასში კეთილი ნატურალიზმის ან ქრისტიანული კერპთაყვანისმცემლობის მოზრდილი ულუფა იმალება. ეს უგულებელყოფილი პირონიზმი კი, რომელშიც გახვეულიყო ჟურნალი „ეზოპე“, შეიძლებოდა გა-

საგები ყოფილიყო მხოლოდ თითო-ორლა *alme sdegnose*¹ -თავის, ვინც დარწმუნებული იყო თავის შინაგან სიძლიერეში. მაგრამ სამოქმედოდ ეს ძალა უკვე უვარგისი გახლდათ.

ოუმცა ისინი აინუნშიც არ აგდებდნენ ამას. რაც უფრო დემოკრატიული ხდებოდა საფრანკეთი, თითქოს მით უფრო არისტოკრატიულდებოდა ფრანგების აზრი. მათი ხელოვნება, მათი მეცნიერება. სპეციფიკური ტერმინებით გაბუნდონებული მეცნიერება, თავისი ტაძრის სიღრმეში რომ შეფარებულიყო და მობურთულიყო სამშაგი რიდით, რომლის ახდა ხელდასხმულთ შეეძლოთ მხოლოდ, გაცილებით ნაკლებ მისაწვდომი გამხდარიყო, ვიდრე ბიუფონისა და ენციკლოპედისტების ხანაში. არც ხელოვნება ყოფილა ნაკლებ შეუვალი, უპირველეს ყოვლისა სწორედ ის ხელოვნება, რომელიც კვლავ ინარჩუნებდა პირად ღირსებას და თავყანასა სცემდა მშვენიერებას: იგი უგულვებლყოფდა ხალხს. თვით მწერალთა შორისაც კი, მოქმედებით გართულთ მშვენიერებისათვის რომ არ ეცალათ, ხოლო ზნეობრივ იდეალებს ესთეტიკურ იდეალებზე წინ აყენებდნენ, — ხშირად არისტოკრატიულობის უცნაური სულსიკვეთება სუფევდა. მგონი, საკუთარი გზების შინაგანი სიწმინდის დაცვას უფრო ესწრაფოდნენ, ვიდრე მკითხველებში მის ანთებას. თითქოს თავიანთი აზრების გამარჯვება კი არა, მხოლოდ მათი დადასტურება ეწადათ.

მართალია, მათ შორის ისეთებიც მოიძებნებოდნენ, ვინც სახალხო ხელოვნებისთვისაც იცლიდა. მაგრამ ერთნი — ყველაზე უფრო გულწრფელთაგანნი — თავიანთ ნაწარმოებებში აფრქვევდნენ ანარქისტულ, დამანგრეველ იდეებსა და სამერპისო, შორეულ ქემშარიტებებს, რომლებიც ასი წლის, ან ოცი საუკუნის შემდეგ თუ იქნებოდნენ სასიკეთო, დღესდღეობით კი მხოლოდ უქმად აღაგზნებდნენ და დაგავდნენ სულს; მეორენი მწუხარების აღმძვრელ ან გამთანგველი ირონიით აღსავსე პიესებს თხზავდნენ, რომლებიც თავის მოტყუებისათვის ნუგეშის აღარავითარ ნასახს აღარ უტოვებდნენ მკითხველს. მათი წაკითხვას შემდეგ კრისტოფი ორ დღეს გონს ვეღარ მოდიოდა.

— მერედა, ამას სთავაზობთ ხალხს? — კითხულობდა იგი და გული სიბრალულთი ევსებოდა იმ ადამიანების ცოდვით, რომლებიც თეატრში მიდიოდნენ, ეგებ რამდენიმე საათით მაინც გადაევიწყებინათ თავიანთი ტყვივლები, მაგრამ იქაც გულის დამაძმარებელი სანახაობებით უქასპინძლებოდნენ. — ამით ხომ საწყალ კაცს მთლად ბოლოს მოუღებ და ის იქნება!

— ნუ ღელავ;—მიუგებდა სიცილით ოლივიე.—ხალხი თეატრში არ დადის.

— ბარაქალა მის კეთილგონიერებას! გაგიყდით? თქვენ გინდათ მას უკანასკნელი მხნეობაც ჩაუკლათ?

— რატომ? განა მას კი არ მართებს, როგორც ჩვენ, მიხედვს ცხოვრების მწუხარებას და მაინც მხნედ გასწიოს თავისი უღელი?

¹ მკინეზარე სულნი (იტალ.) დანტეს „ღვთაებრივი კომედიიდან“, „ჯოჯობითი“, ქება VIII.

— მხნედ? ფრიად ვეჭვობ. მაგრამ, ყოველ შემთხვევაში, უხალისოდ მაინც-ხოლო თუ ადამიანს სიცოცხლის ხალისს წაართმევ. შორს ვეღარ წავა.

— რას იზამ? უფლება არა გაქვს, ჭეშმარიტებას უღალატო.

— მაგრამ არც იმის უფლება გაქვს, ყველას ყველაფერი ჩაუყენჭო.

— და ამას შენ ლაპარაკობ? შენ, რომელიც ყოველ ნაბიჯზე მხოლოდ ჭეშმარიტებას მოითხოვ, შენ, ვინც აცხადებ, რომ ამ ჭეყანაზე ყველაზე უფრო ჭეშმარიტება გიყვარს!

— დიხ, ჭეშმარიტებას მოვითხოვ ჩემთვის და იმათთვის, ვისაც საკმაოდ ძალა შესწევს, რომ იგი ზილოს. მაგრამ ჭეშმარიტება უთხრა ყველას — სისასტიკეა და სისულელე. ამას მე ახლა მივხვდი. სამშობლოში ეს აწარადაც არასოდეს მომივიდოდა; იქ, გერმანიაში, არ არიან თქვენებრ ჭეშმარიტების სენით შეპყრობილნი: ისინი მეტისმეტად მიჯაჭვულან ცხოვრებაზე და სიფრთხილის გამო ცდილობენ არ შეამჩნიონ ის, რისი დანახვაც არ სურთ. თქვენ სწორედ იმისათვის მიყვარხართ, რომ ასეთნი არა ხართ; თქვენ განხედლობა გაქვთ და ღიად თამაშობთ. მაგრამ უღმობელნი ხართ: მოგეჩვენებათ თუ არა, რომ ჭეშმარიტება გამოჩხრიკეთ, მყისვე გინდათ ჭეყანას მოჰფინოთ იგი და არ განაღვლებთ, ვაი თუ მან, კუღზე ცეცხლწაკიდებული ბიბლიური მელიების წაგაესად, ხანძრის ალში გაახვიოს მთელი სამყარო. ჭეშმარიტება რომ პირად ბედნიერებას გირჩევნიათ, ამისათვის პატივს გცემთ, მაგრამ როდესაც იგი სხვის ბედნიერებას ეშუქრება... აქ უკვე ფრთხილად! მოუჭრეფავში გადადიხართ. ჭეშმარიტება საკუთარ თავზე მეტად უნდა გიყვარდეს, მაგრამ მოყვანი უფრო მეტად, ვიდრე ჭეშმარიტება.

— გამოდის, რომ უნდა მოატყუო.

კრისტოფმა გოეთეს სიტყვებით უპასუხა:

„უმადლეს ჭეშმარიტებათა შორის, ჩვენ მხოლოდ მათი ხვამალა გამოთქმის უფლება გვაქვს, რომელთაც სიკეთის მოტანა შეუძლიათ კაცობრიობისათვის; დანარჩენი გვმართებს გულში დავიტოვოთ: დაე, მათი ნათელი, ვითარცა დამალული მზის ნეტარი შუქი, აცისკროვნებდეს ყოველ ჩვენს მოქმედებას“.

მაგრამ ასეთი სინდისის ქეჩნის გრძნობას მოკლებული იყვნენ ფრანგი მწერლები. ისინი სულაც არ ირჯებოდნენ იმაზე ფიქრით, რას ტყორცნიდა მათს ხელში მოზიდული მშვილდი — „იდეისა“ — „სიკვდილის“ ისარს, თუ ორივესას ერთად. ისინი მეტისმეტად ინტელექტუალურები იყვნენ. მაგრამ არ ჰყოფნიდათ სიყვარული. როდესაც ფრანგს აზრი გაუჩნდება, მას სწაღია, თავს მოახვიოს იგი ყველას. მას სწაღია ეს მაშინაც, როცა აზრი საერთოდ არ გააჩნია; ხოლო რაკი ხედავს, რომ ამას ვეღარ ახერხებს. მოქმედების ყოველგვარი ხალისი ეკარგება. აი, რატომ იყო, რომ ეს რჩეულნი არ ერაოდნენ პოლიტიკაში. ყველა საკუთარ რწმენაში, თუ ურწმენობაში ჩაკეტილიყო.

ღიდი მეცადინეობა გახდა საჯირო იმისათვის, რომ ეს ინდივიდუალიზმი

დაეძლიათ და ჭგუფები ჩამოეყალიბებინათ; მაგრამ მათი უმრავლესობა მყისვე ლიტერატურულ საღაპროებად იქცეოდა, ანდა სასაცილო ფრაქციებად იყოფოდა. ყველაზე საუკეთესონი ერთმანეთს ბურტყულს აცლიდნენ. მათ შორის შესანიშნავი პიროვნებანიც მოიპოვებოდნენ, აღსავსენი ძალითა და რწმენით, რომლებიც მოწოდებული იყვნენ შეეკავშირებინათ და წინ გასძლოლოდნენ კეთილი ნების, მაგრამ სუსტი ნებისყოფის ადამიანებს. მაგრამ ყველას თავისი ნახირი ჰყავდა და არავინ თანხმდებოდა სხვის სამწყსოში შეერია იგი. ამრიგად, ეს ერთი მუჰა ინტელიგენცია დაქსაქსული იყო პატარ-პატარა ჟურნალებად, კავშირებად, საზოგადოებებად, რომლებსაც ყველა ზნეობრივი ღირსება გააჩნდა, გარდა ერთისა — უარი ეთქვა საკუთარ პატივმოყვარეობაზე: რადგან არც ერთ დაჯგუფებას არ სურდა თავი დაემდაბლებინა მეორის წინაშე; და ასე, მცირერიცხოვან და კიდევ უფრო მცირეიბლთან, პატიოსან მკითხველთა ციკქნა ყურადღებისათვის ერთმანეთთან კინკლაობაში ამოსდიოდათ სული, სანამ როგორღაც კიდევ ბოგინობდნენ სისხლისაგან დაცლილნი და შიმშილისაგან გამოლასტულნი; ბოლოს იშლებოდნენ ისე, რომ ვეღარასოდეს აღმდგარიყვნენ, მაგრამ არა მტრის ხელით, არამედ — (რაც ყველაზე გულსატკენია) — თავიანთივე მოკავშირეთა ხელით. სხვადასხვა პროფესიის ადამიანები — ლიტერატორები, დრამატურგები, პოეტები, პროზაიკოსები, ლექტორები, მასწავლებლები, ჟურნალისტები — უამრავ პატარ-პატარა კასტებს ქმნიდნენ, რომლებიც, თავის მხრივ, კიდევ უფრო მცირე კასტებად იყოფოდნენ და შეუვალი გამხდარიყვნენ ერთიმეორისათვის. ყოველგვარი ურთიერთობა გაწყვეტილი იყო. არ ყოფილა საკითხი, რომლის ირგვლივ ერთსულოვნება ყოფილიყო საფრანგეთში, გარდა იმ იშვიათი შემთხვევებისა, როდესაც ეს ერთსულოვნება ეპიდემიურ ხასიათს ღებულობდა და, ჩვეულებრივ, მცდარი საფუძველი ჰქონდა, რადგან ავადმყოფური ალტყინების შედეგს წარმოადგენდა. ფრანგული ცხოვრების ყველა დარგში, — როგორც მეცნიერულ კვლევა-ძიებაში, ისე კომერციაში, — გამეფებული იყო ინდივიდუალიზმი, რომელიც ხელს უშლიდა ვაჭრებს, გაერთიანებულიყვნენ და მწარმოებელთა კავშირები ჩამოეყალიბებინათ. ეს ინდივიდუალიზმი მქდავდებოდა არა უბრალო მაღალფარდოვნებასა და მყვირალა თავშეკავებულობაში, არამედ ჩაბუდებულიყო ადამიანებში, ძვალრბილში გასჭდომოდა მათ, თავისთვის ყოფილიყვნენ, გასაყოფი არავისთან არაფერი ჰქონოდათ, ყველასთან არ გათქვეფილიყვნენ, რომ მათი უპირატესობით დაჩრდილულთ თავიანთი ამაყი განმარტოების მყუდროება არ დარღვეოდათ — აი, თითქმის ყველა იმ ადამიანის იდუმალი აზრი, რომლებიც „ცალკე“ ჟურნალებს, „ცალკე“ თეატრებსა და „ცალკე“ დაჯგუფებებს ქმნიდნენ; ჟურნალები, თეატრები, დაჯგუფებები თავიანთი არსებობის გამართლებას უმეტესად იმაში ხედავდნენ, რომ არ სურდათ ყოფილიყვნენ სხვების მხარეზე, უნარი არ შესწევდათ დარაზმულიყვნენ მათთან ერთად საერთო საქმის ან საერთო აზრის გარემო, არ ჰქონდათ მათი ნდობა, უკეთუ გათიშუ-

ლი არ იყვნენ პარტიული შუღლით, რომელსაც ერთიმეორისათვის წაეკიდები-
ნა ადამიანები, ყველაზე მეტად ერთმანეთის გაგება რომ მოეკითხე-
ბოდათ.

მაშინაც კი, როცა ურთიერთპატივისცემით გამსჭვალული ინტელექტუა-
ლები, ყურნალ „ეზოპეს“ ირგვლივ შემოკრებილ ოლიგივესა და მის თანამოკალ-
მეთა მსგავსად საერთო ამოცანით გაერთიანებულიყვნენ, მათ ურთიერთობას
მუდამ სიფრთხილის დადი აჩნდა და ისინი მოკლებული იყვნენ გერმანელთათ-
ვის ჩვეულ ლად გულლიათობას, ხშირად ასე მოსაბეზრებელი რომ ხდება ხოლმე.
ამ ახალგაზრდა კალმოსანთა ჯგუფში კრისტოფს განსაკუთრებით ერთი პიროვ-
ნება¹ იზიდავდა: იგი მასში არაჩვეულებრივ ძალას გრძნობდა; ეს გახლდათ
რკინისებური ლოგიკისა და მტკიცე ნებისყოფის მწერალი, შთაგონებული მა-
ღალი ზნეობრივი მრწამსით, რასაც არასოდეს დალატობდა და მზად იყო შეეწუ-
რა მისთვის მთელი სამყარო და თვით საკუთარი თავიც კი; ეს მრწამსი რომ
დაეცვა, მას დაეარსებინა ყურნალი, რომელშიც მთელი მასალის დამუშავება
თითქმის მარტოს უხდებოდა; მას ფიცი დაედო, რომ აიძულებდა საფრანგეთსა
და ევროპას, წმინდა, თავისუფალი და გმირული საფრანგეთის იდეა ელიარე-
ბინათ; მას მტკიცედ სწამდა, დადგებოდა დღე, როდესაც ყველა გაიგებდა, რომ
იგი ფრანგული აზრის ისტორიაში ერთ-ერთ ყველაზე გაბედულ ფურცელს
წერდა; იგი არც ცდებოდა. კრისტოფს სწაღდა მასთან დაახლოება და ნაცნო-
ბობის გაბმა, მაგრამ ვერ ხერხდებოდა. თუმცა ოლიგივეს ხშირად უხდებოდა
მასთან ურთიერთობა, მაგრამ მათი საუბარი ყოველთვის მოკლე იყო და მხო-
ლოდ საქმეს შეეხებოდა; პირადულ ამბებს არასოდეს იკითხავდნენ; დიდი-დიდი,
ორიოდე განყენებული აზრი გაზიარებინათ ერთიმეორისათვის; უფრო სწო-
რად (რადგან მეტი სიზუსტისათვის უნდა ითქვას, რომ ყველა თავ-თავის თვალ-
საზრისზე რჩებოდა და არაერთიანი გაზიარება არ ხდებოდა), რიგრიგობით მო-
ნოლოგებს წარმოთქვამდნენ ერთმანეთის წინაშე. მიუხედავად ამისა, მაინც
ქეშმარიტი თანამებრძოლები იყვნენ და ამხანაგის ფასიც იცოდნენ.

ამ გულჩათხრობილობას მრავალი მიზეზი ჰქონდა, რომელთა ახსნა თვი-
თონვე გაუჭირდებოდათ. უპირველეს ყოვლისა, მეტისმეტი მიდრეკილება კრი-
ტიკისადმი, რომელიც ულმოზელი სიცხადით ააშკარავებს ადამიანთა ხასია-
თებს შორის გადაულახავ განსხვავებებს, და მეტისმეტი ინტელექტუალიზმი,
ამ განსხვავებებს გადაჭარბებულ მნიშვნელობას რომ ანიჭებს; აგრეთვე უქონ-
ლობა იმ მხურვალე და წრფელი თანაგრძობისა, რომელიც წარმოუდგენელია
უსიყვარულოდ და მხოლოდ მის გულში ღვივის, ვისაც სჭირდება უყვარდეს
და სიყვარულში დაიფერფლოს, რომ იცოცხლოს. შესაძლოა ამის მიზეზი ყო-
ფილიყო კიდევ მოვალეობის შეგნების წელშიგამწყვეტი ტვირთი, მეტისმეტად
მძიმე ცხოვრება და უკიდურესი დაძაბულობა აზრისა, სადამოობით მეგობრულ

¹ შარლ ჰეგი. — რ.რ.

საუბრების ხალისს რომ გისპობს. ბოლოს კი, ის საშინელი გრძნობა, რომლის გამხელისა ეშინია ყოველ ფრანგს თვით საკუთარ თავთან, თუმცა ნიადაგ გულში უბორავს: საფრანგეთის მკვიდრი ყველა ფრანგი არ არის; სხვადასხვა ებრაჲნი საფრანგეთის მიწა-წყალზე დასახლებულა სხვადასხვა მოდემის ხალხი, რომელიც ერთ ერად გაერთიანებულან, მაგრამ განსხვავებულად აზროვნებენ და, საერთო სარგებლობასათვის, არც უნდა ინატრონ ერთსულფონება. ხოლო ყველაფერ ამას დაუმატეთ თავისუფლების დამათრობელი და საზიფათო ვნეზაც: თუ ერთი გემო გაუსინჯე, მერე რალას არ ანაცვლებ მას; ეს თავისუფლების მომნიჭებელი მარტობა ნით უფრო ძვირფასია, რამდენადაც იგი მრავალი წლის გამოცდილების ფასად არის შეძენილი. რჩეულნი მას იმიტომ ელტვიან, რომ თავი დააღწიონ უფერული ყოველდღიურობის მონობას. განმარტობა სპასტუბო რეაქციაა რელიგიური და პოლიტიკური ბლოკების ტირანიის წინააღმდეგ. ოჯახის, საზოგადოებრივი აზრის, სახელმწიფოს, საიდუმლო კავშირების, პარტიების, წრეებისა და სკოლების სახით უზარმაზარ ტვირთად რომ აწვება და გულეტს პიროვნებას საფრანგეთში. წარმოიდგინეთ ტუსალი, რომელსაც ტყვეობიდან გასაქცევად ოცი პირი ზღუდე მინც აქვს გადასალახავი; ბოლომდე რომ მიადწიოს, თუ მანამდე კისერი არ მოიტეხა, იგი ძალზე ძლიერი უნდა იყოს. მკაცრი სკოლაა თავისუფალი ნებისყოფისათვის! ხოლო იმათ კი, ვინც ამ სკოლას გაივლის, სამუდამო დადი დააჩნდებათ მთელი ცხოვრების მანძილზე — თეთრყოფობის ჟინი შეიპყრობთ და ვერასოდეს ველარავის იგუზენ.

სიამაყის მარტობის გარდა, არსებობდა კიდევ ცხოვრებისაგან განდგომის სურვილით გამოწვეული მარტობა. რამდენი პატიოსანი ადამიანი საფრანგეთში თავის გულკეთილობას, პირად სიამაყესა და სიყვარულის უნარს იძულებული გაუხდია, ბოლოს ყველაფერზე უარი ეთქვა! ათას საპატიო თუ არასაპატიო მიზეზს ხელი აუღებინებია მათთვის მოქმედებაზე. ზოგისათვის ეს ყოფილა ხათრიანობა, მორიდებულობა და ჩვეულების ძალა. სხვებისათვის — ადამიანის ღირსების პატივისცემა, სასაცილოდ გამოჩენის შიში, იმის შიში, რომ ყველას ყურადღების ცენტრში არ აღმოჩნდეს, ბრბოს სალაპარაკო არ გახდეს, გულწრფელა საქციელი ანგარებით არ ახსნან. ერთნი უარს ამბობენ პოლიტიკურ და სოციალურ ბრძოლაში მონაწილეობაზე, მეორენი თავს არიდებენ საქველმოქმედო საზოგადოებებთან თანამშრომლობას, რადგან ხედავენ, რომ მხოლოდ თითო-ორი ვინმეს თუ ამობრავებს საკუთარი სინდისი და ნაძვილად კეთილი ზრახვა, და შიშობენ, ისინიც მათსავით თაღლითებად ანდა ბრიყვებად არ ჩათვალონ. ხოლო თითქმის ყველას ემჩნევა გულაცრუება და დაღლა, ყველას ბორკავს მოქმედების, ტანჯვის, სიმახინჯის, სისულელის, რისკისა და პასუხისმგებლობის შიში და ის საშინელი „რისთვის“, რომელიც დღესაც ბევრ ფრანგს უსპობს კეთილ ნებას. ისინი მეტისმეტად ჭკვიანები არიან (თუმცა მათს ჭკუას ფრთები აქვს შეკვეცილი) და მეტისმეტად თვალნათლივ

ხედავენ ყველა „რატომს“ და ყველა „იმიტომს“. არ ჰყოფნით ცხოველმყოფელობა. აკლიათ სიცოცხლის უნარი. როდესაც სიცოცხლისუნარიანი ხარ, არ კითხულობ, რისთვის ცხოვრობ; ცხოვრობ იმისათვის, რომ იცოცხლო, რადგან სიცოცხლე — ეს შესანიშნავი რამ არის!

დასასრულ, ყველაზე უკეთესთ ხელ-ფეხს უკრავს მიმზიდველ, მაგრამ არასახარბიელო თვისებათა ერთობლიობა: წყნარი ფილოსოფია, სურვილების ზომიერება, ერთგულება ოჯახის, მშობელი მიწისა და ზნე-ჩვეულებებისადმი, თავდაპირველობა, აკვიატების, თავის მობეზრების შიში, გრძნობების გამომყვანების სირცხვილი, მუდმივი თავშეკავებულობა. ყველა ეს სათნო და მომხიბლავი თვისება ზოგიერთ შემთხვევაში შესაძლოა კიდევ ეთანხმებოდეს სულიერ სიმშვიდეს, შინაგან მხნეობასა და გულმხიარულებას; მაგრამ ამჯერად იგი აშკარად დაკავშირებული იყო ფრანგული ცხოვრების სისხლნაკლებობასა და სიცოცხლისუნარიანობის თანდათანობით დაქვეითებასთან.

დაბლა, კრისტოფისა და ოლივიეს სახლის წინ გაფურჩქენილი ტურფა პანარი, ოთხივე მხრივ მაღალ კედლებში, როგორც ორმოში რომ იყო გამოწყვდეული, ამ მინიატურული საფრანგეთის სიმბოლოს განასახიერებდა. ეს გახლდათ პატარა მწვანე კუთხე, გარე სამყაროსათვის დახშული. მხოლოდ სოკაკურ. მძინვარე ქარის კორიანტელი თუ შეაღწევდა შიგ და მეოცნებე ქალიშვილს შორეული ველებისა და ვრცელი მდლეობის სუნთქვას აგრძნობინებდა.

ახლა, როცა კრისტოფი იწყებდა მიხვედრას, რა ფარულ ძალთა საბაღოები არსებობდა საფრანგეთში, იგი აღეშფოთებინა იმას, რომ ასეთი ქვეყანა ვიღაც ვიგინდარების საჯიჯგინი გამხდარიყო. ის ბინდით მოცული ყოფა, რომელშიაც ეს მღუშარე რჩეულნი ჩაძირულ-ყვნენ. კრისტოფს სულსშემხუთველი ეჩვენებოდა. სტოიციზმი მხოლოდ უკბილოთათვის ვარგა. მას კი სივრცე, ფართო აუდიტორია, დიდების მზე და ათასობით ადამიანის სიყვარული სჭირდებოდა, სურდა გულში ჩაეხუტებინა ნოყვარე, გაეცამტვერებინა მტერი, ებრძოლა და გაემარჯვა.

— შენ ეს ძალგიძს, — უთხრა ოლივიემ, — ძლიერი ხარ და შექმნილი იმისათვის, რომ გაიმარჯვო; საამისოდ, ყველა შენს სათნობასთან ერთად, მომიტევე, მაგრამ ყველა საჭირო ბიწიც გაგაჩნია. ზედი ვწყალობს, ეკუთვნოდე ერს, რომელიც მეტისმეტ არისტოკრატიობაზე თავს არა სდებს. ბრძოლა არ გეთაკილება. საჭიროების შემთხვევაში პოლიტიკურ მოღვაწეობასაც კი არ მოერიდებოდი!.. ამის გარდა, ვერ წარმოიდგენ, რა ბედნიერი ხარ, რომ შენს სათქმელს მუსიკით გამოხატავ. შენი არ გაეგებათ და ყველაფერი შეგიძლია თქვა. ამ აღამიანებმა რომ იცოდნენ, მათდამი რა ზიზღი იმალება შენს მუსიკაში, რახელა რწმენა იმისა, რასაც ისინი უარყოფენ, ესმოდეთ მარადიული ჰიმნი, აუღვრებელი იმის სადიდებლად, რის ჩაკვლასაც ისინი ესურაფვიან, — არ გაპატიებდნენ: გასაქანს არ მოგცემდნენ, დევნას დაგიწყებდნენ და ისე გაგაწამებდნენ,

რომ მთელ შენს საუკეთესო ძალებს მათთან ბრძოლაში გაფლანგავდი; მერე, გამარჯვებული რომც გამოსულიყავი, ძალა აღარ გეყოფოდა, შენი საქმე დაგესრულებინა — შენი ცხოვრებაც დასრულდებოდა. გენიოსები აღიარებას იმის წყალობით აღწევენ, რომ გაუგებარნი რჩებიან უბრალო მოკვდავთათვის. ნათში აღტაცებას ჰგვრით სწორედ ის, რის საპირისპიროც სინამდვილეში ისინი არიან.

— უჰ! — წამოიძახა კრისტოფმა. — არ იცით, რა ლაჩრები ბრძანდებიან თქვენი ბატონები, პირველად მეგონა, მარტო იყავი და გაპატიე უმოქმედობა. თურქე თანამოაზროვნეთა მთელი ლაშქარი ყოფილხართ, თქვენს მჩაგვრელებზე ასჯერ უფრო ძლიერნი და ათასჯერ უფრო ღირსეულნი, მაგრამ საშუალებას აძლევთ მორჩილებაში გიყოლიონ თავიანთი უტიფრობით! თქვენი ველარაფერი გამოიგია! ყველაზე ლამაზი ქვეყანა თქვენა გაქვთ, ყველაზე ჰკვიანი აზრი თქვენში იბადება, ყველაზე კაცთმოყვარული გრძნობა თქვენგან მოდის, მაგრამ: რა გამოვიდა ამით? ერთი მუჟა არამზადების ხროვას ნებას აძლევთ, გიბრძანებლონ, შეუარაცხკონ და ფეხქვეშ გაათელონ! გონს მოდიოთ, რა ეშმაკი შეგიჯდათ! ნუ ელით, ვიდრე ღმერთი გადმოგხედავდეთ, ან ახალი ნაპოლეონი მოგვევლინებოდეთ! აღსდექით, გაერთიანდით, საქმეს მოჰკიდეთ ყველამ ხელი და გამოგავეთ თქვენ-თქვენი საკუთარი სახლი!

ხოლო ოლივიემ, დაღლილობის გამომხატველი დამცინაობით, მხრები აიჩეჩა და წარმოთქვა:

— აბა მუშტი-კრივი ვაუშმართოთ? არა, ეს ჩვენი ხელობა არ განლავს. ჩვენ უფრო მნიშვნელოვანი საქმე გვაკისრია. მე ზიზღსა მეგობრის ძალმომრეობა.. ძალიან კარგად ვიცი, რა მოჰყვებოდა მას. გაბოროტებული ბებერი უიღბლოები, გულუბრყვილო ყმაწვილი როიალისტები, ძალადობისა და სიძულვილის ბილწი მოციქულნი სათავეში მოექცეოდნენ ჩემს მიერ წამოწყებულ ბრძოლას და წარყვნიდნენ მას. შენ რა, სიძულვილის ძველისძველ დევისს ხომ არ გინდა დამბარუნო: *Fuori Barbari!* ანდა: საფრანგეთი ფრანგებს!

— რატომაც არა? — მიუგო კრისტოფმა.

— არა, ეს სიტყვები ფრანგი ადამიანის სულისკვეთების გამომხატველი არ არის. ამაოდ ცდილობენ ამგვარი ფრაზები პატრიოტიზმად გაასაღონ ჩვენში. იგი მხოლოდ ბარბაროსების სამშობლოებს გამოადგებათ. ჩვენი სამშობლო სიძულვილისათვის როდია შექმნილი. ჩვენი ხალხის გენია სხვათა უარყოფით ან დანგრევით კი არ მკვიდრდება, არამედ მათი შთანთქმით. მოუშვიოთ ჩვენთან უუბარი ჩრდილოეთიცა და ყბედი სამხრეთიც...

— შეხამიანი აღმოსავლეთიც?

— შეხამიანი აღმოსავლეთიც; მასაც ისევე შთანთქმავთ, როგორც დანარჩე-

1 გაეთრიათ ბარბაროსებო! (იტალ.).

ნები გადავყლაპეთ. რამდენი მაგისტანა გადაგვისანსლავს! სასაცილოდ არ მყოფნის მისი გამარჯვებული გამომეტყველება (ისევე, როგორც ზოგიერთი ჩემი თანამოძმის სულმოკლეობა). საწყალს ჰგონია, რომ დავგვიპყრო და იბღინებდა ჩვენს ბულვარებზე, ჩვენს გაზეთებსა და ჟურნალებში, ჩვენი თეატრების სცენებსა და ჩვენი პოლიტიკის ასპარეზზე. სულელი! თვითონ კია დამარცხებული! როცა დარწმუნდება, რომ ჩვენ უკვე გავათავა, სწორედ მაშინ თავად მოედება ბოლო. გალისა¹ მაგარი კუჭი აქვს: ამ ოც საუკუნეში მან არაერთი ცივილიზაცია მოინელა. ჩვენზე ველარავითარი შხამი ველარ მოქმედებს... დაე, თქვენ, გერმანელებს გეშინოდეთ! თქვენ გჭირდებათ შეინარჩუნოთ სიწმინდე, თორემ ვადაშენდებით. ჩვენთვის კი მთავარია არა სიწმინდე, არამედ უნივერსალურობა. თქვენ იმპერატორი გყავთ, დიდი ბრიტანეთიც იმპერიას ეძახის თავის თავს; სინამდვილეში კი ყველგან ჩვენი ლათინური სული მეფობს. ჩვენ ქალაქ-მსოფლიოს მოქალაქენი ვართ. Urbis. Orbis².

— ყველაფერი კარგად მიდის, — მიუგო კრისტოფმა, — სანამ ერი ჯანმრთელია და ძალების გაფურჩქვნის ხანაში იმყოფება. მაგრამ ერთ მშვენიერ დღეს მისი ენერგია იშრითება; მაშინ მას უცხოური გავლენის მოზღვავეებისაგან წალეკვა ემუქრება. ჩვენს შორის დარჩეს და, ხომ არ ატყობ, რომ ეს დღე უკვე დამდგარა?

— რამდენჯერ ეგონათ ასე საუკუნეთა მანძილზე! იმდენჯერ ჩვენმა ისტორიამ გააქარწყლა ეს შიში. ჩვენ არაერთი უფრო მძიმე განსაცდელი გადავიტანია ორლენელი ქალწულის დროიდან მოყოლებული, როცა ჯერ კიდევ უკაცრიელ პარიზში მგლის ხროვები დაძრწოდნენ. ჩვენი დღეების აღვირახსნილი გარყვნილება, მარტოოდენ ხორციელი ტკბობით გატაცება, უნებისყოფობა და ანარქია ოდნავაც არ მაშინებს. მოთმინება! ვისაც გადარჩენა სურს, უნდა გაუძლოს. მშვენივრად ვიცი, რომ შემდეგში ეს სხვა მორალური ვითარებით შეიცვლება, რომელიც იქნებ არც სჯობდეს დღევანდელს და ალბათ არანაკლებ ლანძღვა-გინებას გამოიწვევს: მის მომხრეთა შორის ნაკლებ თავგამოდებული როდი აღმოჩნდებიან ისინი, ვინც დღეს საზოგადოების კორუფციის ხარჯზე განცხრომით ცხოვრობს!.. მაგრამ ჩვენ რა? ეს ცვალებადობანი ოდნავაც ვერ ეხება საფრანგეთის ნამდვილ ხალხს. დამპალი ნაყოფი ვერ ალპობს ხეს. იგი ძირს ვარდება. ამ ადამიანებს ცოტა რამ აკავშირებთ თავიანთ ერთან! ისინი გინდა ყოფილან, გინდ არა. ღირს კი მათს წინააღმდეგ კავშირები ჩამოვაყალიბო და რევოლუციები მოვაწყო? დღევანდელი სენი წყობილების შედეგი როდია. იგი კეთრია, რომელსაც ფუფუნება იწვევს; ეს ადამიანები ერის ქონებრივი და გონებრივი სიმდიდრის პარაზიტები არიან: ისინი გაქრებიან.

— როცა მთლიანად გამოგხრავენ.

¹ გალია — საფრანგეთის ძველი სახელწოდება.

² ქალაქისა. მსოფლიოსი. (ლათ.).

— ისეთ ხალხზე როგორც ფრანგი ვერია, უფლება არა გაქვს გული გაი-
ტნოს. მასწი იმდენი ფარული ღირსება. სინათლისა და ქმედითი იდეალიზმის
ისეთი ძალაა, რომ იგი იმათაც გადაედებათ ხოლმე, ვინც მას კისერზე ასხედან
და სისხლსა სწოვენ. ხარბი პოლიტიკოსებიც კი ვერ აღწევენ თავს მის გრძნე-
ბას. თვით ყველაზე გონებაშეზღუდულნი, ხელისუფლების სათავეში რომ მო-
ექცევიან, აღტაცებაში მოჰყავს მისი ბედისწერის სიღიადეს: იგი მათ საკუთარ
თავზე ამადლებს; ხელიდან ხელში გადასცემს მათ თავის ჩირაღდანს, და ისინი.
ერთმეორის მიყოლებით, განაგრძობენ წმიდათაწმიდა ომს წყევლიადის წინა-
აღმდეგ. მათ აღაფრთოვანებთ თავიანთი ხალხის გენია, და, ნებსით თუ უნებ-
ლით, აღასრულებენ იმ ღმერთის კანონს რომელსაც უარყოფენ — *Gesta
Dei per Francos...*¹ ძვირფასო სამშობლოვ, მშობელო მხარეე, შენში ეკვი არა-
სოდეს შემეპარება! ხოლო თვით შენი სასიკვდილო განსაცდელის ყამმაც რომ
დაჰკრას, იგი მხოლოდ სიამაყით აღავსებს ჩემს გულს, რამეთუ შევასრულეთ
ზვენი მისია ამ ქვეყანაზე. სრულიადაც არ მინდა, რომ ჩემი საფრანგეთი ავად-
მჯოჯივით შინ ჩაიკეტოს და ჰაერზე გამოსვლია ეშინოდეს. არა მსურს სული
გაცოდვილო. ვისაც ჩვენისთანა დიდება ღირსებია, ურჩევნია მოკვდეს, ვიდრე
დაჰკინდეს. დაე. მთელი მსოფლიოს აზრმა გადმოჩქეფოს ჩვენს ნააზრევში! მე
ამისი არ მეშინია. წყალდიდობა ჩაივლის და მისი შლაში ჩემს ნიადაგს გაანო-
ყიერებს.

— საბრალო ბავშვო, — უთხრა კრისტოფმა. — დღესდღეობით სასიხარუ-
ლოს ვერაფერს ვხედავ. ხოლო სანამ შენი საფრანგეთი ამ ნილოსიდან ამოყვინ-
თავს, შენი ძვლებიც აღარ იქნება. არა სჯობდა გებრძოლა? ბრძოლაში, შესაძ-
ლაა, გემუქრებოდა მხოლოდ დამარცხება, რომლისთვისაც შენი ნებით განწი-
რულხარ მთელი ცხოვრების მანძილზე.

— დამარცხებაზე გაცილებით მეტი გემუქრებოდა, — მიუგო ოლივიემ. —
მე გემუქრებოდა გონების სიმშვიდის დაკარგვა, საკუთარი გონების სიმშვიდეს
კი გამარჯვებაზე უფრო ვაფასებ. არ მინდა მძულდეს. მინდა საპართლიანი
დავრჩე თვით ჩემი მტრების მიმართ. ვნებათა აღტყინების ყამსაც კი მსურს შე-
ინარჩუნო საღი აზრი, ყველაფერი გავიგო და ყველაფერი შევიყვარო.

მჯერამ კრისტოფი, ვისთვისაც სიცოცხლის ისეთი სიყვარული, ცხოვრები-
საგან განდგომამაში რომ მდგომარეობს, თითქმის სიკვდილისადმი დანებებას
წინადადდა, გრძნობდა, ვით მოხუცი ეპქედოკლე, როგორ აყდერებულყო მის
სულში სიძულვილისა და მისი ღვიძლი ძმის — სიყვარულის მუქეპარე ჰიმნი, სი-
ცვარულისა, რომელიც ხნავს, თესავს და ნაყოფიერება მოაქვს დედამიწაზე. იგი
არ იზიარებდა ოლივიეს მშვიდ ფატალიზმს და, მეგობრისაგან განსხვავებით,
ნაკლებ სწამდა დღეგრძელობა ერისა. რომელიც არ ცდილობს თავი დაიცვას.

¹ საღთო საქმენი, ჩადენილი ფრანკო ბიერ. (ლათ).

ამიტომ უნდოდა მოწოდებით მიემართა ერის ჯანსაღი ძალებისათვის და საფრანგეთის ყველა პატიოსანი ადამიანი საბრძოლველად აემხედრებინა.

როგორც გულთამხილავი სიყვარულის ერთი წუთი უკეთ გვაცნობს ადამიანს სულს, ვიდრე თვეობით მისი შორიდან კვლევა, — ასევე კრისტოფმა, ოლივიესთან ერთი კვირის მეგობრობის წყალობით, თითქმის შინიდან გარეთ გამოუსვლელად, მეტი გაიგო საფრანგეთის შესახებ, ვიდრე პარიზში მთელი წლის ხეტიალისა და ინტელექტუალურ და პოლიტიკურ საღონებში ხშირი სტუმრობის შემდეგ. ამ საყოველთაო ანარქიის წიაღში, სადაც მას ფეხქვეშ ნიადაგი ვერ ეპოვა, მეგობრის სული უცნაურ „ილ-დე-ფრანსად“ ეჩვენებოდა, გონებისა და სიმშვიდის კუნძულად შუა ზღვაში. შინაგანი უშფოთველობა, რომელიც სუფევდა ოლივიეში, კრისტოფს მით უფრო აოცებდა, რომ ამ უშფოთველობას არ გააჩნდა არავითარი გონებრივი დასაყრდენი: ოლივიეს ცხოვრება არ იძლეოდა სულიერი სიმშვიდის საფუძველს (იგი ღარიბი და მარტო იყო, ხოლო მისი სამშობლო დაკნინებული ჩანდა), ამასთან, სუსტი და ავადმყოფური აგებულება ჰქონდა და ზოგჯერ ვეღარ ერეოდა საკუთარ ნერვებს. ეს უშფოთველობა არც ნებისყოფის დაძაბვის ნაყოფს ჰკავდა (რადგან სწორედ ნებისყოფა აკლდა), — იგი მისი არსებისა და მისი ხალხის შინაგანი ბუნებიდან მომდინარეობდა. ამ *შაჰიჯაჰა*-ს — „წყნარი ზღვის მყუდროების“ შორეულ ანარეკლს კრისტოფი ოლივიეს გარშემო ბევრ სხვაშიაც ამჩნევდა; და გერმანელი მუსიკოსი, რომელმაც იცოდა, რა ძნელი იყო, თუნდაც უდიდესი ნებისყოფის დაძაბვით, სულიერი წონასწორობა შეენარჩუნებინა ხოლმე, როდესაც მის სულში ქარიშხალი აბობოქრდებოდა და ერთბაშად აფთორობებდა მის ძლიერ ბუნებას, — ალტაცებული იყო ამ იღუმალის ჰარმონიით.

საფრანგეთის შინაგანი, ფარული სახის ხილვამ საბოლოოდ თავდაყირა დააყენა მთელი მისი წარმოდგენა ფრანგულ ხასიათზე. მხიარული, გულდია, უღარდელი და სახეგაბრწყინებული ხალხის ნაცვლად კრისტოფი ხედავდა გულჩათხრობილ, განმარტოებულსა და მოჩვენებით ოპტიმიზმში, როგორც გასხივონებულ ნისლში გახვეულ, მაგრამ ღრმა და წყნარ პესიმიზმში ჩაძირულ ადამიანებს, რომლებიც ისეთი აკვიატებული აზრებით, ინტელექტუალური ვნებებითა და ურყევი სულისკვეთებით შეპყრობილიყვნენ, რომ უფრო ადვილი იყო მათი მოსპობა, ვიდრე მათთვის აზრის შეცვლევინება. ცხადია, ეს მხოლოდ ფრანგი ერის რჩეულნი იყვნენ; მაგრამ კრისტოფი გაკვირვებული კითხულობდა, მაინც სად ღებულობსო სათავეს მათი ასეთი სტოიციზმი და ასეთი რწმენა. ოლივიემ მიუგო:

— დამარცხებაში. ეს თქვენ გამოგვექედეთ ასეთად, ჩემო კეთილმო კრისტოფ. ვაგლახ! ეს უმტკივნეულოდ არ მომხდარა. თქვენ ვერც კი მიხვდებით, რა შავბნელ ვითარებაში გავიზარდეთ: შეურაცხყოფილი და სისხლისაგან დაცილილი საფრანგეთი, რომელსაც თვალებში შეეხედა სიკვდილისათვის, ყოველ წუთს ძალმომრეობის საბედისწერო მუქარას განიცდიდა. ჩვენი სიცოცხლე,

ჩვენი სული, ჩვენი ფრანგული ცივილიზაცია და ათი საუკუნის სიღრმე. ვგრძნობდი, ხელში ჩაეგდო უხეშ დამპყრობელს, რომელსაც არ გაეგებოდა მისი ინჩი-ბინჩი, მთელი არსებით სძულდა და ყოველთვის მზად იყო სამუდამოდ აღეგავა იგი პირისაგან მიწისა. საჭირო იყო, გაგვეძლო ამ ხვედრისათვის! გაიხსენე ის პაწია ფრანგები, რომლებიც დამარცხების ბინდში, დათალხულ სახლებში დაიბადნენ, ვინც სასოწარკვეთილი აზრებით საზრდოობდნენ და სისხლიანი, ავბედითი და, იქნებ, ფუჭი რევანშის სულისკვეთებით აღიზარდნენ: რადგან პირველი, რაც მათ ყველაზე ადრეულ ასაკში შეიცნეს, იყო ის, რომ სამართალი ლიტონი სიტყვაა, სამართალი არ არსებობს ამ ქვეყანაზე — ძალა თელავს უფლებას! ამგვარი აღმოჩენები რწმენას უკარგავს, ან სამუდამოდ აკაჟებს ნორჩის სულს. ბევრმა ხელი ჩაიქნია; ფიქრობდნენ: „რახან ასეა, რისთვის ვიბრძოლოთ? რიდასთვის გავისარჯოთ? არარა არარაა. შორს ამაზე ფიქრი! თავი მივეცეთ სიტკობას“. მაგრამ ვინც გაუძლო, ხელშეუვალი გახდა; გელარავითარი იმედგაცრუება ვერ შეარყევს მათს რწმენას, რადგან ერთხელ და სამუდამოდ მიხვდნენ: მათი გზა ბედნიერების გზა არ არის და რაკი არ არსებობს სხვა არჩევანი, უნდა იარონ ამ გზით, სხვანაირად დაიღუპებიან. ეს რწმენა ერთბაშად არ მოდის. ამოდ ელი მას თხუთმეტი წლის ასაკში. მანამდე ჯერ ბევრი მწუხარების განცდა, მრავალი ცრემლის დანთხევა მოგველის. მაგრამ ასეა საჭირო. ასეც უნდა იყოს...

„ო, რწმენა, ფოლადის ქალწულო...“

მონან შენი ბასრი მახვილით ერების გათელილი სული!...“

კრისტოფმა უსიტყვოდ ხელი მოუჭირა ოლივიეს ხელზე.

— ძვირფასო კრისტოფ, — უთხრა ოლივიემ, — შენმა გერმანიამ ბევრი ტანჯვა მოგვეყენა.

კრისტოფი კი, თითქოს თვითონ მიუძღოდა ამამი ბრალი, მზად იყო ბოდიში მოეხადა.

— ნუ სწუხხარ, — განაგრძო ღიმილით ოლივიემ. — სიკეთე, რომელიც მან თავისდაუნებურად გავვიწია, გადაძალავს მის მიერ მოყენებულ ზიანს. ეს თქვენ გააღვივებ კვლავ ჩვენი მიმქრალი იდეალიზმი, თქვენ აღგვიგზნებ კვლავ მეცნიერებისა და რწმენის ცეცხლი, თქვენ გვაიძულებ სკოლებით მოგვეფინა მთელი საფრანგეთი, თქვენ ალატყინებ პასტერის შემოქმედებითი ძალები, — მარტო მისი აღმოჩენები ანაზღაურებდა ხუთ მილიარდ კონტრიბუციას; თქვენ გვიბიძგებთ აგველორძინებინა ჩვენი პოეზია, ჩვენი მხატვრობა და მუსიკა და სწორედ თქვენვე უნდა გიმადლოდებ ჩვენი ეროვნული თვითშეგნების გამოღვივებას. დაჯილდოვდა ჩვენი გულმოდგინებაც, ვინც რწმენის შენარჩუნებას პირადი ბედნიერება ვანაცვალეთ, რადგან, ამ საყოველთაო აპათიის უამს ისეთ სულიერ ძალას ვგრძნობთ, რომ უკვე ექვი აღარასოდეს შეგვეპარება საკუთარ

თავში და თვით გამარჯვებაც კი ვირწმუნეთ. ხედავ, ჩემო კეთილო კრისტოფ, რაც უნდა ცოტა ვიყოთ და რა სუსტნიც უნდა ვჩანდეთ, — მცირე წვეთი გერმანული ძალის ოკეანეში, — მაინც გვწამს, რომ ეს ერთი წვეთი მთელ ოკეანეს შელდებას. მაკედონური ფალანგა შეიჭრება ევროპული პლებსის ურიცხვ ლაშქარში.

კრისტოფმა შეხედა ოლივიეს მიყნავებულ სახეს, რწმენით გაბრწყინებულ თვალებს:

— საბრალო, უსუსურო, ჩია ფრანგებო! თქვენ ჩვენზე ძლიერნი ხართ!

— ო, სათნო დამარცხებავ, — იმეორებდა ოლივიე, — დაილოცოს შენი გამანადგურებელი ძალა! არასოდეს უარგყოფთ შენ! ჩვენ შენი პირმშონი ვართ!

დამარცხება ხელახლა ჰქვდავს ერის რჩეულთ. იგი ახარისხებს აღამიანებს სულიერი ღირსებების მიხედვით: ცალკე არჩევს წმინდასა და მტკიცეს და კიდევ უფრო განწმენდს და განამტკიცებს. მაგრამ ამასთანავე იგი აჩქარებს დანარჩენების დაღუპვას, ან აღმაფრენას უსპობს მათ. ამრიგად, ხალხის უდიდესი მასა, რომელიც ეცემა, შორდება რჩეულთ, რომლებიც განაგრძობენ სვლას. რჩეულნი ხვდებიან ამას და ტანჯავთ ეს განშორება; თვით ყველაზე მხნეთ გულს უღრღნით იღუშმალი სევდა, თავიანთი უმწეობისა და მარტოობის განცდა. ყველაზე ძნელი კი მაინც ის არის, რომ მშობელი ხალხის გულს მოწყვეტილნი, ერთმანეთისაგანაც გათიშული არიან. ყველა თავისი თავის იმედით იბრძვის. ძლიერნი მხოლოდ საკუთარი ტყავის გადარჩენაზე ფიქრობენ: „ო აღამიანო, შენს თავს შენ თვითონ უშველე!...“ მათ დავიწყებითა თუ ვაჟკაცობის წესი, რომელიც მოითხოვს: „ო, აღამიანებო, ერთმანეთს უშველეთ!“ აღარავის აქვს ნდობა, თანაგრძნობის გამოჩენისა და ერთობლივი მოქმედების ხალისი, რასაც ბადებს ერში გამარჯვება, საკუთარი სრულყოფილების შეგრძნება და მწვერვალზე ასვლა.

კრისტოფმა და ოლივიემ ამის შესახებ პირადი გამოცდილებით იცოდნენ. პარიზში, სადაც არც ისე ცოტა მოიძებნებოდა მათი გამგები, იღუშმალი მეგობრებით ავსებულ ამ სახლში — ისინი ისე მარტონი იყვნენ, როგორც აზიურ უდაბნოში.

მდგომარეობა ძალზე მძიმე იყო. თითქმის აღარავითარი საარსებო წყარო. ხანდახან კრისტოფს თუ მოუხდებოდა ნოტების გადაწერა და მუსიკალური ტრანსკრიპირება, ჰებტი რომ უკვეთავდა ხოლმე. ოლივიე წინდაუხედავად მოიქცა, თავი რომ დაანება უნივერსიტეტში ლექციების კითხვას; ეს მოხდა ერთ ქალიშვილთან უიღბლო რომანიტის გამოწვეული, ჯერ კიდევ გაუქარებელი გულგატეხილობის შემდეგ (იგი ქ-ნ ნათანის საზოგადოებას ეკუთვნოდა), რასაც ზედ დაერთო დის სიკვდილი და სასოწარკვეთილებებში ჩაეარდნა. ამის თაობაზე კრისტოფისათვის არასოდეს არაფერი უთქვამს, რადგან რცხვენოდა პირად უპიამოვნებებზე წუწუნის; მის ერთ-ერთ წარმტაც თვისებას წარმოადგენდა, საშუაარაოზე არასოდეს გამოეტანა თავისი ინტიმური საიდუმლო, თვით ყველაზე ახლობელ აღამიანებთანაც კი. ამ სულიერი დაძაბუნების ქვამს, როდესაც

კაცს დუმილი სწყურია, ლექციების კითხვა ნამდვილ ტანჯვად იქცა ოლივიესათვის. მისი ხასიათი ვერ ეგუებოდა ამ საქმიანობას; ამ ხელობის კაცს მოგეთხოვება გამოაჩინო შენი ცოდნა. ხმამალა გამოთქვა პირადი აზრები და, მამასადამე, არ იყო მარტო. ლიკუუმის მასწავლებლობა, კეთილსინდისიერად რომ ემსახურო საქმეს, მოციქულურ მოწოდებას მოითხოვს, რომელიც არ გააჩნდა ოლივიეს; უნივერსიტეტის ლექტორი კი იძულებულია მუდმივ კონტაქტში იმყოფებოდეს აუდიტორიასთან, რაც წამებაა ისეთი მარტოობას მონატრებული სულებისათვის, როგორც ოლივიე გახლდათ. ორ-სამჯერ მას საჯაროდ გამოსვლა მოუხდა და რაღაც უცნაური დამცირება იგრძნო. ესტრადიდან თავისი ცოდნის გამოვლინება საზიზღარი ეჩვენა. იგი ხედავდა დარბაზში მსხდომთ, გრძნობდა მსმენელთა განწყობილებას, თითქოს უხილავი ანტენებით ყოფილიყო მათთან დაკავშირებული, და ხვდებოდა, მათი უმრავლესობა უსაქმური ადამიანებისაგან შედგებოდა, აქ მარტოოდენ გასართობად რომ მოსულიყვნენ; ოფიციალური გამართობის როლი კი ოლივიეს გუნებას ვერ ეთვისებოდა. მაგრამ ყველაზე მთავარი ის არის, რომ კათედრიდან წარმოთქმული სიტყვა ამახინჯებს აზრს და თუ სიფრთხილე არ გამოიჩინე, შესაძლოა ცუდი მსახიობივით ხელების ქნევას, გამოთქმით ლაპარაკს, პოზიორობასა და მანქვა-გრეხას მოჰყვე აზრების ჩამოყალიბების დროს, თვით უსიტყვო აზროვნების პროცესშიც კი. ლექცია თავისებური ჟანრია, რომელიც დაცურავს ორ რიფს შუა: მასაწივე კომედიასა და მაღალი წრის პედანტებს შორის. ასობით უცნობ და მღუშმარე პირთა წინაშე ხმამალა წარმოთქმული მონოლოგის ეს ფორმა, მზა ტანსაცმელი, რომელიც შეკერილია ყველასათვის, მაგრამ მორგებული არავისა აქვს, — უყარება და ამაყი სულის ხელოვანისათვის რაღაც საშინლად ყალბს წარმოადგენს. პოდა, ოლივიემ, რომელიც შინაგან მოთხოვნილებას გრძნობდა, სათქმელი წინასწარ ღრმად მოეფიქრებინა და არ წარმოეთქვა არც ერთი ზედმეტი სიტყვა, რაც მისი აზრის ზედმიწევნით ადეკვატური არ იქნებოდა, — თავი დაანება უნივერსიტეტში მუშაობას, სადაც თავის დროზე რის ვაი-ვაგლახით მოეწყო: ხოლო ვინაიდან გვერდით აღარ ჰყავდა თავისი და, რომ მისი ოცნებები დაეოკებინა, ოლივიემ ხელი მოჰკიდა წერას. მას გულუბრყვილოდ სჯეროდა, რომ რაკი მის ნაწარმოებს მხატვრული ღირსება გააჩნდა, შეუძლებელი იყო არ ეღიარებინათ იგი, თუნდაც მას ამისათვის თითი აღარ გაეძნრია.

იგი მწარედ მოტყუვდა. რაიმეს გამოქვეყნება შეუძლებელი აღმოჩნდა. ოლივიე ექვიანი სიყვარულით ეტრფოდა თავისუფლებას: მას შიშს უნერგავდა ყოველივე, რასაც შეეძლო ხელეყო იგი. ეს აიძულებდა მას განმარტოებით მდგარიყო, როგორც კედლის ჩრდილში ამოსული ნორჩი ყლორტი, უმზეოდ რომ ჰქნება, — მომწყვდეული პოლიტიკურ პარტიათა ბლოკებს შორის, რომელთა მტრულ დაჯგუფებებს დაენაწილებინათ მთელი ქვეყანა და პრესა. ოლივიე არ შედიოდა არც ერთ ლიტერატურულ დაჯგუფებაში, გაურბოდა მათ, თუმცა არც ისინი აგლეჯდნენ კალთებს. იქ მას არ ჰყავდა და არც შეიძლებოდა ჰყო-

ლოდა მეგობარი. იგი უფროსი უსულგულობას, გულცივობასა და ეგოიზმს ამ ინტელექტუალური ადამიანებისას (თითო-ორი პიროვნების გამოკლებით, ვისაც ჭეშმარიტი მოწოდება ამოძრავებდა, ან თავდავიწყებით იტაცებდა მეცნიერული კვლევა). საზიზღარ სანახაობას წარმოადგენს კაცი, რომელიც გრძნობის უნარს უჩლუნგებს საკუთარ გულს, რომ რაიმე არგოს ტვინს, — მაგრამ ფაგლანს! არც ტვინი აქვს დიდი ბარაქა. აღარც სიკეთე შერჩენია და ამისთანა ინტელექტიც ქარქაშში ჩაგებულ ხანჯალსა ჰგავს: არავინ იცის, როდის გაძგერებს იგი თავის ბასრ მახვილს; დღენიადავ ფხიზლად ყოფნა გმართებს. მეგობრობა შესაძლებელია მხოლოდ კეთილ ადამიანებთან, რომელთაც უყვართ მშვენებობა და არ ეძებენ მასში რაიმე სარგებელს; ასეთნი კი, ჩვეულებრივ, ხელოვნების სამყაროს მიღმა ცხოვრობენ. ხელოვნების ჰაერის სუნთქვა დამღუპველია უბრალო მოკვდავთათვის. მხოლოდ ძალიან დიდებს ძალუძთ სული მოითქვან მის სამყაროში და არ დაკარგონ სიყვარულის უნარი, რაიც სიცოცხლის წყაროს წარმოადგენს.

ოლივიეს მხოლოდ საკუთარი თავის იმედი შეეძლო ჰქონოდა. ეს კი ვერაფერი შელავათი გახლდათ. ყოველი ნაბიჯის გადადგმას მთელი დავიდარაბა სჭირდებოდა. თუმცა თანახმა როდი იყო ყოველგვარი დამციკება აეტანა, ოღონდაც მისი ნაწარმოები მიეღოთ. იგი სირცხვილისაგან იწვოდა ხოლმე იმ ახალბედა ავტორების დანახვაზე, რომლებიც სულმდაბლურად მლიქვნელობდნენ მავანი ღირსსაცნობი თეატრის დირექტორის წინაშე, და ისიც, მათი სილაჩრით უფრო გათავაპებული, ისე კანდიერად ეპყრობოდა მათ, საკუთარ მოახლეს რომ ვერ შეებუდავდა. ოლივიე ასე ფეხქვეშ ვერავის გაეგებოდა, თუნდაც ამაზე მისი სიკვდილ-სიცოცხლე ყოფილიყო დამოკიდებული. იგი იმით კმაყოფილდებოდა, რომ თავის ხელნაწერებს ფოსტით აგზავნიდა, ანდა თეატრისა თუ ყურნალის კანცელარიაში აბარებდა: ისინი იქ თვეობით ეყარა და მათს წასაკითხად არავის ეცალა. მაგრამ ერთ დღეს ბედნიერმა შემთხვევამ იგი ლიცეუმის ძველ ამხანაგს შეახვედრა; ამ სათნო ზარმაცს მადლიერებისა და აღტაცების გრძნობა კვლავ შერჩენოდა ოლივიესადმი იმ დაუზარებლობისა და სიიოლისათვის, რომლითაც ოლივიე საშინაო დავალებებს უსრულებდა ხოლმე მას. ბევრი არაფერი გაეგებოდა ლიტერატურისა, ოღონდ, რაც უფრო საგულისხმოა, ბევრ ლიტერატორს იცნობდა და, როგორც შეძლებული და საზოგადოებაში გამოსული, სნობიზმის გამო, ჩუმად თავსაც აყვლეფინებდა მათ. მან ოლივიეს შესახებ ერთი სიტყვა უთხრა რედაქციის მდივანს იმ სქელტანიანი ყურნალისა, რომლის აქციონერიც თვითონ იყო. მაშინვე ამოქექეს ჭალაღებში დამარხული ერთ-ერთი ხელნაწერი და წაიკითხეს; ბოლოს, დიდი ჰოკმანის შემდეგ (რადგან ნაწარმოებს თითქოს არა უშავდა რა, მაგრამ არაფერს ამბობდა ავტორის გვარი, რომელიც სრულიად უცნობი იყო), — გადაწყვიტეს მიეღოთ. ეს სასიხარულო ამბავი რომ შეიტყო, ოლივიემ დაიჭერა, ჩემს წვალებას ბოლო მოელო. მაგრამ წვალება ახლა იწყებოდა.

ნაწარმოები მიაღებინო პარიზში, კიდევ ისე ძნელი არ არის; გაცილებით ძნელია, გამოაქვეყნებინო იგი. მოგიწევს ელოდო, ელოდო თვეობით, ზოგჯერ მთელი ცხოვრებაც კი, თუ არ გამოიჩინე ნიჭი — ელაქუცო ადამიანებს, ანდა თავი მოაბეზრო მათ, დროდადრო ცხვირწინ აეტუზო ამ პატარა მონარქებს დილის მიღებებზე, შეასხენო, რომ არსებობ და გადაწყვეტილი გაქვს არ მოეშვა, სანამ შენსას არ მიაღწევ. ოლივიეს კი მხოლოდ ის შეეძლო, რომ შინ იჯდა და ლოდინში გული უწვრილდებოდა. დიდი-დიდი, წერილი მიეწერა, რაზეც არ პასუხობდნენ. ნერვიულობისაგან მუშაობა აღარ შეეძლო. რა აზრი აქვს! მაგრამ მარტო აზრი რწმენას ვერ გაძლევს. გულისგადამღვე გაურკვევლობაში ჩაძირული ოლივიე მაგიდასთან იჯდა და ელოდა ყოველი ფოსტის მოსვლას; გარეთ იმისათვის თუ გამოვიდოდა, რომ დაბლა, მეკარესთან ჩაერბინა და სასოვნით სავსე მჭერა შეველო თავისი წერილების ყუთისათვის, მყისვე იმედს რომ უცრუებდა; ხანდახან ქუჩაში გაისეირნებდა, მაგრამ გარშემო ვერაფერს ამჩნევდა და ერთი ფიქრი ჰქონდა — შინ დაბრუნებულიყო; ხოლო როდესაც ბოლო ფოსტაც წავიდოდა და ოთახის მყუდროებას მის თავზე მეზობლის ფეხების ბრაგა-ბრუვილა არღვევდა, ოლივიეს ჰკლავდა ადამიანების გულგრილობაზე ფიქრი. ერთი სიტყვა მაინც აღირსონ, მხოლოდ სიტყვა! ნუთუ ეს მოწყალებაც არ ემეტებათ? ის, ვინც თავს არ იწუხებდა პასუხი გაეცა ოლივიესათვის, ვერ წარმოიდგენდა, რა ტკივილს აყენებდა მას. ყველა საკუთარი თვალით ზომავს ამ ქვეყანას. ვისაც თავად გულისხმიერება აკლია, უსულგულო ეჩვენება მთელი სამყარო; ისინი ვერ ხვდებიან მოლოდინით, იმედითა და ტანჯვით მოფანცქალე გულების თრთოლას, ნორჩ მეკრძებს რომ აჩქროლებს; ანდა, თუ ხვდებიან, გულცივად და მოყირკებულის ტლანქი ირონიით სჯიან მათ.

ბოლოს, ნაწარმოები გამოქვეყნდა. ოლივიე იმდენ ხანს ელოდა, რომ ამან ვერავითარი სიამოვნება ვეღარ მიანიჭა: იგი უკვე მეკდარი იშვა მისთვის. მაგრამ თავს იმით ინუგეშებდა, რომ სხვებისთვის ჯერ კიდევ ცოცხალი იქნებოდა. მის სტრიქონებში ისეთი პოეზია და აზრი ელვარებდა, რომ არ შეიძლებოდა იგი შეუმჩნეველი დარჩენილიყო. ნაწარმოები მღუმარებამ შთანთქა. არავითარი გამოხმაურება. ოლივიემ ერთი-ორჯერ კიდევ სცადა კალამი. ყოველგვარი ლიტერატურული ჯგუფებისაგან დამოუკიდებელი, ყოველთვის დუმილს, ან უფრო სწორად, მტრობას აწყდებოდა. ოლივიეს ვერაფერი გაეგო. მას გულწრფელად სჯეროდა, რომ ახალ ნაწარმოებს, თუნდაც იგი არ ყოფილიყო მთლად უნაკლო, ბუნებრივი კეთილგანწყობილება უნდა გამოეწვია ყოველ ადამიანში. მართლაცდა, რა უნდა გქონდეს საწინააღმდეგო იმ ადამიანის მიმართ, ვისაც სურს მცირეოდენი სილამაზის, მხნეობისა და სიხარულის განცდა მოგანიჭოს? ოლივიე კი მხოლოდ გულგრილობას ან კილვას ხვდებოდა. თანაც იცოდა, რომ ის, რაზეც იგი წერდა, მარტო მას არ აწუხებდა; ამ აზრს სხვებიც იზიარებდნენ. მაგრამ ვერ მიმხვდარიყო, რომ ამ პატროსან ადამიანებს უბრალოდ არ წაეკითხათ მისი ნაწარმოები და, საერთოდ, ისინი არავითარ გავლენას

არ ახდენდნენ ლიტერატურულ კრიტიკაზე. თუ მათ შორის თითო-ოროლა ვინმეს მაინც მოუხდებოდა თვალი გადაეკლო მისი სტრიქონებისათვის და თანაგრძნობით გაიმსჯვალეობოდა, ავტორი ამას ვერასოდეს გაიგებდა, რადგან ეს ადამიანები თავიანთი დუმილის ცხრაკლიტულში ჩაკეტილიყვნენ. ისინი არ მონაწილეობდნენ ხელოვნების ამბებში ისევე, როგორც თავს იკავებდნენ არჩევნებში; არ კითხულობდნენ წიგნებს, გულს რომ უფუჭებდათ; არ დადიოდნენ რედაქციებში, ყოველგვარ ხალისს რომ აკარგვინებდათ; მაგრამ საშუალებას აძლევდნენ თავიანთ მტრებს, კენჭი ეყარათ და გამძვრალიყვნენ არჩევნებში, ხელს არ უშლიდნენ, მყვირალა რეკლამა გაეწიათ და სკანდალური წარმატება მოეპოვებინათ იმ ნაწარმოებებისა და იდეებისათვის, რომლებიც მხოლოდ უტაფარი უმციერესობის თვალსაზრისს გამოხატავდნენ.

ჰოდა, ოლივიე, რომელსაც არ შეეძლო თავის თანამოაზრეთა გამოქომაგების იმედი ჰქონოდა, რადგან მათ წარმოდგენა არ გააჩნდათ მასზე, მარტო აღმოჩნდა მტრების ხროვაში — მისი აზრების მოძულე ლიტერატორთა და მათ დამქაშ კრიტიკოსებს შორის.

პირველმავე შეჯახებამ მათთან განუკურნელი ჰრილობა მიაყენა ახალბედა ავტორს. იგი მეტისმეტად მგრძნობიარე გახლდათ კრიტიკისადმი, როგორც მოხუცი ბრუკნერი, რომელიც ისე გაეწამებინა პრესის ღვარძლიანობას, რომ უარს ამბობდა, მისი ნაწარმოებები შეესრულებინათ. ოლივიესთვის მხარი არ დაუჭერიათ არც უნივერსიტეტის ყოფილ კოლეგებს, რომლებსაც, თავიანთი პროფესიის წყალობით, კიდევ შერჩენოდათ ფრანგული აზრის ტრადიციის გრძნობა და შეეძლოთ გაეგოთ მისთვის. საერთოდ, ისინი ჩინებული ადამიანები იყვნენ, მაგრამ თვითონ დისციპლინის მარწუხებს დამორჩილებულნი და სამუშაოთი გაბეზრებულნი, ცოტა გაებოროტებინა უმადურ პროფესიას და ვერ ეპატიებინათ ოლივიესათვის, რომ მან არ ისურვა მათსავით მოქცეულიყო. როგორც ყოველ წესიერ მოხელეს სჩვევია, მიდრეკილება ჰქონდათ, ნიჭის უპირატესობა მხოლოდ მაშინ ელიარებინათ, როდესაც იგი თანამდებობრივ უპირატესობას შეესაბამებოდა.

მოვლენათა ასეთი მსვლელობის დროს სამი გამოსავალი არსებობდა: ან ძალით დაემსხვრია ყოველგვარი წინააღმდეგობა; ან დამამკირებელ დათმობებზე წასულიყო; ანდა, შეერიგებოდა იმას, რომ მხოლოდ თავისთვის ეწერა. პირველი, ისევე როგორც მეორე, ოლივიეს ძალ-ღონეს აღემატებოდა: იგი მესამის ამარა დარჩა. თავი რომ ერჩინა, ძალისძალად მოსწავლეებს ამზადებდა და წერდა ნაწარმოებებს, რომლებსაც არავითარი შესძლებლობა არ გააჩნდათ, გაფურჩქნულიყვნენ სინათლეზე და თანდათან ჰკნებოდნენ, ქიმერული და სინამდვილისაგან დამორჩეული ხდებოდნენ.

კრისტოფი ჰეჟა-ჟუხილივით შეიჭრა ამ ბინდით მოცულ სიცოცხლეში. იგი აღუფოთებელი იყო ადამიანების სულმდაბლობით და, აგრეთვე, ოლივიეს მოთმინებით:

— შენ რა, ძარღვებში სისხლი ხომ არ გაგეყინა? — ყვიროდა კრისტოფი.— როგორ ძალგის აიტანო ასეთი ცხოვრება? იცი, რომ მალლა დგახარ ამ პირუტყვეებზე და ნებას აძლევ გაათელონ მათ!

— რას იზამ? — მიუგებდა ოლივიე. — ვერ ვახერხებ თავი დავიცვა, ზიზღს მგვრის ბრძოლა მათთან, ვინც გულს მირევს; ვიცი, რომ მათ შეუძლიათ ყოველგვარი იარაღი გამოიყენონ ჩემს წინააღმდეგ, მე კი ეს არ ძალმიძს. არა-მარტო იმიტომ, რომ მეთავილება არასაკადრისი საშუალებები ვიხმარო, არამედ მეშინია, ვნება არ მივაყენო. ბავშვობაში ბრიყვულად ვერტყპინებოდი ხოლმე თანატოლებს. მხალაღ მთვლიდნენ, ეგონათ მუშტებნისა მეშინოდა, მაგრამ მე უფრო იმისი მეშინოდა, სხვისთვის მერტყა, ვიდრე ჩემთვის ერტყათ. ერთხელ, როდესაც ერთ-ერთი ჩხუბისთავი, დაბრიყვებული რომ ყავდი, საცემად იწვევდა ჩემზე, ვიღაცამ წამაქეზა: „მიდი, ისეთი სთხლიშე, რომ დაამახსოვრდეს: წიხლი ჩასცხე შიგ მუცელში!“ ამან შემზარა. სჯობს ისევ მე მცემოს-მეთქი.

— არა, შენ ძარღვებში სისხლი არ გიჩქეფს, — გაიძახოდა კრისტოფი. — ახლა, ეგ შენი ბრიყვული ქრისტიანული აზრები!... თქვენი რელიგიური აღზრდა, კატეხიზმოს დაზუთხვით რომ ამოიწურება საფრანგეთში; გამოფიტული „სახარება“, უსუსური და უფხო „ახალი აღთქმა“... კაცთმოყვარეობით გულის აჩუყება, თვალზე მუდამ ცრემლი... მერე, რევოლუცია, ჟან-ჟაკი, რომესპიერი, 48 წელი და, ბოლოს, ებრაელები!... სჯობს, მიირთვა ყოველ დილით ძველი ბიბლიის სისხლიანი, მსუყე ნაჭერი.

ოლივიე ეწინააღმდეგებოდა. იგი თანდაყოლილ ანტიპათიას განიცდიდა „ძველი აღთქმისადმი“. ეს შეგრძნება მას ბავშვობიდან გამოჰყვა, როდესაც მალულად ფურცლავდა ხოლმე სურათებიან ბიბლიას თავიანთ პროვინციულ ბიბლიოთეკაში, სადაც მას არავინ კითხულობდა (ბავშვებს აკრძალულიც ჰქონდათ მისი წაკითხვა). ზედმეტი სიფრთხილე! ოლივიეს არც შეეძლო დიდხანს სკეროდა ეს წიგნი გადაშლილი და მალე ხურავდა მას გამწყვრალი და გულნატკენი; ხოლო როგორი შვება ეუფლებოდა, როცა ამ წიგნის შემდეგ „ილიადას“, „ოდისეას“, ანდა „ათასერთი ლამის“ კითხვით გაერთობოდა ხოლმე.

— „ილიადას“ ღმერთები, — ამბობდა ოლივიე, — ლამაზი, ძლიერი, მანკიერი ადამიანები არიან: მე მესმის მათი, მომწონს ან არ მომწონს ისინი; მაგრამ მაშინაც კი, როცა არ მომწონს, მაინც მიყვარს. მე შეყვარებული ვარ მათზე. პატროკლესთან ერთად მეც ვემთხვევი გასისხლიანებული აქილევისს მშვენიერ ფეხთ. ბიბლიის ღმერთი კი — ბებრუხანა ებრაელი, მანიაკი და ბორგვენული გოჟია, რომელიც ერთთავად ღრინავს, იქადნის, გამძვინვარებული მგელივით ღმუის და ქადაგად ეცემა. მე მისი არ მესმის და არ მიყვარს, თავი მისკდება მისი გაუთავებელი წყევლა-კრულვით, მზარავს მისი უღმობელობა:

განაჩენი შობას...

განაჩენი დამასკოს...

განაჩენი ბაბილონს...
განაჩენი ეგვიპტეს...
განაჩენი ზღვის უდაბნოს...
განაჩენი სიონის ხევს...

ეს შემოიღია, რომელსაც დაუჩემებია, რომ თვით არის ხალხების მსაჯუ-
ლიც, ბრალმდებელიცა და ჯალათიც, და თავისი საპყრობილის ეზოში სასიკვდი-
ლო განაჩენები გამოაქვს ყვავილებისა და კენჭებისათვის. სულს გიხუთავს ძვალ-
რბილში გამჯდარი სიძულვილი, რომლითაც გაჟღენთილია ეს კენესითა და გო-
დებით აღსავსე წიგნი: „ზმობს შემუსრვა... შეერთო კმობა საზღერისა მოაბე-
ლასი თაილიადმდე, და ვალალები მისი, ვიდრე ჯურღმულამდე ელომისა...“

ღროდადრო იგი განცხრომას ეძლევა ხოცვა-ჟლეტის შემდეგ, გაუპატიუ-
რებულ და მუცელგამოფატრულ ქალთა და ჩვილ ბავშვთა გასარეილ გვაშებს
შორის; მერე, რომელიმე ქალაქს რომ მოაოხრებს, სუფრას მიუჯდება და ხით-
ხითებს ისუ ნავეს ხეპრე ჯარისკაცით:

„და უყოს უფალმან საბაოთ, მთასა ამას ზედა ყოველთა ზედა ნათესავთა
სასუმელი კმაი ნელობათა სასუმელი თხლეთა, სუმიდენ მხიარულებით, სუმი-
დენ ღვნოსა, იცხებდენ მირონთა... მახული უფლისა აღივსო სისხლითა, განზრქა
ცმელისაგან კრავთასა, და ცმელისაგან ვაცთა და ვერძთასა...“

ხოლო ყველაზე უარესი არის ვერაგობა ამ ღმერთისა, რომელიც თავის
წინასწარმეტყველს გზავნის, რომ დააბრმავოს ადამიანები, რათა მერე საბაბი
მიეცეს, ტანჯოს ისინი.

„და თქუა ვიდოდე, და არქუ ერსა ამას: სმენით გესმათ და არ გულის ხმა
ჰყოფთ, და მხედველნი ხედავთ და არა იხილოთ. რამეთუ განზრქა გული ერისა
ამის, და ყურითა მძიმედ ისმინენ, და თვალნი მათნი დაიწუხნენ ნუ უკუჭ და
იხილონ თვალთა, და ყურითა ისმინონ და გულითა გულის ხმა ყონ, და მოვიქ-
ცე და განვკურნნე იგინი. და ვთქუ, ვიდრემდის უფალო, და თქუა ვიდრემდის-
ცა მოოქრდენ ქალაქნარ დამკვდრებითა, და სახლნი არ ყოფითა კაცთათა, და
ქუშყანა დატევებულ იქმნეს ოკრად...“

არა, ჩემს სიცოცხლეში არ მინახავს ასეთი ბოროტი ადამიანი!...

ისეთი ბრიყვი როდი ვარ, რომ არ მესმოდეს ამ წიგნის ენის სიძლიერე.
მაგრამ არ შემიძლია, აზრი ფორმისაგან გამოვყო; ხოლო თუ ზოგჯერ ამ ებრაელ
ღმერთს მაინც აღტაცებაში მოვყავარ, ეს იმ აღტაცებასა ჰგავს, ვეფხვის ხილვა
რომ გვევრის. თვით შექსპირმაც კი, ურჩხულთა შექმნის ამ დიდოსტატმა, ვერ
შექმნა სიძულვილის ასეთი გმირი, — წმინდა და სათნო სიძულვილისა. ეს
წიგნი შეძრწუნებას იწვევს. ყოველგვარი სიგიჟე გადამდებია. ამ სიგიჟის სა-
ფრთხე კი მით უფრო დიდია, რომ მის სისხლისმსმელ ამპარტავნობას განმწმენ-
დელის მისია დაუჩემებია. ყრუანტელი მივლის იმის გაფიქრებაზე, რომ ინგ-
ლისი ამ გიჟური იდეებით იკვებებოდა საუკუნეების მანძილზე. სიამოვნებას
მანიჭებს იმის შეგნება, რომ ჩვენ ლამანშის უფსკრული გეთიშავს მისგან.

მთლად ცივილიზებულად ვერასოდეს მივიჩნევ ხალხს, რომლის სულს კვლავ ბიბლია ასაზრდოებს.

— მაშინ ჩემთან ფრთხილად, — უთხრა კრისტოფმა, — რადგან მე ვითვრები მისი კითხვით. მასში ლომებრი ძალაა. მისგან მაგრდება სუსტი გულები. „სახარება“, „ძველი აღთქმა“ სანელებელს მოკლებული, ლუგუმი და მაწყინარი კერძია. ბიბლია ხერხემალია ხალხებისა, რომელთაც სიცოცხლე სწყურიათ. საჭიროა ბრძოლა, საჭიროა სიძულვილი.

— მძულს სიძულვილი, — თქვა ოლივიემ.

— მისი სიძულვილი თუ მაინც შეგძლია! — მიუგო კრისტოფმა.

— მართალს ამბობ, მაგის ძალაც არ შემწვევს. რას იზამ? არ შემძლია, ვერ გავიგო მტრის სიმართლე და გულში ვიმეორებ შარდენის სიტყვებს: „შემწყუნარებლობა! შემწყუნარებლობა!...“

— ეს რა თვინიერი ბატკანი ყოფილა! — წამოიძახა კრისტოფმა. — მაგრამ ამოდ ჩუიტობ; სულერთია, ჩამოგსვამ მაგ ეშმაკის ცხენიდან და დაფდაფის ცემითა და ყოყინით საბრძოლველად გავიყოლებ.

მართლაც, კრისტოფმა ხელში აიღო ოლივიეს საქმე და შეუდგა მის დაცვას. დასაწყისი კარგს არაფერს უქადდა. პირველსავე სიტყვაზე ბრაზი ერეოდა და ისე თავგამოდებით იწყებდა მეგობრის გამოსარჩლებას, რომ უნებლიეთ ვნებდა მას; მერე, თავის შეცდომას რომ მიხვდებოდა, სასოწარკვეთილებაში აგდებდა საკუთარი მოუხერხებლობა.

ვალში არც ოლივიე რჩებოდა. იგი ხელჩართულ ბრძოლაში ებმებოდა კრისტოფის გულსათვის. თუმცა ოლივიეს ნათელი და დამცინავი გონება, რომელსაც სასაცილოდ ეჩვენებოდა ყოველგვარი უკიდურესობა სიტყვებსა და საქციელში, უარყოფდა ბრძოლას, მაგრამ როდესაც ჭერი კრისტოფის დაცვაზე მიდგებოდა, სიმძაფრეში აჯარბებდა ყველას, თვით კრისტოფსაც კი. იგი გონებას კარგავდა. სიყვარულში უნდა შეგეძლოს ბევრი არ განსაჯო. აქ კი ოლივიეს არაფერი ეშლებოდა. ასე თუ ისე. იგი უფრო მეტ სიმარჯვეს იჩენდა, ვიდრე კრისტოფი. ეს ყმაწვილი, თავის საქმისთვის რომ შეურიგებელი და შოუქნელი იყო, მეგობრის წარმატებისათვის გაქნილი პოლიტიკოსი და გაიძვერა ცი გახლდათ: საოცარ ენერგიასა და მოხერხებას ავლენდა, რომ მეგობრისათვის მომხრეები შეეძინა; შეეძლო მუსიკალურ კრიტიკოსთა და მეცენატთათვის ცნობისმოყვარეობა აღედგრა კრისტოფის მიმართ, ოღონდაც კრინტს ნუ დააძვრევიანებით პირად სათხოვარზე.

მაგრამ მიუხედავად მთელი ამ მეცადინეობისა, მეგობრებს მაინც თავი ვერ დაეღწიათ გაჭირებისათვის. ერთმანეთის სიყვარული მრავალ სისულელეს აღენინებდათ. კრისტოფი ვალეებში ჩაეფლო, რომ ოლივიესაგან მალულად მისი ლექსების კრებული გამოეცა, თუმცა არც ერთი ცალი არ გაყიდულა. თავის შხრივ, ოლივიემ შეაგულიანა კრისტოფი, კონცერტი გაემართა, რომელზეც არავინ მისულა. ცარიელი დარბაზის შემყურე კრისტოფი ჰენდელის სიტყვე-

ბით იმხნევებდა თავს: „ჩინებულა! ჩემი მუსიკა ასე უფრო უკეთ იყდერებს...“ მაგრამ ეს იხტიბარის არგატეხა გაფლანგულ ფულს აღარ უნაზლაურებდათ; მეგობრები გულდაწყვეტილი ბრუნდებოდნენ შინ.

ამ სიძნელეებს შორის, ერთადერთი, ვინც მათ დახმარების ხელი გაუწოდა, განხლდათ ორმოციოდე წლის ებრაელი, თადე მოოხი. მას მხატვრობის ფოტორეპროდუქციების მაღაზია ჰქონდა გახსნილი და გატაცებული იყო თავისი საქმით, რაშიც საკმაო გემოვნებასა და მარიფათს ამჟღავნებდა; მაგრამ, ვაჭრობის გარდა, კიდეც იმდენი რამ იტაცებდა, რომ ხშირად დაუდევრობას იჩენდა მოგებისადმი. თუ მაინც ამ ხელობას მისდევდა, ეს იმიტომ, რომ ცდილობდა ტექნიკური გაუმჯობესება შეეტანა და რეპროდუქციის ახალი ხერხები აეთვისებინა, რაც, მისი მახვილგონიერების მიუხედავად, იშვიათად გამოსდიოდა და ფრიალ ძვირიც უჯდებოდა. მოოხი ძალზე ბევრს კითხულობდა და თვალს ადევნებდა ყოველ ახალ აზრს ფილოსოფიაში, ხელოვნებაში, მეცნიერებასა და პოლიტიკაში; მას განსაცვიფრებელი ალლო ჰქონდა, თვითმყოფადი ნიჭი აღმოეჩინა: თითქოს უხილავი მაგნიტი იზიდავდა მისკენ. მოოხი დამაკავშირებელი რგოლი გამხდარიყო ოლივიეს მეგობრებისათვის, ოლივიესავით განმარტობულნი, ყველანი ცალ-ცალკე რომ იღვწოდნენ. იგი მიმოდოდა ერთიდან მეორესთან და მისი მეშვეობით, მათდა შეუცნობლად, აზრთა განუწყვეტელი გაცვლა-გამოცვლა დამყარებულიყო მათ შორის.

როდესაც ოლივიემ სურვილი გამოთქვა, მოოხი კრისტოფისათვის გაეცნო, კრისტოფმა თავდაპირველად იუარა: მოყირკებული ჰქონდა ისრაელის ტომის აღმანიანთან გაცნობის ცდები. ოლივიე არ ეშვებოდა და სიცილით ამბობდა, რომ იგი კიდეც უფრო ცუდად იცნობდა ებრაელებს, ვიდრე ფრანგებს. კრისტოფი დათანხმდა; მაგრამ როდესაც პირველად დაინახა თადე მოოხი, გერმანელი უკმაყოფილოდ დაიჯღანა. გარეგნობით მოოხი პიტალო ებრაელს ჰგავდა, სწორედ ისეთს, როგორსაც ხატავენ ხოლმე ისინი, ვისაც ებრაელები გულზე არ ახატაიან: ჩია ტანის, მელოტი, ბაჯაჯღანა, გადლარძული ცხვირი, დიდრონი, გადმოკარკლული თვალები, მსხვილი სათვალის ქვეშიდან ელმად რომ იცქირებოდნენ; ჯაგარივით უხეში, შავი წვერით გაბანჯველული პირისახე; გრძელი ბალნიანი ხელები და კოტიტა, მოგრეხილი ფეხები, — ერთი სიტყვით, პატარა სირიელი ბაალის განსახიერებას წარმოადგენდა. მაგრამ მასში ისეთი გულკეთილობა გამოსკვიოდა, რომ კრისტოფს გული აუჩუყდა. მეტადრე, მოოხი უბრალო იყო და ზედმეტად სიტყვას არ იტყოდა. არავითარი გავზიადებული ქათიანიური. მხოლოდ თავდაპირილი მოწონება ზოგჯერ. თუმცა მუდამ მზად იყო, ვინმეს გამოსდგომოდა: ვიდრე თხოვნას დაასწრებდი, სამსახური უკვე გაწეული იქონდათ. ხშირად შემოვივლიდა, მეტისმეტად ხშირადაც კი, და თითქოს ყოველთვის რაიმე სასიხარულო ამბავი უნდა ემცნო: სამუშაო ეშოვა ერთ-ერთი მეგობრისათვის; ხელოვნების საკითხზე სტატიის დაწერა, ან მოსწავლეების

‘მომზადება — ოლივიესათვის, გაკვეთილები მუსიკაში — კრისტოფისათვის. იგი დიდხანს არასოდეს ჩამოჯდებოდა; რაღაცას მოიმიზეზებდა, რომ თავი არ შეეწყინა. ადვილი შესაძლებელია, მოოხი იმასაც გრძნობდა, რომ მაინცდამაინც თვალში არ მოსდიოდა კრისტოფს, რომელიც ვერ მალავდა გაღიზიანებას, როდესაც კარებში გამოჩნდებოდა ამ კართაგენული კერპის გაბარჯლული სიფათი (მეტსახელად მოლოხი რომ შეარქვა), თუმცა მეორე წუთში მადლიერებით ევსებოდა გული ებრაელისადმი, მისი ალალი გულკეთილობის გამო.

გულკეთილობა იშვიათი თვისება როდია ებრაელებში: ყველა სათნოება-თაგან ყველაზე უფრო მისაღები მათთვის სწორედ გულკეთილობა გახლავთ, თუნდაც მას არ იჩენდნენ ცხოვრებაში. მართალია, უმრავლესობაში მისი უარყოფითი ან პასიური ფორმა გვხვდება: შემნდობლობა, გულგრილობა, ცუდის ჩადენისადმი ზიზღი და დამცინავი შემწყნარებლობა. მოოხის გულკეთილობა კი მხურვალე და ქმედითი გახლდათ. იგი მუდამ მზად იყო, მტლად დასდებოდა ვინმეს ან რაიმე საქმეს: თავის ღარიბ თანამორწმუნეებს თუ რუს ლტოლვილებს, ყველა ერის ჩაგრულ შვილებს, ყველა უიღბლო ხელოვანს, ყველა ბედკრულს, ყოველ დიდსულოვან საქმეს. მისი ქისა გახსნილი იყო ყოველთვის და რაგინდ ქესატიც გამხდარიყო იგი, მოოხი მაინც მოახერხებდა, შიგ ერთი-ორი გროში კიდევ გამოეჩხრიკა; ხოლო უკეთეს იგი სრულიად გაფხეკილი აღმოჩნდებოდა, მოოხი ახლა სხვას ამოაქექინებდა ქისას. იგი არც ძალ-ღონეს იშურებდა და არც ცდას აკლებდა, როდესაც ვინმეს ხელის გაწოდება სჭირდებოდა. მოოხი ამას ალაღად, გადაჭარბებული გულალალობითაც კი სჩადიოდა. მხოლოდ ეს კია, ცოტა გულისგამწყვალებლად უყვარდა შესხენება, ალალი და უეშმაკო ვარო; მაგრამ მთავარი ის არის, რომ ნამდვილად ასეთი გახლდათ.

კრისტოფმა, რომელიც ხან ანტიპათიისა და ხან სიმპათიის გრძნობით იმსკვალებოდა ებრაელისადმი, ერთხელ, მოოხის გულკეთილობით აღელვებულმა, მეგობრულად დაუჭირა მას ორივე ხელი და გულუბრყვილოდ მიახალა:

— რა უბედურებაა!.. რა უბედურებაა, რომ ებრაელი ხართ!

ოლივიე შეკრთა და გაწითლდა, თითქოს ეს სიტყვები მას შეეხებოდა. უხერხულობისაგან მიწა რომ გასკდომოდა, ის ერჩია, აღარ იცოდა, როგორ გამოესყიდა მეგობრის მიერ მოოხისადმი მიყენებული შეურაცხყოფა.

მოოხმა ნაღვლიანი ირონიით გაიღიმა და მშვიდად უპასუხა:

— გაცილებით უფრო დიდი უბედურებაა, რომ ადამიანი ხარ.

კრისტოფმა ეს უბრალო მახვილსიტყვაობად ჩათვალა. მაგრამ ამ სიტყვებში ჩამარხული პესიმიზმი უფრო ღრმა იყო, ვიდრე კრისტოფს ეგონა; ოლივიე კი, თავისი ალღოიანი მგრძნობიარობის წყალობით, მიხვდა, რისი თქმაც სურდა მას. მოოხის ნიღაბქვეშ, რომელსაც ისინი იცნობდნენ, სულ სხვა ადამიანი ცხოვრობდა — ფრიად განსხვავებული და ბევრ რამეში სრულიად საწინააღმდეგოც კი. ეს ხასიათი, რომლის გამოჩენასაც მოოხი ყოველნაირად ცდილობ-

და, თავის შინაგან ბუნებასთან ხანგრძლივი ბრძოლის შედეგს წარმოადგენდა. ეს კაცი, ერთი შეხედვით უბრალო, უაღრესად რთული ბუნებისა გახლდათ: როდესაც საკუთარ თავს ნებდებოდა, მყისვე მოთხოვნილება უჩნდებოდა, გაერთულებინა მარტივი საგნები და თავისი ყველაზე მართებული გრძნობები-სათვის ნაძალადევი დამცინავობის ელფერი მიეცა. ამ კაცს, გარეგნულად თავშეკლავს რომ ჰგავდა და ზოგჯერ მეტისმეტად მოკრძალებული გეგონებოდათ, სულის სიღრმეში ფარული სიამაყე ჰქონდა; ეს თავადვე იცოდა, რისთვისაც მკაცრად სჯიდა საკუთარ თავს. მისი ხალისიანი ოპტიმიზმი, მისი დაუცხრომელი საქმიანობა, ნიადაგ იქითკენ მიმართული, რომ ხელი შეეწყო ადამიანებისათვის, მალავდა მის ღრმა ნიჰილიზმსა და სასოწარმყვეთ გულგატეხილობას, რომელსაც შიშით თავსაც ვერ უმხელდა, მოოხი თითქოს მტკიცე რწმენას ავლენდა ბევრ რამეში: კაცობრიობის პროგრესში, ებრაელობის განწმენდილი სულის მომავალში და საფრანგეთის — ამ განახლების ჯარისკაცის ბედისწერაში (იგი ხალისით აიგივებდა სამივე ამ ცნებას). მაგრამ ოლივიე, რომელსაც არაფერი გამოეპარებოდა, ეუბნებოდა კრისტოფს:

— სულის სიღრმეში მას არაფერი არა სწამს.

მთელი თავისი სალი აზრისა და დამცინავი სიმშვიდის მიუხედავად, მოოხი ნეერასთენიკი გახლდათ; მას ეშინოდა თავისი შინაგანი სიცარიელისათვის შეეხედა. შეტევები ჰქონდა ხოლმე არარაობის შეგრძნებისა: უცებ, შუალაშისას გაეღვიძებოდა და შეძრწუნებული კენესოდა. იგი განუწყვეტლივ ეძებდა საბაზს მოქმედებისათვის, რომელსაც ცდილობდა ისე ჩაბლაუჭებოდა, როგორც წყალწაღებული ხავსს.

ძვირად უჯდებოდა ადამიანებს უპირატესობა — ეკუთვნოდნენ ძველისძველ რასას. მათ აწევთ წელში გამწყვეტი ტვირთი წარსულის, მოყირჭებული გამოცდილების, გრძნობისა და გონების იმედგაცრუებისა, — მრავალსაუკუნოვანი ცხოვრების მთელი ეს ნაღული, რომლის ფსკერზე დალექილა მოწყენილობის წმახე ლექი... მოწყენილობა, უსაზღვრო სემიტური მოწყენილობა, რომელიც არაფრით არა ჰგავს ჩვენს არიულ მოწყენილობას; იგი არც ჩვენ გვაკლებს ტანჯვას, მაგრამ მანც გარკვეული მიზეზი წარმოშობს და მასთან ერთადვე ქრება, რადგან ჩვენთვის იგი სხვა არა არის რა, თუ არა მხოლოდ წუხილი მიუწვდომელი სურვილის გამო. ებრაელთა გარკვეულ ნაწილს კი სასიკვდილო საწამლავით მოშხამვია თვით სიცოცხლის წყარო. აღარაფრის სურვილი, აღარაფრით გატაცება: არც პატივმოყვარეობა, აღარც სიყვარული, აღარც ამქვეყნიური სიამე. მხოლოდ ერთი რამ კვლავ ბოგინობს აღმოსავლეთის ფესვებს მოწყვეტილ ამ ადამიანებში, რომელთაც დაშრეტიათ საუკუნეთა მანძილზე უხვად ნახარჯი ენერჯია და ელტვიან ატარაქსიას — აბსოლუტურ სულიერ სიმშვიდეს, თუმც ვერ აღწევენ კი მას: ეს გახლავთ მიღრეკილება მეტისმეტი განსჯის, დაუსრულებელი ანალიზისადმი, რაც არათუ არ დაუკარგავთ, არამედ ავადმყოფურად გასძლიერებით, წინასწარვე ფრთებს რომ აკვეცს მათს სიხა-

რულს და ყოველგვარი მოქმედების ხალისს აკარგვინებთ. ხოლო ყველაზე ენერგიულნი თავს იღებენ რაიმე როლს და ლამობენ ითამაშონ იგი, ვიდრე იმოქმედონ საკუთარი გულისწადილით. საგულისხმო უცნაურობა, რომელიც სკირს მრავალ მათგანს, ამასთან ფრიად გონიერთ და ზოგჯერ არანაკლებ დარბაისელთაც კი! რეალური ცხოვრებისადმი ეს გულგრილობა ჰკარანახობს. მათ მოწოდებას თუ იღუმალ სურვილს, იმსახიობონ, ითამაშონ ცხოვრება, — ერთადერთი ნირი, როგორითაც შეუძლიათ მათ იცხოვრონ!

მოოხიც თავისებურად მსახიობი გახლდათ. იგი საზრუნავს იჩენდა და მოუსვენრობდა, რომ თავი დაევიწყებინა. მაგრამ თუ მეტ წილ ადამიანებს არ ასვენებთ პირად სარგებლობაზე ფიქრი, მოოხი სხვების სარგებლობისათვის მოუსვენრობდა. მისი ერთგულება კრისტოფისადმი, ერთსა და იმავე დროს, გულის ამჩუყებელიც იყო და მომაბეზრებელიც. კრისტოფი მას აბუჩად იგდებდა, თუმცა მერე ნანობდა ხოლმე. მოოხს არასოდეს არაფერი სწყინდა კრისტოფისაგან. მის ერთგულებას ვერაფერი არყევდა. არა იმიტომ, თითქოს კრისტოფის სიყვარულით აღარ იცოდა რა ექნა. მას უფრო ერთგულების გამოჩენა უყვარდა ადამიანებისადმი, ვიდრე ადამიანები, რომელთა მიმართ ერთგულებას იჩენდა. ადამიანები მხოლოდ საბაბს წარმოადგენდნენ მისთვის, რომ სიკეთე ჩაედინა და, მაშასადამე, ეცხოვრა.

მან იმდენი მოახერხა, რომ დაიყოლია ჰეხტი, „დავითი“ და კრისტოფის ზოგიერთი სხვა კომპოზიცია გამოეჭევეყნებინა. ჰეხტი აფასებდა კრისტოფის ნიქს, მაგრამ არ ჩქარობდა, პირველს ეღიარებინა იგი. ხოლო როდესაც დაინახა, რომ მოოხი მზად იყო, თავის ხარჯზე სხვა გამომცემელთან დაებეჭდა ისინი. ჰეხტმა, თავმოყვარეობის გამო, გადაწყვიტა თვითონ ეთავა.

მოოხს დაებადა აგრეთვე აზრი, — კრიტიკულ ჟამს, როდესაც ოლივიე ლოგინად ჩავარდა და ფული გაუჭირდათ, — მიემართა მდიდარ არქეოლოგ ფელიქს ვაილისათვის, მეგობრების მეზობლად რომ ცხოვრობდა. მოოხი და ვაილი იცნობდნენ ერთმანეთს, მაგრამ დიდ სიმპათიას არ გრძნობდნენ ერთიმეორისადმი. ისინი სულ სხვადასხვა ყაიდის ადამიანები იყვნენ: მოოხი ფაცურა, მისტიკოსი და რევოლუციონერი გახლდათ, „მდაბიური“ მანერებით, რასაც, მგონი, განზრახ უფრო ხაზს უსვამდა, რომ დახვეწილმანერებიანი, კონსერვატიული სულისკვთების, დინჯი და დამცინავი ვაილის ირონია გაედინებინა. თუმცა საერთოც ბევრი ჰქონდათ: ორივენი ერთნაირად მოკლებულიყვნენ მოქმედების ხალისის აღმძვრელ შინაგან იმპულსს და მხოლოდ თავიანთი ცხოველუნარიანობა აძლებინებდათ, სისხლხორცეული და ანგარიშმიუცემელი. მაგრამ სწორედ ამაში არ სურდა არც ერთს, გამოსტყდომოდა საკუთარ თავს: ისინი ამჯობინებდნენ თავზე არ აეღოთ არაფერი, გარდა როლისა, რომელსაც ასრულებდნენ; მათს როლებს კი საერთო არა ჰქონდათ რა. ჰოდა, ვაილმაც საკმარისად მიიღო მოოხი; როდესაც ამ უკანასკნელმა სცადა, არქეოლოგი ოლივიესა და კრისტოფის შემოქმედებითი გეგმებით დაეინტერესებინა, იგი მის დამ-

ცინავ სკეპტიციზმს წააწყდა. მოოხის დაუსრულებელი გატაცებანი ახალ-ახალი უტოპიებით დაცინვას იწვევდა ხოლმე ებრაელთა საზოგადოებაში, სადაც მას სახიფათო „სესხიად“ იცნობდნენ. მაგრამ ამჯერადაც, როგორც ჩვეულებრივ, მოოხს არ დაუქარავს იმედი; და როდესაც დაყინებით განაგრძობდა მოყოლას კრისტოფისა და ოლივიეს მეგობრობაზე, ვაილს დაინტერესება დაეტყო. მოოხმა ეს შენიშნა და — კიდევ უფრო შეაფერადა.

იგი მის მგრძნობიარე სიმს შეეხო. ყველაფრისაგან განზე გამდგარი და უმეგობროდ დარჩენილი მოხუცი ვაილი თაყვანს სცემდა ჰეშმარიტ მეგობრობას; დიდი გრძნობით ათბობდა მის ცხოვრებას ერთგულება მეგობრისადმი, რომელიც უდროოდ დაქარავა; ამ გრძნობას საუნჯესავით ინახავდა გულში: როდესაც მეგობარზე ფიქრობდა, ვაილი მხნეობას გრძნობდა. მან სტიპენდიები დააარსა მეგობრის სახელზე. წიგნები მიუძღვნა მის ხსოვნას. მოოხის მონათხრობმა კრისტოფისა და ოლივიეს ერთგულ მეგობრობაზე ააღლევა ვაილი. მათი ამბავი თავის პირად ცხოვრებას აგონებდა. დაქარგული მეგობარი თითქოს უფროსი ძმა იყო მისთვის, სიკაბუჯის თანამგზავრი და მეგზური, რომელსაც აღმერთებდა. ეს გახლდათ ერთი იმ ახალგაზრდა ებრაელთაგანი, რომელთაც წვაავთ საკუთარი გონების მგზნებარება და დიდსულოვნების ცეცხლი, ტანჯავთ მძიმე გარემო; ვისაც მიზნად დაუსახავს, აღამაღლოს თავისი ერი და, მისი მშვეობით, მთელი კაცობრიობა; ვინც საკუთარ აღზე იხრუქება, იდაგება და თავისი ხანმოკლე სიცოცხლის მანძილზე გიზგიზებს, როგორც ფისის ჩირაღდანი. მისმა მხურვალეებამ გაათბო ყმაწვილი ვაილის აპათია. სანამ მეგობარი ცოცხალი ჰყავდა, ვაილი მის გვერდით მიაბიჯებდა, მოსილი რწმენის შარავანდელით, — რწმენისა მეცნიერებისადმი, ადამიანის გონების შესაძლებლობისა და ბედნიერი მომავლისადმი, რომელსაც თავის გარშემო ასხივებდა ეს მესიისებური სული. ხოლო როდესაც მან მარტო დატოვა, ვაილმა, სუსტმა და დამცინავმა, ვედარ შეძლო ამ იდეალიზმის მწვერვალებზე დარჩენა და დაეშვა ეკლესიასტეს მწირ სკეპტიციზმში, რომელიც სუფევს ყოველ ებრაელ გონებაში, მუდამ მზად რომ არის შეიწოვოს იგი. მაგრამ ვაილს არ დავიწყებოდა მეგობართან ერთად, მის სხივმოსილებაში გატარებული დღეები, რომლის მიმკრალ შუქს კვლავ სათუთად ინახავდა სულში. მისი სახელი არასოდეს არავისთან უხსენებია, თვით ცოლთანაც კი, რომელიც ასე უყვარდა: მეგობრის სახე წმინდა ხატი გამხდარიყო მისთვის. ეს მოხუცი, პროზაულ და უგულვო ადამიანად რომ მიაჩნდათ, თავისი ცხოვრების დასაღიერამდე, საიდუმლოდ იკლავდა გულში ძველი ინდოელი ბრაჰმანის ნაღვლიან და საგულისხმო სიტყვებს:

„შხამიანი ზე ცხოვრებისა ორ ნაყოფს ისხამს, უფრო ტკბილს, ვიდრე ცხოვრების წყაროს წყალი : ერთი პოეზიაა, მეორე კი — მეგობრობა“.

მას შემდეგ იგი კრისტოფისა და ოლივიეს ბედით დაინტერესდა. მათი სიამაყე რომ იცოდა, ჩუმად გამოართვა მოოხს ოლივიეს ახლადგამოქვეყნებული ლექსები და ისე, რომ მეგობრებს არაფერი უთხოვიათ, უბრალოდ ეკვიც

არ აუღიათ მის განზრახვაზე, ვაილმა მოახერხა, წიგნისათვის აკადემიის პრემია მიენიჭებინათ, რამაც გაჭირვებაში ჩაცვივებულ მეგობრებს ზედ სულზე მიუხსწრო.

როდესაც კრისტოფმა შეიტყო, რომ ეს მოულოდნელი დახმარება მოდიოდა იმ კაცისაგან, რომლის მიმართ იგი წინასწარ ცუდად განწყობილი იყო, სინდისის ქენჯნა იგრძნო იმის გამო, რაც აქამდე მასზე დაუფიქრებლად ეთქვა ან გულში გაეცლო და, თუმცა არ უყვარდა სტუმრად სიარული, თავს ძალა დაატანა მისულყო ვაილთან და მადლობა გადაეხადა. მაგრამ კრისტოფის კეთილი განზრახვა არ დაჯილდოებულა. მისმა ჭაბუკურმა აღფრთოვანებამ მოხუც ვაილს ირონია აღუძრა, თუმცა ცდილობდა არ გამოემყლავენებინა იგი; ერთი სიტყვით, ერთმანეთში საერთო ვერაფერი გამონახეს.

იმავე დღეს, როდესაც მადლიერი და თან გულმოსული კრისტოფი, ვაილთან სტუმრობის შემდეგ, თავის სხვენში დაბრუნდა, მას იქ, კეთილ მოოხთან ერთად, ოლივიესათვის ახალი სამსახურის შესათავაზებლად რომ მოსულიყო, დახვდა ლუსიენ ლევი-კერის მიერ ჟურნალში გამოქვეყნებული სტატია, სადაც გაბიპარუებული იყო მისი მუსიკა, თანაც პირდაპირი კრიტიკით კი არა, არამედ შეურაცხყოფელი ჭკუისდამრიგებლობით: სიტყვების ეშმაკური გადაკერა-გადმოკერით, ავტორი თავს იქცევდა იმით, რომ კრისტოფი გვერდში ამოეყენებინა იმ მესამე თუ მეოთხეხარისხოვანი კომპოზიტორებისათვის, რომლებიც ზიზღს იწვევდნენ გერმანელში.

— თუ შეგინიშნავს, — უთხრა კრისტოფმა ოლივიეს, როდესაც მოიხიწავიდა, — რომ ჩვენ ყოველთვის ებრაელებთან გვაქვს საქმე, მხოლოდ და მხოლოდ ებრაელებთან? დალაზვროს ეშმაკმა, ჩვენც უჩვე ებრაელებად ხომ არ უქცეულვართ? გამაგებინე, მაშ, რა ხდება? ჩვენ თითქოს ვიზიდავთ მათ. ყოველ ნაბიჯზე მათ ვაწყვდებით — მტრებს თუ მოკავშირეებს.

— იმიტომ, რომ ისინი სხვებზე მეტად გამგებიანნი არიან, — თქვა ოლივიემ. — ჩვენში თითქმის ერთადერთი ებრაელები არიან, ვისთანაც თავისუფალ კაცს შეუძლია ისაუბროს რაიმე ახალზე, რაიმე ცოცხალზე. სხვები წარსულის ცქერაში გარინდულან, განსვენებულ საგნებს მიშტერებიან. მათდა საუბედუროდ, ებრაელთათვის ეს წარსული არ არსებობს, ან ყოველ შემთხვევაში, იგი ის არ არის, რაც ჩვენთვის. მათთან მხოლოდ დღევანდელზე შეგვიძლია ლაპარაკი, ჩვენს ხალხთან კი მხოლოდ გუშინდელზე. შეხედე, რა აქტიურნი არიან ისინი ცხოვრების ყოველ დარგში: კომერციაში, მრეწველობაში, განათლებაში, მეცნიერებაში, ქველმოქმედებასა თუ ხელოვნებაში...

— ხელოვნებაზე ნურაფერს ვიტყვით, — უთხრა კრისტოფმა.

— მე არ ვაპობ, რომ ყოველთვის სიამოვნებას მგერის, რასაც ისინი სჩადიან; ხშირად ეს საზიზღარიც კია. მაგრამ ისინი მაინც ცოცხალი ადამიანები არიან და უნარი აქვთ, ესმოლეთ ცოცხლებისა. უიმათოდ ჩვენ იოლად ვერ წავალთ.

— ნურც ეგრე გააზვიადებ, — მიუგო დამცინავად კრისტოფმა. — პირად მე იოლად წავიდოდი.

— შენ, ალბათ, სიცოცხლეს კი შეძლებდი, მაგრამ რა აზრი ექნებოდა შენს არსებობას, თუ შენი ცხოვრება და შენი შემოქმედება ყველასათვის უცნობი დარჩებოდა, რაც, შესაძლოა, ასეც მოხდებოდა, ისინი რომ არა. ნუთუ გგონია, რომ ჩვენი ერთმორწმუნე თანამემამულენი მოვიდოდნენ ჩვენს საშველად? კათოლიციზმი ხედავს, როგორ იღუპებიან მისი ღირსეული შვილები და თით-საც არ ანძრევს, რომ იხსნას ისინი. ყველას, ვინც ქვეშაირი მორწმუნეა, ვინც სიცოცხლესაც კი არ იშურებს, რათა დაიცვას მალალი ღმერთი, — თუ გაბედა თავი დააღწიოს კათოლიციზმის დოგმებს და უარი თქვა დაემორჩილოს რომს, მას მაშინვე არა მარტო ურჩად, არამედ მტრად აცხადებს უღირსი ხრო-ვა თვითმარქვია კათოლიკეთა, რომელნიც ჩქმალავენ მის დამსახურებას და სა-ჯიჯნად უგდებენ მას საერთო მტრებს. თავისუფალი გონების ადამიანი, რა-გინდ დიდიც იყოს იგი, ქრისტიანი სულთ, თუ არ არის ქრისტიანი მორჩილე-ბითაც, კათოლიკენი აღარ დაგიდევენ, რომ იგი, შესაძლოა, ყოველივე იმას განსახიერებდეს, რაც მათს რწმენაში წმინდაზე წმინდა და ქვეშაირად ღვთაებრივია. ის ხომ არ ეკუთვნის იმ ჯოგს, იმ ბრმა და ყრუ სექტას, რომელ-საც არ გააჩნია დამოუკიდებელი აზროვნების უნარი. მას განკვეთენ და ტყვები-ან მისი მზერით, მარტოობით განაწამები და მტერთაგან ნაჯიჯნი, საშველად რომ მოუხმობს თავის მოყვასთ, ვისი რწმენისთვისაც კვდება. დღევანდელ კათოლი-ციზმში მომაკვინებელი ინერტულობა გამეფებულა. იგი უფრო ადვილად შეუნდობს თავის მტრებს, ვიდრე მათ, ვისაც სურს გამოაღვიძოს და სიცოცხლე დაუბრუნოს მას... რა უნდა გვექნა, ჩემო კეთილო კრისტოფ, რას გავხდებო-დით ჩვენ — კათოლიკენი წარმოშობით, ვინც თავი დავაღწიეთ მის დოგმებს — ეს ერთი მუჭა პროტესტანტები და ებრაელები რომ არა? დღეს ევროპაში ებ-რაელები ყველაზე სიცოცხლისუნარიანი მატარებლები არიან ყოველივე იმი-სა, რაც კი რამ კარგი ან ავი ხდება. ისინი, ალაღებდზე, ხელს უწყობენ ადა-მიანთა გონების დამტვერვას გამანაცოფიერებელი აზრებით. განა მათ შორის არ შეიძინე შენი ყველაზე პირველი მეგობრებიც?

— მართალია, — თქვა კრისტოფმა, — ისინი მამხნევებდნენ, მხარს მიჭერ-დნენ, მომმართვედნენ სიტყვებით, საბრძოლველად რომ აღგანთებენ, რადგან რწმუნდები, რომ გაგიგეს. რასაკვირველია, ამ მეგობართაგან ბევრი აღარავინ შემომრჩა: მათი მეგობრობა ჩალასავით აბუბუბურდა და ჩანავლდა. მაგრამ რა უშავს! ეს წუთიერი გაეღვებაც დიდი რამ არის უკუნ დამეში. მართალი ხარ: ნუ ვიქნებით უმადურნი.

— მეტადრე, ნუ ვიქნებით არაგონიერნი, — შენიშნა ოლივიემ. — მოდი, ნულარ დავამახინჯებთ ჩვენს ისედაც სნეულ ცივილიზაციას და ნუ ვეცდებით შემოვამტვრიოთ მას ყველაზე ცხოველუნარიანი რტოები. უბედურება რომ მოხდეს და ებრაელები გააძევეონ ევროპიდან, მასში ისე გალატაკდებოდა აზრი

და ჩაკედებოდა მოქმედება, რომ სრული გაკოტრების საფრთხის წინაშე აღმოჩნდებოდა იგი. განსაკუთრებით ჩვენში, ფრანგული სიცოცხლისუნარიანობის დაქვეითების ვითარებაში, მათი გაძევება კიდევ უფრო სისხლისაგან დაკლიდა ერს, ვიდრე პროტესტანტების განდევნამ უყო მეჩვიდმეტე საუკუნეში. რასაკვირველია, ადგილი, რომელიც ამჟამად მათ უკავიათ, არ შეესაბამება მათ რეალურ ღირებულებას. ებრაელები სარგებლობენ დღევანდელი პოლიტიკური და მორალური ანარქიით, რომელსაც — თავიანთი ბუნებრივი მიდრეკილების წყალობით და, აგრეთვე, იმის გამო, რომ მასში უფრო ლაღად გრძნობენ თავს — თვითონვე ცოტათი როდი უწყობენ ხელს. საუკეთესონი, ამ სათნო მოიხის მსგავსად, ამაოდ ირჩებიან, გულწრფელად რომ აიგივებენ საფრანგეთის მომავალს თავიანთ ებრაულ ოცნებებთან, რომლებიც ზოგჯერ უფრო სახიფათოა ჩვენთვის, ვიდრე სასარგებლო. მაგრამ ცოცხად ვერ ჩაუთვლი იმას, რომ ოცნებობენ, თავიანთ ყაიდაზე გარდაქმნან საფრანგეთი: ეს ხომ მათ სიყვარულით მოსდით. თუ მათი სიყვარული საშიშია, ჩვენ ისლა დაგვრჩენია, რომ მათ თავიანთი შესაფერი ადგილი მივუჩინოთ, ეს ადგილი კი მეორე რიგშია. იმიტომ კი არა, რომ ისინი ჩვენზე დაბალი რასის ხალხად მიმაჩნია (რასობრივ უპირატესობაზე მსჯელობა საზიზღარი ჩმახვია). მაგრამ დაუშვებელია, რომ უცხო ერი, ჯერ კიდევ რომ არ გათქვეფილა ჩვენში, იჩემებდეს, თითქოს ჩვენზე უკეთ ერკვევა იმაში, თუ რა არის ჩვენთვის საჭირო. ებრაელნი ჩინებულად გრძნობენ თავს საფრანგეთში, — კეთილი და პატიოსანი! მაგრამ დაე, ნუ ეცდებიან იუდეად აქციონ იგი! ჰქვიანი და ძლიერი მთავრობა, რომელიც მოახერხებდა თავისი ადგილი მიეჩინა ებრაელობისათვის, მათ ერთ-ერთ ყველაზე სასარგებლო იარაღად გახდიდა საფრანგეთის განსაღიღებლად და ამით სამსახურს გაუწევდა როგორც მათ, ასევე ჩვენც. ამ უაღრესად აღზნებულ, მოუსვენარსა და მერყევე არსებებს ესაჭიროებათ მკაცრი კანონი, მათ რომ დააოკებდა და, აგრეთვე, მაგარი, მაგრამ სამართლიანი მბრძანებელი, რომელიც მოათვინიერებდა მათ. ებრაელები ქალებივით არიან: ისინი ჩინებულნი არიან, თუ მათ ლაგამს ამოსდებ; ხოლო ბატონობა, როგორც პირველთა, ისე მეორეთა, საძაგვლია; ისინი კი, ვინც მათ ბატონობას ემორჩილებიან, სასაცილო სანახაობას წარმოადგენენ.

მიუხედავად მათი ურთიერთსიყვარულისა და მანვილი წინათგრძნობისა, გამოუცნობს რომ არას ტოვებდა მეგობრის სულში, კრისტოფი და ოლივიე ზოგჯერ ისეთ თვისებას გამოამჟღავნებდნენ, რომ მეგობრები ველარ უგებდნენ ერთმანეთს და ეჩოთირებოდათ კიდევ ერთმანეთის ქცევა. მეგობრობის პირველ ხანს, — როდესაც თვითველი ცდილობს მხოლოდ ის თვისება გამოავლინოს, რომელიც მსგავსი აქვს მეგობართან, — ისინი ამას ვერ ამჩნევდნენ. მაგრამ შემდეგ, თანდათან ზედაპირზე ამოტივტივდა ორი სხვადასხვა ერის თვისებურ-

ზანი. თავი იჩინა პაწია უსიამოვნებებმა, რომლებსაც ყოველთვის ველარ უმკლავდებოდა მათი ნაზი მეგობრობა.

ისინი გაუგებრობებში გაიხლართნენ. ოლივიეს სული წარმოდგენდა რწმენის, თავისუფლების, ვნების, ირონიისა და ყოვლისმომცველი ეჭვის რაღაც ნარევს, რომლის ფორმულას ვერაფრით ჩასწვდომოდა კრისტოფი. თავის მხრივ, არც ოლივიეს ეპიტანავებოდა კრისტოფის მეტისმეტი უეშმაკობა; ძველი, ინტელექტუალური ერის არისტოკრატიზმით გამსჭვალულ ფრანგში ღიმილს იწვევდა გერმანელია ძლიერი, მაგრამ მძიმე და პირდაპირი გონების მოუქნელობა, რომელსაც არ შეეძლო თვითნაღიზი და მუდამ ვილაციისაგან ან საკუთარი თავისაგან გაბრწყინებული რჩებოდა. კრისტოფის გრძნობადაუფარაობა, მისი პირშიმომხლეული თავშეუყავებლობა, მისი უცაბედი აფეთქება ხანდახან აღიზიანებდა ოლივიეს და ცოტა სასაცილოც ეჩვენებოდა; აღარაფერს ვამბობთ ძალის იმ საქვეყნოდ აღიარებულ კულტზე, მუშტის სამართლის—**Faustrecht!** — უპირატესობის გერმანულ მრწამსზე, რომლის ზნეობრიობაში ოლივიესა და მის ხალხს საკმაო საფუძველი ჰქონდათ, ეჭვი შეეტანათ.

ხოლო კრისტოფი ვერ იტანდა ოლივიეში მის ირონიას, რასაც ხშირად გაცოფებამდე მიჰყავდა იგი; ვერ იტანდა მის მეტისმეტ მიდრეკილებას მსჯელობის, განუწყვეტელი ანალიზისადმი, მის რაღაცნაირ ინტელექტუალურ ამორალიზმს, განსაკუთრებით უცნაური რომ ეჩვენებოდა ისეთი ზნეობრივი სიწმინდის მოყვარე ადამიანისაგან, როგორც ოლივიე გახლდათ: ეს სულისკვეთება მომდინარეობდა ოლივიეს გონებრივი შეუზღუდაობიდან, რომელიც არასოდეს არაფერს უარყოფდა და სიამოვნებას ჰგვრიდა ურთიერთსაწინააღმდეგო აზრებით თავშექცევა. ოლივიე ერთგვარი ისტორიული, პანორამული თვალთახედვით ჰვრეტდა საგნებსა და მოვლენებს და ისე ძლიერი მოთხოვნილება ჰქონდა გაეგო ყველაფერი, რომ ერთსა და იმავე დროს ნათლად ხედავდა მედლის ორივე მხარეს და, რიგრიგობით, ხან ერთ მხარეს იცავდა, ხან მეორეს, იმის მიხედვით, თუ მოკამათე რომელს უარყოფდა ხელალებით; ბოლოს კი თვითონაც საკუთარ წინააღმდეგობებში იხლართებოდა. მით უფრო თავგზას უბნევდა იგი კრისტოფს. მაგრამ ეს არ ყოფილა საწინააღმდეგოს მტკიცების სურვილით, ან პარადოქსებისადმი მიდრეკილებით გამოწვეული; არამედ ეს გახლდათ სამართლიანობისა და საღი აზრის შინაგანი მოთხოვნილების გამოხატულება: მას აწვალებდა წინასწარშეგონებული აზრის შეზღუდულობა და არ შეეძლო არ გაეზათილებინა იგი. ის ნაჩქარევი, უხეში მიდგომა, რომლითაც კრისტოფი უზნეო საქციელსა და უზნეო ადამიანებს სჯიდა და ამრიგად აზვიადებდა სინამდვილეს, ეჩითიერებოდა ოლივიეს, რომელიც თუმცა კრისტოფივით სპეტაკი გახლდათ, მაგრამ არ იყო მისებრ ფოლადივით უდრეკი და გარეგანი ძალები ზემოქმედებდნენ, გავლენას ახდენდნენ და სახეს უცვლიდნენ მას. იგი ეკამათებოდა

¹ მუშტის სამართალი (გერმ.).

კრისტოფს გაზვიადებისა და უკიდურესობაში გადაყარდნისათვის და თვითონაც მეორე უკიდურესობაში ვარდებოდა. ყოველდღიურად ასეთ აზრებს ოლივიე ზოგჯერ ჩქამდე მიჰყავდა, რომ თავისი მეგობრების წინააღმდეგ მეტოქეთა დამქაშობასაც კი იწყებდა. კრისტოფი ბრაზდებოდა. იგი უსაყვედურებდა ოლივიეს სოფიზმებისა და შემწყნარებლობის გამო. ოლივიე იღიმებოდა: მან კარგად იცოდა, რა უილუზიოება იფარებოდა ამ შემწყნარებლობაში; იცოდა, რომ მის მეგობარს ბევრი რამ სწამდა, რასაც თვითონ არ იზიარებდა, მაგრამ ოლივიე ამას ურიგდებოდა! ხოლო კრისტოფი, რომელიც არც მარჯვნივ იხედებოდა, არც მარცხნივ, ჭიქურ მიიწევდა წინ, როგორც გარეული ტახი. განსაკუთრებით კი, პარიზელთა ყბადაღებულ „ლმობიერებაზე“ მიჰქონდა იერიში.

— მთავარი არგუმენტი, რომლის მოშველიება არამზადების „პატიების“ გასამართლებლად პარიზელებს ასე ეამაყებათ, — ამბობდა იგი, — გახლავთ ის, რომ, მათი აზრით, არამზადებს თავიანთ უბედურებად თითქოს ისიც ეყოფათ, რომ არამზადები არიან, ანუ არ გააჩნიათ პასუხისმგებლობის გრძნობა... მაგრამ, ჯერ ერთი, მართალი არ არის, თითქოს ის, ვინც ბოროტებას სჩადის, უბედურია. ეს იმ მიაშიტი მელოდრამების, იმ ბრიყვეული ოპტიმიზმის გულისგამამხნეველები მორალია, რომლის მსგავსი გულარხეინი თვითყმაყოფილებით იფრქვევა სკრიბისა და კაპიუსის პიესებიდან (სკრიბი და კაპიუსი ხომ პარიზის სახელგანთქმული შემოქმედნი არიან, რომელთა ღირსია ჭეშმარიტად თქვენი საზოგადოება — ეს სიტკბოების მძებნელი, ფარისეველი და გულუბრყვილო ადამიანები, რომლებიც ისე ლაჩრები არიან, რომ ვერ ბედავენ თვალი გაუსწორონ საკუთარ სულმოკლეობას). არამზადს თავისუფლად შეუძლია ბედნიერი იყოს. საამისოდ მას ყველაზე მეტი შესაძლებლობაც კი აქვს. რაც შეეხება იმას, თითქოს მას პასუხი არ მოეკითხება, — ეგეც მეორე სისულელე! გამბედაობა მოიკრიბეთ და აღიარეთ, რომ თუ ბუნება ცოდვა-მადლისადმი განურჩეველია, და ამდენად ბოროტიც, რატომ არ შეიძლება, ადამიანი ბოროტმოქმედი იყოს და ბედნიერად გრძნობდეს თავს? სათნოება ბუნების ქმნილება როდი გახლავთ. იგი ადამიანის გამოწვევია. დაე, მანვე დაიცვას იგი! ადამიანთა საზოგადოება ერთი მუჭა ძლიერთა და დიდ პიროვნებათა შემწეობით აშენებულა. მათი ვალია, გულბილწ არამზადებს არ შეარყევიონ ეს გმირული ნაგებობა.

ეს აზრები, თავისი არსით, დიდად არ განსხვავდებოდა ოლივიეს შეხედულებებისაგან; მაგრამ, წონასწორობის ილუმალი ინსტინქტით, არასოდეს ისე დილეტანტად არ გრძნობდა თავს, როგორც კრისტოფის მეტრძოლი სულისკვეთებით გამსჭვალული სიტყვების მოსმენისას.

— ნუ ღელავ, მეგობარო, — ეუბნებოდა იგი კრისტოფს. — დაანებე ქვეყანას, სული განუტევოს. ჩვენ კი, ვით დეკამერონის მეგობრებმა, მშვიდად ვისუნთქოთ აზრის ბალნართა საამო სურნელი, ვიდრე დაბლა, კვიპაროსებით მოფენილი და ვარდის ბუჩქებით მოხატული გორაკის გარშემო, ფლორენციას მუსრს ავლებს შავი ჭირი.

მთელი დღეების განმავლობაში იგი ისწრაფვოდა ნაწილებად დაეშალა ხელოვნების, მეცნიერების, აზრის მექანიზმი, რათა ჩასწვდომოდა მის მამოძრავებელ ძალას; ოლივიე პირონიზმამდე მიდიოდა: ყოველივე, რაც არსებობს, მხოლოდ და მხოლოდ ჩვენი ფანტაზიის ნაყოფს წარმოადგენს, ცაში გამოკიდებული გამოსახულებაა, რომელსაც ისეთი გამართლებაც კი არა აქვს, როგორც თუნდ გეომეტრიულ ფიგურებს, რომ აუცილებელი იყოს გონებისათვის. კრისტოფი გაცოფებულიყო:

— მანქანა ხომ მუშაობდა! მაშ, რაღა საჭირო იყო მისი დაშლა? შენ მას მთლად დაამტვრეე. ვთქვათ, მიაღწიე, რაც გსურდა! რა გინდა დაამტკიცო? ის, რომ არაა არაა? დალახეროს ეშმაკმა! ეგ ხომ ისედაც ვიცოდი. არარსობა ხომ ყოველი მხრიდან გვიტეეს და მეც ვიბრძვი. არაფერი არ არსებობს? მე ვარსებობ. აზრი არა აქვს, იმოქმედო? მე მაინც ვმოქმედობ. მათ, ვისაც სიკვდილი სურთ, ფეხებიც გაუფშვკიათ, თუკი ეს მათ ეამებათ! მე კი სიცოცხლე შწყურია და ვცოცხლობ. სასწორის ცალ თევზზე ჩემი სიცოცხლე დევს, მეორეზე — აზრი... ეშმაკსაც წაუღია აზრი!

კრისტოფს მთელი არსებით გაშმაგება იპყრობდა და კამათის დროს ენიდან შეურაცხყოფელი სიტყვები სწყდებოდა. თუმცა ძლივს ასწრებდა მათ წარმოთქმას, რომ უკვე ნანობდა. სიამოვნებით უკანვე წაიღებდა, მაგრამ გვიანდა იყო. ოლივიე მეტისმეტად მგრძნობიარე გახლდათ, ვერ გაიგებდი, რა ეწყინებოდა; ოდნავ მკვახე სიტყვაც კი, მეტადრე იმ ადამიანისგან, ვინც უყვარდა, მწვავე ტკივილს აყენებდა მის სულს. თუმცა სიამაყის გამო არაფერს იმჩნევდა და წყენას გულში იკლავდა. შეუძლებელი იყო, ოლივიეს არ შეენიშნა მეგობარში შეუგნებელი ეგოიზმის ის ანაზღაურელი გაელვებანიც, რომლებსაც ყველა დიდ ხელოვანში ვხვდებით. ზოგჯერ იმასაც კი გრძნობდა, რომ მისი სიცოცხლე კრისტოფს მშვენიერი მუსიკის ერთ გაქდერებაზე მეტად არ უღირდა (კრისტოფი სულაც არ ცდილობდა ამის დამალვას!). ოლივიეს ესმოდა ეს და ამართლებდა კიდევ მეგობარს; მაგრამ მაინც გული სწყდებოდა.

გარდა ამისა, კრისტოფის ბუნებაში მძვინვარებდნენ ათასგვარი ბუნდოვანი სტიქიური ძალები, რომლებიც ვერ აეხსნა და აშფოთებდნენ ოლივიეს. ისინი მკლავნდებოდნენ დროდადრო უცნაური და საშიში ხასიათის უეცარ გახუმრებებში. ზოგიერთ დღეებში ლაპარაკი ეზარებოდა, ანდა ღვარძლიანი დაცინვის უინი წამოუვლიდა და ცდილობდა შეურაცხყოფა მიეყენებინა მეგობრისათვის. ზოგჯერ უცებ სადღაც გაუჩინარდებოდა: მთელი დღე დაკარგული იყო და შუალამისასლა ბრუნდებოდა. ერთხელ, მთელი ორი დღე აღარ გამოჩენილა. დმერთმა უწყის, სად დაეხეტებოდა! რიგიანად თვითონაც არ იცოდა... მართლაც, მისი ძლიერი ბუნება, ხელმოკლე ცხოვრებასა და საქათმესავით ვიწრო ბინაში შეხუთული, დროდადრო მზად იყო გამსკდარიყო და ნაფლეთებად ექცია ყველაფერი. მეგობრის სიმშვიდეს პირდაპირ გაეცოფებინა კრისტოფი: მას სურვილი ჰქონდა ტკივილი მიეყენებინა ოლივიესათვის. კრისტოფი სახლიდან გარბო-

და და აღარ ბრუნდებოდა, სანამ ქანცი არ გაუწყდებოდა. დაყალიბდა პარიზის ქუჩებსა და გარეუბნებში, ანგარიშმიუტემლად ეძებდა რაიმე თავგადასავალს, რასაც ზოგჯერ კიდეც აწყდებოდა; იგი არც იმით რჩებოდა უქმყოფილო, ანაზღად ფათერაკსაც რომ გადაჰყროდა: ოღონდ კი შესაძლებლობა მისცემოდა, თავისი ჭარბი ძალები დაეხარჯა რაღაცაში, თუნდაც ეს მუშტი-კრივი ყოფილიყო... ოლივიეს, თავისი უბადრუკი ჯანმრთელობითა და ხორციელი უძლურებით, უჭირდა ამის გაგება. თუმცა არც თვითონ კრისტოფს ჰქონდა ეს შეცნობილი. ამ ცთომილებათა ბუჩახიდან გამორკვეული, როგორც მძიმე, დამლული სისზმრებიდან გამოფხიზლებული, იგი თითქოს დარცხვენილი და შეცბუნებული იყო იმით, რაც ჩაედინა და რასაც, ალბათ, კიდეც ჩაიდენდა. ხოლო როდესაც სიგიჟის გრიგალი ჩადგებოდა, კრისტოფი კვლავ ეუფლებოდა საკუთარ თავს და ეჩვენებოდა, რომ იგი იყო ქაროშლის შემდეგ მოკრიალეებული ვრცელი ცა, განწმენდილი ყოველგვარი მწიკელისაგან, წყნარი და უზენაესი. იგი კიდეც უფრო გულთბილი ხდებოდა ოლივიესადმი, ვიდრე უწინ და ტანჯავდა იმაზე ფიქრი, რომ ტკივილი მიაყენა მას. კრისტოფს ვეღარ აეხსნა, როგორ მოსდიოდათ მეგობრებს ასეთი წვრილმანი უთანხმოებანი. ამაში ყოველთვის თვითონ როდი მიუძღვოდა ბრალი, მაგრამ მაინც უფრო საკუთარ თავს ადანაშაულებდა; კიცხავდა თავის ვნებიან გაცხარებას, რომლითაც ცდილობდა თავისი სიმართლე დაემტკიცებინა: რადგან ხვდებოდა, რომ სჯობს ცდებოდე მეგობართან ერთად, ვიდრე მართალი იყო მის წინააღმდეგ.

ეს გაუგებრობანი განსაკუთრებით მძიმე იყო, როდესაც ისინი სადამოობით წარმოიშობოდნენ და მეგობრებს უხდებოდათ ღამე გაეთათ ერთმანეთთან უმძრახობაში, რაც სულიერ აფორიაქებას იწვევდა ორივე მათგანში. უცებ კრისტოფი ლოგინიდან წამოიჭრებოდა, რათა ორიოდე სიტყვა წაეჯღაბნა და ოლივიეს კარქვეშ შეეცურებინა; მეორე დილით კი, როდესაც ოლივიე ადგებოდა, კრისტოფი მას ბოდიშს უხდიდა. ანდა, შუალამითვე კარზე უკაკუნებდა: გათენებას ვეღარ უცდიდა. რული არც ოლივიეს თვალს ეკარებოდა. იცოდა, რომ კრისტოფს უყვარდა იგი და განზრახ როდი მიაყენა შეურაცხყოფა; მაგრამ სურდა, კრისტოფის პირით მოესმინა ეს. კრისტოფიც ამბობდა — და ყველაფერი ავიწყდებოდათ. რა ნეტარი სიმშვიდე ისადგურებდა მაშინ მათ სულში! და რარიგ ტკბილი ძილი ეუფლებოდათ მერე!

— ოჰ! — ამოიგმენდა ოლივიე. — რა ძნელია, ერთმანეთს გაუგო!

— საჭირო კია, რომ ყოველთვის უგებდე? — მიუგებდა კრისტოფი. — მე უარს ვამბობ ამაზე. მთავარია, გიყვარდეს.

ეს პაწია წყენინებანი, შემფოთებული ალერსიანობით რომ ცდილობდნენ შემდეგ გამოესყიდათ, აღრინდელზე უფრო ძვირფასსაც კი ხდიდნენ მათ ერთიმეორისათვის. წალაპარაკების წუთებში კრისტოფს ეჩვენებოდა, რომ ოლივიეს თვალებიდან ანტუანეტა უყურებდა. მაშინ ორივე მეგობარი ქალსურ გულისხმიერებას იჩენდა ერთმანეთის მიმართ. კრისტოფი ისე არ გაატარებდა

ოლივიეს დაბადების დღეს, რომ რაღაცით არ აღენიშნა — ან მუსიკალურ ნაწარმოებს მიუძღვნინდა, ანდა თაიგულს, ტორტს თუ რაიმე საჩუქარს მიართმევდა, რასაც ეშმაკმა იცის, საიდან და რით ყიდულობდა! (როცა ხშირად ყოველდღიური საჭიროებისთვის არ გააჩნდათ ფული). ხოლო ოლივიე გვიანობამდე იჯდა და ღამე მალვით თვალებს ითხრიდა კრისტოფის პარტიტურების გადათვარებით.

გაუგებრობანი მეგობრებს შორის არასოდეს ღებულობს საშიშ ხასიათს, ვერც მათ შუა არ ჩადგება მესამე პირი. ეს კი ხშირად არ აყოვნებს ხოლმე: აშქვეყნად ძალზე ბევრი ადამიანი უბოდიშოდ ჩრის ცხვირს სხვების შინაურ საქმეებში, რომ მათ შორის წყალი ამღვრიოს.

ოლივიე იცნობდა სტივენსებს, რომლებთანაც ამ ცოტა ხნის წინათ კრისტოფმაც დაიწყო სიარული; ამასთან, ოლივიეს გული მოენადირებინა კოლეტის სიკეკლუცეს. კრისტოფი მხოლოდ იმის გამო ვერ ხვდებოდა ხოლმე ოლივიეს თავისი ყოფილი ახლო ნაცნობის პატარა კარზე, რომ იმხანად ოლივიე, დის სიკვდილით დაშფუხრებული, საკუთარ მკმუნვარებაში ჩაეკტილიყო და აღარსად დადიოდა. თავის მხრივ, არც კოლეტი ცდილა, ენახა იგი: მას თითქოს უყვარდა ოლივიე, მაგრამ არ უყვარდა უბედური ადამიანები; ამბობდა, ისე სუსტი გული მაქვს, რომ ვინმეს მწუხარებას რომ ვხედავ, ცუდად ვხდები. ამიტომ გადაწყვიტა, აღარ გაეხსენებინა ოლივიე, სანამ მწუხარება არ გაუვლიდა. ხოლო როდესაც შეიტყო, მგონი, განკურნებულა და ინფექციის აღარავითარი საშიშროება აღარ არსებობსო, გაბედა ნიშანი მიეცა. ოლივიესაც არ უხვევწინებია. იგი ერთსა და იმავე დროს უკარებაც იყო და ადამიანებთან ურთიერთობას მონატრებულიც, და ადვილად შეიძლებოდა მისი დაყოლიება; ამასთან, კოლეტისადმი სისუსტესაც იჩენდა. როდესაც მან კრისტოფს გაანდო თავისი განზრახვა, კოლეტთან შეხვედრები განეახლებინა, კრისტოფმა, რომელიც მეტისმეტად პატივს სცემდა მეგობრის თავისუფლებას, რომ გადაწყვეტილება დაეშალა მისთვის, მხოლოდ მხრები აიჩიჩა და დამცინავი კილოთი უთხრა:

— შენ იცი, ჩემო კარგო, როგორც გენებს.

მაგრამ თავად კი არ გაჰყვა. გადაწყვეტილი ჰქონდა აღარასოდეს გაჰკარებოდა არც ასეთ კეკლუც არსებებს და არც მათს საზოგადოებას. არა იმიტომ, თითქოს ქალთმობქლუე ყოფილიყოს, — სულაც არა. უბრალოდ, მას უფრო იმ მშრომელი ყმაწვილი ქალებისადმი მიუწევდა გული, იმ მუშა გოგოების, მოსამსახურე ქალიშვილებისაკენ, რომლებიც დილაობით, ნახევრად გამოუძინებელნი, დაგვიანების შიშით თავიანთი საამქროებისა და კანცელარიებისაკენ მიიჩქარიან. კრისტოფი თვლიდა, რომ ქალი მხოლოდ მაშინ აღწევს თავის ჭეშმარიტ სრულყოფილებას, როდესაც იგი იღვწის, ცდილობს თვითონ ირჩინოს თავი, მოიპოვოს თავისი ლუკმა და დამოუკიდებლობა. მას მიაჩნდა, რომ სწორედ ასეთ დროს შეიძლება გამოვლინდეს ქალის მთელი ეშხი და სიკისკასე,

გაიღვიძოს ყველა მისმა გრძნობამ, მთლიანობაში წარმოდგეს მისი სიცოცხლე და მისი ნებისყოფა. მას არ უყვარდა მოცილილი და ნიადაგ სიტკბოების მძებნელი ქალები: ისინი ეჩვენებოდნენ ღორმუცელა ცხოველებად, რომლებიც მხოლოდ ნთქავენ და გული უწყალდებათ არაჩანსად ოცნებებში. ოლივიე კი, პირიქით, თაყვანს სცემდა ქალების far niente¹-ს, მათს მომხიბვლელობას, რადგან ისინი, მსგავსად ყვეაილებისა, იმისათვის გაჩენილან ქვეყნად, რომ მოგვნიბლონ თავიანთი სიტურფით და დაგვათრონ თავიანთი სურნელებით. მას უფრო არტისტული ბუნება ჰქონდა, კრისტოფს — უფრო ადამიანური. კრისტოფს სწორედ კოლეტის საპირისპირო ხასიათები მოსწონდა, — ისინი, ვისაც ცხოვრებაში მეტი მიწიერი ტანჯვის განცდა ერგოთ წილად: თითქოს რაღაც დაძმური თანაგრძნობის მსგავსი აკავშირებდა მათთან.

მეტადრე მას შემდეგ, რაც კრისტოფისა და ოლივიეს დამეგობრების ამბავი გაიგო, კოლეტი მოუსვენარმა სურვილმა შეიპყრო, კვლავ ენახა ოლივიე, რადგან აინტერესებდა, კრისტოფის შესახებ ყველაფერი გამოეკვლია: იგი ცოტა განაწყენებული გახლდათ კრისტოფზე, რომელმაც უყურადღებობა გამოიჩინა მისდამი, დაივიწყა იგი. ამიტომ გადაწყვიტა, — არა შურისძიების სურვილთ (ეს გარჯად არ ღირდა: რადგან შურისძიებას გარჯა სჭირდება), არამედ უბრალოდ სიამოვნებისათვის — რაიმე ოინი ეყო მისთვის. აი, კატა რომ გაგეთამაშება და კბილებით ლოლნას გიწყებს, რათა ყურადღება მიგაქცევიროს. მაცთუნებელი სიტყვებით, რაშიც ფრიად გაწაფული გახლდათ, კოლეტმა ადვილად გადაამლევირა გული ოლივიეს. არავინ ისე გამჭრიახი და ძნელად გასაბრიყვებელი არ ყოფილა, როგორც ოლივიე, როდესაც შორს იყო ადამიანებისაგან; მაგრამ, ამავე დროს, არავინ იჩენდა მისებრ გულუბრყვილო მიმდობლობასაც, როდესაც იგი წყვილი საყვარელი თვალის წინაშე იმყოფებოდა. კოლეტის დაინტერესება მისი და კრისტოფის ურთიერთობით იმდენად გულწრფელი მოეჩვენა ოლივიეს, რომ მოხსნა პირი და მოუთხრო თავიანთი მეგობრობის ამბავი და გაანდო თვით ზოგიერთი თავიანთი მეგობრული გაუგებრობაც კი, რომლებიც ახლა უკვე სახუმარო ეჩვენებოდა, ხოლო მტყუანად ყველაფერში საკუთარი თავი მიაჩნდა. მან კოლეტს გაუზიარა აგრეთვე კრისტოფის შემოქმედებითი გეგმები და ზოგიერთი მისი მსჯელობა — ამასთან, სულაც არაპაამებლური — საფრანგეთსა და ფრანგებზე. ყოველივე ამას თავისთავად დიდი მნიშვნელობა როდი ჰქონდა, მაგრამ კოლეტმა არ დააყოვნა გაეხმაურებინა ოლივიეს ნაამბობი და თან თავისებურად გადაასხვაფერა, — ჯერ ერთი, იმიტომ, რომ უფრო მეტი ეშხი მიეცა ამბისათვის, და მეორეც, გულში განაწყენებული იყო კრისტოფზე. ხოლო პირველი, ვისაც კოლეტმა ეს საიდუმლო გაანდო, ბუნებრივია, გახლდათ მისი განუყრელი ლუსიენ ლევი-კერი, რომელსაც არავითარი საფუძველი არ გააჩნდა საიდუმლოდ შეენახა მოსმენილი, — იგი მთელ ქვეყანას მოე-

¹ უქმად ყოფნა (იტალ.).

დო, გზადაგზა კიდევ უფრო შელამაზდა და დამცინავი, ცოტა შეუტრაცხმყოფელი ელფერი მიიღო ოლივიესათვის, რომელიც კრისტოფის მსხვერპლად წარმოსახეს. თითქოს ამ აბზავს მაინცდამაინც დიდად არავინ უნდა დაეინტერესებინა, რადგან ორივე გმირი ძალზე ცოტა ვინმესთვის თუ იყო ცნობილი; მაგრამ პარიზელი რის პარიზელია, თუ ყოველთვის არ გამოიჩინა ცნობისმოყვარეობა ისეთი რამის მიმართ, რაც მას სულაც არ ეხება. ასე რომ, ერთ დღესაც კრისტოფმა მოისმინა ეს საიდუმლო ქ-ნ რუსენის პირით. იგი კრისტოფს კონცერტზე შეხვდა და უთხრა, მართალია, რომ იმ საბრალო ოლივიე ქანთან ჩხუბი მოგსვლიათო? მერე, მისი შემოქმედებითი მუშაობა იკითხა და თან ისეთ ნიშანდობლივ რაღაცეებზე გადაუკრა სიტყვა, რაც, დარწმუნებული იყო, მისი და ოლივიეს მეტმა არავინ იცოდა. ხოლო როდესაც კრისტოფმა ჰკითხა, თუ ვისგან გაიგო ქ-მა რუსენმა ეს წვრილმანები, მან უპასუხა; ლუსიენ ლევი-კერი-საგან, რომელსაც, თავის მხრივ, ოლივიესაგან შეუტყვიათ.

ამან განგვირა კრისტოფი. გულფიცხსა და განუსჯელს, აზრადაც არ მოსვლია, ეპვი შეეტანა ამ ცნობის დამაჯერებლობაში; ერთი რამ ცხადი გახლდათ: საიდუმლო, რომელიც ოლივიეს გაანდო, უკვე გამხელილი იყო, გამხელილი ლუსიენ ლევი-კერისათვის. კონცერტზე ყოფნა ვეღარ შეძლო და მყისვე დარბაზიდან გავიდა. გარშემო ყველაფერი დაცარიელდა, წყვილიაღმა მოიცვა ყოველივე. იგი ჩასჩიჩინებდა თავის თავს: „მეგობარმა მილალატა!...“

ოლივიე კოლეტთან იყო. კრისტოფმა შიგნიდან გასაღებით ჩაიკეტა თავისი ოთახის კარი, რომ შინ დაბრუნებისას, ოლივიე, ჩვეულებისამებრ, მასთან წასამუსიაფებლად ვერ შესულიყო. მცირე ხნის შემდეგ, პისი ფეხის ხმაც შემოესმა; ოლივიემ ამაოდ სცადა კარი შეეღო და გასაღების ჭუჭქრუტანიდან ძილი ნებისა უსურვა. კრისტოფი არ განძრეულა. ბნელაში, ლოგინზე იჯდა, თავი ხელებში ჩაერგო და კვლავ იმეორებდა გულში: „მეგობარმა მილალატა!...“ ასე გაატარა თითქმის მთელი ღამე. ახალა მიხვდა, როგორ ჰყვარებია ოლივიე: მას არ შეეძლო გასჯავებოდა მეგობარს ღალატისათვის და მხოლოდ გულში იტანჯებოდა. მას, ვინც გიყვარს, ყველაფრის უფლება აქვს შენთან, უფლება — თვით სხვა შეიყვაროს. არ შეიძლება გაუპრახნდე მას ამის გამო; შეგიძლია მხოლოდ საკუთარ თავს დაემდურო, რომ არა ყოფილხარ სიყვარულის ღირსი, რაკი მიგატოვა. ეს კი სასიკვდილო განაჩენს უდრის, სიცოცხლის ხალისს რომ გისპობს.

მეორე დღეს დღით, როდესაც ოლივიე ნახა, კრისტოფს ხმა არ გაუცია: დამამცირებელი მოეჩვენა საყვედური ეთქვა, საყვედური იმის გამო, რომ ბოროტად გამოიყენა მეგობრის ნდობა და მისი საიდუმლო საერთო მტრების სასაცილო გახადა; ამიტომ ვერაფრის თქმა ვეღარ მოახერხა. მაგრამ ყველაფერზე მეტყველებდა მისი სახე — მტრული და გაყინული. ოლივიე გაოცებას შეეპყრო: ვერაფერს მიმხვდარიყო. მორიდებით სცადა გაეგო, რაზე უწყებოდა კრისტოფი. მან უხეშად ზურგი შეაქცია და პასუხი არ გასცა. ოლივიე, თავის

მხრივ, შეურაცხყოფილი, დადუმდა და უსიტყვოდ ჩაიკლა გულში მწუხარება. მთელი დღე ერთმანეთი თვალით აღარ უნახავთ.

ოლივიეს ათასჯერ უფრო მეტი ტანჯვა რომ მიეყენებინა, კრისტოფი მაინც შურს არაფრით იძიებდა და არც თავის მართლებას დაიწყებდა მასთან: ოლივიე წმინდა ხატი იყო მისთვის. მაგრამ გულისწყრომა, რომელსაც განიცდიდა კრისტოფი, აუცილებლად უნდა დაენთხია ვიღაცაზე, რომ შეეხებოდა ეგრძნო; და რაკი ოლივიე გამორიცხული იყო, ნიშანში ლუსიენ ლევი-კერი ამოიღო. ჩვეულებრივ უსამართლობითა და აღზნებულობით, კრისტოფმა ერთბაშად მას გადააბრალა მთელი პასუხისმგებლობა ოლივიეს მიერ დაშვებული შეცდომისათვის; ამასთანავე, კრისტოფს საშინელი ეჭვიანობით გამოწვეული ჯავრიც ჰქონდა ლევი-კერის მიმართ, რომელიც ცდილობდა წაერთმია მისთვის მეგობრის სიყვარული, როგორც შეეცილა ადრე კოლეტ სტივენსთან მეგობრობაში. მისი მოთმინების ფიალა რომ აევსო, იმავე დღეს კრისტოფს თვალში მოხვდა ლუსიენ ლევი-კერის სტატია „ფიდელიოს“ დადგმის თაობაზე. ავტორი მჭირდავი კილოთი ლაპარაკობდა ბეთჰოვენზე და ქირქილით აცხადებდა, რომ მისი გმირი ქალი მონტიონის პრემიის ღირსიაო. კრისტოფი სხვებზე უკეთ ხედავდა ოპერის სუსტ მხარეებს და თვით ზოგიერთ ხინჯსაც მუსიკაში; ყოველთვის არც თვითონ იჩენდა გადაჭარბებულ პატივისცემას აღიარებული ავტორიტეტებისადმი. მაგრამ იგი თავადაც არ იჩემებდა ყველაფერში შემცდარ თანმიმდევრობასა და ფრანგულ ლოგიკურობას. კრისტოფი იმ აღამიანთა რიცხვს ეკუთვნოდა, რომლებიც თვითონ ხალისით ამჩნევენ შეცდომებს საყვარელ აღამიანებში, მაგრამ არ აძლევენ ამის ნებას სხვებს. თუმცა სულ სხვა არის, გააკრიტიკო დიდი შემოქმედი, თუნდაც ისეთი უღმობელობით, როგორიც სჩვეოდა ხელოვნებისადმი მხურვალე რწმენითა და, მისსავე განსაღიღებლად, პირშიმძრახველი სიყვარულით შთაგონებულ კრისტოფს, მცირე უკმარისობასაც კი რომ ვერ იტანდა მასში, — ხოლო სულ სხვაა, აკრიტიკო, როგორც ამას ლუსიენ ლევი-კერი სჩადიოდა, მხოლოდ იმისათვის, რომ აამო ბრბოს სულმდებლობას, გააცინო ხალხი და ჰკვიანი გამოჩნდეს დიდი აღამიანის ხარჯზე. გარდა ამისა, რაც უნდა პირუთენელი ყოფილიყო კრისტოფი ნაკლის დაუფარაობაში, იყო მუსიკა, რომელიც დუმილით გარემოეცვა და ტაბულ გამოეცხადებინა: მისი მიკარება აკრძალული იყო, — მუსიკა ყოვლად სპეტაკი, დიდისა და მოწყალე სულისა, თვით მუსიკაზე უფრო მეტი და უფრო მაღალი, ნუგეშს, მხნეობასა და იმედს რომ გვინერგავს. ასეთს განეკუთვნებოდა ბეთჰოვენის მუსიკა. ხოლო როდესაც კრისტოფი ხედავდა, რომ ვიღაც უტიფარი უხეშად ბღალავდა მას, იგი მოთმინებას კარგავდა. ეს უკვე ხელოვნებისა კი აღარა, არამედ ღირსების საკითხი გახლდათ; ყოველივე, რაც კი ფასს აძლევს ცხოვრებას — სიყვარული, გმირობა, მხურვალე სათნოება, მოყვასისათვის მტლად დადების სურვილი, — ყველაფერი ილახებოდა. ამ მუსიკის განქიქება უკვე დაუშვებელი გახლდათ. შეუძლებელი იყო, ნება მიეცა ხელეყოთ იგი ისევე, როგორც შეუძლებელია

აღუშვოთებლად უცქირო შენი პატივსაცემი და საყვარელი მანდილოსნის შეურაცხყოფას: შეურაცხყოფელი სიძულვილს იმსახურებს და სიკვდილის ღირსია იგი... და რაღა ეთქმოდა, თუკი ადამიანი, ვინც ეს შეურაცხყოფა მიაყენა, იყო პიროვნება, რომელიც ყველაზე მეტად სძულდა ქვეყანაზე!

განგებამ იწება, რომ იმავე საღამოს, ორივენი პირისპირ შეხვედროდნენ ერთმანეთს.

ოლივიესთან მარტო რომ არ დარჩენილიყო, კრისტოფი, ჩვეულების წინააღმდეგ. წვეულებაზე წავიდა რუსენებთან. სთხოვეს დაეკრა. გუნებაზე ვერ იყო, მაგრამ უარი აღარ უთქვამს. ერთი წუთის შემდეგ კი, იგი უკვე მთელი არსებით მუსიკით იყო გატაცებული, როდესაც თავი ასწია და რამდენიმე ნაბიჯის მოშორებით, ერთ-ერთ ჯგუფში, შენიშნა ლუსიენ ლევი-კერი, დამცინავი თვალები მისკენ დაჟინებით რომ მიეშტერებინა. კრისტოფი სახტად დარჩა: მუსიკა შუა ტაქტზე გაწყვიტა, ადგა და როიალს ზურგი შეაქცია. უცებ უხერხული სიჩუმე ჩამოვარდა. გაცეხებული ქ-ნი რუსენი ნაძალადევი ღიმილით მიუახლოვდა კრისტოფს და რაკი მთლად დარწმუნებული არ იყო, რომ ნაწარმოები დამთავრდა, ფრთხილად ჰკითხა:

— აღარ განაგრძობთ, ბატონო კრავტ?

— მოვრჩი, — ცივად უპასუხა მან.

მაგრამ როგორც კი დაამთავრა სიტყვა, მიხვდა, რომ უმართებულოდ მოიქცა; თუქცა იმის მაგივრად, რომ უფრო ფრთხილი გაეხნა იგი, ამან მხოლოდ კიდევ მეტად გააღიზიანა. კრისტოფმა აინუნში არ ჩააგდო იქ მყოფთა დამცინავი გაცეხა, წავიდა და დაჯდა დარბაზის კუთხეში, საიდანაც შეეძლო თვალი ედევნებინა ლუსიენ ლევი-კერის ქცევისათვის. მისმა მეზობელმა, ლოყებდაჟდა და სახენამძინარეებმა, ბავშვური გამომეტყველების, ღია ცისფერთვალა მოხუცმა გენერალმა თავი ვალდებულად ჩათვალა, ქათინაურები ეთქვა კრისტოფისათვის მუსიკალური ნაწარმოების ორიგინალობის გამო. კრისტოფმა, გაბზრებულმა, თავი მდებლად დაუკრა და პასუხად რაღაც ჩაიდუღუნა. გენერალი განაგრძობდა საუბარს, უღარესად თავაზიანად, არაფრისგამომხატველი, უწყინარი ღიმილით; ისურვებდა, აეხსნა მისთვის კრისტოფს, თუ როგორ ახერხებდა იგი მთელი ფურცელი ნოტების ზეპირად დამახსოვრებას. მოთმინებიდან გამოსულ კრისტოფს ცოტადა აკლდა, დივანიდან ძირს არ გადაეკოტრიალებინა ეს აბეზარი მოხუცი. იგი ცდილობდა გაერჩია, რას ლაპარაკობდა ლუსიენ ლევი-კერი: საბაზს ეძებდა, რომ დასტაკებოდა მას. უკვე რამდენიმე წუთია, კრისტოფი გრძნობს, რომ საცაა რაღაც სისულელეს ჩაიდენს; მაგრამ ამქვეყნად ვერავითარი ძალა ველარ შეაკავებს. ამასობაში, ლუსიენ ლევი-კერი, თავისი წრიპინა ხმით უხსნიდა მანდილოსნების ჯგუფს, თუ რა ფარული ზრახვანი ამოძრავებთ დიდ ხელოვანთ. წამით სიჩუმე ჩამოვარდა და კრისტოფმა გარკვევით გაიგონა, რომ ოხუნჯური ქარაგმებით იგი ვაგნერისა და ლუი მეფის მეგობრობაზე გადაუკრავდა.

— კმარა! — დაიღრიალა კრისტოფმა და მუშტი დაჰკრა მის ახლოს მდგომ მაგიდას.

გაოცებულნი, ყველანი მისკენ შემოტრიალდნენ. ლუსიენ ლევი-კერი, კრისტოფის მზერას რომ წააწყდა, ოდნავ გაფითრდა და წარმოთქვა:

— ეს მე შემეხება?

— სწორედ შენ, ძაღლო! — მიაძახა კრისტოფმა.

და მყის ფეხზე წამოიჭრა.

— შენ ხომ ვერ მოიხვეწებ ისე, რომ არ გასვარო ყოველივე, რაც კი ქვეყნად დიდებულია, — განაგრძო მან გაშმაგებით. — გაეთრე აქედან, შე ლაზღანდარავ, თორემ ფანჯრიდან გისროლე!

იგი ლუსიენისაკენ გაემართა. მანდილოსნები უნებლიე შეძახილებით გზიდან ჩამოეცალნენ. შეიქნა ჩოჩქოლი. კრისტოფს გარს შემოერტყუნენ. ლუსიენ ლევი-კერმა ასადგომად წამოიწია, მაგრამ ისევ სავარძელზე დაეშვა და ისეთივე დაუდევარი პოზა მიიღო. ხმადაბლა მოიხმო მსახური, გვერდით რომ გაიარა, და სადარბაზო ბარათი გადასცა; მერე კვლავ საუბარი განაგრძო, ვითომც არაფერი მომხდარიყოს, თუმცა ნერვიულობისაგან ქუთუთოები უთრთოდა და დაბნეულად მოხამხამე თვალებს აქეთ-იქით აპარებდა, რომ გარშემო მყოფი ადამიანები დაეხვერა. რუსენი წინ გადასდგომოდა კრისტოფს, ხელი ჩაეწყო მისთვის ფრაკის გადანაკეცებში და კარისაკენ უბიძგებდა. გამძვინვარებული და დარცხვენილი კრისტოფი თავდახრილი იდგა და მისჩერებოდა მისი თეთრი პერანგის ფართო გულსპირს, რომელზეც უკვე მერამდენედ თვლიდა ბრილიანტის ღილებს; იგი თავის სახეზე გრძნობდა მსუქანი კაცის ქოშინს.

— დამშვიდდით, ჩემო კარგო, დამშვიდდით! — ეუბნებოდა რუსენი. — რა დაგემართათ? რას ჰგავს ეს? ეშმაკმა დალახვროს, დაუკვირდით. რას სჩადიხართ! სად გგონიათ თქვენი თავი? ჰკუაზე ხომ არ შეიშალებ?

— ეშმაკსაც წაუღივარ, თუ კიდევ ფეხი მოვადგა თქვენსა! — წამოიძახა კრისტოფმა და ხელი გააშვებინა; შეტრიალდა და კარისაკენ გაემართა.

ყველამ სიფრთხილით დაუთმო გზა. გასაბნეულ ოთახში მსახურმა სინი გაუწოდა: ზედ იღო ლუსიენ ლევი-კერის სადარბაზო ბარათი. კრისტოფმა, ვერაფერს რომ ვერ მიხვდა, აიღო და ხმამაღლა წაიკითხა იგი; მერე უცებ სიბრაზისაგან სუნთქვაშეკრულმა ჭიბებები ამოიქექა, მთელ ბლუჯა სხვადასხვა ნივთებს სამი-ოთხი დაჰმუჭნილი და გაჭუჭყიანებული ბარათიც ამოაყოლა.

— აჰა! აჰა! — ჩაიბურტყუნა და ისე ღონივრად დაანარცხა ბარათები სინზე, რომ ერთ-ერთი იატაკზე გადაეარდა.

და გავიდა.

ამის შესახებ ოლივიემ სრულებით არაფერი იცოდა. კრისტოფმა სეკუნდანტებად აიყვანა პირველი შემხვედრი ნაცნობები: მუსიკის კრიტიკოსი თეოფილ გუჟარი და ერთი გერმანელი — შვეიცარიის უნივერსიტეტის პრივატ-დოცენ-

ტი, დოქტორი ბართი, რომელსაც ერთ საღამოს ლუდხანაში შეხვედროდა და ნაცნობობა გაება; თუმცა კრისტოფს დიდად არ ეპიტნავებოდა გერმანელი, მაგრამ შეეძლო მასთან ერთად სამშობლოზე ესაუბრა. ლუსიენ ლევი-კერის სეკუნდანტებთან მოლაპარაკების შემდეგ, შეთანხმდნენ პისტოლეტებით ესროლათ. კრისტოფისთვის ყველა იარაღი ერთი იყო, რადგან არც ერთის ხმაზეა არ იცოდა, და გუჯარმა ურჩია, ცუდს არ იზამდი, ტირში გამომყოლოდი, რომ რამდენიმე გაკვეთილი მაინც მომეცაო; მაგრამ კრისტოფმა უარი თქვა და ხვალინდელი დღის მოლოდინში კვლავ სამუშაო მაგიდას მიუჯდა.

მაგრამ გონება გაფანტული ჰქონდა. თითქოს ცუდ სიზმარში იყო, ყურებში უბეუოდა აკვიატებული აზრი, რომელსაც გაებრუებინა მისი ცნობიერება... არასასიამოვნოა, დიახ, არასასიამოვნო... რას ვამბობდი? ჰო, ეს დუელი, ხვალ... არაფერია: მიზანში არასოდეს ისვრიან... თუმცა ხომ შეიძლება, რომ... კი მაგრამ, მაშინ?... მაშინ ის, რომ საკმარისია ამ პირუტყვემა, რომელსაც გულზე არ ვახატივარ, ერთი თითი გამოსწიოს და — მშვიდობით სიცოცხლევ?... მერე მიდი და უყარე კაკალი! დიახ, ხვალ, ორ დღეში, შესაძლოა, უკვე პარიზის ამ აყროლებულ მიწაში განვისვენებდე... თუმცა რა ბედენაა, ეს მიწა იქნება თუ სხვა?... ეს რა, სიმხალე ხომ არ შემპარვია გულში? არა, მაგრამ საძრახისი იქნებოდა, რაღაც სისულელის გულისათვის დამესამარებინა აზრთა მთელი სამყარო, რომელიც უკვე ჩასახულა ჩემში... დალახეროს ეშმაკმა ეს თანამედროვე დუელები, ვითომ მოწინააღმდეგეთა შანსებს რომ ათანაბრებს! რა მშვენიერი თანასწორობაა: ვიღაც არამზადას სიცოცხლეს ისეთსავე ფასს ადებს, როგორც ჩემსას! რატომ ერთმანეთზე მუშტებით და კეტებით არ მიგვიშვებენ! მაშინ გენახათ სერიო! ეს გულგრილი დახვრეტა კი!.. მან, რასაკვირველია, სროლაც იცის, მე კი პისტოლეთი ხელში არ ამიღია... მართალი მითხრეს: საჭიროა წავივარჯიშო... მას სურს მომკლას? უწინ მე მოვკლავ მას!”

ძირს ჩამოვიდა. ტირი მათი სახლიდან რამდენიმე ნაბიჯის მოშორებით იყო. კრისტოფმა იარაღი გადმოაღებინა და სთხოვა აეხსნათ, როგორ ეხმარა. პირველი გასროლით კინაღამ ტირის გამგე გააგორა; ორ-სამჯერ კიდევ სცადა, მაგრამ უკეთესობა არ ეტყობოდა; მაშინ გაბრაზდა — და უარესად გამოუვიდა. მის გარშემო რამდენიმე ახალგაზრდა კაცს მოეყარა თავი და იცინოდნენ. კრისტოფს ყურადღება არ მიუქცევია მათთვის. გერმანელისათვის ჩვეული სიჯიუტით, იგი ისე დაჯინებით ცდილობდა მიზანში მოერტყა და ისე გულგრილი იყო დაცინვისადმი, რომ, როგორც ყოველთვის ხდება ხოლმე, მისმა გულგაუტეხელმა ნებისყოფამ შალე ყველა დააინტერესა და ერთმა მაყურებელთაგანმა რჩევა-დარიგება მისცა. კრისტოფი ჩვეულებრივ თვითნება, ამჯერად ყველაფერს დამჭერი ბავშვივით ასრულებდა, ცდილობდა დაემორჩილებინა ნერვები. რომ ხელი არ აჰკანკალებოდა: ძალ-ღონე მოეკრიბა, წარბები შეეჭმუნა, ოფლი წურწურით ჩამოსდიოდა ლოყებზე, ხმას არ იღებდა, თუმცა დროდადრო უცებ გული მოუვიდოდა, მერე ისევ სროლას იწყებდა. ასე გაატარა ორი საათი. ორი

საათის შემდეგ უკვე მიზანში არტყამდა. არაფერი ისე არ იპყრობდა მნახველის თვალს, როგორც ამ მოუქნელი და ურჩი სხეულის მომათვინიერებელი ნებისყოფა, უნებლიეთ პატივისცემას რომ აღვიძრავდათ. დამცინავი მაყურებელი ზოგნი წავიდნენ-წამოვიდნენ, ზოგნიც თანდათან ჩაჩუმდნენ და ვედარ მიეტოვებინათ საინტერესო სანახაობა. ხოლო როდესაც კრისტოფმა წასვლა დააპირა, მეგობრულად დაემშვიდობნენ.

დაბრუნებისას, კრისტოფს შინ დახვდა კეთილი მოოხი, რომელიც შეშფოთებული ელოდა მას. ლუსიენ ლევი-კერთან მისი უსიამოვნების ამბავი შეეტყო და გამოქცეულიყო: უნდოდა ჩხუბის მიზეზი გაეგო. მიუხედავად კრისტოფის მიკიბულ-მოკიბული პასუხისა, რომელსაც არ სურდა დაედანაშაულებინა ოლივიე, მოოხი ბოლოს ყველაფერს მიხვდა. ვინაიდან გულგრილი იყო და ორივე მეგობარს კარგად იცნობდა, დარწმუნდა, რომ ოლივიე მთლად დამნაშავე არ უნდა ყოფილიყო იმ პატარა დაღატაკში, რომელიც მას ბრალდებოდა. მოოხმა გამოიძია და იოლად დაადგინა, რომ მთელი ბოროტება კოლეტისა და ლევი-კერის კორების ბრალი იყო. სასწრაფოდ დაბრუნდა კრისტოფთან და დამამტკიცებელი საბუთები მოუტანა; ფიქრობდა, ამით დუელს ავაცილებო. მაგრამ მოხდა სრულიად საწინააღმდეგო: როდესაც შეიტყო, რომ ლევი-კერის გამო მეგობრის ერთგულებაში დაექვდა, კრისტოფი კიდევ უფრო გაბრაზდა მასზე. თავიდან რომ მოეცილებინა მოოხი, რომელიც აფიცებდა ხელი აეღო დუელზე, დააპირდა ყველაფერს შეგისრულებო. მაგრამ საქმის ბედი უკვე გადაწყვეტილი იყო. ახლა მას უხაროდა კიდევ: დუელში გადიოდა ოლივიეს შეურაცხყოფისთვის და არა თავისი გულისათვის!

ერთ-ერთი სეკუნდანტის გამონათქვამმა, როდესაც ეტლი ტყეში შემავალ ხეივანში შეგრიალდა, უცებ კრისტოფის ყურადღება გაამახვილა. სცადა ამოეკითხა, რაზე ფიქრობდნენ ისინი ამ წუთს და მიხვდა, რარიგ გულგრილნი იყვნენ მის მიმართ. დოქტორი ბართი ანგარიშობდა, რომელ საათზე დამთავრდებოდა ეს დავიდარება და მოასწრებდა თუ ვერა დროზე დაბრუნებულიყო, რომ დემთავრებინა საჯარო ბიბლიოთეკის ხელნაწერებზე დაწყებული მუშაობა. კრისტოფის სამ თანმხლებთაგან, გერმანული თავმოყვარეობის გამო, ყველაზე მეტად სწორედ მას აღელვებდა ბრძოლის შედეგი. გუჟარი კი, რომელსაც არც კრისტოფისთვის ეცალა და არც მეორე გერმანელისათვის, დოქტორი ჟულიენს ფიზიოლოგიის საჩოთირო თემებზე ესაუბრებოდა. ეს გახლდათ ახალგაზრდა ტულუზელი ექიმი, ადრე კრისტოფის კარის მეზობლად რომ ცხოვრობდა და დროდადრო ხან სპირტის ლამპას თხოულობდა კრისტოფისაგან, ხან ქოლგასა თუ ყავის ფინჯნებს, რომლებიც უსათუოდ დაზიანებული უნდა დაებრუნებინა. სამაგიეროდ, იგი მუქთად სინჯავდა ხოლმე კრისტოფს, ცდიდა მასზე ახალ წამლებს და ერთობოდა მისი გულუბრყვილობით. კასტილიელი იდალგოს აღუშფოთველი გამომეტყველების მიღმა განუწყვეტლივ ეღვიძა დაცინვის დაუოკე-

ბელ ვნებას. ექიმში არაჩვეულებრივ გაემხიარულებინა ამ ფათერაკს, რომელიც მეტისმეტად სასაცილო ეჩვენებოდა, და წინდაწინვე ტყებოდა კრისტოფის მოუქნელობით. მას სიამოვნებას ჰგვრიდა ეს გასეირნება ტყეში ეტლით, გულუხვი კრაფტის ხარჯზე. ეტყობა, ეს გახლდათ მთელი ამ სამეულის მთავარი გულისნადებიც: მათთვის ეს დუელი წარმოადგენდა მხოლოდ და მხოლოდ გასართობ სეირს, რაშიც თვითონ არაფერი ეკარგებოდათ. არც ერთი მათგანი ოტისოდენა მნიშვნელობასაც კი არ აძლევდა მის შედეგს. თუმცა სამივენი მზად იყვნენ ყოველგვარი შემთხვევითობისათვის, რასაც არხეინად ელოდნენ.

დათქმულ ადგილზე პირველნი თვითონ გამოცხადდნენ. შუაგულ ტყეში იდგა პატარა სამიკიტნო. ეს გახლდათ დროს გასატარებელი კუთხე, ფრიალ უსუფთაო, სადაც პარიზელები მოდიოდნენ აგრეთვე თავიანთი ტალახში ამოსვრილი ღირსების განსაბანად. გარშემო სულ ასკილის აყვავებული ბუჩქნარები იყო, ცოცხალ ღობეს რომ ქმნიდნენ. ბრინჯაოსფოთლებიანი მუხების ჩრდილში პატარა მაგიდები გაეშალათ. ერთ-ერთ მაგიდასთან სამი ველოსიპედისტი იჯდა: მოკლე შარვალსა და დაბალყელიან შავ წინდებში გამოწყობილი, უმარტივასმული ქალი და ფლანელის ხალათებში ჩაცმული, სიცხისაგან გამობენტერებული ორი მამაკაცი, რომლებიც ხანდახან რალაცას წაიდუღუნებდნენ ხოლმე, თითქოს ლაპარაკი დაეიწყებიათო.

კრისტოფის ეტლის მოსვლამ ცოტაოდენი გამოცოცხლება შეიტანა იქ მყოფთა შორის. გუჟარბა, რომელიც დიდი ხანია იცნობდა სამიკიტნოსა და მის პატრონებს, განაცხადა, საქმის მსვლელობის ხელმძღვანელობას მთლიანად მე ვკისრულობო. ბართმა ტალავერში შეიპატიჟა კრისტოფი და ლუდი შეუქვეთა. ჰაერში საამო სიგრილე და ფუტკრების გაბმული ბზუილი იდგა. კრისტოფს დაეიწყებოდა კიდევ, თუ რისთვის მოსულიყო აქ. ბართმა ბოთლში დარჩენილი ლუდი დაისხა და მცირე ღუმელის შემდეგ თქვა:

— უკვე ვხედავ, რას გავაკეთებ.

ლუდი მოსვა და განაგრძო:

— კიდევ მოვასწრებ: აქედან პირდაპირ ვერსალში წავალ.

მოისმა გუჟარის ხმა, გაცხარებით რომ ევაჭრებოდა მეპატრონე ქალს დუელის ადგილის ფასზე. ყულიენი კი დროს არ კარგავდა: მან ველოსიპედისტებს ახლოს გაუარა და, ყველას გასაგონად, აღტაცება გამოხატა ქალის შიშველი კანჭების გამო; ამას მოჰყვა უშვერი შეძახილების მთელი ნიაღვარი, რომლის დროს ყულიენი არავის ჩამორჩენია. ბართმა ხმადაბლა ჩაილაპარაკა:

— ფრანგები ბილწები არიან. შენი გამარჯვებისა იყოს, ძმაო.

მან ჭიქა ჭიქაზე მიუჭახუნა კრისტოფს. კრისტოფი ოცნებაში იყო; მწერების ჰარმონიულ ზუზუნზე მის თავში ერთმანეთს ენაცვლებოდნენ მუსიკის ნაწყვეტ-ნაწყვეტი ფრაზები. კრისტოფს ძილი ერეოდა.

მეორე ეტლის ბორბლებმა ხრამა-ხრუმში აუყენეს ქვიშას ხეივანში. კრისტოფმა თვალი მოჰკრა ლუსიენ ლევი-კერის ფერმკრთალ სახეს, ჩვეულებისა-

მებრ რომ ილიმებოდა; კვლავ ბრაზი მოაწვა და ზეზე წამოიქრა. ბართიე აპყვა.

ლევინ-კერი, ყელზე შემოჭერილი, მაღალი საყელოთი, საგანგებოდ იყო გამოწყობილი, რაც აშკარა კონტრასტს ქმნიდა მისი მოწინააღმდეგის დაუდევარ ჩაცმულობასთან. მას ეტლიდან გადმოჰყვებენ გრაფი ბლოზი, სპორტსმენი, ცნობილი თავისი სასიყვარულო თავგადასავლებით, ძველებური ბარძიმების კოლექციითა და ულტრაროიალისტური შეხედულებებით; ლეონ მუე, აგრეთვე მაღალ საზოგადოებაში მიღებულითაგანი, დეპუტატი ლიტერატურის წყალობით და ლიტერატორი პოლიტიკური პატივმოყვარეობით, ახალგაზრდა, მელოტი, წვერგაპარსული, ფერმკრთალი და ღვარძლიანი, რომელსაც გრძელი ცხვირი, ბუსავით მრგვალი თვალები და მუშტისოდენა თავი ჰქონდა; და ბოლოს, დოქტორი ემანუელი, პიტალო სემიტის განსახიერება, კეთილმოსურნე და გულგრილი, სამედიცინო აკადემიის წევრი და საავადმყოფოს დირექტორი, ცნობილი თავისი თეორიული ნაშრომებით და ყოველგვარი წამლებისადმი სექსუალური განწყობილებით, რაც აიძულებდა ირონიული თანაგრძობით ესმინა თავისი პაციენტების ჩივილისათვის, ხოლო მათს განსაკუთრად კი არაფერი ელონა.

ახალმოსულნი დარბაისლური თავაზიანობით მიესალმნენ დამხვდურთ. კრისტოფმა ოდნავი თავისდაქნევით უპასუხა, მაგრამ შენიშნა და არ ესიამოვნა, რომ მისმა სექუნდანტებმა მეტისმეტი მოწიწება და მონური ქედისმოხრა გამოიჩინეს ლევინ-კერის სექუნდანტების მიმართ. ყულიენი იცნობდა ემანუელს, გუჟარი კი — მუეს, და ორივენი პირფერული ღიმილით მიეგებნენ ეტლიდან გადმოსულთ. მუემ ისინი ცივი თავაზიანობით მიიღო, ხოლო ემანუელი მისთვის ჩვეული დამცინავი უცერემონიობით შეხვდა მათ. რაც შეეხება გრაფ ბლოზს, ლევინ-კერს გვერდიდან რომ არ მოსცილებია, მას უკვე მოესწრო მოწინააღმდეგე ბანაკის სერთუქებისა და საცვლების დათვალიერება, რაზეც თავის ფალავანს სასაცილო და მოკლე შენიშვნებს უზიარებდა, — ამას ისე აკეთებდა, რომ თითქმის ტუჩებს არ ამოძრავებდა, და ორივეს მშვიდად და წესიერად ეჭირათ თავი.

ლუსიენ ლევინ-კერს არხეინი გამომეტყველება მიეღო და ელოდა გრაფ ბლოზის ნიშანს, რომელიც ორთაბრძოლას ხელმძღვანელობდა. ლევინ-კერისთვის ეს დუელი უბრალო ფორმლობა იყო. თავად ჩინებული მსროლელი, რომელმაც მშვენივრად იცოდა, რა გაუწაფავი მოწინააღმდეგე ჰყავდა, ლევინ-კერი მაინც გულში ვერ გაივლებდა, გამოეყენებინა თავისი უპირატესობა და ეცადა მოერტყა კრისტოფისათვის, რომც მომხდარიყო დაუჯერებელი და სექუნდანტებს არ ეზრუნათ, დუელი უვნებლად დამთავრებულიყო: მას ესმოდა, რომ იმაზე დიდი უგუნურება არა არის რა, მსხვერპლად გახადო მტერი, გაცილებით უხიფათოა, მშვიდობიანად ჩამოიცილო იგი. ამასობაში კრისტოფს ქურთუკი გაეძრო, პერანგი გაეხსნა, მსხვილი კისერი და ღონიერი მარჯები გაეთავისუფლებინა და ელოდა შუბლდახრილი, თან გამგმირავად მიშტერებოდა ლევინ-კერს, მთელი ძალ-ღონე მოეკრიბა და სახის ყოველ ნაკვთზე მკვლელობის

ჩადენის უმოწყალო ეინი აღბეკდოდა; და გრაფმა ბლოხმა, კრისტოფს რომ უყურებდა, უნებლიეთ გაიფიქრა: კიდეც კარგი, ცივილიზაციამ ყველაფერი იღონა, რომ დუელის რისკი არარაობამდე დაეყვანაო.

როგორც კი ორივე მხრიდან თითო-თითო გაისროლეს, — რასაკვირველია, უმედგეოდ, — სეკუნდანტები მიეგებნენ და მილოცვა დაუწყეს დუელანტებს. პატივი დაკმაყოფილებული იყო. მაგრამ კრისტოფი არა. იგი კვლავ ადგილზე იდგა პისტოლეტმომარჯვებული და ვერ დაეჭვებინა, რომ ყველაფერი ამით დამთავრდა. სიამოვნებით დათანხმდებოდა დარჩენილიყო აქ, როგორც გუშინ ტირში, და ესროლათ ერთმანეთისთვის მანამ, ვიდრე ერთი მათგანი მიზანში არ მოარტყამდა. როდესაც გამოერკვა, რომ გუჟარი წინადადებას სთავაზობდა, ხელი ჩამოერთმია მოწინააღმდეგისათვის, რომელმაც, თავისი მარადიული ღიმილით სახეზე, რაინდულად გადმოდგა რამდენიმე ნაბიჯი მის შესახვედრად, — კრისტოფი აღაშფოთა ამ კომედიამ. იარაღი გაშმაგებით მიწაზე დაანარცხა, გუჟარი ხელისკვრით მოიცილა და ლევი-კერისაკენ გაექანა. ძლივს ძლივობით შეაკავეს იგი, რომ მუშტი კრივით არ განეგრძო ბრძოლა.

სეკუნდანტები შუაში ჩაუდგნენ, ლევი-კერმაც დრო იხელთა და გაეცალა. კრისტოფმა გაარღვია მათი ალყა და, ყური არ უვლია მათი სიცილ-ხარხარისა და საყვედურებისათვის, ტყისკენ გაემართა დიდი ნაბიჯებით, თან ხმამაღლა თავისთვის რაღაცას ლაპარაკობდა და გააფთრებით ხელებს იქნევდა. მან ისიც კი ვერ შენიშნა, რომ დუელის ადგილზე ქურთუკი და ქუდი დარჩა. კრისტოფი შორს შევიდა ტყეში. მას ესმოდა თავისი სეკუნდანტების სიცილნარევი ძახილის ხმები; მერე მოსწყინდათ და ხელი ჩაიქნიეს მასზე. როდესაც ეტლები ხმაური მიწყნარდა, კრისტოფი მიხვდა, რომ ყველანი წასულიყვნენ. იგი მარტოდმარტო დარჩენილიყო მდუმარე ხეებს შორის. ბრაზი უკვე დასცხრომოდა. მიწაზე დაემხო და ბალახებში ვაგორდ-ვაგორდა.

სულ მალე, სამიკიტნოს მოოხი მოადგა. დილას აქეთ კრისტოფის ძებნაში იყო. მას უთხრეს თქვენი მეგობარი ტყეში გავარდაო. მოოხი მის საძებრად გამოეშურა. შემოიხრინა ყველა ბუჩქნარი, გაეხმინა ყველა ექოს, მაგრამ ვერსად მიაგნო მის ასავალ-დასავალს. და როდესაც ხელცარიელი ბრუნდებოდა უკან, უცებ კრისტოფის მღერა შემოესმა. ხმას მიჰყვა და ბოლოს, როგორც იქნა, იპოვა კრისტოფი ერთ პატარა კორდზე: ფხეხეხი მალა აეშვირა და ცელქ ხბოსავით კოტრიალობდა. მოოხი რომ დაინახა, კრისტოფი მხიარულად გამოეხმაურა, დაუძახა „ჩემო ძველო მოლოხო“ და დააბუქა, ჩემი მოწინააღმდეგე საცერივით დავცხრილეო; ძალით ათამაშა ართურმა, ზურგზე გადაახტა და აიძულა თვითონაც გადახტომოდა, თან ლაზათიან დარტყმებს უთავაზებდა ხოლმე. მიუხედავად თავისი მოუქნელობისა, გულკეთილი მოოხი კრისტოფზე ნაკლებ არ მხიარულობდა. მერე მეგობრული მუსაიფით სამიკიტნოში დაბრუნდნენ და უაზლოეს სადგურში პარიზის მატარებელს გაჰყვნენ.

ოლივიემ არაფერი იცოდა, რა მოხდა. კრისტოფის გულთბილობამ გააოცა

იგი: ვერ მიმხვდარიყო ამ უეცარი ფერისცვალების მიზეზს. მხოლოდ შეორე დღესლა, გაზეთებიდან შეიტყო, რომ კრისტოფს დუელში მიეღო მონაწილეობა. ოლივიე კინდამ ავად გახდა, როდესაც წარმოიდგინა, რა საფრთხეს გადაურჩა მისი მეგობარი. სურდა გაეგო, რისი გულისათვის გავიდა დუელში. კრისტოფი უარს ამბობდა, რაიმე ეთქვა. ბოლოს, ოლივიე რომ აღარ მოეშვა, სიცილით უთხრა:

— შენი გულისათვის.

ამის მეტი ოლივიემ მას სიტყვა ვეღარ დააცდენინა. მოხმა უამბო, როგორც იყო საქმე. სახტად დარჩენილმა ოლივიემ გულიდან ამოიგდო კოლეტი და კრისტოფს შეევედრა, მაპატიე წინდაუხედაობაო. დაუყოლიებელმა კრისტოფმა ძველი ფრანგული ანდაზა მოაგონა, ეშმაკურად რომ გადააქეთა კეთილი მოხმის გასაღიზიანებლად, რომელიც იქვე იყო, შერიგებული მეგობრების ნეტარებით გაბედნიერებული:

— დაე, ეს შენთვის ჰკუის სასწაელებელი ყოფილიყოს, ჩემო კარგო...

მოცილი და ენაქართალა დედაკაცისგან,
პირმოთნე და გაიძვერა ებრაელისგან,
ორპირ მეგობრისაგან,
შინაური მტრისაგან
და დამარებული ღვინისაგან —
Libera nos, Domine!!

კრისტოფმა და ოლივიემ კვლავ ჰპოვეს ერთმანეთი. მეგობრობის დაკარგვის საშიშროებამ, რამაც აგრძნობინა მათ განშორების სიმძიმე, კიდევ უფრო ძვირფასი გახდა მათთვის ეს მეგობრობა. წვრილმანი გაუგებრობანი გაქრა: თვით ხასიათთა სხვაობა ერთმანეთს შორის მეგობრებს ახლა, პირიქით, მიმზიდველიც ეი ეჩვენებოდათ. კრისტოფი თავის სულში ითავსებდა ორი სამშობლოს სულისკვეთებას, ჰარმონიულად შერწყმულს ერთიმეორესთან. იგი გრძნობდა, რომ მდიდარი და სავსე ჰქონდა გული; და ეს ნეტარი სიუხვე ჩვეულებისამებრ მუსიკის ნაკადულად გარდაქმნილიყო მასში.

ოლივიე ალტაცებაში მოეყვანა ამას. თავისი გადაჭარბებული მსჯელობით იგი იქამდე მიდიოდა, რომ ლამის ერწმუნა, თითქოს მისმა სათაყვანებელმა მუსიკამ უკვე თქვა თავისი უკანასკნელი სიტყვა. მას მოსვენებას უკარგავდა ავადმყოფურად აკვირებული აზრი, რომ განვითარების გარკვეულ საფეხურზე აღმავლობას გარდღევლად მოსდევს დაქვეითება, და შიშისაგან ძრწოდა, რამეთუ ეს წარმატაცი ხელოვნებაც სიცოცხლის სიყვარულის უნარს რომ უნარჩუნებდა მას, დაიშრიტებოდა უკებ, დაშრებოდა მიწაში ჩაწრტილ წყაროსავით. კრისტოფს სასაცილოდ არ ჰყოფნიდა ეს სულმოკლე, შიშნეული ფიქრები. წინააღმდეგობის სულისკვეთებით გამსჭვალული, იგი ამტკიცებდა, რომ ჩემამდე

¹ გვიხსენ, უფალო! (ლათ.).

ჯერ არაფერი შექმნილა, ყველაფერი მხოლოდ ახლა უნდა შეიქმნასო. თავის მხრივ, ოლივიეს მაგალითად მოჰყავდა ფრანგული მუსიკა, რომელმაც, — ამბობდა იგი, — სრულყოფილებისა და სინატივის ისეთ ზღვარს მიაღწია, რომლის იქით განვითარება მთავრდებაო. კრისტოფი მხრებს იჩიჩდა:

— ფრანგული მუსიკა?... იგი ჯერ არც მოვლინებულა ქვეყანაზე... თუმცა რამდენი მშვენიერი ქმნილება შეგეძლოთ შეგექმნათ მსოფლიოსათვის! ხოლო თუ თქვენ თვითონ აქამდე ვერ მიმხვდარხართ ამას, გამოდის, რომ მოკლებული ყოფილხართ მუსიკის გრძნობას. ოჰ, ფრანგი რომ ვყოფილიყავი!..

და ჩამოუთვალა ყოველივე, რაც ფრანგს შეიძლებოდა დაეწერა:

— თქვენ ისეთ ჟანრებს ებლაუჭებით, რაც სათქვენო არ არის, ხოლო იმას კი არ აკეთებთ, რაც თქვენს მოწოდებას წარმოადგენს. თქვენ შნოსა და ლაზათის, ნატიფი პოეზიის, დახვეწილი მანერების, მოხდენილი მიხრა-მოხრის, პოზების, მოდისა და ჩაცმა-დახურვის ხალხი ხართ, მაგრამ აღარ წერთ ბალეტებს, მაშინ, როცა შეგეძლოთ შეგექმნათ შეუღარებელი ხელოვნება პოეტური ცეკვისა... თქვენ ლაღი სიცილისა და მხიარული კომედიების ხალხი ხართ, მაგრამ აღარ თხზავთ კომიკურ ოპერებს, ანდა ხელში უგდებთ ამ ჟანრს უნიჭო მუსიკოსებს, მუსიკას მიტმანნილ ადამიანებს. ოჰ, ფრანგი რომ ვყოფილიყავი, მუსიკაში ავადღერებდი რაბლეს, სასაცილო ეპოპებს შევთხზავდი... თქვენ რომანისტებით ცნობილი ხალხი ხართ, მაგრამ არ ქმნით რომანებს მუსიკაში (ვინაიდან გუსტავ შარპანტიეს ფელეტონებს რომანებს ვერ ვუწოდებ). თქვენ ვერ იყენებთ ფსიქოლოგიური ანალიზის ნიჭს, ხასიათების წვდომის უნარს. ოჰ, ფრანგი რომ ვყოფილიყავი, მუსიკალურ პორტრეტებს შეგიქმნიდით... (ზინდა, ზელდახელ დაგინატო აგერ ის ასული, დაბლა, ბაღში, იასამნის ქვეშ რომ ჩამოფქდარა?)... სიმებიან კვარტეტზე გადავიტანდი სტენდალს... თქვენ პირველი დემოკრატია ხართ ევროპაში, მაგრამ არ გაგაჩნიათ სახალხო თეატრი, სახალხო მუსიკა. ოჰ, ფრანგი რომ ვყოფილიყავი, მუსიკაზე გადავიტანდი თქვენს რევოლუციას: 14 ივლისს, 10 აგვისტოს, ვალმის, ფედერაცია... მუსიკაზე გადავიტანდი ხალხს! მაგრამ არა ვაგნერული მაღალფარდოვნების ყალბი სტილით. მე მსურს სიმფონიები, გუნდები, ცეკვები. არავითარი მეტყველება! მომზეზრდა ეს. კმარა ლაპარაკი მუსიკალურ დრამაში. სიმშვიდე სიტყვებს! მოუსვით თამამი ფუნჯი, ააფვრადეთ ვრცელი სიმფონიები მრავალმხიანი გუნდებით, ხატეთ თვალწუდვინელი მუსიკალური პეიზაჟები, ჰომეროსისებური და ბიბლიური ეპოპეები, ცეცხლი, მიწა და წყალი, მოკაშკაშე ცა, გულების ამაჩქარებელი მსურველება, ინსტინქტთა აღტყინება, ხალხის ბედ-იბბალი და ტრიუმფი რიტმის — სამყაროს ამ ყოვლისშემძლე მბრძანებლისა, რომელსაც დაუმონებია მილიონობით ადამიანი და მათს არმიებს სასიკვდილოდ ერეკება... მუსიკა ყველგან, მუსიკა ყველაფერში! მუსიკოსნი რომ იყოს, ცალკე მუსიკა გექნებოდათ ყოველი თქვენი საჯარო დღესასწაულისათვის, ყოველი თქვენი წესჩვეულები-სათვის, მუშათა კორპორაციების, სტუდენტთა კავშირებისა და თქვენი საოჯა-

ხო ზეიმებისათვის... მაგრამ, უპირველეს ყოვლისა, მუსიკოსნი რომ იყოთ, თქვენ შექმნიდით წმინდა მუსიკას, რომელსაც არაფრის თქმა არ სურს, მუსიკას, რომელიც არაფრის მარგია, არაფრისა, გარდა ერთისა: რომ გული გაგიტბოს, სუნთქვა შეგიმსუბუქოს და სული შთაგებროს... ქმენით მზე! Sat prata!¹ (როგორც ამბობ ხოლმე ლათინურად?). გეყოფათ ამდენი ავღარი. თქვენი მუსიკა სურდოს მიჩენს. ნათლად აღარ ჩანს: აანთეთ კვლავ ფარნები... დღეს თქვენ ბევრს წუწუნებთ ამ იტალიური porcherie²-ს გამო, რომელიც მოსდებია თქვენს თეატრებს, დაუპყრია თქვენი მაცურებლის ყურადღება და გარეთ გყრით საკუთარი სახლიდან! მაგრამ ვისი ბრალია? მაცურებელს მობეზრდა თქვენი ბინდით მოცული ხელოვნება, თქვენი ნევრასთენიული ჰარმონიები, თქვენი პედანტური კონტრაპუნქტები. იგი იქ მიდის, სადაც სიცოცხლეა, — რარიგ ტლანქი იყოს ეს სიცოცხლე. რატომ განდგომიხართ ცხოვრებას? თქვენი დებიუსი, რაგინდ დიდი ხელოვანიც უნდა იყოს იგი, მაინც ზიანის მომტანია თქვენთვის: იგი კიდევ უფრო ბურანში გხვევთ. თქვენ კი ლაზათიანი შენჯღრევა გპირდებით, რომ გამოფხიზლდეთ.

— იქნებ შტრაუსი?

— არამც და არამც. იგი მთლად ბოლოს მოგიღებდათ. ჩემი თანამემამულეების კუჭი უნდა გქონდეს, რომ ამ უზომო სმის შემდეგ ფეხზე დგომა შეძლო. თავად გერმანელიც კი ძლივს იმაგრებენ თავს და ბარბაცებენ... შტრაუსის „სალომეა“!.. ჰუმბრითი შედევრი! მე არ ვისურვებდი, ვყოფილიყავი მისი ავტორი... მახსენდება, საწყალი პაპაჩემი და ბიძია გოტფრიდი როგორი მოწიწებით და უნაზესი სიყვარულით მიყვებოდნენ ხოლმე ბგერათა მშვენიერ ხელოვნებაზე!.. იყო ამ ღვთიურ ძალთა განმგებელი და — ასე ბოროტად იყენებდნენ მათ!... ხანძრის გამჩენი მეტეორი! იზოლდა, ვიღაც ებრაელი მეძავი. მტანჯველი და ცხოველური ავხორცობა. მკვლელობის, გაუპატიურების, სისხლარევითი კავშირის უინი, ინსტინქტების თავაწყვეტილობა, რომელიც ბობოქრობს ვერმანული დეკადანსის წიაღში... თქვენს ფრანგულ დეკადანსში კი მელანქოლიური და რაღაც სიამოვნების მომგვრელი თვითმკვლელობის კრუნჩხვა ვლინდება... ექ მხეცია, აქ კი — მსხვერპლი. სადღაა ადამიანი?... თქვენი დებიუსი კარგი გემოს გენიია, შტრაუსი — ცუდისა. პირველი ერთობ ლუგუმია, მეორე — მეტისმეტად წმინდი. პირველი ვერცხლისფრად მოლაპლაპე წყლის გუბესა ჰგავს, ლელიანში ჩამდგარი დამპლის სუნს რომ უშვებს; მეორე — სწრაფად მოვარდნილ ტალახიან ნიაღვარს... ოჰ, რა მდარე იტალიელობისა და ნეომაიერბერელობის, რა ყარტაყურტა გრძნობების სუნს გამოსცემს მისი ტალღები!... ბილწი შედევი! სალომეა, ასული იზოლდასი... ნეტავი ვისი დედა გახდება სალომეა?

— დიახ, — თქვა ოლივიემ, — ვისურვებდი ნახევარი საუკუნით გვიან მე-

¹ კმარა მღვლოები (ლათ.).

² ღორბა (იტალ.).

ცხოვრა. ეს თავაწყვეტილი ჰენება უფსკრულისაჲცენ ასე თუ ისე უნდა დამთავრდეს: ან შედგება ცხენი, ანდა უფსკრულში გადაიჩეხება. მაშინ შვეებით ამოვისუნთქავთ. მადლობა ღმერთს, დედამიწა მაინც შეიმოსება ყვავილებით და ისხივოსნებს ცაზე მზე, უმუსიკოდაც, რად გვინდა ესოდენ არაადამიანური ხელოვნება?... დასავლეთი საკუთარ ცეცხლში იწვის... მალე... სულ მალე... უკვე ვხედავ სხვა სხივებს, აღმოსავლეთის სიღრმიდან რომ ამოდის.

— ნუ მომბებზრე თავი მაგ შენი აღმოსავლეთით! — მიუგო კრისტოფმა. — დასავლეთს ჯერ არ უთქვამს თავისი უკანასკნელი სიტყვა. ნუთუ გგონია, რომ უკვე უარს ვამბობ მასზე? საუკუნეების მანძილზე გამწვდება იგი. გაუმარჯოს საკუთარი ბედისადმი დაუმორჩილებლობის ჟინს! გაუმარჯოს სიყვარულს, გულს რომ გვიჩქროლებს! გაუმარჯოს მეგობრობას, რომელიც ათბობს ჩვენს რწმენას, — მეგობრობას, თვით სიყვარულზე უტკბესს! გაუმარჯოს ღღის ნათელს! გაუმარჯოს ღამის წყვილადს! ღიღება მზეს! Laus Deo!, ღმერთს ოცნებისა და მოქმედების, ღმერთს — მუსიკის შემოქმედს! ოსანა!..

ბერე მაგიდას მიუჯდა, და წერდა უკლებლივ ყველაფერს, რაც თავში გაუბრუნდა; მას უკვე აღარ ახსოვდა წუთის წინ წარმოთქმული თავისი მგზნებარე სიტყვები.

იმ დროისათვის კრისტოფი თავისი ხორციელი და სულიერი ძალების სრული გაფურჩქვნისა და წონასწორობის ხანაში იმყოფებოდა. იგი თავს არ იწუხებდა ამა თუ იმ მუსიკალური ფორმის ესთეტიკურ ღირებულებაზე პაექრობებითა და ახლის გონებრივი ძიებებით; მას წვალებაც არ სჭირდებოდა, რომ თავისი მუსიკისათვის სიუჟეტები ეპოვა. მისთვის ყველაფერი ვარგოდა. თავისთავად იღვრებოდა მუსიკის ნაკადი და კრისტოფმა არც იცოდა, როგორ გრძნობებს გამოხატავდა. იგი ბედნიერი იყო, — მორჩა და გათავდა, — ბედნიერი იმით, რომ გამოვლინდა და გამჟღავნდა, ბედნიერი, რომ თავის ძარღვებში მსოფლიო ცხოვრების მაჩისცემა შეიგრძნო.

ეს სიხარული და ეს სისასის განცდა მის გარშემო მყოფთაც გადაედებოდა.

სახლი, წინ ჩამოფარებული ჩაკეტილი ბაღით, კრისტოფს მეტისმეტად ვიწრო ეჩვენებოდა. თუმცა ბაღს გადაღმა კიდევ დარჩენილიყო პატარა ვადასახედი, საიდანაც მოჩანდა მონასტრის პარკი, თავისი მყუდრო, განიერი ხეივანებითა და ასწლოვანი ხეებით: მაგრამ, სამწუხაროდ, ესეც უკვე სანატრელი გამხდარყო: მათი ფანჯრის პირდაპირ დაწყებული ჰქონდათ შეიღისართულიანი სახლის მშენებლობა, რომელიც საცაა დაფარავდა მთელ ხედს და საბოლოოდ მოწყვეტდა მათ სახლს გარესამყაროსაგან. ყოველდღე, დილიდან საღამომდე,

1) ღიღება უფალს (ლთა).

კრისტოფს სიამოვნება ჰქონდა, დამტკბარიყო ჭოჭონაქების ღრჭიალით, ქვების ჭახაჭუხითა და ფიცრების რაკუნით. უცებ მუშებს შორის კრისტოფმა თავისი მეგობარი მხურავი შენიშნა, ამასწინათ სახლის სახურავზე რომ გაიწყო. ხელის აწევით გულითადი საღმებები ვაუგზაუნეს ერთმანეთს შორიდან. ერთხელ კრისტოფი მას ქუჩაშიც შეხვედროდა, ღვინის სარდაფში დაეპატიებოდა და ორიოდე ჰიქაც გადაეკრათ ერთად, რასაც დიდად გაოცებინა ოლივიე და ცოტა არ იყოს, აღეშფოთებინა კიდევც. კრისტოფს უბრალოდ ართობდა სასაცილო ენაწყლიანობა ამ კაცისა, მუდამ კაი გუნებაზე რომ იყო. თუმცა ამის გამო კრისტოფი ნაკლებ ლანძღვა-გინებას როდი უგზავნიდა მას და მის ხელპარკვე ამხანაგებს — ამ უტვინო პირუტყვების მთელ ბრიგადას, რომლებსაც ზღუდე ამოჰყავდათ ზედ მისი ფანჯრის წინ და უკანასკნელ ჰაერსა და სინათლეს ჰპარავდნენ. ოლივიე კი მაინცდამაინც არ ჩიოდა; იგი შეჰგუებოდა კედლებით ამოქოლილ ჰორიზონტს: ეს მას აგონებდა დეკარტეს ლემელს, საიდანაც შეკუმშული აზრი მეტი გამალებით მიილტვის თავისუფალი ზეცისაკენ. მაგრამ კრისტოფს ჰაერი სჭირდებოდა. ამ შეზღუდულ სივრცეში გამომწყვდეული, იგი გულს იმით იოხებდა, რომ გაცხოველებულ ურთიერთობას ამყარებდა თავის გარშემო მყოფ ადამიანებთან. იგი შეიწოვდა მათ სულებს და მუსიკაზე გადაჰქონდა ისინი. ოლივიე ეუბნებოდა, შეყვარებულს ჰგავხარო.

— შეყვარებული რომ ვყოფილიყავი, — მიუგებდა კრისტოფი, — ვეღარაფერს დავინახავდი, სხვას ვეღარაფერს შევიყვარებდი და ვეღარაფერი დამაინტერესებდა, ჩემი სიყვარულის გარდა.

— მაშ, რა მოგდის?

— ის, რომ ჯანმრთელი ვარ და ჩინებული მადა მაქვს.

— რა ბედნიერი ხარ, კრისტოფ! — შენატროდა ოლივიე. — ნეტავი ცოტაოდენი შენი მადა ჩვენთვისაც გადმოგედო.

ჯანმრთელობა ისევე გადამდებია, როგორც ავადმყოფობა. პირველი, ვინც ამ ძალის კეთილისმყოფელი გავლენა განიცადა, ბუნებრივია, ოლივიე იყო. სწორედ ძალა აკლდა მას ყველაზე მეტად. იგი გაუბრბოდა საზოგადოებას, რადგან გულს ურევდა ადამიანების სიტლანქე. თავის დიდ ჭკუასთან და არაჩვეულებრივ მხატვრულ ნიჭთან ერთად, იგი მეტისმეტად ფაქიზი გახლდათ, რომ დიდი ხელოვანი გამხდარიყო: დიდი ხელოვანნი არ განიცდიან ზიზღს ცხოვრებისადმი; ყოველი ჯანმრთელი არსებისათვის უპირველეს კანონს წარმოადგენს სიცოცხლის წყურვილი, — მით აუცილებელს, თუ იგი გენიოსია, რადგან გენიოსი უფრო ძალუში სიცოცხლით ცხოვრობს. ოლივიე კი გაუბრბოდა ცხოვრებას; იგი დაცურავდა უსხეულო, უხორცო, არარეალურ ზმანებათა პოეტურ სამყაროში. იგი მიეკუთვნებოდა ინტელიგენციის იმ რჩეულთა რიცხვს, რომელნიც მშვენიერებას ცხოვრების სინამდვილის მიღმა — გარდასულ საუკუნეებში, ანდა წარმოდგენათა სამყაროში ეძიებენ. თითქოს სიცოცხლის ნექტარი არ იყოს ღღეს ისევე დამატობელი და მისი წყარო. ისევე მოჩუხჩუხე, როგორც ოდესღაც!

მაგრამ დაღლილ სულებს ზიზღსა ჰგვრით სინამდვილის უშუალო შეხება; მათ არ ძალუძთ იგუონ ცხოვრება ზმანებათა საბურველის გარეშე, რომელსაც ქსოვს დაუბრუნებელი წარსულის დაშორება და ოდესღაც ცოცხალ არსებათა მკვდარი სიტყვების უცნაური გამოძახილი. კრისტოფის მეგობრობა დაეხმარა ოლივიეს, ნელ-ნელა გამოედწია ხელოვნების ამ ბურუსით მოცული კარიბჭიდან. და მზემ შეანათა მისი სულის გათოზილ კუნჭულებში.

კრისტოფის ოპტიმიზმის ინფექცია ინჟინერ ელსბერჟესაც გადაედო. თუმცა ვერავითარი ცვლილება ვერ დაეტყო მის ჩვეულებებს: ისინი უკვე ძვალრბილში ჰქონდა გამჭდარი; ამიტომ, ცხადია, მოსალოდნელი არ ყოფილა, მას ერთბაშად ისეთი ფხა გამოეჩინა, რომ საფრანგეთი დაეთმო და ბედის საძიებლად უცხო მხარეში გამგზავრებულიყო. ეს ტყუილი იმედის ქონა იქნებოდა. მაგრამ უხალისობამ თანდათან მაინც გაუარა და კვლავ დაუბრუნდა მეცნიერული კვლევის, კითხვისა და მუშაობის სურვილი, რაც დიდი ხანია დაკარგული ჰქონდა. ელსბერჟე ფრიად გაოცდებოდა, მასში საკუთარი პროფესიისადმი ინტერესის გამოღვიძება ვინმეს კრისტოფის გავლენით რომ აეხსნა; მაგრამ ყველაზე მეტად კი ეს, ალბათ, თავად კრისტოფს გაუკვირდებოდა.

სახლის მთელ ბინადართა შორის, რომლებსაც კრისტოფი ყველაზე მალე დაუახლოვდა, იყო მესამე სართულზე მცხოვრები უშილო ცოლ-ქმარი. მრავალჯერ, როცა კი მათი კარის წინ გაივლიდა, იგი ყურს მიუგდებდა ხოლმე როილის ხმას, რომელზეც გემოვნებით უკრავდა მარტოდ დარჩენილი ქ-ნი არნო. ერთხელ კრისტოფმა თავისი კონცერტის ბილეთები გაუგზავნა ცოლ-ქმარს. მათ მხურვალე მადლობა გადაუხადეს კრისტოფს. ამის შემდეგ, იგი საღამოობით ბინაშიც შეუვიდა ხოლმე არნოებს. მაგრამ ახალგაზრდა ქალის დაკვრა კი ვერ იქნა და ველარ მოისმინა: ქ-ნი არნო მეტისმეტად მორცხვი გახლდათ, რომ ვინმეს თანდასწრებით დაეკრა; ხოლო როდესაც გაიგო, ოთახიდან ხმა კიბეზეც გადისო, მაშინაც კი, როცა მარტო იყო, ჩუმადლა იკლავდა სურვილს. სამაგიეროდ კრისტოფი იჯერებდა ხოლმე გულს დაკვრით; მერე კი დიდხანს საუბრობდნენ მუსიკის დამატყვევებელ ძალაზე. არნოები ისეთი გატაცებითა და ჰაბუკური მგზნებარებით ლაპარაკობდნენ მუსიკაზე, რომ კრისტოფი აღტაცებული იყო. მას ვერ წარმოედგინა, თუ ფრანგებს შეეძლოთ ასე მთელი გულით ჰყვარებოდათ მუსიკა.

— ეგ იმიტომ, — შენიშნა ოლივიემ, — რომ დღემდე შენ მხოლოდ მუსიკოსებს იცნობ.

— კარგად მომეხსენება, — მიუგო კრისტოფმა, — რომ მუსიკა ყველაზე ნაკლებ მუსიკოსებს უყვართ; მაგრამ ვერ დამაჯერებ, რომ ისეთი ადამიანები, როგორც შენ და არნოები ხართ, ათასობით იყვნენ საფრანგეთში.

— სულ ცოტა, რამდენიმე ათასი მაინც.

— მაშინ, ეს ახალი ეპიდემია იქნება, უკანასკნელი მოდა?

— მოდა არაფერ შუაშია, — ჩაერია არნო. — „უკეთუ კაცსა საკრავთა სა-

ამო ჰანგი ესმას, ანდა ნაზი მღერა ადამიანური ხმის და — არ დატკბეს, არ აღელდეს, სიამოვნებისაგან ქრუანტელმა არ დაუაროს მთელ ტანში და მოხიბლული თავდავიწყებას არ მიეცეს, ეს ნიშნავს, რომ იგი გრძნობაჩლუნგი, ბიწიერი და ზნეწამხდარია და გმართებს განერიდო მას, ვითარცა ბოროტ ვარსკვლავზე დაბადებულს...“

— ვიცი, საიდანაც არის ეგ, — თქვა კრისტოფმა, — ჩემი მეგობარი შექსპირისაა.

— არა, — მშვიდად მიუგო არნომ, — ეს სიტყვები ეკუთვნის ჩვენს რონსარს, რომელიც შექსპირზე ადრე ცნობრობდა. როგორც ხედავთ, თუ მუსიკის სიყვარულს საფრანგეთში შეიძლება მოლა ვუწოდოთ, ყოველ შემთხვევაში, იგი გუშინდელი არ ყოფილა.

მუსიკა რომ უყვარდათ საფრანგეთში, კრისტოფს კიდევ ისე არ გაჰკვირვებია, როგორც ის, რომ აქაც დაახლოებით ისეთივე მუსიკა უყვარდათ, როგორც გერმანიაში. პარიზელ ხელოვანთა და სნობთა წრეში, რომელთა გარდა იგი აქამდე არავის იცნობდა, კარგ ტონად ითვლებოდა, გერმანელი კომპოზიტორები გამორჩეულ უცხოელებად მოეხსენებინათ, რომელთა წინაშე თუმცა აღტაცებას არ მალავდნენ, მაგრამ შორს იქერდნენ თავს მათგან: ამ ვაჟბატონებს უყვარდათ დაეცინათ გლუკის სიტლანქისა და ვაგნერის ზარბაროსობისათვის, რომელთაც ფრანგულ სინატიფეს უპირისპირებდნენ. და როდესაც კრისტოფი გერმანული ოპერების შესრულების ფრანგულ ყაიდას გაეცნო, მას საბოლოოდ ეჭვი შეეპარა, რომ ფრანგებს საერთოდ ესმოდათ გერმანული მუსიკა. ამ ცოტა ხნის წინათ იგი აღშფოთებული დაბრუნებულიყო გლუკის წარმოდგენიდან: ამ „მახვილონიერ“ პარიზელებს ჰკუთავი ზოსელოდათ, აცუნცრუებულ ბერიკაცად წარმოესახათ მრისხანე მოხუცი; გამოეპრანქათ და ბაფთებით გამოეკოპწიავებინათ იგი, ბამბებით შეეფუთნათ მისი რიტმები და იმპრესიონისტული ფერებით აჰიკუცნილი დეკორაციებითა და ავხორცი ცეკვებით აეკრელებინათ მისი მუსიკა ...საბრალო გლუკი! რაღა დარჩა მისი გულწრფელი მპევრმეტყველებისაგან, მისი ამალმებული გრძნობებისაგან, მისი ზნეობრივი სიწმინდის, მისი გაშიშვლებული ტკივილებისაგან? ნუთუ ფრანგებს არ ძალედვათ შეეგრძნოთ ყოველივე ეს? მაგრამ აი, კრისტოფი ხედავდა ახლა, რაოდენ ღრმა და ნაზი სიყვარულით გამსჭვალულიყვნენ მისი ახალი მეგობრები ყოველივე იმისადმი, რაც ყველაზე იღუმალი იყო გერმანულ სულში, ძველ გერმანულ Lied-ებსა და გერმანულ კლასიკოსთა შემოქმედებაში. კრისტოფი ეკითხებოდა მათ, ნუთუ მართალია, რომ ეს გერმანელი კომპოზიტორები თქვენ უცხოელებად არ მიგაჩნიათ და, საერთოდ, ფრანგებს შეგიძლიათ უცხო ერის ხელოვანნი მთელი გულით შეიყვაროთ?

— რატომაც არა! — შეეკამათნენ ისინი. — ეგ ჩვენი კრიტიკოსები კადნიერდებიან ილაპარაკონ ჩვენი სახელით. რაკი თავად მუდამ მოდის ტყვეობაში იმყოფებიან, მოითხოვენ, რომ ჩვენც მათ ფეხის ხმას უნდა ავყვეთ. ჩვენ კი

მათ ისევე არ ვაგდებთ აინუნში, როგორც ისინი ჩვენ. აი, ამ ტაკიმასხარებს მოსურვებიათ აგვისნან, თუ რა არის ფრანგული და რა — არაფრანგული! და ეს ჩვენ — ძველი საფრანგეთის მკვიდრ ფრანგებს!... უნდათ დაგვარწმუნონ, თითქოს საფრანგეთი — ეს ჩვენი რამო ან რასინია და არაფრანგული! გეგონება, ათას ჩვენგანს, პროვინციასა თუ პარიზში, პირადად არ გვეგრძნოს, რამდენჯერ ბელოპოვენი, მოცარტი და გლუკი მოსულან და ჩამომხსნადარან ჩვენს კერასთანაც, ჩვენთან ერთად გაუთენებიათ ღამე ჩვენი საყვარელი მახლობლის სასთუმალთან. გაუზიარებიათ ჩვენი მწუხარება და ნუგეში უცაიათ, მივმხვდარავართ, რომ ისინი ჩვენი სისხლი და ხორცი არიან! გულახდილად რომ ითქვას, ჩვენი კრიტიკოსების მიერ ცამდე აყვანილი რომელიმე ფრანგი ხელოვანი უფრო აღმოჩნდებოდა უცხო ჩვენთვის.

— კემმარტება, — თქვა ოლივიემ, — ის არის, რომ თუ ხელოვნებაში საერთოდ არსებობს საზღვრები, ეს გახლავთ არა იმდენად ეროვნული, რამდენადაც კლასობრივი ზღუდეები. მე არ ვიცი არსებობს თუ არა წმინდა ფრანგული და წმინდა გერმანული ხელოვნება, მაგრამ ნამდვილად არსებობს მდიდართა ხელოვნება და იმათი ხელოვნება, ვისაც სიმდიდრე არ გააჩნია. გლუკი, ბურჟუაზიის დიდი წარმომადგენელი, ჩვენი კლასის ღვიძლი შვილია. მავან ფრანგ ხელოვანს კი, რომელიც საჭიროდ არ მიმაჩნია დავასახელო, ჩვენი არაფერი სცხია: თუმცა ჩვენი წრიდან არის გამოსული, მაგრამ რცხენია, რომ ჩვენი წარმოშობისაა, უარგვეთვს ჩვენ; ჩვენი მხრივ, ჩვენც უარგვეთვთ მას.

ოლივიემ მართალი იყო. რაც უფრო ახლოს ეცნობოდა კრისტოფი ფრანგ ადამიანებს, მით უფრო თვალში ეცემოდა მას საოცარი მსგავსება საფრანგეთისა და გერმანიის პატიოსან ადამიანებს შორის. ცოლ-ქმარი არნოები აგონებდნენ მას ძვირფას მოხუც შულცს, ხელოვნებისადმი წმინდა, უანგარო სიყვარულით, მშვენიერებისადმი თავდავიწყებითა და ერთგულებით. და შულცის მოსაგონებლად კრისტოფი სიყვარულით განიმსჭვალა არნოებისადმი.

სხვადასხვა ეროვნების პატიოსან ადამიანთა შორის ზნეობრივი საზღვრების უაზრობას რომ მიხვდა, კრისტოფი, ამავე დროს, დარწმუნდა ერთი და იმავე ეროვნების, მაგრამ სხვადასხვა შეხედულებების პატიოსან ადამიანთა შორის საზღვრების უაზრობაშიც. მისი წყალობით, თუმცა მისი მეცადინეობის გარეშე, ორმა ადამიანმა, რომელთაც თითქოს არაფრანგული საერთო არ გააჩნდათ, რომ ერთმეორისათვის გაეგოთ, — აბატმა კორნელმა და ბ-ნმა ვატლემ ერთმანეთი გაიცნეს.

კრისტოფი წიგნებს თხოულობდა ორივე მათგანისაგან და, ისე უბოდიშოდ, რომ სახტად რჩებოდა ოლივიემ, ერთის წიგნს მეორეს ათხოვებდა ხოლმე. აბატი კორნელი ამაზე არასოდეს აღშფოთებულა: მას უნარი შესწევდა ჩაეხედა ადამიანის სულში, და აბატმა, თავისი ჰაბუკი მეზობლის შეუმჩნეველად, ღრმა დიდს-ხელოვნება ამოიკითხა მის სულში და თვით კრისტოფისთვის შეუცნობე-

ლი რელიგიურობაც კი აღმოაჩინა. დაახლოება დაიწყო ბ-ნ ვატლესაგან ნათხოვარი კროპოტიკინის წიგნით, რომელიც, თუმცა სხვადასხვა მიზეზით, სამივეს საყვარელი საკითხავი გახლდათ. მოხდა ისე, რომ ერთ დღეს, შემთხვევით, ორივენი კრისტოფის ბინაში შეიყარნენ. თავდაპირველად კრისტოფი შეფიქრინა და, სტუმრები ერთმანეთთან არაფერზე შეკინკლავდნენო. მაგრამ მოხდა პირიქით: ერთიმეორის მიმართ უაღრესი თავაზიანობა გამოიჩინეს. აბატი კორნელი და ბ-ნი ვატლე საუბრობდნენ უწყინარ თემებზე—თავიანთ მოგზაურობებზე, ადამიანებისაგან მიღებულ გამოცდილებებზე. მათ ერთმანეთში აღმოეჩინათ გულდამშვიდებულობა და ევანგელიური სული, აღსავე განუხორციელებელი იმედებით. თუმცა ყველა საფუძველი ჰქონდათ, სასოწარკვეთილებას მისცემოდნენ. და ორივენი გამსჭვალულიყვნენ ოდნავ დამცინავი, მაგრამ ერთობ მოკრძალებული ურთიერთთანაგრძნობით. ისინი არასოდეს ეხებოდნენ სხვისი რწმენის საფუძველს. იშვიათად ნახულობდნენ და არ ეძებდნენ ერთმანეთს; ხოლო როცა შეხვდებოდნენ, სიამოვნებას ჰგვრიდათ ერთიმეორის დანახვა.

აბატი კორნელი ვატლეზე ნაკლებ დამოუკიდებელი სულის ადამიანი როდი აღმოჩნდა. ამას კრისტოფი არამც და არამც არ მოელოდა. ნელ-ნელა თვალწინ გადაეშალა ამ რელიგიური და თავისუფალი აზრის სიდიადე, მისი ძალუმი და წყნარი, ყოველგვარ გაცხარებას მოკლებული მისტიციზმი, რომლითაც გამსჭვალული იყო მღვდლის ყოველი ფიქრი, ყოველი მისი მოქმედება, მთელი მისი წარმოდგენა სამყაროზე, რაც შთააგონებდა მას ეცხოვრა ქრისტეში, როგორც: მისი რწმენით, ქრისტე ცხოვრობდა ღმერთში.

იგი არ უარყოფდა არაფერს, არავითარ ცხოვრებისეულ ძალას. მისთვის ყველა წერილი — ძველი და თანამედროვე: სასულიერო და საერო, მოსედან მოყოლებული ბერტელომდე — უტყუარი, ღვთაებრივი, ღმერთის გამოვლინება იყო. საღვთო წერილი მათგან მხოლოდ ყველაზე თვალსაჩინო ნიმუში გახლდათ, როგორც ეკლესია — ღმერთში გაერთიანებულ ძმათა უმაღლესი კრებული; მაგრამ ვერც ერთმა და ვერც მეორემ ვერ ჩაეეტეს სული უძრავ კუშმარიტებაში. ქრისტიანობა ცოცხალ ქრისტეს წარმოდგენდა. კაცობრიობის ისტორია სხვა არა იყო რა, თუ არა მხოლოდ ღვთიური აზრის განუწყვეტელი ზრდა-განვითარების ისტორია. იერუსალიმის ტაძრის დაცემა, წარმართული სამყაროს დაღუპვა, ჯვაროსნულ ლაშქრობათა მარცხი, ბონიფაციუს VIII-სათვის გაწეული სილა, გალილეი, ჩვენი დედამიწა თავბრუდამხვევ სივრცეში რომ დაჰკიდა, უსასრულო მცირე სიდიდეთა მეტი სიძლიერის აღმოჩენა დიდ სიდიდეებთან შედარებით, სამეფოთა და კონკორდატთა ძალაუფლების აღსასრული — ყოველივე ეს თავის დროზე თავგზას უბნევდა ადამიანთა შეგნებას. ერთნი სასოწარკვეთილნი ჩაპბლაუჭებოდნენ მას, რაც უკვე სასიკვდილოდ განწირული იყო; მეორენი ჩასჭიდებოდნენ შემთხვევით წყალზე მოტივტივე ფიცარს და დინებას მიჰყვებოდნენ. აბატი კორნელი მხოლოდ ეკითხებოდა თავის თაყს:

„რა ამოძრავებთ დღეს ადამიანებს? რა ანიჭებთ მათ სიცოცხლის ძალას?“ რად-
გან სწამდა: „სადაც სიცოცხლეა, იქ არის ღმერთიც!“ სწორედ ამიტომ იყო,
რომ იგი სიმპათიას გრძნობდა კრისტოფისადმი.

თავის მხრივ კრისტოფსაც სიამოვნებას ჰგვრიდა ესმინა ეს წარმტაცი მუ-
სიკა, რასაც თავისთავად დიდი რელიგიური სული წარმოადგენს. იგი შორეულ
და ღრმა გამოძახილს აღვიძებდა მასში. ყველაფრის აღქმისა და დაუყოვნებ-
ლივ შეგრძნების იმ თვისების წყალობით, რაიც ძლიერბუნებოვან ადამიანებში
სიცოცხლის ინსტინქტს, თვით თავდაცვის ინსტინქტს წარმოადგენს, იმ ნიჭ-
ბის მოსმას, წონასწორობას რომ უნარჩუნებს და ახალ გაქანებას აძლევს ნავს,—
გადაჭარბებულ სეპტიციზმსა და პარიზული სენსუალიზმისადმი ორი წლის
მანძილზე დაგროვილ ზიზღს, ნელ-ნელა, ღმერთი გამოეცოცხლებინა კრისტო-
ფის გულში. არა, ღმერთი კი არ იწამა: იგი კვლავინდებურად უარყოფდა მას;
მაგრამ აღსავსე იყო ღმერთით. აბატი კორნელი ღიმილით ეუბნებოდა კრის-
ტოფს, რომ შენი მფარველი კეთილი ბუმბერაზის მსგავსად, შენდა შეუტნობ-
ლად ღმერთს ატარებო შენში.

— მაშ, რატომღა ვერ ვხედავ მას? — ეკითხებოდა კრისტოფი.

— თქვენც ისევე მოგდით, როგორც ათას სხვას: ღმერთს ყოველდღე ხე-
დავთ, მაგრამ ვერ გიცნობთ იგი. ღმერთი ყველას სხვადასხვა სახით ეცხადე-
ბა: ზოგს — თავიანთ ყოველდღიურ ცხოვრებაში, როგორც წმინდა პეტრეს
გალილეაში; სხვებს (მაგალითად, თქვენს მეგობარ ბ-ნ ვატლეს), ისევე როგორც
წმიდა თომას — იარების მოშუშებასა და გაქირავებისაგან გამოხსნაში; თქვენ
კი — თქვენი იდეალის ღირსებაში: *Noli me tangere!*...¹ დადგება დღე, თქვენ
მას შეიცნობთ.

— არასოდეს ვიტყვი უარს ჩემს უფლებაზე, — უპასუხა კრისტოფმა. —
თავისუფალი ვარ და ასეთივე დავრჩები.

— ღმერთით კიდევ უფრო თავისუფალი გახდებით, — წყნარად მიუგო
მღვდელმა.

მაგრამ კრისტოფს ვერ დაეშვა ის აზრი, რომ ვინმეს, მისი ნების
გარეშე შეეძლო მორწმუნე ქრისტიანად გაეხადა იგი. კრისტოფი ისე-
თი გულუბრყვილო გაცხარებით იცავდა თავს, თითქოს იოტისოდენა მნიშვნე-
ლობა ჰქონდა იმას, თუ როგორ იარლიყს მიაკრავდნენ მის აზრებს. აბატი კორ-
ნელი უსმენდა მას მოძღვარისებური ოდნავშესამჩნევი დამცინავობითა და ღი-
დი გულკეთილობით. მას ჰქონდა დაუშრეტელი მოთმინება, რომელიც მის ჩვეუ-
ლებად გადაქცეულ რწმენას ემყარებოდა. თანამედროვე ეკლესიის განსაცდელს
გამოეწრთო იგი, და თუმცა მწვავე სულიერი ტრავმები მიეყენებინა და ღრმა
სევდის დაღი დაემჩნია მისთვის, მაინც ვერ შეერყია მისი რწმენა. ცხადია, მძი-
მე იყო იმის შეგნება, რომ გავწრობენ შენი უფროსები, ყოველ შენს ნაბიჯს

¹ ნუ შეგხებო შე (ლათ.).

უთვალთვალებენ ეპისკოპოსები, ხელსაყრელ შემთხვევას ეძებენ ყველა ჯუ-
რის თავისუფლად მოაზროვნენი, რათა ბოროტად გამოიყენონ შენი აზრები და
შენივე რწმენის წინააღმდეგ მიმართონ ისინი, არ ესმით შენი და გდევნიან სა-
კუთარი ერთმორწმუნენიცა და შენი სარწმუნოების მტრებიც. შეუძლებელია
წინააღმდეგობა გაუწიო, რადგან ვალდებული ხარ დაემორჩილო. მაგრამ შე-
უძლებელია დაემორჩილო გულით, რადგან დარწმუნებული ხარ, რომ ის, ვი-
საც უნდა დაემორჩილო, ცდება. ამიტომ ძნელია გაჩუმდე. მაგრამ ვაითუ სთქვა
და ცუდად გაგიგონ! აღარას ვამბობთ იმაზე, რომ გაბარია კიდევ სხვა სულნი,
რომლებზეც პასუხისმგებელი ხარ, ვინც რჩევასა და შემწეობას მოელის
შენგან და რომელთა ტანჯვისაც უყურებ... აბატი კორნელი იტანჯებოდა თავის
გამოც და მათი გულისათვისაც, მაგრამ ბედს დანებებოდა. იცოდა, რომ დღე-
ვანდელი განსაცდელი არაფერს ნიშნავდა ეკლესიის ხანგრძლივ ისტორიასთან
შედარებით. მიუხედავად ამისა, იგი თავის მუნჯ უღრტეინველობაში ჩაეკტილი-
ყო და ნელ-ნელა სისხლისაგან იცლებოდა, გაუბედავი ხდებოდა, ეშინოდა გა-
მოეთქვა თავისი აზრი, რაც უფრო და უფრო ბორკავდა ყოველ მის მოქმედებას
და მღუმარებასა და უძრაობის საბურველში ხვევდა მას. აბატი გრძნობდა,
რომ უმოქმედობაში იძირებოდა, და წუხდა, მაგრამ არაფერს კი იღონებდა.
კრისტოფის გაცნობა დიდ შემწეობად მოველინა. ის ჭაბუკური მგზნებარება,
ის მეგობრული და გულუბრყვილო ინტერესი, რომელსაც იჩენდა მისდამი მე-
ზობელი, მალამოდ ეცხებოდა აბატს. კრისტოფი აიძულებდა მას, დაბრუნებუ-
ლიყო ცოცხალთა საზოგადოებაში.

ობერი, ელექტრომონტიორი, აბატს ერთხელ კრისტოფთან შეხვდა. მღვ-
დელი რომ დაინახა, მის პირს კატა ეცა. ადვილად ვერ მოახერხა, დაეშალა თა-
ვისი ათვალწუნება. მერეც, როცა ეს პირველი შეგრძნება დაძლია, ობერი კვლავ
მოუსვენრად იყო, რაღაც ეუხერხულეობდა ამ ანაფორიანი კაცის გვერდით
ყოფნა, გაურკვეველ პიროვნებას რომ წარმოადგენდა მისთვის. მაგრამ აზრის
გაზიარების ინსტინქტმა და განათლებულ ადამიანებთან საუბრის სიამოვნებამ
ბოლოს მაინც აჯობეს სასულიერო პირთა მიმართ მის მტრულ განწყობილებას.
ობერი გაეკვირვებინა იმ გულითადობას, რაც ბ. ნ ვატლესა და აბატ კორნელს
შორის დამყარებულიყო; იგი არანაკლებ გაეოცებინა იმას, რომ ცხადად ხედავ-
და, მღვდელი დემოკრატი იყო, ხოლო რევოლუციონერი—არისტოკრატი: ეს
თავდაყირა აყენებდა მთელ მის შეხედულებებს. ობერი ამოდ ცდილობდა რო-
მელიმე სოციალური კატეგორიის მიხედვით დაეჯუფებინა ისინი, რადგან
სჭირდებოდა დაეჯუფებინა, რომ გაეგო ადამიანები. ადვილი როდი გახლდათ
ეპოვა განყოფილება, სადაც ადგილი მიეჩინებოდა მშვიდ თავისუფლებას ამ
მღვდლისა, რომელსაც წაეკითხა ანატოლ ფრანსი და რენანი და ღინჯად, სა-
მართლიანად და ზედმიწევნით მართებულად მსჯელობდა მათზე. შემეცნების სა-
კითხში აბატ კორნელს წესად ჰქონდა ყური ეთხოვებინა მისთვის, ვინც იცოდა,
ვიდრე მისთვის, ვინც განკარგულებებს იძლეოდა. იგი პატვის სცემდა ხელი-

სუფლებას, მაგრამ მას მეცნიერებასთან ერთ რიგში როდი ათანაბრებდა. ხორცი, სული, გულმოწყალება — აი, სამი რიგი, ღვთაებრივი კიბის, იაკობის კიბის სამი საფეხური. რასაკვირველია, ჩვენი გულუბრყვილო ობერი ვერა თუ მიხვდებოდა, ვერც გაიაზრებდა ამგვარ სულისკვეთებას. აბატი კორნელი კი უწყინარი ხმით ეუბნებოდა კრისტოფს, ობერი იმ ფრანგ გლეხებს მაგონებს, რომლებთანაც ერთხელ ასეთ სურათს შევესწარით: ერთმა ინგლისელმა ქალიშვილმა გლეხებს გზა ჰკითხა. იგი ინგლისურად ელაპარაკებოდა. გლეხები დინჯად უსმენდნენ, თუმცა ვერაფერი გაიგეს. მერე ფრანგულად დაუწყეს ლაპარაკი. ქალიშვილი ვერაფერს მიხვდა. მაშინ გლეხებმა ერთმანეთს გადახედეს, სიბრალულთა თავეები გააქნიეს და მუშაობა განაგრძეს, თან ჩაილაპარაკეს:

— საცოდავი! მერე, რა მშვენიერი გოგონაა!...

პირველ ხანს ობერი, აბატისა და ბ-ნ ვატლეს ცოდნისა და სიღარბისლის წინაშე მორიდებული, დუმდა და სმენადქცეული ნთქავდა მათს საუბარს. მერე, საკუთარი აზრის გამოთქმის ცოტუნებას რომ ვეღარ გაუძლო, ნელ-ნელა თვითონაც ჩაერია. ელექტრომონტორმა გადმოუშალა მათ თავისი კაცთმოყვარული და ფრიად ბუნდოვანი მოძღვრება. ორივენი თავაზიანად უსმენდნენ, უნებლიეთ ღიმმორეულნი. გატაცებულ ობერს ამით არ ამოუწურავს: მან ისარგებლა აბატ კორნელის ყურის დაგდებათ, ხოლო მალე ბოროტად გამოიყენა მისი უსაზღვრო მოთმინება და ახლა თავისი ნაჯახიერები თხზულებები წაუკითხა. მღვდელი კვლავ მორჩილად უსმენდა; იგი არც ისე გაბეზრებულ რჩანდა, რადგან მოძღვარი ყურს უგდებდა არა იმდენად სიტყვებს, რამდენადაც აღამიანს. შემდეგ კი, როდესაც კრისტოფმა ამის გამო სამიძმარი უთხრა აბატს, მან უპასუხა:

— ეგ რაა! მაგაზე უარესი მომისმენია!

ობერი მადლიერი იყო ბ-ნ ვატლესი და აბატ კორნელისა; და სამივენი, თავს აღარ იწუხებდნენ იმით, რომ ჩასწვდომოდნენ ერთიმეორის აზრებს, უკეთეს კიდევ აინტერესებდათ ისინი, სიყვარულით განიმსჭვალნენ ერთმანეთის მიმართ, თუმცა კარგად თვითონაც ვერ მიმხვდარიყვნენ — რატომ. მათ უკვირდათ, რომ ასე დაახლოებულიყვნენ. ამას ვერასოდეს წარმოიდგენდნენ. მათ აჯავშირებდათ კრისტოფი.

კრისტოფს ჰყავდა უმანკო მესაიდუმლონი სამი გოგონას სახით — ელსბერჟეს ორი კუდრაჰა და ბ-ნ ვატლეს შვილობილი. კრისტოფი მათ მეგობრად განდომოდა; ისინიც აღმერთებდნენ მას. კრისტოფს გული ეკუმშებოდა იმ მარტოობით, რომელშიაც ეს ბავშვები ცხოვრობდნენ. იგი ხშირად ესაუბრებოდა ელსბერჟეს გოგონებს პატარა უცნობი მეზობლის შესახებ, რამაც თანატოლის გაცნობის დაუოკებელი სურვილი აღუძრა მათ. ისინი უკვე ფანჯარაში ხელებით ანიშნებდნენ ერთმანეთს; კიბზე საიდუმლოდ რაღაცას გადასძახოდნენ. გოგონებმა, კრისტოფის ხელშეწყობით, მიაღწიეს, რომ მშობლებს ნება დაერთოთ, ხანდახან ლუქსემბურგის ბაღში ერთად გაესეირნათ. თავისი ჩანა-

ფიქრის წარმატებით განხარებულმა კრისტოფმა პირველ დღეს თვითონაც შეიარა ბაღში, რომ მათი თამაშობისათვის ეცქირა; მაგრამ ნახა, რომ გოგონები უხერხულად, შებოქილად გრძნობდნენ თავს და არ იცოდნენ, რა ექნათ ამ ციდან ჩამოვარდნილი ბედნიერებისათვის. კრისტოფმა ერთბაშად ხელ-ფეხი გაუხსნა მათ, მოიგონა თამაშები, შეაჯიბრა გასწრებაზე, ათამაშა დაჭერობანა; მერე თვითონაც აპყვა და ისეთი გატაცებით ჩაერთო თამაშში, თითქოს ისიც ათი წლისა ყოფილიყოს. გამვლულ-გამომვლელი მოსიერნეები დამცინავი ცნობისმოყვარეობით ათვალეირებდნენ ამ მოზრდილ ყმაწვილს, ყვირილით რომ დარბოდა, ხეებს გარშემო ურბენდა და უკან დაიდევებდა სამ თითისტოლა გოგუცუნას. მაგრამ რაკი მშობლები, მუდამ უნდოდ განწყობილნი, დიდ ხალისს არ იჩენდნენ, რომ ეს გასიერნებები ლუქსემბურგის ბაღში განშირებულყო (ძნელი იყო იქ წესიერად თვალი სჭეროდათ ბავშვებზე), — კრისტოფმა მოახერხა, რომ პირველ სართულზე მცხოვრებ მაიორ შაბრანს გოგონები სახლის წინ მდებარე ბაღში სათამაშოდ მიეწვია.

მაიორ შაბრანს იგი შემთხვევამ შეპყარა (შემთხვევა მუდამ მას ეძებს, ვინც მას ხელიდან არ უშვებს). კრისტოფს სამუშაო მაგიდა ფანჯარასთან ედგა. ერთხელ ქარმა ნოტები მოსტაცა და დაბლა, ბაღში ჩააფრიალა. კრისტოფი დაედევნა ფურცლებს, თავშიშველი და გაღელვილი, ისევე, როგორც იყო. გაიფიქრა, მოსამსახურე ვინმე გამოძხედავსო. კარი ქალიშვილმა გაუღო. კრისტოფმა, ცოტა არ იყოს დაბნეულმა, თავისი მოსვლის მიზეზი აუხსნა. ქალიშვილმა გაიღიმა და შიგნით შეიპატიჟა. ბალი ერთად გაიარეს. წამოკრიფა თუ არა ნოტები, კრისტოფი ჩქარობდა მოეძიერწა და ის-ის იყო ქალიშვილს უნდა გამოეცილებინა, რომ უცებ მაიორი შემოხვდათ კარებში. შაბრანმა გაკვირვებით აათვალიერ-ჩაათვალიერა ტანსაცმელამოჩაჩული, უცნაური სტუმარი. ქალიშვილმა ღიმილით წარუდგინა იგი მამას.

— აა! ეს თქვენ ხართ მუსიკოსი? — თქვა გადამდგარმა ოფიცერმა.

— მოხარული ვარ. კოლეგები ვყოფილვართ.

ხელი ჩამოართვა კრისტოფს. მერე მეგობრული ირონიით გაისაუბრეს იმ კონცერტების შესახებ, რომლებითაც ერთმანეთს უმასპინძლდებოდნენ კრისტოფი როიალზე, ხოლო მაიორი — ფლეიტაზე. კრისტოფმა წასვლა დააპირა, მაგრამ მასპინძელმა არ გაუშვა და მუსიკაზე გაუთავებელ მსჯელობას მოჰყვა. უცებ გაჩუმდა და კრისტოფს მიმართა:

— მოდით, ჩემი „ზარბაზნები“ გაჩვენოთ.

კრისტოფი გაპყვა; გულში კი ფიქრობდა: რაში სჭირდება მას, ფრანგულ არტილერიაზე ჩემი აზრი გაიგოსო. შაბრანმა, გამარჯვებულის გამომეტყველებით, მუსიკალური კანონები¹ უჩვენა გერმანელს. ეს გახლდათ თავსატეხი

¹ ფრანგული სიტყვა canon აღნიშნავს როგორც „ზარბაზნს“, ასევე მუსიკალურ „კანონს“ (მთარგმ. შენიშვ.).

პიესები, რომელთა დაკვრაც შეიძლებოდა ბოლოდან დაწყებულიყო, ანდა შესრულებულიყვნენ ოთხი ხელით—ერთს წადმა ჩაეკითხა გვერდი, მეორე კი უკულმა ამოჰყოლოდა. პოლიტიკური სკოლის¹ ყოფილ კურსანტს, მაიორ შაბრანს იმთავითვე იტაცებდა მუსიკა, მაგრამ ყველაზე მეტად მასში მაინც გამოცანა უყვარდა: მუსიკა მიაჩნდა მას (რადგან ნაწილობრივ ეს ასეც არის) გონების დიდებულ თამაშად; და გადამდგარი ოფიცერი გულდაგულ ადგენდა და ხსნიდა მუსიკაზე აგებულ ათასგვარ გამოცანებს, ერთიმეორეზე აბდაუბდასა და უსარგებლოს. ცხადია, თავისი სამსახურის მანძილზე მაიორს არ ეცალა საკუთარი ჟინი დაეკმაყოფილებინა; მაგრამ მას შემდეგ, რაც პენსიაზე გავიდა, მთელი არსებით მას მიეცა; ამ საქმეს ალევდა მთელ თავის ენერჯიასა და გამჭრიახობას, როგორითაც ოდესღაც აფრიკის უდაბნოებში მისდევდა ზანგ ბელადთა უკუქცეულ რაზმებს, ანდა თავს აღწევდა მათ მიერ დაგებულ ხაფანგს. კრისტოფი გაამხიარულა ამ შარადებმა და ახლა თვითონ შეადგინა კიდევ უფრო ძნელი. ოფიცერი აღტაცებაში მოვიდა; გაეჭიბრნენ ვინ უკეთესს მოიგონებდა, და მუსიკალური რებუსები სეტყვასავით დააყარეს ერთმანეთს. თამაშით რომ გული იჭერეს, კრისტოფი შინ დაბრუნდა. მაგრამ სისხამ დილით მეზობელმა ახალი გამოცანა დაახვედრა — ნამდვილი თავსატეხი, რომლის შედგენაზე მაიორმა თითქმის მთელი ღამე თეთრად გაათენა. მანაც უპასუხა და ბრძოლა მანამდის არ შეწყვეტილა, ვიდრე კრისტოფმა, უკვე ყელში რომ ამოუვიდა თამაში, თავი დამარცხებულად არ სცნო. ამაზე ოფიცერი სიხარულით ცას ეწია: ეს გამარჯვება მან გერმანიაზე რევანშის აღებად ჩათვალა. კრისტოფი სადილად დაჰატიჟა. გერმანელის გულანდილობამ, პირში რომ მიახალა მაიორს, თქვენი მუსიკალური კომპოზიციები საშინელ შთაბეჭდილებას სტოვებენო, და მისმა შეყვირებამ, როდესაც ოფიცერმა თავის ფისპარმონზე ჰაიდნის „ანდანტე“ ააწერიბინა — საბოლოოდ დაიპყრო შაბრანი. შემდეგში ისინი ხშირად ბასობდნენ ხოლმე ერთად, მაგრამ მუსიკაზე კი — აღარასოდეს. კრისტოფს არცთუ ძალიან აინტერესებდა ამ საკითხზე მეზობლის ზერექვერე მსჯელობები და ამჯობინებდა სამხედრო ამბებზე ესაუბრაო. მაიორსაც მეტი რა უნდოდა: მუსიკით ეს საცოდავი კაცი ძალისძალიად თავს იქცევდა, გულის სიღრმეში კი ნაღველი შემოსწოლოდა.

მას დიდი ხეყწნა არ დასჭირვებია, მოეთხრო თავის აფრიკულ ლაშქრობებზე. ეს ვახლდათ არაჩვეულებრივი თავგადასავლები, ღირსი პისაროსი და კორტესისა! კრისტოფი გაშტერებული შეჰყურებდა თვალწინ გაცოცხლებულ ამ საკვირველ და ბარბაროსულ ეპოპეას, რომლის შესახებ აქამდე არაფერი სმენოდა და რაზეც წარმოდგენა არა ჰქონდათ თურმე თვით ფრანგებსაც: მთელი ოცი წლის მანძილზე უხვად იხარჯებოდა გმირული აღტყინება, გონივრული გაბედუ-

¹ სამხედრო საოფიცრო სასწავლებელი საფრანგეთში (მთარგ. შენიშე.).

ლება და ზეადამიანური ენერგია ერთი მუქა ფრანგი დამპყრობლებისა, შავი კონტინენტის ჯუნგლებში გადაკარგულნი, ზანგთა არმიებით ალყაშემორტყმულნი და მოქმედების უმარტივეს საშუალებებს მოკლებულნი, მიუხედავად საზოგადოებრივი აზრის სიმხდალისა და მთავრობის პოლიტიკის სილაჩრისა, მაინც განუწყვეტლივ რომ განაგრძობდნენ ბრძოლას, რათა დაეპყროთ საფრანგეთისათვის, საფრანგეთისავე სურვილის წინააღმდეგ, თვით საფრანგეთზე დიდი და ვრცელი იმპერია. ძალუმი სიხარულით გამმსკვალავ, სისხლის სუნით გაჟღენთილ ამ ბრძოლებში კრისტოფს თვალწინ ეხატებოდა თანამედროვე კონდოტიერთა და გმირული თავგადასავლების მაძიებელთა სახეები, რომლებიც უჩვეულოდ მოჩანდნენ დღევანდელი საფრანგეთის ფონზე და რომელთა სახელის განსენებაზე სირცხვილით იწვოდა დღევანდელი საფრანგეთი, კდემით რომ ცდილობდა დაეიწყებინა რიღე ჩამოეფარებინა მათთვის. ამ ლაშქრობებს რომ იგონებდა, მაიორს ხმაში მხნეობა ემატებოდა; იგი ჰყვებოდა ხალისიანი გულღიაობით და ამ ეპიკურ თხრობაში უცნაურად ჩაურთავდა ხოლმე საგულისხმო ცნობებს, ზუსტი და ცივი ტერმინებით, ნიადაგის გეოლოგიური აღნაგობის შესახებ, იმ ქანცისგამწყვეტ ურთიერთდევნაზე, ერთმანეთზე დაგეშილ ადამიანთა ნადირობაზე, რომლის დროს, ამ უღმობელ ბრძოლაში, ხან მონადირე ხარ და ხან ნადირი. კრისტოფი უსმენდა, უყურებდა და თანაგრძობით გამსქვალულებოდა ადამიანური მოღვმის ამ ჯანსაღი ცხოველის მიმართ, უმოქმედობისათვის განწირული, სასაცილო თამაშში რომ ცდილობდა დაეხარჯა თავისი ენერგია. კრისტოფს უკვირდა, როგორ ურიგდებოდა მაიორი ბედს. ამის შესახებ მან პირადადაც ჰკითხა ოფიცერს. თავდაპირველად მაიორი შაბრანი, ჩანს, არ აპირებდა, გარეშე ვინმესთვის გაენდო გულში დამარხული წყენა. მაგრამ ფრანგებს უჭირთ ენას კბილი დააჭირონ, მეტადრე თუ საქმე ეხება ერთმანეთისათვის ბრალის დადებას.

— რა მესაქმება დღევანდელ მაგათ ჯარში? — მიუგო მან. — მეზღვაურებს მწერლობა დაუწყიათ. ქვეითი ჯარისკაცები სოციოლოგობას ჩემულობენ. ისინი ახერხებენ ყველაფერს, გარდა ომისა. ომისათვის კი აღარც ემზადებიან; უფრო სწორად, ემზადებიან იმისათვის, რომ აღარ იომონ და ფილოსოფოსობენ ომზე... ომის ფილოსოფია! აი გალახული ვიწების თავშესაქცევი, რომლებსაც არ ასვენებთ იმაზე ფიქრი, რომ ხვალ კიდევ მიბეგვავენ!... ყბედობა და ფილოსოფოსობა ჩემი ხელობა არ გახლავთ. მირჩევენია შინ ვიჯდე და მუსიკალური „ზარბაზნები“ ვასხა!

მაგრამ სირცხვილით ხმა არ ამოუღია იმაზე, რაც ყველაზე მეტად გულს უღრღნიდა: მბეზღარობის წამქეზებლობაზე, უნდობლობას რომ თესავდა ოფიცერთა შორის, უმეცარ და მავნე პოლიტიკოსთა უტიფრულ ბრძანებებზე, ჯარისკაცის თავმოყვარეობას რომ ლახავდნენ, არმიის ტკივილებზე, არმიისა, რომელსაც პოლიტიკის საზიზღარ მოვალეობას აკისრებდნენ — აეწერა საეკლესიო ქონება, ჩაეხშო მუშათა გაფრცხვები, ეიძულებინა ემსახურა მმართველი

პარტიის, ამ წვრილბურჟუაზიული რადიკალებისა და ანტიკლერიკალების ინტერესებისათვის და მათს მტრებზე შურის საძიებლად — მთელი დანარჩენი ქვეყნის წინააღმდეგ. აღარაფერს ვამბობთ ამ ძველი „აფრიკელის“ ზიზღზე ახალი კოლონიური ჯარისადმი, რომელსაც აკომპლექტებდნენ ერის ყველაზე უღირსი ნაწილისაგან, რათა ეამებინათ მათი ეგოიზმისა და სიმხდალისათვის, ვინც უარს აცხადებდა მონაწილეობა მიეღო „დიდი საფრანგეთის“ — საფრანგეთის ზღვისგაღმა სამფლობელოთა დაცვის უზრუნველყოფის საპატიო და სარისკო საქმეში.

კრისტოფი არ აპირებდა ჩარეულიყო ფრანგების შინაურ დაეაში: ეს მას არ ენებოდა; მაგრამ იგი თანაუგრძნობდა ყოფილ ოფიცერს. რა აზრისაც უნდა ყოფილიყო ომზე, კრისტოფს მიაჩნდა, რომ ჯარი მოწოდებული იყო შეექმნა ჯარისკაცები, როგორც ვაშლის ხემ უნდა დაისხას ვაშლი, და უცნაურ გაუკუღმართებას წარმოადგენდა, ემყნოთ მასზე პოლიტიკოსები, ესთეტები და სოციოლოგები. და მაინც კრისტოფს ვერ გაეგო, ამ ჯერ კიდევ მხნე კაცს რატომ დაეთმო გზა სხვებისათვის. იმაზე დიდი თავის მტრობა არა არის რა — არ ებრძოლო შენს მტრებს. ჩანს, ყოველ ცოტად თუ ბევრად ღირსეულ ფრანგში საკუთარი თავის უარყოფის, თვითგანდგომის უცნაური სულისკვეთება ფესვგადგმულა. ეს სულისკვეთება, ოღონდ უფრო ღრმა და უფრო გულდასაწყვეტი, კრისტოფმა ოფიცრის ასულშიაც აღმოაჩინა.

მას სელინს ეძახდნენ. მაღლა გულმოდგინედ ავარცხნილ და თავზე ნაწნავად დაგრაგნილ ნაზ თმებს გამოეჩინათ მისი მაღალი, მრგვალი შუბლი, ოდნავ წაწვეტებული ყურები და გამხდარი ლოყები, რომლებსაც სოფლური სილამაზის კოხტა ნიკაბი ამშვენებდათ; მიმზიდველი მაცვლისფერი თვალები ჰქონდა — ჰკვიანი, მიმნდობი, ძალზე წყნარი და ახლომხედველი; ცხვირი ოდნავ სქელი, ტუჩის ზედა კუთხეში პატარა ხალი შვენოდა, უსიტყვო ღიმილი ქვედა, ოდნავ გაბერილ ტუჩს მოხდენილად წინ უწევდა და ეშხიან ნაოქს უკეთებდა. სელანი კეთილი, გამრჩე და გონებამახვილი ქალიშვილი გახლდათ, მაგრამ არავითარ ცნობისმოყვარეობას არ იჩენდა, რომ გათვითცნობიერებულებიყო: კითხულობდა ცოტას, არ იცნობდა არც ერთ ახალ წიგნს, არ დადიოდა თეატრში, არ მოგზაურობდა (რომ სევდა არ აღედრა მამისათვის, რომელსაც თავის დროზე ბევრი ემოგზაურა), არ მონაწილეობდა საზოგადოებრივი ქველმოქმედების დაწესებულებებში (მამა კიცხავდა მათ), არ ცდილობდა ესწავლა (მაიორი დასციინოდა ნასწავლ ქალებს) და თითქმის არასოდეს სცილდებოდა თავისი ბაღის კუნძულს, ოთხივ მხრიდან მაღალი კედლებით შემოზღუდული, ვეება ჰას რომ მოგაგონებდათ. მაგრამ სელინი არ იყო მაინცდამაინც მოწყენილი. ერთობოდა, როგორც შეეძლო და არხეინად შერიგებოდა ბედს. ქალიშვილის სახიდან და იმ პატარა სამყაროდან, შეუუცნობლად რომ იქმნის თავისთვის ყოველი ქალი, შარდენის სურათების განწყობილების სიო მობერავდა: ჩვეულებრივი საქმიო გართულ ადამიანთა ყურადღებიანი (ცოტა გაშტერებული) სახეებისა და პო-

ზების თბილი სიწყნარე; ყოველდღიური ყოფის, შეჩვეული ცხოვრების პოეზია, დაუსრულებელი მწკრივი წინასწარ ცნობილი აზრებისა და ქესტებისა, ერთსა და იმავე საათზე და ერთსა და იმავე სახით რომ გვეცხადებიან, და მაინც ნაზი და მთრთოლვარე სიყვარულით გვესტვალავენ; უბრალო ადამიანების მშვენიერ სულთა უდრტვინველი მოკრძალებულობა: პატიოსნება, სინდისი, გულმართლობა, სიმშვიდე, მშვიდი შრომა, მშვიდი სიხარული, მშვიდი, მაგრამ მაინც პოეტური; ჯანმრთელი სიტურფე, სულიერი და ხორციელი სიწმინდე, საამო, როგორც თბილი პურის სუნი და ლავანდის სურნელი, ტუბილი, როგორც გულწრფელობა და გულკეთილობა; საგნებისა და ადამიანების მშვიდი ყოფა და ძველი სახლებისა და მოღიმარე სულთა მყუდროება...

კრისტოფი, რომლის გულითადი მიმნდობელობა საპასუხო ნდობას აღძრავდა ადამიანებში, ძალიან დაუმეგობრდა სელინს. ისინი უკვე საკმაოდ თავისუფლად საუბრობდნენ; მალე მან ისეთი თამამი შეკითხვების მიცემა დაუწყო, რომ ქალიშვილს თვითონვე უკვირდა, როდესაც უპასუხებდა: ისეთ რამეებს უმხელდა ჰაბუკს, რასაც არავის, თვით ყველაზე ახლობელ გულის შესაიდუმლესაც კი არ გაანდობდა.

— ეგ იმიტომ, — ეუბნებოდა კრისტოფი, — რომ ჩემი არ გეშინიათ. ჩვენ არ გვემუქრება საფრთხე, რომ ერთმანეთი შეგვიყვარდეს: საამისოდ უკვე მეტიმეტად ახლო მეგობრები ვართ.

— რა სათნო ხართ, — მიუგებდა ქალიშვილი ღიმილით.

მის ჯანმრთელ ბუნებას, ისევე, როგორც კრისტოფისას, ზიზღს ჰკვირდა მეგობრობით შენიღბული სიყვარულის ფორმა, რომელსაც ესწრაფვიან ჩვეულებრივ არაგულწრფელი ადამიანები, ეშმაკურად რომ მალავენ თავიანთ ნამდვილ გრძნობებს. კრისტოფი და სელინი ხალასი მეგობრები იყვნენ.

ერთხელ კრისტოფმა ჰკითხა: ნაშუადღევს ბაღში, სკამზე რომ ზიხართ ხოლმე და ხელსაქმე მუხლებზე დაგიდვიათ, მთელი საათობით რაზე გარინდულხართო. ქალიშვილი გაწითლდა და შეეპასუხა, საათობით არასოდეს, მხოლოდ ხანდახან, ორიოდ წუთით, დიდი-დიდი მეოთხედი საათით თუ შემისვენია, რომ „თავგადასავალი განმეგრძო“.

— რომელი თავგადასავალი?

— ჩემს თავს რომ ვუყუებ.

— თქვენს თავს თავგადასავლებს უყუებით? საინტერესოა! ერთი მეც მომიყევით!

ქალმა უთხრა, მეტიმეტად ცნობისმოყვარე ყოფილხართო, და მხოლოდ ეს გაუმხილა, ამ თავგადასავლების გმირი მე არ ვახლავართო.

კრისტოფმა გაიკვირა:

— რაკი თავგადასავლები გინდათ უამბოთ თქვენს თავს, უწორო ბუნებრი-

ვი არ იქნებოდა, საკუთარი თავგადასავალი მაინც გეამბნათ, ცოტა შელამაზებულა, რომ უფრო პედნიერად წარმოიდგინოთ თავი.

— საკუთარს არ ვისურვებდი, — თქვა სელინმა, — ეს სასოწარკვეთილებაში ჩამაგდებდა.

იგი კვლავ გაწითლდა, რომ უნებლიეთ თავისი სულის იღუმალეობაში სხვა ჩაახედა, და განაგრძო:

— ჰოდა, ბაღში რომ ვზივარ და ცელქი სიო სახეზე მელამუნება, ბედნიერი ვარ. ხოლო როდესაც ბაღში შორით მონაქროლი მძვინვარე ქარი შემოიჭრება, რამდენ აშბებს მიყვება!

მიუხედავად მისი მოჩვენებითი სიმშვიდისა, კრისტოფი ჰვრეტდა ქალიშვილის სულში დაფარულ ღრმა სევდას, თავისი მხიარული განწყობილებითა და ხალისიანობით რომ ცდილობდა დაემალა, თუმცა ამით თავს ვერ იტყუებდა და სევდას ვერ იმსუბუქებდა. რატომ არაფერს ილონებდა იგი, თავი დაეღწია ამ კარჩაეცტელობისათვის და ახალი ცხოვრება შეექმნა? ის ხომ ბუნებით მჩქეფარე და ნაყოფიერი ცხოვრებისათვის იყო გაჩენილი! სელინი იმიზეზებდა, რომ ვერ დაეთმო მშობელი მამა, რომელსაც გაგონებაც არ სურდა ქალიშვილის გათხოვებაზე. კრისტოფი ამაოდ ჩასჩიჩინებდა, ისეთ მაგარსა და მხნე კაცს, როგორც მაიორი გახლავთ, სულაც არ სჭირდება თქვენი მზრუნველი ხელი, მისებრ ნაწრთობი ადამიანი თავისუფლად გაძლებს სრულიად მარტოც და უფლება არა აქვს. მსხვერპლად შეიწიროს შვილის მომავალიო. სელინი ცდილობდა დაეცვა მამა; მაგრამ გასამართლებელი რომ ვეღარაფერი ეპოვა, ტყუილშია და ეძებდა ხსნას და ირწუმებოდა, ვითომ მამა კი არ უშლიდა გათხოვებას, არამედ თვითონ ვერ შელერდა მამას. თუმცა არც ეს იყო მთლად საფუძველს მოკლებული. ჩანს, ოდითგანვე, სელინსაც, მამამისსაც და მთელ მათს ნათესაობასაც შეურყევლად მიაჩნდათ, რომ ასე მოითხოვდა წესი და სხეანაირად არ შეიძლებოდა ყოფილიყო. სელინს ჰყავდა ცოლიანი ძმა, რომელიც უცნაურს ვერაფერს ხედავდა იმაში, რომ დას თავი გაეწირა და თავისი დღეი შინ, მამის გვერდით მჯდარიყო. თავად იგი შვილებს იყო გადაყოლილი. ეჭვიანი სიყვარულით დღენიადგ კედში დასდევდა და დამოუკიდებლად ნაბიჯს არ ადგმევინებდა მათ. ეს სიყვარული მისთვის და განსაკუთრებით მისი მეუღლისათვის გახლდათ ნებაყოფლობით დადგმული უღელი, მძიმე ტვირთად რომ აწვევდა მათს სიცოცხლეს და ბოჭავდა ყოველ მათს მოქმედებას; თითქოს მას შემდეგ, რაც შეიღებო ეყოლათ, ცოლ-ქმარის პირადი ცხოვრება დამთავრდა, სამუდამოდ უარი უნდა ეთქვათ საკუთარ წინსვლაზე; ეს სიცოცხლით სავესე, ჰკვიანი და ჯერ სრულიად ახალგაზრდა კაცი უკვე ითვლიდა, რამდენი წელი უკლდა კიდევ, რომ პენსიაზე გასულიყო. კრისტოფი გრძნობდა, რომ ამ ჩინებულ ადამიანებისათვის მძიმე კირთებად ქცეულიყო ოჯახზე გადაგების სულისკვეთება, რომელსაც საფრანგეთში ოჯახისადმი ღრმა, მაგრამ გამთანგველი, ილაჯის წამრთმევი სიყვარული ასულდგმულებდა. ეს სიყვარული მით უფრო წელში გამწყვე-

ტია, რომ ფრანგული ოჯახი, ჩვეულებრივ, მხოლოდ და მხოლოდ დედის, მამისა და ერთი ან ორი შვილისაგან შედგება. აქედან წარმოსდგება ის მოკანკალე, შიშნეული და სულგაქმენდილი სიყვარული, რომელიც ქუნწის ხელში მომუშაული ოქროსადმი სიხარბეს მოგვაგონებს.

გაუთვალისწინებელმა გარემოებამ, რამაც უფრო გააღვივა კრისტოფის იატერესი ქალიშვილისადმი, თვალნათლივ დაანახა მას, რა რიგ მიჯაჭვული იყვნენ ფრანგი ადამიანები საკუთარ ოჯახებს, რა რიგ ეშინოდათ ეცხოვრათ, ნებაზე მიეშვათ თავიანთი ბედი და მიეღოთ ის სიკეთე, რაც მათ წილად ეჩვენებოდათ.

ინეინერ ელსბერვეს ჰყავდა ათი წლით უმცროსი ძმა, რომელიც აგრეთვე ინეინერი იყო. ეს გახლდათ პატიოსანი ყმაწვილი კაცი, როგორსაც ხშირად შეხედებით წესიერ ბურჟუაზიულ ოჯახებში, შემოქმედებით მიღრეკილებებს რომ ამქდავენებენ; ეს ახალგაზრდები სიამოვნებით იმოღვაწებდნენ ხელოვნების ასპარეზზე, მაგრამ არ უნდათ შეილახონ თავიანთი მდგომარეობა ბურჟუაზიულ საზოგადოებაში. სინამდვილეში მთელი სიძნელე ამაში როდი მდგომარეობს; ამ ამოცანას ჩვენი ღროის ხელოვანთა უმრავლესობა ისე წყვეტს, რომ თითი არ გაიკაწროს. მთავარია, გული გულობდეს, გასურდეს; მაგრამ ამ ერთი შეხედვით უბრალო ნებისყოფის გამოვლენის უნარიც ყველას როდი შესწევს: ისინი საკმაოდ დაჩქუნებული არ არიან, რომ ნამდვილად სურთ ის, რასაც ელტვიან; ხოლო ააც უფრო მყარი ხდება მათი მდგომარეობა ბურჟუაზიულ საზოგადოებაში, ეს ადამიანები ღის ფერხულში ებმებიან უჯანყოლ და უნაყოფო, ვინ დაძრაზავდა მათ იმისათვის, რომ უხეირო ხელოვანის სახელს კარგი ბურჟუაზია ამჯობინეს. მაგრამ ადრინდელი იმედგაცრუება ძალიან ხშირად იღუმალი უკმაყოფილების კვალს ტოვებს მათს სულში, ერთგვარ *qualis erit ex parte* -ს, რომლის მიღმა ის ნაღვლიანი განწყობილება იმალება, ჰირობითად ფილოსოფიურ ჩაფიქრებულობას რომ ეძახიან და სჯამლავს მათს ცხოვრებას მანამ, ვიდრე მუხთალი ღრო და ახალი საზრუნავი არ წარხოცავს ძველი სევდის გამოძახილს. სწორედ ამ დღეში იყო ანდრე ელსბერვეც. თავიდან მას ლიტერატურული მოღვაწეობა იზიდავდა, მაგრამ ძმამ, თავისი მრწამსის სისწორეში მტკიცედ დაჭერებულმა, დაიყინა ისიც მეცნიერებას გაჰყოლოდა. ანდრე ჰკვიანი ყმაწვილი გახლდათ და ერთნაირად მიღრეკილებას იჩენდა როგორც მეცნიერებისადმი, ასევე ლიტერატურისადმი: იგი საკმაოდ დაჩქუნებული არ იყო, რომ მწერალი გამოვიდოდა. მაგრამ საკმარისზე მეტად იყო დაჩქუნებული, რომ შეეძლო ბურჟუაზია გამოსულიყო: თავდაპირველად, ღროებით (ალბათ მიხვდებით, რას ნიშნავს ეს სიტყვა), დაჰყვა ძმის ნებას: შეევიდა პოლიტექნიკურ ინსტიტუტში, ჩააბარა მისაღები გამოცდები არც ისე ბრწყინვალედ, დაამთავრა არცთუ დიდი წარმატებით და მას აქეთ მუშაობდა ინჟინრის

1 „რა მსახიობი ვკვდები!“ (ლათ.) — სიკვდილის წინ წარმოთქმული ფრანკ რომის იმპერატორ ნერონის მიერ, რომელსაც ღრდ მსახიობად მიიჩნდა თავი. — რედ. შენ-შენა.

თანამდებობაზე, კეთილსინდისიერად, მაგრამ ყოველგვარი ინტერესის გარეშე. რასაკვირველია, ამასობაში მას გაუქრა შემოქმედებითი მიდრეკილების ის მცირე ნიშნებიც, აღრე რომ ამჟღავნებდა; ამიტომ ახლა თავის ადრინდელ გატაცებას მხოლოდ ირონიით თუ გაიხსენებდა ხოლმე.

— ესეც არ იყოს, — იტყოდა ხოლმე ანდრე (კრისტოფი ამ მსჯელობაში ოლივიეს პენსიონს სცნობდა), — ცხოვრება იმად არა ღირს, რომ მიუღწეველ კარიერაზე ფიქრით თავი აიტყიო. ერთი უხეირო პოეტით ქვეყანას არც არა მოემატება რა, არც დააჯღღებოს!..

ძმებს უყვარდათ ერთმანეთი; ორივენი ერთი და იგივე სულისკვეთებით იყვნენ გამსჭვალული, მაგრამ საერთო ენა ვერ ეპოვათ. ადრე ორივენი ღრეიფ-უსელები იყვნენ. მაგრამ ანდრე, სინდიკალისტურ იდეებს აყოლილი, ანტიმილიტარისტი გახდა; ელი კი პატრიოტი დარჩა.

ბევრჯერ ყოფილა, ანდრე, კრისტოფთან რომ დადიოდა ხოლმე, ძმასთან არც კი შეივლიდა. კრისტოფს აკვირვებდა ეს; მას დიდი გულითადობა არ აკავშირებდა ანდრესთან. ეს უკანასკნელი ერთთავად გაჩუმებული იჯდა, მხოლოდ ვინმეზე ან რამეზე თუ დაიწუწუნებდა, რაც უკვე მოსაბეზრებელი გამხდარიყო; ხოლო როდესაც კრისტოფი ლაპარაკობდა, ანდრე სხვა რამეზე ფიქრობდა. ჰოდა, კრისტოფსაც ძალიან არ მოხატრებია პირში მიეხალა, რომ მისი ხშირი სტუმრობა დროის უქმად ფლანგვად მიაჩნდა; მაგრამ ანდრე აინუნში არ აღდებდა, ვითომც არ გაუგონიაო. ბოლოს კრისტოფი მიხვდა, რა მუცლის გვრემაც ჰქონდა თურმე ანდრეს: ერთ დღესაც კრისტოფმა შეამჩნია, რომ სტუმარი ლამის ფანჯრიდან გადავარდნილიყო, მთელი გულისყური იქით ჰქონდა, რა ხდებოდა დაბლა, ბაღში და ნაკლებად აინტერესებდა მასპინძლის საუბარი. კრისტოფმა აგრძნობინა, მიგზნვილიო და ანდრესაც გამოტეხა არ დასჭირვებია, აღიარა, რომ იცნობდა მადმუაზელ შაბრანს და ნაწილობრივ ეს გახლდათ კრისტოფთან მისი ხშირი სტუმრობის მიზეზიც. ხოლო რაკი ერთი პირი მოხსნა, მოუყვა, რომ დიდი ხანია გულში აქვს სელინის სიყვარული და, შესაძლოა, უფრო მეტიც: ელსბერკეების ოჯახი ადრიდანვე დაკავშირებული ყოფილა შაბრანებთან და ხშირი მისვლა-მოსვლაც ჰქონიათ ერთმანეთში, მაგრამ პოლიტიკას, ახალ მოვლენებს გაეთიშათ ისინი; ჰოდა, მას აქეთ ერთმანეთს აღარ ვხვდებითო. კრისტოფს არ დაუმაღავს, რომ ეს მტყნარ სისულელედ მიაჩნია. ნუთუ არ შეიძლება, სხვადასხვა შეხედულება გექონდეს და მაინც პატივს ვცემდეთო ერთმანეთს? ანდრე დაეთანხმა და განაცხადა, აზროვნების თავისუფლების მომხრე ვარო; მაგრამ თავისი შემწყნარებლობა არ გაავრცელა ორ-სამ საკითხზე, რომლებზეც, მისი რწმენით, დაუშვებელი იყო მეორე აზრის არსებობა; ასეთად დაასახელა ღრეიფუსის განხაურებული საქმე. მერე რაღაც სისულელეები მიბოღ-მობოდა, ჩვეულებრივ, ამ საქმის განხსენებას რომ მოსდევს ხოლმე. კრისტოფი იცნობდა ამ ჩვეულებას და აღარ შეჰკამათებია; მხოლოდ ის კი ჰკითხა, ნუთუ მაგ ღრეიფუსის საქმეს დამთავრება აღარ ელირსება და წყევლა-კრულ-

ვად უნდა გაისმოდესო ქვეყნის აღსასრულამდე, ჩვენი შვილიშვილებისა და მათი შვილთა შვილების თავზე. ანდრემ სიცილი დაიწყო და, პასუხის გაცემის ნაცვლად, სელინ შაბრანის შესამკობად გულისამაჩუყებელ ქებას მოჰყვა, თან ბრალს სდებდა ეგოიზმში მამამისს, რომელსაც სრულიად ბუნებრივად მიაჩნდა, რომ ქალიშვილს მისთვის შეეწირა თავისი მომავალი.

— მაშ, რატომ არ შეირთავთ მას, — ჰკითხა კრისტოფმა, — თუკი გიყვართ და მასაც უყვარხართ?

ანდრემ გულისტკივილით აღნიშნა, სელინი კლერიკალიაო. კრისტოფმა ჰკითხა, კი მაგრამ, ეგ რას ნიშნავსო. ანდრემ განუმარტა სიტყვის მნიშვნელობა: ეს ნიშნავს, რელიგიურ წესჩვეულებებს ასრულებზე და რალაც ღმერთისა და მის ქურუმთა მორჩილი გახდეთ.

— მერედა, თქვენ ამით რა?

— მე ის, რომ არ მინდა ჩემი ცოლი ჩემს გარდა კიდევ სხვას ეკუთვნოდეს.

— როგორ! იმის გამოც ექვიანობთ, რომ ცოლს სწამდეს? გამოდის, თქვენ კიდევ უფრო ეგოისტი ყოფილხართ მაიორზე!

— როგორც გნებავთ, ისე გამოგყავთ: თვითონ თქვენ თუ შეირთავდით ქალს, რომელსაც არ ეყვარებოდა მუსიკა?

— ეგ უკვე მიცლია!

— კი, მაგრამ, როგორ უნდა იცხოვრონ ერთად. თუ არ ექნებათ ერთნაირი აზრები?

— თავი დაანებეთ მაგ თქვენს აზრებს! აჰ! ჩემო კეთილო მეგობარო, რა მნიშვნელობა აქვს აზრებს, როდესაც გიყვარს! რას ვაქნევ, ჩემსავით ეყვარება თუ არა მუსიკა ქალს, რომელიც მიყვარს? იგი თავად არის მუსიკა ჩემთვის! როდესაც ბედი კარზე მოგდგომია და გიპოვია ძვირფასი არსება, რომელსაც გეტრფი და რომელიც გეტრფის, დაე, სწამდეს, რამდენიც მას გაუხარდება და თქვენც გწამდეთ, რამდენიც თქვენს გულს ენებოს! ბოლოს და ბოლოს ყველა თქვენს აზრს ერთი ფასი აქვს; ამ ქვეყანაზე ერთადერთი ჰეშმარიტება არსებობს: აღამიანებს ერთმანეთი უყვარდეთ.

— თქვენ პოეტურად მსჯელობთ. მაგრამ ვერ ხედავთ ცხოვრებას. მე ვიცნობ ძალიან ბევრ ცოლ-ქმარს, რომლებიც უაღრესად იტანჯებოდნენ ამ აზრთა სხვაობის გამო.

— იმიტომ, რომ საკმაოდ არ უყვარდათ ერთმანეთი. საჭიროა იცოდეთ, რა უფრო გინდა.

— მარტო სურვილი საკმარისი არ გახლავთ ცხოვრებაში. გულითაც რომ მდომოდა ცოლად შემერთო მადმუაზელ შაბრანი, ვერ შევძლებდი ამას.

— საინტერესოა, მაინც რატომ!

ანდრე მოჰყვა ლაპარაკს სინდისის ქენჯნაზე: რომ მდგომარეობა ხელს არ უწყობს, ქონება არ გააჩნია, არც ჯანმრთელობა აქვს სახარბიელო. განა აქვს უფლება, ცოლი ითხოვოს ამ პირობებში? ეს ხომ დიდ პასუხისმგებლობას აკის-

რებს. ვაითუ ამით უბედურება მოუტანოს მასაც, ვინც უყვარს და საკუთარ თავსაც, რომ აღარაფერი ვთქვათ შეილებზე, რომლებიც ეყოლებათ... ამიტომ სჯობია მოიცადოს, ანდა საერთოდ უცოლო დაბერდეს.

კრისტოფმა მხრები აიჩიხა:

— კარგი სიყვარულია, მე და ჩემმა ღმერთმა! თუ მას უყვარხართ, იგი ბედნიერი იქნება, თავი განაცვალოთ. ხოლო რაც შეეხება შეილებს, სასაცილო ხალხი ხართ ეს ფრანგები! არ გინდათ სიცოცხლე მიანიჭოთ თქვენს ბავშვებს, თუ დარწმუნებული არა ხართ, რომ მათ პატარა ჩასუქებული რანტიეს უზრუნველ ცხოვრებას შეუქმნით, რათა თვითონ აღარაფერზე იწვავონ და გაისარკონ. ეშმაკმა დალახვროს! ეგ რა თქვენი საქმეა? თქვენი ვალია შთაბეროთ მათ სული, შთაუნერგოთ სიყვარული სიცოცხლისადმი და გამბედაობა, რათა დაიცვან იგი. დანარჩენი... დაე, იცოცხლონ, დაე, დაიხოცნენ... ეს არის ყოველი ადამიანის ხვედრი ამ წუთისოფელში. ნუთუ სჯობია საერთოდ არ მოხვიდე ქვეყნად, იმის შიშით, ვაითუ ბედმა არ გაგიღიმოს ცხოვრებაში?

ძალუმი რწმენა, რომელსაც ასხივებდა კრისტოფი, მსჭვალავდა მის თანამოსაუბრესაც, თუმცა ნაბიჯის გადადგმას კი ვერ აბედვინებდა. იგი ეთანხმებოდა:

— ჰო, შესაძლოა, მართლა ასე იყოს...

მაგრამ ამის იქით კი ველარ მიდიოდა. თითქოს ისიც უღონობას შეეპყრო, სხვა ფრანგების მსგავსად, რომელთაც აღარც სურვილი შეეძლოთ, არც მოქმედება.

კრისტოფს უკვე დაწყებული ჰქონდა ბრძოლა იმ უძრობის წინააღმდეგ, რასაც ყოველ ნაბიჯზე ააშკარავებდა თავის მეგობარ ფრანგთა უმრავლესობაში, უცნაურად რომ შეზამებულიყო მათს მუყაითსა და ზოგჯერ ესოდენ გაცხოველებულ მოდგაწიობასთან. თითქმის ყველანი, რომლებთანაც უხდებოდა შეხვედრა ბურჟუაზიის სხვადასხვა წრეებში, უკმაყოფილო ადამიანები იყვნენ. თითქმის ყველანი საერთო ზიზღს გრძნობდნენ ქვეყნის დროებით მეუფეთა და მათი დამყაყებული აზრის მიმართ. თითქმის ყველანი გამსჭვალულიყვნენ იმის მწარე, მაგრამ ამაყი შეგნებით, რომ ამ ვაჟბატონებს ეღალატათ ერის სულისათვის. ამ განწყობილების მიზეზი არ ყოფილა დამარცხებული ადამიანებისა და კლასების პირადი უკმაყოფილებით გამოწვეული ღეარძლი და ბოღმა. ძალაუფლებას მოკლებულთ ქვეყნის ცხოვრებაში მონაწილეობის საშუალება რომ წართმეოდათ, ან სამსახურიდან დათხოვნილ მუშაკთა წყენა, როდესაც აღარავის სჭირდება შენი ენერჯია, არც ძველი არისტოკრატიის გულნაკლულობა, საკუთარ მამულში ჩაკეტილი მარტოღმარტო რომ კვდება, როგორც დაჭრილი ღოში. არამედ ეს გახლდათ ჯანყის სულისკვეთება, ყრუ, ღრმა, ზოგადი: იგი იგრძნობოდა ყველგან, საზოგადოების ყველა ფენაში — ჯარში, სასამართლოში, უნივერსიტეტის წრეებში, კანცელარიებსა და მთავრობის მექანიზმის

ყველა მამოძრავებელ რგოლში. მაგრამ ყველას გულ-ხელი დაეკრიფა და წინასწარვე იმედგადაწყვეტილნი იმეორებდნენ:

— სულ ერთია, ვერას გახდები.

ისინი ლაჩრულად თავს არიდებდნენ დარღების ამშლელი საგნების განასჯას და ნავსაყუდელს ოჯახურ ყოფაში ეძებდნენ.

კიდევ არაფერი, თუკი მხოლოდ პოლიტიკური ამბებისაგან გამდგარიყვნენ განზე! მაგრამ ვაი, რომ ყოველ ამ პატიოსან ადამიანთაგანი უხალისობას იჩენდა თვით მისი არსებობისათვის აუცილებელი ყოველდღიური საქმიანობისადმიც. ისინი ითმენდნენ საშინელ დამცირებას, ეცხოვრათ ამ საძაგელი არამზადების გვერდით, რომელთა დანახვა ზიზღს ჰგვირიადათ, მაგრამ ერთდებოდნენ ხელჩართული ბრძოლა გაემართათ მათთვის, რადგან წინასწარვე განწირულად მიაჩნდათ იგი. რატომ იტანდნენ აღუშვოთებლად ეს ხელოვანნი, და სახელდობრ, ეს მუსიკოსები, რომლებსაც უფრო ახლოს იცნობდა კრისტოფი. პრესის ამ სკარამუშოთა უტიფრობას, კანონებს რომ უწესებდნენ მათ? ამ ტაკიმახსარებს შორის საკმაოდ მოიძებნებოდნენ ისეთი დიდყურა ვირებიც, რომელთა უვიცობა *in omni re scibili*¹ საყოველთაოდ ცნობილი იყო, და მაინც შეუმძღარ ავტორიტეტებად ითვლებოდნენ *in omni re scibili*. ეს უკანასკნელნი იმდენადაც კი არ ირჩებოდნენ, რომ უშუალოდ თვითონ ეწერათ თავიანთი სტატიები ან წიგნები და მდივნებად იყუანდნენ ვიღაც წმინდა გლახაკებს, რომლებიც მზად იყვნენ მიეყიდათ მათთვის სული, (თუ სავართოდ გააჩნდათ იგი), პურისა და ქაღებების გულისათვის. პარისში ეს არავისთვის საიდუმლოებას არ წარმოადგენდა. ისინი კი მაინც იტანებოდნენ და ქედმაღლურად უყურებდნენ ხელოვნების მსახურთ. ზოგიერთ მათს სტატიას რომ კითხულობდა, კრისტოფი სიბრაზისაგან ბრდღვიანავდა.

— ოჰ, თქვე ლაჩრებო! — წამოძახებდა იგი.

— ვისზე გაჯავრებულხარ? — შეეკითხებოდა ოლივიე. — ალბათ, ისევ იმ არამზადებზე „მოედანზე ბაზრობიდან“.

— არა. პატიოსან ადამიანებზე. არამზადები იმას სჩადიან. რაც მათი ხელობაა: ცრუობენ, ძარცვავენ, ქურდობენ, კლავენ. ხოლო სხვები, ვისაც სძულს ისინი, მაგრამ ამის საშუალებას აძლევენ მათ. ათასჯერ უფრო საძულველნი არიან. მათივე თანამოკალმენი, ეს პატიოსანი და მცოდნე კრიტიკოსები, ეს ხელოვანნი, რომელთა ზურგსუკან ვიღაც არღეკინები ტაკიმახსარობენ, რომ არ ათამამებდნენ მათ თავიანთი დუმილით, თავიანთი მორიდებულობით, ღირსების შელახვის შიშით, ან საპასუხო პატივისცემის საძრახისი ანგარიშითა და მტერთან უსიტყვო შეთანხმების იღუმალი სურვილით. რათა თვითონ მისი დარტყმები აიცდინონ, — ეს პატიოსანი შემოქმედნი საშუალებას რომ არ აძლევენ ვიცინდარებს, მათი მუარველობა დაიხეიონ და გაიბლინდონ მათი მეგობრობით,

¹ ყოველ შეცნობად საგანზე (ლათ.).

ეს უტიფარი ძალადობა ყველასათვის სასაცილო გახდებოდა და არამზადების ძალაუფლება დაემხობოდა. ეს უნებისყოფობა ვლინდება ყველაფერში. ზოგჯერ ოც კაცს უძაგებია ზურგსუკან ვინმე: „ის კაცი არამზადააო“; მაგრამ არ მახსოვს, რომელიმეს „ძვირფასო კოლეგავ“ არ მიეგებებინა და მაგრად არ ჩამოერთმია ხელი მისთვის. „უპატიოსნო ადამიანები ჭარბობენო“, — ამბობენ ხოლმე პატიოსნები. ეგ არა, მაგრამ დოკლაპიები რომ ჭარბობენ, ეს კი ნამდვილია. ლაჩრები ჭარბობენ პატიოსან ადამიანებს შორის.

— კი მაგრამ, რა გავაკეთოთ?

— დაამყარეთ წესრიგი თქვენ თვითონ! რას უტყვიან? რომ უფალმა ღმერთმა მოიცალოს თქვენი საქმეებისათვის? რაღა შორს წავიდეთ, აგერ, სამი დღეა, თოვლი დევს. ნამქერს დაუფარავს მთელი ქუჩები და წუმპედ უქცევია თქვენი პარიზი. თქვენ კი რით გართულხართ? წუწუნებთ, ჩვენი ხელმძღვანელობა ნაგავში გვანჩობსო. მაგრამ თქვენ თვითონ თუ იღონეთ რაიმე? სრულიად არაფერი. გულხელი დაგიკრეფიათ და უყურებთ. ვერავის გაუბედავს ცოცხი მოუსევას ტროტუარს საკუთარი კარის წინ მაინც. არავინ არ ასრულებს თავის მოვალეობას — არც სახელმწიფო, არც კერძო მოქალაქენი; ორივე მხარე ერთიმეორეს ამტყუნებს და ამით ცდილობს მოიხსნას პასუხისმგებლობა. საუკუნეების მანძილზე მონარქიულმა აღზრდამ ისე მიგაჩვიათ თითი არ გაანძრიოთ თქვენით, რომ მთელი ცხოვრება პირდაღებულ ელით რაღაც სასწაულს. ერთადერთი სასწაული, რომელიც შეიძლება მომხდარიყო, ის იქნებოდა, თუ თქვენ გადაწყვეტდით ამოქმედებულიყავით. აი, ხომ ხედავ, ჩემო კარგო ოლივიე, ფრანგებს ჭკუა და სათნოება კი თავზე საყრელად გაქვთ, მაგრამ სისხლი გაცლიათ ძარღვებში. პირველ რიგში, ეს შენ გეხება. თქვენ გულიც სალი გაქვთ და გონებაც; სიცოცხლე გაქვთ დასნეულებული. დღითიდღე უკან-უკან მიღიხართ.

— რას იზამ, უნდა ველოდოთ, ვიდრე სიცოცხლე განიკურნება.

— უნდა გსურდეს, რომ განიკურნოს. საჭიროა სურვილი! ამისათვის კი, პირველ რიგში, ბინა უნდა გაანიავო. თუ არ გინდა შინიდან გარეთ გახვიდე, სუფთა ჰაერმა მაინც იმოძრაოს სახლში. თქვენი ჰაერი კი „ბაზრობის“ მიაზმებით მოწამლულა. თქვენი ხელოვნება და თქვენი აზრი ორი მესამედით ნაყალბეგია. თქვენ ისე სულით დაცემულხართ, რომ თავში აღარ მოგდით, აღმფოთდეთ, გაკვირვებხარ კი ძლივს ახერხებთ. ზოგიერთები ამ პატიოსან ადამიანთაგან, თავიანთი სიმხდალით, იქამდე მიდიან, რომ ირწმუნებენ თავს, თითქოს თვითონ იყვნენ მტყუანნი და ის ყალბაბანდები კი — მართალნი. განა ცოტას შეეხვედრივარ, გნებავთ იმ თქვენი ყურნალ „ეზობეს“ თანამშრომლებს შორის, თავმოწონედ რომ გაიძახიან, ჩვენ ვერავინ ვერაფერში მოგვატყუებდო, — საბრალო ყმაწვილკაცო, საკუთარი თავისთვის რომ ჩაუგონებიათ, თითქოს ხელოვნების რომელიმე დარგი უყვართ, ან რაიმე შეხედულება სწამთ, თუმცა სინამდვილეში სულაც არ უყვართ და არა სწამთ იგი? ისინი თავს იზანგავენ ამით,

თუმცა სიამოვნებას ვერ აღწევენ, უბრალოდ წამხედურობით იქცევიან ასე; და მოწყენილობა ჰკლავთ, რომ გულის სიღრმეში თავს იტყუებენ!

კრისტოფი რწმენას უნერგავდა და ამოძრავებდა გაუბედავ და ცხოვრებაზე ხელჩაქნეულ ადამიანებს, როგორც ქარი მძინარე ხეებს არხევს და აშრიალებს. იგი არ ცდილობდა თავისი მრწამსი მიეღებინებინა მათთვის; არამედ შთაბერავდა ძალას, საკუთარი მრწამსი მიეღოთ. იგი ღაღადებდა:

— თქვენ ზედმეტად თვინიერნი ხართ. თქვენი მთავარი მტერი ნევრასთენია და ეპქვია. შეიძლება და კიდევაც უნდა იყო შემწყყნარებელი და ჰუმანური, მაგრამ არ შეიძლება ეპქვი გეპარებოდეს იმაში, რაც სიკეთედ და ჭეშმარიტებად გწამს. ხოლო რაც გწამს, უნდა დიდიცვა კიდევ. რაც უნდა მცირე ძალები გაგვანდეს, უფლება არა გვაქვს უარი ვთქვათ საკუთარ მრწამსზე. ყველაზე პატარა ადამიანსაც კი, ისევე როგორც უდიდეს პიროვნებას, ამ ქვეყანაზე, გარკვეული მოვალეობა აკისრია და (რაც თვითონაც არ უწყის) გარკვეული ძალაუფლებაც აქვს. არ გეგონოთ, რომ თქვენი ერთეული ჯანყი არაფერს ნიშნავდეს! მტყიცე შეგნება, თუ სითამამეც ხელს უწყობს, რომ ხმა აღიმადლოს, უკვე გარკვეული ძალაა. ამ ბოლო წლებში თქვენ არა ერთი მაგალითის მოწმე გამხდარხართ, როდესაც სახელმწიფო და საზოგადოებრივი აზრი იძულებული ყოფილან ანგარიში გაეწიათ პატიოსანი ადამიანის გაბედული მსჯელობისათვის, რომელსაც არ გაანდა სხვა იარაღი, გარდა თავისი სულიერი ძალისა, საჭაროდ რომ გამოუვლენია და დაუცვია გულადი და ურყევი შეუპოვრობით...

თუ მინც იკითხავთ, რისთვის გაისარგო კაცი, რისთვის იბრძოლო, რისთვის?... მაგასაც გეტყვით: იმისათვის, რომ კვდება საფრანგეთი, კვდება ევროპა და ჩვენი ცივილიზაცია, რომ დაიქცევა და აღიგვება პირისაგან მიწისა კაცობრიობის მიერ მრავალსაუკუნოვანი ტანჯვის ფასად აგებული ეს განსაცვიფრებელი ტაძარი — თუ არ ვიბრძოლეთ. სამშობლო საფრთხეშია, ჩვენი სამშობლო ევროპა; ყველაზე მეტად კი თქვენს პატარა მამულს, თქვენს მშობელ საფრანგეთს უჭირს. თქვენი უხალისობა კლავს მას. იგი კვდება ყოველი თქვენგანის უქმ ენერგიაში, თქვენს ფუჰ აზრებში, თქვენს უმაქნის კეთილ ნებაში, ყოველ წვეთში თქვენი სისხლისა, თანდათან რომ იწრითება, ამოდ... აღსდეთით! სულს ჯერ კიდევ სიცოცხლე სწყურია! ხოლო თუ საკვილი გიწერიათ, დაჩოქილი მინც ნუ მოკვდებით.

მაგრამ ადამიანების ამოქმედება კიდევ ისე ძნელი არ იყო, როგორც მათი ერთობლივად ამოძრავება. ამ მხრივ, ისინი პირდაპირ მოურჯულებელს ჰგავდნენ. ყველანი დაუბრებოდნენ ერთმანეთს. მათ შორის საუკეთესონი ყველაზე ჯიუტები აღმოჩნდნენ. ამის მაგალითი კრისტოფს შინვე ჰქონდა. ბ-ნი ფელიქს ვაილი, ინჟინერი ელსბერჟე და მაიორი შაბრანი მუნჯი და თავაზიანი ურთიერთმტრობის ატმოსფეროში ცხოვრობდნენ. თუმცა სამივენი, სხვადასხვა პარტიული თუ ეროვნული იარლიყით, ერთსა და იმავე რამეს მოითხოვდნენ.

განსაკუთრებით ბ-ნ ვაილსა და მაიორს საკმაო საფუძველი ჰქონდათ, რომ საერთო ენა გამოენახათ. წინააღმდეგობრივი ბუნების ძალით, რასაც არცთუ იშვიათად ვხვდებით მოაზროვნე პირებთან, ბ-ნ ვაილს, ერთთავად წიგნებში რომ ჩაერგო თავი და მარტოოდენ აზრების სამყაროში ცხოვრობდა, თავდავიწყებამდე იტაცებდა სანხედრო საკითხებიც. „ჩვენში ცოტ-ცოტა ყველაფერია“, — ამბობდა ნახევრად ებრაელი მონტენი და ყველა ადამიანზე ავრცელებდა იმას, რაც სამართლიანია მხოლოდ გარკვეული სულისკვეთების ადამიანებისათვის, როგორთაც მიეკუთვნებოდა ბ-ნი ვაილი. ჰოდა, ეს მოხუცი ინტელიგენტი თავყვანს სცემდა ნაპოლეონს. მას თავი მოეყარა ნაწერებისა და ღირსსახსოვარი ნივთებისათვის, რომლებშიც ამ საიმპერიო ეპოპეის საოცარი ზმანებანი გაცოცხლებულიყო. მისი თანამედროვე მრავალი ფრანგის მსგავსად, ვაილს ძვალს სჭრიდა იმ დიდების მზის შორეულ სხივთა ელვარება. იგი ხელახლა აწყობდა ნაპოლეონის ლაშქრობებს, მართავდა ბრძოლებს, არჩევდა სპეციალურ ობერაციებს: ვაილი აკადემიებსა და უნივერსიტეტებში მოკალათუნულ იმ მუცლით მეზღაპრე სტრატეგებს ჰგავდა, რომლებიც კომენტარს უყვებოდნენ აუსტერიის და შეცდომებს პოულობენ ვატერლოოში. მან პირველმა დასცინა ნაპოლეონელობის სენს, „ნაპოლეონიტი“ რომ უწოდა და ალაღა თავისი ირონია: მაგრამ ამავე დროს თვითონაც ბრუედებოდა ამ წარმტაცი ისტორიული ამბებით, როგორც ბავშვი თამაშით; ზოგჯერ, რომელიმე ეპიზოდის განხილვებზე, თვალზე ცრემლი აუკიაფდებოდა, ხოლო როდესაც სისუსტეში დაიჭურდა თავს, გულიანად ხარხარებდა და გამოჩერჩეტებულ ბებერს ეძახდა საკუთარ თავს. სიმართლე რომ ითქვას, მისი გატაცება აიხსნებოდა არა იმდენაი პატრიოტული გრძნობების მორევით, რამდენადაც რომანტიული სულისკვეთებითა და პლატონური სიყვარულით ბრძოლისა და მოქმედებისადმი, რასაც ნაპოლეონელად ექცია იგი. თუმცა ჩინებული პატრიოტი გახლდათ, უფრო გამსჭვალული კი საფრანგეთისადმი ერთგულებით, ვიდრე მრავალი მკვიდრ ფრანგი. ფრანგი ანტიემიტები უმართებულოდ იქცევიან და დიდ სიბრძნვეს სჩადიან, როდესაც თავიანთი შეურაცხმყოფელი უნდობლობით გულს უტეხენ საფრანგეთში დამკვიდრებულ ებრაელებს. გარდა იმ ძირითადი მიზეზისა, რომ ყოველი ოჯახი, ერთ-ორი თაობის შემდეგ, ბუნებრივად ეთვისება და ესისხლჩორცება იმ მიწას, რომელზეც გადმოსახლებულა, ებრაელობას საგანგებო მონებებიც გააჩნია უყვარღეს ხალხი, რომელიც ინტელექტუალური და სულიერი თავისუფლების ყველაზე მოწინავე იდეების გამომხატველია დასავლეთში. ეს სიყვარული მ-თ უფრო ნიშრვალეა, რომ ასი წლის მანძილზე მათაც გარკვეული ხარკი გაიღეს ამ თავისუფალი ხალხის შესაქმნელად და, ამრიგად, ჩვენა თავისუფლება ნაწილობრივ მათი ნაყოფიც არის. მაშ როგორ არ დიცივან ეს თავისუფლება ფეოდალური რეაქციის გამუდმებული ხელყოფისაგან? ხოლო ეცალო, როგორც ამას გუჯიენებენ ერთი მუჯა უპასუხისმგებლო პოლიტიკოსები, გაწყვიტო ჯანვი: რომელიც ფრანგების გულთან აკავშირებს საფრანგე-

თის ამ უიღბლო შვილობილთ, — ეს ხომ იმას ნიშნავს, ძირი გამოუთხარო თავისუფლებას და ამ რეაქციის უნებლიე ხელშემწყობი ვახდე?

მაიორი შაბრანი იმ გონებაშეზღუდულ მოხუც ფრანგებს ჰგავდა, რომელთაც თავგზას უბნევენ თავიანთი გაზეთები, საფრანგეთის მიწაწყალზე დამკვიდრებულ ყოველ ხიზანს იღუმალ მტრად რომ აცხადებენ; ეს ბუნებით გულღია, კეთილმოსურნე ადამიანები, ძალით რომ იეჭვიანებენ, იუყმურებენ და გულჩათხრობილს იხდიან თავს, უარყოფენ თავიანთ იღბალს, იყვენენ დიდსულოვანი ერი, რომლის სამშობლო ისტორიულად ერების შესაყარს წარმოადგენს. ამრიგად, შაბრანი თავს მოვალედ თვლიდა აბუჩად აეგდო მეორე სართულზე მობინადრე მეზობელი, თუმცა სხვაფრივ მოხარული იქნებოდა მისი გაცნობით. თავის მხრივ, ბ-ნი ვაილიც სიამოვნებით ისაუბრებდა ყოფილ ოფიცერთან, მაგრამ მისი ნაციონალისტობის ამბავი რომ იცოდა თვალში აღარ მოსდიოდა.

კრისტოფს მაიორზე გაცილებით ნაკლები საბაბი ჰქონდა, თავი გამოედო ბ-ნი ვაილის გულისათვის. მაგრამ ვერ იტანდა მის წინაშე ვინმეს უსამართლოდ ძაგებას. ამიტომ იყო, რომ როდესაც შაბრანი თავს ესხმოდა ურია ვაილს, კრისტოფი კბილებით იცავდა მას.

ერთხელ, როდესაც მაიორი როგორც ყოველთვის, გულისწყრომას გამოთქვამდა მოვლენათა ჩვეულებრივი თანამიმდევრობის გამო, კრისტოფმა უთხრა:

— თვითონვე ხართ დამნაშავე. ყველანი შორიდან ყურებას ამჯობინებთ. როდესაც საფრანგეთში ისე ველარ მიდის საქმეები, თქვენ რომ გეპრიანებათ, რიხით აცხადებთ, რომ გადაწყვიტეთ თანამდებობიდან გადადგეთ. ჩანს, თქვენში ღირსების საქმედ ითვლება, დამარცხებულად ცნოთ თავი. არასოდეს მინახავს, ასე აღფრთოვანებით ყრიდნენ ფარ-ხმალს. ნუთუ თქვენც, ომგადახდილ მაიორს, მიგაჩნიათ, რომ შეიძლება ამნაირად ბრძოლის მოგება?

— საქმე ბრძოლას არ ეხება, — მიუგო შაბრანმა, — საფრანგეთს არავინ ეომება. ამგვარ კინკლაობაში კი უნდა ილაქლაქო, იკამათო, კენჭი იყარო და საერთო იჭონიო ყველა ჭურის ვიგინდარასთან, რაც მე მეზობლება.

— მეტიანიეტად გულაზიზი ყოფილხართ! აფრიკაში ბევრი მაგისტანების ატანა მოგიხდებოდათ!

— დმერთმანი, იქ ასე გულისამრევი რამ არ ყოფილა. თანაც იქ ყოველთვის შეგიძლია ხმა ჩააკენდინო, თუ საჭიროა. მერე კიდევ, რომ იბრძოლო, ჯარისკაცები გინდა. მე იქ ჩემი მსროლელები მყავდა. აქ კი მარტოდმარტო ვარ.

— პატიოსანი ადამიანები აქაც ბევრია.

— სად არიან?

— ყველგან თქვენს ირგვლივ.

— მერე რა ეშმაკს აკეთებენ?

— იმას, რასაც თქვენ, ანუ უკეთ, არაფერს: ამბობენ, რომ შეუძლებელია რაიმეს გაკეთებაო.

— ერთი ვინმე მაინც დამისახელეთ.

— სამი იყოს, და თუ გნებავთ, სამივე თქვენი კარის ნეზობელი.

კრისტოფმა დაუსახელა ბ-ნი ვაილი (მაიორმა შეჰყვირა) და ცოლ-ქმარი ელსბერგეები (ამაზე შაბრანი შეხტა):

— ეგ ურია? ეგ ღრეიფუსელები?

— ღრეიფუსელები? — კითხვაზე კითხვითვე უპასუხა კრისტოფმა. — მერე რა მოხდა?

— კიდეც მაგათ დაღუპეს საფრანგეთი.

— მათ იგი თქვენზე ნაკლებ არ უყვართ.

— მაშინ, გიყები ყოფილან, თანაც მავნე გიყები.

— ნუთუ არ შეიძლება სამართლიანი დარჩე შენი მოწინააღმდეგეების მიმართ?

— შეიძლება და კიდეცა ვაფასებ პატიოსან მოწინააღმდეგეებს, თანაბარი იარაღით რომ იბრძვიან. ამის დამადასტურებელია თუნდაც ჩემი საუბარი თქვენთან, ბატონო გერმანელო. მე პატივს ვცემ გერმანელებს, თუმცა გულთ ვისურვებდი, ერთ მშვენიერ დღეს ერთიორად მიმეზლო სამაგიერო ჩვენი ასეთი მიტყევისათვის. მაგრამ რაც შეეხება მათ, ისინი შინაური მტრები არიან, რაც ერთი და იგივე არ განსაზღვრავს; ისინი უპატიოსნო იარაღს მიმართავენ: მავნე მოძღვრებებსა და მომწამვლელ ჰუმანიტარიზმს...

— თქვენი მსჯელობა შუა საუკუნეების იმ რაინდთა სულისკვეთებას მაგონებს, პირველად რომ იხილეს ცეცხლსასროლი იარაღი. აბა, როგორ გინდათ? ომი ევოლუციას განიცდის.

— კეთილი და პატიოსანი! მაგრამ მაშინ, მოდი, პირდაპირი ვიყოთ და ვაღიაროთ, რომ ეს ომია.

— ვთქვათ, ევროპის ცივილიზაციას საერთო მტერი ემუქრება. ნუთუ არ გაერთიანდებით გერმანელებთან?

— ჩვენ ასეც მოვიქეცით ჩინეთში.

— აბა, მიმოიხედეთ გარშემო. განა თქვენს ქვეყანაში, განა ყველა ჩვენს ევროპულ ქვეყანაში საფრთხის წინაშე არა დგას დღეს გმირული იდეალიზმი ჩვენი ხალხებისა? განა ყველა ისინი, მეტად თუ ნაკლებად, არ გამხდარან ყველა ჯურის ავანტიურისტთა მსხვერპლი? განა ამ საერთო მტრის წინააღმდეგ არა გმართებთ ხელი გაუწოდოთ თქვენს მოწინააღმდეგეებს, რომელთაც გარკვეული ღირსება და სულიერი მხნეობა გააჩნიათ? როგორ უნდა მოხდეს, რომ თქვენისთანა კაცმა ასე მცირე ანგარიში გაუწიოს რეალურ სინამდვილეს? მართალია, ამ ადამიანებს სულ სხვა იდეალი აქვთ, თქვენგან განსხვავებით! მაგრამ იდეალი ხომ თავისთავად ძალაა, ამას უკვე ვეღარ უარყოფთ; იმ ბრძოლაში, ამასწინათ რომ წააგეთ, სწორედ თქვენი მოწინააღმდეგის იდეალმა დაგამარცხათ. ამოდ რომ არ დაშვრეთ ერთმანეთთან კინკლაობით, არა ჯობდა გაგეერთიანებინათ თქვენი იდეალები და მხარდამხარ გებრძოლათ ყოველგვარი იდეა-

ლის მტრების წინააღმდეგ, საკუთარი სამშობლოსა და სალი აზრის ექსპლოატატორთა, ევროპული ცივილიზაციის გამხრწნელთა წინააღმდეგ?

— კი, მაგრამ ვისთვის? საკიროა, ჯერ ამაზე შევეთანხმდეთ. რომ ჩვენს მოწინააღმდეგეებს გავამარჯვებინოთ?

— როდესაც აფრიკაში იყავით, თქვენ, ალბათ, არ დაეძებდით იმას, ვისთვის რომდით: მეფისთვის თუ რესპუბლიკისათვის. წარმომიდგენია, რომ ბევრ თქვენგანს აზრადაც არ მოსდიოდა თავი აეტკიებინა რესპუბლიკაზე ფიქრით.

— მეტი დარდი არა გვქონდა.

— ძალიან კარგი! საფრანგეთმა კი მხოლოდ ისარგებლა ამით. თქვენ იპყრობდით თქვენთვის, თქვენი ღირსებისათვის, პირადი ჟინის დასაცმაყოფილებლად და, ამავე დროს, იპყრობდით საფრანგეთისათვის. იმოქმედეთ იმავე სულისკვეთებით აქაც! უფრო ფართოდ გაშალეთ ბრძოლა! თავი დაანებეთ პოლიტიკურ და რელიგიურ წერილობანებზე კინკლაობას! ყველაფერი ეგ სისულელეა. თქვენი ერი ეკლესიის უფროსი ასული იქნება თუ გონებისა, ამას მაინცდამაინც დიდი მნიშვნელობა არა აქვს. მთავარია, მან იცოცხლოს! ყოველივე კარგია, რაც სიცოცხლეს გვანიჭებს. არსებობს მხოლოდ ერთი მტერი: სიტკბოების მძებნელი ეგოიზმი, სიცოცხლის წყაროს რომ ბილწავს და აშრობს. ალაგზნეთ ძალა, ალაგზნეთ სინათლე, ალაგზნეთ ნაყოფიერი სიყვარული, სიხარული მსხვერპლად შეწირვისა, მოქმედება. ნუ მიანდობთ სხვებს, იზრუნონ თქვენთვის თქვენს მაგივრად. იმოქმედეთ, იმოქმედეთ, შეერთდით! აბა, ჰე!..

მან თითები აათამაშა როიალზე და გაისმა „საგუნდო სიმფონიის“ სიბემოლოში აქლერებული მარშის პირველი ტაქტები.

— იცით რა, — შეწყვიტა უცებ დაკვრა და მაიორს მიუბრუნდა, — ფრანგი კომპოზიტორი რომ ვიყო, შარპანტიე, ბრიუნო (ან ეშმაკმა წაიღოს, ვინც იქნება!), მე თქვენ ყველას გაგაერთიანებდით საგუნდო სიმფონიაში: „იარალი აისხით, მოქალაქენო!“, „ინტერნაციონალი“, „გაუმარჯოს ანრი მეოთხეს“, „ღმერთო, დაიფარე საფრანგეთი!“, — ყველა სანელებლით შევკაზმავდი (მოუსმინეთ, აი, ამ ყაიდაზე...) და ისეთ შეჭამანდს მოგიდღებდით, რომ თითები ჩაგეკვიჩათ! ყოველ შემთხვევაში, იმაზე უგემური მაინც აღარ იქნებოდა, თქვენი კომპოზიტორები რომ გიმასპინძლებიან, მაგრამ გარწმუნებთ, ისეთ ცეცხლს შეგინთებდათ მუცელში, იკადრებდით ნაბიჯი აგეწყობ!

და მან გულიანად გადაიხარხარა.

მაიორიც იცინოდა, გამხიარულებული.

— თქვენ ჩინებული ყმაწვილი ბრძანდებით, ბატონო კრატტ. სამწუხაროა, რომ ჩვენიანი არა ხართ.

— სწორედ რომ თქვენიანი ვარ! ყველგან ერთი და იგივე ბრძოლა გაჩაღებულია. შევამჭიდროვოთ რიგები!

მაიორი ეთანხმებოდა; მაგრამ ყველაფერი ამით მთავრდებოდა. მაშინ

კრისტოფს, ჯიუტად. საუბარი კვლავ ბ-ნ ვაილსა და ელსბერჟებზე გადაჰქონდა. ოფიცერი კი, რომელიც ნაკლებ ჯიუტი როდი გახლდათ, ისევ თავის ძველ არგუმენტებს იშველიებდა ებრაელებისა და დრეიფუსელების წინააღმდეგ.

კრისტოფი დანალვლიანებულიყო. ოლივიემ უთხრა:

— ნუ სწუხხარ. ერთ ადამიანს არ ძალუძს ერთბაშად შეუცვალოს სულის-კვეთება მთელ საზოგადოებას. ეს უკვე მეტისმეტად კარგი იქნებოდა! მაგრამ წინ ისედაც ბევრს აღწევ, შენდა შეუცნობლად.

— რას ვალწევ? — გაიკვირვა კრისტოფმა.

— შენ კრისტოფი ხარ.

— მერე მაგით ვის რა არგია?

— ძალიანაც არგია. დარჩი ისეთი, როგორიც ხარ, ძვირფასო კრისტოფ, და ნუ ინალვლებ ჩვენზე.

კრისტოფი არ ცხრებოდა. იგი განაგრძობდა კამათს მაიორ შაბრანთან და ზოჯჯერ ფრიალ გაცხარებთაც. სელინს ართობდა ეს. იგი ესწრებოდა მათს საუბრებს და უსიტყვოდ ფუსფუსებდა ოჯახში. სელინი არ ერეოდა კამათში, მაგრამ გამხიარულებული ჩანდა: თვალეები გაციხროვნებოდა და თითქოს სიგრცეც გაზრდილიყო, თითქოს მეტ სულისმოსათქმელ ჰაერს დაესადგურებინა მის გარშემო. დაიწყო კითხვა, მოუხშირა გარეთ გასვლას, გაუჩნდა ახალ-ახალი ინტერესები. ერთ დღესაც, კრისტოფი ცხარედ რომ ეკამათებოდა მაიორს ელსბერჟეების თაობაზე, მამამ ქალიშვილის სახეზე ღიმილი შენიშნა; მან ჰკითხა, რას ფიქრობდა ამის შესახებ. სელინმა მშვიდად უპასუხა:

— ჩემი აზრით, ბ-ნი კრაფტი მართალია.

მაიორმა შეცბუნებულმა ამოილულღულა:

— კარგი ერთი შენც!... ბოლოს და ბოლოს, მართალია თუ მტყუანი, ჩვენ ისეც კარგად ვგრძნობთ თავს და არა გვჭირდება მაგათი ნაცნობობა. ასე არ არის, ჩემო გოგონი?

— რატომაც არა, მამილო, — მიუგო სელინმა, — ეს ჩემთვის ფრიალ სასიამოვნო იქნებოდა.

მაიორმა აღარაფერი უპასუხა, ვითომ ვერ გაიგონა. იგი უფრო მეტად გრძნობდა, რომ კრისტოფის გავლენის ქვეშ მოქცეულიყო, ვიდრე სურდა ეს გამოემყდარებინა. თავისი მსჯელობის შეზღუდულობა და შეუწყნარებლობა ხელს ვერ უშლიდა, ყოფილიყო კეთილსინდისიერი და დიდსულოვანი. შაბრანს უყვარდა კრისტოფი, უყვარდა მისი გულწრფელობა და სულიერი სისპეტაკე და ხშირად სინანულს გამოთქვამდა, რომ კრისტოფი გერმანელი იყო. იგი ტყუალ-უბრალოდ ცხარდებოდა კრისტოფთან კამათის დროს: მაიორი თვითონვე ეძებდა მასთან კამათის საბაბს და მერე მოსვენებას უკარგავდა მისი მოსაზრებანი, თუმცა ამას არასოდეს აღიარებდა. მაგრამ ერთხელ კრისტოფმა მას წაასწრო რაღაც საინტერესო წიგნის კითხვაში, რომლის ჩვენებაზე მაიორმა

კატეგორიული უარი განაცხადა. კრისტოფს რომ აცილებდა, მასთან მარტოდ დარჩენილმა სელინმა საიდუმლოდ გაანდო:

— იცით, რას კითხულობდა? ბ-ნ ვაილის წიგნს.

კრისტოფი სიხარულით ცას ეწია:

— მერედა, რას ამბობს მასზე?

— ამბობს: „ეს პირუტყვიო!...“ მაგრამ თან ვეღარც მოსცილებია.

კრისტოფს ბ-ნ ვაილზე კრინტი აღარ დაუძრავს მათთან. ამ უკანასკნელმა თვითონ ჩამოუგდო მასზე ლაპარაკი:

— როგორ მოხდა, რომ თავს აღარ მამბეზრებთ იმ თქვენი ურიათი?

— იმიტომ, რომ აღარა ღირს, — მიუგო კრისტოფმა.

— მაინც რატომ? — შეეკითხა გამომწვევად მათორი.

კრისტოფმა არაფერი უპასუხა და გაშორდა ღიმილოვანი.

ოლივიე მართალი იყო. ადამიანებზე ზემოქმედებას ახდენენ არა სიტყვებით, არამედ თავიანთი არსებით. არიან პიროვნებანი, რომლებიც სიმშვიდის შარავანდელით მოსავენ ირგვლივ ყოველ სულდგმულს, თავიანთი გამომეტყველებით, თავიანთი ქცევით, თავიანთი წყნარი სულის მღუმეარე შეხებით. კრისტოფი სიცოცხლეს ასხივებდა. იგი მსკვალავდა ნელა, ნელა, ვით გაზაფხულის სითბო, ატანდა გათოშილი სახლების ძველ, ნესტიან კედლებსა და ჩაქტილ ფანჯრებს, აცოცხლებდა ხანგრძლივი ტკივილით, დაძაბუნებითა და მართობით დაშრეტილ, სასიკვდილოდ მფეთქავ გულებს. დიდება შენს საკვირველებას, ძალავ, სულს სულზე რომ ამეფებ! შენს განგებას ვერ მიმხვდარან ვერც შორჩილნი და ვერც უფალნი შენნი. თუმცა მთელი სამყაროს ცხოვრება მოქცევათა და უკუქცევათა დაუსრულებელ მონაცვლეობას წარმოადგენს. რომელსაც განაგებს ეს იღუმალი მიზიდულობის ძალა.

კრისტოფისა და ოლივიეს ბინის ორი სართულით დაბლა, როგორც თავში ვახსენეთ, ცხოვრობდა ასე, ოცდათხუთმეტი წლის ახალგაზრდა ქალი, ორი წლის წინათ დაქვრივებული ქ-ნი ჟერმენი, რომელსაც შარშან ზედ დეარტო დიდი უბედურება და ხელიდან გამოეცალა თავისი შვილი-რვა წლის დედისერთა გოგონა. იგი დედამითლთან ერთად ცხოვრობდა. მათთან არავინ დადიოდა. სახლის მდგმურებს შორის არავის ჰქონია უფრო ნაკლები ურთიერთობა კრისტოფთან, ვიდრე ქ-ნი ჟერმენს; სულ რამდენჯერმე თუ შეხვედროდნენ ერთმანეთს და ჯერ ხმაც კი არ გაეცათ ერთიმეორისათვის.

ეს გახლდათ ტანადი, თხელ-თხელი, საკმაოდ წარმოსადეგი ქალი, ლამაზი, მუქი და დაბინდული, თითქმის ჩამქრალი თვალები ჰქონდა, რომლებშიც ხანდახან თუ გაიელვებდა მკრთალი და მკმუნეარე ალი, კიდევ უფრო რომ აფერ-მკრთალებდა მის სანთელივით ყვითელ სახეს, გამხდარ ლოყებსა და ერთთავად მოკუმულ პირს. მოხუცი ქ-ნი ჟერმენი ღეთისმოსავი იყო და მთელ დღეებს ეკ-

ლესიაში ატარებდა. ახალგაზრდა ქალი კი თავის მწუხარებაში გამოკეტილიყო და მარტოდმარტო გლოვობდა. ქვეყანაზე აღარაფერი და აღარაფერ აინტერესებდა. გაწმენილი იყო თავისი გოგონას რელიკვიებითა და სურათებით და მათი ცქერით თვალგაშტერებული ვეღარ ხედავდა შვილის სახეს; მკვდარი სურათები კლავენ ცოცხალ გამომეტყველებას. ვეღარ ხედავდა და კიდევ უფრო ჭიუტად აშტერდებოდა. სურდა, ლამობდა, ეფიქრა მხოლოდ და მხოლოდ შვილზე; მაგრამ უკვე აღარც ფიქრის ილაჯი შესწევდა: რაც სიკვდილს დაეკლო, თხოონ დაემატებინა. და იყო ასე, გაყინული და გულგაქვავებული, ცრემლგამშრალი და სიცოცხლის ხალისისაგან დაცლილი. ქ-ნი ყერმენი ვეღარც რელიგიაში პოულობდა ნუგეშს. თუმცა ლოცულობდა, მაგრამ უსიყვარულოდ და მშაბადამე. ცხოველი რწმენის გარეშე; აწლევდა ფულს გარდაცვლილთა ხელის მოსახსენებლად, მაგრამ არ მონაწილეობდა საქველმოქმედო საქმეებში; მთელი მისი რელიგია ემყარებოდა ერთადერთ აზრს: შვილის გამოცხადება ეხილა. სხვა დანარჩენს რა აზრი ჰქონდა მისთვის? ღმერთი? რა ესაქმებოდა ღმერთთან? მხოლოდ შვილის ხილვა, მისი გამოცხადება... თუმცა არ ეჭერა ეს. არა. ვანა არ უნდოდა, თუკი დაიჭერებდა; პირიქით, ძალიანაც სურდა, გაგიჟებოდა სურდა, მაგრამ ვაი, რომ ეჭვი ეპარებოდა... იგი ვეღარ იტანდა სხვის ბავშვებს, მათს დანახვაზე გულში გაივლებდა ხოლმე:

„რაღა ესენი არ დაიხოცნენ?“

იმავე უბანში ცხოვრობდა პატარა გოგონა, რომელიც ტანით, სიარულით თავის გარდაცვლილ ბავშვს აგონებდა. როდესაც ქ-ნი ყერმენი თვალს მოჰკრავდა პის ზურგს და ორ პაწია ნაწნავს, ქალს ყრუანტელი უვლიდა ტანში და უკან აედევნებოდა; მაგრამ მოიხედავდა თუ არა გოგონა და ქალი დარწმუნდებოდა, რომ იგი მისი შვილი არ იყო. სურვილი ჰქონდა, დაეხრჩო. ქ-ნი ყერმენი ხშირად ჩიოდა, რომ მოსვენებას არ აძლევდა ზედა სართულზე ელსბერძენს გოგონების ღრინცელი (თუმცა ფრიალ წყნარი და მკაცრად აღზრდილი ბავშვები იყვნენ); როგორც კი საბრალო პატარები თავიანთ ოთახში გაიფაჩუნებდნენ, იგი მაშინვე მოსამსახურე ქალს აგზავნიდა მეზობლებთან და მოითხოვდა, მყუდროება არ დაერღვიათ მისთვის. ერთხელ, როდესაც კრისტოფი გოგონებთან ერთად შინ ბრუნდებოდა, გაოცდა, ამ ახალგაზრდა ქალმა რა სასტიკი მზერა შეავლო ბავშვებს.

ზაფხულის ერთ საღამოს, როდესაც არყოფნის სიცარიელით მონუსხული ეს ცოცხალი მიცვალებული ფანჯარასთან, ბნელაში იჯდა, უკებ გამოაფხიზლა კრისტოფის დაკვრამ, ამ საათებში როიალთან ოცნება რომ დასჩემებოდა. მუსიკამ გააღიზიანა ქ-ნი ყერმენი, დაურღვია სიცარიელის გამაბრუებელი განცდა, რომელშიც გარინდებულიყო. ფანჯარა გაჯავრებით მიაჯახუნა. ჰანგები მტანჯველად დასლევდნენ ოთახის ყველაზე მიყრუებულ კუნძულშიც. ქ-ნმა ყერმენმა მუსიკის სიძულვილი იგრძნო. ნეტავი შესძლებოდა დაემალა კრისტოფისათვის როიალის დაკვრა! მაგრამ რა უფლების ძალით? და ასე ყოველ სა-

დამოს, დანიშნული საათი რომ მოახლოვდებოდა, ქ-ნი ყერმენი ელოდა გამა-
ლიზიანებელი მოუთმენლობით როიალის ახმიაწყიას; ხოლო ოუ კრისტოფი
ავიანებდა დაწყებას, ეს კიდევ უფრო აღიზიანებდა. ძალუხებურად ბოლომდე
უნდა ესმინა მუსიკისათვის: როდესაც მისი ყღერა მიწყდებოდა, ქალს უჭირდა
ჩვეული აპათია დაებრუნებინა. ერთ საღამოს, როდესაც ქ-ნი ყერმენი თავისი
ჩაბნელებული ოთახის კუთხეში მიკრუნჩხულაყო და ყრუ კედლებისა და ჩაკე-
ტილი ფანჯრის შიგნით მუსიკის შორეული, ნათელმოსილი პანგები შემოესმა,
უცებ ყრუანტელმა დაუარა ტანში და ცრემლების შადრევანმა გადმოხეთქა
კვლავ მის თვალთაგან. ფანჯარა გამოალო; და ამიერიდან უსმენდა და ტაროდა.
მუსიკა, როგორც ყუყუნა წვიმა, წვეთ-წვეთად ყონავდა მის გამხმარ გულში
და თანდათან აცოცხლებდა მას. ქალი კვლავ ხედავდა ცას, ვარსკვლავებს, ზა-
ფხულის ღამეს; გრძნობდა, რომ მის სულში კვლავ იწყებდა ციციკმს, როგორც
ოდნავ მბეუტავი შუქი, სიცოცხლის ხალისის მსგავსი, ბუნდოვანი და გულ-
მტკივნეული თანაგრძნობა ადამიანებისადმი. იმ ღამეს, პირველად მრავალი
თვის შემდეგ, ესინზრა თავისი ცუგრუბელა გოგონა. რამეთუ ყველაზე საიმედო
გზა, მოვიახლოვით და კვლავ ვიხილოთ ჩვენი გარდაცვლილი ახლობლები, არის
სიცოცხლე და არა სიკვდილი. ისინი კიდევ ცოცხლობენ ჩვენი სიცოცხლით
და სამუდამოდ კვლებიან ჩვენთან ერთად.

ქ-ნი ყერმენი არ ცდილა კრისტოფთან შეხვედრას. იგი კიდევ უფრო ერი-
დებოდა მას. თუმცა ესმოდა მისი ფეხის ხმა. გოგონებთან ერთად კიბეზე რომ
ამოდიოდა; კარს უკან ატუხული სულგანაბული უსმენდა მათს ბავშვერ ტი-
ტინს და გული ამოუჯდებოდა ხოლმე.

ერთხელ, წასასვლელად გამზადებულ ქ-ნ. ყერმენს პატარების ფეხების
ბაკაბუქი შემოესმა, უჩვეულო ფაციფუციითა და ხმაურით რომ ჩამორბოდნენ
კიბეზე, და გაიგონა, ერთმა გოგონამ თავის უმცროს დაიკოს დატუქსეით უთხ-
რა:

— ცოტა ჩუმად, ლუსეტ, ხომ იცი, აქ ცხოვრობს ის მგლოვიარე დეიდა,
კრისტოფმა რომ გვიტხრა.

გოგონამ ფეხაკრეფით იწყა კიბეზე ჩამოსვლა და ჩურჩულით უპასუხა დას.
მაშინ კი, ქ-ნ ყერმენს გულმა ველარ მოუთმინა: კარი გამოალო, ბავშვებს მოე-
ხვია და მხურვალედ დაუწყა კოცნა. გოგონებს შეეშინდათ; ერთმა მათგანმა
ყვირილი მორთო. ქალმა ხელი უშვა ბავშვებს და შინ შეტრიალდა.

მას შემდეგ, როცა კი ბავშვებს შეხვდებოდა, ქ-ნი ყერმენი ცდილობდა
გაეღიმა (თუმცა მხოლოდ სახე ელმიჭებოდა, რადგან უკვე გადაჩვეულიყო ღი-
მილს) და რაიმე საალერსო სიტყვა ეთქვა მათთვის, რაზეც შემკრთალი გოგო-
ნები პასუხის ნაცვლად ხმის კანკალით რაღაცას ლულულულებდნენ. მათ მაინც
ეშინოდათ ამ ქალისა, უფრო მეტადაც კი, ვიდრე აღრე: ახლა, მისი კარის წინ
გავლისას, დაფეთებულნი ჩაირბენდნენ ხოლმე კიბეს, რომ ქალს უცებ კიდევ
არ დაეჭირა ისინი. თავის მხრივ, ქ-ნი ყერმენიც იმალებოდა მათს დანახვაზე.

ბავშვებთან საუბრისა ერიდებოდა. საკუთარი თავისა რცხვენოდა: თითქოს თავის გარდაცვლილ გოგონას ჰპარავდა რაღაც ნაწილს სიყვარულისა, რომლის მთელი უფლება მას ერთადერთს ჰქონდა. დედა მუხლებზე ვარდებოდა და პატივბას სთხოვდა შვილის სურათს. ახლა კი, როდესაც მასში სიცოცხლისა და სიყვარულის ინსტინქტს გაედვიძა, გრძნობდა, იმდენად ძლიერი იყო იგი, რომ უკვე ვეღარ ერეოდა საკუთარ თავს.

ერთ საღამოს, შინ რომ ბრუნდებოდა, კრისტოფმა რაღაც უჩვეულო ჩოჩქოლი შენიშნა სახლში. ნაცნობმა ბაყალმა ამცნო, მეოთხე სართულზე მცხოვრები ბ-ნი ვატლე უეცრად გარდაიცვალაო გულის ანგინით. კრისტოფს სიბრაულულისაგან გული შეეკუმშა, მაგრამ არა იმდენად თავის უბედურ მეზობელზე ფიქრით, რამდენადაც მისი ნაშვილგვი ბავშვის ცოდვით, რომელიც უთვისტომოდ დარჩენილიყო. ბ-ნ ვატლეს, როგორც ჩანდა, ნათესავი არავინ გააჩნდა და დაბეჭითებით შეიძლებოდა ფიქრი, რომ გოგონა, სხვა რომ არაფერი, სრულიად უსახსროდ დაეტოვებინა. კრისტოფმა კიბე სკუპ-სკუპით აირბინა და შევიდა მეოთხე სართულის ბინაში, რომლის კარი ღია იყო. მიცვალებულთან დახვდა აბატი კორნელი; იქვე იყო პატარა გოგონა, ცრემლები დაპაღუპით ჩამოსდიოდა თვალებზე და საცოდავად უხმობდა მამას; მეკარე ქალი ცდილობდა მის დაწყნარებას, მაგრამ სანუგეშოს ვერაფერს ეუბნებოდა. კრისტოფმა ხელში აიყვანა პატარა და თბილი სიტყვები უთხრა. ბავშვი ყელზე ჩამოეკიდა განწირულივით და ხელს აღარ უშვებდა; კრისტოფმა სცადა თან წაეყვანა, მაგრამ ვერც ამაზე დაიყოლია და თვითონაც იქ დარჩა. დღე იწურებოდა; კრისტოფი ფანჯარასთან იჯდა, კვლავ ხელში არწევდა ბავშვს და თან ჩუმად ეტიტინებოდა. ნელ-ნელა დაწყნარდა და სლუჟ-სლუჟში ჩაეძინა. კრისტოფმა გოგონა ლოგინზე დააწვინა და მოუხერხებლად დაუწყო ტანთ გახდა, ძლივ-ძლივობით შეუხსნა ზონრები პაწია ფეხსაცმელებზე. უკვე დაბინდებულყო. ბინის კარი ისევ ღია დაეტოვებინათ. უცებ კაბამ გაიშრიალა და ლანდი აღიმართა ზღურბლზე. საღამოს ბინდბუნდში კრისტოფმა მგლოვიარე მანდილოსნის ანთებული თვალები გაარჩია და სახტად დარჩა.

ქალი იდგა კარებში და ცრემლები ახრჩობდა; ბოლოს, ძლივს ამოილულულა:

— მე მინდა... თუ შეიძლება... გთხოვთ, მომცეთ იგი!

კრისტოფმა ხელზე ხელი მოჰკიდა. ქ-ნი ყერმენი ტიროდა. მერე ბავშვის სასთუმალთან ჩამოკდა. ცოტა გულზე რომ მოეშვა, წარმოთქვა:

— ნება მომეცით, დამე გავუთითო...

კრისტოფი და აბატი კორნელი თავიანთ სართულზე ავიდნენ. მღვდელი, ცოტა შეწუხებული, ბოდის იხდიდა ბ-ნ ვატლეს ცხედართან მისვლისათვის: იმედია, მიცვალებული არ მიწყენს, — თავმდაბლურად ამბობდა იგი, — მე მასთან მივედი არა როგორც მღვდელი, არამედ როგორც მისი მეგობარიო.

მეორე დღეს დილით, როდესაც კრისტოფი მიცვალებულის ბინაში დაბრუნდა, ნახა, რომ გოგონა ყელზე შემოხვეოდა ქ-ნ ჟერმენს იმ გულუბრყვილო მიმნდობელობით, რომლითაც ეს პატარა არსებანი უმალ ეთვისებებიან ყველას, ვინც მათთვის ალერსს გაიმეტებს. იგი დათანხმებულყოფი, მიეღო ახალი მფარველი... ვაგლახ! ჯერ დავიწყებულიც არ ჰყავდა თავისი მამობილი და უკვე მოესწრო ახალი დედობილის შეყვარება! რომ განსაჯო, ვერაფერი სანუგეშოა. ნეტავი, თუ ზვდებოდა ამას ქ-ნ ჟერმენის ეგოიზმი, რომელსაც სურდა, მართო თვითონ დაჰპატრონებოდა მის სიყვარულს?.. იქნებ ზვდებოდა კიდევ. მაგრამ რა ბედენაა? მთავარია, გიყვარდეს. ამაშია ბედნიერება...

დაკრძალვიდან ორიოდე კვირის შემდეგ ქ-ნმა ჟერმენმა ბავშვი პარიზიდან შორს, სოფელში წაიყვანა. გაცილებას კრისტოფი და ოლივიე ესწრებოდნენ. ახალგაზრდა ქალს შეება და იღუმალი სიხარული ეტყობოდა სახეზე, აღრე რომ არავის ენახა. იგი არავითარ ყურადღებას არ იჩენდა მათდამი, მაგრამ გამომშვიდობებისას მაინც შეამჩნია კრისტოფი, ხელი გაუწოდა და უთხრა:

— თქვენ გადამარჩინეთ.

— რაო, ხომ არ გაგიყებულა? — იკითხა კრისტოფმა, როდესაც გაცილების შემდეგ თავიანთ კიბეზე აღიოდნენ.

ერთი კვირა არ იყო გასული, რომ კრისტოფმა ფოსტით მიიღო უცნობი პატარა გოგონას სურათი: ტაბურეტზე ჩამომჯდარს პაწია ხელები ჰქვიანურად გადაეჯვარედინებინა მუხლებზე და ღია ნაღვლიანი თვალებით იყურებოდა. ქვეშ ეწერა:

„ჩემი პატარა მიცვალებული მადლობას გიხდით“.

ამრიგად, ყველა ამ ადამიანის სულში ახალი სიცოცხლის სიომ დაჰბერა. იქ, მალა, მეექვსე სართულის სხვენში, ცხოვრობდა კაცი, რომლის გულშიც გიზგიზებდა კერა ძალუმი კაცთმოყვარეობისა და მისი მხურვალემა ნელ-ნელა მთელ სახლს ათბობდა.

მაგრამ კრისტოფი ვერ ამჩნევდა ამას. ეს ცვლილება მეტისმეტად ნელი ეჩვენებოდა.

— აჰ! — ამოიხვნეშავდა იგი. — ნუთუ შეუძლებელია დავაძმობილოთ ნებისმიერი რწმენისა და კლასის ყველა პატიოსანი ადამიანი, რომელთაც ერთმანეთის ცნობა არ უნდათ! ნუთუ არავითარი საშუალება არ არსებობს?

— რა გაეწყობა? — უპასუხებდა ოლივიე. — ამისთვის საჭირო იქნებოდა ურთიერთ შემწყნარებლობა და თანაგრძნობის უნარი, რაც შეუძლია შვას მხოლოდ შინაგანმა სიხარულმა, სიხარულმა ჯანსაღი, ნორმალური და შეხმატკბილებული ცხოვრებისა, სიხარულმა იმისა, რომ ვიდაცას სჭირდება შენი მოღვაწეობა, ემსახურები რალაც დიდს. ამისთვის საჭირო იქნებოდა ისიც, რომ ქვე-

ყანა. რომელმაც ასეთი ადამიანები იცხოვრებდნენ, ყოფილიყო თავისი დიდების ხანაში, ან (უფრო უკეთესი) დიდებისაკენ მიმავალ გზაზე. საჭირო იქნებოდა აგოეთვე (ერთი მეორეს გულსხმობს) ჭკვიანი და ძლიერი ხელისუფლება, რომელიც ქვეყნის ინტერესებს პარტიათა ინტერესებზე მაღლა დააყენებდა. ეს კი ისეთ ხელისუფლებას ძალუძს, რომელიც ძალას საკუთარ თავში პოულობს და არა ბრბოში. ცდილობს დაეყრდნოს არა ანარქიულ უმრავლესობას, არამედ გავლენა მოიპოვოს ყველას თვალში თავისი ღვაწლით; მაგალითად: გამარჯვებათა წარავანდელით მოსილი გენერალი, დიქტატურა საზოგადოებრივი კეთილდღეობისათვის, გონების ჰეგემონია... ან რაღაც ამის მსგავსი. ეს ჩვენზე როდია დამოკიდებული. საჭიროა შემთხვევა, და კიდევ ადამიანები, რომ ისარგებლონ ამ შემთხვევით; საჭიროა: გენიოსს პლუს ბედის გაღივება. ველოდოთ და ვიმედოვნოთ! ძალები სახეზეა — ძალები რწმენის, მეცნიერებისა და შრომისა, ძველი და ახალი საფრანგეთის, ყველაზე დიდი საფრანგეთისა, ვიდრე ოდესმე ყოფილა... რა აღზნებას გამოიწვევდა, ვინმეს რომ წარმოეთქვა ის სანუკვარი, უჩვეულო სიტყვა, რომლის გაგონებაზე მთელი ეს ძალები ერთბაშად ამოქმედდებოდნენ ერთ მუშტად შეკრულნი! მაგრამ ეს ვინმე, ვისაც ამ სიტყვის თქმა ძალუძს... არც მე ვარ და არც შენ. მაშ ვინ არის? გამარჯვება, დიდება?... მოთმინება. ვიქოიოთ! მთავარია, ყოველივე, რაც ერთი ძლიერია. ერთად შემიკიდროვდება, არ დაიშალოს, ნაადრევად არ დაეცეს სულით. ბედი და გენიოსი იმ ხალხშია, რომელთაც საუკუნეების მანძილზე საკუთარი მოთმინებით, რუღუნებითა და რწმენით დაუმსახურებიათ ისინი.

— ვინ იცის? — თქვა კრისტოფმა. — ხშირად ისინი გაცილებით ადრე მოდიან, ვიდრე ჰგონიათ, იმ დროს, როდესაც მათ ყველაზე ნაკლებ მოელიან. თქვენ პეტისმეტად დიდ იმედებს ამყარებთ საუკუნეებზე. მოემზადეთ, ნულარ აყვენებთ! შემოირტყით ქამარი წელზე! ნუ გაიხდით ფეხსაცმელს და ნუ გაადებთ ხელიდან კვერთხს. რამეთუ არ უწყით, უფალი თქვენი სახლის წინ ხომ არ ჩაივლის აქაღამ.

ჯდალმა, მართლაც, ზედ კარის წინ ჩაუარათ წუხელ. და მისი ფრთის აჩრდილმა კრისტოფისა და ოლივიეს სახლის ზღურბლიც ჩამოაბნელა.

ერთი შეხედვით, ფრიად უმნიშვნელო მოვლენათა განვითარების შედეგად ურთიერთობა საფრანგეთსა და გერმანიას შორის ერთბაშად გამწვავდა და დაიძაბა. სულ რაღაც სამიოდე დღეში ჩვეულებრივი კეთილმეზობლური დამოკიდებულება შეცვალა გამომწვევმა კილომ, ომის დაწყებას რომ მოასწავებს ხოლმე. ამას მხოლოდ ისინი შეეძლო გაეკვირვებინა, ვინც თავს იტყუებდა იმედით, რომ სამყაროს გონება მართავს. მაგრამ თურმე არც ასეთები ყოფილან თითზე ჩამოსათვლელი საფრანგეთში; აი, სწორედ ამ ადამიანებში გამოიწვია გაცივება იმან, რომ დღითი დღე სულ უფრო თავაწყვეტილ ხასიათს ღებულობდა რაინს გელმა პრესის ანტიფრანგული გამობლომები. ზოგიერთი გერმანული გაზეთი. პატრიოტობის უფლებას რომ არავის ანებებდა, ლაპარაკობდა ერის

სახელით და კარნახობდა სახელმწიფოს პოლიტიკას, ზოგჯერ თვით სახელმწიფოსთან საიდუმლო შეთანხმებით (თუმცა ამაში არც ფრანგული გაზეთები ჩამორჩებოდნენ). შეურაცხყოფელ ულტიმატუმებს უყენებდა საფრანგეთს. გერმანიასა და ინგლისს შორის კონფლიქტი წარმოიშვა; გერმანია უფლებას უზღუდავდა საფრანგეთს, ნეიტრალიტეტი დაეცვა ამ კონფლიქტში; გაკადნიერებული გერმანული გაზეთები ძალას ატანდნენ საფრანგეთს მხარი დაეჭირა გერმანიისათვის, თორემ, — იმუქრებოდნენ ისინი, — ომისათვის მთელ პასუხისმგებლობას თქვენ დაგაკისრებთო; ცდილობდნენ დაშინების გზით მოკავშირეობა გამოეგლიჯათ მისთვის და წინდაწინ უკვე ვალახულ და სიტყვაშეუბრუნებელ ვასალად თვლიდნენ მას, — ერთი სიტყვით, როგორც ავსტრიასთან მოხდა. ამაში თავს იჩენდა გერმანული იმპერიალიზმის გაყოფილება და გამარჯვებებით თავბრუდახვევა, მის სახელმწიფო მოღვაწეთა სრული უუნაროა გაეგოთ სხვა ერებისათვის, ყველანი ერთ მათრამაში რომ მოექციათ და კანონად გამოეცხადებინათ მათთვის: ძალა — აი. უმაღლესი საბუთი. ცხადია, ისეთ ძველ ერზე, რომელსაც ახსოვდა თავისი მრავალსაუკუნოვანი დიდება და უპირატესობა ევროპაში. რასაც გერმანია არასოდეს ღირსებია, ეს უხეში გამოწვევა იმის სწინააღმდეგოდ მოქმედებდა, გერმანია რომ მოელოდა. ყალბზე დამდგარიყო მისი მიღწეული სიამაყე: კანკალს აეტანა მთლად საფრანგეთი და თვით უკვლახე გულგრილიც კი ცოფებს ჰყრიდნენ სიბრახისაგან.

გერმანელი ხალხის მასები არაფერ შუაში იყვნენ ამ გამოწვევაში. პატიოსან ადამიანებს ყველა ქვეყანაში ერთი რამ სურთ — მშვიდობით იცხოვრონ: გერმანიაში კი ისინი განსაკუთრებით მშვიდობიანად, მოსიყვარულე და ყველასთან თანხმობის მოსურნე არიან და უფრო იმისკენ აქვთ მიდრეკილება, რომ მიბაძონ სხვებს და ალტაცებაში მოვიდნენ მათ განაო. ვიდრე ჩხუბი აუტეხონ მათ. მაგრამ როდის ყოფილა, რომ პატიოსან ადამიანებს აზრს ეკითხებოდნენ? თუმცა არც მათ ჰყოფნით გამბედაობა, რომ თავად გამოთქვან. ისინი, ვისაც არა აქვს ვაჟკაცური ჩვეულება, ეროვნენ საქვეყნო საქმეებში, განწირული არიან, საცოდავ ტოკენებს წარმოადგენდნენ ძლიერთა ამა ქვეყნისათა ხელში. ისინი ის მუქქარე, მაგრამ უგუნური ეჭო გახლავთ, რომელიც ბრმად ირეკლავს პრესის მეორ ატეხილ ღვარძლიან ყიყინსა და წინამძლოლთა მოწოდებას და შეიძლება ჟღერდეს როგორც „მარსელიეზა“, ისე *Wacht am Rhein*¹.

ეს საშინელი დარტყმა იყო კრისტოფისა და ოლივიესათვის. მეგობრები ისე მიჩვეულიყვნენ ჰყვარებოდნათ ერთმანეთი, რომ ვერ გაეგოთ, რატომ ასევე არ იქცეოდნენ მათი სამშობლოებიც. ამ უეცრად გავლილებული, შეურიგებელი მტრობის მიზეზები უნიადაგო ეჩვენებოდა ორივეს. განსაკუთრებით კი

¹ „საუღმავლო რაინზე“ (გერ.) — გერმანული ნაციონალიტური სიმღერა. — მთარგმნელის შენიშვნა.

კრისტოფს, რომელსაც როგორც გერმანელს, არაერთი საფუძველი არ გაანდა გულში ჰქონოდა ბოროტება იმ ხალხის მიმართ, რომელიც დამარცხებული ჰყავდა მის მშობელ ერს. იგი შეძრწუნებული იყო ზოგიერთი თავისი თანამემამულის აუტანელი გულზვიადობით და ერთგვარად იზიარებდა კიდევ ფრანგების აღშფოთებას ამ გამოწვევით, რომელიც თავხედობით ბრაუნშვაიგის მანიფესტს არ ჩამოუვარდებოდა; მაგრამ მაინც ვერ გაეგო, რატომ არ უნდა დათანხმებულიყო საფრანგეთი, ბოლოს და ბოლოს, გამხდარიყო გერმანიის მოკავშირე. მას ეჩვენებოდა, რომ ორივე ქვეყანას უამრავი ღრმა საფუძველი ჰქონდა გაერთიანებულიყო, უამრავი საერთო შეხედულება და ესოდენ დიადი ამოცანები, რომლებიც ერთობლივ გადაწყვეტას მოითხოვდა, და სწყინდა, რომ ამის ნაცვლად ისინი ერთმანეთს გადაჰკიდებოდნენ და ურთიერთმტრობაში ამოსდიოდნენ სული. როგორც ყველა გერმანელი, კრისტოფიც ამ გაუგებრობის მთავარ დამნაშავედ საფრანგეთს თვლიდა: მართალია, თანხმდებოდა, რომ ადვილი არ იყო საფრანგეთისთვის, აეტანა დამარცხებით გამოწვეული დამცირება, მაგრამ მიაჩნდა, რომ ეს უბრალო თავმოყვარეობის ლიტინი იყო და მართე ეს შეეწირა იგი უფრო მაღალი ინტერესებისათვის, ცივილიზაციისა და თვით საფრანგეთისავე სასარგებლოდ. იგი არასოდეს ირჩებოდა, საკმაოდ გაეხადა ელზას-ლოტარინგიის საკითხი. სკოლაში ნასწავლი ჰქონდა, რომ ამ მხარეების ანექსია განეხილა, როგორც სამართლიანობის აქტი, რომლის წყალობით, უცხოური ბატონობის ქვეშ მრავალსაუკუნოვანი მონობის შემდეგ, ისტორიულად გერმანული მიწა-წყალი კვლავ თავის მშობლიურ გერმანიას დაუბრუნდა. ამიტომ პირს კატა ეცა, როდესაც გაიგო, რომ მისი მეგობარი ამ ანექსიას განიხილავდა, როგორც დანაშაულს. კრისტოფს ჰერ არასოდეს ესაუბრა ამის თაობაზე ოლივიესთან, იმდენად დარწმუნებული იყო, რომ ისიც უთუოდ ამავე თვალსაზრისს იზიარებდა; მაგრამ დახე, ოლივიე, რომლის გულწრფელობასა და ხალას აზროვნებაში ეჭვი არ ეპარებოდა, უცებ აცხადებდა, გაუცხარებლად, ფრიად დამშვიდებული, ოღონდ ღრმა ნაღველით გულში, რომ დიდ ერს, რასაკვირველია, შეეძლო უარი ეთქვა შურისძიებაზე ამგვარი დანაშაულის გამო, მაგრამ არ შეეძლო სამართლიანად ეცნო იგი ისე, რომ არ შეეღაზა საკუთარი ღირსება.

ძალზე ძნელი გახდა ერთმანეთის გაგება. ისტორიულ საბუთებს, რომელთა მოშველიებით ოლივიე ცდილობდა დაემტკიცებინა საფრანგეთის უფლება — დაებრუნებინა ელზასი, როგორც ყოფილი ლათინური მიწა-წყალი, არაერთი მთაბეჭდილება არ მოუხდენია კრისტოფზე; არსებობდა არანაკლებ საფუძველიანი საბუთები სრულიად საწინააღმდეგოს დასამტკიცებლად: ისტორია უხვად ამარაგებს პოლიტიკოსებს ყოველნაირი არგუმენტებით, როგორც დასჭირდებათ ნებისმიერი მოსაზრების გასამართლებლად. კრისტოფი ყველაზე მეტად მოეღბო საკითხის კვლავ არა იმდენად ფრანგულ, რამდენადც ჰუმანურ მხარეს. ელზასელები გერმანელები იყვნენ თუ არა, მთავარი ეს როდი გახლდათ;

მათ არ სურდათ ყოფილიყვნენ გერმანელები — უკვე ესეც საკმარისი იყო. ვის აქვს უფლება განაცხადოს: „ეს ხალხი ჩემია, რადგან იგი ჩემი ძმა არის“? თუ შენი ძმა უარს გეუბნება ძმობაზე, თუნდაც არაფერი დაგეშავებინოს, მაინც შენი ბრალია, რაკი სიყვარული ვერ გიგრძნობინებია მისთვის და უფლება არა გაქვს მოსთხოვო, გინდა თუ არა ჩემი ბედი გაიზიარო. მიუხედავად ორმოცი წლის ძალმომრეობისა და უხეში, ანდა ცბიერი დათრგუნვისა, მიუხედავად თვით იმ წრფელი მზრუნველობისა, რომელსაც ზოგიერთი წესიერი და ჰკვიანი გერმანული მმართველობა იჩენდა მათ მიმართ, ელზასელები კვლავ ჭიუტად აცხადებდნენ, რომ არ სურდათ გერმანელები ყოფილიყვნენ. ხოლო როდესაც მათი ნებისყოფა გატეხეს და მოდრიკეს, მაინც ვერარა ძალას ვერ დაევიწყებინა ტანჯვა განცდილი თაობების მიერ, რომლებიც აეძულებინათ მშობლიური მიწა-წყლიდან გადახვეწილიყვნენ, ან, რაც კიდევ უფრო გულსაკლავია, ვერ შელეოდნენ მშობლიურ კერას და იძულებული იყვნენ აეტანათ მომხდურთა საქმულელი უღელი და უმწეოდ ეცქირათ, როგორ ძარცვავდნენ მათ ქვეყანას და იმონებდნენ მათ ერს.

კრისტოფმა გულალალად აღიარა, საკითხის ამ მხარეს არასოდეს ჩავეფქრებოდა, და ფრიად შეცბუნებული ჩანდა ამით. პატიოსან გერმანელს მუდამ შეაქვს კამათში ალალი გულწრფელობა, რაშიც ლათინს ხელს უშლის მგზნებარე თავმოყვარეობა, რა გულახდილიც უნდა იყოს იგი. კრისტოფი არ აპირებდა მოეშველიებინა მსგავს დანაშაულობათა მაგალითები, რომლებიც ყოველ ერს ისტორიის ყოველ ხანაში ჩაედინა. სიამაყე ნებას არ აძლევდა ეძებნა არასაკადრისი ვასამართლებელი მიზეზები; იცოდა, რომ რაც უფრო წინ მიდის კაცობრიობა, მით უფრო საზიზღარი ხდება მისი დანაშაულობანი, რადგან სულ უფრო ნათელი ეფინება ყოველივეს. ამასთანავე, ისიც კარგად მოეხსენებოდა, რომ თუ საფრანგეთს გაემარჯვა, არც ის აღმოჩნდებოდა გერმანიაზე უფრო ზომიერი და დანაშაულთა ჯაჭვის ერთი რგოლი კიდევ მიემატებოდა. და ასე, საუკუნოდ გაგრძელდებოდა ეს ტრაგიკული კონფლიქტი, რომელიც დაღუპვას უქადა და ევროპული ცივილიზაციის მონაპოვარს.

რა მტკივნეულიც უნდა ყოფილიყო ეს საკითხი კრისტოფისათვის, იგი გაცილებით უფრო მტკივნეული იყო ოლივიესათვის. მისთვის მთელი მტკივნეულობა როდი ამოიწურებოდა მარტოოდენ ძმათაშკვლელი ომის მწუხარებით ორ ერს შორის, ერთმანეთთან სათანამშრომლოდ რომ იყვნენ მოწოდებულნი; თვით საფრანგეთის შიგნით ერის ერთი ნაწილი მეორესთან საბრძოლველად ემზადებოდა; საქმე ის არის, რომ უკვე მრავალი წელია, ფართოდ გავრცელებულიყო მშვიდობისმოყვარე და ანტიმილიტარისტული მოძღვრებანი, რომელსაც დაღადებდნენ, როგორც ერის ყველაზე ღირსეული, ისე ყველაზე უღირსი წარმომადგენლები. სახელმწიფოს, გულგრილი დაუდევრობით ყოველივე იმისადმი, რაც პოლიტიკოსთა ანგარებითს მიზნებს არ ეხებოდა, ნებაზე მიეშვა ისინი და არ ფიქრობდა, რომ შესაძლოა ნაკლებ საშიში ყოფილიყო ხმამაღლა

დაეჭირა მხარი თვით ყველაზე საშიში მოძღვრებისათვის, ვიდრე მიეშვა იგი ხალხის გულამდე და ამით ძირი გამოეთხარა ომისთვის, რომელიც ის-ის იყო მზადდებოდა. ეს პაციფისტური მოძღვრება შთააგონებდა თავისუფალი აზრის ადამიანებს, რომლებიც ოცნებობდნენ დაეფუძნებინათ ძმური ევროპა და ერთობლივად იღვწოდნენ უფრო სამართლიანი და კაცთმოყვარე საზოგადოების შექმნის მიზნით. ამავე დროს, იგი ააშებდა მშვიდარა ადამიანების ლაჩრულ ეგოიზმსაც, რომელთაც ეშინოდათ საკუთარი ტყავი არ გაეკაწრათ, ვისი ან რისი გულისთვისაც არ უნდა ყოფილიყო ეს. ამ აზრებს შეეპყრო ოლივიე და ბევრი მისი მეგობარიც. ერთი-ორჯერ კრისტოფს მოუხდა, შინ დასწრებოდა მათ საუბრებს და სახტად დარჩა. ჰუმანისტური ილუზიებით შეპყრობილი, გულკეთილი მოოხი თვალებგაბრწყინებული, უადრესი უწყინარობით ამბობდა, რომ საჭიროა ხელი შევეშალოთ ომს, რისთვისაც საუკეთესო საშუალებაა ჯარისკაცები ავაჯანყოთ: დაე, მათ თავიანთ მეთაურებს ესროლონ! იგი პატროსან სიტყვას იძლეოდა, რომ წარმატებას მიიღწევდნენ. ინეინერმა ელი ელსბერკემ გულცივი სისასტიკით მიუგო, რომ თუ ომი ატყდა, ვერც მე და ვერც ჩემს მეგობრებს აქედან ფეხს ვერავინ მოგვაცვლევიანებს, ვიდრე შინაურ მტერს ანგარიშს არ გავუწვორებთო. ანდრე ელსბერკემ კი მოოხს დაუჭირა მხარი. ერთხელ, კრისტოფი ძმებს შორის გამართული საშინელი სცენის მოწმე გახდა: ძმა ძმას ემუქრებოდა, ჩემი ხელით დაგხვრეტლიო. მიუხედავად იმისა, რომ ხუმრობაში ატარებდნენ ამ შემამაძრწუნებელ სიტყვებს, იგრძნობოდა, რომ მათს ტყუილში ცოტა მართალიც ერია. კრისტოფი გაოცებული შეჰყურებდა ამ უცნაურ ერს, რომელიც ყოველ წუთს მზად იყო თვითმკვლელობა ჩადინა რაღაც განყენებული აზრის გულისათვის... გიყები. ლოგიკური, მაგრამ გიყები. თითოეული მხოლოდ საკუთარ აზრს ხედავს, სურს ბოლომდე ჭიუტად დაიკვას იგი და არაფრის გულისათვის ფეხი არ მოიცვალოს. და ასე. რასაკვირველია, ერთმანეთს ანადგურებენ. ჰუმანისტები პატრიოტებს ეომებიან. პატრიოტები—ჰუმანისტებს. ამასობაში მოდის მტერი და ფეხით თელავს მათს სამშობლოსაც და მათს ჰუმანიზმსაც.

— კი მაგრამ, — ეკითხებოდა კრისტოფი ანდრე ელსბერკეს, — სხვა ქვეყნების პროლეტარებს თუ შეუთანხმდით?

— ვილაცან ხომ უნდა დაიწყოს. ჰოდა, ჩვენ ვიწყებთ. ყოველთვის პირველნი ვიყავით. ამჯერადაც ჩვენ გემართებს სიგნალი მივცეთ!

— სხვებო რომ არ გამოგყენენ?

— გამოგვეუბიან.

— გაქვთ რაიმე ხელშეკრულება, წინასწარ მოფიქრებული რაღაც გეგმა?

— რა საჭიროა ხელშეკრულებები? ჩვენი რწმენა ყოველგვარ დიპლომატიკაზე ძლიერია.

— ეს სტრატეგიის საკითხია და არა იდეოლოგიისა. თუ გინდათ, სამუდამად

მოდ მოსპოთ ომი, იხმარეთ მისივე ხერხები. შეიმუშავეთ ერთობლივი მოქმედების გეგმა ორსავე ქვეყანაში. დათქვით დღე და მოაწყვეთ თქვენი მომხრეების დარაზმული განოსვლა საფრანგეთსა და გერმანიაში. ხოლო თუ შემთხვევითობის ანაბარა დარჩებით, კარგს არაფერს უნდა გიქადდეთ იგი. ერთი მხრით — შემთხვევითობის იმედი. მეორე მხრით კი მოწინააღმდეგის უზარმაზარი დარაზმული ძალები. შედეგიც ადვილი გამოსაცნობია: გაგანადგურებენ და ის იქნება.

ანდრე ელსბერგე არ უსმენდა. იგი მხრებს იჩიქდა და გულს იოხებდა ბუნდოვანი ქადილით: საკმარისია ერთი პეშვი ქვიშა შიგ კბილანებში შეაყარო და მანქანა მოიშლებაო.

— მაგრამ ერთია — მხარ-თეძოზე წამოწოლილი ზოგად საკითხებზე ბჭობდე და სულ სხვაა — ცხოვრებაში მოქმედებდე შენი აზრებით, მით უმეტეს, როდესაც საჭიროა გადაწყვიტო დაუყოვნებლივ. საშინელი განცდაა, როცა გრძნობ, რომ ფსკერისაკენ მიგაქანებს ტალღა! გეგონა, თავისუფალი იყავი და მოქმედებდი საკუთარი აზრის კარნახით, მაგრამ აჰ, უჩინარი რამ ძალა დაგეუფლა და სადღაც მიჰყავხარ, შენი სურვილის წინააღმდეგ. ვიღაცის იღუმალი ნება მძლავრობს შენს ნებაზე. მაშინ ხვდები, რა უსუსური ხარ ამ უცნობი მბრძანებლის, იმ უხილავი ძალის წინაშე, რომლის კანონები განაგებს კაცობრიულ ოკეანეს...

ყველაზე ურყევი გონების ადამიანები. ყველაზე დაჭერებულნი საკუთარ თავში, ხედავდნენ, როგორ ქარწყლდებოდა მათი რწმენა, როგორ მერყეობდნენ. კანკალებდნენ გადაწყვეტილების მიღების წინ, და ხშირად, მათდავე გასაოცრად, სულ სხვა ნაბიჯს დგამდნენ, ვიდრე წინასწარ ფიქრობდნენ. ზოგიერთნი, ომის აკრძალვის ყველაზე თავგამოდებულ მომხრეთა შორის, გრძნობდნენ, რომ მათ სულში გაჰღვიძებოდა უეცარ ალტყინებას, სიამაყესა და მგზნებარს; სიყვარულს სამშობლოსადმი. კრისტოფი ხედავდა, რომ სოციალისტები და ასე გასინჯეთ, რევოლუციონერი სინდიკალისტებიც კი ამ წინააღმდეგობრივ გრძნობებსა და მოვალეობებს შორის იტანჯებოდნენ. კონფლიქტის პირველ საათებში, როდესაც კრისტოფს ჯერ კიდევ არ ეჯერა ამ საქმის სერიოზულობა, ჩვეული გერმანული მოურიდებლობით უთხრა ანდრე ელსბერგეს, რომ დაღვაჯაში ცხოვრებაში გაატარო შენი თეორიები, თუ არ გინდა გერმანიამ საფრანგეთი ჩაყლაპოს. ანდრემ იწყინა და განრისხებულმა მიახალა:

— ერთი გაბედეთ და სცადეთ!... თქვე ღვთის გლახებო. იმის შნო რომ არა გაქვთ, ხმა ჩააკმენდინოთ თქვენს კაიზერს და უღელი მოიშროთ. თუშეცატვინი კი წაიღეთ თქვენი ყოვლად უწმინდესი სოციალისტური პარტიით, რომელსაც ოთხანი ათასი წევრი ჰყავს და სამ მილიონ ამომრჩეველს ითვლის!... არც ჩვენ დავიკრეთ გულხელს! სცადეთ ჩაგვყლაპოთ! უწინ ჩვენ ჩაგვყლაპავთ!...

რაც უფრო ჰიანურდებოდა მოსალოდნელი ომი, მისი ციებ-ციხლება ყველას იპყრობდა. ანდრე საგონებელში ჩავარდნილიყო. იცოდე, რომ შენი რწმენა ჰეშმარტია, მაგრამ ვერ შეძლო დაიცვა იგი! გრძნობდე, რომ შენც დაგრია ხელი იმ სულიერმა ეპიდემიამ, რომელიც ხალხების გონებას ჯოგური ერთსულოვნების ძალუმი სიგიჟით ახელებს და ომის ჟინით ალატყინებს! იგი ჯიჯნიდა ყოველი ადამიანის სულს კრისტოფის ირგვლივ და თვით კრისტოფსაც კი. ყველას კრიჰა შეჰკვროდა. ყველანი გაურბოდნენ ერთმანეთს.

მაგრამ ძნელი იყო ამ გაურკვევლობაში დიდხანს გაძლება. მოვლენათა განვითარების კორიანტელი მათ, ვინც ჯერ კიდევ მერყეობდა, ნებსით თუ უნებლიეთ, ან იჟით ან აჰეთ ბანაკში სტყორცნიდა. ერთ დღესაც, როდესაც ულტიმატუმი ვადა ამოიწურა, ორსავე ჰევეყანაში მოვლენათა ყველა ზამბარა რომ დაიძაბა და ყველაფერი მზად იყო ხოცვა-ჟლეტის დასაწყებად, კრისტოფმა შეამჩნია, რომ უჰვე ყველას გაეკეთებინა არჩევანი. ყველა ურთიერთმეტრულად განწყობილი პარტია უნებურად შემოკრებილიყო საძულველი, ან სათაკილო მთავრობის გარშემო, რომელიც საფრანგეთს წარმოადგენდა. ესეთებებს, ხელოვნების შერყვნის ამ ოსტატთ, თავიანთი ახალი ნაცელჰარი პატრიოტული სულისკვეთებით შეეკაზმათ. ებრაელები მოუწოდებდნენ დაეცვათ წინაპართა წმიდათაწმიდა სამოსახლო. დროშის სახელის უბრალო ხსენებაზეც კი ჰამილტონს! გული უჩუყდებოდა. თუმცა ყველანი გულწრფელად სჩადიოდნენ ამას, ყველას გადასდებოდა ეს ინფექცია. ამ მხრივ, ანდრე ელსბერჟე და მისი სინდიკალისტი მეგობრები არათუ ჩამოუვარდებოდნენ, პირიჟით, აჰარბებდნენ, კიდევ სხვებს: გარემოებათა გამო თავგზააბნეულნი და იძულებით მიკედლებულნი მათთვის საძულველ პარტიას, უცებ ისეთი შიშნეული გააფთრებით, ისეთი სასოწარკვეთილი გაცოფებით ჩაერთვნენ საერთო ღრიანცელში, რომ ეს ანტიმილიტარისტები სისხლის დასანთხევად დაგვილ მძვინვარე იარაღად გადაიქცნენ ერთბაშად. ელექტრომონტიორ ობერს, წიგნებში ამოკითხულ ჰუმანიზმსა და ინსტინქტურ შოვინიზმს შორის რომ მომწყვდეულიყო, კინალამ გონება დაეკარგა; რამდენიმე თეთრად გათენებული ღამის შემდეგ, ბოლოს მიაგნო სასურველ ფორმულას, რომელიც ყველაფერს თავის ადგილზე აყენებდა: ჰუმანიზმის განსახიერება თვით საფრანგეთიანო. იმ დღიდან ისიც დაეუბრა კრისტოფს. სახლის თითქმის ყველა მობინადრეს დაეკეტა კარი გერმანელისათვის. სათნო არნობიც კი აღარ ეპატიებოდნენ შინ. ცოლ-ჰმარი კვლავ მუსიკით გართულიყო, ხელოვნებით გარემოეცვა თავი, ცდილობდა დაევიწყებინა ის, რაც გარშემო ყველას აშფოთებდა. მაგრამ ისინიც ფიქრს შეეპყრო. ცალ-ცალკე, ყოველი: მათგანი, კრისტოფს რომ შეხვდებოდა, გულითადად ართნედა ხელს, თუმცა ნაჩქარევად, როგორც მალეით. ხოლო მეორე დღეს ერთად მომავალ-

1 ნ. წიგნი მეხუთე — „ბაზრობა მოედანზე“ — რ. რ.

ნი გვერდით ჩაუვლიდნენ და არც კი შეჩერდებოდნენ, დიდი-დიდი, უხერხულად დაეჭნიათ თავი. სამაგიეროდ, ვინც წლობით უმძრახად იყო ერთმანეთთან, უცებ კვლავ დაახლოებულყო. ერთ საღამოს ოლივიემ ფანჯარასთან მიიხმო კრისტოფი და დაანახა დაბლა, ბალში, ცოლ-ქმარი ელსბერგეები მაიორ შაბრანს რომ ემუხაფებოდნენ.

კრისტოფი არც დაფიქრებულა, გაჰკვირვებოდა ეს უეცარი გადატრიალება ადამიანების გონებაში. იგი ერთობ დაკავებული იყო საკუთარ თავში მომხდარი ცვლილებებით. ამ ამბებს ისე აეფორიაქებინა იგი, რომ თავის დამორჩილებას ვეღარ ახერხებდა. ოლივიე, რომელსაც მეტი საფუძველი ჰქონდა აღელვებული ყოფილიყო, გაცილებით დამშვიდებული ჩანდა. თითქოს მას ერთადერთს ჰქონდა იმუნიტეტი ამ ინფექციის წინააღმდეგ. რა გულმოწყლულიც უნდა ყოფილიყო მოსალოდნელი ომის მოახლოებითა და შინაგანი შუღლით, მიუხედავად ყველაფრისა, გარდაუვალად რომ მიაჩნდა, ოლივიეს ესმოდა სიდიადე ორი მტრული მსოფლმხედველობისა, რომლებიც ადრე თუ გვიან სამკვდრო-სასიცოცხლოდ უნდა შესჯახებოდნენ ერთმანეთს; მან იცოდა, აგრეთვე, რომ სწორედ საფრანგეთს მოუწევდა გამხდარიყო კაცობრიული პროგრესის გამოცდის ველი, და კიდევ, ახალ იდეებს, რომ გაფურჩქნულიყვნენ, სჭირდებოდათ მორწყულიყვნენ მისი სისხლით. თავად იგი არ აპირებდა მონაწილეობა მიეღო ამ ხელჩართულ ბრძოლაში. ორი ცივილიზაციის ამ ურთიერთ ყელგამოსაღადრად კვეთების ქამს, ოლივიეს სურდა, ანტიგონეს შეგონება გაემეორებინა: „მე სიყვარულისათვის შევექმნილვარ და არა სიძულვილისათვის“. სიყვარულისა და, აგრეთვე, გაგების უნარისათვის, რომელიც სიყვარულის მეორე სახეს წარმოადგენს. მართო მისი კრისტოფისადმი ნაზი მეგობრობაც კმაროდა, რომ შეგნებული ჰქონოდა თავისი მოვალეობა. იმ დროს, როდესაც მილიონობით არსება კბილებს ილესავდა ერთმანეთის სიძულვილით, ოლივიე გრძნობდა, რომ მოვალეობა ისევე, როგორც ბედნიერება ორი სულისა, სახელობრ, ოლივიესა და კრისტოფისა, ის გახლდათ, რომ შეენარჩუნებინათ ქარიშხლის ქამს თავიანთი სიყვარული და თავიანთი გონება სპეტაკად და შეუბღალავად. ოლივიეს ახსოვდა გოეთე, რომელმაც უარი თქვა, მიმხრობოდა იმ განმწმენდელი სიძულვილის მოძრაობას, 1813 წელს გერმანია საფრანგეთის წინააღმდეგ რომ აამხედრა.

კრისტოფს ესმოდა ყოველივე ეს და მიინც ვერ დამშვიდებულიყო. ის, ვინც, ასე ვთქვათ, გამოქცეულიყო გერმანიიდან და, როგორც დეზერტირს, სამშობლოში დაბრუნება აღარ შეეძლო, ის, ვინც ადრევე ეზიარა XVIII საუკუნის დიდ გერმანელთა ზოგადვერობულ იდეებს, ესოდენ სანუკვართ მისი ძველი მეგობარი შულციისათვის, ის, ვისაც სძულდა ახალი გერმანიის მილიტარისტული და ჩარჩული სული, გრძნობდა, რომ მის არსებაში იღვიძებდა ვნებათა იღუმალი ქარიშხალი და არ იცოდა, რომელ მხარეს გადასტყორცნიდა. კრისტოფი არაფერს ეუბნებოდა ოლივიეს; მაგრამ მთელი დღე აფორიაქებული იყო

და მოუთმენლად ელოდა ახალ ამბებს. ფარულად თავს უყრიდა თავის ნივთებს, ვუჯა-ნაზად იკრავდა. კრისტოფი არ სჯიდა. რალაც უფრო ძლიერი დაუფლებოდა მას. ოლივე თვალს ადევნებდა შეშფოთებით და ხედებოდა, რომ შინაგანი ბრძოლა აწვალებდა მეგობრის სულს, მაგრამ ვერ გაეხედა, გამოეკითხა. მეგობრები გრძნობდნენ, რომ სჭირდებოდათ უფრო მეტი სიასლოვე, ვიდრე ოდესმე. უყვარდათ ერთმანეთი. როგორც არასდროს; მაგრამ გაურბოდნენ ხმა გაეცათ ერთმეორისათვის, ეშინოდათ, ვაითუ ჩვენს შეხედულებებს შორის იმგვარი განსხვავება გამოქვამდნენ, რომ ორივენი გაგვითიშოსო. ხშირად ისეთი ნეწფოთებულა აღერსიანობის გამოხატეული თვალებით მიაშტერდებოდნენ ერთმანეთს, თითქოს საუკუნო განშორების წუთი მოახლოებულიყო. და ღუმდნენ ასე, დანაღვლიანებულნი.

ამასობაში, ეზოს გადაღმა, მოპირდაპირე მშენებარე სახლის სახურავზე, ამ დაღრმეოლ დღეებში, წვიმასა და ქარბუქში, მიუშები ბოლო ლურსმნებს აკედებდნენ, და კრისტოფის მძაკაცმა. ენადაუსვენებელმა მხურავმა სიცილით გაღმოსძახა შორიდან:

— ესეც ასე! ეს სახლიც ხომ დავამთავრე!

ჯეჟა-ქუხილმა, საბედნიეროდ, გადაიარა ისევე სწრაფად, როგორც დაიწყო. მთავრობის ოფიციალური ნოტები, ვითარცა ბარომეტრი, აუწყებდნენ, რომ მოსალოდნელი იყო გამოდარება. პრესის ავი ნაგაზები იძულებული გახდნენ, კვლავ თავიანთ ბუნებებში შემძკვრალიყვნენ. რამდენიმე საათში ვნებები დაცხრა. ზაფხულის საღამო იდგა. კრისტოფმა ქოშინით მოიბრინა, რომ ოლივიესათვის სასიხარულო ამბავი ემცნო. გული ამოვარდნაზე ჰქონდა, სიხარულისაგან თვალები უბრწყინავდა. ოლივე ნაღვლიანი ღიმილით მისჩერებოდა, უჭირდა დაეკავა კითხვა. რომელიც რამდენიმე დღეა აწვალებდა. ბოლოს დაიწყო:

— ჰა, ხომ ნახე, რა ხელად შეკავშირდა ყველა ეს ადამიანი, ამ ცოტა ხნის წინათ ერთმანეთისათვის რომ ვერ გაეგოთ?

— დაახ, ვნახე, — მიუგო ხალისიანად კრისტოფმა. — თქვენ ნამდვილი თვალთმაქცები ყოფილხართ! სიტყვით სულ კრიჭაში უდგახართ ერთმანეთს, გულში კი თურმე ყველას ერთი პირი გაქვთ.

— შენ, გეტყობა, კმაყოფილიც ჩანხარ ამით! — უთხრა ოლივიემ.

— რატომაც არა? რახან ეს შეკავშირება ჩემს ხარჯზე მოხდა? მერე რა! მე ვერას დამაკლებენ... თანაც, კარგია, როდესაც გრძნობ, რომ ეს ნიაღვარი მიგაქანებს და შენში იღვიძებენ ბოროტი სულები...

— მე ეს მხოლოდ მაძრწუნებს, — თქვა ოლივიემ. — ასეთ ფასად მოპოვებულ ჩემი ხალხის ერთსულოვნებას საუკუნო მარტოობა მირჩევნია.

ორივენი დაღუმდნენ; ვერც ერთს ვერ გაეხედა, შეხებოდა საკითხს, რომელიც აწვალებდათ. ბოლოს, ოლივიემ თავს ძალა დაატანა და ყრუდ ამოთქვა:

— გულახდილად თქვი, კრისტოფ: წახვიდოდი?

— ჰო.

ოლივიე ელოდა ამ პასუხს და მაინც გული ატყინა. მან განაგრძო:

— კრისტოფ, ნუთუ შეგეძლო...

კრისტოფმა შუბლი მოისრისა და თქვა:

— ნულარ გავქექავთ ამას, აღარ მსურს ამანე ვიფიქრო.

ოლივიე გულმოკლული იმეორებდა:

— მაშ, შენ ჩვენს წინააღმდეგ იბრძობდები?

— არ ვიცი, ჩემი თავისთვის არ დამისვამს ეგ კითხვა.

— შენს გულში თუ გქონდა გადაწყვეტილი?

კრისტოფმა უპასუხა:

— ჰო.

— ჩემს წინააღმდეგ?

— შენს წინააღმდეგ — არასოდეს. შენ ჩემიანი ხარ. საღაც მე ვარ, შენც იქ იქნები.

— მაშ, ჩემი სამშობლოს წინააღმდეგ?

— ჩემი სამშობლოსათვის.

— ეს შემაძრწუნებელია, — დასძინა ოლივიემ. — მეც შენსავით მიყვარს სამშობლო. მიყვარს ჩემი ძვირფასი საფრანგეთი: მაგრამ განა შემიძლია ჩავკლა საკუთარი სული მისი გულისათვის? განა შემიძლია ვულაღატო ჩემს სინდისს მისი გულისათვის? ეს ხომ მისი ღალატიც იქნებოდა. როგორ უნდა შემეძლებინა, თუ სიძულვილს არ ვგრძნობდი, ან ავიხირო, რომ მძულს და არ მოვატყუო საკუთარი თავი? თანამედროვე სახელმწიფომ საზიზღარი დანაშაული ჩაიდინა, — ეს დანაშაული შეიწირავს კიდევ მას, — როდესაც მან ბრძანა, რომ მის რკინის კანონს დამორჩილებოდა თავისუფლებების მორწმუნე სულთა ეკლესია, რომლის არსს გაგება და სიყვარული წარმოადგენს. დაე, კეისარმა კეისრობა მოისურვოს, მაგრამ ღმერთობას ნუ დაიჩემებს! წაიღოს ჩვენი ფული, თუნდ ჩვენი სიცოცხლაც: მაგრამ მას ხელი არა აქვს ჩვენს სულთან: იგი სისხლში ვერ გაისვრება. ჩვენ იმისათვის მოვსულვართ ამ ქვეყანაზე, რათა განვაგრცოთ სინათლე, არა ჩავაქროთ იგი. ყველას თავისი მოვალეობა აკისრია! თუ კეისარს ებრიანება იომოს, კეთილ ინებოს და, როგორც ოდესღაც, იყოლიოს დაქირავებული ჯარი, რომლის ხელობაც ომია! მე ისეთი ბრიყვი არა ვარ, რომ ძალის წინაშე დრო დაეკარგო ამო ვიშვიშში. მე ძალის ჯარისკაცი როდი ვარ; არამედ გონებისა: ათასობით ჩემი ყაიდის თანამემამულესთან ერთად მე ჩემი გონებით წარმოვადგენ საფრანგეთს. დე, კეისარმა მსოფლიო დაიპყროს, თუკი მას ეს ნებავს! ჩვენ — ქეშმარიტებას დავიპყრობთ.

— რომ დაიპყრო, — უთხრა კრისტოფმა, — საჭიროა გაიმარჯვო, საჭიროა იცოცხლო. ქეშმარიტება მყარი დოგმა როდია, წარმოქმნილი ტვინის მიერ, როგორც სტალაქტიტი გამოქვაბულის კედლებისაგან. ქეშმარიტება თავად ცხოვ-

რებაა. იგი თქვენს საკუთარ თავში კი არ უნდა ეძიოთ, არამედ სხვა ადამიანთა გულეში. გაერთიანდით მათთან. იწამეთ, რაც მოგვეგუნებოთ, მაგრამ განიზანეთ ყოველდღე ადამიანობის ნაკურთხ წყალში. საჭიროა იცხოვრო სხვების ცხოვრებით, მიიღო და შეიყვარო შენი ხედვრი.

— ჩვენი ხედვრია — ვიყოთ, რაც ვართ. ჩვენზე როდია დამოკიდებული გვწამდეს, ან არ გვწამდეს, თუნდაც რწმენა აკრძალული იყოს. ჩვენ ცივილიზაციის ისეთ საფეხურს მივადწიეთ, საიდანაც შეუძლებელია უკან დაბრუნება.

— დიახ, თქვენ ბექობის უკიდურეს ნაპირს მიაღწიეთ, იმ სახიფათო კიდეს, რომელსაც არც ერთი ხალხი არ მოისურვებს მიაღგეს, თუ უფსკრულში გადაჩეხვის ახირებას არ შეუპყრია. რელიგია და ინსტინქტი შესუსტებულა თქვენში. დარჩენილხართ მარტოოდენ თამამი გონების ამარა, რომელიც მალე კისერს მოგატეხინებთ. თქვენ გადაშენება გელით.

— გადაშენება ელის ყველა ხალხს: საუკუნით ადრე ან გვიან.

— ეგრე ნუ ეთამაშები საუკუნეებს. მთელი ჩვენი ცხოვრება თითზე ჩამოსათვლელი დღეებისაგან შედგება. ეშმაკმა იცის, რა განყენებული აზრების სამყაროში დაფრინავთ, რათა მისწვდეთ აბსოლუტს, იმის მაგივრად, რომ დასტებთ წუთიერი ცხოვრებით.

— რა გაეწყობა? ალი ნთქავს ჩირაღდანს. შეუძლებელია იყო და, ამავე დროს, დამთავრებულიც გქონდეს არსებობა, ჩემო კრისტოფ.

— საჭიროა იყო.

— დიდი წარსულიც ხომ დიდი საქმეა.

— დიდი შეიძლება იყოს იგი მხოლოდ ერთი პირობით: თუ კიდევ არიან დღეს ადამიანები, რომლებიც ცოცხლობენ და ამ დიდების ყადრი იციან.

— განა არ გერჩია ყოფილიყავი ერთი ძველ ბერძენთაგანი, რომლებიც დღეს აღარ არიან, ვიდრე ეკუთვნოდე იმ ხალხებს, უშინაარსო არსებობით სულს რომ აცოდვლიდებენ.

— მე მირჩვენია ცოცხალი კრისტოფი ვიყო.

ოლივიემ კამათი შეწყვიტა. მაგრამ არა იმიტომ, რომ სიტყვას ვედარაფრით მოუჭრიდა. მას ეს სულაც არ აინტერესებდა. მთელი ამ კამათის მანძილზე იგი მხოლოდ კრისტოფზე ფიქრობდა. ოლივიემ ამოიოხრა და დასძინა:

— შენ მე ისე არ გიყვარვარ, როგორც მე შენ.

კრისტოფმა ალერსით ხელი ხელზე მოჰკიდა.

— ძვირფასო ოლივიე, — უთხრა მან, — საკუთარ სიცოცხლეზე მეტად მიყვარხარ. მაგრამ მომიტევე, არა მეტად, ვიდრე სიცოცხლე, ცხოველმყოფელი მზე ჩვენი მოდგმისა. მძულს ღამე, რომლისაკენაც თქვენი ყალბი პროგრესი მიბიძგებს. მაგ თქვენი მოქმედების უარყოფის მიღმა იგივე წყველია იმალება. მხოლოდ მოქმედებაა სიცოცხლე. მაშინაც კი, როცა იგი კლავს. ამქვეყნად ჩვენ

არა გვაქვს სხვა არჩევანი: ან ალი, რომელიც ნთქავს, ან წყვილიადი. მიუხედავად ტკბილ-ნაღვლიანი ოცნებებისა, მწუხრისას რომ აღგვეძვრის, მე არა მსურს ეს სიკვდილის მომასწავებელი სიმშვიდე. უსაზღვრო სივრცეთა მღუმარება მადრწუნებს. მაშ. მოდი, თითო იღლია ფიჩხიც მივაყაროთ კოცონს! ერთიც! კიდევ ერთი! და თუ საჭირო გახდა, მეც ზედ მიმყოფეთ! ოღონდაც ნუ ჩაქრება იგი! უკეთუ ჩაქრა, ჩვენი აღსასრულის ქამი დადგება, ნაცრად იქცევა ყოველივე ამ ქვეყანაზე.

— ეგ ნაცნობი პანგია, — თქვა ოლივიემ. — იგი შორეული ბარბაროსობის წიაღიდან მომდინარეობს.

თაროდან ძველი ინდუსი პოეტების წიგნი გადმოიღო და ღვთაება კრიშნას მალალი შეგონება წაიკითხა:

— „აღსდექ და იბრძოლე მედგრად და შეუბოვრად. გულგრილმა სიხარულისა და მწუხარებისადმი, ხეირისა და ზარალისადმი, გამარჯვებისა და დამარცხებისადმი, იბრძოლე, რაც ძალი და ღონე გაქვს“...

კრისტოფმა ხელიდან გამოსტაცა წიგნი და განაგრძო:

— „...არაფერი მეგულება ქვეყნად ისეთი, რომ მისი მოხვედრის სურვილმა მაიძულოს ვიმოქმედო, რამეთუ არაფერია ისეთი, რომ ჩემი კუთვნილება არ იყოს; მაგრამ მაინც ხელს არ ვიღებ მოქმედებაზე. რომ არ შემოქმედა შეუსვენებლივ და სულმოუთქმელად, არ მეჩვენებინა ადამიანებისათვის მაგალითი მისაბაძავად, კაცთა მოღგმა დაიღუპებოდა. მოქმედება რომ შემეწყვიტა თუნდ ერთი წამით, მთელ მსოფლიოს ქაოსში გავხვევდი და სიცოცხლის მკვლელი გავხდებოდი უნებლიეთ“.

— სიცოცხლე, — გაიმეორა ოლივიემ, — რა არის იგი?

— ტრაგედია, — მიუგო კრისტოფმა. — ვაშა!

ღელვა დამცხრალიყო. ყველანი ჩქარობდნენ, იღუმალი შიშით გულში, დავეიწყებინათ იგი. თითქოს უკვე აღარც ახსოვდა ვინმეს გუშინდელი საფრთხე. მაგრამ, ჩანს, ჭერ კიდევ მთლიანად არ წაშლილიყო მისი კვალი მათ გონებაში, ისეთი ხალისით მიჰბრუნებოდნენ კვლავ თავიანთ ფუსფუსს, სანატრელ ყოველდღიურ ყოფას, რომლის ყადრს მხოლოდ მაშინ ვხვდებით, როდესაც მას დაკარგვის საშიშროება ემუქრება. როგორც ყოველი ხიფათის გამოვლის შემდეგ, ადამიანები ხარბად მიეძალნენ ცხოვრების ნექტარს.

კრისტოფი, გაათკეცებული შთაგონებით, კვლავ შემოქმედებას მიეცა. მან აღაფრთოვანა ოლივიეც. და თითქოს თავიანთი ბნელი ფიქრების ჭინაზე, შეუდგნენ ეპოპეის ერთობლივ შეთხზვას რაბლეს მოტივებზე. ეპოპეას იმ ძალუმი მატერიალიზმის დალი აჩნდა, ზნეობრივი დაკნინების ხანას რომ თან სდევს ხოლმე. რაბლეს საქვეყნოდ ცნობილ გმირებს—გარგანტუას, ძმა ჟანს, პანურგს—ოლივიემ, კრისტოფის ჩაგონებით, დაუმატა ახალი პერსონაჟი—გლეხი პა-

სიანსი, ალალ-მართალი და ქვეშევრდომი ეშმაკი. მიტყეპავენ, გაქურდავენ — ითმენს, ცოლს შეუტდენენ, ბალ-ვენახს გაუჩანაგებენ — ითმენს და კვლავ დაუცხრომლად ჩაჰკირკიტებს მიწას, ომში უკრავენ თავს, ყველა მას უბარტყუნებს — მაინც ითმენს, ელის, თავს იქცევს, გულს იკეთებს: „სულ ასე ხომ არ იქნებაო“, წინდაწინ წარმოუდგენია სასაცილო დასასრული, როდესაც ყველაფერი თავდაყირა დადგება და თვალმოჭუტული, ყურებამდე დაღებული პირით უხმოდ ქირქილებს. მართლაც, ერთ მშვენიერ დღეს, გარგანტუა და ძმა ჟანი ჯვაროსნულ ლაშქრობაში გაემგზავრებიან და გზად წყალში ჩაცვივდებიან. პასიანსს გულწრფელად შეებრალება ისინი, დახრჩობას გადაარჩენს პანურგს, თან მხიარულად თავს ინუგეშებს და ამბობს: „ვიცი, შენს ოინებს არ მოიშლი, მაგრამ უშენოდ იოლად ვერ წავალ: მაინებ და დარდს მაქარებინებ“.

ამ პოემის ტექსტზე კრისტოფმა დაწერა სიმფონიური სურათები გუნდებითურთ, გმირულ-კომიკური ბრძოლებით, თავაწყვეტილი ღრეობებით, სასიმღერო-სალადობო ბუფონადებით, უსაზღვრო, ბავშვური სიხარულის მომგვრელი, ჟანეკენისებური მადრიგალებით, შუა ზღვაში თავსდამტყდარი ქარიშხლით, „წკრიალა კუნძულით“, თავის ზარებიანად, დაბოლოს, მდღეობებიდან მონაბერი სურნელით გაყდენთილი, საამო ფლეიტებისა და ჰობოების მხიარული პანგებთა და ხალხური მელოდიებით აყდერებული პასტორალური სიმფონიით. მეგობრები აღმაფრენით მუშობდნენ. სუსტი და ფერმკრთალი ოლივიე, თითქოს ძალის აბაზანაში განბანილიყო, დონეზე მოსულიყო. სიხარულის ქარაშოტი შემოჭრილიყო მათს სხვენში... ქმნიდე საკუთარი გულით და შიგ აქსოვდე მეგობრის. გრძნობებს! მეგობრობით გამსჭვალულ სულთა ამ შეხმატკბილებას ვერ შეედრება ორი შეყვარებულის საამო და მხურვალე ჩახუტება. მათი სულები ისე ძალუმად შესისხნობრცებულიყვენ, რომ ხშირად ორივე მეგობრის გონებაში ერთდროულად გაიფიქვებდა ხოლმე ერთი და იგივე აზრები. ზოგჯერ კრისტოფი წერდა ამა თუ იმ სცენის მუსიკას, შემდეგ კი ოლივიე სიტყვებს თხზავდა მისთვის. ისიც გაეტაცებინა კრისტოფის შემოქმედების ბობოქარ ნაკადს.

მის სულს ემძლავრა ოლივიეს სულზე და განეაყოფიერებინა იგი.

შემოქმედებით მონიჭებულ ტკბობას გამარჯვების სიხარულიც დაერთო. ჰენტს, როგორც იქნა, გადაეწყვიტა, გამოექვეყნებინა „დავითი“; მისმა პარტიტურამ, რომელიც უკვე გახმაურებულიყო, მყისვე გამოაძახილი ჰპოვა საზღვარგარეთ. ერთ-ერთი ცნობილი ვაგნერელი კაპელმაისტერი, რომელიც ჰენტის მეგობარი იყო და ინგლისში დამკვიდრებულიყო, აღფრთოვანებინა ნაწარმოებს; მას რამდენჯერმე ეღირიყორა მისთვის და ფრიად წარმატებით ჩაველო კონცერტებს; ეს წარმატება და, მასთან ერთად კაპელმაისტერის აღფრთოვანება (იგაგრძელდა გერმანიაში, სადაც აგრეთვე შეესრულებინათ „დავითი“. კაპელმაისტერი დაუკავშირდა კრისტოფს; სთხოვა გაეცნო მისთვის სხვა ნაწარმოებებიც, თავისი სამსახური შესთავაზა და გაცხოველებულ პოპულარიზაციას უწევდა

კომპოზიტორს. გერმანიაში ხელახლა აღმოაჩინეს „იფიგენია“. თავის ურობე სტვენით რომ გაისტუმრეს. მისი ავტორი გენიოსად აღიარეს. კრისტოფის ბოგრაფიის რომანტიკულმა ეპიზოდებმა მცირედ როლი შეუწყვეს ხელი მისი პიროვნებისადმი ცნობისმოყვარეობის აღძვრას. პირველმა „ფრანკფურტერ ცაიტუნგმა“ უძღვნა სახოტბო სტატია. მას სხვებიც აპყენენ. მაშინ ზოგიერთებმა საფრანგეთშიც შენიშნეს, რომ მათ შორის დიდი კომპოზიტორი ცხოვრობდა. პარიზის კონცერტების ერთ-ერთმა მესვეურმა სთხოვა კრისტოფს მიეცა დასადგმელად რაბლეს მოტივებზე დაწერილი თავისი ეპოპეა, რომელიც ჯერ კიდევ დაუმთავრებელი ჰქონდა; ხოლო გუჟარმა, კრისტოფის დიდების მოახლოება რომ იყნოსა, ყველას გასაგონად განაცხადა, თუმცა ბუნდოვანი ორაზროვნებით, ჩემს მეგობრებს შორის უცნობი გენიოსი აღმოვაჩინეთ. თავის სტატი-აში მან ნამდვილი შედეგები უწოდა კრისტოფის „დავითს“ და აღარც კი გაახსენდა, რომ ამავე ნაწარმოებისათვის შარშან ორიოდ სალანძღავი სიტყვა ძლივს გაიმეტა. ეს არ გახსენებია აგრეთვე არავის მის ირგვლივ მყოფთაგან. ვინ მოსთელის, რამდენ ვინმეს პარიზში თავის დროზე სიცილი დაუყრია ვაგნერისა და ფრანკისათვის, რომელნიც იმავე ადამიანებს ცამდე აპყავდათ დღეს, რათა ჩრდილი მიეყენებინათ ახალ ხელოვანთათვის, ხელახლა ხოტბას რომ შესასხამდნენ ხვალ!

კრისტოფი არც კი ელოდა ამ წარმატებას. მან იცოდა, რომ ერთ დღესაც აუცილებლად გაიმარჯვებდა, მაგრამ არ ეგონა, თუ ეს დღე უკვე კარზე იყო მომდგარი; ამიტომ, ცოტა არ იყოს, გულში ეეჭვებოდა კიდევ ესოდენ ნაადრევი აღიარება. კრისტოფი მხრებს იჩეჩდა და სთხოვდა, თავი დამანებეთო. „დავითს“ რომ ტაშით შეხედროდნენ შარშან, როცა ნაწარმოები ახალი დაწერილი ჰქონდა, კიდევ შეიძლება გაეგო; მაგრამ ახლა იგი უკვე განვლილი იყო მისთვის, მას რამდენიმე საფეხურით მალლა აეწია. რა სიამოვნებით მიახლიდა იგი ამ ადამიანებს, რომლებიც ჭათინაურებს ეუბნებოდნენ, მისთვის უკვე ძველი ნაწარმოების გამო:

— ნუ გამიწყალეთ გული მაგ ძველმანით! ეგ მე მომბეზრდა. და აგრეთვე. ოქვენც.

მერე კვლავ თავის ახალ სამუშაოში შთაინთქმებოდა ცოტა გამწყრალი, რომ ხელი შეუშალეს და მაინც იღუმალ კმაყოფილებას გრძნობდა გულში. დიდების პირველი სხივები საამოა მეტად. სალია, მარგებელია გამარჯვების შეგრძნება. ეს ფანჯრის გაღებაა, გაზაფხულის პირველი სუნთქვაა, სახლში შემოჭრილი. კრისტოფს ტყუილად აეცრუებინა გული თავის ძველ ქმნილებებზე და განსაკუთრებით კი, „იფიგენიაზე“: ამ „უბადრუკ“ ნაწარმოებებს. რომელმაც თავის დროზე ამდენი დამცირება აგემა ავტორს, დღეს ისე აქებდნენ და აღი-ლებდნენ გერმანელი კრიტიკოსები და ისე იხვეწებოდნენ თეატრები, რომ სხვა თუ არაფერი, იმად ხომ მაინც ღირდა, ჯავრი ამოეყარა ამით. ღრეზდენის თეატ-

რიდან მიღებულ ბარათში კრისტოფს აუწყებდნენ: ბედნიერად ჩავთვლითო თავს, თუ ნებას დაგვრთავთ დავდგათ ოპერა მომავალ სეზონში.

სწორედ იმ დღეს, როდესაც კრისტოფმა ეს სასიამოვნო ამბავი შეიტყო, რამაც, ამდენი წლის გაჭირვების შემდეგ, ძლივს უკეთესი მომავლის იმედი ჩაუსახა და კარზე მომდგარი გამარჯვება აუწყა, — კიდეც ერთი წერილი მიიღო.

შუადღე გადასულიყო. იგი ხელ-პირს იბანდა და თან მხიარულად ემუსაიფებოდა ოლივიეს მეზობელ ოთახში, რომ ამ დროს მეკარე ქალმა კარის ქვეშედან შემოაცურა კონვერტი. დედის ხელი... ზუსტად თვითონ აპირებდა მიეწერა: უნდოდა ეხარებინა თავისი წარმატება... კონვერტი გახსნა. ორიოდ სტრიქონი მხოლოდ!... აკანკალებული ხელით დაწერილი ასოები!

„ჩემო ძვირფასო ბიჭუნავ, თავს ვერა ვგრძნობ კარგად. თუ შესაძლებლობა გექნებოდა, ძალიან მინდოდა, კიდეც ერთხელ მენახა შენი თავი. გკოცნი. დედა“.

კრისტოფმა ამოიგმინა. ოლივიე შეშინებული მივარდა. კრისტოფს სიტყვა ყელში გაეჩხირა და უხმოდ ანიშნა წერილზე, მაგიდაზე რომ იდო. იგი კვლავ გმინავდა, არ ესმოდა, რას ეუბნებოდა ოლივიე, რომელსაც ერთი თვალის გადავლებით წაეკითხა წერილი და ცდილობდა გაეძნეებინა მეგობარი. უცებ საწოლთან მიიბრინა, რომელზეც პიჯაკი ეგდო, სასწრაფოდ გადაიცვა და, მისაბნევი საყელოც კი ვერ მიამაგრა (თითები აღარ ემორჩილებოდნენ), გარეთ გავარდა. ოლივიე კიბეზე წამოეწია: რას აპირებდა? პირველსავე მატარებელს გაჰყოლოდა? საღამომდე არაფერი ვალიოდა. სადგურში ლოდინს ისევ აქ სჯობდა მოეცადა. გზის ფული მაინც თუ ჰქონდა საკმარისი? ჯიბეები მოიჩხრიკეს: ორივეს სულ ოცდაათიოდე ფრანკი ძლივს აღმოაჩნდა. სექტემბერი იდგა. არც ჰექტი, არც არნოები, არავინ მათი მეგობრებიდან ქალაქში აღარ იყვნენ. ვილასთვის მიემართათ? კრისტოფი თავის ჰკუაზე აღარ იყო, ამბობდა, გზის ნაწილს ფეხით გავივლიო. ოლივიე შეევედრა, ერთი საათი მოეცადა და შეჰპირდა, რომ იშოვიდა ფულს. კრისტოფი დანებდა; მას არაფრის მოფიქრების თავი აღარ ჰქონდა. ოლივიე ლომბარდში გაიქცა, — სხვათა შორის, პირველად თავის სიცოცხლეში: ერჩია ყოველგვარი ხელმოკლეობა აეტანა, ვიდრე დაევირავებინა თავისი ნივთები, რომლებიც მის ძვირფას მოგონებებთან იყო დაკავშირებული; მაგრამ დღეს საქმე ეხებოდა კრისტოფს და ფიქრის დრო აღარ იყო. ოლივიემ დაავიწყა საათი, რაშიც გაცილებით ნაკლები თანხა მისცეს, ვიდრე მოელოდა. საპირო გახდა შინ შებრუნებულიყო, რომ თაროდან რამდენიმე წიგნი ჩამოეღო და ბუკინისტისათვის წაეღო. როგორ დასწყდა გული! მაგრამ ძნელი იყო ამაზე ეფიქრა ამ წუთს: მთელი მისი ფიქრები კრისტოფის მწუხარებას შთაენთქა. ბო-

ლოს, ყველაფერს რომ მორჩა და შინ დაბრუნდა, კრისტოფი ზუსტად იმავე ადგილას დახვდა, ღონემიხდილი და ილაჯგაწყვეტილი. ოლივიეს მიერ მოგროვილ ფულს ის ოცდაათიოდე ფრანკიც რომ დაუმატეს, რაც ადრე ჰქონდათ, უკვე საკმარისზე მეტი თანხაც კი შეუგროვდათ. კრისტოფი მეტისმეტად გათანგული იყო და აღარ უკითხავს მეგობრისთვის, როგორ მოუყარა თავი ამდენ თანხას, ანდა იტოვებდა კი რაიმეს პურის ფულად, რომ მისი აქ არყოფნის მანძილზე იოლად წასულიყო. ოლივიე ამაზე სულაც არ ფიქრობდა; რაც ფული გააჩნდა, მთლიანად კრისტოფს მისცა. საჭირო იყო ეზრუნა კრისტოფზე, როგორც ბავშვზე.

სადგურში გააცილა და, სანამ მატარებელი არ დაიძრა, გვერდიდან არ მოშორებია.

ჩამოწვა ღამე. კრისტოფი, ფართოდ გახელილი თვალებით, კვლავ ერთ წერტილს მიშტერებოდა და ერთი ფიქრი უტრიალებდა თავში:

„ჩაუფსწრებ კი?“

მან იცოდა, რომ რახან დედამ მოსწერა, ჩამოდიო, მაშასადამე, დაყოვნება აღარ შეიძლებოდა. და მისი აღგზნებული მღელვარება კიდევ უფრო დაყინებით ერეკებოდა ჩქარი მატარებლის ისედაც გამალებულ ბორბლებს. იგი მწარედ ნანობდა, რომ მიატოვა ლუიზა. თუმცაღა ესმოდა, რომ სინანული ამოა იყო: არ შეეძლო შეეცვალა მოვლენათა მსვლელობა.

ამასობაში ბორბლების ერთფეროვან დაგადუგს და ვაგონის გამუდმებულ რწყევას თანდათან დაემშვიდებინა კრისტოფი და მოეთოკა მისი სულიერი მღელვარება, ვითარცა მუსიკის აბორგებულ ტალღებს ძალუმი რიტმი აოკებს. მის თვალწინ გაიბრინა მთელმა წარსულმა, შორეული ბავშვობის ზმანებებიდან მოყოლებული: სიყვარული, ოცნებები, იმედების გაცრუება, მახლობელ ადამიანთა დაკარგვით გამოწვეული მწუხარება, და ახლა ეს შინაგანი სიხარულის მომგვრელი ძალა, ტანჯვით, ლხენით, შემოქმედებით მონიჭებული თრობა, სხივმოსილი სიცოცხლის და მის დიდებულ აჩრდილთა გულში ჩახუტების ეს ნეტარება, რამეთუ ეს სიცოცხლე იყო მისი სულისდგმა, მისი იღუმალი ღმერთი. ახლა, შორიდან, ყველაფერს ნათელი მოჰფენოდა მისთვის. გაურკვეველი სურვილების ორომტრიალი, ბუნდოვანი აზრების შეხლა-შემოხლა, შეცდომები, ცთომილება-ნი, გაშმაგებული შეტაკებანი ეჩვენებოდნენ მდინარის მღვრიე მორევებად, დიდ დინებას რომ მიაქვს მარადიული მიზნისაკენ. იგი ჩასწვდომოდა ამ განსაცდელით აღსავსე წლების იღუმალ აზრს: ყოველი განსაცდელი იყო დაბრკოლება, რომელსაც გადალახავდა მდინარის მოდიდებული ნაკადი; იგი გამოდიოდა ვიწრო ხეობიდან და მიედინებოდა სულ უფრო განიერ ხეობაში, ივრცობოდა მთელ სივანეზე; ფართოვდებოდა სივრცე, ადვილდებოდა სუნთქვა. მდინარე გზას მიიკვლევდა საფრანგეთის ბორცვებსა და გერმანიის ვაკობს შორის, რწყავდა მდელოებს, ლოკავდა ბორცვების ძირებს, ირთავდა ორივე ქვეყნის შენაკადებსა და დელეებს და დიდდებოდა. ასე მოედინებოდა იგი ამ ორ ქვეყანას შუა, არა იმი-

სათვის. რომ გაემიჯნა ისინი, არამედ ერთმანეთისთვის მიეკრა მათი ნაპირები; ამ მდინარეში შეუღლებულიყვნენ მათი ქვეყნები. და კრისტოფი პირველად მიხვდა საკუთარ ხვედრს: იგი მოწოდებული იყო, ვალმა-გამოღმა ნაპირებიდან შეწოვილი მთელი სასიცოცხლო ძალები, როგორც არტერიას, შეეტანა ამ ურთიერთმტრულად განწყობილ ხალხებში. რა უცნაურ სიმშვიდეს, სიცხადესა და სინათლეს დაესადგურებინა უეცრად მის სულში, მისი ცხოვრების ამ ყველაზე დაბინდულ წუთებში...

მეგრე ზმანება გაქრა და მის წარმოდგენაში ისევ მოხუცი დედის ტანჯვით დაღარული, ალერსიანი სახე ამოტივტივდა.

ირიყრატა, როდესაც კრისტოფი პატარა გერმანულ ქალაქში ჩამოვიდა. სიფრთხილე მართებდა, რომ არ შეეცნოთ იგი, რადგან ყოველ წუთს დაპატიმრების საფრთხე ემუქრებოდა. მაგრამ სადგურში ყურადღება არავის მიუქცევია მისთვის; ქალაქს ეძინა, სახლები ჭერ ისევ დაკეტილი იყო, ქუჩები — უცაცრიელი; ის მტრედისფერი საათი იდგა, როცა ღამის სინათლეები ქრობას იწყებდნენ, მაგრამ ჭერ არ დამკვიდრებულა დღის შუქი, — როცა ძილი ყველაზე ტკბილია და აღმოსავლეთის მკრთალი ნათელი ეფინება სიზმრებს. მოსამსახურე გოგომ ძველი გერმანული სიმღერის ღიღინით ღუქნის დარაბები გააღო. კრისტოფს მღელვარებისაგან სული შეუღუბდა. ო, სამშობლოე! სულზე უტკბესო!... კინაღამ პირქვე დაემხო და მიწას ემთხვია. ყურს უგდებდა ამ უწყინარ სიმღერას, გული რომ აეჩუყებინა მისთვის, და იგრძნო, რა უბედური იყო სამშობლოს მოწყვეტილი, რაიგი ჰყვარებოდა იგი... მიაბიჯებდა სულგაკმენდილი. მშობლიური კარ-მიღამოს დანახვაზე მუხლი მოეკვეთა და პირზე ხელი აიფარა, რომ უცებ არ ეყვირა. როგორ დახვდებოდა ის, ვინც შინ ეგულებოდა, მარტოდმარტო რომ მიატოვა აქ?... სული მოითქვა და თითქმის მიიბრინა კარებამდე. იგი შეღებული დახვდა. კარებს მიაწვა. არავინაა... ძველ ხის კიბეს ჭრიალი გაჰქონდა მის ფეხქვეშ. ზევით ავიდა. სახლი დაცარიელებულს ჰგავდა. დედის ოთახის კარი დაკეტილი იყო.

კრისტოფი გულის ფანცქალით შეეხო სახელურს, მაგრამ ღონე აღარ ეყო, რომ შეეღო...

ლუიზა მარტოდმარტო იწვა და გრძნობდა, აღსასრული მოახლოებულიყო. თავისი ორი სხვა ვაჟიშვილიდან ერთი — რუდოლფი, ვაჟარი გახდა და ჰამბურგში დასახლდა, მეორე — ერნსტი კი, ამერიკაში წავიდა და აღარაფერი სმენიათ მისგან. ლოგინად ჩავარდნილს აღარავინ ჰყავდა ყურისმგდებელი, მეზობლის ქალის გარდა, დღეში ორჯერ რომ შემოივილიდა, რათა გაეცო, ხომ არაფერი უქირდა ლუიზას, ორიოდ წუთით რჩებოდა და კვლავ თავის საქმეებზე გარბოდა; მეზობელი მაინცდამაინც პუნქტუალური არ გახლდათ და ხშირად იგვიანებდა ხოლმე. ლუიზას ისევე ბუნებრივად მიაჩნდა, რომ არ ეცალათ მის-

თვის, როგორც ის მიაჩნდა ბუნებრივად, რომ ავად იყო. მას ანგელოზისებრი მოთმინება ჰქონდა და მიჩვეული იყო ტანჯვის ატანას. ლუიზას გული აწუხებდა და სწირი სულის ხეთვა ჰქონდა, რომლის დროს ეჩვენებოდა, რომ კვდებოდა: თვალები უფართოდებოდა, ხელები ეკრუნჩხებოდა, სახეზე ოფლის ხვითქი ჩამოსდიოდა. მაგრამ ლუიზა არ ჩიოდა; იცოდა, ეს ასეც უნდა ყოფილიყო. იგი მზად იყო ჩაბარებოდა უფალს; ზიარება უკვე მიღებული ჰქონდა. მხოლოდ ერთი რამ აწუხებდა: ვაითუ ღმერთს ღირსად არ ეცნო, სამოთხეში შეეშვა. სხვა დანარჩენს უღრტვიწველად ხედებოდა.

მისი სენაკის ბნელ კუთხეში, სასთუმალთან, მოგონებათა საკურთხეველს წარმოადგენდა ნიშის კედელი, რომელზეც ძვირფას მახლობელთა ფოტოსურათები გაეკრა: თავისი სამი ბიჭუნასი, ქმრისა, რომლისადმი გულში შეენახა პირველი გაცნობისდროინდელი სიყვარული, მოხუცი პაპისა და თავისი ძმის — გოტფრიდისა; ლუიზა ამაღლევებელი ერთგულებით იყო გამსჭვალული ყველა იმათ მიმართ, ვისგანაც თუნდ ოდნავი სიკეთე მოაგონდებოდა. ზეწარზე ისე, რომ თვალი არ მოეშორებინა მისთვის, კრისტოფის მიერ უკანასკნელად გამოგზავნილი ფოტოსურათი მიეხნია: ბალიშქვეშ ედო მისი ბოლოდროინდელი წერილებიც. წესრიგი და უზადო სიფაქიზე უყვარდა და იტანჯებოდა, რომ ოთახი გაწკრივებული ვერ იყო. მომაკვდავი გამახვილებული ყურადღებით უსმენდა ქუჩიდან შემოდწეულ ყრუ ხმაურსა და ჩქამს, რომლის მიხედვით დღის დროს გებულობდა. რა ხანია, იცნობდა ამ ხმებს! მთელმა ცხოვრებამ ამ ვიწრო გარემოში გაიბნინა!... დედა თავის ძვირფას კრისტოფზე ფიქრობდა. რა იქნებოდა, რომ იგი აქ, მის გვერდით ყოფილიყო ამ წუთებში? მაგრამ თვით იმასაც კი, რომ იგი აქ არ იყო, ქალი მორჩილად შერიგებოდა. დარწმუნებული იყო, კვლავ ნახავდა თავის კრისტოფს იმქვეყნად მაინც. აი, თვალებს დახუჭავს და იხილავს შვილის სახეს! მთელი დღეების მანძილზე ბურანში გახვეულს თავისი წარსული ელანდებოდა...

აი, ლუიზა კვლავ ძველ სახლშია, რაინის პირას... დღესასწაულია... ზაფხულის მშვენიერი დღე. სარკმელი ღიაა; მზეს თეთრად გაუქათქათებია შარავზა. ისმის ჩიტების ყლურტული. მელქიორი და პაპა პარმალზე ჩამომსხდარან; აბოლებენ, მასლაათობენ და გულიანად ხარხარებენ. ლუიზა ვერ ხედავს მათ, მაგრამ უხარია, რომ ამ ბედნიერ დღეს ქმარი შინ არის და მამამთილიც მხიარულ გუნებაზეა. თვითონ კი ქვედა სართულის ოთახში სადილს დასტრიალებს. მერე რა სადილია, თითებს ჩაიკვნეტ! ტყუილად როდი დაჰკანკალებს ზედ; მოულოდნელი ყელის ჩასაკოკლოზინებელიც მოუშხადა — წაბლიანი ნამცხვარი; წინდაწინვე ტკბება, სიხარულისაგან რომ შესძახებს მისი ბიჭუნა... მართლა, რა იქნა ის ცუდლული? აა, მალა ყოფილა: ესმის, პიანინოზე რომ მეცადინეობს. დედას ბევრი არ გაეგება მისი მუსიკისა, მაგრამ ბედნიერებას ჰგვირის ამ ნაცნობი ბგერების გაგონება: რწმუნდება, ბავშვი აქ არის და ჰკვიანად ერთობა... რა კარგი დღეა! მხიარულად მიუღარუნებს ეყვნებს გზაზე მიმავალი ოთხთვალა... აჰ,

დამელო ჩემო! მოხრაცული! ნეტავი ხომ არ დამეწევა, ფანჯრიდან რომ ვიხედი-
ხარდი? ვაითუ მამანთილს, ასე რომ უყუარს ლენას და ხათრი აქვს მისი, აღარ
ესაიწონოს სადილი და უსაყვედუროს რძალს... მადლობა ღმერთს, არაფერი
მოსვლია. აი, სადილიც მზად არის, სუფრა გაშლილია. მელქიორსა და პაპას
სუფრასთან იწვევს. მამა-შვილი ხალისიანად ეხმაინება. ბიჭი სადღაა?... აღარ უყ-
რავს. რა ხანია, პიანინო დუმს, მან კი აქამდე ვერ შეამჩნია... კრისტოფო! ნეტა
რას აკეთებს? ჩამიჩუმიც არ ისმის. სადილი არასოდეს გაახსენდება; უნდა, კი-
დევ გააჯავროს მამა. ფაცაუტით არბის კიბეზე... კრისტოფო!.. კვლავ დუმე-
ლი. ადებს ოთახის კარს, საიდანაც წუთის წინ დაკვრის ხმა ჩამოდიოდა. არავი-
ნაა. ოთახი ცარიელია, პიანინო დახურული... ლუიზას გული გადაუქანდება. მა-
ინც სად უნდა გამქრალიყო? სარკმელი ღიაა. ღმერთო ჩემო! ხომ არ გადავარ-
და! დედა აფორიაქებულია. ფანჯარას მივარდება, რომ მოათვალიეროს... კრის-
ტოფო!... თითქოს ცამ ჩაყლაპაო. ოთახებს დაირბენს. ქვემოდან პაპა ამოსძა-
ხის: „ჩამოდი, ნუ ღელავ, ეგ ჩვენ არასოდეს დაგვკარგავს“. ლუიზა მაინც ეძებს:
იცის, სადღაც აქ არის: განგებ დამალულა, რომ დედას გული გაუხეთქოს. ოპ,
ეს საძაგელი ბავშვი!... აა, რა თქმა უნდა აქ არის; იატაკმა გაიკრაკუნა, კარსუ-
კან იქნება დამალული. მაგრამ გასაღები რა იქნა? გასაღები! ფავციციებით ქე-
ქავს უჯრას, მთელი ასხმულა გადაჩხრიკა. ეს, ეს... არა არც ეს არის... აპ, აი
ისიცი!... უჭირს კუჭრუტანაში მორგება. ლუიზას ხელი უტახცახებს. ჩქარობს;
საჭიროა იჩქაროს. რატომ? არ იცის; მაგრამ იცის, რომ საჭიროა: უკეთუ არ იჩ-
ქარა, ვეღარ მიუსწრებს. უკვე ესმის კარსუკან კრისტოფის სუნთქვა... ოპ, ეს გა-
საღები!... როგორც იქნა! კარი იღება. სიხარულისგან კივის. ის არის! კრისტოფი
ყელზე ეხვევა... ოპ, შე ცუდო, შე კარგო, საყვარელო ბიჭო!...

თვალეები გაახილა. ის აქ არის, მის თვალწინ.

კრისტოფი უკვე მთელი წუთია უყურებს დედას. როგორ შეცვლილა! სახე
მთლად დასკვნობია და თან შემუბებია; სიბრალულით დაეწევა გული, როდესაც
ეს მუნჯი ტანჯვის გამოხატველი სახე კიდევ უფრო დაანაოქა უღრტვინველმა
ღიმილმა: თანაც რა ყრუ სიჩუმეს, რა მარტობას დაუსადგურებია ირგვლივ...
კრისტოფს გული დაეთუთქა...

დედამ დაინახა. არ გააკვირვებია. გაუღიმა რაღაც ენით გამოუთქმელი სთ-
ნო ღიმილით. ილაჯი აღარ შესწევდა, ხელები გაეწვდინა, ან სიტყვა ამოეთქვა.
კრისტოფი ყელზე შემოეხვია: შვილი ეამბორა დედას, დედა ეამბორა შვილს;
ცრემლის კურცხლები დაბადუპით ჩამოსდიოდა ლოყებზე. უცებ ჩაიჩურ-
ჩულა:

— მოიცა...

კრისტოფი მიხვდა, რომ დედას სული ეხეთებოდა.

წუთით გაირინდნენ. დედა ეფერებოდა შვილს დამქცნარი ხელებით; ცრემლები კვლავ მოთქრიალებდა მის თვალთაგან. კრისტოფმა ხელები დაუკოცნა დედას და აქვითინებულმა საბანში ჩარგო თავი.

ცოტა გულზე რომ მოეშვა, დედამ სცადა დაეღაპარა. მაგრამ სიტყვებს ძლივს პოულობდა და გაურკვეველად ლულულებდა; კრისტოფს უჭირდა აზრის გამოტანა. თუმცა რა ბედენაა? უყვარდათ, ხედავდნენ, ეხებოდნენ — მთავარი ეს იყო. კრისტოფმა აღშფოთებით იკითხა, რად მიგატოვესო ავადმყოფი ასე უმეტველურად.

ლუიზამ გამართლება დაუწყო მეზობელ ქალს:

— არა სცალია, მთელი დღე აქ დამიჯდეს; თავისი საზრუნავიც აქვს...

მისუსტებული ხმითა და ნაწყვეტ-ნაწყვეტად ლუიზამ ორიოდ ნაჩქარევი რჩევა-დარიგება მისცა თავისი საფლავის თაობაზე. კრისტოფს დაავალა, ჩემს ორ შვილს, რომელთაც აღარ ვახსოვარ, გადაეცი, რომ დედამ დალოცვილი დაგტოვათო. ოლივიეც არ დავიწყებია; იცოდა, რა ერთგულად უყვარდა მას კრისტოფი და შვილის პირით ლოცვა-კურთხევა გაუგზავნა (მერე სასწრაფოდ, მოკრძალებით, უფრო უბრალო გამოთქმით შეასწორა) — „ჩემი მოწიწებული თაყვანისცემა გადაეციო“...

კვლავ სულის ხუთვა დაეწყო. კრისტოფმა ხელი შეაშველა, რომ ლოგინში წამომქდარი შეემაგრებინა. დედას ცივმა ოფლმა დაასხა სახეზე. ცდილობდა გაეღიმა, თავისთვის ჩურჩულებდა, აღარაფერი დამჩენია სანატრელი, რაკი ჩემი ხელი შვილს უჭირავსო ხელში.

კრისტოფმა იგრძნო, როგორ დაიკრუნჩხა უცებ ეს ხელი მის თითებში. ლუიზამ პირი გააღო, უსაზღვრო ალერსით შეხედა შვილს — და აღესრულა.

იმავე საღამოს ოლივიეც ჩამოვიდა. მან ვერ გაუძლო იმ ფიქრს, რომ მართო დარჩენილიყო კრისტოფი ამ ტრაგიკულ წუთებში. ოლივიე გამოცდილი იყო ასეთ უბედურებაში და კარგად იცოდა, რასაც ნიშნავდა. თანაც ეშინოდა ხიფათისა, რომელშიც თავს იგდებდა მისი მეგობარი გერმანიაში დაბრუნებით. ოლივიეს სურდა, მის გვერდით ყოფილიყო და ედარაჯა კრისტოფისათვის. მაგრამ ფული არ გააჩნდა, რომ თვითონაც გაჰყოლოდა. კრისტოფის გაცილების შემდეგ სადგურიდან რომ დაბრუნდა, ოლივიემ გადაწყვიტა გაეყიდა რამდენიმე ძვირფასი ნივთი, ოჯახის სახსოვრად რომ დარჩენოდა. ხოლო რადგან ლომბარდი უკვე დაკეტილი იყო და უნდოდა პირველსავე მატარებელს გაჰყოლოდა, ადგა და იმავე უბანში მცხოვრები ძველი ნივთებით მოვაპრისაკენ გაემართა. ანაზღად გზაზე მოოხი შეეფეთა. მისი განზრახვა რომ შეიტყო, მოოხმა აშკარა წყენა გამოხატა, რატომ პირდაპირ ჩემთან არ მოხვედით და ძალით მიაჩეჩა საჭირო თანხა. მოოხი ძალზე გულღაწვეტილი იყო, რომ ოლივიეს საათი დაეგი-

რავებინა და წიგნები გაეყიდა, რათა გზის ფული ეშოვა კრისტოფისათვის, შაშინ როცა თვითონ ბედნიერად ჩათვლიდა თავს, ხელი გაემართა ასეთ დროს. მოიხს სულითა და გულით სურდა დახმარებოდა რითიმე და შესთავაზა, მეც თან წამოგყვებით.

ოლივიემ ძლივს გადაათქმევინა.

მეგობრის ჩამოსვლა მისწრება იყო კრისტოფისათვის. მწუხარებით გათანგული, მთელი დღე მარტო იჯდა დედის ცხედართან. მეზობლის ქალი მოვიდა, რაღაცები მიაღაგ-მოაღაგა, მერე წავიდა და აღარ დაბრუნებულა. ასე, სამარისებურ გარინდებაში გავიდა საათები. კრისტოფიც ისევე უძრავად იყო, როგორც მიცვალებული; მიშტერებოდა ცხედარს, აღარც ტირილი შეეძლო და აღარც ფიქრი — თვითონაც მკვდარს ჰგავდა.

მეგობრობის სასწაულმა, რომელიც ოლივიეს სახით მოევლინა, დაუბრუნა ტირილისა და სიცოცხლის უნარი.

Gestrot! Es ist der Schmerzen werth das Leben,
So lang...

...mit uns ein treues Auge weint.

(„გამხნევი გულო! ცხოვრება კვლავ ღირს მწუხარებად,
ვიდრე...

...სტირიან ჩვენთან ერთად თვალნი მეგობრის“.)

მეგობრები გადაეხვივნენ ერთმანეთს და დიდხანს იყვნენ ჩახუტებულნი. მერე ჩამოსხდნენ ცხედრის ახლოს და ხმადაბალი მუსიკი გააბეს... ჩამოწვა ღამე... კრისტოფი, საწოლის თავს იდაყვდაყრდნობილი, ჰყვებოდა ბავშვობის ნაწყვეტ-ნაწყვეტ ამბებს, რომლებშიც ცოცხლდებოდა დედის სახე. დროდადრო ჩუმდებოდა რამდენიმე წუთით და შემდეგ ისევ განაგრძობდა მოყოლას. ბოლოს, დაღლილობისაგან გათანგულმა, სახე ხელეში ჩარგო, დადუმდა და თავი აღარ აუღია; ოლივიემ ახლოს მიიწია და დაინახა, რომ კრისტოფს ჩასძინებოდა. ერთხანს ოლივიე მარტო ფხიზლობდა, მაგრამ მალე ძილმა მასაც მოსწყვიტა კინწი, საწოლის ზურგზე მიდო თავი და ჩათვლიდა. ლუიზას ნეტარების ღიმი უკრთოდა სახეზე, თითქოს ბედნიერი იყო, რომ ღამეს უთევდა თავის ორ მძინარე ბავშვს.

ღილაადრიან კარზე ბრახუნმა გამოაღვიძა ისინი. კრისტოფი ადგა კარის გასაღებად. მეზობელი დურგალი დახვდა. იგი კრისტოფის გასაფრთხილებლად მოსულიყო: დაუბეზლებიხართ, რომ აქ იმყოფებით და სასწრაფოდ უნდა გაიქცეთ. თორემ დაგიპყრენო. კრისტოფი უარზე დადგა: არ უნდოდა მიეტოვებინა დედა. სანამ სამუდამო განსასვენებლამდე არ მიაცილებდა. მაგრამ ოლივიე შე-

ეჭვდრა, ნულარ დააყოვნებ, პირდაპირ სადგურში წადიო; აღუთქვა, ზენს მაგიერობას მე გავწევ და მიცვალებულს წესისამებრ ვუპატრონებო; ძალით გამოიყვანა სახლიდან და გზაში რომ არ გადაეფიქრებინა, სადგურამდე გააცილა. კრისტოფი თავისას არ იშლიდა, არ სურდა ისე წასულიყო აქედან, რომ ერთხელ მაინც არ გადაევიდოთ თვალი დიდი მდინარისათვის, რომლის ნაპირას გაიარა მისმა ბავშვობამ და რომლის მქუხარე გამოძახილი სამუდამოდ აღბეჭდილიყო მის სულში, როგორც ზღვის ნიჟარაში. თუმცა კრისტოფს ყოველ წუთს ხიფათი ემუქრებოდა ქალაქში გამოჩენით, ოლივიე იძულებული იყო დაეთმო. მეგობრები მდინარის ფლატეს მიუყვებოდნენ; რაინი ძალუმი სიმშვიდით მოღვლავდა გავაკებულ ნაპირებს შორის და მიილტვოდა ჩრდილოეთის ქვიშნარებისაკენ, რომ იქ თავისი აღსასრული ეპოვა. დილის ჰანღში გახვეულ უზარმაზარ რკინის ხიდს ნაცრისფერ წყალში ჩაეყო თავისი ორი თალი, ბუმბერაზი ეტლის წინა თვლებს რომ მოგაგონებდათ. შორს, ნისლში ბუნდად მოჩანდა წყალალმა მიმავალი ნაგების მქრქალი ლანდები, მდელითა შორის მიკლაკნილ-მოკლაკნილი მდინარის სიღრმეში რომ უჩინარდებოდნენ. კრისტოფი ოცნებაში წასულიყო. ოლივიემ გამოარკვია, მკლავში ხელი გამოსდო და სადგურისაკენ წაიყვანა. კრისტოფი მორჩილად გაჰყვა: იგი მთვარეულს ჰგავდა. ოლივიემ დააბინავა მატარებელში, რომელიც საცაა უნდა დაძრულიყო; დათქვეს შეხვედროდნენ ერთმანეთს ხვალ, პირველსავე ფრანგულ სადგურში, რომ კრისტოფი მარტო არ ჩასულიყო პარიზში.

მატარებელი დაიძრა, ოლივიემ კი გასწია სახლისაკენ. შესასვლელში დახვდა ორი ყანდარმი, რომელიც კრისტოფის დაბრუნებას ელოდა. მათ იგი კრისტოფად მიიღეს. ოლივიე არ აჩქარებულა, ნათელი მოეფინა მათი შეცდომისათვის, ხელს უწყობდა კრისტოფს, სამშვიდობოზე გაეღწია თუმცაღა წესრიგის დამცველები არცთუ ძალიან გაუწილებია ამ შეცდომის გამომკლავებას: ისინი მაინცდამაინც დიდ გულმოდგინებას როდი იჩენდნენ, რომ ღიეკვლიათ ლტოლვილისათვის; ოლივიეს ისიც კი მოეჩვენა, თითქოს ყანდარმებს სულაც არა სწყენიათ, რომ ვერ მოიხელთეს კრისტოფი.

ოლივიე მეორე დღემდე დარჩა, ვიდრე ლუიზას მიწას მიაბარებდნენ. დაკრძალვას დაესწრო კრისტოფის ძმაც — კომერსანტი რუდოლფი, რომელიც მატარებლით ჩამოვიდა და იმავე მატარებლის გასვლამდე დარჩა. ამ ვაუბატონმა, მედიდურად რომ ეჭირა თავი, ვალის მოსახდელად გააცილა პროცესია და იქიდანვე წავიდა, არც კი გამოშვიდობებია ოლივიეს, სიტყვითაც არ უკითხავს ძმის ამბავი, მადლობაც კი არ გადაუხდია, რომ ოლივიემ ასე შეიწუხა თავი მათი დედის გულისათვის. ოლივიემ კიდევ რამდენიმე საათს დაჰყო ამ ქალაქში, სადაც არ იცნობდა არც ერთ ცოცხალ არსებას, მაგრამ მისთვის ესოდენ ახლობელ ადამიანთა აჩრდილები სახლობდნენ: პატარა კრისტოფი, ისინი, ვინც მას ჰყვარებია, ვისთვისაც ტანჯულა მისი გული, და ძვირფასი ანტუანეტა... რა დარჩენილიყო მთელ ამ არსებათაგან, ოდესღაც რომ ეცხოვრათ აქ, ამ კრაფტების ოჯახისაგან. რომელიც დღეს აღგვილიყო პირისაგან მოწისა?..

მხოლოდ სიყვარული, კვლავ რომ ცოცხლობდა ვიღაც უცხოელის გულში.

შუაღდგ უკვე გადასული იყო, როცა ოლივიემ ნახა კრისტოფი საზღვრის-პირა სადგურში, სადაც დათქმული ჰქონდათ შეხვედრა. ეს გასლდათ ტყიანი ბორცვებით გარშემორტყმული სოფელი. პარიზის მატარებლისთვის რომ არ ელოდნათ, გადაწყვიტეს უახლოეს ქალაქამდე მცირეოდენი გზა ფეხით გაეფლოთ. სურვილი ჰქონდათ, მარტო ეგრძნოთ თავი. მიაბიჯებდნენ მდუმარე ტყეებს შორის; სადაც შორს, დროადრო, ცულის ყრუ კაკუნი არღვევდა მყუდროებას. გორაკის კორტოხზე, ერთ კორდზე გამოვიდნენ. დაბლა, ღარტაფში, ჯერ კიდევ გერმანულ მიწა-წყალზე, მოჩანდა მეტყვეის წითელსახურაიანი სახლი და პატარა მდელი, ტყეში ჩაფლულ მწვანედ მოლივლივე ტბას რომ მოგაგონებდათ. ირგვლივ კი ჯანღში გახვეული, მუქი ლურჯი ტყეების ოკეანე გადაწლილიყო. ნისლი ქულა-ქულა მიცოცავდა ნაძვის ტოტებს შორის. გამკვირვალე ბურუსს გაემქრქალეზინა პეიზაჟის მოხაზულობანი, გაებაცებინა საღებავები. გარშემო ყველაფერი გარინდებუღყო. არ ისმოდა ადამიანის ფეხის ჩქამი, ჩამიხუმიც კი არსად იყო. მხოლოდ წვიმის წვეთი თუ გაიწკარუნებდა კანტიკუნტად შემოდგომის მიერ ოქროსფრად შეფერილი წიფლის სპილენძისებრ ნაქუქებზე. ქვებს შორის რაკრაკით მოჩუხჩუხებდა ცელქი ნაკადული. კრისტოფი და ოლივიე გაყუჩებუღყოვნენ და სული გაენაბათ. ორივენი თავ-თავის ნალველს წაეღო. ოლივიე ფიქრობდა:

„ანტუანეტა, სადა ხარ?“

კრისტოფი კი:

„რა ჯანდაბად მინდა წარმატება ახლა, როცა შენ ამქვეყნად აღარა ხარ?“

მაგრამ ორივეს თავ-თავისი ძვირფასი მიცვალეზუღის ნუგეშისმცემელი ხმა ჩაესმა:

„საყვარეღო, ნუ დაგეტრიი. ნუ ფიქრობ ჩვენზე. მეგობარზე იფიქრე...“

ერთმანეთს თვალეზში ჩახედეს და — ორივეს დაავიწყდა საკუთარი მწუხარება: გული აუჩუყათ მეგობრის სიბრალულმა. ხელი ხელს ჩაჰკიდეს. ორივეს მშვიდი სევედა დაეუფლა. ნისლის ბურუსი ნელ-ნელა გაიფანტა, თუმც ნიავი კვლავ არსაიდან იძვროდა. ცა კიდევ ერთხელ აფერადდა ლაყვარღისფრად. წარმატაღია სიტურფე მიწისა წვიმის შემდეგ... იგი გულში გვიხუტებს აღერსიანი ღიმიღით; თითქოს გვეუზენება:

„ღამშვიღდი. ყველაფერი კარგადაა...“

კრისტოფმა შვება იგრძნო. ეს ორი ღღეა, მარტოოდენ მოგონებებით ცხოვრობდა, ძვირფასი ღედღის სულში დაბორიღლობდა: თვალწინ ეღდა მისი უღრტუინვეღო ცხოვრება, უღიღღამო ღღეები, გატარებუღი მარტოობაში, გამოყ-

რუებულ სახლში, სადაც აღარ ხმაურობდნენ ბავშვები, ნიდაგ მონატრებული საყვარელ შვილებს, რომელთაც მიეტოვებინათ ღარიბი, ავადმყოფი, მოხუცი და მანც მხნე დედა, აღსავსე მშვიდი რწმენით, სათნოებით, მუდამ მორჩილად მოღიბარი და სამსხვერპლოდ გამზადებული... კრისტოფს ახსენდებოდა აგრეთვე აწ გარდაცვლილ ადამიანთა უწყინარი სულები, რომელთაც იცნობდა. რა ახლობელნი გამხდარიყვნენ მისთვის ისინი ამ წუთებში! მას შემდეგ, რაც უკან დარჩა მომქანცველი ბრძოლების წლები გაცხარებულ პარიზში, სადაც ერთმანეთთან გაშმაგებულ ჭიდილში არეულიყვნენ იდეები და ადამიანები, რომელთაც ეს-ეს არის განიცადეს ის საბედისწერო წუთი, ყველანი რომ ააფორი-აქა გიჟური ბოდვის მომპყვინებელმა კორიანტელმა და სამკვდრო-სასიცოცხლოდ დაუპირისპირა ერთუროს გონებადბნელებული ხალხები, — კრისტოფმა უკვე დაღლილობა იგრძნო ამ აღტყინებული და ფუჭი გაწამაწიით, ადამიანთა ეგოისტური კინკლაობით, მთელ ამ „რჩეულთა“ — ამ პატივმოყვარე და ამპარტავან ადამიანთა პარპაშით, თავი სამყაროს ახდენილ ოცნებად რომ წარმოუდგენიათ, თუმცა მისი უემური სიზმარი არიან მხოლოდ. და კრისტოფი სიყვარულით განიმსჭვალა ყველა ერის შვილთა ათასობით იმ უბრალო სული-სადმი, უსიტყვოდ რომ გიზგიზებდნენ სიკეთის, რწმენისა და თავგანწირვის წმინდა ლამპრად და გზებით აძვებდნენ სამყაროს გულს.

„ღიახ, გიცანით. როგორც იქნა, კვლავ გიხილეთ! თქვენ ჩემიანები ხართ, ჩემი სისხლი და ხორცი. მე დაგტოვეთ თქვენ, ვით ძემ შეცთომილმა, გზაზე მოციალე ლანდებს ადევნებულმა. აი, დაგიბრუნდით და მიმიღეთ. ჩვენ ერთი განუყოფელი არსება ვართ, ცოცხალნიცა და მკვდარნიც. სადაც მე ვარ, თქვენც ჩემთან ერთად იქ შეგულივით. ამიერიდან ჩემში გატარებ, ო დედავ, შენ რომ გიტარებთვარ ოდესღაც. თქვენ ყველანი — გოტფრიდ, შულც, საბინა, ანტუანეტა, ყველანი ჩემში განაგრძობთ სიცოცხლეს. თქვენ ჩემი სიმდიდრე ხართ. ჩვენ ერთად ვივლით ამ გზაზე.“

მე ვიქნები თქვენი ხმა. ერთობლივი ძალებით მივალწევთ ჩვენს საერთო მიზანს...“

მზის სხივი ალიცილიცდა ხეების ნაწვიმარ ტოტებს შორის, ნელ-ნელა წყლის წვეთები რომ აშრებოდათ. დაბლა, პატარა მდელოდან ბავშვების ყრამული მოისმოდა: სამი პატარა გოგონა სახლის გარშემო ფერხულს უვლიდა ხელიხელჩაკიდებული და თან ძველებურ გერმანულ სიმღერას დასძახოდა, შორიდან კი დასავლეთის ქარს მოჰქონდა საფრანგეთის სამრეკლოთა ზარების ხმა, ვარდის სურნელივით საამო...

„ჰოი, სიმშვიდევე, ღვთაებრივო პარმონიავ, მუსიკავ განთავისუფლებული სულისა! შენ ათანაბარებ ყველას — მწუხარებასაც და სიხარულსაც, სიკვდილსაც და სიცოცხლესაც, მტრულ ხალხებსაც და მოძმე ერებსაც! მიყვარხარ, გელტვი, მოგიპოვებ...“

ლამემ თავისი საბურველი გადააფარა დედამიწას. ოცნებებიდან გამორ-
კვეულმა კრისტოფმა მეგობრის ერთგულებით სავსე სახე გაარჩია. გაულიმა და
მოეხვია. მერე უსიტყვოდ განაგრძეს სვლა ტყე-ტყე, და კრისტოფი გზას უკა-
ფავდა ოლივიეს.

Taciti, soli e senza compagna,
n'andavan l'un dinnanzi, e l'altro dopo,
come i fratij minor vanno per via¹.

¹ მარტონი, გამყოლთ მოკლებულნი და მღუმარენი მთვისწრაფოდით ჩვენ გზადაგზა. მე
უკან, ის წინ, ისე ვით ძმანი გზად მიდიან მინორიტელნი.
დენტე, „ლუთაებრივი კომედია“, ჟოჯოხეთი, ქება X X III.

፳፻፲፱

፳፻፲፱



፳፻፲፱

თუმცა კრისტოფის წარმატება საფრანგეთის საზღვრებს გაღმა უკვე ცხადად მოჩანდა, მეგობრების ცხოვრების პირობებს გაუმჯობესება თითქმის არ ეტყობოდა. დროდადრო სრულიად უსახსროდ რჩებოდნენ და იძულებული იყვნენ მაგრად შემოეჭირათ ქამარი. ხოლო ფულს რომ იშოვიდნენ, ცდილობდნენ დანაკლისი აენაზღაურებინათ და ორმაგი ულუფით იყვებებოდნენ. მაგრამ ასეთი რეჟიმი ბოლოს და ბოლოს ქანცს უწყვეტდათ.

იმჟამად სწორედ მორიგი შიმშილობის ხანა ედგათ. კრისტოფი მთელი დამე უკირკიტებდა უგულო სამუშაოს — მუსიკალური პიესის გადაღებას ამთავრებდა, ჰეხტს რომ შეეკვეთა; გათენებისასლა დაწვა და გაცდენილი რომ ამოეგო, დილის ძილი გამოაცხო. ოლივიე ადრიანად წავიდა: გაკვეთილი ჰქონდა ჩასატარებელი ქალაქის მეორე ბოლოში. რვა საათი იქნებოდა, მეკარემ რომ დარეკა; ფოსტა მოეტანა. ჩვეულებრივ, იგი გულს არ აწყალებდა კაკუნით და წერილებს კარქვეშიდან შემოაცურებდა ხოლმე. ამ დილით კი დაყინებით აკაკუნებდა. კრისტოფი, გამოძინება რომ ვერ მოესწრო, ბუზღუნით ადგა და კარის გასაღებად მივიდა; მას ყური არ უთხოვებია მეკარისათვის, ღმილით რომ მიედ-მოედებოდა რაღაც სტატიის შესახებ, წერილები გამოართვა, ზედაც არ დახედა, კარი მიიხურა, არ დაუკეტავს, და ისევ დაწვა, რომ კარგად გამოეძინა.

ერთი საათის შემდეგ იგი კვლავ გამოაღვიძა უცბად ნაბიჯების ხმამ, მისივე ოთახში რომ ისმოდა; წარმოიდგინეთ მისი გაოცება, როდესაც მან, თავისი საწოლის ბოლოში, დაინახა ვიღაც უცნობი, დარბაისლურად რომ უკრავდა თავს. იგი გამოდგა გაზეთის რეპორტიორი, რომელსაც შეუნიშნავს, რომ კარი ღია იყო, აუღია თავი და შემოსულა. კრისტოფი გაშმაგებული გადმოხტა საწოლიდან:

— რა ეშმაკს ეძებთ აქ? — დაიყვირა, დასწვდა ბალიშს და ის-ის იყო უნდა ესროლა დაუპატოებელი სტუმრისათვის, რომ უცნობი განზე გახტა და ახსნა-განმარტებას მოჰყვა: როგორც გაზეთ „ნასიონის“ კორესპონდენტმა, ინტერვიუ მინდა ჩამოგართვათ „გრან ჟურნალში“ გამოქვეყნებული სტატიის თაობაზეო.

— რომელი სტატიის?

— ნუთუ არ წაგიკითხავთ?

გაზეთის მუშაკმა თავი ვალდებულად ჩათვალა, გაეცნო მისთვის სტატიის შინაარსი.

კრისტოფი კვლავ ლოგინში ჩაწვა. ძილისაგან მოთენთილი რომ არ ყოფილიყო, გარეთ მიაბრძანებდა ამ არამკითხეს; მაგრამ წინააღმდეგობის გაწევა დაეზარა და დანებდა. ლოგინში ჩაეფლო, თვალები მილულა და თავი მოიმძინარა. იგი მართლა ჩაიძინებდა, რომ ამ კაცს, რომელიც ასე დაჟინებული ჩანდა, რიხიანი ხმით არ დაეწყო სტატიის კითხვა. პირველსავე სიტყვებზე კრისტოფმა ყურები ცქვიტა. სტატიაში ლაპარაკი იყო ბ-ნ კრატტზე, როგორც დღევანდელი ლობის ყველაზე გენიალურ მუსიკოსზე. კრისტოფს დაავიწყდა, რომ თავს იმძინარებდა, გაოცებისაგან შეიკურთხა, ლოგინში წამოჯდა და შესძახა:

— ჰქუაზე ხომ არ შეიშალენ? რა ეშმაკი შეუჩნდათ?

ამით ისარგებლა რეპორტიორმა, კითხვას თავი ანება და სეტყვასავით დააყარა შეკითხვები, რომლებზეც დაუფიქრებლად უპასუხებდა კრისტოფი; მან რეპორტიორს გაზეთი გამოართვა და გაშტერებული დასცქეროდა თავის პორტრეტს, პირველ გვერდზე რომ გამოეჭიმათ. მაგრამ სტატიის ჩაკითხვა ვერ მოასწრო—ოთახში გამოეცხადა მეორე კორესპონდენტი. აქ კი კრისტოფს უკვე მართლა გული მოუვიდა. წინადადება მისცა ორივეს, დაუყოვნებლივ დაეცალათ ბინა, რაზეც მათ მხოლოდ მას შემდეგლა შეიბერტყეს ყური, როდესაც საჩქაროდ დაზვერეს ოთახის მოწყობილობა, კედელზე გაკრული ფოტოსურათები და ამ უცნაური მასპინძლის ფიზიონომია, პერანგის ამარა, ხარხართა და ტუქვსით მხრებში რომ უბიძგებდა და გარეთ ერეკებოდა, ხოლო როგორც კი ზღურბლს გადააცილა ისინი, კარი მიუხურა და ურღულთი ჩაეკეტა.

მაგრამ ამ დღეს, თითქოს პირი შეუკრავთო, ყველას განეზარახა, მოსვენება არ მიეცათ მისთვის. ხელ-პირის დაბანაც ვერ მოასწრო, რომ კვლავ გაისმა კარზე პირობითი კაკუნი, ყველაზე ახლო მეგობრებისთვის რომ არის გასაგები. კრისტოფმა კარი გააღო და აღმოჩნდა მესამე უცნობის პირისპირ, დააპირა ულაპარაკოდ მიებრძანებინა იგი, მაგრამ უცნობი შეეპასუხა, განაცხადა, სტატიის ავტორი გახლავარო. მოდიოდა და სახლიდან გააგდეთ კაცი, რომელმაც თქვენ გენიოსად გამოგაცხადათ! ჰოდა, კრისტოფმაც მოთმინებით მოისმინა თავისი თაყვანისმცემლის სიყვარულის ასხნა. იგი გაეკვირვებინა ამ ციდან ჩამოვარდნილ დიდებას, მოულოდნელად რომ დასცემოდა თავზე, და საკუთარ თავს ეკითხებოდა, იქნებ გუშინ რამე შედეგრი შეეკმენი და აღარ მახსოვსო. რეპორტიორისთვის კი შეკითხვაც ვერ მოასწრო. გაზეთის მუშაკს დავალებული ჰქონდა, ნებით ან ძალით, სასწრაფოდ რედაქციაში მიეგვარა კრისტოფი, რადგან მთავარ რედაქტორს — თავად დიდ არსენ გამაშს ენება მისი ნახვა; მანქანა ქვევით ელოდათ. კრისტოფმა სცადა ეუარა; მაგრამ მიაპიტურად გულაჩუყებული ვეღარ გაუძალიანდა მეგობრულ ძალდატანებას და, თუმცა არ ეწადა, ბოლოს მაინც გაჰყვა.

ათი წუთის შემდეგ იგი წარუდგინეს მბრძანებელს, ვის წინაშეც ყოველი

სულდგმული ცახცახებდა. ეს გახლდათ ორმოცდაათიოდე წლის დაბალ-დაბალი, ჯმუხი, ჯანმავარი და მხნე კაცი, მრგვალი, დიდრონი თავი, ჭალარა, ოფოფივით ქოჩორი და ლაქდაჯა პირისაზე ჰქონდა, ლაპარაკობდა მბრძანებლური კილოთი, მძიმე-მძიმედ და მაღალფარდოვნად, შიგადაშიგ სხაპასხუპითაც, წა-რამარა ენა ებმებოდა. მას მთელი პარიზისათვის თავს მოეხვია თავისი უზომოდ დიდი წარმოდგენა საკუთარ თავზე. გულუბრყვილო, მაგრამ გაქნილი, ეგოისტი, გრძობასაყოლილი და საკუთარ თავზე შეყვარებული გამაში იოლად აკვარან-ჭინებდა საქმეებს და იყენებდა ადამიანებს; იგი თავის ინტერესებს საფრანგეთისა და თვით კაცობრიობის ინტერესებთან აიგივებდა. პირადი სარგებელი, თავისი გაზეთის აყვავება და *Salus publica*¹ ერთმანეთთან მჭიდროდ დაკავშირებულ, ერთი რიგის მოვლენებად წარმოედგინა. ექვციც არ ეპარებოდა, რომ ის, ვინც ზიანს აყენებდა მას, ზიანს აყენებდა საფრანგეთს და პირადი მტრის გასანადგურებლად სრული უფლება ჰქონდა სახელმწიფო გადატრიალება მოეხდინა. თუმცა გამორიცხული სულაც არ იყო, რომ დიდსულოვნების გამოჩენაც შესძლებოდა. ქველი აზრებით ატაცებულს, მსუყე სადილის შემდეგ რომ ეუფლება გონებას,² გამაშს უყვარდა, მამალმერთის მსგავსად, მტერისაგან ძებო-რციელი გამოეყვანა, რათა თვალნათლივ ცხადეყო თავისი ყოვლისშემძლეობა. არაფრისაგან გამაში ქმნიდა რაღაცას, მინისტრად ხდიდა, მეფედ სვამდა, ხოლო თუ მოეპრიანებოდა ტახტიდან ავდებდა მათ. მისი უფლებამოსილება ყველგან სწვდებოდა. თუ გუნებაზე იყო, არსენი გენიოსებსაც ქმნიდა.

იმ დღეს მას კრისტოფი „შექმნა“.

მთელი ამ აყალმაყალის უნებლიე წამომწყები ოლივიე იყო. ის, ვინც არაფრით თითს არ გაანძრევდა საკუთარი წარმატებისათვის, ვისაც ზიზღს ჰგვრიდა რეკლამა და სათოფეზე არ ეკარებოდა ყურნალისტებს, სულ სხვაგვარად ჰიკვიებდა, როდესაც საქმე მის მეგობარს ეხებოდა. იგი იმ შრატუნველ დედიკოებს ჰგავდა, პატოსანი ოჯახის ქალებად რომ ითვლებიან და ერთგული ცოლის სახელი აქვთ, მაგრამ მზად არიან გაყიდონ საკუთარი სხეული, ოღონდ პროტექცია გაუწიონ თავიანთ ბედოვლათ შვილებს.

ყურნალებში თანამშრომლობისას ბევრ კრიტიკოსთან და მუსიკის მოყვარულთან რომ უხდებოდა შეხვედრა, ოლივიე შემთხვევას არ უშვებდა, კრისტოფზე არ ჩამოეგდო სიტყვა, და გაკვირვებულმა შენიშნა, რომ ამ ბოლო დროს ყურს უგდებდნენ. იგი ხვდებოდა, რომ მისი მეგობრის გარშემო ცნობისმოყვაობის ატმოსფერო შექმნილიყო და იღუმალი მითქმა-მითქმა ტრიალებდა ლიტერატურულსა და მაღალ წრეებში. რას უნდა გამოეწვია ეს? იქნებ ზოგიერთი გაზეთის გამოხმაურებას, კრისტოფის ნაწარმოებთა ამასწინანდელ შესრულებას რომ მოჰყვა ინგლისსა და გერმანიაში? რაიმე უფრო გარკვეული მიზეზი

¹ საზოგადოებრივი კეთილდღეობა (ლათ.).

არ ჩანდა. ეს ვახლდათ იმ მუდამ ფხიზელ პარიზელ მეთვალთვალეთა ნაცნობი ფაქიფუტის გამოხატულება, რომლებიც, თავიანთი მახვილი ყნოსვის წყალობით, სენ-ჟაკის ამინდის ბიუროზე უკეთ ხედებიან, როგორი ამინდი იქნება ხვალ, საიდან დაუბერავს ქარი და რას მოიტანს იგი. ამ უზარმაზარ, ნერვებდაძაბულ ქალაქში, ელექტრობით რომ დამუხტულა, დიდების უხილავი დენი იმალება; სახელის განთქმას წინ უსწრებს ფარული აღიარება, სალონთა გაურკვეველი მითქმა-მოთქმა, რაღაც Nescio quid maius nascitur Iliade! რაც ერთ მშვენიერ დღეს სენსაციურ სტატიად იქუხებს და იერიჰონის საყვირის გამაყრუებელი ხმა ყველაზე სქელი ყურის ბარაბანსაც კი შეატოკებს — ყველას ამცნობს ახალი კერპის სახელს. ხდება ხოლმე, რომ ეს განმადიდებელი დაფდაფის ცემა უცებ აფრთხობს განდიდებულის უპირველეს და უგულითადეს მეგობრებს, ოუშცა თვითონვე მისცეს მას ბიძგი.

ასევე, ოლივიეს ხელი ერია „გრან ჟურნალის“ მიერ გამოქვეყნებულ სტატიამი. მან ისარგებლა კრისტოფისადმი ინტერესის გაძლიერებით და შეეცადა კიდევ უფრო გაეღვივებინა იგი ცნობისმოყვარეობის აღმძვრელი წვრილმანებით. ოლივიე ფრთხილობდა, კრისტოფი უშუალოდ ჟურნალისტებისთვის არ შეეხვედრინებინა, ეშინოდა, უცებ რაიმე გაუთვალისწინებელი არ მომხდარიყო. „გრან ჟურნალის“ თხოვნაზე კი მოახერხა, ერთ-ერთი თანამშრომელი ფინჯან ყავაზე დაეპატივებინა კრისტოფის თანდასწრებით, ისე, რომ ეს უკანასკნელი ვერაფერს მიმხვდარიყო. ამგვარი სიფრთხილე კიდევ მეტად აღიზიანებდა ცნობისმოყვარეობას და უფრო საინტერესოს ხდიდა კრისტოფის პიროვნებას. ოლივიეს აქამდე საქმე არასოდეს ჰქონია რეკლამასთან და ვერ გაიანგარიშა, რომ მოძრაობაში მოჰყავდა საზოგადოებრივი აზრის ეს უზარმაზარი მექანიზმი, რომელსაც, რაკი ერთი აამუშავებ, ველარ წარმართავ და ველარც შეაკავებ.

ოლივიეს მუხლი მოეკვეთა, გაკვეთილზე მიმავალმა გზაში „გრან ჟურნალის“ სტატია რომ წაიკითხა. იგი არ ელოდა ასეთ მძიმე დარტყმას. ვარაუდობდა, რომ გაზეთი არ აჩქარდებოდა დაეებეჭა წერილი, ვიდრე არ მოკრებდა ყველა საჭირო ცნობას და ცოტა უკეთ არ გაეცნობოდა საგანს, რომელზედაც ლაპარაკი სურდა. მაგრამ ეს წმინდა წყლის მიამიტობა გახლდათ. თუ გაზეთი ირჯება ახალი გენიოსი აღმოაჩინოს, ამას, ცხადია, თავისთვის აკეთებს, რათა თავის კოლეგებს მისი აღმოჩენის პრიორიტეტი წაართვას. მაშასდამე, საჭიროა იჩქაროს და, აბა, სადღა არკვიოს, რას აქებს. ყველა-ყველა, მაგრამ იშვიათია შემთხვევა, რომ ამისათვის მათ თვით ქების ობიექტი გამოედევოს: რახან გაქებენ, ესე იგი, კარგად გაგიგეს.

თითიდან გამოწოვილ აბდაუბლას რომ ჰყვებოდა კრისტოფის სილატაკეზე, რომელსაც გერმანული დესპოტიზმის მსხვერპლად და თავისუფლების მოციქუ-

¹ „ილიადაზე“ უფრო დიდი რაღაც იბადება (ლათ.).

ლად სახანდა, რადგან მუსიკოსი იძულებული გამხდარიყო გამოჰქცეოდა იმპერატორის გერმანიას და თავი შეეფარებინა საფრანგეთისათვის, ამ თავისუფალ სულთა სავანისათვის (მშვენიერი საბაბი შოვინისტთა სალაქლაქო!) — გაზეთი უხერხულ დითირამებს უძღვნადა მის გენიას, რომელზედაც წარმოდგენა არ გააჩნდა, თუ არ ჩავთვლით თითო-ორი საშუალო კომპოზიციას, კრისტოფის პირველ ცდებს რომ ეკუთვნოდა ჯერ კიდევ გერმანიაში, რომლებსაც რცხვენოდა თვით კრისტოფს და მათს გასანადგურებლად ხელი არ აუკანკალდებოდა. სამაგიეროდ, თუ სტატიის ავტორი არ იცნობდა მის შემოქმედებას, ამას იმით ანაზღაურებდა, რომ ყურადღებას ამახვილებდა მის ჩანაფიქრზე, ანუ ფაქტიურად იმაზე, რასაც მიაწერდა. ორი-სამი სიტყვის საფუძველზე, სადმე შემთხვევით რომ წამოსცდნოდა კრისტოფს ან ოლივიეს, ანდა ყური მოეკრა ვითომ რომელიღაც გუჟარს, საქმეში ჩახედულად რომ მოჰქონდა თავი, სტატიის ავტორი ახერხებდა წარმოდგენა შეექმნა ჟან-კრისტოფზე — „დიდ რესპუბლიკელსა და დემოკრატიის მომღერალ გენიალურ კომპოზიტორზე“. ამასთანავე, შემთხვევას ხელიდან არ უშვებდა, ლაფი არ მიესხა თანამედროვე ფრანგი კომპოზიტორებისათვის, ცხადია, ყველაზე თავისთავადებისა და ყველაზე თვითმყოფებისათვის, ყურებს რომ არ აბარტყუნებდნენ დემოკრატიაზე ზრუნვით. გამონაკლისს უშველა ერთი-ორი მუსიკოსისათვის, რომლებიც პოლიტიკურად კეთილსაიმედონი ეჩვენებოდნენ. მაგრამ დასანანი იყო, რომ ცოტას მოიკოკლებდნენ მხატვრულად. თუმცა ეს წვრილმანი გახლდათ. საერთოდ კი, აქ უფრო საგულისხმო იყო არა მათი ან თვით კრისტოფის ქება, არამედ უფრო იმ ურჩთა კრიტიკა. როდესაც პარიზში ვინმეს შესაქებ სტატიას კითხულობენ — უნებურად კითხვას სვამენ:

— ამით ვის ურტყამენ?

რაც უფრო ჩადიოდა სტატიის ბოლოში, ოლივიე თანდათან სირცხვილისაგან წითლდებოდა და გულში ფიქრობდა:

„კარგი სამსახური კი გამიწვია!“

გაკვეთილი ძლივსძლივობით ჩაატარა და მაშინვე შინისაკენ გამოიქცა. იგი სახტად დარჩა, როდესაც უთხრეს, კრისტოფი ვიღაც ყურნალისტებთან ერთად წავიდაო. არ უსადილია, მეგობარს ელოდებოდა. კრისტოფი არ ჩანდა. გადიოდა საათები და ოლივიეს უფრო და უფრო იპყრობდა მოუსვენრობა; იგი თავისთვის ამბობდა:

„რას სისულელეებს აღარ დააცდენინებენ ალბათ!“

სამი საათისათვის კრისტოფი დაბრუნდა, კარგად შექიკვიკებული. არსენ გამაშთან უსადილა და ცოტა თავი უბრუნოდა შამპანურისაგან. იგი ვერ მიხვდა, რაზე წუხდა ოლივიე, შეშფოთებული დაკითხვას რომ უწყობდა, რა თქვი ან როგორ მოიქეცო.

— როგორ და, ერთი გემრიელად ვისადილე. კაი ხანია, ასე მაძღრისად აღარ მიქამია.

მერე მენიუ ჩამოუთვალა.

— ახლა ღვინოები... ყველა მარკისა დავაქაშნიკე.

ოლივიემ შეაწყვეტინა, სუფრაზე ვინ იყვნენო.

— სუფრაზე?... აღარ მახსოვს. იყო გამაში, რუმბივით მრგვალი, გულდია, ოქრო ადამიანი; კიდევ, კლოდომირი—სტატის ავტორი, სულში ჩაიძვრენ; სამი თუ ოთხი სხვა ჟურნალისტი, მხიარული, კაი ბიჭები, ყველანი კეთილგანწყობილნი ჩემდამი. მოკლედ, კარგი კომპანია იყო.

ოლივიეს რატომღაც ეჭვი ეპარებოდა მის ნათქვამში. კრისტოფს აკვირვებდა მეგობრის გულგრილობა.

— სტატია არ წაგიკითხავს?

— როგორ არა. მეც მანდა ვარ. თვითონ თუ წაიკითხე კარგად?

— კი... ისე, გადავათვალე. არ მეცალა.

— აჰა, და ცოტა ყურადღებით წაიკითხე.

კრისტოფმა კითხვა დაიწყო. პირველსავე სტრიქონებზე ხარხარი აუტყდა.

— ჩერჩეტი! — წამოიძახა და ხარხარი განაგრძო. — ეს კრიტიკოსები ყველანი ერთიმეორეზე უარესები არიან. არაფერი არ გაეგებათ.

კითხულობდა და თანდათან გული მოსდიოდა — აბდაუბდა რაღაც გამოდიოდა და თვითონაც გაბამპულეებული ჩანდა. რას გულისხმობდნენ „რესპუბლიკელ მუსიკოსში“... ეს ხომ ყოველგვარ აზრს მოკლებული იყო. კარგი, ეს უბრალო სიტყვები რახარუხად ჩავთვალოთ. მაგრამ ის, რომ კრისტოფის ეგრეთწოდებულ „რესპუბლიკურ“ ხელოვნებას მისი წინამორბედი დიდი კომპოზიტორების „საეკლესიო ხელოვნებას“ უპირისპირებდნენ (მაშინ, როცა კრისტოფი მათი სულიდან ღებულობდა საზრდოს), — ეს კი უკვე მეტისმეტი იყო...

— ყეყეჩები! მთლად იდიოტად არ გამოგყავარ!...

ესეც არ იყოს, რატომ უნდა ალანძღვინოს, თავისი საბაბით, ნიჭიერი ფრანგი კომპოზიტორები, რომლებიც ცოტად თუ ბევრად (თუმცა უფრო კი ცოტად) მოსწონდნენ, მაგრამ ესმოდათ თავიანთი საქმე და პატივს სცემდნენ მას? ყველაზე უარესი კი მაინც ის გახლდათ, რომ მას თავისი სამშობლოს მიმართ, ასე უბოდიშოდ, საზიზღარ გრძნობებს მიაწერდნენ!... არა, ამის ატანა ყოველად შეუძლებელი იყო...

— მე მათ ახლავე მიეწერ, — თქვა კრისტოფმა.

ოლივიემ დაუშალა:

— არა, ახლა ნუ იზამ! მეტისმეტად აღელვებული ხარ. ხვალ აჯობებს, გაგრილებულ გულზე...

კრისტოფი გაჯიუტდა. როცა რაიმე ჰქონდა სათქმელი, მოცდა არ შეეძლო. ოღონდ პირობა მისცა, წერილს წაგაკითხებო. ეს უსარგებლო როდი გამოდგა. წერილს, რომელშიც კრისტოფი განსაკუთრებით იმ დამახინჯებული შეხედულებების გასწორებას ცდილობდა, გერმანიას რომ შეეხებოდა, სათანადო რედაქცია გაუკეთდა და კრისტოფმა იგი ფოსტაში გააქანა.

— ესეც ასე, — თქვა მან, როდესაც უკან დაბრუნდა. — ეგეც არაფერი, წერილი ხვალვე გამოქვეყნდება.

ოლივიემ ეჭვის ნიშნად თავი გააქნია. მერე, რაკი გული ვერ დაეწყინარებინა, კრისტოფს გამომცდელად თვალეზში ჩახედა და ჰკითხა:

— სიმართლე მითხარი, სუფრასთან შენებური ხომ არაფერი წამოროშე?

— რა უნდა წამომეგროშა, — სიცილით უპასუხა კრისტოფმა.

— აბა, გულზე ხელი დაიდე.

— არა-მეთქი, მშინშარავ.

ოლივიეს ცოტა გულზე მოეშვა. სამაგიეროდ, კრისტოფი შეიპყრო მოუსვენრობამ. გაახსენდა, რომ გაუჩერებლივ ლაპარაკობდა. თავიდანვე მიენდო და თავისუფლად იქცეოდა. აზრადაც არ მოსვლია, გაფრთხილებულყო, რომ არაფერი წამოსცდენოდა: ეს ადამიანები ისეთი გულითადნი, ისეთი კეთილგანწყობილნი ჩანდნენ! და იყვნენ კიდევ. ადამიანები ყოველთვის კეთილად არიან განწყობილნი მათს მიმართ, ვისზედაც ამაგი აქვთ გაწყული. ჰოდა, კრისტოფი ისეთ გულწრფელ სიხარულს განიცდიდა, რომ სხვებიც აიყოლია. გერმანელის გულითადი უშუალობა, მისი ხალისიანი გულმხიარულება, შესაშური მადა და სმის უნარი, სულმოუთქმელად რომ ცლიდა მაგარი სასმელით სავე ჰიქებს და არ ითრობოდა, — რაღა თქმა უნდა, მოეწონებოდა არსენ გამაშს, რომელიც აგრეთვე, სასმელის ამტანი, მაგარი, ტლანქი და სისხლჭარბი კაცი გახლდათ და ამრეხით უყურებდა ჯანსუსტ, მიკნავებულ პარიზელებს, არც სმის თავი რომ ჰქონდათ და არც ჰამისა. კაცს იმით აფასებდა, სუფრასთან როგორ იჯდა, ამიტომაც ჯეროვნად დააფასა კრისტოფი. იქვე, სუფრასთანვე, წინადადება მისცა, შენი „გარგანტუა“ ოპერად გადააკეთე და „გრანდ ოპერაში“ დადგო. იმხანად პარიზელი ბურჟუეზისათვის „ფაუსტის გაყიდვების“ ან „ცხრა სიმფონიის“ გასცენიურება ხელოვნების მწვერვალად ითვლებოდა. კრისტოფს ამ სულელურ იდეაზე სიცილი წასკდა და ძლივს ააღებინა ხელი გამაშს განზრახვაზე — დაუყოვნებლივ განკარგულებები გაეცა ტელეფონით „გრანდ ოპერის“ დირექციისათვის ან ნატიფ ხელოვნებათა სამინისტროში (რამდენადაც დასაჯერი იყო, იქ მას თავისი ხალხი ჰყავდა). ამ წინადადებამ გაახსენა კრისტოფს, რა უცნაურ სამოსელში წარმოადგინეს თავის ღროზე მისი სიმფონიური პოემა „დავითი“ და ჩამოუყაკლა, როგორ მოაწყობინა მისი დადგმა დეპუტატმა რუსენმა თავისი საყვარლის დებიუტისათვის¹. გამაშს, თვალში რომ არ მოსდიოდა რუსენი, სახე გაბადროდა; კრისტოფმაც, მაგარი ღვინითა და მსმენელთა მოწონებით საღერდელაშლილმა, მოხსნა პირი და მოუყვა ისეთი ამბები, ყველასთან რომ არ ითქმის. ყურნალისტები პირწმინდად კრეფდნენ ყოველ სიტყვას, არაფერი გამორჩენიათ. მარტო კრისტოფს დაავიწყდა სუფრიდან ადგომისთანავე თავისი ნათქვამი. და აი, ოლივიეს კითხვაზე გონებაში ამოუტივტივდა საკუთარი ნალა-

¹ ნ. ჟან-კრისტოფი, II, „ბაზრობა მოელანზე“. — რ. რ.

პარაკევი. ჟრუანტელმა დაუარა ტანში. არ უნდოდა თავი მოეტყუებინა; უკვე საკმაო გამოცდილება ჰქონდა, რომ ეპვი შეეტანა მოვლენათა ბუნებრივ განვითარებაში. ახლა, როცა გამოფხიზლებულიყო, კრისტოფი ნათლად ხედავდა, რაც მოხდებოდა: თავისი გაუფრთხილებლობით განდობილი ამბები დამახინჯებულად გამოქვეყნდებოდა ღვარძლიანი გაზეთის ქრონიკაში; ხოლო ხელოვნების საკითხებზე ხუმრობით ნათქვამ სიტყვებს მის წინააღმდეგ პოლემიკის ასატეხად გამოიყენებდნენ. რაც შეეხება მის უარყოფის წერილს, ამ მხრივ კრისტოფს ოლივიეზე მეტის იმედი როდი ჰქონდა: ეკამათო ჟურნალისტს, ეს ნიშნავს ტყუილბრალოდ დახარჯო მელანი; ბოლო სიტყვა ყოველთვის გაზეთს ეკუთვნის.

ყველაფერი ზუსტად ისე მოხდა, როგორც კრისტოფმა ივარაუდა. მისი დარწმობილი გამთაქვეყნეს, უარყოფის წერილი კი არა. გამაში იმით დაკმაყოფილდა, რომ დაუბარა გადაეცათ კრისტოფისათვის, ვფასებ თქვენს ღიღისულოვნებას და ასეთ სინდისიანობასო; მაგრამ მისი სინდისიანობა თავისთვის შეინახა. გამოგონილი შეხედულებები კი, კრისტოფს რომ მიაწერდნენ, კვლავ ვრცელდებოდა და გესლიან გამოხმაურებას იწვევდა პარიზის გაზეთებში, ხოლო იქიდან გერმანიაში, სადაც აღშფოთებულიყვნენ. რომ გერმანელი ხელოვანი ასეთ საძრახის გამოთქმებს კადრულობდა თავისი შშობელი ქვეყნის მიმართ.

კრისტოფმა იფიქრა, არიქა, შესაძლებლობა მომეცა მდგომარეობა გამოვასწოროო და სხვა გაზეთის რეპორტიორისათვის მიცემულ ინტერვიუში ცდილობდა სიყვარული დაემტკიცებინა Deutsches Reich¹ — ისათვის, სადაც, მისი თქმით, ადამიანები სულაც არ იყვნენ ნაკლებ თავისუფალნი, ვიდრე საფრანგეთის რესპუბლიკაში. რეპორტიორმა კი, რომელიც კონსერვატიული გაზეთის წარმომადგენელი იყო, თავის მხრივ, არ დააყოვნა, მისი სიტყვები ანტირესპუბლიკურ გამონათქვამებად გამოეცხადებინა.

— ვაის გავეყარე, უის შევეყარე! — წამოიძახა კრისტოფმა. — გამაგებინე, რა საერთო აქვს ჩემს მუსიკას პოლიტიკასთან?

— ასეა ოდითგან ჩვენში, — უთხრა ოლივიემ. — შეხედე, როგორი ცილობა აქვთ ბეთპოვენზე. ერთნი მას იაკობინელად აცხადებენ, მეორენი — კლერიკალად, ზოგისთვის გამოცხადებული „მამა დიუშენია“² ზოგისთვის კი — კარის მსახური.

— უჰ, როგორ პანდურს ამოჰკრავდა იგი ყველას ერთად!

— რაღას უცდი, ამოჰკარი.

კრისტოფი უარს არ იტყოდა, მაგრამ პირველივე გაღიმებაზე მეგობრულად განეწყობოდა ხოლმე. ოლივიეს გული საგულეს აღარ ჰქონდა, როცა მას მარ-

¹ გერმანიის იმპერია (გერ.).

² აქ: უეიდურესი რევოლუციონერი. მემარცხენე იაკობინელთა ბელადის — ებერის შიერ 1790 წ. დაარსებული გაზეთის სახელწოდება. — რედ. შენიშვნა.

ტოს ტოვებდა. რეპორტიორები შინ ეჭრებოდნენ ინტერვიუს ასაღებად და კრი-
სტოფი, ბევრს რომ ჰპირდებოდა ენას კბილს დაეაჭერო, ვერ ანერხებდა გული
დაეხურა ადამიანებისათვის, — გულახდილად ლაპარაკობდა ყველაფერს, რასაც
ფიქრობდა. მასთან მოდიოდნენ მდებარობითი სქესის ჟურნალისტებიც, მეგობ-
რობას რომ ეფიცებოდნენ და სატრფიალო თავგადასავლებს აყოლებდნენ. ზოგ-
ნი კი სარგებლობდნენ შემთხვევით, რომ მისი თანდასწრებით მავანი ვინმე
ზურგსუკან ეძრახათ. როდესაც ოლივიე შინ ბრუნდებოდა, ამჩნევდა, რომ კრი-
სტოფი შეცბუნებული იყო.

— ისევ სისულელე ჩაიღინე? — ეკითხებოდა იგი.

— როგორც ყოველთვის, — უპასუხებდა დარცხვენილი კრისტოფი.

— შენი გამოსწორება არ იქნება.

— პირზე კლიტედასადები ვარ... მაგრამ პირობას გაძლევ, ეს ბოლო და
უქანასკნელია.

— ჰო, ჰო, ამის შემდეგამდე...

— არა, ამჯერად მორჩა.

მეორე დღეს კრისტოფმა გამარჯვებულებით ახარა ოლივიეს:

— კიდევ მეახლა ერთი. ხმის ამოღება არ ვაცალე, კინწისკერით გავავლე.

— მეორე უკიდურესობაში კი ნუ გადავარდები, — უთხრა ოლივიემ — უფ-
რთხილდი მათ. „ეს მხეცი ძალზე ავია...“ არ გააღიზიანოთ, თორემ მოგვარდე-
ბათ... მათთვის შურისძიებაზე იოლი არაფერია! საკმარისია უბრალო სიტყვა
დაგცდეს, მყისვე ისარგებლებენ.

კრისტოფმა შუბლზე იტკიცა ხელი:

— ო, უფალო!

— კიდევ რალა?

— იცი რა მივაძახე, კარი რომ მივუქეტე?

— მაინც რა?

— რა და, იმპერატორის სიტყვა.

— იმპერატორის?

— ჰო, ნაპოლეონისა თუ რომელიღაც მისი გენერლისა...!

— საბრალოვ! ხვალვე გაზეთის პირველ გვერდზე ნახავ გამოქიშულს!

კრისტოფს გააყრდნობდა. ხოლო მეორე დღეს გაზეთში ნახა აღწერილობა
თავისი ბინისა, სადაც რეპორტიორმა ვერ შეაღწია, და კიდევ, ინტერვიუ, რო-
მელიც ვერ მიიღო.

ცნობები ვრცელდებოდა და გზადაგზა უფრო ლამაზდებოდა. უცხოურ გა-

¹ იგულისხმება უცნაურო სიტყვა, რომლითაც ეატერლოოსთან ფრანგთა უკანდახევას-
დროს ნაპოლეონის გენერალმა კამბრონმა უპასუხა ინგლისელთა წინადადებაზე, დანებებულყოფ-
ნენ. — რედ. შენიშვნა.

ზეთებში კი ხშირად საწინააღმდეგო აზრსაც ღებულობდა. მას შემდეგ, რაც ფრანგულმა გაზეთებმა დაწერეს, რომ გერმანელი კომპოზიტორი ლუკმაპურის საშოვნელად მუსიკის გიტარაზე ტრანსპონირებას ეწევაო, კრისტოფმა ერთ-ერთ ინგლისურ გაზეთში ამოიკითხა, იგი გიტარით ხელში კარდაკარ უკრავდაო.

იგი მხოლოდ ქათინაურებს როდი ისმენდა. სრულიადაც არა! საკმარისი იყო კრისტოფს გამოჰქომაგებოდა „გრან ყურნალი“, რომ საქმეში ჩაერვივნენ სხვა გაზეთები. მათი ღირსებისათვის შეუთავსებელი იყო იმის დაშვება, რომ მათს კოლეგას აღმოეჩინა გენიოსი, რომელიც თვითონ ვერ შენიშნეს. ამიტომ ადგნენ და გააბიაბრუნეს. გუჯარმა, თავმოყვარეობაშეგლახულმა იმით, რომ უკან მოიტოვეს, დაწერა სტატია, რათა, როგორც აცხადებდა, ჭეშმარიტება აღედგინა. იგი შინაურულად ლაპარაკობდა თავის ძველ ძმაკაც კრისტოფზე, რომელმაც პირველი ნაბიჯები მისი ხელმძღვანელობით გადადგა პარიზში: ეს უდავოდ ნიჭიერი მუსიკოსია, მაგრამ (ამას ვამბობ, როგორც მისი მეგობარი) ჯერ კიდევ არ ჰყოფნის ცოდნა, არ გააჩნია საკუთარი ხმა და უზომოდ ამაყიც ბრძანდებო; ისინი, ვინც გუნდრუკს უკმევენ მის ზვიადობას და სასაცილოდ აქებ-ადიდებენ, დათვურ სამსახურს უწევენ კრისტოფს, მაშინ როცა მას წინდახედული, მცოდნე, სამართლიანი და კეთილმოსურნე, მაგრამ მკაცრი დამრიგებელი სჭირდებო (ერთი სიტყვით, ზედგამოჭრილი გუჯარი). კომპოზიტორები ნაძალადევად იცინოდნენ, იხტიბარს არ იტეხდნენ, ვითომდაც საშინელ ზიზღს ჰგვრიდათ ხელოვანი, გაზეთების მხარდაჭერით რომ სარგებლობს, ყასიდად ამბობდნენ, რომ არ ეპიტნავენოდათ *servum pecus*¹ და ხელებს ასავსავენდნენ არტაქსერქსეს ძღვენზე, რომელსაც მათ არავინ სთავაზობდა. ერთი ამჟამად კიცხავდნენ კრისტოფს, მეორენი ამუნათებდნენ თავიანთი გულშემატყვიერობით, მესამენი კიდევ ოლივიეს სწვდებოდნენ (უმეტესად კოლეგები). მათ ჯავრი ჩაჰყოლოდათ გულში, რომ ოლივიე პრინციპული დარჩა და განზე ეჭირა თავი, — თუმცა, მართალი რომ ვთქვათ, უფრო მარტოობის წადილით, ვიდრე ვინმესადმი ზიზღით. მაგრამ ადამიანები ყველაზე უფრო იმას ვერ გაჰპატიებენ, რომ შეგიძლია უიმართოდ იოლად წახვიდე. ზოგიერთები იქამდეც კი მიდიოდნენ, რომ ყურში აგონებდნენ ოლივიეს, „გრან ყურნალის“ სტატიები შენთვის სახეიროაო. მათ შორის ისეთებიც მოიძებნებოდნენ, რომლებიც თავს იღებდნენ კრისტოფის დაცვას ოლივიეს წინააღმდეგ: ისინი მწუხარე სახეს იღებდნენ იმის გამო, რომ ოლივიე ასეთ ნაზ, მეოცნებე და ცხოვრებისათვის არასაკმარისად მომზადებულ ხელოვანს — კრისტოფს! — იმეტებდა „მოედანზე ბაზრობის“ ღრიანცელისათვის, სადაც იგი გარდუვალად დაიღუპებოდა. ისინი, ვინც თავბრუს ახვევდა კომპოზიტორს ესოდენ მდარე გუნდრუკის კმევით, მათი სიტყვით, მომავალს უსპობდნენ ამ კაცს, რომელსაც თუმცა დიდი ტალანტი არ ჰქონდა, მაგრამ თავისი შეუპოვარი შრომისმოყვარეობით შეიძლება რალაციისთვის მიედწია. ცოლოა საწყა-

1 მონური ფარა (ლათ.).

ლი კრისტოფი! რატომ არ დააცალეს, ეშრომა თავისთვის, უჩინრად და უხმაუროდ?

ოლივიეს არ გაუჭირდებოდა მიეგო მათთვის:

„რომ იშრომო, უნდა ჰქამო. ვინ მიაწვდიდა ლუქმას?“

მაგრამ მათ ვერც ეს პასუხი შეაცბუნებდათ და ოლიმპიური სიმშვიდით მიუგებდნენ:

„მერე რა. უნდა მოითმინო“

რასაკვირველია, ყველა ესენი მაღალი წრის ადამიანები იყვნენ, თავად უზრუნველყოფილნი, სხვებს ასეთ სტოიციზმს რომ შეაგონებდნენ. ერთმა მილიონერმა ასეთი პასუხი გასცა მიამიტ შუამავალს, სილატაკეში ჩავარდნილი ხელოვანისათვის დახმარებას რომ სთხოვდა:

— მომიტვეთ, ბატონო ჩემო, მაგრამ მოცარტი სილატაკით მოკვდა.

ეს ადამიანები უტაქტობაში ჩამოართმევდნენ ოლივიეს, თუ შეეპასუხებოდა, რომ მოცარტი წინააღმდეგი არ იქნებოდა ეცოცხლა, ხოლო კრისტოფს გადაწყვეტილი ჰქონდა არ მომკვდარიყო.

კრისტოფს უკვე თავს აბეზრებდა ამ ენაჭარტალების კორიკანობა. აღარ უნდა ნოელოს ამას ბოლო? — კითხულობდა იგი თავისთვის. მაგრამ ორი კვირის სწორზე მითქმა-მოთქმა შეწყდა. გაზეთები აღარ ხმაურობდნენ მის შესახებ. კრისტოფი უკვე ცნობილი იყო. მის სახელს რომ ანსენებდნენ, ყველამ იცოდა ვისზე იყო ლაპარაკი, მაგრამ ასე კი არ იტყოდნენ:

„დავითისა“ და „გარგანტუას“ ავტორი?“

არამედ:

„აა, „გრან ჟურნალი“ რომ წერდა მასზე!...“

ეს დიდებას ნიშნავდა.

ოლივიე ამას წერილების სიმრავლით მიხვდა, კრისტოფს რომ მოსდიოდა და არაპირდაპირ თვითონაც ლებულობდა, — ლიბრეტოებს სთავაზობდნენ ავტორები, კონცერტის მოწყობის წინადადებას აძლევდნენ ანტრეპრენიორები, ერთგულებას ეფიცებოდნენ ახლად გაჩენილი მეგობრები — უმრავლესობა მისი გუშინდელი მტრები რომ იყვნენ, სტუმრად ეპატიებოდნენ ბანოვანები. გაზეთების მიერ მოწყობილი გამოკითხვებისათვის კრისტოფს სთხოვდნენ აგრეთვე აზრი გამოეთქვა შობადობის შემცირებაზე საფრანგეთში, ხელოვნების იდეალზე, ქალის კორსეტებზე, სცენაზე გაშიშვლებაზე, ხომ არ მიაჩნია, რომ გერმანია დაქვეითებას განიცდის, ანდა, მუსიკამ თავისი შესაძლებლობები ამოწურა და სხვ. და სხვ. კრისტოფი და ოლივიე გულიანად იცინოდნენ ყოველივე ამაზე. ვინ კრისტოფი, ეს ტყის კაცი და ვინ წვეულებებზე სიარული! თუმცა დახეთ, დაცინვით დასცინოდა, მაგრამ ლებულობდა მიწვევებს! ოლივიე თვალბს არ უჭერებდა.

— ეს შენა ხარ? — ეუბნებოდა იგი.

— სწორედ მე, — მიუგებდა ეშმაკური ღიმილით კრისტოფი. — გეგონა შენს მეტს არავის შეუძლია ქალბატონებთან სტუმრობა? ახლა ჩემი ჭერია! უნდა გავერთო!

— გაერთო? უკვე მოიცალე?

სინამდვილეში, კრისტოფი დიდხანს იჯდა შინ და უცებ ძლიერ მოუნდა გარეთ გაეხედა. ამასთანავე, რაღაც უჩვეულო სიხარულს ჰკვირიდა ახალი დიდების განცდა. მაგრამ მალე მოყირჭდა წვეულებები და ნახა, რა ყუყუჩი იყო მაღალი საზოგადოება. თუმცა შინ რომ ბრუნდებოდა, განზრახ საწინააღმდეგოს უყვებოდა ოლივიეს. ერთხელ რომ სადმე წავიდოდა, მეორედ ჩქით აღარ გაიხედავდა; მიზეზად იმას მოიღებდა, რაც პირზე მოაღებოდა და გასამტერებელი უბოდიშობით თავიდან იცილებდა მათს მიწვევას. ოლივიე აღშფოთებული იყო. კრისტოფი გულიანად ხარხარებდა. სალონებში დიარებოდა არა იმისათვის, რომ თავისი სახელისთვის ელოლიავა, არამედ აღედგინა სიცოცხლის მარაგი და შეევსო თავისი გაღერვა ახალ-ახალი გამომეტყველებით, მიხრა-მოხრით, ხმის უღერადობით, ფორმათა, ბგერათა და ფერთა მთელი ამ საღებავით, რომელიც აუცილებლად სჭირდება ყოველ მხატვარს, რომ დროდადრო თავისი პალიტრა გაამდიდროს. მუსიკოსი მარტოოდენ მუსიკით როდი საზრდოობს. ადამიანური მეტყველების ინტონაცია, სხეულის მოძრაობათა რიტმი და ღიმილის ჰარმონია უფრო ხალას მუსიკალურ განცდებს ადძრავს მასში, ვიდრე რომელიმე კოლეგის შზა სიმფონია. თუმცა ეს კია, ამ სალონებში სახეთა და სულთა მუსიკა ისეთივე ერთფეროვანი და ტრაფარეტულია, როგორც მუსიკოსთა მუსიკა. ყველას თავისი დაშტამპული ნირი აქვს და თავის ნირში იშტამპება. კეკლუცი ქალის ღიმილი, ხელოვნური სიტურფის გამო, ისევე შაბლონურია, როგორც პარიზული მელოდია. კაცები კიდევ უფრო უბადრუკნი არიან ქალებზე. „საზოგადოების“ დამამყაყებელი გავლენის გამო ნებისყოფა ჩლუნგდება და თავბრუდამხვევი სისწრაფით მჭრქალდება და იშლება ხასიათთა თავისთავადობა. კრისტოფი შეეძრწუნებინა იმას, რომ ამდენი მკვდარი და შომაკვდავი ხელოვანი არსებობდა ხელოვნებაში. აი, თუნდაც ეს ახალგაზრდა კომპოზიტორი, შემოქმედებითი ძალებისა და ნიჭის გაფურჩქვნის ხანაში რომ იმყოფებოდა, მაგრამ პირველ წარმატებას არარად ექცია იგი; ეს ჭველი კაცი უკვე მხოლოდ იმაზე ფიქრობდა, რომ განცხრომასა და თვლემას მისცემოდა და თავს აბრუებინებდა ფუჭი ლაქუციით, რითაც მასში კლავდნენ ხელოვანს. თუ ვინ შეიძლებოდა გამხდარიყო იგი ოცი წლის შემდეგ, ამის ნიმუშიც აქვე იყო, სალონის მეორე კუთხეში, მსოვანი მაესტროს სახით; ეს გახლდათ მდიდარი, სახელოვანი, ყველა აკადემიის წევრი და მწვერვალზე ასული მოხუცი, რომელსაც თითქოს აღარაფრისა არ უნდა შინებოდა და აღარავისთვის გაეწია ანგარიში, მაგრამ მაინც ელაქუცებოდა ყველას, ცაზცახებდა საზოგადოებრივი აზრის, ხელისუფლებისა და პრესის წინაშე, ვერ ბედავდა გამოეთქვა, რასაც ფიქრობდა, თუმცა უკვე აღარც ფიქრობდა, აღარც არსებობდა, მხოლოდ იპრანჭებოდა სა-

კუთარი წარსულით, — პირადი რელიკვიებათ ეს საპალნეაქიდული ვი-
რი.

ყველა ამ ხელოვანისა და მოაზროვნის ზურგს უკან, დიდი ადამიანები რომ იყვნენ ან შეეძლოთ ყოფილიყვნენ, უცილობლად იდგა ქალი, რომელიც ღრღნი-
და მათ. ქალები ყველანი ერთნაირად სახიფათონი იყვნენ — უჭკუონიც და შე-
დარებით უფრო ჰკვიანებიც, მოსიყვარულენიც და თავის თავის მოყვარულ-
ნიც; ყველაზე საუკეთესონი ყველაზე უარესნი იყვნენ — მით უფრო ნაღდად
ხუთავდნენ ხელოვანის სულს თავიანთი განუსჯელი სიყვარულის მარწუხებში,
ცდილობდნენ, თუმცა კეთილი ზრახვით, მოეთვიერებინათ ნიჭი, წაეშალათ
მასში ყველაფერი თავისთავადი, ყველასათვის დაემკვანებინათ, გაესადავებინ-
ათ, სუნამო ეპკურებინათ, ვიდრე დაიყვანდნენ მას თავიანთ უგვან მგრძნობი-
არობამდე, თავიანთ წვრილმან პატივმოყვარეობამდე, თავიანთ და თავიანთი
წრის უღიმღამობამდე.

თუმცა კრისტოფს გავლით უხდებოდა მოხვედრა ამ ქალთა საზოგადოება-
ში, მას უკვე მოესწრო, ეყნოსა საფრთხე. ერთი და ორი ბანოვანი როლი ცდი-
ლობდა, გადაებირებინა და კაბაზე გამოება იგი; ბევრჯერ კრისტოფი ბეწვზე
გადაურჩა მათი მრავლის აღმოქმედი ღიმილის ხიბლს, და მისი ძალუმი სალი
აზრი და იმ მაგალითის სიციხადე რომ არა, რომელიც ნათელყოფდა, რა საცო-
დავ არსებებდალ აქვედნენ კაცებს ეს თანამედროვე კირკეები, იქნებ ვერც მას
გაეძლო ცთუნებისათვის. მაგრამ სურვილი არ ჰქონდა, თავისი ნებით ჰუკად
ქცეულიყო ამ მომხიბლავი მწყემსების ფარაში. ეს ცთუნება უფრო სახიფათო
შეიძლება გამხდარიყო, რომ მისი მონადირების მსურველთა რიცხვი ასე მრავ-
ალი არ ყოფილიყო. ახლა, როცა ყველანი დარწმუნდნენ, რომ მათ შორის გე-
ნიოსი გამოჩნდა, თანახმად თავიანთი ჩვეულებისა, ისწრაფოდნენ ჩაეხშოთ იგი.
ამ სქესის ადამიანებს ერთი ფიქრი უჩნდებათ: ყვავილს ნახავენ — ქოთანში
ჩარგონ, ჩიტს ნახავენ — გალიაში გამოამწყყდიონ, თავისუფალ კაცს ნახა-
ვენ — ლაქიად გაიხადონ.

კრისტოფი წუთით გაბრუვდა, მაგრამ მყისვე გამოფხიზლდა და ყველანი
ფეხებზე დაიკიდა.

ბედი დამცინავია. მის მარყუჟს ასე თუ ისე უსხლტებიან დაუდევარნი და
თავხეხელადებულნი, მაგრამ ფრთხილთ, უნდოთ და წინდახედულთ იგი ხელი-
დან არასოდეს უშვებს. ჰოდა, პარიზულ ცთუნებათა ფაცერში გაება არა კრის-
ტოფი, არამედ ოლივიე.

იგი დარჩა ნახეირები მეგობრის წარმატებით. კრისტოფის დიდების ანა-
რეკლი მას მოეფინა. იგი უცებ უფრო ცნობილი გახდა იმით, რომ აღმოაჩინა
კრისტოფი, ვიდრე ექვსი წლის პოეტური შემოქმედებით. ამიტომ კრისტოფს
რომ ეპატიუბოდნენ, არასოდეს ტოვებდნენ ოლივიეს; ისიც თან დაჰყვებოდა
ყველგან, რომ ჩუმად ყური ეგდო მისთვის. მაგრამ ეტყობა მეტისმეტად გაერ-

თო მასზე მზრუნველობით, რომ ვეღარ შეძლო საკუთარი თავისთვის მოეგლო. სიყვარული ეწვია და მოხიბლა იგი.

ეს იყო ქერა, გამხდარ-გამხდარი და მომხიბლავი ყმაწვილი ქალი, ნაზი ზუ-
ქუქი კულულები პაწია ტალღებად შემოვლებოდნენ ვიწრო და კრიალა შუბ-
ლზე, თხელი წარბების ქვეშ ოდნავ მძიმე ქუთუთოები მოუჩანდა, მუქი მტრე-
დისფერი, იასამნის ფერში გარდამავალი თვალები ჰქონდა, ცხვირი ნატიფი,
მოხდენილი ნესტოებით, საფეთქლები ჩაზნექილი, ნიკაპი ყინიანი, პირი ჰკვი-
ანური და გამომწვევი, კუთხეებში ზეაწეული, გაღიმება პარმიჯანინოს დახატუ-
ლი, პატარა, უმანკო ფავნისა. მაღალი და ნაზი ყელი ჰქონდა, ტანი სუსტი და
კონტა, რაღაც ბედნიერებისა და მოუსვენრობის გამომხატველი იერი აღბეჭ-
დოდა ნორჩ სახეზე, გაზაფხულის გამოღვიძების — Frühlingserwachen მჩქრო-
ლვარე იდუმალებას რომ მოგაგონებდათ. სახელად ყაკლინ ლანჟე ერქვა.

ჯერ ოცი წელი არ შესრულებოდა. მდიდარი, წარჩინებული და თავისუფ-
ლად მოაზროვნე, კათოლიკური ოჯახიდან იყო. მამამ, ჰეკვიანმა, საზრიანმა, მა-
ძიებელი გონებისამ და ყოველივე ახლის ალღოს ამღებმა ინჟინერმა, მღგომა-
რეობა შეიქმნა თავისი შრომის, პოლიტიკური ურთიერთობებისა და ქორწინების
წყალობით. დაქორწინდა სიყვარულითა და ანგარიშით (სიყვარულით ქორწი-
ნება წარმოუდგენელია უანგარიშოდ მათს საზოგადოებაში) ფინანსური წრე-
ებიდან გამოსულ ლამაზ ქალზე, წმინდა პარიზელზე. ფული დარჩა, სიყვარუ-
ლი წავიდა. თუმცა რაღაც ნაპერწკლები კვლავ დვიოდა მათში, ისე მგზნებარედ
ჰყვარებოდათ ოდესღაც ერთმანეთი; მაგრამ მეტისმეტ ერთგულებაზე თავს არა-
სოდეს დებდნენ. ორივენი ცალ-ცალკე დადიოდნენ თავ-თავიანთ საქმეებზე და
თავ-თავიანთ სასიამოვნოდ. ცოლ-ქმარი ისე კარგად რიგდებოდნენ ერთად, რო-
გორც ორი გონიერი ეგოსტი ამხანაგი, რომლებიც უსინდისოდ იქცევიან, მაგ-
რამ ვერ საყვედურობენ ერთმანეთს.

ასული დამაკავშირებელი რგოლი იყო და, ამავე დროს, ფარული ცილო-
ბის საგანიც გამხდარიყო ცოლ-ქმარს შორის, რადგან ექვიანი სიყვარულით
უყვარდათ იგი დედასა და მამას. ორივენი საკუთარ თავს სცნობდნენ მასში, თავ-
ვიანთ მიზნიდევლი ნაკლით, კიდევ უფრო წარმტაცს რომ ხდიდა ბავშვობის
სიტუტრე, და ცდილობდნენ მალულად თავ-თავისთვის დაესაკუთრობინათ იგი.
გოგონას არ გამოჰპარებია ეს იმ უმანკო ეშმაკობის წყალობით, პატარა არსებებს
რომ აქვთ განვითარებული და ძალიან ხშირად მიდრეკილებას ამჟღავნებენ მი-
იჩნიონ, რომ სამყარო მათ გარშემო ბრუნავს, და დაუყოვნებლივ ისარგებლა
მშობლების ზედმეტი ყურადღებით. ეს კუდრაჰა ეშმაკურად აქეზებდა მშობ-
ლებს, მისდამი სიყვარულში გასჭიბრებოდნენ ერთმანეთს. არ იყო ყინი, რომ-
ლის დაკმაყოფილების იმედი არ ჰქონოდა მამისაგან, როცა დედა უარს ეუბნე-
ბოდა; მერე დედა, განაწყენებული იმით, რომ უკან ჩამოიტოვებს, უცებ ისეთ
ხუსტურს უსრულებდა, მამას რომ ვერ დაიყოლიებდა. გოგონა უწყალოდ გა-
ნებიერდა; კიდევ ბედი, რომ ბუნებით არ იყო ცუდისადმი მიდრეკილი, თუ არ

ჩავთვლით მის ეგოიზმს, თითქმის ყველა ყმაწვილში რომ ზ-ს. მაგრამ მღვდელად და ნაღოლიავე ბავშვებში, დაბრკოლებათა უქონლობას გამო ავადმყოფურ ხასიათს ღებულობს.

ცოლ-ქმარი ლანყეები შეიღს კი აღმერთებდნენ, მაგრამ მღვდელს უცვლელად, მისი გულწაფვის პირადი სიამოვნებებისთვის ელაღებოდა. მაგრამ მან ტოვებდნენ და დღის დიდი ნაწილი მარტოს უხდებოდა ყოფნა. ღმერთს სიამოვნებდა მეტი ჰქონდა, რომ ეოცნება. ნაადრევად განვითარებული და უკვე გულწაფვისაგან ჩავარდნილი (რადგან არ ერიდებოდათ მისი თანდასწრებით სიამოვნო თემებზე საუბარი), ექვსი წლისა სატრფიალო თავგადასავლებს უყვებოდა თავის თოჯინას, თავგადასავლებს, რომელთა მოქმედი პირობი ცოლი, ქმარი და საყვარელი იყვნენ. რა თქმა უნდა, გოგონა ამაში ცუდს არაფერს ვხედავდნენ, მაგრამ იმ დღიდან, რაც სიტყვების მიღმა გრძნობის ანარეკლი გააჩნია, საყვარელზე თოჯინებთან საუბარი დამთავრდა: ამერიდან საკუთარ თავს ესაუბრებოდა ნაღვე. ჟაკლინის არსებაში უმანკო ავხორცობის მსგავს გრძნობას ვხედავდა, ნორს. ჰორიზონტის გადაღმა რომ უხმობდა მას, ვით უხილავი ზარბიას რეკვა. დროულად საიდანდაც მონაბერი ქარი იღუმალ მზურვალეებს ჰგებოდა და თავბრუს ახვევდა ქალიშვილს; გაურკვეველი შიშისა და სიამოვნების განცდა გულუბლოდა, აღმური ასლიოდა და სუნთქვა ეკვროდა; მერე ქრებოდა განცდა იმედი უკმა. როგორც დაეუფლა. ჩამიჩუმი აღარ ისმოდა. მხოლოდ ყრუ ბგევილი, ბუნდოვანი გამოძახილი თუ ჩავსმოდა ერთ ხანს ყურში და ლურჯ სივრცეში იკარგებოდა. ოღონდ იცოდა, რომ სადღაც იქ, მთის გადაღმა იყო ის, და უნდა ესწრაფა იგი, რაც ძალი და ღონე ჰქონდა: იქ ბედნიერება ევლებოდა. რა! მტკიცეა ჰქნა!...

ხოლო სანამ იქამდე მიადწევდა, ცდილობდა როგორმე წარმოედგინა, რა ელოდა იქ, რადგან ყველაზე მთავარი გოგონას გონებისათვის — ეს ბედის გამოცნობაა. ჟაკლინის ჰყავდა დობილი — სიმონა ადანი, რომელიც მისი ტოლი იყო და ერთად საუბრობდნენ ამ უაღრესად სერიოზულ საკითხზე. თათოვლი იშველიებდა თავის სუსტ ცოდნას, თავის თორბეტი წლის ასაკის გამოცდილებას, ყურმოკრულ საუბრებსა და მალულად წაკითხულ, ხელში მოხვედრილ წიგნებს. თითის წვერებზე დგებოდნენ, ქვების ქიმებს ებლაუჭებოდნენ და ლამობდნენ როგორმე გადაეჭვრიტათ ძველი კედლის თავზე, რომლის მიღმა მომავალი და მალულიყო. მაგრამ ტყუილ-უბრალოდ ედებოდნენ ღობე-ყორეს და ამტკიცებდნენ, თითქოს რაღაც გააჩრჩიეს ჭუჭყურტანაში, სინამდვილეში ევრაფერსაც ვერ ხედავდნენ. გოგონების სულში პოეტური გიჟმაცობა და პარბული ორბაროვნება შინაგან უმანკოებასთან შეზავებულიყო. საშინელ რამეებს ისე უბრალოდ ამბობდნენ, ვითომც აქ არაფერიაო; სრულიად მარტივ საგნებში კი რაღაც ვაიუშველებელს ხედავდნენ. ჟაკლინი ყველგან დაფათურობდა, ოღონდ ისე, რომ ვინმე არ დაეეჭვებინა, და ჩრბდა თავის პატარა ცხვირს მამის ყველა წიგნში. საბედნიეროდ ცული შეხვედრებისაგან მას იფარავდა საკუთარი უბიწოება და

გოგონას ბავშვური კდემა. საკმარისი იყო, ოდნავ თამამი სცენა ამოეკითხა, ან უხეში სიტყვა გაეგონა, რომ მყისვე გული აეყარა; წიგნს მიაგდებდა, ხოლო ბინძურ ურთიერთობას ისე დააღწევდა თავს, როგორც დამფრთხალი კატა წუმბეს, — ერთი წუნწკალიც რომ არ მოეცხებოდა.

რომანები ნაკლებ იზიდავდა: იქ ყველაფერი გაშიშვლებული და მშრალი იყო. მისი საყვარელი საკითხავი პოეზია გახლდათ, ცხადია, ლირიკა, გულს რომ უჩქროლებდა მღელვარებითა და იმედით. ლექსები უფრო უახლოვდებოდნენ მის ბავშვურ აღქმას. ისინი კი არ ხედავდნენ საგნებს, არამედ ჰკერეტდნენ მათ სურვილის ან სინანულის თვალთახედვით; თითქოს ისინიც, გოგონას მსგავსად, ძველი კედლის ჰუჭურუტანიდან უმზერდნენ სახილველს. მაგრამ მათ გაცილებით ბევრი იცოდნენ, იცოდნენ ყველაფერი, რის ცოდნაც საჭირო იყო, და მას ისეთ თბილ და იღუმალ სიტყვებში ხვევდნენ, რომ ფრთხილად, ძალზე ფრთხილად უნდა გახსნა, რომ იხილო... მისწვდე... მაგრამ ვაგლახ! ვერ სწვდები და სულ გეჩვენება, სადაცაა ხელს შეახებ...

ცნობისმოყვარე მაძიებლები არ ცხრებოდნენ. დობილები ჩურჩულითა და თრთოლივით უკითხავდნენ ერთმანეთს ალფრედ დე მიუსესა და სიული-პრი-უდომის მრავალჯერ წაკითხულ ლექსებს, რომლებშიც გარყვნილების იღუმალებანი ეჩვენებოდათ; ლექსებს იწერდნენ და დაეინებით ცდილობდნენ ბუნდოვან სტრიქონებში ამოეცნოთ აზრი, რომელიც ზოგჯერ სულაც არ იყო. ეს პატარა, ცამეტი წლის ნამდვილი ქალები, უმანკონი და ურცხვნი, ჯერ არაფერი რომ არ გაეგებოდათ სიყვარულისა, მსჯელობდნენ, ნახევრად ხუმრობით და ნახევრად გულით, სიყვარულსა და ავხორცობაზე; ხოლო კლასში, მასწავლებლის — ამ უაღრესად წყნარი და ზნეკეთილი მოხუცის მამობრივი თვალის წინ, რვეულის საშრობზე ბლაჯინდნენ გაღექსილ სტრიქონებს და როცა ერთხელ მასწავლებელს ხელში ჩაუვარდა ასეთი სტროფი, ლამის იქვე ჩაიკეცა:

ო, მოდი, გულში ჩავიკონო, მომეცი ნება,
ესვა შენს კოცნაში სიყვარულის უგონო ვნება,
წვეთ-წვეთად და დიდხანს, დიდხანს...

სკოლაში, სადაც ისინი დადიოდნენ, პრივილეგირებულთა შვილები სწავლობდნენ და მასწავლებლებად უნივერსიტეტის ლექტორები ჰყავდათ. აქ იპოვეს ნიადაგი თავიანთი გრძნობითი მისწრაფებების გასაშლელად. თითქმის ყველა გოგონა თავის მასწავლებელზე იყო შეყვარებული. საკმარისი გახლდათ მასწავლებელი ახალგაზრდა და ცოტათი შესახედავი ყოფილიყო, რომ მათი გულელები დაეპყრო. თვალელებში შესციციინებდნენ, ოღონდ კი თავი მოეწონებინათ თავიანთი რაინდისათვის. მაგრამ რა ცრემლთა ფრქვევა იდგა, როდესაც საკლასო თხზულებაში ცუდ ნიშანს დაუწერდა რომელიმე მათგანს მისივე „ჩრეული“. სამაგიეროდ, თუ შეაქებდა, წითლდებოდნენ, ფითრდებოდნენ და მადლიერებით აღსავსე, კეკლუც მზერას სტყორცნიდნენ. ხოლო თუ ვინმეს განზე

გაიხმობდა, რომ რჩევა-დარიგება მიეცა ან თავზე ხელი გადაესვა, — ეს უკვე ზედნიერების მწვერვალს უდრიდა. აუცილებელი სულაც არ იყო, არწივი ყოფილიყო, რომ მოსწონებოდათ. ტანვარჯიშის გაკვეთილზე, როდესაც მასწავლებელი ყაკლინს ტრაპეციაზე დაჯდომაში ეხმარებოდა, გოგონას მთელი ტანი უხუტდა. უნდა გენახათ, რა გამაგებით ეჯიბრებოდნენ ერთმანეთს! თანაც როგორ ეჭვიანობდნენ! რა მოწყალედ შეანათებდნენ მასწავლებელს მაცთუნებელ თვალებს, რომ წაერთმიათ მისი თავი თავზედი მეტოქისათვის! გაკვეთილის ახსნისას პირის გაღებასაც ვერ ასწრებდა იგი, რომ კალმისტრები და ფანქრები უკვე მომარჯვებული ჰქონდათ ჩასაწერად. გოგონები მაინცდამაინც არ ცდილობდნენ, მასწავლებლის ახსნილი გაეგოთ: მთავარი იყო, არ გამოჩინოდათ არც ერთი ასო მისი ნათქვამიდან. გაფაციცებით იწერდნენ და თან ჩუმ-ჩუმად ცნობისმოყვარე მზერას არ აშორებდნენ თავიანთი კერპის ყოველ მოძრაობას: უცებ ერთი დობილთაგანი გადაუჩურჩულებდა მეორეს:

— წარმოიდგენია, როგორ მოუხდებოდა ლურჯინწკლებიანი ჰალატები! მერე იდეალი შეიქმნეს საბაზრო ნახატებით. საეტიმენტალური და ბანალური ლექსებითა და მოდური ილუსტრაციებით. იწყეს შეყვარება მსახიობებისა, მუსიკოსებისა, გარდაცვლილი და ცოცხალი პოეტებისა და კომპოზიტორებისა, მუნე-საულისა, სამენისა, დებუსისა, დაუწყეს ყურება მათკენ მზირალ უცნობ ყმაწვილკაცებს კონცერტზე, დარბაზობაზე, ქუჩაში, და იმავე წუთს შეყვარებულად წარმოიდგენდნენ თავს — მოთხოვნილება ჰქონდათ, განუწყვეტლივ გატაცებული ყოფილიყვნენ რაღაცით, გართული ყოფილიყვნენ სიყვარულში და საბაბო ჰქონოდათ, რომ შეეყვარებინათ. ყაკლინი და სიმონა ყველაფერს ანდობდნენ ერთმანეთს — ნათელი დადასტურება იმისა, რომ გულით არაფერს გრძნობდნენ და საუკეთესო საშუალება იმისა, რომ გულში არასოდეს გაეჭაჰანებინათ ნამდვილი გრძნობა. სამაგიეროდ, მათი მდგომარეობა ქრონიკული ავადმყოფობის ხასიათს ღებულობდა, რასაც თუმცა პირველნი თვითონ დასცანოვდნენ, მაგრამ მის ბაცილას თავადვე ინერგავდნენ გულში და ახარებდნენ. გოგონები აღაგზნებდნენ ერთმანეთს. მეოცნებე და ფრთხილი სიმონა წარმოდგენების შექმნით მხოლოდ უნის იკლავდა. წრფელი და მგზნებარე ყაკლინი კი მზად იყო უფრო ხორცი შეესხა ამ წარმოდგენებისათვის. ბარე ოცქერ სულ ახლოს იყო იგი სისულელის ჩასადენად და კინაღამ ფეხი წაუცდნა... მაგრამ ოცქერვე ბეწვზე გადაარჩა. როგორც ეს ჩვეულებრივ ხდება მოზარდებში. ამ პატარა ძუ მხეცების ცხოვრებაში არის წუთები, როდესაც ისე ატყდებიან ხოლმე (თავის დროზე ეს ყველას გამოუცდია), რომ თითქოს გარდაუვალად უნდა აღმოჩნდნენ სიკვდილის ან პირველი შემხვედრის კლანჭებში. მაგრამ რაღაც ღვთის წყალობით, ყოველთვის უვნებელნი რჩებიან. ყაკლინს ათი მგზნებარე წერილი მაინც წაუჭადაბნია იმ ადამიანებისთვის მისაწერად, რომლებსაც სახით ძლივს იცნობდა: თუმცა აღარ მიუწერია. ერთადერთი აღფრთოვანებული წერილის გარდა, ხელმოუწერლად რომ გაუგზავ-

ნა ერთ უხეირო, ავყია, თავკერძა, გრძნობაგამოფიტულსა და გონებაშეზღუდულ კრიტიკოსს. იგი შეუყვარდა სამად სამი სტრიქონისათვის, სადაც ქალიშვილმა გრძნობათა მთელი საგანძური აღმოაჩინა. ჟაკლინს ახლა ცნობილ მსახიობზე შეუვარდა გული; ეს უკანასკნელი მათ მეზობლად ცხოვრობდა და ყოველთვის, როცა ჟაკლინი მისი კარის წინ გაივლიდა, გაიფიქრებდა ხოლმე:

„რა იქნება, რომ შევიდე?“

ერთხელაც, გამბედაობა მოიკრიბა და მის სართულზე ავიდა. მაგრამ როგორც კი იქ იგრძნო თავი, მყისვე უკან მოკურცხლა. რაზე ელაპარაკა მასთან? რომ არ უყვარდა, ეს კარგად იცოდა. მისი გატაცება სანახევროდ ბავშვური სიგიჟე, ნებაყოფლობითი თავის გაბრძოლება იყო, სანახევროდ კი სიყვარულის მარადიული, წარმტაცი და შეუგნებელი მოთხოვნილების გამოხატულება. ჟაკლინი საკმაოდ გონიერი ქალიშვილი იყო და არ იბნეოდა. მაგრამ ეს ხელს როდი უშლიდა სიგიჟე ჩაედინა. ხოლო გიჟი, რომელსაც შეგნებული აქვს თავისი სიგიჟე, ორმაგად გიჟია.

ჟაკლინი ხშირად დადიოდა საზოგადოებაში. მუდამ გარემოცული იყო ყმაწვილკაცებით, მის მომხიზვლელობას რომ ვერ უძლებდნენ; ბევრს გულშიაც ჩაყარდნოდა მისი სიყვარული. თავად კი არავინ უყვარდა, თუმცა ყველას ეკვლუცებოდა. აინუნშიც არ აგდებდა, რა ტკივილი შეეძლო მიეყენებინა ამით მათთვის. ლამაზი გოგონა სიყვარულს სასტიკ სათამაშოსავით უყურებს. მას სრულიად ბუნებრივად მიაჩნია ის, რომ იგი უყვართ, ვალდებულად კი მხოლოდ მის წინაშე თვლის თავს, ვინც უყვარს; ძალიანაც კარგი! იმაზეც მალლობა თქვან, რომ იგი უყვართ. მერე რა მოხდა, აი, თვითონაც აქამდე კარგად ვერ გაუგია, რა არის სიყვარული, თუმცა დღედაღამ სულ მასზე ფიქრობს. გავრცელებულია აზრი, თითქოს მალად საზოგადოებაში გაზრდილი და ცივნიავიუკარებელი ქალიშვილი უფრო ადრე ქალდებაო, ვიდრე სოფლელი გოგო; სინამდვილეში პირიქით არის. თუმცა წიგნები და საუბრები ნადრევედ ბადებენ მასში სიყვარულის აკვიატებულ სურვილს, მეტი მოცალეობის გამო ხშირად ლამის მანიად რომ ექცევა ხოლმე; ზოგჯერ ისეც ხდება, რომ ქალიშვილმა წინასწარ ზეპირად იცის მთელი პიესა, რის გამო ველარ განიცდის მას. სიყვარულში ისევე როგორც ხელოვნებაში, კი არ უნდა წაიკითხო და თუთიყუშივით იმეორე ის, რასაც სხვები ამბობენ, არამედ ის უნდა თქვა, რასაც გრძნობ; ისინი კი, ვინც ჩქარობს, რაღაც თქვას, თუმცა ჭერ სათქმელი არაფერი აქვთ, საფრთხეში იგდებენ თავს — ვერასოდეს ველარაფერი თქვან.

ჟაკლინი, მრავალი ყმაწვილი ქალის მსგავსად, ცხოვრობდა სხვების ზიერ განცდილ გრძნობათა ბუდით, რომელიც თითქოს ალაგზნებდა — განუწყვეტილივ ხელები უხურდა, ყელი უშრებოდა და თვალები ენთებოდა, მაგრამ ეს ხელს უშლიდა საკუთარი თვალთ შეეხედა საგნებისათვის. მას მიაჩნდა, რომ უკვე ყოველივე შეიცნო. კეთილი ნება მართლა არ აკლდა. კითხულობდა, უსმენდა და ბევრი რამ კიდევ გაეგო აქა-იქ ყურმოკრული საუბრებიდან, წიგნებ-

ში ამოკითხული ამბებიდან. ქალიშვილი ცდილობდა ამოეკითხა თვით საკუთარი თავი. იგი უკეთესი გახლდათ იმ გარემო წრეზე, რომელშიც უხდებოდა ცხოვრება. უფრო მართალი, უფრო გულწრფელი იყო.

მასზე ხანმოკლე, მაგრამ კეთილისმყოფელი გავლენა მოახდინა ერთმა მანდილოსანმა — ორმოცი-ორმოცდაათი წლის შინაბერა მამილამ. მართა ლანჯეს სწორნაკეთებიანი, მაგრამ დაღვრემილი და ულამაზო სახე ჰქონდა, ერთ-თავად შავები ეცვა, უაღრესი სიღინჯითა და ძუნწი მოძრაობით გამოირჩეოდა, ლაპარაკობდა ცოტას, ძლივს გასაგონი ხმით. მის ნაცრისფერ თვალთა ნათელი გამოხედვა და ნაღვლიანი პირის სათნო გაღიმება რომ არა, კაცს, ალბათ, შეუძინებელი დარჩებოდა ეს ქალი.

ძმასთან სტუმრად იმ დღეებში თუ ნახავდით, როცა ლანჯეები შინ მართონი იყვნენ. ძმა პატივისცემით ეპყრობოდა, ოღონდ ცოტა მოწყენილობას გრძნობდა დასთან. ქ-ნი ლანჯე არც უმაღლავდა ქმარს, რომ მაინცღამაინც დიდ სიამოვნებას არ ანიჭებდა მულის სტუმრობა. თუმცაღა ორივენი, ზრდილობის გულისათვის, თავს ივალდებულებდნენ, როგორც წესი, კვირაში ერთხელ სადილად მიეღოთ იგი; ამასთან, ცდილობდნენ ძალიან არ ეჩვენებინათ, რომ ეს მოვალეობა იყო. ძმა მუდამ თავის თავზე ლაპარაკობდა, რაც არასოდეს ბეზრდებოდა დას. ქ-ნი ლანჯე სხვა რალაცაზე ფიქრობდა და, ჩვეულების თანახმად იღიმებოდა, ხოლო თუ შეეკითხებოდნენ, ალალებდნენ უპასუხებდა. ყველაფერი წესისამებრ მიდიოდა, სრული თავაზიანობის ფარგლებში. ლანჯეები გრძნობების გადმოშლასაც არ იშურებდნენ, როდესაც მართა, მორიდებული რომ იყო, უფრო ადრე დაემშვიდობებოდა, ვიდრე მოელოდნენ; ხოლო ქ-ნი ლანჯეს ისედაც მოლიმარი სახე კიდევ უფრო მომხიბლავად ებადრებოდა, თუ იმ დღეს მისი გონება განსაკუთრებით სასიამოვნო მოგონებებით იყო გაართული. მართა ყველაფერს ხედავდა: თვალებს ხომ ვერ დახუჭავდა; ძმის სახლში ბევრი რამ იყო ისეთი, რაც ეჩოთიერებოდა და გულს სტკენდა, მაგრამ არათერს იმჩნევდა, რა საჭიროება მოითხოვდა? ძმა უყვარდა, ეამაყებოდა მისი ჭკუა და წარმატება ისევე, როგორც მთელ მათს ადრინდელ ოჯახს, რომელიც სულაც არ თვლიდა, რომ მეტისმეტად ბევრი ვაჭირვება გადაიტანეს, ოღონდ კი უფროსი ვაჟიშვილისათვის ბრწყინვალე კარიერა შეექმნათ. მაგრამ და ამაზე ჩუმად იყო. ძმაზე არანაკლებ ჰკვიანი, ზნეობრივად უფრო მტკიცე და, ასე გასინჯეთ, უფრო ვაჟაკურიც კი (ცოტა ქალი როდია საფრანგეთში, კაცებს რომ სჯობნიან ვაჟაკობით), მართა ნათლად ხედავდა ძმას; თუკი აზრს ჰკითხავდა, და დაუფარავად ეუბნებოდა, რასაც ფიქრობდა. სამწუხაროდ, დიდი ხანი იყო, ძმას აღარაფერი ეკითხა დისთვის! მას უფრო გონივრულად მიაჩნდა არ გაეგო, ანუ უფრო სწორად, თვალს დაეხუჭა (რადგან დაზე უკეთ იცოდა ყველაფერი). მართა ლანჯე სიამაყით თავისთვის ჩაეკტილიყო. მისი პირადი ცხოვრება არავის აწუხებდა. გარშემო მყოფნი უფრო წყნარად გრძნობდნენ თავს, არ სცოდნოდათ მისი გასაპირი. ცხოვრობდა მარტო, თითქმის არსად არ დადიოდა, ჰყავდა პატარა წრე ნაცნობ-მეგობრებისა, რომლებთანაც არცთუ ახლო

ერთიერთობა ჰქონდა. მას იოლად შეეძლო მდგომარეობა შეექმნა ქმის ურთიერთობებისა და საკუთარი ნიჭიერების წყალობით, მაგრამ არ გააკეთა ეს. პარიზის ერთ-ერთ დიდ ჟურნალში გამოაქვეყნა ორი-სამი სტატია — ისტორიულ-ლიტერატურული პორტრეტები, რომელთაც მკაცრი სტილით, სისხარტითა და მკაფიობით თავის დროზე ყურადღება მიიპყრეს. მაგრამ ამით დაკმაყოფილდა. შეეძლო აგრეთვე საგულისხმოდ მეგობრობა გაება შესანიშნავ ადამიანებთან, რომელთაც დაინტერესება გამოიჩინეს მისდამი და ალბათ თავადაც მოხარული იქნებოდა მათი გაცნობით. მაგრამ არ გადადგა საპასუხო ნაბიჯი. რამდენჯერ, წინასწარ ბილეთი აუღია თეატრში, თავის საყვარელ წარმოდგენაზე დასასწრებად და მერე აღარ წასულა; ანდა, საშუალება მისცემია ნანატრ მხარეში წასულიყო სამოგზაუროდ — და შინ დარჩენილა. მის ბუნებაში შინაგან სტოიციზმთან უცნაურად შეხამებულიყო ნევრასათუნოული უნებისყოფობა, თუმცა ეს უკანასკნელი ოდნავაც ვერ აძლიერდა გავლენას მისი აზრების სისაღზე. მისი სიტოცხლე სნებოვანი იყო, გონება — არა. ძველ ნაღველს, რომელიც მართო მან იცოდა და გულში იკლავდა, ღრმა დაღი დაესვა მისთვის. ხოლო კიდევ უფრო ღრმა და ამავე დროს გამოუცნობი იყო, — გამოუცნობი თვით მისთვისაც, — დაღი, რომელიც დაესვა ბედს; ეს იყო სენი. უკვე ხელი რომ დაერია მისთვის. მაგრამ ცოლ-ქმარი ლანჩეები მართას სახეზე ვერაფერს ამჩნევდნენ, ნათელი მზერის მეტს, და ზოგჯერ ამითაც წუხდებოდნენ.

ჟაკლინი თითქმის ყურადღებას არ აქცევდა მამიდას, სანამ უზრუნველი და ნეტარი იყო, — ასეთი კი ჟაკლინი ბავშვობისას გახლდათ. ხოლო როგორც კი შიალწია იმ ასაკს, როდესაც ყმაწვილის არსებას აფორიაქებს ხორცსა და სულში მომხდარი ცვლილებები, მომგვრელი უმადობის, ძრწოლისა და განუქარველი მწუხარებისა, ამ უაზრო და გაუსაძლისი თავბრუსხვევის ჟამს, კიდევ კარგი, დიდხანს რომ არ გრძელდება, მაგრამ გეჩვენება, ვკვდებიო, — გოგონა, რომელიც იხრჩობოდა და ვერ დაეყვირა „მიშველეთო“, დაინახა ერთადერთმა მის გვერდით მყოფთაგან — მართა მამიდამ და ხელი გაუწოდა. ოჰ, რა შორს იყვნენ ამ დროს სხვები! რა უცხონი ჩანდნენ მშობელი დედ-მამა, თავიანთი ეგოისტური სიყვარულით, მეტისმეტად კმაყოფილნი საკუთარი თავით, რომ თოთხმეტი წლის თოჯინას დაღონების მიზეზი ეკვლიათ! მამიდამ კი გამოიცილო პატარას გულის დარღები და თანაუგრძნო. სიტყვით იგი არაფერს ეუბნებოდა. უბრალოდ — უღიმოდა; ხოლო როდესაც ჟაკლინი კითხვის ნიშნად მიაშტერდებოდა, იგი თვალს მოსწყვეტდა მაგიდას და კეთილ მზერას მიაგებებდა გოგონას. ჟაკლინი გრძნობდა, რომ მამიდას ესმოდა მისი და თავშესაფარს პოულობდა მასთან. მართა ხელს უსვამდა მისწულს თავზე და უსიტყვოდ ეალერსებოდა.

გოგონა გულისნაღებს ანდობდა. როდესაც გული დაუშინდებოდა, მყისვე უფროს მეგობარს მიაშურებდა. რა დროსაც უნდა მისდგომოდა, დარწმუნებული იყო, რომ უსათუოდ შეხვდებოდა მის შემწყნარებელ თვალებს, ცოტაოდენ თა-

ვიანთ სიმშვიდეს მასაც რომ გაუზიარებდნენ. იგი არ უყვებოდა მამიდას თავის წარმოსახვით სიყვარულზე, რადგან რცხვენოდა, რამეთუ ეს ნამდვილი არ იყო. მაგრამ არ უმაღავდა თავის ბუნდოვან და ღრმა წუხილს, უფრო ნამდვილი, ერთადერთი ნამდვილი რომ იყო.

— ოჰ, მამიდა, — ამოიოხრებდა ზოგჯერ, — რომ იცოდე, როგორ მინდა ბედნიერი ვიყო!

— საბრალო გოგონავ! — ეტყოდა მართა ღიმილით.

ჟაკლინი თავს მიაღებდა მამიდას მუხლებზე, უკოცნიდა ხელებს, მას რომ ეფერებოდნენ, და თან დაჟინებით ეკითხებოდა:

— ვიქნები ბედნიერი? მითხარი, მამიდა, ბედნიერი ვიქნები?

— რა ვიცი, გენაცვალოს მამიდა. ცოტა შენზედაც არის დამოკიდებული... როცა გულით გინდა, ყოველთვის შეგიძლია ბედნიერი იყო.

ჟაკლინს ექვი ეპარებოდა.

— პირადად შენ თუ ხარ ბედნიერი?

მართა ნაღვლიანად იღიმებოდა.

— ჰო.

— არა, სერიოზულად. მართლა ბედნიერი ხარ?

— არა გჯერა თუ?

— როგორ არა. მაგრამ...

ჟაკლინს უპირდა ეთქვა.

— მაგრამ რა?

— მე მინდა ბედნიერი ვიყო, ოღონდ არა შენაირად.

— საბრალო ბავშვო! იმედია, ჩემნაირად არც იქნები, — თქვა მართამ.

— არა, — განაგრძო ჟაკლინმა და მტკიცედ გაიქნია თავი, — იმიტომ, რომ ასე მე უბრალოდ არ შემიძლია.

— თავიდან მეც ასე მეგონა, ვერ წარმოვიდგენდი, თუ შეეძლებდი. ცხოვრება ყველაფრის მასწავლებელია.

— ოჰ, მე არ მინდა ვისწავლო, — არ ცხრებოდა ჟაკლინი. — მე მინდა ბედნიერი ვიყო ისე, როგორც ეს მე მსურს.

— რომ ეკითხათ, მაინც როგორ გსურსო, ალბათ საგონებელში ჩავარდებოდი!

— მე მშვენივრად ვიცი, რაც მსურს.

მას ბეერი რამ სურდა. მაგრამ როცა საქმე მათ დასახელებაზე მიდგებოდა, ველარაფერს პოულობდა, გარდა ერთისა, მისამღერივით რომ გაისმოდა ყველაფერზე:

— უპირველეს ყოვლისა, მინდოდა ვყვარებოდი.

მართა კერავდა და ხმას არ იღებდა. ცოტა ხნის მერე შეეკითხა:

— კი მაგრამ, რას გარგებდა ეს, თუკი შენ არ გეყვარებოდა?

ჟაკლინმა შეცბუნებულმა წამოიძახა:

— რა თქმა უნდა, მამიდა, მე მხედველობაში მაქვს მხოლოდ ის, რომ მე უკვე მიყვარს! დანარჩენი მე რა მეკითხება?

— ხოლო თუ არაფერი გიყვარს?

— კარგი ერთი! ვინ არის, რომ არაფერი უყვარდეს?!

მართამ იჰენეულად გაიქნია თავი.

— არ უყვართ, — დასძინა. — მხოლოდ სურთ უყვარდეთ. სიყვარულის ნიჰი ღვთის მადლია, ყველაზე დიდი და მადალი. ილოცე ღმერთი, რომ გიბოძოს იგი.

— თუ არავის ვეყვარები?

— თუნდაც არავის უყვარდე. მით უფრო ბედნიერი იქნები.

ჟაკლინს სახე მოედუნა; მერე გამწყრალი გამომეტყველება მიიღო:

— არა, არა მსურს, — წარმოთქვა, — ამაში ვერავითარ სიამოვნებას ვერ ვხედავ.

მართამ გულკეთილად გაიცინა, შეხედა ჟაკლინს, ამოიოხრა და ისევ ხელსაქმე განაგრძო.

— საბრალო გოგონავ! — დააყოლა კიდეც.

— კარგი რა, მამიდა, რა წამდაუწუმ სულ „საბრალო, საბრალოს“ მეძახი, — იწყინა ჟაკლინმა, უკვე აღელვებულმა. — იქნებ მე ბედნიერი მინდა ვიყო!

— კიდეც მაგიტომ გეუბნები, საბრალოვ-მეთქი!

ჟაკლინი იბუტებოდა. მაგრამ დიდხანს ვერ ძლებდა. მამიდას კეთილი გაღიმება ხელად ფარ-ხმალს აყრევინებდა. კოცნიდა მამიდას, თან შუბლს კი არ იხსნიდა, ვითომ ისევ გამწყრალი იყო. ამ ასაკში შორეული სევდის წინასწარმეტყველება რაღაცნაირ იღუმალ სიამესაც კი გვგვრის გულში. შორიდან მწუხარება რაღაც პოეტური შარავანდელით იმოსება; ხოლო ყველაზე ცუდ შეგრძნებას უღიმღამო ცხოვრების პესპექტივა იწვევს.

ჟაკლინი ვერც კი ამჩნევდა, როგორ ღლითილდე უფერმკრთალდებოდა მამიდას სახე. ის კი შენიშნა, რომ მართამ უფრო და უფრო უკლო გარეთ სიარულს, მაგრამ ამას მის უცნაურობას მიაწერდნენ და დასცინოდნენ, შინაყუდა არისო. ერთი-ორჯერ, მამიდას სანახავად რომ მიდიოდა, გოგონა მისი ბინიდან გამოსულ ექიმს შეეფეთა კარებში.

— რა, ავად ხომ არა ხარ?

— არაფერია, — უპასუხა მართამ.

მაგრამ დახე, მართამ ლანყეებთან ყოველკვირეულ სადილებზეც ფეხი ამოიკვეთა. განაწყენებული ჟაკლინი თავად ეახლა, რომ კარგი საყვედურები ეთქვა მამიდასთვის.

— სიარულით ვილღები, ჩემო გოგონავ, — მშვიდად უთხრა მართამ.

ჟაკლინს გაგონებაც არ სურდა ამისი. მიზეზ-მიზეზ — დოს მარლი აკლიაო!

— დიდი დაღლაა, კვირაში ორი საათით ჩვენთან მოხვიდე! არ გიყვარვარ და მეტი არაფერი. კრუხივით შინ ჯდომე ყველაფერს გირჩენია.

მაგრამ როდესაც შინ ამაყად მოჰყვა, თუ რა მაგარ-მაგრები უთხრა მამიდას, მამამ დაუტია:

— მოეშვი იმ საწყალ მამიდაშენს! ველარ გაიგე, რომ ქალი საამქვეყნო აღარ არის?

ჟაკლინი გაფითრდა; მერე მთრთოლვარე ხმით იკითხა, რა სჭირსო მამიდას. არ ეუბნებოდნენ. ბოლოს მაინც გაიგო, რომ მართა მამიდას კუჭის კიბო ჰქონდა და შესაძლოა რამდენიმე თვეს ეცოცხლა კიდევ.

ჟაკლინი თავზარდაცემული იყო. მამიდა რომ ნახა, ცოტა დამშვიდდა. საბედნიეროდ, მართა ისე საშინლად არ გამოიყურებოდა. ისევ ისეთი წყნარი დიმილი ჰქონდა, მის გამჭვირვალე სახეზე შინაგანი შუქის ანარეკლივით რომ მოჩანდა. ჟაკლინი თავს ირწმუნებდა:

„არა, შეუძლებელია, ისინი ცდებიან. მაშ ასე მშვიდად რატომ არის?..“

იგი კვლავ იწყებდა თავის პატარა საიდუმლოებათა განდობას, ხოლო მართა კიდევ უფრო მეტი ცნობისმოყვარეობით უსმენდა, ვიდრე უწინ. ოღონდ ხანდახან შუა საუბარში წამოდგებოდა და გარეთ გადიოდა ისე, რომ არ ეგრძნობინებინა, თუ იტანჯებოდა; ოთახში მაშინდა დაბრუნდებოდა, შეტევა რომ გაუვლიდა და სახის ნაკვთები დაუწყენარდებოდა. თავის მდგომარეობას არ ახსენებდა, ცდილობდა კრინტი არ დაეძრა მასზე; ეტყობა. შიშის ჟრუანტელს ჰგვრიდა გახსენება იმ სატიკივარისა, ჯანი რომ გამოეხრა მისთვის, და ლამობდა გულიდან გადაეგდო მასზე ფიქრი, რომ შეძლებისაწებრ მშვიდად გაეტარებინა დარჩენილი თვეები. კვანძის გახსნა უფრო ადრე მზადდებოდა, ვიდრე მოელოდნენ. მალე მართამ კარი არავის გაუღო, ჟაკლინს გარდა. მერე, ძალაუვნებურად მისი მიღებაც შეიკვეცა. ბოლოს, განშორების დღეც დადგა. მართა, ლოგინში რომ იწვა, უკვე რამდენიმე კვირა საწოლს მიჯაჭვული, ამაღლეგებლად გამოემშვიდობა თავის უმცროს მეგობარს და ალერსით აღსაყვ, ნუგეშმცემელი სიტყვები გამოაყვოდა თან. მერე ჩაიკეტა, რომ მარტოდმარტოს დაელია სული.

ჟაკლინმა სასოწარკვეთილების თვეები გამოიარა. მართას სიკვდილი დაემთხვა ყველაზე მძიმე დღეებს მისი სულიერი აფორიაქებისა, რომლის წამალი ერთადერთმა მამიდამ იყო. რაღაც გამოუთქმელ მარტობაში იგრძნო თავი. იქნებ რწმენაში მაინც ეძებნა ხსნა? ამ მეოხებას თითქოს მოკლებული არ უნდა ყოფილიყო, აკი ასწავლიდნენ რელიგიური წესჩვეულებების შესრულებას; დედაც ხომ ზედმიწევნით იცავდა მათ. მაგრამ დახე საოცრებას: დედა იცავდა, მამიდა კი არ იცავდა ამ წესჩვეულებებს. შედარება ძალაუვნებურად თვალში ეცემოდა! ბავშვის თვალს არ გამოეპარება ოდნავი სიყალბეც კი, რასაც დიდები ხშირად ყურადღებას არ აქცევენ; ბავშვები ადვილად ამჩნევენ სისუსტესა და წინააღმდეგობრიობას ადამიანებში. ჟაკლინმაც შეინიშნა, რომ დედა და სხვებიც, მორწმუნეებად რომ თვლიდნენ თავს, ისევე კანკალებდნენ სიკვდილის წინაშე, თითქოს არაფერი სწამებოდათ. არა, ეს ვერაფერი შემწე გახლდათ... ამას ზედღაერთო უკვე შენაძინე პირადი გამოცდილებაც, ჯანყი, ათვალწუნება, საჩო-

თირო ჭკევა სულიერი მამისა... თუმცა მაინც განაგრძობდა წესების შესრულებას. ნაგრამ ურწმენოდ, როგორც დადიან სტუმრად მარტოოდენ ზრდილობის გულსათვის. რელიგიაც, ვით ეს საზოგადოება, ცარიელი და ყალბი ეჩვენებოდა. ერთადერთი მეოხება ისევ გარდაცვლილის მოგონება იყო, რაშიც მთელი არსებით ეხვეოდა. ბერს პოულობდა სასაყვედუროს საკუთარ თავთან მამიდას გამო, რომელსაც წინათ, თავისი ბავშვური ეგოიზმით, უყურადღებოდ ტოვებდა და დღეს ამოდ უხმობდა. იგი აიდულებდა მის სახეს; მის მიერ დატოვებული ჰემშარიტი და გულისხმიერი ცხოვრების დიდი მაგალითი აზიზლებდა საზოგადოების ყოფას, ზერელესა და ცრუს. ყველაფერში მხოლოდ ფარისევლობას ხედავდა; ეს თავაზიანი დათმობები, სხვა დროს რომ მხოლოდ გაართობდა, ახლა აღშფოთებას იწვევდა მასში. იგი იმ ავადმყოფურად მგრძნობიარე ზნეობრიობას შეეპყრო. როცა ოდნავ საჩოთირო რამ საშინელ ტანჯვას გაყენებს; სინდისი გამახვილებოდა. ჟაკლინს თვალი აეხილა მრავალ რამეზე, რაც ადრე, უზრუნველს, მხედველობიდან ეპარებოდა. ერთმა შემთხვევამ განსაკუთრებით ღრმად დაკოდა იგი შიგ გულში.

შუადღე გადასული იქნებოდა. ჟაკლინი სასტუმრო ოთახში იყო, დედასთან. ქ-ნ ლანჟეს მნახელი ეწვია — მხატვარი, იმ დროს ყველას პირზე რომ ეკერა, პეწენიკი და თავზე დიდი წარმოდგენისა, ლანჟეების სშირი სტუმარი, თუმცა არცთუ ძალიან გაშინაურებული. ჟაკლინმა იგრძნო, რომ მისი იქ ყოფნა უხერხულობას იწვევდა, მაგრამ ჯიბრით დარჩა. ქ-ნი ლანჟე ცოტა ნერვიულობდა; თავი ოდნავ უბრუოდა შაკიკის, თუ მისი საწინააღმდეგო აბისაგან, რომელსაც თანაჰედროვე ბანოვანნი წამდაუწუმ კამფეტივით აქნაწუნებენ, საბოლოოდ რომ აწყალებს მათს ისედაც პაწაწა ტვინს; ამიტომ ანგარიშს ვეღარ აძლევდა თავის სიტყვებს და საუბარში დაუფიქრებლად მიმართა სტუმარს: „საყვარელო“.

მაგრამ მყისვე ენაზე იკბინა. მხატვარმაც არ შეიმჩნია, და ორივემ გააგრძელეს დარბაისლური საუბარი. ჟაკლინი, ამ დროს ჩაის რომ ასხამდა, სახტად დარჩა და კინაღამ ფინჯანი ხელიდან გაუვარდა. უცებ წარმოიდგინა, რომ მის ზურგსუკან ისინი მრავალმნიშვნელოვნად უღიმოდნენ ერთმანეთს. შემოტრიალდა და თვალი შეასწრო მათს მიმხვედრ გამოხედვას, ერთბაშად სერიოზული გამომეტყველებით რომ შეიცვალეს. აღმოჩენამ შეაძრწუნა ჟაკლინი. მან, თავისუფლად აღზრდილმა ქალიშვილმა, სშირად რომ გაუგონია ლაპარაკი ამგვარ სანიჯნურო კავშირებზე და თვითონაც დაცივით ულაპარაკია სხვებზე, აუტანელი ტანჯვა იგრძნო როდესაც დაინახა, რომ თავისი დედა... დედიკო, არა, ეს სულ სხვა რამ იყო!... მისთვის ჩვეული გაზვიადებისადმი მიდრეკილებით, ჟაკლინი ერთი უკიდურესობიდან მეორეში გადავარდა. აქამდე ეჭვი არაფერში ეპარებოდა. ახლა ყველაფერში დაეჭვდა. დაჟინებით ცდილობდა დედის აღრინდელ საქციელში უმნიშვნელო წვრილმანებიდანაც სამხილი გამოეჩხრიკებოდა, ქ-ნ ლანჟეს მსუბუქი ყოფაქცევა საკმარისზე მეტ საფუძველს იძლე-

ოდა ვარაუდებისათვის, მაგრამ ყაქლინი უფრო ბერავდა მათ. ქალიშვილმა სურვილი იგრძნო, მამისკენ გადახრილიყო; აკი მუდამაც უფრო ახლოს იყო მასთან, და უფრო მეტად იზიდავდა მისი ჭკუა-გონება. მოუხდა უფრო ძლიერ შეეყვარებინა მამა, სიბრალული ეგრძნო მისდამი. მაგრამ ლანჯეს, ჩანს, სულაც არ სჭირდებოდა, რომ ვინმეს შეებრალეზინა იგი; და ქალიშვილის აღზნებული წარმოსახვა განიმსჭვალა კვლავ ეჭვით, — კიდევ უფრო საშინელით, ვიდრე პირველი იყო — რომ მამამ ყველაფერი იცოდა, მაგრამ ამჯობინებდა, არაფერი სცოდნოდა, ოღონდ კი თვითონ თავის ნებაზე მიეშვათ და დანარჩენი სულერთი იყო მისთვის.

მაშინ ყაქლინმა იგრძნო, რომ განწირული იყო. შშობლების ათვალწუნება არც გაუბედავს. ისინი უყვარდა. მაგრამ აქ ცხოვრება აღარ შეეძლო. ველარც სიმონა ადანთან მეგობრობაში ჰპოვა შემწეობა. ყაქლინი გულცივად სჯიდა თავისი ძველი დობილის სუსტ მხარეებს. იგი არც საკუთარ თავს ინდობდა: გული ეტანჯებოდა, როდესაც თავის თავს სიყალბესა და ზერელობაში დაიჭერდა და განწირულივით ეჭიდებოდა მართა მამიდას ხსოვნას. მაგრამ მოგონებაც მქრქალდებოდა და გრძნობდა, რომ დღეთა დაუსრულებელი ნაკადი წარხოცდა მასაც და წაშლიდა მის ნაკვალევს. მაშინ კი, მაშინ მართლა ყველაფერი დამთავრდებოდა; თვითონაც სხვებივით ჩაეფლობოდა ყოველდღიურობის ჭაობში... ოჰ, რადაც უნდა დაუჭდეს, უნდა დააღწიოს თავი ამ სანაგავადობას! „მიშველეთ! მიშველეთ!...“

ამ ავადმყოფური უმწეობის, მგზნებარე გულაცრუებისა და მესიანური ლოდინის ყამს, ხელები რომ გაეწვდინა უცნობი მაცხოვრისადმი, ყაქლინი ოლივიეს შეხვდა. ქ-ნმა ლანჯემ არ დააყოვნა შინ მოეწვია კრისტოფი, ამ ზამთარს მოღად რომ ქცეულიყო. კრისტოფი მოვიდა და, თავისი ჩვეულების თანახმად, არ გარჯილა საკუთარი ავლადიდება ეჩვენებინა. მიუხედავად ამისა, ქ-ნი ლანჯე მაინც მოიხიზლა კომპაზიტორით: სანამ მოღაში იყო, ყველაფერი ნებადართული ჰქონდა და სულ მომხიზვლელი იქნებოდა; ეს კი რამდენიმე თვეს გასტანდა. ყაქლინი მაინცდამაინც არ დაფეთებულა კრისტოფზე; მარტო ის ფაქტი, რომ მას ვილაცხებ აქებ-ადიდებდნენ, უნდობლობას აღუძრავდა გულში. ამას გარდა, კრისტოფის სიმკვახლე, ზმამალა ლაპარაკის ჩვევა და გულმხიარულებაც ეჩოთირებოდა. მის სულსკვეთებას სიმხიარულე ერთობ ტლანქი ეჩვენებოდა; იგი ნაღველნარევი ბინდით მოცულ სულს ელტვოდა და თავს ირწმუნებდა, რომ მაინცდამაინც ეს უყვარდა. კრისტოფში კი მეტისმეტად ნათელი დღე იდგა. მაგრამ ყაქლინთან გასაუბრებისას კრისტოფმა უცებ ოლივიეზე ჩამოაგდო სიტყვა; მოთხოვნილება ჰქონდა, მეგობარი თანამოხიარედ გაეხადა ყველაფერში, როცა საქმე სიამოვნებას ეხებოდა. ეტყობა, ისე ენაწყლიანად ილაპარაკა მასზე, რომ ყაქლინმა, თავისი სულის ორეულის წარმოდგენით აღელვებულმა, ოლივიეც

დაპატივებინა. ეს უკანასკნელი ერთი დაპატივებით როდი გაჰყვა; ამან საშუალება მისცა კრისტოფსა და ჟაკლინს ბოლომდე არხეინად დაემთავრებინათ წარმოდგენით დახატული სურათი, და როდესაც, ბოლოს, ოლივიემ გაბედა და მოვიდა, ჟაკლინს უკვე ეპვი აღარ ეპარებოდა, რომ იგი მის გონებაში შექმნილი სურათის ცოცხალი ხატება იყო.

მოვიდა, მაგრამ თითქმის ხმა არ ამოუღია. ან კი რაში სჭირდებოდა ხმა ამოეღო. მის ჰკვიან თვალებს, ღიმმორევას, დახეწვილ მოძრაობასა და ღრმა სიმშვიდეს, სხევისაც რომ ასხივებდა და თავის საბურველში ხვევდა, ისედაც დაეტყუებებინა ჟაკლინი. კრისტოფთან კონტრასტი კიდევ უტრო თვალსაჩინოს ხდოდა ოლივიეს ღირსებას. თუმცა ჟაკლინს არაფერი გამოუმჟღავნებია, უნებლიე შიშს ჰგვრიდა გრძნობა, რომელიც ისახებოდა მასში; კვლავინდებურად საუბრობდა მხოლოდ კრისტოფთან, მაგრამ ოლივიეზე. კრისტოფი ისე გაეხარებინა მეგობარზე საუბარს, რომ ველარ შეამჩნია, რა სიამოვნებას ჰგვრიდა ეს თემა ჟაკლინს. გერმანელი თავის თავზეც ლაპარაკობდა და ქალიშვილი ხათრით კი უსმენდა, მაგრამ სრულიად უგულისყუროდ და შეუმჩნეველად გადაჰქონდა საუბარი მისი ცხოვრების იმ მონაკვეთზე, სადაც ოლივიეც მონაწილეობდა.

ჟაკლინის ამგვარი გულითადობა სახიფათო იყო ისეთი მიმნდობი ადამიანისათვის, როგორც კრისტოფი გახლდათ. თვითონაც ვერ შენიშნა, როგორ გაიტაცა ქალიშვილმა; მათთან სიარული ეხალისებოდა, წასვლის წინ საგულდაგულოდ იკაზმებოდა და კარგად ნაცნობი განცდა საამო მოთენთილობისა კვლავ ერეოდა ყოველ მის ფიქრს. ოლივიესაც მოსდებოდა ტრფობის ალი პირველი დღიდანვე, მაგრამ ეგონა, ვერ მამჩნევნო და უჩუმრად იწვოდა. კრისტოფი ცეცხლზე ნავთს უსხამდა მეგობარს, როდესაც შინისაკენ მიმავალი მხიარულად უკენჰავდა მას ჟაკლინთან თავის ნალაპარაკევს. ოლივიეს აზრადაც არ მოუვიდოდა, თუ შეიძლებოდა, რომ ჟაკლინს იგი მოსწონებოდა. თუმცა კრისტოფთან ამდენი ხნის ცხოვრებას მეტი ოპტიმიზმი შეეძინა მისთვის, საკუთარი თავის რწმენა ჰერ კიდევ არ გააჩნდა; თავის თავს მეტისმეტად ფხიზელი თვალით უყურებდა და ვერ დაეჭვებინა, თუ ოდესმე ვინმეს შეუყვარდებოდა, — თუმცა ვის შეეძლო უფრო დარწმუნებული ყოფილიყო ამაში, ეს რომ პირად ღირსებაზე ეკიდოს და არა ახირებულ სურვილზე ბრმა და ყოვლისშემნდობი სიყვარულისა?

ერთ საღამოს, ლანყებთან დაპატივებული რომ იყვნენ, ოლივიემ იფიქრა, ჟაკლინის უყურადღებობა გულს მომიკლავსო, ამიტომ დადლილობა მოიმიზეზა და კრისტოფს უთხრა, მარტო წადიო. კრისტოფი, რომელსაც ეპვი არაფერზე აუღია, სიხარულით წავიდა. თავისი გულუბრყვილო ეგოიზმით, იგი წინდაწინვე ტყებოდა, რომ ჟაკლინთან მარტო დარჩებოდა. მაგრამ სიხარული ნაადრევი გამოდგა. როცა შეიტყო, რომ ოლივიე არ მოვიდოდა, ჟაკლინი მოილუშა, გუნება წაუხდა და ყურები ჩამოყარა; არავითარი სურვილი აღარ ჰქონდა მოსწონებოდა კრისტოფს, არ უსმენდა და კითხვებზე ალაღბედლად უპასუხებ-

და; კრისტოფმა დაინახა, როგორ აიფარა ქალიშვილმა პირზე ხელი, რომ მოწყენისაგან მოქნარება შეეკავებინა და ჭაბუკს საბოლოოდ გული გაუტყდა. ჟაკლინი ტირილის გუნებაზე იყო. უცებ შუა წვეულებაზე სადღაც გაქრა და აღარ გამოჩენილა.

კრისტოფი გაწბილებული წამოვიდა. გზაში სულ ცდილობდა ამოეხსნა ეს უეცარი ცვლილება და ბევრჯერ კიდევ მიუახლოვდა ქეშმარიტებას. შინ ოლივიე ელოდა და მოჩვენებითი განურჩევლობით ჰკითხა, სადამო ხომ კარგად გაატარეო. კრისტოფმა უაშბო, როგორ პირში ჩალა გამოაელო ჟაკლინმა და არ გამოჰპარვია, რომ ამაზე ოლივიეს სახე გაებადრა.

— აკი დაღლილი იყავი! რატომ არ დაწოლილხარ? — ჰკითხა კრისტოფმა.

— გამიარა, — მიუგო ოლივიემ, — უკვე კარგად გავხდი.

— ნამდვილად იმან გიმველა, სადამოზე რომ არ წამოხვედი, — უთხრა დამცინავად კრისტოფმა.

ოლივიეს ეშმაკური ალერსით გადახედა და თავის ოთახში გავიდა; იქ კი, მარტო დარჩენილს სიცილი წასკდა და უხმოდ კუჭკუჭებდა, ვიდრე ცრემლები არ მოერია:

„მაცდური! — ამბობდა თავისთვის, — როგორ უნდოდა გავეცურებინე! ეს ვაუბატონიც რომ მატყუებდა! კარგად კი იკატუნებდნენ თავს!“

იმ წუთიდან კრისტოფმა გულიდან ამოიგდო ყოველგვარი პირადი ფიქრი ჟაკლინზე და, როგორც კარგი კრუხი, ეკვიანად რომ დასტრიალებს თავის გამოსაჩქეკვერცხებს, ისე დაჰკანკალებდა ორი ნორჩი შეყვარებულის მიჭნურობას. არც ერთისათვის არ უგრძნობინებია, რომ იცოდა მათი საიდუმლო, ერთის გულისნადები მეორისთვის არ გაუმხელია, ისე დაეხმარა ორივეს ურთიერთსიყვარულში, თუმცა ვერც ჟაკლინი მიხვდა ამას და ვერც ოლივიე.

მან თავის წმიდა მოვალეობად ჩათვალა, შეესწავლა ჟაკლინის ხასიათი, რათა გამოეცნო, იქნებოდა თუ არა ოლივიე მასთან ბედნიერი. მაგრამ, თავისი მოუქნელობის გამო, ისეთ კადნიერ შეკითხვებს უსვამდა ქალიშვილს გემოვნებისა თუ ზნეობის სხვადასხვა საკითხზე, რომ მხოლოდ აღიზიანებდა ჟაკლინს.

„აი, მეტიჩარა! რას ეჩრება ჩემს გრძნობებში?“ — ფიქრობდა გაჯავრებული ჟაკლინი და ზურგს აქცევდა.

ოლივიეს სახე უბრწყინდებოდა, როცა ხედავდა, ჟაკლინი ყურადღებას აღარ აქცევდა კრისტოფს. კრისტოფსაც უბრწყინდებოდა სახე, როცა ხედავდა, ოლივიე ბედნიერი იყო. ამასთან, იგი უფრო ხმაურით გამოხატავდა თავის სიხარულს, ვიდრე ოლივიე. ნეტა, ამას რაღა ახარებსო, ფიქრობდა ჟაკლინი, რომელსაც გუმანი ვერ აედო, თუ კრისტოფი თვით მასზე ნათლად ჰვრეტდა მათს სიყვარულს, ამიტომ აუტანელი ეჩვენებოდა გერმანელი და ვერ გაეგო, რა ჰქონდა სამეგობრო ოლივიეს ასეთ უკმეხ და აბეზარ ადამიანთან. კეთილი კრისტოფი ხვდებოდა ამას და ეშმაკური ცელქობით განზრახ აღიზიანებდა ჟაკლინს; მერე

განზე გადგებოდა, სამუშაოს მოიძიებდა და უარს ამბობდა ლანჩეებთან წასვლაზე, რომ შეყვარებულებისათვის ხელი არ შეეშალა.

თუმცადა მომავალზე ფიქრი გულდამშვიდების საფუძველს არ აძლევდა. კრისტოფე პასუხისმგებლად თვლიდა საკუთარ თავს ამ ქორწინებისათვის, უკვე კარზე რომ მომდგარიყო. და იტანჯებოდა, რადგან ნათლად ხედავდა ჟაკლინს და ბევრი რამ აშინებდა მასში: უპირველეს ყოვლისა, მისი სიმდიდრე, აღზრდა, წრე, განსაკუთრებით კი, — მისი სისუსტე. იგი ძველ ნაცნობ კოლეტს აგონებდა. თუმცა, რა თქმა უნდა, ჟაკლინი უფრო მართალი, უფრო წრფელი და გულით გატაცებული იყო; ამ პატარა არსებაში მგზნებარე ლტოლვა, თითქმის გამირული სურვილი იგრძნობოდა, მძიმე ცხოვრების უღელი გაეწია...

„მაგრამ მარტო სურვილი როდი კმარა“, — ფიქრობდა კრისტოფე და სულმნათ დიდროს მოსწრებული ნათქვამი ახსენდებოდა: „მაგარი ჭანი გინდა.“

უნდოდა გაეფრთხილებინა ოლივიე მოსალოდნელი საშიშროების გამო. მაგრამ როდესაც ჟაკლინისაგან დაბრუნებული მეგობრის გაბრწყინებულ თვალებს შეხედავდა, გამბედაობა აღარ ჰყოფნიდა. ფიქრობდა:

„საბრალო ბავშვები ბედნიერნი არიან. ნუ დავურღვევთ ნეტარებას!“

ნელ-ნელა, მეგობრის სიყვარულით, კრისტოფემაც გაიზიარა ოლივიეს ცრუ იმედები. გული დაიმშვიდა და ბოლოს დაიჯერა, რომ ჟაკლინი სწორედ ისეთი იყო, როგორსაც ოლივიე ხედავდა და როგორიც თვით ჟაკლინს სურდა ყოფილიყო. სურვილით კი, ჟაკლინს მართლა სურდა! მას უყვარდა ოლივიე სწორედ იმიტომ, რომ იგი არ ჰგავდა მას და მისი წრის აღამიანებს: ღარიბი იყო, არ ღალატობდა ზნეობრივ მრწამსს და თავს ვერ იჩენდა საზოგადოებაში. ისეთი წმინდა, ისეთი ყოვლისმომცველი სიყვარულით უყვარდა, რომ ნატრობდა, თვითონაც მისებრ ღარიბი ყოფილიყო, ხანდახან თვით... დიან, ხანდახან სურვილი ჰქონდა მახინჯიც კი გამხდარიყო, რათა უფრო მეტად ერწმუნა, რომ უყვარდათ ისე, მარტოდღენ სიყვარულის გულისათვის, რომლითაც აღვისილი ჰქონდა გული, სიყვარულსვე მოწყურებული... ოჰ, რარიგ ფითრდებოდა და მთელი სხეულით ცახცახებდა ზოგჯერ, როდესაც მის წინაშე იდგა! იგი ლამობდა დაეცინა თავისივე მულღვარებისათვის, თავს აჩვენებდა, ვითომ სხვა რამით იყო გართული და ვერ ამჩნევდა ოლივიეს: დამცინავად ლაპარაკობდა. მაგრამ უცებ სიტყვას შეუაზე გაწყვეტდა, თავის ოთახში გაეარდებოდა, კარს ჩაიკეტავდა, ფანჯრებზე ფარდებს ჩამოუშვებდა და იჯდა უძრავად, მუხლები მიეტყუებინა, იდაყვები ნუტელზე მიეპჯინა, ხელები გულზე დაეკრიფა და ცდილობდა გულისცემაც შეეკავებინა; დიდხანს განაგრძობდა ასე ყოფნას, მოკრუნჩხული და სულგანაბული, ვერ ბედავდა განძრეულიყო, ვაითუ ოდნავი ფაჩუნით ბედნიერების განცდა დაეფრთხო. და სიჩუმეში გულში იხუტებდა სიყვარულს.

ახლა უკვე კრისტოფიც შეეპყრო ოლივიეს წარმატების ჟინს. მშობლიური მზრუნველობით დასტრიალებდა მეგობარს, აკვრდებოდა მის ჩაცმულობას, ჩემულობდა, რჩევა-დარიგებები მიეცა ოლივიესათვის, თუ როგორი კოსტიუმი

მოუხდებოდა და ჰალსტუხსაც კი უკვანძავდა (ნეტა გენახათ, როგორ!). ოლივიე მოთმინებით ჰყვებოდა მის სურვილს, ხოლო როდესაც კიბეზე თავს დაიმართოხლებდა, ჰალსტუხს ხელახლა იკრავდა. იღიმებოდა, გულში კი აღელვებული იყო ამ დიდი მეგობრობით. თუმცა რცხვენოდა სიყვარულზე ლაპარაკისა, მაგრამ საკუთარ თავში დარწმუნებული ვერ იყო და ამიტომ ხშირად უყვებოდა კრისტოფს ყაკლინთან შეხვედრებზე და რჩევას ეკითხებოდა. კრისტოფსაც გულთან მიჰქონდა მისი გაჭირვება და საათობით, ზოგჯერ მთელი ღამეც კი, თავს იმტკრევდა, რომ რამენაირად მეგობარს გზა გაეკაფა სიყვარულში.

საუბარი ოლივიესა და ყაკლინს შორის, რომელმაც გადაწყვიტა მათი მომავალი, შედგა ლანჩეების აგარაკის ბაღში, პარიზის მახლობლად, ილ-ადანის ტყის შემოგარენში რომ მღებარეობდა.

ოლივიეს კრისტოფიც წამოეყვანა. მაგრამ მან იქ ფისპარმონი ნახა, დასაკრავად მიუჯდა და შეყვარებულები ერთმანეთს დაანება. მათ კი, მართალი რომ ითქვას, სულაც არ სურდათ ეს: ეშინოდათ, ერთმანეთთან მარტო დარჩენილიყვნენ. ყაკლინს პირზე კლიტე დაედო და ამრეხილი ჩანდა. უკვე წინა შეხვედრაზე ოლივიემ ცვლილება შეატყო ქცევაში, უეცარი გაციება იგრძნო; მისი გამოხედვა რალაც უცხო, მკაცრი და თითქოს მტრულიც მოეჩვენა. ამან შეაკრთო ოლივიე. ველარ ბედავდა, გულისნადები გაემქდავენებინა ქალიშვილისათვის: შიშისაგან ძრწოდა, ვაითუ საყვარელი არსებისაგან უღმობელი უარი მიეღო. ოლივიე კანკალმა აიტანა, როდესაც იგრძნო, კრისტოფი გვერდით აღარ ჰყავდა; თითქოს მარტო მეგობრის ყოფნას შეეძლო აეცდინა მისთვის გარდაუვალი დარტყმა.

ყაკლინს გული არ აუყრია ოლივიეზე. პირიქით, უფრო მეტად უყვარდა იგი. კიდევ ამას განეწყო ასე მტრულად. ის სიყვარული, ადრე ასე რომ ენატრებოდა და შორიდან ელაციებოდა, უკვე აქ იყო, მის წინაშე; თითქოს მის ფეხქვეშ პირი დაედო უფსკრულს, შემინებული უკან გახტომას ლამობდა და გაოგნებული ჩასციებოდა თავს:

„მინც რატომ? რისი გულისათვის? რას ნიშნავს ეს?“

მერე ოლივიეს მიაპყრობდა კითხვის გამომხატველ მზერას, ტანჯვით რომ მსჭვალავდა ჭბბუქს, და გულში ფიქრობდა:

„ვინ არის ეს კაცი?“

არ იცოდა.

„მაშ რატომ მიყვარს იგი?“

არ იცოდა.

„მიყვარს კი?“

არც ეს იცოდა... არაფერი არ იცოდა, გარდა ერთისა: რომ სიყვარულს შეეპყრო და დაეტყვევებინა; გრძნობდა, საცაა ჩაინთქმებოდა მასში, ჩაინთქმებოდა მთელი არსებით... მისი ნებისყოფა, დამოუკიდებლობა, თავმოყვარეობა, მო-

მავლის ოცნებები უკვე ხახაში ჰქონდა ამ ურჩხულს. და ქალიშვილს ბრაზი ერეოდა, რომ ვერ უძალიანდებოდა, ზოგჯერ ლამის სიძულვილით გამსჭვალულიყო ოლივიესადმი.

ბალი ჩათავეს და ბოსტანში შევიდნენ, მდებლობებისგან მაღალი ხეების რიგი რომ ყოფდა. ნელი ნაბიჯით მიუყვებოდნენ ბილიკებს, მოცხარის წითელი და ქარვისფერი კუნწულებით დახუნძლულ ბუჩქებსა და მარწყვის ჩამწკრივებულ კვლებს შორის, სურნელით რომ ავსებდნენ ჰაერს. ივნისი იდგა, მაგრამ ხშირ ავდრებს აეგრილებინა. მოღუშული დღე იყო, ცა ჩამოჟამულიყო; დაბლა ჩამოწოლილ ღრუბლებს, ერთად შეგროვილნი მძიმედ რომ მიიზღაზნებოდნენ, სადღაც ერეკებოდა ქარი. თუმცა მაღალ ფენებში მძვინვარე ქარის ქროლა დედამიწაზე ვერ აღწევდა: ფოთოლიც არ იძვროდა ხეზე. უსაზღვრო სევდას მოეცვა მთელი ბუნება, და შეყვარებულთა გულებიც. ამ დროს, ბალის სიღრმიდან, უხილავი სახლის გამოღებული ფანჯრებიდან მოისმა ფისპარმონის ჰანგები: იოჰან სებასტიან ბახის მი-ბემოლ-მინორული ფუგა კენესოდა. შეყვარებულები ჰის ნაპირას გვერდი-გვერდ ჩამოსხდნენ, ფერმკრთალნი და მღუშარენი. უცებ ოლივიემ დაინახა, ცრემლები მოგორავდა ჟაკლინის ლოყებზე.

— ტირიხართ? — წასჩურჩულა ვაჟმა მთრთოლვარე ტუჩებით.

და ცრემლებმა ითქრიალა მისი თვალებიდანაც.

ქალიშვილს ხელი მოჰკიდა. მან მხარზე დაადო ოლივიეს ქერა თავი. აღარ ცდილობდა წინააღმდეგობა გაეწია, უკვე დანებებულიყო; მაგრამ რა შეეზავა გრძნობდა!... უსმენდნენ მუსიკას და ორივენი ტიროდნენ ჩუმად, შუყუყუღნი მძიმე ღრუბლების ბუნებრივი ბალდახინის ქვეშ, ნელა რომ ირწეოდა; ღრუბლები მღუშარედ მიცურავდნენ მათ თავზე, ისე დაბლა დაშვებულნი, რომ ლამის ეხებოდნენ მაღალი ხეების კენწეროებს. ორივეს ფიქრები მოეცვა იმ მწუხარებას, რომელიც მოესწროთ ეწვინათ და — ვინ უწყის? — იქნებ იმასაც, მომავალში რომ მოელოდათ კიდევ. არის წუთები, როდესაც მუსიკა ხსნის მთელი სევდის ბადეს, ბედისწერას რომ მოუქსელავს ადამიანური არსების გარშემო...



ცოტა ხნის შემდეგ ჟაკლინმა თვალები შეიმშრალა, შეხედა ოლივიეს და — უცებ მოეხვივნენ ერთმანეთს. ო, გამოუთქმელო ბედნიერება! უზენაესო ნეტარება, ისე ტკბილი და ღრმა ხარ, რომ ტკივილს იწვევს!...

ჟაკლინმა ჰკითხა:

— თქვენი და ძალიან გავადათ, არა?

ოლივიეს გააყრჟოლა.

— რაზე გაგახსენდათ? — უთხრა. — იცნობდით მას?

მან უპასუხა:

— კრისტოფი მომიყვა... ძალიან განიცადეთ?

ოლივიემ თავი დახარა, მღელვარებისაგან ველარაფერი უპასუხა.

— მეც ძალზე განვიცადე, — თქვა ჟაკლინმა.

და უამბო დაკარგული მეგობრის — საყვარელი მართა მამიდას შესახებ; მერე გულისტკივილით დასძინა, იმდენი ცრემლი ვღვარე, კინალამ ტირილით მოვკვდიო.

— ხომ დამეხმარებით? — განაგრძო უცებ მუდარით. — ხომ დამეხმარებით ვიცოცხლო და ვიყო ისე კარგი, ცოტათი მაინც ვგავდე მას? საბრალო მართა, თქვენც ხომ გეყვარებათ იგი?

— ჩვენ გეყვარება ორივენი, როგორც მათ უყვართ ერთმანეთი.

— ნეტავი ჩვენთან ამყოფა ისინი!

— ისინი ჩვენთან არიან.

შეყვარებულები ისხდნენ ერთმანეთს მიხუტებულნი და ესმოდათ, როგორ ძგერდა მათი გულები. წამოუჩინელა. ჟაკლინს გააქანკალა.

— დაებრუნდეთ, — თქვა მან.

ხეების ქვეშ თითქმის უკვე დაღამებულიყო. ოლივიემ აკოცა ჟაკლინს სველ კულულებზე; მან თავი გადახარა ვაჟისკენ და ოლივიემ პირველად იგრძნო თავის ტუჩებზე საყვარელი ტუჩების შეხება, — პატარა გოგონას მხურვალე და ოდნავ დამსკდარი ტუჩებისა. ორივეს თავბრუ დაეხვა.

სახსს რომ მიაღდგნენ, კიდევ შეჩერდნენ.

— რარიგ მარტონი ვიყავით აქამდე! — წარმოთქვა ოლივიემ.

კრისტოფი უკვე დავიწყებოდათ.

უცებ გაახსენდათ იგი. მუსიკა დაღუმებულიყო. შინ შევიდნენ. კრისტოფი ფისპარმონს დაყრდნობოდა და თავი ხელებში ჩაერგო; ისიც წარსულის ფიქრებს წაელა. კარის გაღების ხმაურზე გამოერკვია და მიაპყრო მათ თავისი სათნო სახე, დაფიქრებული და ნაზი ღიმილით გაცისკროვნებული. კრისტოფმა მათ თვალებში ამოიკითხა, რაც მოხდა, ორივეს ჩამოართვა ხელი და უთხრა:

— ჩამოსხედით, დაგიკრავთ რამეს.

ისინი დასხდნენ; კრისტოფმა ააყდერა საკრავი და მის ჰანგებში მთელი თავისი გულისნადები გადაუშალა — უსაზღვრო სიყვარული მათდამი. დაკერა რომ დაამთავრა, ერთხანს სამივენი ხმაამოუღებლივ ისხდნენ. მერე კრისტოფი წამოდგა და შეხედა შეყვარებულებს. რა სიკეთე გამოსჭვიოდა მის გამომეტყველებებში, რარიგ უფროსი და ძლიერი ჩანდა მათზე! ჟაკლინმა პირველად შეიძინო ნამდვილი კრისტოფი. იგი გადაეხედა ორივეს, მერე ჟაკლინს უთხრა:

— ხომ გულით გეყვარებათ ოლივიე? ხომ გულით გეყვარებათ ერთმანეთი?

შეყვარებულები მადლიერების გრძნობით განიმსჭვალნენ. უცებ კრისტოფმა სხვა რამეზე გადაიტანა სიტყვა, გაიცინა, ფანჯარასთან მივიდა და ბაღში გადახტა.

მას შემდეგ ყოველდღე აგულანებდა ოლივიეს, ჟაკლინის მშობლებისათვის ქალიშვილის ხელი ეთხოვა. ოლივიე ვერ ბედავდა, ემინოდა, რომ უარს მიიღებდა. კრისტოფი უყიენებდა აგრეთვე, სასწრაფოდ რაიმე სამსახური გამოძებნო: ვინცობაა სასაღებრომ და სასიმამრომ თანხმობა მოგეცენ, ჟაკლინის სიმდიდრეს როგორ მიიღებ, თუ ლუკმაპურის შოვნა თვითონაც არ შეგეძლებაო. ოლივიე საერთოდ ეთანხმებოდა, ოღონდ არ იზიარებდა მის სასაცილომდე გაზვიადებულ შიშს, თითქოს სათაქილო იყო მდიდარ ქალზე ქორწინება. კრისტოფს თავში ჩაეჭვდა აზრი, სიმდიდრე კლავსო სულს. იგი სიამოვნებით გაიმეორებდა ერთი მათხოვარი ბრძენის სიტყვებს, ამ უკანასკნელმა საიქიო ცხოვრებაზე შეწყუბებულ მდიდარ მოცილილ ბანოვანს რომ მიუგო:

„რა, ქალბატონო, მილიონებიც გნებავთ და სულიც უკვდავი გინდათ გქონდეთ?“

— ერთე ქალს, — ეუბნებოდა იგი ოლივიეს ნახევრად ხუმრობით, ნახევრად გულთ, — ერთე საერთოდ ქალს, მდიდარ ქალზე ხომ ლაპარაკიც შედგებოდა. ქალს შესაძლოა უყვარდეს ხელოვნება, მაგრამ იგი კლავს ხელოვანს. მდიდარი ქალი კი შხაპავს ერთსაც და მეორესაც. სიმდიდრე სენია, ხოლო ქალი უფრო ძნელად იტანს მას, ვიდრე კაცი. მდიდარი ქალიცა და კაციც არასრულყოფილი არსებაა... ცინი, არა? ესე იგი, დამცინი. ტყუილს ვამბობ? განა შეუძლია მდიდარს შეიყნოს ცხოვრება? განა ეჭახება იგი პირადად მკაცრ სინამდვილეს? იგი ხომ ვერასოდეს იგრძნობს თავისით გაპირვების ნამდვილ გემოს, ოფლით ნაშოვნი ლუკმის მადლს, საკუთარი ხელით გადაბრუნებული მიწის სუნს? განა ძალუძს მას გაიგოს, უბრალოდ ხილული თვალთ დაინახოს საგნები და ადამიანები?... მაისოვს. ჩემს ბაღობაში, ერთი-ორჯერ დიდი ჰერცოგის ლანდოთი გამაჰეირნებს. ეტლი მიჭროდა მდელოებს შორის, სადაც თითოეულ ბალახის ღეროს ვიცნობდი, ვალეებში, სადაც ყოველი კუნუული ფეხით მქონდა შემორბენილი მარტოკას და ვეთაყვანებოდი. ეტლიდან კი რა, ველარაფერი ვიხილე! ყველა ეს ლაღი ბუნების ცოცხალი სურათები ისეთ გაჭგიმულ და გატყლარკულ ლანდებად იქცნენ ჩემს თვალში, როგორც ის ყეყეჩები, მე რომ მასეირნებდნენ. მობიბინე მდელობრასადმი ჩემს გულს მარტო ამ არსთა არაბუნებრივი გატყლარკულობა როდეს აგრძობდა. საამისოდ ისიც კმაროდა, რომ ვგრძნობდი, ფეხები მეღდა რაღაც მოძრავ ფიცარნაგზე, მიწას რომ მოვეწყვიტე. მე კი, დედამიწა ღედა რომ შემეგრძნო, ფეხები მის საშოში უნდა მქონოდა ჩაყოფილი, ვითარცა ახალშობილს. პირველად თავს რომ გამოყოფს დღის სინათლეზე. სიმდიდრე წაუეეტს იმ ბუნებრივ ჭაჭეს, რომელიც ადამიანს მიწასთან აკავშირებს და ერთმანეთთან აახლოებს ყველა მიწის შვილთ. უამისოდ კი როგორ გინდა ხელოვანობა გასწიო? ხელოვანი მიწის ყიფლია. მდიდარი ვერ იქნება დიდი ხელოვანი. ასეთ არანელსაყრელ პირობებში ხელოვანმა რომ იხაროს, მას ათასჯერ უფრო მეტი გენიალობა დასჭირდებოდა. როცა იხაროს და მოიწიოს, ეს მიანიც საბურში დამწიფებული ხილი იქნება. გოეთე რომ ვოეთეა, მის სულსაც მო-

დუნებულობის საგრძნობი კვალი აჩნევია; მას არ ჰყოფნის შინაგანი გაღიზიანების უნარი, სიმდიდრეს რომ დაუშრეტია მასში. შენ კი გოეთეს სიკაჟე არ გააჩნია და ადვილად მოგერევა სიმდიდრე, განსაკუთრებით კი მდიდარი ცოლი,—გოეთემ ამას მაინც დააღწია თავი. მამაკაცს მარტოს კიდევ ძალუმს გაუმკლავდეს ამ ჰირს. მას იცავს ბუნებრივი უხეში ძალა, გამძლე და ჯანსაღი ინსტიქტები, რომლებიც მას მიწასთან აბამენ. დედაკაცი კი მყის ავადდება ამ სენით და გადასდებს მას სხვებსაც. იგი სიამოვნებით ძლებს სიმდიდრის სუნამოპკურებულ სიმყარაღმში. ქალი, რომელიც ფუფუნებაში ცხოვრობს და ჯანსაღ სულს ინარჩუნებს, სასწაულია, ისეთივე სასწაული. როგორც მილიონერი—გენიოსი... ესეც არ იყოს, არ მიყვარს ურჩხულები. ვინაც ამაზე მეტს იხვეჭს, რაც მას საარსებოდ სჭირდება, ურჩხულია, ადამიანთა საზოგადოების კიბოა, სხვა ადამიანებს რომ ზრავს.

ოლივიე იცინოდა:

— რა ექნა, მე მაინც ვერ ამოვიღებ გულიდან ჟაკლინს იმის გამო, რომ ღარიბი არ არის, ვერც ვაიძულებ, გინდა თუ არა, ღარიბი გახდი-მეთქი ჩემი სიყვარულის გულისათვის.

— ჰოდა, უკეთუ არ ძალგძს უშველო მას, შენს თავს მაინც უშველე! ამით მასაც იხსნი. შეინარჩუნე სიწმინდე. იღვაწე.

ოლივიე იმათ არ ეკუთვნოდა, ვისაც სჭირდებოდა კრისტოფისაგან ნამუსში ჩაგდება. ზნეობის საკითხებში იგი მეგობარზე უფრო გულაზიბი იყო. არა, კრისტოფის მახვილგონიერულ გამოხლომებს ფულის წინააღმდეგ სერიოზულად კი არ ღებულობდა, — ერთ დროს ოლივიეც მდიდარი იყო, სიმდიდრე სულაც არ ეზიზღებოდა და თვლიდა, რომ იგი ფრიად შევენოდა ჟაკლინის სახეს. მაგრამ ვერ აეტანა ის აზრი, რომ მისი სიყვარულის გამო ანგარებაზე ფიქრი გაეელოთ გულში. მან განცხადებით მიმართა განათლების უწყებაში ჩარიცხვის შესახებ. ჯერჯერობით მხოლოდ პროვინციული ლიცეუმის მასწავლებლის მოკრძალებული თანამდებობის იმედი შეეძლო ჰქონოდა. ეს კი ვერაფერი საქორწინო საჩუქარი გახლდათ ჟაკლინისათვის. საქმრომ გაუბედავად შეაპარა სიტყვა ამის თაობაზე. თავიდან ჟაკლინმა ადვილად როდი მიიღო მისი არგუმენტები: ეს უზრალო თავმოყვარეობის ლიტინია, რაშიც კრისტოფის ხელი ურევიაო, ამიტომ სასაცილოდ ჩათვალა ასეთი დაწვრილმანება; განა ბუნებრივი არ არისო, ვინც გიყვარს, მასთან ერთად გაიყო ჰირიცა და ლზინიც, და ხომ მეშჩანობაა, უარი უთხრა საყვარელ არსებას ალალი გულით მოძღვნილ სიკეთეზე, თუკი ეს სიხარულს ანიჭებს მას?... მიუხედავად ამისა, ბოლოს მაინც მხარი დაუჭირა ოლივიეს განზრახვას: უზრალო მასწავლებლის ცოლის პერსპექტივაში მას სწორედ მისი უღიმღამო და მოსაწყენი მხარე იზიდავდა, რადგან შესაძლებლობა მიეცემოდა, ზნეობრივი გმირობის ყინი დაეკმაყოფილებინა. თავისი წრისადმი ამაყი ამბოხის სულსიკვეთებას, რაც გამოწვეული იყო მამიდაზე დამგლოვიარებით და კიდევ უფრო გაძლიერებულყო სიყვარულის ალის მოდებით, — იქამდე მიეყვა-

ნა ქალიშვილი, რომ მან უარყო ყველაფერი, რაც კი მის სულში ამ თავგანწირვის მისტიკურ ალტყინებას ეწინააღმდეგებოდა; იგი დაძაბულიყო მთელი თავისი არსებით, როგორც მოზიდული მშვილდი, და ილტვოდა სპეტაკი და ძნელი ცხოვრებით გასხივონებული ბედნიერების მაღალი იდეალისაკენ... დაბრკოლებანი, მომავალი ყოფის უღიმღამობა — ყოველივე ეს მხოლოდ სიხარულის აღმაფრენას ბადებდა მასში. ოჰ, რა კარგი იქნება ეს!...

ქ-ნი ლანყე მეტისმეტად გართული იყო საკუთარი თავით, რომ ყურადღება მიექცია, რა ხდებოდა გარშემო. ბოლო ხანებში იგი მხოლოდ და მხოლოდ თავის ჯანმრთელობაზე იყო გადაგებული; მთელ დროს აკვიატებულ ავადმყოფობითა მკურნალობაში ხარჯავდა, ერთ ექიმს რომ მოიწყენდა, ახლა სხვას აიჩემებდა; თითოეული თავის რიგით მაცხოვარად წარმოედგინა, მაგრამ ორ კვირაში მოიმწვანებებდა და მეორის ჯერი დგებოდა. მთელი თვეობით ოჯახის გარეთ, სამკურნალო სახლებში იჯდა, რაც არცთუ იაფი ჯდებოდა, და უადრესი გულმოდგინებით ასრულებდა ექიმის ყოველ უმნიშვნელო მითითებას. ქმარ-შვილი ვილას ახსოვდა.

ბ-ნი ლანყე შედარებით უფრო ყურადღებიანი იყო და უკვე რაღაცაზე გუმანი აედო. მამობრივ ეგვიანობას ფხიზელი გაეხადა იგი. ჟაკლინი ისეთი იდუმალი სიყვარულით უყვარდა, როგორსაც გრძნობენ გულში მამები თავიანთი ქალიშვილების მიმართ, თუმც ვერ გაუცხადებიათ; ეს გახლავთ გამოუცნობი, მძაფრი და მოწიწებული ცნობისმოყვარეობა გამოწვეული იმ არსებით, რომელიც შენი უმცროსი ორეულია, შენი სისხლი და ხორცი, ოღონდ ქალად დაბადებული. ადამიანის გულის კუნჭულებში ბევრი ამისთანა ბნელ-ნათელი გრძნობა იმალება, რომლებიც ზოგჯერ უმჯობესია არ გავაშიშვლოთ. აქამდე ბ-ნი ლანყეს არ თობდა ის, რომ მისი ქალიშვილი გონებას ურევდა თავის ტოლ ჰაბუკებს: მას მოსწონდა კიდევ, რომ ჟაკლინი კეკლუცი და არშიყი იყო, მაგრამ ამავე დროს კეთილგონიერი (როგორც თვითონ გახლდათ). ხოლო როდესაც შეატყო, რომ საქმეს სერიოზულად შეტრიალების საფრთხე ემუქრებოდა, მამა შემფოთებამ შეიპყრო. მან ჯერ დაცინვა დაუწყო ოლივიეს ჟაკლინის წინაშე, მერე უღმობელ კილვაზე გადავიდა. ერთხელ ამაზე ჟაკლინმა გაიცინა და უთხრა:

— მამიკო, ასე აუგად ნუ ახსენებ ოლივიეს, თორემ ერთიკ ვნახოთ მასზე გათხოვება გადაწყვიტო, თვალბში როგორღა უნდა შეხედო.

ლანყემ შეიცხადა: გაგიჟებულხარო. ჟაკლინს ესღა აკლდა, რომ მართლა გაგიჟებულიყო! ლანყემ განაცხადა: ოლივიეზე არ გათხოვდებიო. ჟაკლინმა განაცხადა: ოლივიეზე ვთხოვდებიო. სიმართლემ თავი გამოყო. მამა მიხვდა, რომ მას ბუზადაც არ აგდებდნენ. მისი მამობრივი ეგოიზმი შელახული აღმოჩნდა. ლანყემ დაიფიცა, ოლივიე და კრისტოფი ვეღარ გაქაჰანდებიან ჩემს სახლშიო. ამან გააცოფა ჟაკლინი, და ერთ მშვენიერ დღით, ოლივიემ კარი გააღო თუ არა, ოთახში შურდულივით შემოიჭრა ქალიშვილი, სახეზე ფერი რომ აღარ ედო, და არც აცია, არც აცხელა, უთხრა:

— მომიტაცეთ! მშობლებს არ სურთ, მე მსურს. სახელი გამიტეხეთ!

ოლივიე შეკრთა, მაგრამ გული აუჩუყდა და შედაგება ველარ სცადა. კიდეც კარგი, კრისტოფი შინ იყო. ჩვეულებრივ, დიდი წინდახედულებით არ გამოირჩეოდა, მაგრამ აქ მათ შეგონება დაუწყო: გააფრთხილა, ისეთი აყალმყალი ატყდება, ბოლოს თქვენვე იცემთ თავში ხელსო. ჟაკლინმა სიბრაზით ტუჩზე იკბინა და დასძინა:

— მაშინ თავებს დავიხოცავთ და ის იქნება.

ამან არა თუ შეაშინა ოლივიე, პირიქით, გადაწყვეტილება მიაღებინა. კრისტოფმა რის ვაი-ვაგლახით დაითანხმა ორი სულწასული, რომ ცოტა მოეთმინათ; სანამ ამ თავგანწირულ საშუალებას მიმართავდეთ, მოდით, ყველა ხერხი მოვსინჯოთო: ჟაკლინი შინ დაბრუნდეს, ხოლო ბ-ნ ლანჯეს თავად ვეახლები და თქვენი საქმის დაცვას ვიცისრებო.

უცნაური ვეჭილი! როგორც კი კრისტოფმა თავისი მისიის გაცნობა დაუწყო, ბ-ნმა ლანჯემ დააპირა დაუყოვნებლივ გარეთ მიებრძანებინა, მაგრამ სიტუაციის სასაცილოობამ უბიძგა ბოლომდე მოესმინა და თავი შეექცია. მიუხედავად ამისა, შუამავლის სერიოზულობამ, პატიოსნებამ, დამაჯერებლობამ ნელ-ნელა თავისი გაიტანეს; თუმცა ლანჯე ჯერ კიდევ ჯიუტობდა და მჭირდავ შენიშვნებს ბურთივით სჩრიდა პირში. კრისტოფი ცდილობდა ყური მოეყრებინა; მხოლოდ ზოგიერთ, განსაკუთრებით გესლიან დაცივნაზე წუთით შეჩერდებოდა და უხმოდ აიფაფრებოდა, მერე ისევ განაგრძობდა ლაპარაკს. ერთ მომენტში მუშტი მომუტა, მაგიდაზე რამდენჯერმე დაჰკრა და ლანჯეს უთხრა:

— გთხოვთ გაითვალისწინოთ, რომ მე აქ სახუმაროდ არ მოვსულვარ; მე თავს ძალას ვატან, უყურადღებოდ დავტოვო ზოგიერთი თქვენი უადგილო გამოთქმა, რადგან მოვალეობას ვგრძნობ, გელაპარაკოთ საქმეზე. ნუ შემეხებით პირადად — მე არაფერი მეხება, და აწონ-დაწონეთ რასაც გეუბნებით.

ბ-ნმა ლანჯემ ყური დაუგდო, და როცა ჟაკლინის თვითმკვლევლობის განზრახვა შეიტყო, მხრები აიჩეჩა და ნაძალადევად გაიცინა; მაგრამ, ჩანს, ამან შეაფიქრინა: მეტისმეტად ჰკვიანი იყო, რომ ამგვარი მუქარა ხუმრობად მიეღო; იცოდა, რომ შეყვარებული ქალიშვილის უგუნურება ანგარიშგასაწვევი გახლდათ. ოდესღაც ერთ-ერთმა მისმა საყვარელმა, განებივრებულ კისკისა ქალად რომ იცნობდა და ვერ წარმოედგინა, თუ ასეთი დაქადნების შესრულება შეეძლო, რევოლვერი დაიხალა ზედ მის თვალწინ; სული უცებ არ დაუღვია, საწყალი წვალობდა სიკვდილის წინ. ლანჯეს გაახსენდა ის საშინელი სცენა... არა, ამ დამთხვეული არსებებისაგან ყველაფერი მოსალოდნელია. გული შეეკუმშა... „ის უნდა? დე, ასე იყოს, თვითონვე ამოიკრავს ცხვირში, სულელი!“ რასაკვირველია, მამას შეეძლო დაბლომატობა ეხმარა, ვითომ თანახმა იყო, დრო მოეგო და წყნარად ჩამოეცლებინა ჟაკლინი ოლივიესათვის. მაგრამ ამას ხომ გარჯა დასჭირდებოდა; მას კი ეს არ შეეძლო, ან ეზარებოდა. ესეც არ იყო, ლანჯე სუს-

ტი ნებისყოფისა გახლდათ და გულში ხინჯად ჰქონდა, რომ ასე პრინციპულად მოიქცა, ამიტომ მზად იყო, ჟაკლინისთვის გადაჭრით ნათქვამი „არა“ „ჰო“-თი შეეცვალა. ბოლოს და ბოლოს, რას გაიგებ ამ ცხოვრებისას? იქნებ ეს გოგო მართალია. მთავარია, ერთმანეთი უყვარდეთ. ბ-ნმა ლანკემ ისიც იცოდა, რომ ოლივიე ფუქსავატი ბიჭი არ იყო, მგონი, ნიჭიც არ აკლდა... ადგა და თანხმობა მისცა.

ქორწინების წინა ღამეს კრისტოფმა და ოლივიემ გვიანობამდე იფხიზლეს: არ უნდოდათ დაეკარგათ დარჩენილი წუთები თავიანთი ერთად ცხოვრებისა, საცაა წარსულად რომ გადაიქცეოდა. დიახ, იგი უკვე წარსული იყო. ეს იმ მოსაწყენ გამომშვიდობებას ჰგავდა, ვაგზლის ბაქანზე, მატარებლის გასვლის წინ გაჰიანურებულ ვაცილებას რომ ახლავს ხოლმე: ერთად არიან, ერთმანეთს უყურობენ, თითქოს საუბრობენ კიდევ, გული კი სხვაგან აქვთ, მგზავრი უკვე გზაშია... კრისტოფმა სცადა საუბარი წამოეწყო, მაგრამ უცებ ოლივიეს გაფანტული მხერა შენიშნა და სიტყვა შუაზე გაწყვიტა; მერე ღიმილით დასძინა:

— ეჰ, შენ უკვე შორსა ხარ!

ოლივიე დაიბნა, უნდოდა თავი ემართლებინა. დაღონდა, რომ მეგობართან ერთად ყოფნის ამ უკანასკნელ წუთებში უნებლიეთ სხვა რამეზე გაექცა ფიქრი. კრისტოფმა ხელზე ხელი მოუჭირა:

— კარგი, თავს ძალას ნუ ატან. მოხარული ვარ. იოცნებე, ჩემო კარგო.

მეგობრები ფანჯარასთან იდგნენ, ერთმანეთის გვერდით იდაყვდაყრდნობილნი, და წყვილიაში ჩაძირულ ბაღს გაჰყურებდნენ. ცოტა ხნის შემდეგ კრისტოფი მიუბრუნდა ოლივიეს:

— მაშ, გამირბიხარ? გგონია, თავს უშველი? შენი ფიქრი ჟაკლინთან არის. მაგრამ მაინც დაგიქერ. მეც მასზე ვფიქრობ.

— ჩემო კარგო კრისტოფ, — უთხრა ოლივიემ, — მე კი შენზე ვფიქრობდი, თუმცა...

ენა დაება.

კრისტოფმა გაიცინა და მისი სათქმელი დაასრულა:

— თუმცა ეს არც ისე იოლი იყო ჩემთვის!..

კრისტოფი გაღამაზდა და გამოიბრანჭა კიდევ საქორწილოდ. არც რელიგიური ცერემონიალისადმი გულგრილად განწყობილმა ოლივიემ და არც ამ ცერემონიალის წინააღმდეგ ამხედრებულმა ჟაკლინმა არ მოისურვეს, რომ ჯვარი ეკლესიაში დაეწერათ. კრისტოფს საგანგებოდ სიმფონიური პიესა დაეწერა მერიიაში შესასრულებლად, მაგრამ ხელი აიღო განზრახვაზე ბოლო მომენტში, როცა გონების თვლით განჰვიტა, თუ რა უაზრო წესჩვეულებას წარმოადგენდა სამოქალაქო ჯვრისწერა. ასეთი რამ რომ იწამო, ერთსა და იმავე დროს რწმენასაც მოკლებული უნდა იყო და გონებრივ თავისუფლებასაც. თუ ჰეშმარიტი კათოლიკე ირჩება, თავისუფლად მოაზროვნე გახდეს, ამას იმიტომ როდი სჩადის, რომ სახელმწიფო მოხელე მღვდლად გაიხადოს. ღმერთსა და თავისუფალსინ-

დისს შორის ადგილი არა აქვს არავითარ სახელმწიფო რელიგიას. სახელმწიფო რეგისტრაციაში ატარებს, შეუღლება კი მის კომპეტენციაში არ შედის.

ოლივიესა და ჟაკლინის ქორწილის შემდეგ კრისტოფს არ უნანია თავისი გადაწყვეტილება. ოლივიე გულგრილი და დამცინავი გამომეტყველებით უსმენდა მერის დაზეპირებულ კეთილ სურვილებს, ახლგაზრდა წყვილის, მდიდარი მშობლებისა და წარჩინებული მოწაფეების წინაშე რომ პირმოთნობდა. ჟაკლინი კი ყურს არ უგდებდა, სხეების მალულად ენას უყოფდა სიმონა ადანს, რომელიც თვალს არ აშორებდა პატარძალს: მას სანაძლეო ჰქონდა დადებული დობილთან, რომ „ჯვარისწერის დროს წარბიც არ შემიტოკდებაო“ და უკვე ცხადი იყო, მოგება მას დარჩებოდა; თითქოს არც კი გაეთვითცნობიერებინა, რომ თხოვდებოდა, ეს აზრი როგორღაც აცილებდა. სხვა მექორწილენი, უფრო წარჩინებულნი, ცდილობდნენ თავი მოეწონებინათ საზოგადოების რიგითი წევრებისათვის, რომლებიც, თავის მხრივ, მათ ცქერად გადაქცეულიყვნენ. ბ-ნი ლანჟე სტუმრებს ათვალთვლებდა: თუმცა გულწრფელად უყვარდა ქალიშვილი, მაგრამ მთავარი ყურადღება იქით ჰქონდა მიპყრობილი, თუ სასურველ სტუმართაგან რომელი ეწვია და ხომ არავინ გამოჩნა დასაპატივებელთა სიაში. მარტო კრისტოფი არ იყო გულგრილი უშუალოდ ჯვარისწერისადმი; ერთადერთი ის განიცდიდა ნეფე-დედოფლის, მათი ნათესავ-ახლობლებისა და მერის მაგივრად. იგი თვალს არ აშორებდა ოლივიეს; მას კი ერთხელაც არ მიუხედავს მეგობრებისაყენ.

საღამოს ახალდაქორწინებულნი იტალიაში სამოგზაუროდ წავიდნენ. კრისტოფმა და ბ-ნმა ლანჟემ სადგურში გააცილეს ოლივიე და ჟაკლინი. რაკივ გამხიარულებულიყვნენ! რა უდარდელად იყვნენ და ველარ მალავდნენ მოუთმენლობას, რომ მალე დაძრულიყო მატარებელი! ოლივიეს ბიჭის გამომეტყველება ჰქონდა, ჟაკლინიც პატარა გოგონას ჰგავდა.

რადაც ნაზი სევდის აღმძვრელია ეს გაცილება! მამა დაღონებული უყურებდა, როგორ მიჰყავდა მისი გოგოცუნა ვილაც უტხო კაცს — რა უფლების ძალით! — სამუდამოდ რომ აშორებდა მშობლიურ კერას!.. მათ კი მოპოვებული თავისუფლების დამათრობელი განცდა დაუფლებიათ მხოლოდ: აღარ არსებობს დაბრკოლება ცხოვრებაში, ველარაფერი გაჩერებს, გეჩვენება, მწვერვალზე ახგედი; ახლა შეგიძლია მოკვდე, უკვე ყველაფერი მოიპოვე, აღარაფრისა გეშინია... მერედა რწმუნდები, რომ ეს მხოლოდ ერთ-ერთი საფეხური ყოფილა. გზა მიდიოდა უფრო შორს, მალლა-მალლა, და ცოტა ვინმე თუ აღწევდა შემდეგ საფეხურამდე...

მატარებელმა ღამის სიბნელეში გააუჩინარა ისინი. კრისტოფი და ბ-ნი ლანჟე ერთად დაბრუნდნენ სადგურიდან. გზაში კრისტოფმა ეშმაკური ხუმრობით უთხრა:

— დაქვივრით ორივენი!

ბ-ნმა ლანჟემ გაიცინა. ერთმანეთს დაემშვიდობდნენ და თავ-თავისი გზით

წავიდნენ. ნაღველი შემოსწოლოდა ორივეს გულს. მაგრამ ეს უფრო საამო ნაღველს ჰგავდა. ოთახში მარტოდ დარჩენილი კრისტოფი ფიქრობდა:

„ჩემი თავის უკეთესი ნახევარი ბედნიერია.“

ოლივიეს ოთახი ხელუხლებლად დარჩა. მეგობრებმა დათქვეს, რომ ოლივიეს დაბრუნებამდე და ახალ ბინაში გადასვლამდე მისი ავეჯეული და პირადი ნივთები კრისტოფთან დარჩებოდა. ჭერჭერობით ოლივიე ისევ აქ ეგულებოდა. კრისტოფი დააცქერდა ანტუანეტას სურათს, თავის მაგიდაზე დაიდგა და ჰკითხა: — კმაყოფილი ხარ, ძვირფასო?

ხშირად, უფრო სწორად, წარამარა სწერდა ოლივიეს. მისგან ნაკლებად დებულობდა წერილებს, უგულსისყურო და თანდათან დაშორებული რომ ეჩვენებოდნენ აღრინდელი სულისკვეთებისაგან. კრისტოფი იმედგაცრუებას გრძნობდა; მაგრამ თავს ირწმუნებდა, რომ ეს ასე უნდა ყოფილიყო და ექვს არ ივლებდა გულში, რომ მომავალი მათ მეგობრობას ვერას დააკლებდა.

მარტობა როდი უწყალებდა გულს. პირიქით, გული ჰქონდა გაწყალბებული ზედმეტი ურთიერთობებით. „გრან ჟურნალის“ მფარველობა უკვე შემაწუხებელი ხდებოდა მისთვის. არსენ გამაშს მიდრეკილება ჰქონდა ერწმუნა, რომ სრული ბატონ-პატრონი გახლდათ გენიოსებისა, რომელთა აღმოსაჩენად თვითონ გაისარჯა: ბუნებრივად ეჩვენებოდა, რომ მათი ღიდება საკუთარი ავტორიტეტისათვის შემოეერთებინა, როგორც ლუი XIV-მ თავისი ტახტის გარშემო შემოიკრიბა მოლიერი, ლებრენი და ლიული. კრისტოფი ხედავდა, რომ მისი იმპერატორული უდიდებულესობა — ავტორი ნაწარმოებისა „ჰომნი ეგირისადმი“ უფრო მეტად როდი ებლანდებოდა ფეხებში ხელოვნებას, ვიდრე ეს „გრან ჟურნალიდან“ მოვლენილი მისი მფარველი, რადგან ჟურნალისტი, იმპერატორზე უვიცი რომ იყო, იმპერატორზე მეტ კატეგორიულობას იჩენდა ხელოვნების მიმართ: თუ რამ ოდნავ თვალში არ მოუვიდოდა, მის არსებობას შეუწყნარებლად თვლიდა — უვარგისად და მავნედ აცხადებდა და, საზოგადოების სარგებლიანობისათვის, მის გაუქმებას მოითხოვდა. სასაცილო და საშიშნელ სანახაობას წარმოადგენს, როდესაც გაგრია საქმოსნები, კულტურისა რომ არაფერი სცხიათ, ფულსა და პრესას დაუფლებულნი, იჩემებენ, თავისი აზრი გაამეფონ არა მარტო პოლიტიკაზე, არამედ სულიერ ცხოვრებაზეც, ხელოვანს კი მიუგდონ ძაღლის ხუხულა, რკინის საყელო და სალაფავი, ხოლო თუ უარს გაბედავს, შეუძლიათ მიუქსიონ მას ათასობით რეგენი, ამ საქმოსნებს თავიანთ ერთგულ ხროვად რომ უქცევიათ! მაგრამ კრისტოფი იმათ არ ეკუთვნოდა, ვისაც მათი დატუქსვისა ეშინოდა. მას ძალზე ეხამუშა, რომ ვიღაც უბირმა თავს ნება მისცა ეკარანახა მისთვის, რა უნდა ეკეთებინა მუსიკაში, და მიახვედრა, ხელოვნება პოლიტიკაზე უფრო საფუძვლიან მომზადებას მოითხოვსო. მან აგრეთვე, სრულიად უბოდიშოდ ხელები გაასავსავა, მუსიკა დაეწერა გაზეთის ერთ-ერთი პირველი მსახურის უხეირო ლიბრეტოზე, რეკომენდაციას თვით

მფარველი რომ უწევდა. ამაჲ პირველი ბზარი გააჩინა მასა და გამაჲს შორის.

კრისტოფს მაინცდამაინც გული არ დასწყვეტია. როგორც კი უჩინარობის ბინდბუნდიდან გამოაღწია, მყისვე მოუნდა უკან დაბრუნებულიყო. მან თავი იგრძნო იმ „დღის სინათლეზე, სადაც ყველას თვალწინ კაცი თავის თავს კარგავს და სხვებში ითქვიფება“. მეტისმეტად ბევრ ვინმეს მოეცალა მისთვის. კრისტოფი გოეთეს სიტყვებს უფიქრდებოდა:

„როგორც კი შემოქმედი ყურადღებას მიიპყრობს რაიმე ღირსშესანიშნავი ნაწარმოებით, საზოგადოება ყოველნაირად ცდილობს ხელი შეუშალოს მას, შექმნას მეორე ასეთი... ნიჭს არ აცლიან თავის თავთან განმარტოვდეს, რადგან ყოველი ვარაუდობს, მიითვისოს მასში რაღაც ნაწილი“.

კარი ჩაიკეტა და კვლავ ზოგიერთ ძველ ნეგობარს დაუახლოვდა. მოინახულა ცოლ-ქმარი არნოები, რომლებთანაც კაი ხანია აღარ შეეველო. ქ-ნ არნოს, დღის ნაწილს მარტობაში რომ ატარებდა, საკმაო დრო ჰქონდა სხვების გულში ჩაეხედა. იგი მიხვდა, რა საცარეელის განცდა გამოიწვია კრისტოფში ოლივიეს წასვლამ, ამიტომ მორცხვობა დაძლია და სადილზე დაპატიჟა მეზობელი. რომ გაეხედა, შესთავაზებდა, დროადადრო ამოგხედავ და ბინას დაგილაგებო, მაგრამ სითამამე არ ეყო; ამით არა დაშავებულა რა — კრისტოფს არ უყვარდა ვინმე დაესაქმებინა. სადილზე კი მივიდა, და ამის შემდეგ წესად გაიხადა, ყოველ საღამოს არნოებთან შეეველო ხოლმე.

უშვილო ცოლ-ქმარი ისევ ისე თანხმობით ცხოვრობდნენ, იმავე ურთიერთშემებრალე აღერსიანობის ატმოსფეროში, ოღონდ უწინდელზე უფრო მოწყყენილებს ჰგავდნენ. ბ-ნი არნო ამხანად გულგატეხილობას შეეპყრო, რაც გამოწვეული იყო მასწავლებლის გამაბეზრებელი საქმიანობით — ამ მომქანცველი ერთფეროვნებით, ყოველდღე გუშინდელი რომ მეორდება და დაუსრულებლივ ერთი და იმავეს კეთება გიზდება, როგორც ერთ ადგილას მბრუნავ ბორბალს, რომელიც არც არასოდეს ჩერდება და არც არასოდეს წინ მიდის. მიუხედავად მოთმინების უნარისა, ეს პატიოსანი კაცი უკვე ლამის სწაოწარკვეთილებაში ჩავარდნილიყო. მას მეტისმეტად გულთან მიჰქონდა ცხოვრების ზოგიერთი უსამართლობა, ხოლო თავისი საქმისადმი თავის შეწირვა ამაო ეჩვენებოდა. ქ-ნი არნო ამხნევებდა ქმარს თბილი სიტყვით; მას ისევ ისე მშვიდად ექირა თავი, მაგრამ აშკარად უხალისოდ გამოიყურებოდა. კრისტოფი ქალის თანდასწრებით ულოცავდა არნოს, რა ბედნიერი ხართ, რომ ასეთი კეთილგონიერი მეუღლე გყავთო.

— ჰო, — უპასუხებდა არნო, — ჰკვიანია, რა უპირს — არაფერი აღელვებს. ბედნიერი ეგ არის. ამ მხრივ კი მეც ბედი მქონია: ცხოვრების ვარამს ეგეც ჩემსავით გულში რომ იტრიალებდეს, მაშინ მართლა რაღა მეშველებოდა.

ქ-ნი არნო წითლდებოდა და დუმდა. მერე თავისი ღინჯი ხმით სხვა რამეზე გადაჰქონდა საუბარი. კრისტოფის სტუმრობა, როგორც ყოველთვის, სულ

ზე მისწრება იყო მათთვის. თავის მხრივ, კრიტოფსაც გულს უთბობდა ამ მხურვალე ადამიანებთან მუსაიფი.

კრისტოფს კიდევ სხვა მეგობარი ქალი გაუჩნდა. უფრო სწორად, თვითონ გაიჩინა: ქალს თუმცა ძალიანაც ეწადა კრისტოფის გაცნობა, მაგრამ არაფრის გულისათვის არ გადადგამდა პირველ ნაბიჯს. ეს გახლდათ ოცდახუთი წლის ქალიშვილი, მუსიკოსი, წარჩინებით დაემთავრებინა კონსერვატორია ფორტეპიანოს კლასით; სესილ ფლერი ერქვა. ტანად დაბალი და ერთობ ჩასკენილი იყო, სახეზე ხშირი წარბები ეყარა, ღიღრონი, ლამაზი თვალები გამოხედვისას უწყლიანდებოდა, მოკლე და ფართო, ოდნავ წვერაპრენილი მოწითალო ცხვირი იხვის ნისკარტს მიუგავდა, ტუჩები სქელი, სათნო და ნაზი ჰქონდა, ნიკაპი ენერგიული, მტკიცე და მოუხეშავი, შუბლი არცთუ მაღალი, მაგრამ ფართო, თმა კეფაზე მსხვილ მორგავად დახვეული, მკლავები ღონიერი, ხელები ზედგამოჭრილი პიანისტისა — მსხვილი მტევნებით, ბოლოკუთხოვანი თითებითა და დაშორებული ცერით. მთელი მისი გარეგნობა ტლანქი სიცოცხლისუნარიანობისა და სოფლური სიჯანსაღის შთაბეჭდილებას ტოვებდა. ცხოვრობდა იგი დედასთან, რომელსაც თავს ევლებოდა. ამ სათნო მოხუცს სრულებით არ აინტერესებდა მუსიკა, მაგრამ სულ მასზე ესმოდა ლაპარაკი, ამიტომ ისიც მუსიკაზე ლაპარაკობდა და იცოდა ყველაფერი, რაც კი მუსიკალურ სამყაროში ხდებოდა. სესილი მოკრძალებულ ცხოვრებას ეწეოდა, მთელ დღეს გაკვეთილებს ატარებდა. ხანდახან კი კონცერტებსაც მართავდა. ყოველთვის დღემილით რომ ხვდებოდნენ. შინ გვიან ბრუნდებოდა, ფეხით ან ომნიბუსით, დაქანცული, მაგრამ მზნე გუნებაზე; არხეინად უკრავდა თავის ფორტეპიანოს, თავისი ხელით იკრავდა ქუდებს, ლაპარაკობდა ხალისით, იცინოდა გულიანად და მღეროდა თავისი სიამოვნებისათვის.

ცხოვრებას არ გაენებოვრებინა იგი. სესილმა იცოდა ფასი საკუთარი შრომით მოპოვებული მცირე კეთილდღეობისა, შეეძლო გახარება პაწია სიამოვნებით, იმ ძლივს შესამჩნევი წარმატებით, თავისთვის რომ აღწევდა ცხოვრებასა და შემოქმედებაში. დიან. თუ იგი თუნდაც ოცი ფრანკით მეტს გამოიმუშავებდა ამ თვეში წინა თვესთან შედარებით, ანდა ბოლოს და ბოლოს გამოთვლიდოდა შოპენის პასაკი, რომელსაც არ ეშვებოდა რამდენიმე კვირის მანძილზე; — იგი უკვე კმაყოფილი იყო. მისი სამუშაო, არც ისე მძიმე, ზედგამოჭრილი იყო მისი შესაძლებლობისათვის და ამხნევებდა კიდევ მას, როგორც სასარგებლო ფიზიკური ვარჯიში. დაკვრა, მღერა, გაკვეთილების ჩატარება, კმაყოფილების მომნიჭებელი, ნორმალური და უწყვეტი საქმიანობის სასიამოვნო განცდას ჰგვირდნენ და ამავე დროს უზრუნველყოფდნენ მის საშუალო შეძლებასა და წყნარ წარმატებას. ჰქონდა ჩინებული მადა, კარგად ჰამდა, კარგად ეძინა და არასოდეს უჩიოდა ავადმყოფობას.

სალი აზრის, ქუთადაძედარი, უპრეტენზიო და სავსებით მშვიდი გონების პატრონი, სესილი თავს არ იტანჯავდა ტყუილუმბრალოდ — ცხოვრობდა დღე-

ვანდელი წუთით და არ წუნდა იმაზე. რაც უკვე მოხდა ან შემდგომში შეიძლება მომხდარიყო. რაკი ჭანმრთელად იყო და მის ცხოვრებას თითქოს არსაიდან ემუქრებოდა ბედის მოულოდნელი თავდასხმა, იგი თითქმის მუდამ ბედნიერად გრძნობდა თავს. მას ესიაშოვნებოდა ფორტეპიანოზე ვარჯიში, ისევე როგორც ოჯახში ფუსფუსი, საოჯახო საქმეებზე საუბარი, ანდა უბრალოდ, არაფრის კეთება. იგი ცხოვრობდა არა დღევანდელი დღით (პირიქით, მომპირნე და წინდახედული იყო), არამედ შეეძლო ეცხოვრა ყოველი მოცემული წუთით. არაკეთარი მძალი იდეალები არ აწვალებდნენ მის გონებას; ერთადერთი მისი იდეალი. — თუ მას იდეალი შეიძლება დაეარქვათ, — იყო ყოველდღიური და ყოფითი, რომელიც უსიტყვოდ მელავნებოდა ყოველ მის მოქმედებაში, ყოველ მის აზრში და ემყარებოდა იმას, რომ მშვიდი სიყვარულით უყუარდა ყველაფერი, რასაც აკეთებდა, რაც უნდა ეკეთებინა. კვირაობით ეკლესიაში დადიოდა, მაგრამ რელიგიურ გრძნობას თათქმის არავითარი აღვლი არ სჭერია მის ცხოვრებაში. სესილს ალტაცებას ჰგვრიდნენ კრისტოფის მსგავსი ზეშთაგონებული ადამიანები, რომელთაც რაღაც რწმენა ან გენია აწვალდებოდა; თუმცა სულაც არ შურდა მათი: რას აქნევდა მათს შინაგან მოუსვენრობასა და მათს გენიას?

მაშ, როგორა ახერხებდა, მათი მუსიკა ეგრძნო? ამის ახსნა თავად მასაც გაუჭირდებოდა, ოღონდ ნამდვილად იცოდა, რომ გრძნობდა. სესილის უპირატესობა სხვა შემსრულებლებზე მის ძლიერ ხორციელ და სულიერ წონასწორობაში დებულბოდა სათავეს; სიცოცხლის ეს სისავსე, თუ ამ დროს მიძინებულა პირადი განცდები, ნაყოფიერ ნიადაგს წარმოადგენს სხვისი განცდების გასაფურჩქნავად. სხვის განცდებს გადმოსცემდა, თვითონ კი აღუშფოთველი რჩებოდა. ამ მძაფრ ვნებათაღელვას, რომელსაც ესოდენი ტანჯვა მიეყენებინა შემოქმედისათვის, იგი ამეტყველებდა მთელი ძალით, ისე რომ თვითონ არ იწამლებოდა მისი ბალღამით; დაკვრისას შეიგრძნობდა მხოლოდ შინაგან ძალას, და საამო დაღლილობას—დაკვრის შემდეგ. ადგებოდა ოფლში გაწურული და ღონეგამოლეული და მშვიდად იღიმებოდა კმაყოფილების ნიშნად.

კრისტოფი, სესილს რომ მოუსმინა ერთ საღამოს, გაოცებული დარჩა მისი დაკვრით; კონცერტის შემდეგ მივიდა და ხელი ჩამოართვა. ქალიშვილს ეამა ასეთი ყურადღება — კონცერტს ცოტა ხალხი ესწრებოდა და. საერთოდ, განებივრებული არ იყო ქათინაურებით. ვინაიდან არ გააჩნდა მოხერხება, რომელიმე მუსიკალურ დაჯგუფებას მიტმასნოდა, არ ჰყოფნიდა ეშმაკობა, თავყვანისმცემელთა გუნდი შემოეკრიბა, არ ცდილობდა გამოჩენილიყო მეტისმეტი თავისებურებით, შესრულების რაღაც გაზვიადებული ტექნიკით, ანდა ცნობილ ნაწარმოებთა ახირებული ინტერპრეტაციით. არ იჩემებდა ამ თუ იმ დიდი კომპოზიტორის — იოჰან სებასტიან ბახის თუ ბეთჰოვენის შემსრულებლის განსაკუთრებულ უფლებას, საკუთარი თეორიით არ იცავდა თავისი შესრულების მეთოდს და კმაყოფილდებოდა მხოლოდ იმით, რომ უკრავდა

უბრალოდ ისე, როგორც გრძნობდა, — ყურადღებას არავინ აქცევდა და კრიტიკოსებმაც არ იცოდნენ მისი არსებობა: მათთვის არავის ეთქვა, იგი კარგად უკრავსო და, აბა ისე, თვითონ ხომ ვერ მიხვდებოდნენ.

კრისტოფი ხშირად ხვდებოდა სესილს. ეს ჯან-ღონით სავსე და წყნარი არსება გამოცანასავით იზიდავდა მას: ქალიშვილი მხნე, მაგრამ ხალისსმოკლებული ჩანდა. კრისტოფმა უკმაყოფილება გამოთქვა, სათანადოდ არ გიცნობენო და შესთავაზა სესილს, „გრან ჟურნალიდან“ მეგობრებს ვთხოვ, თქვენს შესახებ დაწერონო. სესილი უარს არ იტყოდა შეექოთ, მაგრამ მაინც სთხოვა კრიტიკოსს, არ გარჯილიყო. არ სურდა ბრძოლაში ჩაბმულიყო, აუტიკვარი თავი აეტიკებინა, ვიღაცეებში შური აღეძრა; ასე უფრო წყნარად ვგრძნობო თავს. ჩემზე თუ არაფერს წერენ, მით უკეთესი! თავად სესილმა არ იცოდა რა იყო შური და სხვა შემსრულებელთა ოსტატობის გამო პირველი გამოთქვამდა ხოლმე ალტაცებას. მისთვის უცხო იყო პატივმოყვარეობა, მოსვენების წამრთვეტი სურვილები. საშინლად ეზარებოდა წარმოდგენის გალიზიანება! ან უშუალოდ გარკვეული საქმით იყო დაკავებული, ან არა და საერთოდ არაფერს აკეთებდა, ოცნებითაც კი არ ოცნებობდა; ღამით, ღოგინში, თუ არ ეძინა, არასოდეს არაფერზე ფიქრობდა. არ ჰქონდა ავადმყოფური სწრაფვა გათხოვებისადმი, რაც სიცოცხლეს უწამლავს მრავალ ქალიშვილს, შიშით რომ კანკალებენ, შინაბერად არ დავრჩეთო. როდესაც სესილს შეეკითხებოდნენ, ნუთუ არ გინდოდა, კარგი ქმარი გეშოვაო, იგი მიუგებდა:

— ეგ რა საკითხავია! არც ორმოცდაათი ათას წლიურ შემოსავალს დავიწუნებდი! მაგრამ კაცი იმას უნდა დასჯერდე, რაც გაქვს. თუ ბედი მეტს გაიშეტებს, მით უკეთესი! არა და უიმისოდაც იოლად წავალთ. როცა ქადა არა გაქვს, თბილ პურსაც კარგად მიირთმევ, მეტადრე, თუ მინამდე ხმელს პურზე გიხვდებოდა გადასვლა.

— განა ისეთები კი ცოტანი არიან, ხმელა პურიც რომ ენატრებათ! — კვერს უკრავდა სესილს დედაც.

სესილს საფუძველი ჰქონდა, კაცების მიმართ უნდოდ ყოფილიყო განწყობილი. მამამისი, რამდენიმე წლის წინათ გარდაცვლილი, უხასიათო და ცუდლუბტი კაცი იყო, გაწამებული ჰყავდა ცოლ-შვილი. სესილს ჰყავდა აგრეთვე ძმა — გზას აცდენილი ახალგაზრდა, რომლის ასავალ-დასავალი არ იცოდნენ. ათასში ერთხელ თუ გამოჩნდებოდა ოჯახში, ისიც ფულის სათხოვნელად. დედას და დას ეშინოდათ მისი, რცხვენოდათ, გული უსკდებოდათ, რომ დღეს თუ ხვალ რაღაც ცუდს გაიგებდნენ მასზე; თუმცა მაინც უყვარდათ. ერთხელ კრისტოფიც შეხვდა ამ ყმაწვილკაცს: სესილთან სტუმრად იყო; კარზე დარეკეს. დედა გასალეზად მივიდა. გვერდით ოთახში ცხარე ლაპარაკი გაიმართა, დროდარო ყვირილში რომ გადადიოდა. სესილი ეკლებზე იჯდა. ბოლოს თვითონაც გავიდა და მარტო დატოვა კრისტოფი. დავა არ წყდებოდა, უცხო ნჰა უფრო და უფრო მუქარის გამოშხატველი ხდებოდა. კრისტოფმა თავის

მოვალეობად ჩათვალა ჩარეულიყო: კარი შეადო და ძლივს მოასწრო თვალი შეეველო მხრებში მოკუზული ახალგაზრდა კაცისათვის, ზურგშექცევით რომ იდგა მისკენ, მაგრამ სესილი მივარდა, შეევედრა, ნუ შემოხვალო და თვითონაც გამოვიდა მასთან ერთად. დასხდნენ და ღუმდნენ. მეზობელ თთახში მოსულმა ერთ ხანს კიდევ იყვირა, მერე წავიდა და გაიჯახუნა კარი. სესილმა ამოიხზრა და კრისტოფს უთხრა:

— დიახ... ჩემი ძმა არის.

კრისტოფი უკვე მიმხვდარიყო:

— გასაგებია... მეცა მყავს ასეთი...

სესილმა ნაზი თანაგრძნობით ხელი ხელზე დაადო:

— თქვენც ასეთი?

— ჰო, — უპასუხა. — თითო გამხარებელი ყოველ ოჯახსა ჰყავს.

სესილმა გაიცინა და სხვა რამეზე გადაიტანეს საუბარი. არა, ამისთანა ოჯახის გამხარებელი ვერაფერი საცთური გახლდათ და გათხოვებაში სახარბილოს ვერას ხედავდა: მამაკაცები დიდ ღირებულებას არ წარმოადგენდნენ მის თვალში, დამოუკიდებელ ცხოვრებაში მეტ უპირატესობას ხედავდა; დედაც ხომ სულ დაკარგულ თავისუფლებას მისტიროდა! რატომ უნდა ეთქვა, თავისი ნება-სურვილით, უარი ამ თავისუფლებაზე? ერთადერთი, რაზეც სესილმა წაიოცნება მოგვიანებით, — ღმერთმა უწყის პირველად როდის! — ეს სოფლად ცხოვრება იყო. თუმცა თავი არ შეუწუხებია იმის წარმოდგენით, თუ როგორი იქნებოდა დაწვრილებით ეს ცხოვრება: მოსაწყენი ეჩვენებოდა ამდენი ეფიქრა ჭერ განუხორციელებელ რაღაცაზე; ჯობდა მშვიდად ეძინა, ანდა გადაუღებელი საქმე გაეკეთებინა...

ჯერჯერობით კი, ოქროს კოშკების ანაბარა რომ არ დარჩენილიყო, სესილი ზაფხულობით აგარაკს ქირაობდა პარიზის გარეუბანში, სადაც თავისთვის დედასთან ერთად ცხოვრობდა. ეს ადგილი ოცი წუთის სავალზე იყო მატარებლით. სახლი, რომელიც განმარტობით იდგა, საკმაოდ დაშორებული იყო სადგურიდან და მდებარეობდა უშენ ადგილებს შორის, ველებს რომ ეძახდნენ; ჰოდა, სესილს ხშირად გვიან, შეღამებულში უხდებოდა დაბრუნება. მაგრამ ქალიშვილს არ ეშინოდა: რისა უნდა შინებოდა? მართალია, რევოლვერი ჰქონდა, მაგრამ მულამ შინ ავიწყლებოდა. თუმცა რა, მისი წესიერად ხმარება მაინც არ იცოდა.

სესილთან რომ მივიდოდა, კრისტოფს აუცილებლად როიალთან უნდა დაესვა მასპინძელი: მოსწონდა მუსიკალურ ნაწარმოებში მისი წვდომის უნარი, განსაკუთრებით კი ის, რომ ქალიშვილი ერთი სიტყვით უხდებოდა, როგორი გრძნობის გადმოცემა იყო საჭირო. მან ისიც შენიშნა, რომ სესილს თურმე მშვენიერი ხმა ჰქონდა, — ამას ქალიშვილი ვერც იფიქრებდა. კრისტოფი ძალით ავაჯიშებდა — ძველ გერმანულ Lied-ებს ან თავის საკუთარ რამეებს ამღერებდა; ქალიშვილი გახალისდა და წარმატებას წარმატებაზე აღწევდა, რაც

კრისტოფთან ერთად თვითონაც უყვირდა. იგი საოცარი ნიჭით დაჯილდოებული აღმოჩნდა. მუსიკალური ნიჭის ნაპერწკალი, რაღაც სასწაულად, ყოველგვარ მხატვრულობის გრძნობას მოკლებული წერილი პარიზელი ბურჟუის ქალიშვილში ჩავარდნილიყო ანაზადად. ფილომელა, როგორც მას კრისტოფმა მეტსახელად შეარქვა, ხშირად ესაუბრებოდა მუსიკაზე, მაგრამ მუდამ პრაქტიკული მიზნით, ყოველგვარი სანტიმენტების გარეშე: ჩანს, ქალიშვილს მხოლოდ სიმღერისა და დაკვრის ტექნიკა აინტერესებდა. ყველაზე ხშირად, როცა სესილი და კრისტოფი ერთად იყვნენ და მუსიკით არ იყვნენ გართული, ყველაზე ყოფით თემებზე საუბრობდნენ ხოლმე — ყოველდღიურ საზრუნავზე, სამზარეულოზე, ოჯახურ საქმეებზე. კრისტოფი, რომელიც ერთ წუთსაც ვერ გაძლებდა, რომ რომელიმე შემჩანი ქალისაგან ასეთი საუბრები ესმინა, ფილომელასთან ისე მუსაიფობდა, ვითომც არაფერი.

ასე ერთად ატარებდნენ საღამოებს და გულწრფელად უყვარდათ ერთმანეთი წყნარი, თითქმის ცივი სიყვარულით. ერთ საღამოს, როდესაც კრისტოფი სადილად მოვიდა და საუბარში ჩვეულებრივზე მეტად შეაგვიანდა, საშინელი ჰეჰა-ჰეხილი ატყდა. კრისტოფი წასასვლელად გაემზადა; რომ ბოლო მატარებლისათვის მიესწრო, მაგრამ წვიმა კოკისპირულად ასხამდა და ქარი მძვინვარებდა. მაშინ სესილმა უთხრა:

— ასეთ ამინდში სად უნდა წახვიდეთ? დარჩით და დილაზე წადით.

კრისტოფი პაწაწინა სასტუმროში, სახელდახელოდ მოწყობილ საწოლზე მოთავსდა. სესილის ოთახისაგან თხელი ტიხარი ყოფდა; კარი არ იკეტებოდა. კრისტოფი იწვა და ტიხარს იქიდან სესილის საწოლის ჭრიალი და ახალგაზრდა ქალის მშვიდი სუნთქვა ესმოდა. ხუთიოდე წუთში ქალიშვილს უკვე ეძინა; თვითონაც აღარ დააყოვნა მიეზაძა მისთვის, და რაიმე ბნელ ფიქრს ოდნავაც არ დაუჩრდილავს მათი გონება.

ამავე დროს კრისტოფს გაუჩნდა ახალი, უცნობი მეგობრები, რომლებსაც იზიდავდა მისი შემოქმედება. ისინი უმეტესად ან პარიზიდან შორს ცხოვრობდნენ, ანდა განზე იდგნენ და სალონებში ვერ შეხვდებოდნენ კომპოზიტორს. გახმაურებულს, თუნდაც საყაყანოსა და ზოგჯერ არასასურველს, თავისი დადებითი მხარეც ახლავს: მისი წყალობით ხელოვანი მისაწვდომი ხდება ათასობით პატიოსანი ადამიანისათვის, რომლებიც, გაზეთების ეს ბრიყვეული სტატიები რომ არა, ვერასოდეს გაიგებდნენ მის სახელს. ჰოდა, კრისტოფმა მეგობრული ურთიერთობა გააბა ზოგიერთ ამ უცნობ თანამოაზრესთან. ესენი იყვნენ მარტონელა ახალგაზრდა ადამიანები, მარტოდმარტო რომ ეწეოდნენ ცხოვრების ჭაპანს და მთელი არსებით ელტვოდნენ რაღაც იდეალს, ცხადად თვითონაც რომ არ ჰქონდათ წარმოდგენილი; მათ იცნეს კრისტოფის მოძმე სული და მეგობრობის გრძნობით განიშქვალნენ მისდამი. ესენი იყვენ თავმდაბალი პროვინციელები, რომლებმაც, მისი Lied-ები რომ მოისმინეს, იგრძნეს, რომ რაღაც საერთო აკავშირებდათ კომპოზიტორთან და მისწერეს მას, როგორც

ოდესღაც ძველმა მეგობარმა შულცმა. ესენი იყვნენ ღარიბი ხელოვანნი,—მათ შორის ერთი კომპოზიტორიც. — რომელთაც არათუ წარმატების მიღწევის, თავიანთი გულისნადების გადმოცემის ილაჯიც კი არ შესწევდათ და ბედნიერად შერაცხეს თავი, რომ მათს ჩანაფიქრს ხორცი შეასხა კრისტოფმა. ყველაზე ძვირფასი კი, ცხადია, ის წერილები იყო, რომელთა ავტორები გვარს არ აწერდნენ ბოლოში და ამიტომ არაფრით იზღუდებოდნენ, უფრო ალაღად გადაეშალათ გული, უფრო გულწრფელი ერთგულება გამოეცხადებინათ თავიანთი უფროსი ძმისათვის, რომელსაც ესოდენი შვება მიენიჭებინა მათთვის. კრისტოფი გულდაწყვეტილი ღიქრობდა, რომ ვერასოდეს გაიცნობდა ამ ჩინებულ ადამიანებს, რომელთა შეყვარება ესოდენ სასიხარულო იყო; და გრძნობით კოცნიდა რომელიმე უცნობის წერილს, როგორც გრძნობით კოცნიდა მისი დამწერი კრისტოფის Lied-ების ნოტებს; და ორივენი თავ-თავისთვის ღიქრობდნენ:

„ძვირფასო სტრიქონებო, რარიგ შვებას მგვრია!“

ასე ყალიბდებოდა კრისტოფის გარშემო, სამყაროს ყოველისმიმკველი რიტმის დარად, გენიოსის პატარა ოჯახი, რომელიც მისი სულით საზრდოობს და, თავის მხრივ, თვითონაც ასაზრდოებს მის შემოქმედებას; ნელ-ნელა ეს ოჯახი იზრდება და ბოლოს ერთ დიდ კოლექტიურ სულს წარმოქმნის, რომლის ბირთვის იგი წარმოადგენს, მსგავსად პლანეტათა სისტემისა, ვით სულიერი მნათობი, სივრცეში რომ ბრუნავს და თავის მოძმეთა გუნდს სფეროთა პარმონიას უერთებს.

კრისტოფსა და ამ უხილავ მეგობრებს შორის იღუმალის კავშირების გაბმათან ერთად, გადატრიალება ხდებოდა კომპოზიტორის მხატვრულ მრწამსში, რომელიც უფრო ფართო, ზოგადადამიანურ ხასიათს იძენდა. კრისტოფს უკვე მიუღებლად მიაჩნდა მუსიკა, რომელიც მონოლოგს, მხოლოდ საკუთარ გულთან განდობას წარმოადგენდა, მეტადრე განსწავლული პროფესიონალიზმით გაბუნდოვნებული, მარტოოდენ სპეციალისტათვის რომ იყო გასაგები. მას სურდა, რომ მუსიკა გრძნობების გაზიარების საშუალება ყოფილიყო ადამიანებს შორის. მხოლოდ იმ ხელოვნებას შეიძლება ჰქონდეს სასიცოცხლო მნიშვნელობა, რომელიც ეხება სხვების გულს. იოჰან სებასტიან ბახს, მარტოობის ყველაზე უნუგემო წუთებში, ადამიანებთან აკავშირებდა ღვთიური რწმენა, რომელსაც გამოხატავდა თავის შემოქმედებაში. პენდელი და მოცარტი, გარემოებათა გამო, სწორედ ხალხისათვის წერდნენ და არა მარტო საკუთარი თავისთვის. თვით ბეთჰოვენიც კი საჭიროდ თვლიდა ანგარიში გაეწია ბრბოსათვის. ეს მარგებელია, საჭიროა, რომ კაცობრიობამ შეახსენოს ხოლმე გენიოსს: „საჩემო თუ არის რამე შენს შემოქმედებაში? არაფერი? აბა, გასწი აქედან!“

ამ იძულებით მოგებული პირველ რიგში თვითონ გეიოსი რჩება. რასაკვირველია, გვხვდებიან დიდი ხელოვანნი, მხოლოდ საკუთარ თავს რომ გამოხა-

ტავენ. მაგრამ უფრო ხშირად ყველაზე დიდები ის ხელოვანი არიან, რომელთა გული ყველასათვის ძვერს. ვისაც სურს ცხადად და საკუთარი თვალით იხილოს ღმერთი, იგი თავისი აზრების უდაბურ ზეცაში კი არა, არამედ ადამიანებისადმი სიყვარულში უნდა ეძებოს.

თანამედროვე ხელოვანი კი შორს იყენენ ამ სიყვარულისაგან. ისინი წერდნენ პატივმოყვარე, თავკერძა და ხალხის ფესვებს მოწყვეტილ „რჩეულთათვის“ მხოლოდ, რომლებსაც თავი მოჰქონდათ იმით, რომ არ იზიარებდნენ სხვა ადამიანების სიხარულსა და ტკივილებს, ანდა აბუჩად იკვებდნენ მათს ენებებს. დიდი სატრაბახოა, ხალხის ცხოვრებას მოეკვეთო, ოღონდ კი არ ჰკავდე სხვებს! ჯანდაბას მათი თავი, თუკი ასე სურთ! ჩვენ კი, მოდი, მივდიოთ ცოცხლებს, ვწოვოთ ძუძუ მშობელი მიწისა, ვეზიაროთ ყველაზე წმინდას, რაც გააჩნია კაცთა მორღმას — სიყვარულს ჩვენი ოჯახისა და დედა მიწისადმი. ყველაზე დიდი თავისუფლების ეპოქაში იტალიური აღორძინების ჰაბუკმა უფლისწულმა რაფაელმა დედობა განადიდა თავის ტიბრგალმელ მადონებში. ვინ შეგვიქმნის დღეს მუსიკაში „მადონას სავარძელში“? ვინ შეგვიქმნის მუსიკას ცხოვრების ყოველი ჟამისათვის? თქვენ ხომ არაფერი, სრულებით არაფერი გააჩნიათ ფრანგული. როდესაც გინდათ სიმღერა მიუძღვნათ თქვენს ხალხს, იძულებული ხართ წარსულის გერმანელ კომპოზიტორთა მუსიკა გადაამღროთ და დაიჩემოთ. ფრანგულ ხელოვნებაში ყველაფერი ჯერ თავიდან შესაქმნელი, ანდა ძირფესვიანად გადასაყეთებელია..

კრისტოფს მიწერ-მოწერა ჰქონდა ოლივიესთან, რომელიც იმხანად ერთ-ერთ პრაოვიციულ ქალაქში დაფუძნებულიყო. კომპოზიტორი ცდილობდა წერილების საშუალებით კიდევ შეენარჩუნებინა ერთ დროს მათი ესოდენ ნაყოფიერი თანამშრომლობა. სურდა, რომ ოლივიეს შეეთხზა მისთვის პოეტური ტექსტები, რომლებშიც გამოხატულებას ჰპოვებდნენ ყოველდღიური ჩვენი ფიქრები და მოქმედებანი, იმის მსგავსი, საფუძვლად რომ დაედო თავის დროზე ძველ გერმანულ Lied-ებს; მოკლე ნაწყვეტები საღმრთო წაგნებიდან ან ინდუსური ეპოსიდან; მცირე ზომის რელიგიური ან ზნეობრივი საჯალობლები, ბუნების პატარ-პატარა სურათები, სატრფიალო ან ოჯახური ყოფის გამომხატველი ჯანცდები, დილის სისხამის, საღამოს ბინდისა და ღამის პოეზია, მისაწვდომი უბრალო და ჯანმრთელი ვულგებისათვის. სულ ოთხი ან ექვსი ტაეპი კმარა, ოღონდ რაც შეიძლება მარტივი ენით გადმოცემული, ყოველგვარი განსწავლული წიაღსვლებისა და მეტისმეტად გაფაჩიზებული კეთილზმოვანების გარეშე. რად მინდა თქვენი ნაჯახირევი ესთეტურობა? შეიყვარეთ ჩემი ცხოვრება, რათა დაქენმაროთ შევიყვარო იგი! დაწერეთ ჩემს მიერ განცდილი „დღენი საფრანგეთისა“, ჩემი „დიდი და პატარა დღენი“. ვეძებოთ ყველაზე ნათელი მელოდირი ფრაზები. სათოფეზე არ გავეკაროთ მხატვრულ ქარაგმულობას, მხოლოდ გარკვეული კასტისათვის განსაგებს, როგორსაც წარმოადგენს დღეს მრავალი კომპოზიტორის მუსიკა. საჭიროა გამბედაობა, რომ ვილაპა-

რაკოთ ჩვეულებრივი ადამიანური ენით და არა არტისტული მანერულობით. გადახედე, როგორ იღვანეს ჩვენმა მამებმა. ვანა საყოველთაო მუსიკალური მეტყველებისაკენ დაბრუნებამ არ წარმოშვა XVIII საუკუნის დასასრულის კლასიკოსთა ხელოვნება? გლუკის, სიმფონიის შემქმნელთა და Lied-ის პირველ შემოქმედთა ჰანგები ყოველდღიური და ზოგჯერ ერთობ მდაბიურიც კია, იოჰან სებასტიან ბახისა და რამოს უაღრესად დახვეწილ და დამუშავებულ ჰანგებთან შედარებით. დიდი კლასიკოსები სწორედ იმის წყალობით არიან ესოდენ მომხიბვლელნი, რომ ფესვები ღრმად აქვთ გადგმული მშობლიურ ნიადაგში. მათი შემოქმედება Lied-ის, Singspiel-ის¹ ყველაზე უმარტივესი მუსიკალური ფორმებიდან იღებს სათავეს: ყოველდღიური ცხოვრების ამ ნაწილში ყვაილების სურნელით არის გაყენილი მოცარტისა და ვებერის სიყმაწვილე. მიბაძეთ მათ! წერეთ სიმღერები ყველასათვის. მათ საძირკველზე ააგებთ შემდეგ ნამდვილ სიმფონიებს. ვის სჭირდება ეს საფენურებზე გადახტომა? პირამიდის აშენებას წვერიდან არ იწყებენ. დღევანდელი თქვენი სიმფონიები — ეს თავებია, რომელთაც ტანი არ გააჩნიათ. ო, მშვენიერო სულელო, ხორცი შეისხით! საჭიროა მუსიკოსთა მოთმინებით მორუდუნე თაობები, რომლებიც იძიობენ თავინთ ხალხს. მუსიკალური ხელოვნების ტაძარი ერთ დღეში არააგის აუგია.

კრიტიკოფი ამ პრინციპების გასატარებლად მხოლოდ მუსიკით როდი იფარგლებოდა; იგი მოუწოდებდა ოლივიეს, ლატერატურაში დაენერგა ისინი:

— თანამედროვე მწერლები, — წერდა იგი ოლივიეს, — ლამობენ ასახონ ადამიანური იშვიათობანი, ანუ ისეთი ტიპები, რომლებიც არანორმალურთა კატეგორიას განეკუთვნებიან და, მაშასადამე, ქმედით და ჭანსად ადამიანთა დიდი საზოგადოების გარეთ დგანან. რაკილა მათ თავიანთი ნებით ცხოვრების გარეთ გაუგლიათ თავი, დაეხსენ მათ და გასწი იქ, სადაც ცხოვრების ადამიანები არიან. ჩვეულებრივ ადამიანებს ჩვეულებრივი ცხოვრება დაანახე: იგი უფრო ღრმა და უფრო ვრცელია, ვიდრე ზღვა. ჩვენს შორის ყველაზე უმცირესიც კი უსასრულობას უდრის. უსასრულობას უდრის ყოველი კაცი, რომელსაც შეუძლია უბრალო ადამიანად დარჩეს — შეყვარებულში, მეგობარში, ქალში — ტანჯვის ფასად რომ მოიპოვებს დედობის ამაყ სიხარულს, იმ უცნობში, ვინც ჩუმად ეწირება მსხვერპლად და ვის თავგანწირვასაც ვერასოდეს ვერავინ გაიგებს; იგი ცხოვრების ძალუში ტალღაა, ერთიდან მეორისაკენ რომ მიიქცევა, მეორიდან პირველისაკენ მოიქცევა... წერე ამ უბრალო ადამიანების უბრალო ცხოვრებაზე, წერე მშვიდი ეპოპეა დღეთა დაუსრულებელი რიგისა, ერთიმეორეს რომ მისდევენ, ესოდენ მსგავსნი და ესოდენ განსხვავებულნი, ერთი დედის შობილნი დასაბამიდან ქვეყნიერებისა. წერე იგი უბრალოდ. ნუ აიტკიებ თავს ღელარქნილი ფრაზების ძიებით, რაზეც ფლანგავენ თავი ნთ

¹ პიესა მუსიკის თანხლებით (გერ.)

ძალ-ლონეს თანამედროვე ხელოვანნი. შენ გინდა აზრი გაუზიარო ყველას: ილაპარაკე ყველას ენაზე. არ არსებობს კეთილშობილი და მდაბიური სიტყვები, არამედ არიან ადაშიანები, რომლებიც ზუსტად ან არაზუსტად გამოხატავენ სათქმელს. იყავი ზუსტი და პირდაპირი ყველაფერში, რასაც უნდა აკეთებდე: იფიქრე, რასაც ფიქრობ და იგროძენი, რასაც გრძნობ. დაე, შენი კულის რიტმმა აღაგზნოს შენი ნაწერები! სტილი — ეს სულია.

ოლივიე კი ეთანხმებოდა კრისტოფს, მაგრამ მის პასუხში ერთგვარი დაცივნა გამოსჭვიოდა:

— ასეთი ნაწარმოები მართლაც მშვენიერი იქნებოდა; მაგრამ იგი ვერასოდეს მიაღწევდა იმ მკითხველებამდე, ვისთვისაც ის დაიწერა: კრიტიკა შეუაგზაზე ჩაახშობდა მას.

— აი, კიდევ ერთი პატარა მეშინი ფრანგი! — შესძახებდა კრისტოფი. — იგი იმაზე წუხს, რას იფიქრებს მის წიგნზე კრიტიკა!... კრიტიკოსები, ჩემო კარგო, მხოლოდ იმისათვის არიან, რომ აღნიშნონ გამარჯვება ან დამარცხება. მთავარია, გამარჯვებული იყო!... მე უიმათოდ იოლად მივდივარ! ისწავლე, შენც იოლად წახვიდე...

მაგრამ ოლივიეს უკვე ესწავლა იოლად წასულიყო კიდევ უბევრამისოდ! თვით ხელოვნების, თვით კრისტოფის გარეშეც. ამ წუთას იგი ქვეყნად არაფერზე აღარ ფიქრობდა, ყაკლინის გარდა.

სიყვარულის ეგოიზმს ყველაფერი დაეცარიელებინა მათ გარშემო; ისინი წინდაუნებდავად ბუგავდნენ მთელ თავიანთ მარაგს, აღარაფერს იტოვებდნენ სახვალად.

ეს გახლდათ სიმთვრალე პირველ ხანებისა, როცა ერთ არსებად შერწყმული ორი შეყვარებული ერთ ფიქრს შეუპყრია — ერთსულ და ერთხორც იქცნენ.. სხეულისა და სულის ყოველი ნაწილაკით ეხებიან და შეიგრობენ ერთმანეთს, ცდილობენ, განიმსჭვალონ ერთიმეორით. ორნი ერთად — ეს მთელი სამყაროა, ყოველგვარ კანონს დაუმორჩილებელი სიყვარულის ქაოსი, სადაც ერთურთში არეულ სტიქიებს ჯერ არ შეუცვნიათ ურთიერთგანსხვავებანი და ერთიმეორეს მოწყურებულნი ისწრაფვიან შთანთქან ერთმანეთი. შეყვარებულს ყველაფერი აღაფრთოვანებს შეყვარებულში. იგი — ეს თვითონვე არის. რას აქნევენ ისინი მსოფლიოს? საამო ავზორცობის სიზმარში მყოფი ანტიკური ანდროგიონს მსგავსად, მათ თვალები დახუჭული აქვთ მსოფლიოსათვის, მსოფლიო თვით მათშია...

ო, დღენო და ღამენო — ამ სიზმრების ქსელით ერთი დიდი სიზმრის მქსოველნო, საათებო, ისე გარბიხართ, ვით ღრუბლის ქათქათა ქულები და აღარაფერი რჩება თქვენგან ხელშესახები, მხოლოდ — მკრთალი მოგონება და ბინდულ თვალებში; თბილო სუნთქვაე, გაზაფხულის მოთენთილობის მომგვრელო, აღგზნებულ სხეულთა მხურვალებაე, სიყვარულის მზიანო ყვავილნარო,

უბიწო ურცხვობავ, გიჟურო ხვევნავ, ოხვრავ, სიცილ-კისკისო და სინარულის ცრემლებო, რაღა შთება თქვენგან, ბედნიერების მტვერნო? გულსაც კი უჭირს თქვენი გახსენება — რადგან, როდესაც თქვენ იყავით, დრო არ არსებობდა.

დღეები ერთიანობის მსგავსნი... წყნარი რიჟრაჟი... უცებ ორი ჩახუტებული სხეული ძილის ბურანიდან ერკვევა, ორი მოლიმარი სახე ერთად ახელს თვალებს, შეხედავენ და სუნთქვაშერწყმულნი ტუჩებით ეწებებიან ერთმანეთს... დილის სისხამის ნაზი სიგრილე და ქალწულები უმანვო ჰაერი აცხრობენ აღმოდებულ სხეულთა მხურვალეებს... დაუსრულებელ დღეთა ნეტარი თვლემა, რომელთა სიღრმეში ბზუის ღამეთა ავბორცობის გამოძახილი... ზაფხულის ბინდბუნდი, ერთად ოცნება მინდორში, ხავერდოვან მღვლოზე, მაღალი, თეთრი ხვალოების მოშრიალე ფარჩებს ქვეშ... საამო საღამოები, გასწივოსნებული ცის ქვეშ ხელიხელგადახვეულნი, მეოცნებე სახით რომ ბრუნდებით სიყვარულის სარეცელისაკენ. ქარი აქანავენს ბუჩქების ტოტებს. ცის ნათელ ტბაში ლივლივებს ვერცხლისფერი მთვარის თეთრი ბუმბული. ვარსკვლავი წყდება და ვარდება... გული გადაგიქანდება — საღაც უხმოდ გაქრა მთელი მსოფლიო. ხანდახან გზაზე გვერდით ჩავივლიან ჩქარი ნაბიჯით მიძავალი, მუნჯი ლანდები. ქალაქის ზარების რეკა ხვალინდელ დღესასწაულს აუწყებს. შეყვარებულნი წამით ყურღებთან: ქალი ეკვრის ვაჟს, ხმააიოულებლივ არიან გაჩერებულნი... ოჰ! ნეტა ეს ცხოვრებაც ასე გაჩერდებოდეს, როგორც ეს წამი!... უაკლინი ამოიოხრებს და წარმოთქვამს:

— მაინც რატომ მიყვარხარ ასე?...

იტალიაში რამდენიმე კვირის მოგზაურობის შემდეგ ისინი დამკვიდრდნენ დასავლეთ საფრანგეთის ერთ-ერთ ქალაქში, სადაც ოლივიე მასწავლებლად იყო დანიშნული. უაკლინს და ოლივიეს თითქმის არავისთან ჰქონდათ მისვლა-მოსვლა, არაფერი არ აინტერესებდათ. ხოლო როდესაც მიწვევაზე უარის თქმა აღარ ხერხდებოდა, მათი წრესგადასული გულგრილობა ისე აშკარად და უბოდიშოდ ვლანდებოდა, რომ ზოგში წყენას იწვევდა. ზოგში კი ღიმილს. სიტყვები ყურს ეხებოდნენ, მაგრამ გულს არა. მათ ისეთი კადნიერი მედიღურობის გამომხატველი გამომეტყველება მიეღოთ, ახალდაქორწინებულთ რომ სჩვევიათ და თითქოს გეუბნებთ:

„თქვენ არავინ არაფერი იცით...“

უაკლინის სანდომიანსა და ფიქრმორეულ, ცოტა გამწყრალ სახეზე, ისევე როგორც ოლივიეს ბედნიერსა და გაფანტულ მზერაში, შეიძლებოდა ამოგეკითხათ:

„რომ იცოდეთ, როგორ მოგვაბეზრეთ თავი!... ნეტა როდის დავრჩებით მარტონი?“

მაშინაც კი, როცა ნაცნობ საზოგადოებაში იმყოფებოდნენ, არ ეუხერხებოდნენ, თავი ისე სკეროდნენ, ვითომც მარტონი ყოფილიყვნენ. თანამოსაუბრეებს ხშირად შეუნიშნავთ მათი თვალებით ლაპარაკი, რასაც არავითარი

კავშირი არ ჰქონია საერთო საუბართან. ერთმანეთის თვალეზში ცქერა არც სპირდებოდათ, რომ ერთმანეთისთვის ემზირათ, და ილიმებოდნენ, რადგან იცოდნენ, რომ ორივენი ერთსა და იმავე რაშეზე ფიქრობდნენ. როდესაც საზოგადოებაში იძულებით ყოფნას თავს დააღწევდნენ და კვლავ მარტონი რჩებოდნენ, სიხარულისაგან კიოდნენ და პატარებივით ცელქობდნენ. რვა წლის ბავშვებად იქცეოდნენ. ენას სულელურად იჩლექდნენ. ერთმანეთს მოფერებით სასაცილო მეტსახელებს არქმევდნენ. ჟაკლინი ხან ოლივს ეძახდა, ხან ოლივეს, ხან კიდეც ოლიფანს, ფანის, მამის, მიმს, მინოს, კინოს, კაუნისს, კოზიმას, კობურს, პანოს, ნაკოს, პონეტს, ნაკეს, კანოს. იგი თავს იგოგოებდა. მაგრამ სურდა ყველაფერი ყოფილიყო — ერთსა და იმავე დროს დედობა, დობა, ცოლობა, შეყვარებულობა და საყვარლობა გაეწია ოლივიესათვის.

ჟაკლინი ქმართან ერთად მარტო სიხარულს როდი იზარებდა; იგი, როგორც აღთქმული ჰქონდა, მის შრომასაც ინაწილებდა: ესეც თამაში გახლდათ. პირველ ხანებში დიდი გულმოდგინება გამოიჩინა: მისთვის სამუშაო ჯერ სიახლეს წარმოადგენდა; თითქოს სიამოვნებასაც კი ჰკვრიდა თვით ყველაზე უმადური საქმე — ბიბლიოთეკებში ციტატების ამოწერა, მოსაწყენი ტექსტების თარგმნა, — ყოველივე ეს შედიოდა მის გეგმაში ძალზე სპეტაკი და ძალზე სერიოზული ცხოვრებისა, რომელიც მთლიანად კეთილშობილური იდეალები-სა და ერთობლივი შრომისათვის უნდა შეეწირა. ჯერჯერობით ყველაფერი კარგად მიდიოდა, სანამ ამ იდეალებს სიყვარული აცისკროვებდა, რამეთუ ჟაკლინი ამ დროს მხოლოდ ოლივიეზე ფიქრობდა და არა საქმეზე, რომელსაც აკეთებდა. მაგრამ საგულისხმო ის იყო, რომ ასეც ყველაფერი კარგად გამოუდიოდა. მისი გონება ისე იოლად სძლევადა ესოდენ განყენებულ მასალას, სხვა გარემოებაში რომ ვერ გაართმევდა თავს; სიყვარულს მიწიდან აღეტაცა მისი არსება. თავად იგი ვერ ამჩნევდა ამას და, როგორც მთავარეული, სახურავებზე რომ დააბიჯებს, მშვიდად და გვერდზე გაუხედავად მიჰყვებოდა თავის სერიოზულ და მხიარულ ოცნებას...

მერე, ჟაკლინმა სახურავების გარჩევა დაიწყო, თუმცა ამას არ შეუშფოთებია იგი; ის კი იკითხა, მალა რას ვაკეთებო და მიწაზე დაბრუნდა. მუშაობა მოსაწყენი ეჩვენა. მან თავი დაიარწმუნა, რომ შრომა ხელს უშლიდა მათ სიყვარულში. ცხადია, იმიტომ, რომ მათი სიყვარული უკვე ისე მსურვალე ვედარ იყო. თუმცა ამის დამადასტურებელი არაფერი ჩანდა. პირიქით, ერთი წუთიც კი აღარ შეეძლოთ გაეძლოთ უერთმანეთოდ. თავი ამოიქოლეს საზოგადოებისაგან, კარი მაგრად ჩაიკეტეს და ფეხი აღარავისთან მიდგეს. ისინი ექვიანობდნენ, თუ რომელიმე მათგანის მიმართ ვინმე კეთილ გრძობას გამოიჩენდა, ექვიანობდნენ ერთიმეორის საქმიანობის გამოც კი, ყველაფრის გამო, რასაც შეეძლო მოეწყვიტა ცოლ-ქმარი ურთიერთსიყვარულისათვის. კრისტოფთან მიწარ-მოწერამაც იკლო. ჟაკლინს თვალში არ მოსდიოდა იგი. კრისტოფში მეტოქეს ხედავდა, ოლივიეს იმ წარსულის განსახიერებას რომელშიც ჟაკლი-

ნი ჯერ არ არსებობდა; ხოლო რაც უფრო დიდი ადგილი ექირა კრისტოფს ოლივიეს ცხოვრებაში, მით უფრო ცდილობდა, — ცხადია, უნებლიეთ, — წაერთმია მისთვის ეს ადგილი. ყოველგვარი ხრიკების გარეშე, იგი ნელ-ნელა მეგობარს ამორებდა ოლივიეს; ჟაკლინი დასცინოდა კრისტოფის ჩვევებს, მის ყოფაქცევას, წერილში ნახმარ მის გამოთქმებს, პირად შემოქმედებით გეგმებზე ლაპარაკს, მაგრამ უბოროტოდ და უეშმაკოდ, — ამას დედაბუნება უკარნახებდა მას. ოლივიეს ართობდა მისი შენიშვნები, ამაში ცუდს ვერაფერს ხედავდა; მას ეგონა, რომ ისევ ისე უყვარდა კრისტოფი, მაგრამ მხოლოდ საკუთარი თავი უყვარდა მასში, — ეს კი მეგობრობისათვის საკმარისი არ არის. იგი ვერ ამჩნევდა, რომ თანდათან აღარ ესმოდა კრისტოფისა, გული გაპკრილებოდა მისი აზრებისადმი, იმ გმირული იდეალიზმისადმი, ცოტა ხნის წინათ ასე რომ აერთებდა მათ... სიყვარული ახალგაზრდა გულს ისეთ ძალზე სიაქვს ანიჭებს, რომ მის გვერდით სხვა რაიმე რწმენა ვეღარ ბოგინობს, საყვარელი არსება, მისი სული, რომელსაც, როგორც ყვავილს, სათაყვანო სხეულის მოფერებით ეტრფი, არის შენი მეცნიერება და შენი რწმენა. რა ღიმიორეული სიბრალულით უმზერ ახლა მათ, ვინც ასე თაყვანს სცემს რაღაც იდეალებს, რომელთათვისაც ოდესღაც შენც თაყვანი გიცია! მჩქეფარე ცხოვრებისა და მისი მძაფრი ბრძოლის ველზე ველარაფერს ხედავ ამ წუთიერად გაშლილი ყვავილის მეტს, მარად უჭკობი რომ გეჩვენება... სიყვარულს შთაინთქა ოლივიე. თავდაპირველად მას იმის ძალა მაინც შესწევდა, თავისი ბედნიერება ნატიფ ლექსებში გამოეხატა. მერე ესეც გაუმართლებელი მოეჩვენა: რატომ მოეპარა სიყვარულისათვის წუთები? ჟაკლინიც, უფრო მეტი დაჟინებით, ვიდრე ოლივიე, უარყოფდა სიცოცხლის ყოველგვარ სხვა აზრს, გარდა საყვარულისა, და ჭრიდა ხეს ცხოვრებისა, იმ ერთადერთ ღეროს, რომელსაც ეხვევა სიყვარულის სურო და ურომლისოდაც ჭკნება მისი ყვავილი. ამრიგად, ორივენი ფუჰად იფლანგავდნენ თავს თავიანთ ბედნიერებაში.

ვაგლახ! რა მალე ეჩვევი ბედნიერებას! როცა პირადი ბედნიერება ცხოვრების ერთადერთ მიზანს წარმოადგენს, ცხოვრება მყისვე უმიზნო ხდება. ბედნიერება ჩვევად იქცევა, იმ ნარკოტიკულ ბანგად, ურომლისოდ გაძლება აღარ ძალგძის. რარიგ საჭირო კია, რომ შეგვეძლოს!... ბედნიერება მსოფლიო რიტმის პატარა წუთია, ერთი იმ პოლუსთავანი, რომელთა შორის დაქანაობს ცხოვრების ქანქარა: ქანქარას ვერ გააჩერებ, უკეთუ არ დაამსხვრევ მას...

მათ იწვნიეს ეს „მოწყენა კეთილდღეობისა, რომელიც ახელებს გრძნობიერებას“. ნეტარმა საათებმა უფრო ნელა, უფრო უხალისოდ იწყეს დენა, გაიცრიცნენ, ვით ყვავილი უწყლოდ. ცა კვლავ მოწმენდილი ჩანდა; მაგრამ დილის პაერი აღარ იყო უწინდებურად მსუბუჟი. ირგვლივ ყველაფერი გარინდულიყო, ბუნება დუმდა. ისინი მარტონი იყვნენ, რასაც ნატრობდნენ. მაგრამ გული დამძიმებოდათ.

სიცარიელის გაურკვეველი განცდა დაეუფლათ, რაღაც ბუნდოვანი მოუსვენრობა, რომელიც მთლად უსიამოსაც არ ჰკავდა. ვერ მიმხვდარიყვნენ, რა ხდებოდა მათს გულში; იღუმალ შეშფოთებას გრძნობდნენ, ავადმყოფურად შთაბეჭდილებიანი გამხდარიყვნენ. სიჩუმის გამოსაცნობად დაძაბული მათი ნერვები ისე თრთოდნენ, როგორც ფოთლები, ოდნავი მოულოდნელი ბიძგისაგან. ჟაკლინი, წამდაუნუმ თვალები რომ უცრემლიანდებოდა უმიზეზო ტირილით, თავს ირწმუნებდა, სიყვარულის ბრალიათ; მაგრამ მარტო სიყვარული არაფერ შუაში იყო. გზნებითა და მოუსვენრობით აღსავსე წლების შემდეგ, წინ რომ უძლოდა ქორწინებას, ახლა, როცა მიზანი მიღწეული, უკვე გადაბიჯებულიც იყო და საფუძველი აღარ არსებობდა ახალი განცდებისათვის, ხოლო ძველი განცდები კი, ეტუობა, ამო ეჩვენებოდა, — ვნებებისაგან უეცარ დაცარიელებას თავისდაშეუცნობლად აფფორიაქებინა და საგონებელში ჩაეგდო ჟაკლინი. იგი როდი უტყვებოდა თავს, რომ რაღაც აწუნებდა; თავის უგუნებობას ნერვიული გადაღლილობით ხსნიდა და ვითომ კიდევ დასცინოდა ამას, მაგრამ მის სიცილში არანაკლები შეშფოთება გამოსჭვიოდა, ვიდრე მის ცრემლებში. გულის გასამხნეველად სცადა, კვლავ ხალისით ემუშავა. მაგრამ პირველსავე ცდებზე მხრები აიჩეჩა: ამისთანა მოსაწყენი საქმე ან აქამდე როგორ არ მბეზრდებოდაო, და ზიზღით უკუაგდო იგი. ჟაკლინმა სცადა საზოგადოებრივი ურთიერთობანი განეახლებინა, მაგრამ აქედანაც არაფერია გამოვიდო: ჩვეულებას თავისი ექნა — უკვე გადაჩვეულიყო ადამიანებთან უმიზნო მისვლა-მოსვლასა და ზერეულ საუბრებს, რასაც ყოველდღე გვაძილებს ცხოვრება. ყოველივე ეს სასაცილოდ ჩათვალა და კვლავ ოლივიესთან ერთად თავის მარტობას დაუბრუნდა, თან წარუმატებელი ცდების შემდეგ თავს იმშვიდებდა: ქვეყნად არაფერია ისეთი, რომ სიყვარულის წუთები მას ანაცვალოო. რამდენიმე ხანს ჟაკლინი მართლაც უფრო შეყვარებულივით იქცეოდა, ვიდრე ოდესმე. მაგრამ მხოლოდ იმიტომ, რომ სურდა შეყვარებული ყოფილიყო.

ოლივიე, ნაკლებ ვნებიანი და უფრო მოსიყვარულე, მეტად იყო დაცული ამ შეშფოთებისაგან; მხოლოდ ხანდახან თუ გაუელვებდა გულში ბუნდოვანი შიში. ამასთან, ყოველდღიური დატვირთულობა და მასწავლებლის უხალისო საქმიანობა ერთგვარად იფარავდნენ მის სიყვარულს. მაგრამ რადგან მეტისმეტად მგრძნობიარე იყო და უმცირესი მღელვარებაც კი საყვარელი არსების გულისა უმაღლესად გამოძახილს პოულობდა მისსავე გულში, ჟაკლინის ფართული შემფოთება მასაც ედებოდა.

ერთხელ, ნაშუადღევს, ქალაქგარეთ გაისეირნეს. ორივეს წინასწარ ახარებდა ეს გასეირნება. მშვენიერი ამინდი იდგა, ირგვლივ ყველაფერი მზიარულებას ჰგვრიდა კაცს. მაგრამ პირველივე ნაბიჯებზე წუხილის აღმძვრელი, გათანგველი ნალვლიანობა დაეუფლათ და სიცივემ გამსჭვალა ორივეს გული. კრიჭა შეპკვროდათ. თავს ძალას ატანდნენ ლაპარაკი წამოეწყოთ, მაგრამ ყოველი სიტყვა, ნაძალადევად რომ ამოთქვამდნენ, იმაზე მეტყველებდა, რომ

სათქმელი არაფერი ჰქონდათ. სეირნობა დაამთავრეს, თითქოს ჰოვალეობა მიიხადესო, ისე რომ არაფერი უნახავთ და უგრძვნიათ. შინ გულდამძიმებულები დაბრუნდნენ. უკვე დაბინდებულყო; ბინა ცარიელი იყო, ბნელოდა და ციოდა. შუქი მაშინვე არ აანთეს, რომ ერთმანეთის სახე არ დაენახათ. ჟაკლინი თავის ოთახში გავიდა, პალტოიანი და ქუდმოუხდელი ფანჯარასთან დაჯდა და ჰმას არ იღებდა. მეზობელ ოთახში ოლივიე მაგიდას დაჰყარდნობოდა. ოთახებს შუა კარი ღია იყო; ჟაკლინს და ოლივიეს ერთმანეთის სუნთქვა ესმოდათ. და ბნელაში, გულამოჭდარნი, ორივენი უხმოდ ატირდნენ. ხელებს პირზე იფარებდნენ, რომ ქვითინი შეეკავებინათ. ბოლოს, ოლივიემ ნალვლიანი ხმით გასძახა:

— ჟაკლინ...

— რა?

— არ მოდიხარ?

— ახლავე.

ტანთ გაიხადა და თვალები მოიბანა. ამასობაში ოლივიემ ლამპა აანთო. რამდენიმე წუთის შემდეგ ჟაკლინი ოთახში შემოვიდა. ერთმანეთისათვის სახეში არ შეუხედავთ. იცოდნენ, რომ ორივეს ეტირათ. და ნუგეში ვერაფრით სცეს ერთმანეთს, რამეთუ იცოდნენ, რაზეც ტიროდნენ.

დადგა დრო, როდესაც ვეღარ დაუმაღლეს ერთმანეთს თავიანთი შეშფოთება. ხოლო ვინაიდან არ სურდათ საკუთარ თავს გამოსტყომოდნენ ნამდვილ მიზეზში, სხვა მიზეზს დაუწყეს ძებნა და იოლადაც გამოიხატეს: ყველაფერში პროვინციული ცხოვრების მოწყენილობა დაადანაშაულეს. ამან შევება აგრძნობინათ. ბ-ნი ლანჟე არ გაოცებულა, როდესაც ქალიშვილმა მოსწერა, გვირულმა ცხოვრებამ დაშალაო. მან მიაკითხა თავის პოლიტიკურ ნაცნობ-მეგობრებს და სიძისათვის ადგილი გამოაძებნინა პარიზში.

როდესაც სასიხარულო ცნობა მოვიდა, ჟაკლინი სიხარულით ცას ეწია და აღრინდულად ბედნიერად იგრძნო თავი. ახლა, როცა ამ მოსაწყენ მხარეს უნდა გამომშვიდობებოდნენ, იგი ერთობ ახლობელი მოეჩვენათ: მათი სიყვარულის მოგონებები ამ ადგილებში იყო მიმობნეული! დარჩენილი დღეები ამ მოგონებათა ნაკვალევს ძებნაში გაატარეს. ამ სალოცავი ადგილების ხილვამ ნაზი ნალველი მოჰგვარათ. ეს მყუდრო მიდამოები მათი ბედნიერების მოწყენი იყვნენ. შინაგანი ხმა ჩასჩურჩულებდათ:

„იცი, რასაც ტოვებ. მაგრამ იცი, რას ჰპოვებ?“

გამგზავრების წინა დღეს ჟაკლინმა იტირა. ოლივიემ ჰკითხა, რა გატირებსო. ქალს არ სურდა ხმის ამოღება. ქალაქის ფურცელი აიღეს და, როგორც ჩვეულებად ჰქონდათ, როდესაც სიტყვების ხმამალლა წარმოთქმისა ეშინოდათ, ერთმანეთს დაუწერეს:

„ძვირფასო ოლივიე...“

„ძვირფასო ჟაკლინ...“

„გული მწყდება, რომ მივდივარ...“
 „საიდან?“
 „იქიდან, სადაც ერთმანეთი გვიყვარდა“.
 „საითქენ?“
 „იქითქენ, სადაც უფრო ხნიერნი ვიქნებით“.
 „სადაც ერთად ვიქნებით“.
 „მაგრამ ისე აღარ გვეყვარება ერთმანეთი“.
 „კიდევ უფრო ძლიერ“.
 „ვინ უწყის?“
 „მე ვუწყის“.
 „მე მსურს“.

ბოლოში თითო წრე შემოხაზეს, რაც კოცნას აღნიშნავდა. მერე ყაკლინმა ცრემლები მოიწმინდა, გაიცინა და სასაცილოდ მორთო ქმარი თავისი ქუდიტა და თეთრი პელერინათი, რომლის დანაკეცებულ, მაღალ საყელოში ოლივიე ანრი III-ის ფავორიტს დამსგავსებოდა.

პარიზში კვლავ შეხვდნენ მათ, ვინც იქ დაეტოვებინათ. ოლივიეს ჩამოსვლა რომ შეიტყო, კრისტოფი გახარებული მაშინვე იქ გაჩნდა. ოლივიესაც არანაკლებ უხაროდა მისი ნახვა. პირველივე შეხედვაზე მოულოდნელი უხერხულობა იგრძნეს. სცადეს დაეძლიათ ეს, მაგრამ ამაოდ. თუმცა ოლივიე ძალზე გულთბილად ექცეოდა, კრისტოფი გრძნობდა, რომ რაღაც ცვლილება ნომზდარიყო მასში. მეგობარი, რომელიც ცოლს ირთავს, ტყუილად ირჯება აღრინდელ მეგობრად დარჩეს. კაცის სულს ამიერბიდან თავის დას ასევამს ქალის სული. კრისტოფი ოლივიეს ყოველ მოძრაობაში ამჩნევდა ამ გავლენას — მისი თვალების მიუხვდომელ გამოკრთომაში, ტუჩის კუთხეში გაჩენილ უცნობ ნაოჭში, ხმის ახალ კილოში, აზრის ახალ მიმართულებაში. ოლივიე სინდისის ქენჯნას როდი განიცდიდა; უფრო მეტიც, მას უკვირდა, რომ კრისტოფი არ დახვდა ისეთი, როგორსაც მოელოდა. არა, იმას როდი ფიქრობდა, თითქოს კრისტოფი გამოიცვალა; პირიქით, აღიარებდა, რომ ცვლილება თვით მასში მოხდა, და ამას ასაკით გამოწვეულ აუცილებლობად თვლიდა; მას სწორედ ის აკვირვებდა, რომ ვერ ხედავდა ამ ნორმალურ ევოლუციას კრისტოფში. გულში უსაყვედურებდა, რომ იგი ვერ გასცდენოდა ძველ აზრებს, რომლებსაც თუმცა ერთდროს თვითონაც გულით იზიარებდა, მაგრამ დღეს უკვე გულუბრყვილო და მოძველებული ეჩვენებოდა. სინამდვილეში, ეს აზრები თანამედროვე აღარ იყო უბრალოდ იმ უცხო სულისათვის, მისდაშეუცნობლად ოლივიეს სულში რომ ჩაბუდებულიყო. ეს განსაკუთრებით ნათლად იგრძნობოდა, როდესაც საუბარს ყაკლინიც ესწრებოდა: მაშინ ოლივიესა და კრისტოფს შორის აღიმართებოდა ირონიის რიდე, კიდევ უფრო რომ უძნელებდათ ერთმანეთის ცნობას. თუმცა ცდილობდნენ არაფერი ეგრძნობინებინათ ერთიმეო-

რისათვის. კრისტოფი მაინც დადიოდა ოლივიეს მოსანახულებლად. ჟაკლინი, თუმცა თვითონაც არ იცოდა, რატომ სჩადიოდა ამას, გესლიანი შენიშვნებით კენწლავდა. კრისტოფი ითმენდა და ხმას არ იღებდა. მაგრამ შინ დალონებულნი ბრუნდებოდა.

პარიზში დაბრუნების პირველი თვეები, ასე თუ ისე, მაინც ბედნიერი დრო იყო ჟაკლინისათვის, და მაშასადამე, ოლივიესთვისაც. თავდაპირველად ჟაკლინი ბინის მოწყობას გადაჰყვებოდა. ბინა, რომელიც პასის ძველისძველ ქუჩაზე იშოვეს, პატარა, მაგრამ მყუდრო იყო და ბაღის გადაჰყურებდა. ავეჯისა და შპალერის არჩევას რამდენიმე კვირა მოაწლოდა. ჟაკლინი ამას ისეთი შესაშური გულმოდგინებითა და ვნებითაც კი აკეთებდა, თითქოს მისი ბედნიერების გამარადისება შპალერის ფერის სიბაცეზე, ანდა ძველი სკიერის ფორმაზე ყოფილიყოს დამოკიდებული. შემდეგ მან განაახლა ახლო ურთიერთობა მამასთან, დედასთან. მეგობრებთან. ამ თაფლობის წელიწადის მანძილზე მას ისე ერთიანად დაეღწეებინა სუყველანი, — ყოველი მათგანი აღმოჩენა იყო მისთვის, მით უფრო, რომ ოლივიეს მსგავსად, მის სულსაც დასტყობოდა მეუღლის სულის გავლენა და ამიტომ თავის ძველ ნაცნობებს ახალი თვალთ უყურებდა. მას მოეჩვენა, რომ ისინი გაცილებით მოგებულნი იყვნენ. თავიდან ოლივიეს ამით არაფერი უხარალა. ჭერჯერობით, ორივე მხარე თავისებურ ზეირს ნახულობდა ამ ურთიერთდაპირისპირებით. ოლივიეს მეოცნებე ჩაფიქრებულობის, მისი სულის პოეტური განწყობილების გამო. ჟაკლინი უკვე მეტ სიაზონენებას პოულობდა მადალი საზოგადოების ადამიანებს შორის, რომლებიც მხოლოდ იმაზე ფიქრობენ, რომ დატკბნენ, იბრწყინონ და მოხიბლონ; ზოლო, მეორეს მხრივ, მაცთური, მაგრამ საშიში ნაკლი ამ ადამიანებისა, რომლებსაც მასზე უკეთ ვერავენ იცნობდა, აიძულებდა ჟაკლინს, მეგობრის მარადიული ერთგულება დაეფასებინა. მას ართობდა მათი და ოლივიეს წამადაუწუმ შედარება, უყვარდა ორივე მხარის ღირსება-ნაკლოვანებების განუწყვეტლივ აწონ-დაწონა, რომ თავისი არჩევანი გაემართლებინა. იმდენს წონიდა, რომ ზოგჯერ ველარც კი გაეგო, რატომ გააკეთა ეს არჩევანი. კიდევ კარგი, ასეთი დაეკვება დიდხანს არ გრძელდებოდა, ამის გამო სინდისის ქენჯნას განიცდიდა და ცდილობდა განსაკუთრებული სინაზე გამოეჩინა ოლივიეს მიმართ; მაგრამ უმალ ახალ შედარებებს იწყებდა. ზოლო მას შემდეგ, რაც შედარების მოხდენა ჩვეულებად გადაქცა, ამით უბრალო გართობა დამთავრდა და შედარებებიც უფრო აგრესიულნი გახდნენ: თუ აქამდე ორ ურთიერთდაპირისპირებულ სამყაროს ერთმანეთთან აწონასწორებდნენ, ამიერიდან მათ ომში ჩააბეს ისინი. ჟაკლინმა კითხვა დაუსვა თავს, რატომ ოლივიეს არ გააჩნდა ის ღირსებები, თუნდაც ნაკლი, რომლებიც მოსწონდა დღეს თავის პარიზელ მეგობრებს. იგი ქმარს ყურში არაფერს აგონებდა, მაგრამ ოლივიე გრძნობდა ამას თავისი პატარა მეუღლის უმოწყალო გამოხედვაში, ასე რომ აშფოთებდა და გულს უქლავდა.

მიუხედავად ამისა, ოლივიეს ჯერ კიდევ არ დაეკარგა სიყვარულისაგან მონიჭებული ძალაუფლება ჟაკლინზე და ახალგაზრდა ცოლ-ქმარს შეეძლოთ კვლავ დიდხანს განეგრძოთ ალერსიანი და მუყაითი ოჯახური მყუდრო ცხოვრება, ის გარემოებანი რომ არა, რომლებმაც უცებ შეცვალეს ჟაკლინის მატერიალური მდგომარეობა და დაარღვიეს მისი სულის მერყევი წონასწორობა.

„Quivi trovammo Pluto il gran nemico...“¹

ჟ-ნ ლანჯეს გარდაეცვალა და — მდიდარი მრეწველის უშვილო ქერივი. მთელი მისი ავლადიდება ლანჯეებზე გადავიდა. ჟაკლინის ქონება ორჯერ უფრო გაიზარდა. როდესაც ჟაკლინმა მემკვიდრეობა მიიღო, ოლოვიეს კრისტოფის მიერ სიმდიდრეზე ნათქვამი სიტყვები გაახსენდა და უთხრა:

— ჩვენ უანისოლაც კარგად ვიყავით. ვინ იცის, იქნებ ამან ზიანიც მოიტანოს.

ჟაკლინს სასაცილოდ არ ეყო;

— სულელო! სიმდიდრეს ზიანი არასოდეს მოაქვს. ჩვენს ცხოვრებაში არაფერი შეიცვლება.

გარეგნულად ცხოვრება მართლა იგივე დარჩა. იმდენად იგივე, რომ რამდენიმე ხნის შემდეგ ჟაკლინი წუწუნს მოჰყვა, სახსრები არა გვყოფნისო — დამამტკიცებელი საბუთი აშკარა ცვლილებისა. მართლაცდა, თუმცა მათი შემოსავალი გასამკვეთბულიყო, ისე ერთიანად ეხარჯებოდათ, თვითონაც არ იცოდნენ სად მისდიოდათ. ისღა უკვირდათ, ადრე თავის გატანას როგორ ვახერხებდითო. ფული ქრებოდა; მას ნთქავდა ახალი ხარჯები, უკვე ჩვეულებრივი და აუცილებელი რომ ხდებოდა. ჟაკლინმა განთქმულ თერძებთან დაიწყო სიარული, დაითხოვა დღიურად მომუშავე შინაური მკერავი ქალი, ჯერ კიდევ ბავშვობიდან რომ იცნობდა. ვიღას ეცალა ჩალისფასიანი ქულებისთვის, თავისი ზელით რომ იკვრავდა რალაც ჩამონაქრებისაგან და მაინც უხდებოდა, — იმ კაბებისთვის, რომლებიც ზედმიწევნით პეწიანი და უხადო ვერ იყვნენ, მაგამ მისი სიტურფის ანარეკლი ეფინათ და რალაცით მის ნაწილს წარმოადგენდნენ. ყველაფერი, რაც კი მისი თავისთავადობის საამო მიმზიდველობას გამოასწავებდა, დღითიდღე იშლებოდა. პოეზია გაუქრა. ვახდა ყველასაგან გაუჩინებელი.

ბინა გამოიცვალეს. ადრინდელი, რომლის მოწყობას ესოდენი გულმოდგინება და სიამოვნება შეაღია ჟაკლინმა, ვიწრო და უვარგისი მოეჩვენა. პატარა, მოკრძალებული ოთახების ნაცვლად, მათი დღეების ხსოვნით რომ გაცისკროვნებულ იყვნენ და ფანჯარაში შეგობრულად ირხეოდა ნაცნობი ხე, — დაიქირავეს ფართო, დიდებული და მოხერხებულ ოთახებიანი ბინა, რომელზეც გული არ

¹ „სადაც ვიხილეთ პლუტოსი, მტერი უდიდესი კაცთა მოდგმისა“ (იტალ.) — დანტე-ალვთაბერტი კომედია, „ჯოჯოხეთი“, ქება VI.

პლუტოსი — სიმდიდრის ღმერთი ბერძნულ მითოლოგიაში. — მთარგმნელის შენიშვნა.

ედოთ და მოწყენილობა ჰკლავდათ. ძველი, შეჩვეული ნივთები ახალი ავეჯითა და მოწყობილობით შეცვალეს, რომლებიც არაფერს ასხენებდათ. მოგონებებს ადგილი აღარ დარჩა. ცოლ-ქმრული ცხოვრების პირველი წლები აღიგავა მათს ცნობიერებაშიც... დიდ უსიამოვნებას უმზადებს საკუთარ თავს ორი შეყვარებული არსება, როცა წყვეტენ იმ ჭაჭვს, რომელიც მათ თავიანთი სიყვარულის მოწმე წარსულთან აკავშირებთ! ამ წარსულის ხატება ის მტკიცე ფარია, რომელიც იცავს მათ გულაცრუებასა და მტრობისაგან, გარდუვალად რომ ენაცვლებიან პირველი ხანების ალერსიანობას... ხარჯების იოლად გაწევის შესაძლებლობამ დააახლოვა ჟაკლინი, პარიზში და მოგზაურობის დროს (მას შემდეგ, რაც გამდიდრდნენ, ხშირად მოგზაურობდნენ), მდიდარი, მოცილილი ადამიანების კლასთან, რომელთა საზოგადოება ზიზღს უწერავდა მას დანარჩენი ადამიანებისადმი, იმით მიმართ, ვინც შრომობს. საოცარი შემგუებლობის წყალობით, ჟაკლინი ხელად დაემსგავსა ამ უნაყოფო და გამოფიტულ არსებებს. ოდნავი შეწინააღმდეგებაც კი შეუძლებელი იყო. ჟაკლინი მაშინვე აიფაფრებოდა და გაღიზიანებული „მეშჩანურ სულმდაბლობას“ უწოდებდა აზრს, რომ შესაძლოა და კიდევ უნდა განიჭებდეს ბედნიერებას ოჯახური მოვალეობა და aurea mediocritas¹. მას უკვე უჭირდა გაეგო, როგორ შეეძლო ამ ცოტა ხნის წინათ, დიდსულოვნად შეეწირა თავი სიყვარულისათვის.

ოლივიე საკმაოდ ძლიერი არ იყო, რომ ებრძოლა. ისიც გამოცვლილიყო. მას თავი დაენებებინა მასწავლებლობისათვის, აღარ ჰქონდა რაიმე დაკისრებული მოვალეობა და მხოლოდ წერდა თავისთვის, რასაც დაერღვია მისი ცხოვრების წონასწორობა. აქამდე იგი წუხდა, რომ არ შეეძლო მთლიანად ხელოვნებას მისცემოდა. ახლა მთლიანად ხელოვნებას ეუთვნოდა, მაგრამ ღრუბლებში დაკარგულს გზა ვეღარ გაეგნო. ხელოვნება, თუ მას ზურგს არ უმაგრებს ხელობა, არ გააჩნია დასაყრდენი სისხლსავე პრაქტიკულ საქმიანობაში, ხელოვნება, თუ მას ცეცხლს არ უნთებს ყოველდღიური საზრუნავი და არ აწუხებს ლუკმა პურის შოვნის საჭიროება, კარგავს თავის ცხოველყოფილებას და ცხოვრებისეულობას. იგი ოთახის ყვავილი ხდება, ფუფუნების საგანი; აღარ არის ის, რასაც წარმოადგენს ყველაზე დიდ ხელოვანთა შემოქმედებაში — ადამიანური ტკივილების წმინდა ნაყოფი... ოლივიემ იგემა უქმად ყოფნა და კითხვა დაუსვა თავს: „რისთვის...“ მას აღარაფერი აჩქარებდა; ჰოდა ერთ ხანს აოცნება თავისი კალამი, უმიზნოდ იყილა და გზა აებნა. მან დაკარგა კავშირი თავისი კლასის წარმომადგენლებთან, რომლებიც მოთმინებითა და რუდუნით შრომობდნენ და ავლებდნენ თავიანთ ხეულს. იგი მოხვდა უცხო საზოგადოებაში, სადაც უხერხულობას გრძობდა, მაგრამ მაინც მისკენ მიუწედა გული. თავად სუსტი, ხათრიანი და ცნობისმოყვარე, ოლივიე მოწიწებით აკვირდებოდა ამ

¹ ოქროს შუალედი (ლათ.).

სანოგადოებას, რომელსაც თუმცა მიმზიდველობა არ აკლდა, მაგრამ ცვალებადი იყო; და ოლივიე ვერ ამჩნევდა, რომ ნელ-ნელა თვითონაც მას ემსგავსებოდა და ექვი ეპარებოდა საკუთარ რწმენაში.

იგი მაინც ნაკლებ სწრაფად გარდაიქმნებოდა, ვიდრე ჟაკლინი. ქალს თანდაყოლილი აქვს საშიში უნარი, შეიცვალოს ერთბაშად და მთლიანად. ეს მყისიერი ფერისცვალება და ახალ სახედ გაცოცხლება ქალისა გულს უხეტიაეს. მათ, ვისაც იგი უყვარს. მაგრამ სიცოცხლით სავსე არსებებისათვის, რომელიც მოკლებულია ნებისყოფის სიმტკიცეს, რომ აღვირი ამოსდოს საკუთარ თავს, სრულიად ბუნებრივია, არ იყოს ზვალ იგივე, რაც დღეს არის. იგი მდინარე წყალსა ჰგავს. თუ გიყვარს უნდა სდიო მას, ანდა თავად იყო დიდი მდინარე, რომ შენი დინებით გაიტაცო მისი ნაკადი. როგორც ერთ, ისე მეორე შემთხვევაში საჭიროა იცვლებოდეს. აი, სახიფათო, მაგრამ გარდაუვალი გამოცდა, ურთმლისოდაც ვერ გაიგებ ნამდვილ სიყვარულს! ეს თანხმობა სულთა შორის, ერთობლივი ცხოვრების პირველ წლებში, ისე ნაზი და მყიფეა, რომ ოდნავი ცვლილებაც კი ერთ-ერთ მეუღლეში ზშირად საკმარისი ხდება, ყველაფერი დაინგრეს. რაღა ითქმის ქონებრივი მდგომარეობის ან გარემო წრის ერთბაშად შეცვლაზე! ძალზე ძლიერი, ანდა ძალზე გულგრილი უნდა იყო, რომ გაუძლო.

ჟაკლინი და ოლივიე კი არც გულგრილნი იყვნენ, არც ძლიერნი. ისინი ხედავდნენ ერთმანეთს ახალ შუქზე. და მეგობრის სახიდან უცხო ადამიანი უმზერდათ. როდესაც ამ გულისდამწყვეტ აზრს აღმოაჩენდნენ, ისინი გაურბოდნენ ერთიმეორეს, თავიანთი სიყვარულის სიბრალულობით, რადგან ჯერ კიდევ უყვარდათ ერთმანეთი. ოლივიე თავშესაფარს პოულობდა თავის სამუშაოში, მუდმივად დაკავებული იყო და ეს შვებას ჰგვრიდა. ჟაკლინს კი არაფერი ჰქონდა გულის გადასაყოლებლად, არაფრით არ იყო დაკავებული. იგი გაუთავებლად სულ ლოგინში იწვა, ანდა საათობით იჯდა ტუალეტის მაგიდასთან ნახევრად ჩაცმული, გაუნძრევლად, ფიქრებში ჩაძირული; და ყრუ სევდა გულაქულა აწებოდა ყინულოვანი ნისლივით. არ ძალუძდა გონებიდან გაეფანტა აკვიტებული ფიქრი სიყვარულზე... სიყვარული! ყველაზე წარმტაცი რამ ადამიანურ გამოვლინებათა შორის, როცა გინდა თავი ანაცვალო საყვარელ არსებას, ხოლო ყველაზე ბრყვეული და ფუჭი თავისმოტყუება, როცა ის ღვენა ბედნიერებისადმი... სხვა მიზანი ჟაკლინს ვერც წარმოედგინა ცხოვრებაში. ხანდახან სურვილი აღძვრია, სიკეთე ჩაედინა, უცდია, გულისხმიერება გამოეჩინა სხვა ადამიანებისადმი, გულთან მიეტანა მათი გაჭირვება; მაგრამ ვერ მოუხერხებია. სხვების ტანჯვის ცქერა საშინელ ზიზღის გრძობას აღუძრავდა, ნერვებს უშლიდა მისი წარმოდგენა. სინდისის დასამშვიდებლად, ერთი-ორჯერ გულკეთილობის მსგავსი რაღაც გამოიჩინა; შედეგი ვერაფერი სახარბიულო მიიღო.

— აი, ხომ ხედავთ, — ეუბნებოდა ჟაკლინი კრისტოფს. — გინდა კარგი

გაკეთო, მაგრამ ცუდი გამოდის. სჯობია, საერთოდ თავი შეიკავო. ეტყობა, მე ქველმოქმედის მოწოდება არა მაქვს.

კრისტოფი უყურებდა და ერთ-ერთი თავისი შემთხვევითი მეგობარი ქალი ახსენებდა: ამ უსულგულო და გრძნობაჩლუნგ კოპწიას ნამდვილი გულისხმიერების უნარი არ გააჩნდა, მაგრამ როგორც კი ვინმეს ტანჯვას შეხედავდა, დედობრივ გულმტკიცუნეულობას იჩენდა იმ ადამიანებისადმი, რომელიც გუშინ არაფრად უღირდა ან სრულიად არ იცნობდა. მას გულს ვერ უტრუებდა თვით ყველაზე არასასურველი საზრუნავი: რაღაც უცნაურ სიამოვნებაა ც კი პოულობდა იმაში, რაც უფრო მეტ თავგანწირვას მოითხოვდა. ყოველივე ეს ანგარიშმიუტემლად ზღებოდა: ეტყობა ამ ქალის მიერ თანაგრძნობის გამოჩენაში გამოხატულებას პოულობდა მისი მისწრაფება ბუნდოვანი და გამოუთქმელი იდეალისადმი. მისი სული, გრძნობადახშული ყოველდღიურ ცხოვრებაში, გახალისებულყო ამ იშვიათ წუთებში: იმით, რომ ვიღაცას ტანჯვა შეუმსუბუქა, იგი ისეთ ნეტარებას განიცდიდა, რომ მისი სიხარული ცოტა არ იყოს უადგილო ჩანდა. გულკეთილობა ამ ბუნებით უსულგულო ქალისა და უსულგულობა ბუნებით კეთილი ჟაკლინისა არც ბიწიერება ყოფილა, არც სათნოება; უბრალოდ, სულის ჰიგიენა გახლდათ როგორც ერთის, ისე მეორისათვის. მაგრამ პირველი უფრო უკეთ გრძნობდა თავს.

ჟაკლინს გულს უმძიმებდა ტანჯვაზე ფიქრი. ხორციელ ტკივილს სიკვდილი ერჩივნა. ერჩივნა მომკვდარიყო, ვიდრე დაეკარგა ერთ-ერთი წყარო სიხარულისა — სილამაზე ან ახალგაზრდობა. მას უსასტიკეს უსამართლობად ეჩვენებოდა ის, რომ ვიღაც შეიძლება მასზე ბედნიერი ყოფილიყო, რომ არ იყო ყოველმხრივ ბედნიერი, რისი სრული უფლებაც, საკუთარი რწმენით, ჰქონდა (აკი სწამდა ბედნიერება ამ ქვეყანაზე, ბედნიერება იყო მისთვის წყარო ერთიანი და განუსჯელი რწმენისა, მისი რელიგია). ბედნიერებას მართო რწმენად როდი აღიარებდა; მას თვით სათნოებად რაცხდა. ხოლო იყო უბედური — ეს ნიშნავს, რომ სახიჩარი იყო. მთელ თავის ცხოვრებას ჟაკლინი ამ პრინციპზე აგებდა. მისი ნამდვილი ხასიათი გამოიკვეთა იდეალების საბურველიდან, რომელშიაც შიშნეული მორცხვობით ეხვეოდა ჯერ ქალწული. ადრინდელი იდეალიზმის საპირისპიროდ, იგი უყურებდა საგნებს ფხიზელი და ნათელი თვალით. მართებული იყო მხოლოდ ის, რაც შეესაბამებოდა მალალი საზოგადოების აზრს და პირად კეთილდღეობას. ჟაკლინმა დედის ჩვევები შეითვისა: დადიოდა ეკლესიაში, ასრულებდა წესჩვეულებებს — ზედმიწევნით და გულგრილიად. იგი თავს აღარ იტანჯავდა იმის განსჯით, იყო თუ არა ეს ჭეშმარიტი: მას სხვა სატანჯველი ჰქონდა, უფრო გარკვეული; და თავის ადრინდელ, უსაგნო ჯანყს დამცინავი სიბრალულით უმზერდა. თუმცაღა მისი დღევანდელი გარკვეულობა უფრო ხელშესახებს ვერაფერს ხედავდა, ვიდრე გუშინდელი მისი იდეალიზმი. ჟაკლინი თავს ძალას ატანდა. ის არც ანგელოზი გახლდათ, არც ავსული. იგი ჩვეულებრივი მოწყენილი ქალი იყო.

მოწყენით კი მართლა გული უწყალდებოდა... მოწყენილობას უფრო ის უძლიერებდა, რომ გასამართლებელი მიზეზი არ ჰქონდა, ეთქვა, ოლივიეს არ ვუყვარვარო, ანდა თავად მძულსო ოლივიე. ყაქლინს ეჩვენებოდა, რომ მისი ცხოვრება დახშულიყო, ამოქოლილიყო, აღარ ჰქონდა მომავალი და ესწრაფვოდა ახალ. განუწყვეტლივ განახლებულ ბედნიერებას — ბავშვური ოცნება, რასაც მიუღწევებს ხდიდა მისი უუნარობა, ბედნიერად ეგარძნო თავი. იგი იმ ქალების, იმ მრავალი მოცლილი მეუღლის დღეში იყო, რომელთაც ყველა საფუძველი აქვთ ბედნიერნი იყვნენ, მაგრამ ერთთავად რალაციით თავს იწამებენ. რამდენს ვიცნობთ, მდიდრებიც არიან. ცქრიალა ბავშვებიც ჰყავთ, არც ჯანმრთელობა აკლიათ, არც კეთილგონიერება და არც მშვენიერების გარძნობა, ხელს არაფერი უშლით იმოქმედონ, სიკეთე ქმნან, გაალამაზონ საკუთარი და სხვების ცხოვრება. ისინი კი მთელ დროს წუწუნებენ ატარებენ, რომ ერთმანეთი არ უყვართ, ვიღაც სხვა უყვართ, ანდა არავინ არ უყვართ, დღენიადავ საკუთარი თავით, თავიანთი სანტიმენტალური და სექსუალური ურთიერთობებით, ბედნიერების რალაც უფლებების დაჩემებით, ურთიერთსაწინააღმდეგო ეგოისტური მისწრაფებებით გართულან და კამათობენ, კამათობენ, კამათობენ, თამაშობენ დიდი სიყვარულის, დიდი ტანჯვის კომედიას, ბოლოს თვითონვე რომ იჯერებენ... ვინ ეტყვის მათ:

„არაფრით თქვენ განსაკუთრებული არა ხართ. რა საკადრისია ასე წუწუნი, როცა ამდენი საშუალება გაქვთ ბედნიერი იყოთ!“

ვინ წაართმევს მათ თავიანთ სიმდიდრეს, ჯანმრთელობას, ყველა ამ მონიჭებულ მადლს, რომლის ღირსიც ისინი არ არიან! ვინ დაადგამს სილატაკისა და ნამდვილი გაკვირვების უღელს ამ მონებს, რომელთაც უნარი არ შესწევთ თავისუფალი იყვნენ და რომელთაც ჰკუთას ურევს თავისუფლება! მართლა ოღლით რომ შოულობდნენ სარჩოს, ხომ კმაყოფილი იქნებოდნენ იმით, რომ ლუკმა პური აქვთ. ხოლო ნამდვილ ტანჯვას სახეში რომ შეენათებინა მათთვის მრისხანე მზერა, ხომ ველარ გაბედავდნენ, ამ ტანჯვის უბადრუკი კომედია გაეთამაშებინათ...

მაგრამ, როგორც უნდა იყოს, ეს აღამიანები იტანჯებიან. ისინი ავადმყოფნი არიან. როგორ არ შევიბრალოთ ისინი? ჰოდა, საბრალო ყაქლინიც უღანანაშულო იყო იმაში, რომ შორდებოდა ოლივიეს, ისევე როგორც უღანანაშულო იყო ოლივიე, რომ არ ძალუძდა მისი დაქერა. ყაქლინი მხოლოდ და მხოლოდ ის იყო, რაც ბუნებას შეექმნა. მან არ იცოდა, რომ ქორწინება — ეს გამოწყვევაა ბუნებისადმი, ხოლო როცა ბრძოლაში იწვევ ბუნებას, უნდა მოელოდე, რომ ბუნება გამოწყვევას მიიღებს და გმართებს მამაცურად ჩაება ბრძოლაში, რომელიც თვითონვე ატეხე. იგი მიხვდა, შეცდომა დაუშვა და გაწბილებულიყო; ამ გაწბილებას მტრულად განეწყო იგი ყოველივე იმის მიმართ, რაც უყვარდა, თვით ოლივიეს რწმენის წინააღმდეგ, რომელიც მისი რწმენაც იყო. ჰკვიანი ქალი, თავისი ალღოს წყალობით, კაცზე უკეთ სწვდება, გონება-

გახსნის წუთებში, ცხოვრების იღუმალ აზრს; მაგრამ მისთვის ძნელია ამ აზრზე დარჩეს. კაცი, რაკი ერთხელ გონებაში გაიტარებს აზრებს, მათ ასაზრდოებს თავის ცხოვრებაში. ხოლო ქალი მათით ასაზრდოებს თავის ცხოვრებას; იგი შეიწოვს აზრებს, მაგრამ თვითონ არ ქმნის მათ. მის გულსა და გონებას მუდმივად ახალ-ახალი საკვები სჭირდებათ: თავისი ნექტარი არ ჰყოფნით. როცა ქალს არა სწამს და არ უყვარს, იგი ანკრეფს, უკეთუ ზეგარდმო მომადლებული არ არის უმაღლესი სათნოებით, სიმშვიდე რომ ჰქვია.

სულ ცოტა ხნის წინათ ჟაკლინს მხურვალედ სჯეროდა ერთობლივ რწმენაზე დამყარებული ცოლქმრული კავშირის შესაძლებლობა, სწამდა ბედნიერება — ერთად ებრძოლათ, გაეჭირვათ და ეშენებინათ. მაგრამ ყოველივე ეს მხოლოდ მანამდე სწამდა, ვიდრე თავს დაჰნათოდა სიყვარულის მზე: მას შემდეგ კი, რაც მზემ გადაზრა იწყო, ეს რწმენა უდაბურ ცაში აღმართულ მწიარ და ბნელ მთად მოეჩვენა და ძალა აღარ ეყო, გზა განეგრძო: რილასთვის აბობლებულიყო მწვერვალზე? რა დახვდებოდა მის გადაღმა? რა უზარმაზარი სიბრწყვია!... ჟაკლინს ველარ გაეგო, როგორ ატყუებინებდა თავს ოლივიე ამ ფუტ ოცნებებს, მთელ მის ცხოვრებას რომ ფლანგავდნენ, და გულში ასკენიდა, ოლივიე არც ისე ჰკვიანია და არც სიცოცხლისუნარიანო. ქალს სული ვსუთებოდა ქმრის ატმოსფეროში და თავდაცვის ინსტინქტი უბიძგებდა გაებრძოლა. ცდილობდა გაეცამტვერებინა ჯერ კიდევ საყვარელი ადამიანის მრწამსი, რომელიც მისთვის მტრული გამხდარიყო; ირონიისა და ავხორცობის ყოველგვარ იარაღს იყენებდა, თავისი ყოფითი სურვილებისა და წვრილმანი საზრუნავის ხლართებში ხვევდა, ლამობდა თავის ანარეკლად ექცია... თავისი თავისა, რომელმაც აღარ იცოდა, რა სურდა და რას წარმოადგენდა! იგი დამცირებულად გრძნობდა თავს, რომ ოლივიე წარმატებას ვერ აღწევდა ცხოვრებაში. და მისთვის მნიშვნელობა აღარ ჰქონდა, სამართლიანი იყო თუ არა ეს, იმ რწმენამდე მისულიყო, რომ საბოლოო ჯამში ნიჭიერ ადამიანს ხელმოცარულისაგან წარმატება განასხვავებსო. ოლივიეს გულს უმძიმებდნენ ეს ეჭვები, თავის საუკეთესო ძალებს რომ აკარგვინებდნენ. მაგრამ მაინც იბრძოდა, რაც შეეძლო, როგორც უბრძოლიათ და კვლავ იბრძოლებენ ადამიანები, თუმცა უმრავლესობა წარმატებას ვერ მიაღწევს ამ უთანასწორო ბრძოლაში, სადაც ქალის ეგოისტური ინსტინქტი, კაცის გონებრივი ეგოიზმის წინააღმდეგ, დასაყრდენს პოულობს კაცის სისუსტეში, მის იმედაცირებებსა და მის საღ აზრში, — სახელი, რომლითაც ფარავს ეს უკანასკნელი ცხოვრებით დაძაბუნებას და საკუთარ სულმოკლეობას. ჟაკლინი და ოლივიე მაინც მაღლა იღვწენ რიგით თანამებრძოლებზე. ოლივიე არასოდეს უღალატებდა საკუთარ მრწამსს, როგორც იქცევიათ ათასობით ეს ადამიანები, რომლებიც ნებდებიან თავიანთი სიზარმაცის, ამაოებისა და სიყვარულის ცთუნებათა ნარევის, უარყოფენ თავიანთ უკვდავ სულს. ოლივიეს რომც გაეკეთებინა ეს, ჟაკლინს იგი შეზიზღედებოდა, მაგრამ, თავისი გონებადაბინდულობით, ჟაკლინი ცდილობდა დაემ-

სხვრია ოლივიეს ეს ძალა, თავისივე ძალა, ორივეს დამცველი ჯავშანი რომ იყო, და უნებლიე ხრიკებით ძირს უთხრიდა იმ მეგობრობის საძირკველს, რომელსაც ეს ძალა ემყარებოდა.

მას შემდეგ, რაც მემკვიდრეობა მიიღეს, კრისტოფი უხერხულად გრძნობდა თავს ახალგაზრდა ცოლ-ქმრის ოჯახში. ჟაკლინის მოჩვენებითმა სნობიზმმა და უხამსობამდე მისულმა პრაქტიციზმმა, კრისტოფთან საუბარში მზაკვრულად ხაზს რომ უსვამდა, მიზანს მიიღწიეს. ზოგჯერ კრისტოფი თავს ველარ იკავებდა და მკვანხედ უპასუხებდა, ცუდად რომ იგებდნენ ხოლმე. თუმცა ამას განხეთქილება არასოდეს ჩანოუვლიდა ორ მეგობარს შორის, ისე ძლიერ უყვარდათ ერთმანეთი. ოლივიე ქვეყნად არაფრის გულისათვის არ დათმობდა კრისტოფს. მაგრამ არ შეეძლო თავს მოეხვია იგი ჟაკლინისათვის; სიყვარულს უნებისყოფო გაეხადა და უნარი არ შესწევდა, ეწყენინებინა მეუღლისათვის. კრისტოფმა დაინახა, თუ რა ორ ცეცხლს შუა იყო ოლივიე და არჩევანი გაუადვილა — თვითონ გადგა განზე. მიხვდა, რომ თავისი სიახლოვით ვერაფერს დაეხმარებოდა მეგობარს, პირიქით, უფრო ავნებდა. რაღაცეები მოიმიზეზა, ვითომ თვითონ სურდა განშორება; და ოლივიემაც, თავისი სისუსტით, მიიღო ეს უსუსური საბუთები, თუმცა ხვდებოდა, რომ კრისტოფი მსხვერპლად სწირავდა თავს, რის გამო სინდისის ქენჯნას განიცდიდა.

კრისტოფი არ ემდუროდა. ტყუილად არ უთქვამთო, — ფიქრობდა გულში, — რომ ქალი კაცის ნახევარია, რამეთუ ცოლიანი კაცი უკვე ნახევარ-კაცი ყოფილაო.

კრისტოფმა სცადა ახლებურად მოეწყო თავისი ცხოვრება, გაეძლო უოლივიეოდ. მაგრამ მიუხედავად იმისა, რომ თავს ირწმუნებდა, განშორება დროებითაო და თავისი ოპტიმიზმი არ დაეკარგა, უმეგობრობა ძალზე გაუტყირდა. მარტობას უკვე გადაჩვეულიყო. მართალია, იგი ადრეც მარტო იყო, სანამ ოლივიე პროვინციაში იმყოფებოდა, მაგრამ მაშინ ახერხებდა თავი მოეტყუებინა იმედით, მეგობარი შორს არის და დაბრუნდებაო. აი, მეგობარი დაბრუნდა — და უფრო დაშორდა, ვიდრე უწინ. ეს თანაგრძნობა, რომელიც ათბობდა მის ცხოვრებას მრავალი წლის მანძილზე, უცებ მოაკლდა და თითქოს ხალისი დაეკარგა მოქმედებისა. მას შემდეგ, რაც ოლივიეს დაუმეგობრდა, კრისტოფს ჩვეულებად დასჩემდა, ყველა თავისი ჩანაფიქრის მოზიარედ გაეხადა მეგობარი. სამუშაო ვერ ავსებდა სიცარიელეს: კრისტოფი მიჩვეულიყო, რომ მუშაობაში გვერდით ხლებოდა მეგობრის სახე. დღეს კი, როცა მეგობარს გული გააჰრილებოდა მასზე, კრისტოფს თითქოს სულიერი წონასწორობა დაერღვა: ეს წონასწორობა რომ აღედგინა, მას ახალი თანაგრძნობა სჭირდებოდა.

ქ-ნი არნო და ფილომელა კვლავ მეგობრებად ეგულებოდნენ. მაგრამ ამ წუთს მათი მშვიდი მეგობრობა ვერ ემაროდა.

მიუხედავად ამისა, ორივე ეს ქალი ხედებოდა კრისტოფის ნაღველს და ჩუმად თანაუგრძნობდნენ მას. კრისტოფი სახტად დარჩა, როდესაც ერთ საღამოს ქ-ნი არნო მასთან შემოვიდა. ადრე მას არასოდეს გამოუჩენია ასეთი სითამამე, შინ სწევოდა კრისტოფს. ქალი აღელვებული ჩანდა. კრისტოფს ამისთვის ყურადღება არ მიუქცევია; ეს აღლევა მის მორცხვობას. მიაწერა. ქ-ნი არნო დაჯდა და ხმას არ იღებდა. სტუმარი რომ გაემხნევებინა კრისტოფი გულლიად დაუხვდა და შინაურული საუბარი გაუბა; სიტყვა ოლივიეზე ჩამოვარდა — ოთახში ყველაფერი მას ახსენებდათ. კრისტოფი მხიარულად ლაპარაკობდა მეგობარზე, კრინტიც კი არ დაუძრავს იმაზე, რაც მოხდა. მაგრამ ქ-ნმა არნომ თავი ვერ შეიკავა, არ გამოემქლავებინა, რომ იცოდა ყველაფერი, ერთგვარი სიბრალულით შეხედა კრისტოფს და ჰკითხა:

— ერთმანეთს აღარ ხედებით?

კრისტოფმა იფიქრა, ჩემს სანუგეშოდ მოსულაო და მოუთმენლობა დაეტყო: არ უყვარდა, ვინმე თავის საქმეში ჩაერია.

— ვხედებით, როცა გავგინარდება, — მიუგო.

ქალი გაწითლდა და მოიბოდიშა:

— ოჰ, ზედმეტი ცნობისმოყვარეობა გამოვიჩინე!

კრისტოფს დაენანა, რომ ასე მკვახელ უპასუხა, ხელები დაუჭირა და უთხრა:

— მპატიეთ! არ მინდა გამტყულება დაუწყონ. საბრალო! თვითონაც ჩემზე არანაკლებ განიცდის... არა, სულ აღარ ვხედებით.

— წერილსაც აღარა გწერთ?

— არა, — დარცხვენით ჩაილაპარაკა კრისტოფმა.

— რა სამწუხაროა ცხოვრება! — დასძინა ქ-ნმა არნომ ცოტა ხნის მერე.

კრისტოფმა თავი ასწია.

— არა, ცხოვრება სამწუხარო არ არის, — თქვა მან. — ცხოვრებაში არის სამწუხარო წუთები.

— ერთმანეთი უყვარდათ და აღარ უყვართ! რაღა საჭირო იყო შეყვარება? — წამოიწყო ისევ ქ-ნმა არნომ და მის ხმაში რაღაც იღუმელი ნაღველი გამოკრთა.

— ხომ უყვარდათ მაინც...

ქ-ნმა არნომ განაგრძო:

— თქვენ მსხვერპლად შესწირეთ მას თავი. ნეტა ჩვენი მსხვერპლი რამეს მაინც თუ არგებს მას, ვინც გვიყვარს! მაგრამ ვაი, რომ ის ამით უფრო ბედნიერი არ გამხდარა!

— მე თავი მსხვერპლად სულაც არ შემიწირავს, — შეეპასუხა გაჭავრებული კრისტოფი. — თუნდაც რომ ამას მსხვერპლად შესწირვა დავარქვათ, მთავარია, ეს მე მსიამოვნებს. რა შუაშია ამაზე განსჯა — კამათი. ყოველი აკეთებს იმას, რაც უნდა აკეთოს. რადგან რომ არ გააკეთო, უთუოდ უბედურად

იგრძნობ თავს! არ არსებობს უფრო ბრიყვეული სიტყვა, ვიდრე ეს „მსხვერპლად შეწირვა!“ რომელიც ინგლისელმა ლეთისმსახურებმა, თავიანთი სულიერი უბადრუკობით, ჩადეს მასში პროტესტანტული ტანჯულობის პირქუში და მწირი იდეა. თითქოს თავის შეწირვა მხოლოდ მაშინ არის საქები, როცა იგი უსიამოვნებას გგვრის... დალაზეროს ეშმაკმა! თუ კი მსხვერპლად შეწირვა თქვენთვის მწუხარებას ნიშნავს და არა სიხარულს — თუ ღმერთი გწამთ, ნუ ეშხვერპლებით, თქვენ ამისი ღირსი არა ხართ. მსხვერპლად ვეწირებით არა ვიღაც გარეგანს, არამედ ჩვენს საკუთარ თავს. უკეთუ ბედნიერებას არ ვანიცდით თავის შეწირვით, ჯანდაბამდისაც გზა გქონიათ! არამია თქვენთვის სიცოცხლე.

ქ-ნი არნო უსმენდა თავჩაღუნული და ვერ გაეხედა შეეხედა კრისტოფი-სათვის. უცებ წამოდგა და თქვა:

— ღამე მშვიდობისა.

მაშინ მიხვდა კრისტოფი, რომ იგი რალაცას გასანდობად მოსულიყო, და მიაძახა:

— ოჰ, მამატიეთ! ეგოისტი ვარ — მარტო საკუთარ თავზე ვლაპარაკობ. დარჩით, რა, კიდევ ცოტა ხანს.

მან უპასუხა:

— არა, არ შემიძლია... გმადლობთ...

და წავიდა.

რამდენიმე ხანი ერთმანეთი თვალით აღარ უნახავთ. ქ-ნი არნოს სიახლოვეს აღარ გაუქაჟანებია; ხოლო კრისტოფი აღარც მასთან დადიოდა, აღარც ფილომელასთან. ისინი კვლავინდებურად გულით უყვარდა; მაგრამ იცოდა, რომ მათთან საუბარი ნაღველს აუშლიდა, და ერიდებოდა. გარდა ამისა, მათი მშვიდი, უფერული ყოფა და მეტისმეტად გაუხშობებული ატმოსფერო დღეს მის გუნებას ვერ ეთვისებოდა. მას სჭირდებოდა ახალ-ახალი სახეები ენისა, ახალი ხალისით, ახალი სიყვარულით აღმდგარიყო.

გული რომ გადაეყოლებინა, განაახლა სიარული თეატრში, სადაც უკვე კარგი ხანი იყო აღარ შეეხედა. სხვათა შორის, თეატრი ესახებოდა მას საგულისხმომ სკოლად კომპოზიტორისათვის, რომელსაც სურს ცოცხლად აღიქვას და ნოტებზე გადაიტანოს ვნებათა ინტონაციები.

არა, კრისტოფი როდი მოეხიბლა ფრანგულ პიესებს; იგი მათ ისევე ათვალწუნებით უყურებდა, როგორც პარიზში ყოფნის პირველ ხანებში. გარდა იმისა, რომ თვალში არ მოსდიოდა მათი ფსიქო-ფიზიოლოგიური სიყვარულით შეხავებული უფერული და უხეში, გადაღეჭილი სიუჟეტები, კრისტოფს უკვე უაღრესად ყალბიც ეჩვენებოდა ფრანგული დრამის, განსაკუთრებით კი პოეტური დრამის თეატრალური ენა. არა თუ პოეტური, მათი პროზაული ენაც სულ არ შეესატყვისებოდა ხალხის ცოცხალ მეტყველებას, მის სულს. პროზა უკეთეს ავტორებთან მაღალი წრის მექრონიკეთა ლეგატინილი ენა გახლდათ,

ხოლო უარესებთან — უხამს მეფელეტონეთა ფრაზიორობა. პოეზია კი გოეთეს მოსწრებულად ნათქვამს ამართლებდა:

„მოლექსეობა მათი საქმეა, ვისაც სათქმელი არაფერი აქვს“.

მათი პოეზია იგივე პროზა იყო, ოღონდ სიტყვამრავალი და გატყლარტული; გამოგონილი პერსონაჟები, რომლებიც გამოეყვანათ თავიანთ ნაწარმოებებში და ამოქმედდნენ ყოველგვარი დამაჯერებლობის გარეშე, ნებისმიერ წრფელი გრძნობის ადამიანზე სიყალბის შთაბეჭდილებას ტოვებდა. კრისტოფი ამ პოეტურ დრამებს დამატკობელი შეღრიალებებითა და ზჩვეულო კრიმანჭულებით აჭრელებულ იტალიურ ოპერებზე მეტად როდი აფასებდა. მას უფრო მსახიობები აინტერესებდა, ვიდრე პიესები. დრამატურგებიც ხომ ცდილობდნენ მათთვის დაეწესგაკვებინათ თავიანთი პერსონაჟები. „იმედი არ უნდა გქონოდა, რომ პიესას წარმატებით შეასრულებდნენ, თუ შენს მოქმედ პირთა ხასიათებს კომედიანტთა ნაკლს არ შეუხამებდი“. მდგომარეობა თითქმის არ შეცვლილა იმ დროიდან, რაც დიდრომ ეს სტრაქონები დაუწერა. მსახიობები ხელოვნების ნიმუში გამხდარიყვნენ. როგორც კი რომელიმე მსახიობი წარმატებას მიაღწევდა, მყისვე თავის თეატრს ქმნიდა, თავის სასურველ თერძ-დრამატურგებს იჩენდა, რომლებიც მის ზომამზე კერავდნენ პიესებს.

ლიტერატურული მოდების ამ კანონმდებელთა შორის კრისტოფს ფრანსუაზ უდონი იზიდავდა. ერთი თუ ორი წელი იყო, რაც მისი სახელა ყველას პირზე ეყერა პარიზში. ცხადია, მასაც თავისი როლებით მომმარაგებლები ჰყავდა, თუმცა მსახიობი ქალი, სპეციალურად მისთვის შეთხზულ რამეებს გარდა, სხვა პიესებშიც თამაშობდა; მისი რეპერტუარი, საკმაოდ მრავალფეროვანი, იბსენიდან სარდუმდე, გაბრიელე დანუნციოდან დიუმა — შვილამდე, ბერნარდ შოჟდან ანრი ბატაიმდე ვრცელდებოდა. ზოგჯერ იგი თამაშდებოდა კლასიკური ჰეგზამეტრის სამეფო ხეივნებში და თვით შექპირიას პერსონაჟთა ვნეზათაღლევაშიც კი შეჭრილიყო. მაგრამ იქ თავს ისე არხენინად ვეღარ გრძნობდა. რაც უნდა ეთამაშა, ფრანსუაზი მუდამ თავის თავს თამაშობდა, მხოლოდ და მხოლოდ თავის თავს. ამაში იყო მისი სუსტი მხარეცა და მისი ძალაც. სანამ მისი პიროვნება საზოგადოების ყურადღებას მიიპყრობდა, მის თამაშს არავითარი წარმატება არ ჰქონდა. ხოლო იმ დღიდან, რაც თავისთავად საინტერესო გახდა, მოეჩვენათ, რომ ყველაფერს, რასაც თამაშობდა, შესანიშნავად ასრულებდა. დიახაც, მისი თამაში იმად ღირდა, რომ დაგვეჩვენებინათ სისუსტე პიესისა, რომელსაც ფრანსუაზი თავისი სიცოცხლით ავსებდა და ამშვენებებდა. გამოაცანა ამ ქალური სხეულისა, რომელიც ვიდაც უცნობი სულის ნიმუშად ქცეულიყო, უფრო ამაღლევებელი გახლდათ კრისტოფისათვის, ვიდრე პიესები, რომლებშიც იგი თამაშობდა.

ლამაზი და მკაფიო, ტრაგიკული გამომეტყველების პროფილი ამშვენებ-

და. — არა რომელი ყაიღის მკვეთრი მოხაზულობის მქონე, არამედ ჟან გუ-
ნონისებური, პარიზული სუსტი ნაკეთებით, ბიჭურ იერს რომ აძლევდა. მოკ-
ლე. მაგრამ კონტა ცნობი პქონდა. ლამაზი პირი, ნაზი ტუჩებე, კეთხეში პა-
წია ნაოპე — სევდის ბეჭელი. ყმაწვილებრ გამხდარი, ნატოფი ლოყები იღუ-
ნალ მღელღარებას აღვიძრავდათ გულში, თითქოს შინაგანი ტანჯვის ანარეკლი
აღმცვლილიყო ზედ. ნიკაპი — ნებისყოფის მაჩვენებელი, სახე — ფერმკრთა-
ლი. — ერთი სიტყვით, იმ სახეთაგანი, რომლებიც მიჩვეულან აღუშფოთველ-
ნი იუნენა, მაგრამ თავიანთდაუხებურად გამპვირვალენი არიან და ყოველ ნაყ-
ვთხე ენატებათ სულის უმცირესი მოძრაობა. თმა და წარბები ძალზე ნაზი
პქონდა, თვალები — ცვალებადი, მონაცრისფერო-ქარვისფერი, უცებ მომწ-
ვანოში, ანდა ოქროსფერში გარდამავალი — ზედგამოქრილი კატის თვალებე.
კატასავე ჰგავდა იგი თავისი მოჩვენებითი გულგრილობით, თვალებმღელღელი
რომ თვლემს, მაგრამ მუდამ ყურმახვილი და უნდო მზად აისის, გალიზიანებუ-
ლი ნერვები და ფარული სიმკაცრე გამოაჩინოს. არც ისე მაღალი და გამხდარი
იყო, როგორც ჩანდა, ლამაზ მხრებს მოხდენილი მკლავები და გრძელი, მოქ-
ნილი მტევნები უმშვენებდა. ამ ქალის ჩაცმულობა და ვარცხნილობა, უაღ-
რესად სადა და მოკლებული არტისტულ დაუდევრობასა და აგრეთვე ზედმეტ
კოპწიობას — (ესეც კატის თვისება!) — მეტყველებდა მის მკაცრ გემოვნება-
სა და შინაგან არისტოკრატისმზზე, თუმცა დაბალი ხალხის ფენებიდან იყო გა-
მოსული და არსებითად მოურჯულებელ უყარებად რჩებოდა.

ასე, ოცდაათამდე წლისა იქნებოდა. კრისტოფმა ფრანსუაზე ლაპარაკს
გამაწთან მოჰყრა ყური: კადნიერი აღტაცებით ჰყვებოდნენ მასზე, როგორც მე-
ტად თავისუფალ. ჰქვიან, თამამ, რკინისებური სიმტკიცის მქონე და პატივ-
მოყვარეობით შეპყრობილ, მაგრამ მძაფრი ხასიათის, აზირებულ, უხიაკ, სას-
ტიკ ქალზე. რომელიც დიდხანს ეგდო დაბლა გათელილი, სანამ დღევანდელ
დიდებებს მიაღწევდა, და მას აქეთ თურმე სულ შურს იძიებს.

ერთხელ, როდესაც კრისტოფი მატარებლით ფილომელას მოსანახულებ-
ლად მიემგზავრებოდა მედონაში, თავისი უჰესი კარი გააღო და შიგ მსახიობი
ქალი დაინახა. იგი აღელვებული ჩანდა, თითქოს რაღაც აწვალებდა; კრისტო-
ფის გამოჩენა აშკარად არ ესიაოვნა, ზურგე შეაქცია და მოპირდაპირე მინას
მიაწერა თვალი. კრისტოფი, რომელიც გაუოცებინა მისი სახის ტანჯულ გა-
მოწყვეტელებას, გულუბრყვილო და აბეზარი თანაგრძობით განაგრძობდა ყუ-
რებას. მითმინებიდან გამოსულმა ფრანსუაზემ მრისხანე მზერა სტყორცნა:
კრისტოფი ვერაფერს მიხვდა. შემდეგ სადგურში ჩამოვიდა და სხვა ვაგონში
გადაჯდა.

მაშინ კი მიხვდა, — მაგრამ უკვე გვიანდა იყო, — რომ ქალი ძალად
გააქცია, და გული დასწყდა.

რამდენიმე დღის შემდეგ, იმავე ხაზზე, ოღონდ პარიზისკენ მომავალი
კრისტოფი მატარებლის მოლოდინში სადგურის ბაჟნის ერთადერთ, გრძელ

სკამზე ჩამოკდა. უცებ საიდანლაც ფრანსუაზი გამოჩნდა, მოვიდა და გვერდით მიუჯდა. კრისტოფმა ადგომა დააპირა. მაგრამ ქალმა უთხრა:

— იჯექით.

მარტონი იყვნენ. კრისტოფმა მოიბოდიშა, იმ დღეს იძულებული გაგზადეთ სხვა კუბეში გადამჭდარიყავითო, და დასძინა, ვერ მივხვდი, თუ გაუუხებდით, თორემ მე წავიდოდით.

ფრანსუაზმა დამცინავად გაიღიმა და უპასუხა:

— მართალია, თქვენ ისე დაუინებით მომშტერებოდით, რომ პირდაპირ აუტანელი მეჩვენეთ.

— მაპატიეთ. თავი ვერ შევაკავე... მეტისმეტად ტანჯული სახე გქონდათ.

— ნერვ ავით რა?

— ველარაფერი გავაწყე. რომ ხედავდეთ, ვიღაც იხრჩობა, ნუთუ ხელს არ გაუწვიდით?

— მე? არამც და არამც. — მიუგო ქალმა. — პირიქით, თავს არ ამოვაცოფინებდი წყლიდან, რომ მალე მოლებოდა ბოლო ამ წვალუბას.

ესა თქვა ნალველნარევი ხუმრობით, მერე სახტად დარჩენილ კრისტოფს შეხედა და გაიცინა.

მატარებელი ჩამოდგა. ვაგონები სავსე იყო, მარტო ბოლო ვაგონში ჩანდა საჩუქრული ადგილები. ფრანსუაზი ავიდა. გამცილებელი აჩქარებდა მგზავრებს. კრისტოფმა, რომელსაც აღარ უნდოდა იმდღევანდელი სცენა განმეორებულიყო, სხვა კუბეს დაუწყო ძებნა.

— ამოდით, — დაუძახა ქალმა.

კრისტოფი ავიდა. ფრანსუაზმა დაუმატა:

— დღეს ჩემთვის სულ ერთია.

საუბარი წამოიწყეს. კრისტოფი მთელი გულმოდგინებით ცდილობდა შეესმინა მისთვის, რომ არ შეიძლება გულგრილი დარჩე სხვისი ბედისადმი, ცოტას როდი ნიშნავსო ადამიანებისათვის ერთმანეთის დახმარება, ოუნდაც ნუგეშისცემა...

— ჩემზე ნუგეშისცემა ვერ მოქმედებს. — თქვა მან.

კრისტოფი არ ეშვებოდა. მაშინ ფრანსუაზმა კაღვირად გაიღიმა და უთხრა:

— ნუგეშისცემა მხოლოდ ნუგეშისმცემელისათვის არის ხელსაყრელი.

კრისტოფი უცბად ვერ მიხვდა, ხოლო როდესაც მიხვდა და გაიზიარა, რომ ქალს ეჭვი ჰქონდა, თითქოს კრისტოფი ცდილობდა რაღაცას გამოჩვენოდა, მაშინ როცა გულწრფელად შესტკიოდა გული, აღმფოთებული წამოდგა, კარი გააღო და უნდოდა გადამხტარიყო დაძრული მატარებლიდან. ფრანსუაზმა ძლივსძლივობით დაიჭრა. გაბრაზებული კრისტოფი დაჯდა და კუბეს კარი მიხურა ზუსტად იმ დროს, როცა მატარებელი გვირაბში შევიდა.

— ხედავთ, — უთხრა ფრანსუაზმა, — ბეწვზე გადარჩით.

— ჯანდაბას.

კრისტოფს ლაპარაკის ხალისი წაუხდა.

— ქვეყანაზე გონება დახშულა, — თქვა მან. — ადამიანები ერთმანეთს ტანჯავენ და თვით იტანჯებიან; ხოლო როცა გინდა ხელი გაუწოდო, ექვი შეაქვთ შენში. გული გიფუჭდება. ადამიანები ადამიანებს აღარ ჰკვანან.

მან სიცილით სცადა დაემშვიდებინა. ხელთათმანიანი ხელი ხელზე დაადო, მოფერებით დაუწყო ლაპარაკი და სახელით მიმართა.

— როგორ, მიცნობთ? — გაიკვირვა კრისტოფმა.

— ვინ არის, რომ ვინმეს არ იცნობდეს პარიზში? ერთი მგზავრები ვართ. სწორად არ მოვიქეცი იმ დღეს. ვხედავ, კარგი ყმაწვილი ხართ. კარგი, დაწუნარდით. დაჰკარით ხელი! შევრიგდეთ!

ხელი ხელზე დაჰკრეს და მეგობრული საუბარი გააბეს. ფრანსუაზმა თქვა:

— ჩემი ბრალი როდია, რომ ადამიანებისადმი უნდო გავხდი: მეტიხმეტად ბევრი გამოცდილება მივიღე.

— მეც ბევრჯერ გამცრუებია იმედი, — მიუგო კრისტოფმა. — მაგრამ მაინც არ დამიკარგავს ნდობის უნარი.

— გეტყობათ, ბრიყვად დაბადებულხართ, ქუთას ვერასოდეს ისწავლით.

კრისტოფმა სიცილი დაიწყო.

— დიახ, ცოტა იმედგაცრუება როდი მიგემია ცხოვრებაში, მაგრამ ამას არ შევეუკრთივარ. ამტანი კუჭი მაქვს. ადვილად მომინელებია უფრო დიდრონი მხეცებიც — შიმშილი, სილატაკე და, თუ საჭირო გამხდარა, ის უტიფარნიც, რომელთაც ჩემზე ხელი აღუმართავთ. ყოველივე ამან მხოლოდ მარგო.

— თქვენ ბელი გხვდათ, — თქვა ფრანსუაზმა, — მამაკაცი ხართ.

— თქვენ კი ქალი ხართ.

— ეგ დიდი შელავათი არ არის.

— ეს სილაჰაზეა და, ალბათ, სიკეთეც!

ქალმა გაიცინა:

— ე ს: — წარმოთქვა. — კი მაგრამ, როგორ ექცევიან ამას ადამიანები?

— თავი უნდა დაიცვა.

— მაშინ შენი სიკეთე დიდხანს აღარ გეყოფა.

— საკმაო არ გქონია და იმიტომ.

— იქნებ ეგრეც იყოს. მაგრამ რა საჭიროა ზედმეტად იტანჯო. მეტიხმეტი — ბრეტისბრეტო.

კრისტოფი მზად იყო, ხელახლა ნუგეში ეცა, მაგრამ გაახსენდა, როგორ უკუავდო წელან მისი ნუგეშისცემა.

— თქვენ ისევე მეტყვით, რომ ნუგეშისცემა ნუგეშისმცემელისათვის არის ხელსაყრელი...

— არა, — უთხრა ფრანსუაზმა, — აღარ გეტყვით. ვგრძნობ, რომ ნამდვი-

ლად კეთილი და გულწრფელი ხართ. გმადლობთ. ოღონდ, ნუღარ მანუგეშებთ. თქვენ არ იცით... მადლობელი ვარ.

პარიზში ჩამოვიდნენ. ისე დაშორდნენ, მისამართებიც კი არ გაუცვლიათ, შინ არ მიუწვევიათ ერთმანეთი.

ორიოდე თვის შემდეგ ქალი თავად ეახლა და კარზე დაუკაკუნა კრისტოფს.

— თქვენი ნახვა მინდოდა. ცოტა ხანს თქვენთან საუბარი მჭირდება. ჩვენი შეხვედრის შემდეგ ხშირად ვფიქრობ თქვენზე.

ჩამოჯდა.

— მხოლოდ ერთი წუთით. დიდხანს არ დაგაყოვნებთ.

კრისტოფმა დააპირა ჩალაც ეთქვა. ქალმა არ დააცალა:

— მოითმინეთ, რა.

ორივენი დუმდნენ. მერე, ფრანსუაზმა გაიღიმა და თქვა:

— აღარ შეშეძლო. ახლა არა მიშავს.

კრისტოფმა დააპირა გამოეცითხა.

— არა, — უთხრა, — საჭირო არ არის!

თვალი მოავლო ოთახს, გზადაგზა მზერას აჩერებდა სხვადასხვა ნივთზე, რომ გონებაში შეეფასებინა ისინი. მერე ლუიზას ფოტოსურათი შენიშნა.

— დედაა? — ჰკითხა.

— ჰო.

ხელში აიღო და მოფერებით დააცქერდა.

— სათნო მოხუცია! — წარმოთქვა. — ბედნიერი ყოფილხარტ!

— ვაგლახ! აღარა მყავს.

— ეგ რა ბედენაა, ხომ გყავდათ მაინც.

— თქვენ?

მაგრამ მან წარბები შეიკუმუხნა და სიტყვა ბანზე აუგდო. არ სურდა, მისთვის გამოეცითხა დაეწყით.

— არა, თქვენზე მიაძებთ. მომიყევით... რაიმე თქვენს ცხოვრებაზე...

— რაში გპირდებათ?

— მაინც მოყევით...

კრისტოფს არ სურდა ლაპარაკი, მაგრამ ძალაუნებურად მიუგებდა შეკითხვებზე, რადგან ფრანსუაზმა იცოდა, რა და როგორ ეკითხა. ჰოდა, მოუყვა კრისტოფი იმაზე, რაც აწუხებდა — თავისი მეგობრის ამბავი, თუ როგორ განშორდა ოლივიე. იგი უსმენდა დამცინავი თანაგრძნობის გამომხატველი ლიმილით... უცებ იკითხა:

— რომელი საათია? ოჰ, ღმერთო ჩემო, მთელი ორი საათია აქა ვზივარ!... ბოდიში... ოჰ, რა შვება ვიგრძენი!...

მერე დაუმატა:

— ვისურვებდი შემეძლოს გამოგიაროთ... ხშირად არა... ხანდისხან... ეს ჩემთვის დიდი შემწეობა იქნებოდა. მაგრამ არ მინდა თავი შეგაწყინოთ, გაცდინოთ... მხოლოდ თითო წუთით, ათასში ერთხელ...

— მე ვივლი თქვენთან, — უთხრა კრისტოფმა.

— არა, არა, ჩემთან არა. უმჯობესია თქვენთან...

მაგრამ იგი დიდხანს აღარ გამოჩენილა.

ერთ საღამოს კრისტოფმა შემთხვევით გაიგო, რომ ფრანსუაზ უღონი მძიმედ გამხდარიყო ავად და უკვე რამდენიმე კვირა იყო, აღარ თამაშობდა. კრისტოფი მის სანახავად წავიდა, თუმცა ქალმა აუტკბალა შინ მოენახულვებინა. მიღებაზე უარი უთხრეს; ხოლო როდესაც ფრანსუაზმა მისი სახელი გაიგო, კიბიდან მოაბრუნებინა კრისტოფი. მსახიობი ქალი ლოგინში იწვა, ცოტა გამომჯობინებულიყო, ფილტვების ანთება შეჰყროდა და ძალზე გამოცვლილი ჩანდა; ისტიბარს კი მაინც არ იტეხდა — ისევ ისეთი დამცინავი იერი და გამსჭვალავი გამოხედვა ჰქონდა. მაინც გულით ესიამოვნა კრისტოფის დანახვა. აწოლთან დაისვა და მჭირდავი გულგრილობით დაიწყო ლაპარაკი თავის თავზე, უთხრა; კინალამ უფალმა მიმიბარაო. კრისტოფს მღელვარება დაეტყო. ფრანსუაზმა სიცილი დააყარა. კრისტოფმა უსაყვედურა, რატომ არაფერი შეძატყობინეო.

— თქვენთვის შემეტყობინებინა? რათა მოსულყავით? არაფრის გული-სათვის! .

— ნაძლევსა ვდებ, არც გაგხსენებივართ!

— მოგივით ნაძლევი, — უთხრა ქალმა დამცინავი და ცოტა ნაღვლიანი ღიმილით. — სანამ ცუდად ვიყავი, თქვენზე მართლა არ მიფიქრია. დღეს კი სწორედ თქვენზე ვფიქრობდი. ნუ გეწყინებათ! როცა ავადა ვარ, არავისთვის არა მცალია და არავისგან არაფერს მოვითხოვ, გარდა ერთისა — მოსვენება მომცენ! ცხვირით კედელს მიყვარდნობივარ და ველოდები... მინდა მარტო ვიყო, მარტომ გაეფშიყო ფეხები, როგორც ვირთხამ.

— მაინც ძნელია, როცა მარტო იტანჯები!

— მივეჩვიე. წლების მანძილზე უბედური ვიყავი. დახმარება არავინ გამიწია. ახლა ჩვეულებამ თავისი ქნა... თანაც ასე მიჩვევნია. ვერავინ ვერაფერს გიშველის. მარტო თავს გაბეზრებენ ოთახში ხმაურით, ზედმეტი ყურადღებით, პირმოთენ ვიშვივით... არა. მიჩვევნია ისევ მარტომ დავლიო სული.

— ძალზე უდრტვინველი ყოფილხართ!

— უდრტვინველი? არ ვიცი, რას ნიშნავს ეს სიტყვა. არა, კბილების ღრუპენით ვწყველი ტკივილს, ტანჯვას რომ მაყენებს.

კრისტოფმა ჰკითხა, ნუთუ არავინ მოგხედათ, მზრუნველობა არ გაგიწიათო. მან უპასუხა, თეატრის ამხანაგები იყვნენო — საქმაოდ კაი გულის, თუმცა შტერი ქალები; არაფერზე დამზარდებიან, თანაგრძნობა გამომიცხადესო (ცხაღია, სიტყვიერად).

— მაგრამ, — განაგრძო ფრანსუაზმა, — ხომ გითხარით, მე თავად ვარ უკარება. ვერავის ვეწყობი.

— ჩვენ შევეწყობოდით, — უთხრა კრისტოფმა.

მან სიბრალოლით შეხედა:

— თქვენც ასე! სხვებისაგან არც თქვენ განირჩევით.

— ბოდიში, მაპატიეთ... — მოიბოდიშა კრისტოფმა. — ღმერთო დიდებულ! წმინდა პარიზელად არ ვქცეულვარ! სირცხვილი ჩემი... გეფიცებით, დაუფიქრებლად წამოვროშე...

კრისტოფმა სახე საბანში ჩამალა. ფრანსუაზმა გულწრფელად გაიცინა და მოფერებით წაუთაქა თავში:

— ეს კი უკვე პარიზულს აღარ ჰგავს! როგორც იქნა! ახლა ნამდვილი კრისტოფი ხარ. აბა, დამენახეთ; საბანი ნუ დამისველეთ ცრემლებით.

— პატიებული ვარ?

— პატიებული ხართ. ოღონდ ნუღარ გაიმეორებთ.

ფრანსუაზი ცოტა კიდევ წაესაუბრა, ჰკითხა, რას საქმიანობო, მერე დაღლილობა იგრძნო, მოიწყინა და გაისტუმრა.

დათქვეს, რომ კრისტოფი შემოუვლიდა მომავალ კვირაში. ზედ წამოსვლის წინ ფრანსუაზისაგან ტელეგრაჰა მიიღო: ნუ მოხვალ, უგუნებოდ ვარო. ერთი დღის შემდეგ კი თვითონვე სთხოვა, მოდიო. კრისტოფი მოვიდა. ფრანსუაზი უკვე გამოჯანმრთელებულიყო, ფანჯარასთან იჯდა, ნახევრად წამოწოლილი. ადრეული გაზაფხული იყო, მზიანი დარი იდგა, ხეები ახალი ყლორტებით იმოსებოდნენ. კრისტოფს ფრანსუაზი ასეთი ალერსიანი და სითნო ჯერ არასოდეს ენახა. ქალმა უთხრა, იმ დღეს არავისი დანახვა არ მინდოდა; კიდევ კარგი არ მოხვედით, თორემ თქვენდაპირისუფლები სიძულვილს ვიგრძნობდით, როგორც დანარჩენი მამაკაცების მიმართ.

— დღეს?

— დღეს ნორჩად და უმანკოდ ვგრძნობ თავს და მიყვარს ყოველივე, რაც ჩემს გარშემო ნორჩი და უმანკოა, როგორც თქვენ.

— მე რომ ნორჩი და უმანკო არა ვარ?

— თქვენ ასეთად დარჩებით სიცოცხლის უკანასკნელ წუთამდე.

ისაუბრეს იმაზე, თუ რას აკეთებდა კრისტოფი მას შემდეგ, რაც ერთმანეთი აღარ უნახავთ, თეატრზე, რომელსაც ფრანსუაზი მალე დაუბრუნდებოდა, სიტყვამ მოიტანა და მსახიობმა ქალმა თავისი აზრი უთხრა თეატრზე: ვეღარ ვიტან, მაგრამ ვერ მოვცილებივარო.

მან აღარ მოისურვა, რომ კრისტოფს ევლო მასთან ბინაზე და დაჰპირდა, მე თავად შემოგივლით ზოლმეო; მარტო იმის გამო წუხდა, ხელი არ შეგიშალათო. კრისტოფმა უთხრა, ჩვეულებრივ, რომელ საათებში არ მუშაობდა. წინშანიც დათქვეს: ქალი პირობის მიხედვით დააკუენებდა კარზე, ხოლო ვაჟი — როგორც მოისურვებდა: უნდოდა — გააღებდა, უნდოდა — არა...

ფრანსუაზს ბოროტად არ გამოუყენებია ნებართვა. ხოლო როდესაც ერთხელ მაღალი წრის საღამოზე მიდიოდა ლექსების წასაკითხად, ბოლო წუთს დაეწარა, გზიდან დაურეკა, ვერ მოვალო, და კრისტოფთან შეუხვია: შევირბენ, „სალამო მშვიდობისას“ ვუსურვებ და წამოვალო. მაგრამ მოხდა ისე, რომ ამ საღამოს, მან გული გაუხსნა კრისტოფს — მოუყვა მთელი თავისი თავგადასავალი, ბავშვობიდან დაწყებული.

მწუხარე ბავშვობა! თვითონ — შემთხვევითი კავშირის ნაყოფი, წარმოდგენა რომ არ ჰქონდა საკუთარ მამაზე. დედა — ჩრდილოეთ საფრანგეთის ქალაქის გარეუბანში მდებარე, სახელგატეხილი სამიკიტნოს მფლობელი; გზად მიმავალი მეფორნეები მოდიოდნენ აქ, სვამდნენ, ღამეს ათევდნენ სამიკიტნოს პატრონთან და სცემდნენ მას. ერთმა მათგანმა ცოლად შეირთო ფრანსუაზის დედა, რადგან ფული შეაგულა; ისიც ერთთავად სცემდა ცოლს და ლოთობდა. ფრანსუაზს ჰყავდა უფროსი და, რომელიც მოსამსახურეობას უწევდა სამიკიტნოს; ყმაწვილი ქალი ჯაფით წელში წყდებოდა; მამინაცვალმა საყვარლად გაიხადა და ცოლის თვალწინ ცხოვრობდა მასთან; და ქლექიანი იყო და მალე მოკვდა. ფრანსუაზი ცემა-ტყეპასა და სისამაგლეში წამოიზარდა. ეს გახლდათ ფერმკრთალი, გაბოროტებული და გულჩათხრობილი გოგონა, მგზნებარე სულის მქონე პატარა უკარება. იგი უყურებდა, როგორ ტიროდნენ, იტანჯებოდნენ, ითმენდნენ, თავს იმცირებდნენ, იხოცებოდნენ მისი და და დედა. გოგონა საშინელმა სურვილმა შეიპყრო, ბედს არ ღამორჩილებოდა, როგორმე თავი გამოეღწია ამ სამარცხვინო გარემოდან; იგი მებაბოხედ ქეუელიყო; უსამართლობა ისტერიკაში აგდებდა: თუ სცემდნენ, ფრჩხილებით ფხაჭნიდა და იკბინებოდა. ერთხელ თავის ჩამოხრჩობაც სცადა, მაგრამ ბოლომდე ვერ მიიყვანა განზრახვა: გაყო თუ არა ყულფში თავი, მყისვე უკუაგდო ეს აზრი; შეეშინდა, მართლა არ დაეიხრჩო, და როდესაც, უკვე სულშეხუთული, გაშალებით ხსნიდა თოქს დაკრუნჩხული თითებით, სიცოცხლის შმაგმა წყურველმა გაიბრძოლა მასში. რაკი გამოსავალი ვერ ჰპოვა სიკვდილში (კრისტოფს ნაღვლიანად ეღიმებოდა, ბავშვობაში ჩადენილი ამბები გაახსენდა), გოგონამ დაიფიცა, გაემარჯვა, თავისუფალი და მდიდარი გამხდარიყო და ფეხქვეშ გაეთელა თავისი მჩაგვრელები. ეს ფიცი მან თავის ბუნაგში დაღო, სწორედ იმ საღამოს, როდესაც გვერდით ოთახში მამინაცვლის გინება, მის მიერ ნაცემი დედის წვილ-კვილი და გაუპატიურებული დის ქვითინი გაისმოდა. რა უბედური იყო მაშინ! მაგრამ ფიცმა შეება აგრძნობინა. კბილებს აღრქიალებდა და გულში ამბობდა:

„ღამაცადეთ, მე თქვენ გიჩვენებთ სეირს!“

ამ ბნელით მოცულ ბავშვობაში ერთი ნათელი სხავე შეჰოიჭრა.

ერთ დღეს მისმა თანატოლმა, თეატრის დარაჯის ბიჭმა, რომელთანაც ერთად თამაშობდა ხოლმე ქუჩაში, ჩუმად რეპეტიციაზე შეიყვანა, თუმცა ნებადართული არ იყო. ბავშვები დარბაზის სიღრმეში გაძვრნენ და ბნელში მიიმალნენ. ირგვლივ სიბნელეში გაჩირალდნებული სცენის იღუმალებამ, წარმოთ-

ქმული სიტყვების დიდებულმა და გაუგებარმა კილომ და მსახიობი ქალის დედოფლურმა იერმა (დედოფალს თამაშობდა რომანტიკულ მელოდრამაში) ალტაიეზაში მოიყვანეს ფრანსუაზი. მელეგარებისაგან გამტერდა და გულმა ბაგაბუგი დაუწყო... „აი, აი, ვინ უნდა გავხდე!... აჰ, ნეტა ასეთი მქნა!...“ როდესაც რეპეტიცია დამთავრდა, გადაწყვიტა, რადაც უნდა დამიჯდეს, სალამოზე წარმოდგენა უნდა ენახოთ. ბიჭი წინ გაუშვა, ვითომ უკან მიჰყვებოდა, მერე უცებ მიბრუნდა და დარბაზში, სკამქვეშ მიიკუნძა; ასე გაატარა სამი საათი, მტვერში გაგულდულმა; ხოლო წარმოდგენის დაწყების წინ, როდესაც მაყურებლებმა მოსვლა იწყეს და გოგონა საფარიდან გამოსვლას აპირებდა, ხელი სტაიეს, დარბაზის სიცილ-ხარხარში სირცხვილნაჰამი გარეთ გააგდეს და შინ წაიყვანეს, სადაც გაწკპლეს კიდეც. იმ დამეს იგი ცოცხალი ვერ გადაჩებოდა, დაბეჯითებით რომ არ სცოდნოდა, ვინ გახდებოდა მომავალში. რათა აპალღებულეყო ამ არაზნადა ადამიანების ბრბოზე და შური ეძია მათზე.

გეგმა შედგა. „თეატრის სასტუმრო — კაფეში“, სადაც მსახიობები ჩერდებოდნენ, დამლაგებლად მოეწყო. წერა-კითხვა ძლივს იცოდა, არაფერი კი არ წაეკითხა — წასაკითხი არაფერი გააჩნდა. მოისურვა საფუძვლიანად ესწავლა, რაშიც შესაშური გულმოდგინება გამოიჩინა. სტუმრებს ნომრიდან წიგნებს სწავნიდა და კითხულობდა ღამ-ღამობით, მთვარის შუქზე, ან განთიადღსას, რომ სანთელი არ დაეხარჯა. მსახიობების დაუდევრობის წყალობით, ეს წვრილმანი ქურდობა შეუმჩნეველი რჩებოდა, ანდა წიგნის პატრონები წაიბუზღუნებდნენ და ჩუმდებოდნენ. სხვათა შორის, წაკითხვის შემდეგ წიგნებს უბრუნებდა პატრონებს, თუმცა დაუზიანებლად იშვიათად — ფურცლებს, რომლებიც მოეწონებოდა, უსათუოდ ამოხევედა. წიგნებს რომ აბრუნებდა, როგორც წესი, ლოგინქვეშ ამოსდებდა, ან ავეჯის ქვეშ ფრთხილად შეაცურებდა მათ, ვითომცოთათხიდან არ გაეტანოთ. ყურით კარის ჭუჭრუტანას მიეკვროდა, რათა ესმინა მსახიობებისათვის, როლებს რომ იზებირებდნენ. მერე კი დერეფანს ჰგვიდა და თან ხმადაბლა ბაძავდა მათი გამოთქმის კილოს და მათს მიხრა-მოხრას. როდესაც ამაზე წაასწრებდნენ, მასხრად იგდებდნენ, ზოგი კი ლანძღავდა კიდეც. იგი ხმას არ იღებდა, ბრაზს გულში იკლავდა. სწავლის ეს მეთოდი, ალბათ, უსასრულოდ გაგრძელდებოდა, რომ გაუფრთხილებლობა არ გამოეჩინა და ერთხელ ნომრიდან ხელისთვის არ გამოეყოლებინა მსახიობის როლი. მსახიობმა ცოფები ყარა. ოთახში შენს მეტი არავინ შემოსულაო, — ხელი დაადო მან დამლაგებელს. ფრანსუაზი ცივ უარზე დადგა; მსახიობი გაჩხრეკით დაემუქრა. მაშინ ქალიშვილი ფეხებში ჩაუვარდა და დაწვრილებით აღიარა ყველაფერი, თუ როგორ იპარავდა სხვა წიგნებსაც და ხევედა იქიდან ფურცლებს, — მთელი თავისი საიდუმლოება გასცა. მსახიობმა ლანძღვა-გინებით აიკლო, თუმცა სინამდვილეში არც ისეთი ავი კაცი იყო, როგორც თავი მოაჩვენა. ჰკითხა, მაინც რატომ აკეთებდიო ამას. როდესაც შეიტყო, რომ მას მსახიობობა სურდა, გულიანად იხარხარა. მერე გამოკითხვა დაუწყო; ფრანსუაზმა მთელი გვერდები ზებირად წარმოთქვა. მსახიობს გაუკვირდა და უთხრა:

— მომისმინე, გინდა გაკვეთილები ჩაგიტარო?

ქალიშვილი ცას ეწია, ხელები დაუკოცნა.

— ოჰ, როგორ მეყვარებოდა! — მიუბრუნდა იგი კრისტოფს.

მაგრამ მსახიობმა კაცმა არც აცია, არც აცხელა:

— ოღონდ, ხომ იცი, გენაცვალე, მუქთად არავინ არაფერს იძლევა...

იგი ქალწული იყო, მუდამ მკაცრი კდემამოსილებით იგერიებდა აბეზარ არმისეთა ატორღილებას. ეს მიუკარებელი უბიწოება ბინძური ქმედებისადმი, ბილწი, უსიყვარულო ავხორცობისადმი ზიზღი მას ბავშვობიდან გამოჰყვა, რაც გამოწვეული იყო იმ მწუხარე სურათების ხილვით, ყოველ ნაბიჯზე რომ ხვდებოდა შინ; იგი ამასვე განიცდიდა დღესაც... ოჰ, რარიგ დაისაჯა, უბედური!... როგორ დასცინა ბედმა!...

— მერე დათანხმდით? — შეეკითხა კრისტოფი.

— ოჰ! — აღმოხდა. — მერჩივნა ცეცხლში ჩავვარდნილიყავი, ოღონდ კი თავი დამელწია მისგან. მაგრამ დამემუქრა, რომ დამაჭერინებდა ქურდობისათვის. არჩევანი აღარ მრჩებოდა. ასე შევდგი ფეხი ხელოვნებაში... და ცხოვრებაშიც.

— საძაგელი პირუტყვი! — თქვა კრისტოფმა.

— დიახ, მე იგი მძულს. მაგრამ მას შემდეგ ბევრი ადამიანი გავიცანი, რომელნიც მისზე უკეთესები არ აღმოჩნდნენ. ის თავისი სიტყვის პატრონი მაინც გამოდგა — მასწავლა, რაც იცოდა (თუმცა დიდი არაფერი!) მსახიობის ხელოვნებიდან და დასწივ ჩამრიცხა. თავდაპირველად ყველანი უფროსად მადგნენ. მხოლოდ მუნჯ როლებს მათამაშებდნენ. ერთხელაც მოახლის როლის შემსარულებელი ავად გახდა და გაბედეს, ჩემთვის მოედოთ მისი თამაში. ასე დაიწყო ჩემი მსახიობობა. უჩვეულოდ, სასაცილოდ, უცნაურად მთვლიდნენ. მაშინ უგვანი ვიყავი. ასეთად დავრჩი იმ დღემდე, ვიდრე უცებ ზექალად. ქალის იდეალად. „ყველაზე ქალურ ქალად“ არ გამომაცხადეს... ყეყეჩები! ჩემს თამაშს უმართებულოდ, შეუსაბამოდ მიიჩნევდნენ. მაყურებელს არ მოვწონდი. ამხანაგები დამცინოდნენ. დასწი მაინც ვყავდი, რადგან ასე თუ ისე სამსახურს ვუწევდი, თანაც არც ისე ძვირი ვღირდი. ძვირი კი არა, პირიქით, იქით ვუხდიდი. ყოველი ჩემი წარმატება, ყოველი წინსვლა, ნაბიჯ-ნაბიჯ რომ ვაღწევდი, საკუთარი სხეულის ფასად მიჭდებოდა. თეატრის ამხანაგები, დირექტორი, იმპრესარიო, იმპრესარიოს ძმაკაცები...

ფრანსუაზი გაჩუმდა, ფერმკრთალი და ტუჩებმოკუმული; თვალები გაშრობოდა; მაგრამ მისი გამომეტყველებიდან გამოსჰვიოდა, რომ სული უტიროდა სისხლის ცრემლებით. თვალწინ გაუელვა მთელმა მიყენებულმა შეურაცხყოფამ და განარჯვების სულ უფრო შმაგმა სურვილმა ყოველი ახალი შებღავის შემდეგ, რომელიც ძალაუწებურად უნდა მოეთმინა. რატომ თავს არ იკლავდა? სიამოვნებით მოიკლავდა, მაგრამ ვერ აეტანა, სამუდამოდ ასე თავლაფდასხმული დარჩენილიყო. თვითმკვლელობა — როგორ არა, ოღონდ შე-

ურაცხოფაჲდე, ანდა გამარჯვების მოპოვების შემდეგ. მაგრამ ამდენი დამცი-
რება იწვნით და ვერას გახდეთ... არამც და არამც!

იგი დადუმდა. კრისტოფი გაჯაერებული ბოლთას სცემდა ოთახში; სურვი-
ლი ჰქონდა მუსრი გაეელო იმ თაღლითებისათვის, რომელთაც გაეწამებინათ,
შეებიღწათ ეს ქალი. მერე მის წინ გაჩერდა და სიბრაღულით შეხედა; მისი
თავი, საფეთქლები თავის ხელებში მოიმწყვდია, ნახად მოუჭირა და წარმოთ-
ქვა:

— საბრალო გოგონავ!

ქალმა თავის მოძრაობით სცადა მოეშორებინა იგი. კრისტოფმა უთხრა:

— ნუ გეშინიათ ჩემი. მე გულწრფელად მიყვარხართ.

მაშინ ცრემლებმა დაუსველეს ფრანსუაზს ფერმკრთალი ლოყები. კრის-
ტოფმა მის წინ დაიხოქა და დაუკონა *la lunga man d'ogni bellezza piena...*
გრძელი, სრულქმნილი ხელები, რომლებზეც ორი ცრემლი დაეცა.

მერე კრისტოფი კვლავ დაჯდა. ფრანსუაზმა გული გაიმაგრა და დამშვი-
დებით განაგრძო თავისი ამბის მოყოლა.

ბოლოს იგი ცნობილი გახადა ერთმა დრამატურგმა. მან ამ უცნაურ ქვნი-
ლებში დემონური სული, გენია აღმოაჩინა, და რაც უფრო საგულისხმო იყო
მისთვის, „დრამატული ხასიათი, ახალი, თანამედროვე ქალის პროტოტიპი“
იპოვა. რასაკვირველია, ამ უკანასკნელმა ისევე, როგორც ყველა ადრინდელმა,
თავის ხასად გაიხადა იგი. ფრანსუაზიც დანებდა მას ისევე, როგორც ყველა
ადრინდელს, უსიყვარულოდ, თვით სიყვარულის საწინააღმდეგო გრძნობითაც
კი. მაგრამ მან ღიდება მოუტანა მსახიობს, ხოლო მსახიობმა, თავის მხრივ,
დრამატურგს.

— სამაგიეროდ, — უთხრა კრისტოფმა, — დღეს უკვე ვერაიენ ვეღარა-
ფერს დაგაკლებთ; თქვენ თვითონ რასაც გინდათ იმას უზამთ მათ.

— ეგრე გგონიათ? — მწარედ წარმოთქვა ქალმა.

და მოუყვა კიდევ ერთი ბედის დაციხვის შესახებ — თავის ვნებაზე ერთი
არამზადისადმი, რომელსაც ყურადღების ღირსად არ თვლიდა; ამ ლიტერა-
ტორმა ექსალუატაცია გაუწია, გამოსცინცლა მისი ყველაზე შეურაცხყოფელი
საიდუმლოებანი, მათზე წიგნი დაწერა, ქალი კი მიატოვა.

— მე იგი არაარაობად მიმაჩნია, — თქვა ფრანსუაზმა, — ძალღად ჩასაგ-
დებოც კი არ არის და სიბრაზით მაკანკალებს იმის ვაფიქრებაზე, რომ იგი მიყ-
ვარს, მაგრამ საკმარისია ერთი ხელი დამიქნოს, რომ მივირბინო და თავი და-
ვიმცირო ამ უღირსთან. რა შემძლეა ექნა? გულს არ სურს შეიყვაროს ის, რაც
ჭეროვნად მიაჩნია გონებას. გინდა არ გინდა, ან გულის სურვილი უნდა ანაც-
ვალო გონების კარნახს, ან პირიქით. გული და ხორციც ხომ ჩემია. ისინი ყვი-
რიან, კიჟინებენ, თავიანთ წილ ბედნიერებას მოითხოვენ. და არ გამაჩნია ბურ-
თი, რომ ჩავჩარო მათ პირში, არაფერი არა მწამს, თავისუფალი ვარ... თავი-
სუფალი? არა, მონა ვარ საყუთარი გულისა და ხორცისა, რომელთა სურვილ-

საც ვასრულებ მეტწილად, თითქმის ყოველთვის. ისინი მერევან. მრცხვენია ამისი, მაგრამ რა შემძლეა ვიღონო?...

ცოტა ხანს გაჩუმდა და უნებლიეთ ნაცარს დაუწყო მაშით ჩხრეკა.

— აქა-იქ წამიკითხავს, — განაგრძო შემდეგ, — ვითომ მსახიობები გულით არაფერს განიცდიანო. მართლაც, ყველანი, ვისაც კი პირადად ვიცნობ, ამპარტავანი დიდი ბავშვები არიან, რომლებიც გულით მხოლოდ მაშინ იტანჯებიან, როდესაც უშუალოდ მათი პატარა თავმოყვარეობა ილახება. არ ვიცი, ისინი არიან ნამდვილი მსახიობები, თუ მე. მაგრამ მგონია, უფრო მე უნდა ვიყო. ასეთ თუ ისე, მე ვიხდი სხვების მაგივრადაც.

ლაპარაკი შეწყვიტა და წასასვლელად წამოდგა. ღამის სამი საათი იყო. კრისტოფმა უთხრა, დილას დაელოდეთო, და თავისი საწოლი შესთავაზა. ფრანსუაზმა არჩია, ჩამქრალი ბუხრის პირას, სავარძელში დარჩენილიყო და ოთახის სიწყუნარეში საუბარი განეგრძო.

— უძილოდ ხვალ მთელი დღე მოთენთილი იქნებით, — უთხრა კრისტოფმა.

— მიჩვეული ვარ. თქვენ... თქვენ რაღას აკეთებთ ხვალ?

— არაფერს. გაკვეთილი მაქვს თერთმეტ საათზე... თანაც, მე მაგარი ვარ.

— ამიტომ ძილიც უფრო მაგარი გპირდებით.

— მართლა მკვდარივით მძინავს, როგორი ჯავრიც უნდა მქონდეს. ზოგჯერ ჩემს თავზე ვბრაზდები, რომ ასე ღრმა ძილი ვიცი: რამდენი ძვირფასი დრო იფლანგება უქმად!.. მოხარული ვარ, რომ ვერაგ ძილს ამალამდელ ღამეს მინც არ შევარჩენ.

ხმადაბლა, ხანგრძლივი პაუზებით განაგრძობდნენ საუბარს. ბოლოს კრისტოფს ჩაეძინა. ფრანსუაზმა გაიღიმა და თავი მიაღებინა სავარძელზე, რომ არ გადმოვარდნილიყო... თვითონ კი ფანჯარასთან დაჯდა და ოცნებებში წასული გასცქეროდა ჩაბნელებულ ბაღს, მალე რომ იწყო განათება. შვიდი საათი იქნებოდა, ფრთხილად გაადვიდა კრისტოფი და დაემშვიდობა.

მთელი თვის მანძილზე იგი მოდიოდა, მაგრამ შინ ვერ ნახულობდა კრისტოფს: კარი დაკეტილი ხვდებოდა. კრისტოფმა ბინის გასაღები მისცა, როცა მოგესურვოთ, მოდიოთ და დარჩითო. მართლაც, რამდენჯერმე მოვიდა და დაპყრო იქ, როდესაც კრისტოფი შინ არ დახვდა. წასვლისას მაგიდაზე ტოვებდა ხან იების კონას, ხანაც ქაღალდის ფურცელზე სახელდახელოდ შესრულებულ ჩანახატს ან კარიკატურას — ნიშანს იმისა, რომ აქ იყო.

ერთ საღამოსაც, თეატრიდან რომ გამოვიდა, კრისტოფთან შეიარა, რომ კვლავინდებურად გულლიად წაემუხაფთა. კრისტოფი მუშაობით იყო გართული. საუბარი გააბეს; მაგრამ პირველსავე სიტყვებზე მიხვდნენ, არც ერთი, არც მეორე არ იყვნენ განწყობილი მსჯელობისათვის, როგორც იმ დღეს. ფრანსუაზმა წასვლა დააპირა; მაგრამ უკვე კარგა შეგვიანებული იყო. არა, კრისტოფმა კი არ დაატანა ძალა, დარჩითო; მისმა საკუთარმა ნებამ აღარ გაუ-

შვა. ერთად იყვნენ და გრძნობდნენ, რომ ერთმანეთის სურვილი ეუფლებოდა ორივეს. და გული გულს მისცეს.

იმ ღამის შემდეგ ფრანსუაზი რამდენიმე კვირას აღარ გამოჩენილა. თვეობით მიძინებულმა გრძნობამ ერთბაშად იფეთქა კრისტოფში და მან იგრძნო, რომ უამქალოდ ყოფნა აღარ შეეძლო. ფრანსუაზმა სახლში მისვლა აუკრძალა. მაშინ კრისტოფმა გადაწყვიტა, თეატრში ენახა. სადღაც, უკან რიგებში ჩამალული შეყვარებული კრისტოფი მღელვარებისაგან ერთიანად კანკალებდა. ის მგზნებარე ტრაგიკში, რომლითაც ფრანსუაზი თავის როლს თამაშობდა, კრისტოფსაც ეღებოდა. ბოლოს, ვეღარ გაუძლო და მისწერა:

„მიწყრები, ძვირფასო? მომიტევე, თუ უნებურად გაწყენინე“.

ამ თავმდაბალი ბოდიშის წერილის მიღებისთანავე ფრანსუაზი კრისტოფთან გაჩნდა და გრძნობით მოეხვია მეგობარს.

— უნჯობესი იქნებოდა, უბრალოდ, კარგ მეგობრებად დავრჩენილიყავით, მაგრამ რაკი ეს შეუძლებელი აღმოჩნდა, ამაოდ რად შევებრძოლოთ გარდაუვალს. მოხდეს, რაც მოხდება!

მას შემდეგ თავიანთი ცხოვრება ერთმანეთს დაუკავშირეს, ოღონდ ისე, რომ თითოეულმა თავისი საცხოვრებელი ბინა და თავისუფლება შეინარჩუნა. ფრანსუაზს არ შეეძლო სულ ერთთავად კრისტოფის გვერდით ყოფილიყო. ამის საშუალებას არც სამუშაოს ხასიათი აძლევდა. ქალი თვითონვე მოდიოდა კრისტოფთან, დღისა და ღამის გარკვეულ ნაწილს მასთან ატარებდა, მერე თავის სახლში ბრუნდებოდა და ზოგჯერ მთელი ღამითაც შინ რჩებოდა.

პარიზის გარეუბანში, ყიფის მახლობლად, კრისტოფმა და ფრანსუაზმა ბინა დაიქირავეს; უნდოდათ, აქ გაეტარებინათ რამდენიმე თვე შევებულებისა, სანამ თეატრი კვლავ გაიხსნებოდა. ბედნიერად გადაიოდა დღეები. თუმცა ზოგჯერ მათ ბედნიერებას სევდის ბურუსი შეამღვრევდა ხოლმე. ეს იყო ურთიერთტოლგისა და შრომის მშვიდი დღეები. მათ ზემო საართულში ერთი ნათელი, კოხტა ოთახი ეკირათ, საიდანაც მოჩანდა შორს გადაჭიმული ველები და გადაშლილი ვრცელი პარიზონტი. დამდამობით საწოლიდან ხედავდნენ, როგორ მიიზღაზნებოდა ფანჯრებს მიღმა, ცის ჩაქუფრულ სილურჯეში უცნაური ღრუბლის ჩრდილები. ერთმანეთს ჩახვეულთ ძილ-ღვიძილში ჩაესმოდათ სიხარულით მთვრალი კულტკალების ჭრტიკინი, თავსხმა წვიმის შხაპუნი. ოთახში შემოდგომის მიწის სუნთქვა იგრძნობოდა; ჩიტავაშლას, კატაბარდას, ცისვარდასა და მოთიბული ბალახის სუნი ტრიალებდა. მათი სხეულებიც ამ სურნელებით იყო გაჟღენთილი. ღამის სიმშვიდე. ერთად ძილი. სიჩუმე. სადღაც შორიდან ისმის ძაღლების ყეფა. მამლები ყვირიან. ალიონი ახლოვდება. დღის ცივ ბურუსში შორეული სამრეკლოდან სუსტად მოისმის ზარების რეკვა. სიცოცხე თბილ ბუდეშიაც ატანს და ისინი უფრო მეტი სიყვარულით ეკვირიან ერთმანეთს. კედელზე ჩახვეულ ვაზში ჭიკჭიკით იღვიძებენ ჩიტები. თვალს ახელს კრისტოფიც,

სუნთქვას იკრავს და გრძნობამორევით დაჰყურებს მის გვერდით მძინარ, სიყვარულისგან ფერმიხდილი მეგობრის ძვირფას სახეს...

მათი სიყვარული ეგოისტური გრძნობა კი არა, ნამდვილი, ღრმა მეგობრობა იყო, სხეული კი მხოლოდ თავის ხვედრს ითხოვდა. ისინი არაფრით ზღუდავდნენ ერთმანეთს. თითოეული საკუთარი საქმით იყო დაკავებული. ფრანსუაზი თავყვანს სცემდა კრისტოფის ნიჰსს, მის კეთილ ბუნებას და მაღალხეობრივ მრწამსს. იგი გრძნობდა, რომ ბევრ რამეში კრისტოფზე უფროსი იყო და ეს დედობრივ სიხარულს ჰგვრიდა. ოღონდ გული სწყდებოდა, რომ მისი ნაწარმოებები არ ესმოდა. ფრანსუაზისთვის მუსიკის კარი დახშული გახლდათ... იმვითად თუ მიეცემოდა დაუოკებელ მღელვარებას და ამის მიზეზი ხშირად იმდენად მუსიკა კი არა, თვითვე, იყო, მისი ვნებები, იმ მომენტში რომ ეუფელდა და აფერადებდა ყველაფერს, რაც ფრანსუაზის გარშემო არსებობდა — ბუნებას, ხალხს, ფერებს თუ ბგერებს. და მაინც, მუსიკის მისთვის გაუგებარი, იღუმალე ენის მიღმა ფრანსუაზი კარგად ხედავდა კრისტოფის ნიჰიერებას. თითქოს უცხო ენაზე ამეტყულებული დიდი მსახიობის თამაშს უმზერდა. კრისტოფის გენია მის საკუთარ ნიჰსაც უფრო მეტ ცხოველმყოფლობას აძლევდა. კრისტოფიც ყოველი ახალი ნაწარმოების შექმნისას მთელ თავის ფიქრსა და ოცნებას საყვარელი ქალის სახეში აქსოვდა. მის წარმოსახვაში ეს ქალი უფრო მშვენიერი ხდებოდა, ვიდრე სინამდვილეში იყო. ასეთ ჰემმარიტად ქალურ, ნაზ, კეთილსა და ამავე დროს მკაცრ სულთან სიახლოვე, რომელიც ღროდადრო გენიალურობასაც ავლენდა, ფასდაუდებელ საუნჯეს წარმოადგენდა. მისი წყალობით კრისტოფმა ბევრი რამ შეიცნო ცხოვრებაზე, ხალხზე, სიმდიდრესა და ქალებზე, რომელთაც ჯერ კიდევ ძალიან ცუდად იცნობდა. ფრანსუაზი კი მათ შესახებ ზედმიწევნით საღად აზროვნებდა. რაც მთავარია, ამ ქალმა ასწავლა კრისტოფს თეატრის უკეთ გაგება, შესანიშნავი ხელოვნების არსს ჩააწვდინა, იმ ხელოვნებისა, რომელიც ხელოვნებათა შორის ყველაზე სრულყოფილი, ყველაზე საღი და სრულფასოვანია. ფრანსუაზმა მას დაანახვა ადამიანის ფანტაზიის ამ ჯადოსნური იარაღის მთელი სილაშქვით დაარწმუნა, რომ არ შეიძლება წერდნე მხოლოდ საკუთარი თავისთვის, რისკენაც კრისტოფსაც ჰქონდა მიდრეკილება (ეს იყო ხელოვანთა უმეტესობის მიდრეკილება. ბეთჰოვენის მსგავსად, ისინიც უარს ამბობდნენ ეწერათ „რომელიც წყვეული ვაოლინოსათვის, როცა მათი ენით თვით ღმერთები მეტყუვლებდნენ“). — ყველაზე დიდი დრამატურგიც კი არ თაკილობს წეროს ჩვეულებრივი თეატრისათვის, ამასთანავე ანგარიში გაუწიოს მსახიობებს, რომელთაც შემდგომ მისი ჩანაფიქრი სცენაზე უნდა განასახიერონ. იგი ამას დამამცირებელ საქმედ არა თვლის. იმიტომ, რომ მან იცის, ეს არის მშვენიერი ოცნება, მისი განხორცილება კი — დიდებული საქმე. თეატრიც, ისევე როგორც ფრესკული დერწერა, ხელოვნების მთავარი დანიშნულების შემსრულებელია. იგი ჰემმარიტად ცოცხალი ხელოვნებაა.

ამგვარი ფიქრები, რომელშიაც ფრანსუაზი თავის აზრებს გადმოსცემდა, კრისტოფის მოსაზრებებს ემთხვეოდა, კრისტოფიც იმხანად თავის შემოქმედებით სარბიელზე სწორედ კოლექტიური ხელოვნებისაკენ ისწრაფვოდა, რომელიც სხვა ადამიანებთან მჭიდრო ურთიერთობაში შეიქმნებოდა. ფრანსუაზის გამოცდილება საშუალებას აძლევდა კრისტოფს ჩასწვდომოდა იმ შეთანხმებული ურთიერთშემოქმედების საიდუმლოებას, რომელიც მაცურებელსა და მსახიობს შორის მყარდება. საზრიანი და ყოველგვარი ილუზიებისაგან თავისუფალი ფრანსუაზი გრძნობდა მაცურებლისა და მსახიობის ურთიერთშთაგონების ძალას, სიმპათიის იმ ტალღებს, მსახიობს მაცურებელთა დარბაზთან რომ აკავშირებს, იმ გარინდებას მრავალი ათასი სულისას, საიდანაც ერთიანი შეძახილი აღმოსკდება ხოლმე. რა თქმა უნდა, ამგვარი შეგრძნება ფრანსუაზს არცთუ ხშირად ეუფლებოდა, იშვიათად გამოანათებდა ხოლმე და პიესის ერთსა და იმავე ადგილზე თითქმის აღარასოდეს მეორდებოდა. დანარჩენ დროს ეს იყო უსულგულო ხელობა, ცივი, გონებისმიერი ტექნიკა. მაგრამ საუცხოო სწორედ ეს უეცარი ანთებაა, რომლის შუქზე ერთბაშად ნათდება მილიონობით სულიან სიღრმისეული უფსკრულები და რომლის ძალასაც მარტოოდენ ერთი ადამიანი გამოხატავს.

სწორედ ეს ერთიანი სული უნდა განასახიეროს დიდმა ხელოვანმა. ასეთი ხელოვანის იდეალი ძველებერძენი აედის სიციოცხლისუნარიანი ობიექტივიზმია, რომელიც საკუთარ „მეს“ განუდგა, რათა მსოფლიოში არსებულ საერთო საქვეყნო გრძნობებით განმსჭვალულიყო. ამ მოთხოვნილებას განსაკუთრებით მწვავედ გრძნობდა ფრანსუაზი, რადგან თავად მას არ შეეძლო მსგავსი თავგანწირვა. იგი ყოველთვის მხოლოდ თავისთავს განასახიერებდა. ზნეობრივი ამაღლებულობა ნიშნავს გრძნობდე ძლიერად, და შეგეძლოს ასევე ძლიერად დაიოკო საკუთარი ვნება; იყო თავშეკავებული მოსაუბრე, ბრძნულად აზროვნებდე, გქონდეს უბიწო ფიქრები და მით ამაოდ არ ამაცობდე. უბრალო გამომეტყველებით, ღრმა აზრებით დატვირთული სიტყვებით, ყოველგვარი ბავშვური აღფრთოვანებისა და ქალურად გაზულუქებული გრძნობიერების გარეშე ლაპარაკობდე ჭეშმარიტი ადამიანებისთვის—მათთვის, ვისთვისაც ნახევარი სიტყვის თქმისთანავე ყველაფერი გასაგებია. თანამედროვე მუსიკა თავის თავზე უფრო მეტს ლაპარაკობს და თავის პირად საიდუმლოებას ყველგან უბოდიშოდ ჩრის. იგი მოკრძალებულობასა და გემოვნებასა მოკლებული, იმ ავადმყოფს ჰგავს, რომელიც თავის დაავადებაზე ლაპარაკით არასდროს არ იღლება და მას გულისამრევი სასაცილო სიზუსტით აგვიწერს. თუმცა თავად ფრანსუაზი მუსიკოსი არ იყო, მაგრამ ეს სრულიადაც არ უშლიდა ხელს დაენახა, თუ როგორ დაეცა მუსიკა, როგორ ვითარდებოდა იგი პოეზიის ხარჯზე, ხორცმეტყვიით მთლიანად ნთქავდა მას. კრისტოფი არ ეთანხმებოდა ფრანსუაზს, მაგრამ როცა კი ღრმად ჩაუყვირდებოდა, მზად იყო ელიარებინა, რომ მისი აზრი სიმართლეს არ იყო მოკლებული. გოეთეს ლექსზე შექმნილი პირველი Lieder-ები ზუსტი და თავშეკავებული იყო, მაგრამ შუბერტმა მასში შეიტანა რომანტიული გრძნობი-

ერება, შუმანმა — ქალწულებრივი სევდა და სულ ასე იზრდებოდა მისწრაფება ძლიერი დეკლამაციისა და სათაქილო თვითანალიზისაკენ, ვიდრე ჰუგო ვოლფამდე. ცდილობდნენ, გაუნათებელი არ დარჩენოდათ საკუთარი სულის არცერთი კუნჭული. საიდუმლოებათა ყოველგვარი საბურველისაგან განძარცვულია სული. იმას, რაც თავშეკავებულად თქვა ლატრანოსილმა სოფოკლემ, მთელი ხმით გაჰყვირიან უსირცხვილო მენადები და თავიანთ სიშიშველეს მოუბრუნებულად წარმოაჩენენ.

კრისტოფს ამგვარი ხელოვნებისა, ცოტა არ იყოს, ერცხვინებოდა კიდევ. გრძნობდა, რომ ეს ავადმყოფობა რამდენადმე მასაც გადასდებოდა. წარსულისკენ მიბრუნებას არ აპირებდა, უაზრო და არაბუნებრივი იქნებოდა ეს სურვილი. იგი წარსულის იმ გენიალური ოსტატებისგან იღებდა ძალას, რომლებიც თავიანთ შემოქმედებაში ამაყად განცალკევებულნი, თავიანთ თავს კოლექტიურ ხელოვნებას მიაკუთვნებდნენ. ასევე იყო ჰენდელიც, იგი არაღ ავდებდა თავისი მოდგმის გულისამაჩუყებელ პიეტიზმს, წერდა მონუმენტურ ჰიმნებს, ეპიკურ ორატორიებს და ხალხურ სიმღერებს. მაგრამ ადვილი არ იყო ისეთი თემის მიგნება, რომელიც, ბიბლიის მსგავსად, ჰენდელის მოღვაწეობის პერიოდში თანამედროვე ადამიანებში ერთ საერთო გრძნობას აღძრავდა. დღევანდელ ევროპას არ გააჩნია ერთი საერთო წიგნიც კი, პოემა, ლოცვა ან სარწმუნოება, რომელიც ყველას კუთვნილება იქნებოდა. სირცხვილი თანამედროვე მწერლებს, ხელოვანთ და მოაზროვნეთა! ყველასათვის არც არავინ წერდა და არც არავის უაზროვნია. მხოლოდ ბეთჰოვენმა დაგვიტოვა ახალი სახარების ნუგეშის მომცემი რამდენიმე გვერდი და ისიც მარტოოდენ მუსიკოსებისათვის არის გასაგები. ვაგნერმა თავის ბაიროითის ბორცვზე სცადა შეექმნა რელიგიური ხელოვნება. რომელიც ადამიანებს შეაკავშირებდა, მაგრამ მის დიად სულს ღრმად აჩნდა მისი თანამედროვე დეკადენტური მუსიკისა და აზროვნების ყველა ნაკლი და კურთხეულ ბორცვზე გალიღვევი მეთევზეების ნაცვლად მას პირმოთენი ესტუმრნენ.

კრისტოფმა კარგად იცოდა, რის გაკეთება იყო საჭირო, მაგრამ მას არ ჰყავდა პოეტი. იგი იძულებული იყო მხოლოდ საკუთარ ძალებს დაჰყრდნობოდა და მარტოოდენ მუსიკით შემოფარგლულიყო. მაგრამ მუსიკის ენა, რაც უნდა ბევრი ამტიკონ, ყველასათვის მისაწვდომი არ არის — საჭიროა სიტყვათა მშვილდი, რათა ბგერათა ისრები ადამიანთა გულეში შეიჭრას.

კრისტოფმა გადაწყვიტა, ყოველდღიურ ცხოვრებაზე სიმფონიების ციკლი დაეწერა. სურდა ოჯახური სიმფონია შეექმნა, ოღონდ თავისებურად, რიპარდ შტრაუსისაგან სრულიად განსხვავებულად. იგი სრულებითაც არ ფიქრობდა კინემატოგრაფიული სიზუსტით, პირობითი ხერხების გამოყენებით აესახა ოჯახური ცხოვრების სურათები, სადაც მუსიკალური თემები, ავტორის სურვილის თანახმად, სხვადასხვა პერსონაჟს შეესატყვისება. ყველაფერი ეს კრისტოფს კონტრაპუნქტის დიდოსტატის ბავშვურ გართობად მიაჩნდა. კრისტოფი არ ცდი-

ლობდა პერსონაჟის ან მისი შემოქმედების აღწერას. მას მხოლოდ ყველასათვის ახლობელი გრძნობების გადმოცემა აინტერესებდა, რომლებშიაც თითოეული საკუთარი სულის გამოძახილს შეიცნობდა. პირველი ნაწილი ახალგაზრდა მოსიყვარულე წყვილის მშვიდ, გულწრფელ ბედნიერებასა, ურთიერთლოტოვასა და მომავლის რწმენაზე მოგვითხრობდა. მეორე ნაწილი იყო ელეგია გარდაცვლილ ბავშვზე. კრისტოფი ზიზლით გაურბოდა ნალველის გამოხატვის ყოველგვარ რეალისტურ ძიებას. მისთვის ქრებოდნენ ინდივიდუალური სახეები. რჩებოდა მხოლოდ ერთი დიდი მწუხარება — თქვენი, ჩემი, ყოველი ადამიანისა უბედურების პირისპირ, რაც წილად ხვდა ან მომავალში ელის თითოეულ ჩვენგანს. მწუხარებისგან სასომიხდილია სული. მაგრამ იგი უჩვეულოდ ძაბავს ნებისყოფას, ნელ-ნელა სწორდება წელში, რომ სამსხვერპლოზე მიიტანოს თავისი სატანჯველი და შეუპოვრად აგრძელებს გზას. შემდეგი ნაწილი, რომელიც უშუალოდ გამომდინარეობს ენერგიული ფუგის მეორე ნაწილიდან, მკვეთრი ხელწერითა და ძლიერი რიტმით სრულდება, თანდათანობით მთელი არსებით იპყრობს ადამიანს და ბრძოლისა და ცრემლის გზით, ურყევი რწმენის გამოხატველი ძლიერი მარშით გვირგვინდება. ფინალი ცხოვრების მწუხრს ეძღვნება. აქ კვლავ თავს იჩენს პირველი ნაწილის თემები — ამაღლევბელი რწმენითა და მარადიული, უშრეტო სიყვარულით გამსჭვალული, ოღონდ ახლა მასში მეტი სიმწიფე, ცხოვრებისგან დაღლა იგრძნობა. მწუხარების ჭურღმულებიდან თავდაღწეულნი, შარავანდელით მოსილნი, ყვავილებით დახუნძლულ რტოსავით აღავლენენ ცისკენ მარადიული სიცოცხლისადმი უსაზღვრო რწმენით გამსჭვალული სიყვარულის სადიდებელს.

კრისტოფი ცდილობდა ძველ წიგნებში მოეძებნა უბრალო, ადამიანური, ამალღებული ცხოვრებისეული სიუჟეტები, რომლებიც ყველას გულში ჰპოვებდა გამოძახილს. მან ორი რამ შეარჩია: „იოსები“ და „ნიობე“. გარდა იმისა, რომ მას პოეტი არ ჰყავდა, აქ მეორე პრობლემაც იჩენდა თავს: ეს იყო პოეზიისა და მუსიკის თანხვდომობის საკითხი. ფრანსუაზთან საუბრის დროს მოაგონდა, როგორ მოხაზა ერთ დროს კორინასთან ერთად მუსიკალური დრამის შექმნის გეგმა — ეს იქნებოდა რაღაც საშუალო ოპერა-რეგიტატივისა და დრამას შორის — თავისუფალი მეტყველების თავისუფალ მუსიკასთან შერწყმის ხელოვნება. ამ სახის ხელოვნების შექმნას კი თითქმის არცერთი თანამედროვე კომპოზიტორი არ ფიქრობს. ვაგნერიზმით გაყლენთილი რუტინიორი კრიტიკოსები მას უარყოფენ. ამგვარი შემოქმედება ახლებურია, რადგან აქ, უბრალოდ, კვალდაკვალ ვერ მიჰყვები ბეთჰოვენს, ვებერს, შუმანსა თუ ბიზეს, რაგინდ გენიალურადაც უნდა ფლობდნენ ისინი მელიოდრამას. თვით ყველაზე ვულგარული ტრემოლოც რომ მოიშველიო და საზოგადოების ვულგარული გემოვნება დაეკმაყოფილო, ალაღბედზე აღებულ დეკლამაციას ნებისმიერ მუსიკაზე ვერ მოარგებ. აქ ახალი უნარის შექმნაა საჭირო, სადაც მუსიკალური ბგერები ჟღერადობით ახლომდგომ ინსტრუმენტებს ერწყმიან. მათ კეთილხმოვან სტანსებს შე-

უმჩნევლად ერთვის ოხვრისა და ზმანებების გამოძახილი. ამგვარი ფორმა მხოლოდ და მხოლოდ სიუჟეტით ძალზე შეზღუდული ნაწარმოებისთვისაა მისაღები, რადგან მისი დანიშნულებაა სანუკვარი ოცნების ქამს გადმოსცეს სულის პოეტური სურნელი. ეს არის ხელოვნების ყველაზე მეტად თავშეკავებული, არისტოკრატიული სახე. ბუნებრივია, ამ ეპოქაში, სადაც თანამედროვე მოთხოვნების მიუხედავად, ტონის მიმცემნი მაინც უხამსი წინმასწარანი არიან, მას გაფურჩქენის ნაკლები შესაძლებლობა აქვს.

შესაძლოა, ამგვარი ხელოვნებისთვის თვით კრისტოფიც ნაკლებად იყო შესაფერისი: მიხი ნიჰის თავისებურებანი, მისი პლებეური ძალა ქმნიდა ამ დაბრკოლებას. იგი მხოლოდ ამგვარი ხელოვნებისაკენ ისწრაფვოდა და ფრანსუაზთან ერთად რამდენიმე ჩანაწერიც გააკეთა.

მან მუსიკის ენაზე აამეტყველა ბიბლიის რამდენიმე ფურცელი, ისე, რომ მასში თითქმის არაფერი შეუცვლია — მაგალითად, ის უკვდავი სცენა, სადაც იოსები საკუთარ ძმებს თავის ვინაობას უმხელს და განსაცდელგამოვლილი, სიყვარულისა და მღელვარებისაგან ღონემიხდილი, ხმადაბლა ჩურჩულებს სიტყვებს, რომლებმაც მოხუც ტოლსტოის ცრემლები დაადვრევიან: „და თქუა იოსებ ძმათა მიმართ თუსთა: მე ვარ იოსებ: ჭერეთ ცოცხალ არსა მამა ჩემი; და ვერ ეძლო ძმათა მისთა სიტყუს მიგებად მისსა, რამეთუ შეშფოთნეს. ხოლო თქუა იოსებ ძმათა მიმართ თუსთა, მომეახლენით მე, და მიეახლნეს, და ჰრქუა: მე ვარ იოსებ ძმა თქუნი, რომელი მომყიდეთ ეგვიპტედ“.

ეს საოცნებო, თავისუფალი კავშირი არ შეიძლებოდა ხანგრძლივი ყოფილიყო. მართალია, ერთად ყოფნისას ცხოვრების სისავსეს ხშირად შეიგრძნობდნენ, მაგრამ ისინი სრულიად სხვადასხვა ხასიათისანი და ერთნაირად თავშეუკავებელნი იყვნენ, რაც ხშირ შეტაკებებს იწვევდა, თუმცა უნეშობამდე არასოდეს მოდიოდნენ: კრისტოფი პატივს სცემდა ფრანსუაზს და ფრანსუაზიც, თუმც შეეძლო მკაცრი ყოფილიყო, მაგრამ იმ ადამიანისთვის, ვისთვისაც სიკეთე სურდა, ცუდს არასოდეს არ ინდობებდა. ამის გარდა, ორივენი მხიარულნი ხასიათისანი იყვნენ. ფრანსუაზი თვითონვე დასცინოდა თავს და ამასთან იტანჯებოდა კიდევ. იმ ძველი სიყვარულისგან მთლიანად ვერ გათავისუფლებულიყო. მას არ შეეძლო აეტანა დამამცირებელი მდგომარეობა. იმის გამოც წუხდა, რომ კრისტოფი მის საიდუმლოს ქვეშეცნეულად მაინც ხვდებოდა.

კრისტოფი უყურებდა მთელი დღეების განმავლობაში მღუმარედ მჯდარ ფიქრებში წასულ ფრანსუაზს და ვერ გაეგო, რა ზღუდავდა მის ბედნიერებას. მან ხომ ყველაფერს მიაღწია: გახდა ცნობილი მსახიობი, თავყანს სცემდნენ და გუნდრუქს უკმევდნენ...

— დიახ, ასეა, — თქვა ფრანსუაზმა. — მაგრამ მე იმ სახელმძღვანელო კომედიაზე რიცხვს არ ვეკუთვნი, რომელთაც ვაჭრული სული უდგათ. თეატრი მათთვის კომერციული საქმეა. ოღონდ პირველები იყვნენ, მათ არაფერი აინტერესებთ. როგორც კი თბილ ადგილს მოიწყობენ, მდიდარ ბურჟუას ან სი-

მამაცის ჯვრით დაჯილდოებულ რომელიმე nec plus ultra¹ მისთხოვდებიან. მე კი უფრო მეტი მინდა. ადამიანი, თუ იგი მართლა ბრიყვი არ არის, კარგად ამჩნევს, რომ წარმატება უფრო ნაკლებს ნიშნავს, ვიდრე წარუმატებლობა. ეს თქვენ კარგად უნდა იცოდეთ!

— რა თქმა უნდა, ვიცი, — მიუგო კრისტოფმა. — ოჰ, ღმერთო ჩემო! ბავშვობაში განა ასეთად წარმომედგინა დიდება. რაოდენ გზნებით ვილტვოდი მისკენ! რაოდენ მჭირდა თვალს მისი ბრწყინვალეობა!.. შორიდან შეეფერფინვოდი, ვითარცა რაიმე საწმენოებრივს... და სულ ამაოდ! წარმატებას ერთი ღვთიური სიწმინდე გააჩნია — იგი საშუალებას გაძლევს, სიკეთე თესო.

— მაგრამ რის გაკეთება შეგიძლია? ვთქვათ, შენ გაიმარჯვე. მერე? ამით არაფერი შეცვლილა. თეატრშიც და კონცერტებზეც ყველაფერი ძველებურადვეა. მხოლოდ ესაა, რომ ერთმა მოლამ შეცვალა მეორე. მათ შენი ან სულ არაფერი ესმით, ან არადა, ძალიან ცოტა, და მაშინვე სხვა რამეზე იწყებენ ფიქრს... თვითონ შენ განა გესმის დანარჩენ სხვა ხელოვანთა შემოქმედებისა? ყოველ შემთხვევაში, მათ მაინც არ ესმით შენი. და ყველაზე ნაკლებ სწორედ იმათ ესმით, ვინც შენთვის განსაკუთრებით ძვირფასია. გაიხსენე თუნდაც შენი ტოლსტოი...

კრისტოფმა ტოლსტოის წერილი მისწერა. მისი წიგნებით აღფრთოვანებული იყო. უნდოდა, ტოლსტოის პოპულარული ზღაპრებიდან რომელიმეზე მუსიკა დაეწერა. ნებართვა სთხოვა და თან თავისი lieder-ი გაუგზავნა. ტოლსტოიმ არაფერი უპასუხა, სწორედ ისე, როგორც გოეთემ უპასუხოდ დატოვა შუბერტი და ბერლიოზი, რომელთაც გოეთეს თავიანთი შედეგვრები გაუგზავნეს. მართალია, მან მოუსმინა კრისტოფის მუსიკას, მაგრამ იგი გაუგებარი და გაძლიზიანებელი ეჩვენა. ტოლსტოი ხომ ბეთჰოვენს დეკადენტს უწოდებდა, შექსპირს—ყალბთაბანდს. სამაგიეროდ, ალტაცებაში მოჰყავდა იმ უზადარუქ მანქონებს, რომელთა კლავესინის მუსიკით მეფე პარიკიც იყო მოხიბლული. „მოახლის დღიური“ მას ჰემშარიტ ქრისტიანულ წიგნად მიაჩნდა...

— დიდ ადამიანებს ჩვენ არ ვკვირდებით, — განაგრძობდა კრისტოფი. — ასე რომ, ჩვენ დანარჩენებზე უნდა ვიფიქროთ.

— რაო? ვიფიქროთ იმ მეზიანებზე, რომლებიც ცხოვრების გზას გვიანობენ? მათთვის ექმნიდეთ და ვთამაშობდეთ? მათ შეეწიროთ ჩვენი ცხოვრება? არა, ეს შეუურაცხმყოფელია!

— ეჰ! მე მათ შენზე ნაკლებად როდი ვიცნობ, — შეეპასუხა კრისტოფი, — მაგრამ სასოწარკვეთილებას არ ვეძლევი. ისინი არც ისე ცუდნი არიან!

— ნამდვილი გულადი გერმანელი ოპტიმისტი ხარ! მასწავლებელი პან-გლოსი!

— ისინიც ხომ ისეთივე ადამიანები არიან, როგორიც მე. მაშ, რატომ ვერ

¹ უმაღლესი (ლათ.).

უნდა გამიგონ? ვთქვათ და, მართლა ვერ გამიგეს, სასოწარკვეთილებას მივეცეთ? ათას კაცში ერთი ხომ გამოჩნდება ისეთი, ვინც მე გამიგებს, ეს კი ჩემთვის სრულიად საკმარისია. სუფთა ჰაერი სარკმლიდანაც შემოვა... აბა, გაიხსენე ის ალალმართალი მაყურებელი: მოზარდები, გულკეთილი მოხუცები. შენს ტრაგიკულ სიმშვენიერეს გამოჰყავს ისინი ცხოვრების ყოველდღიური უფერულობიდან. გაიხსენე ის დრო, როცა შენ თვითონაც ბავშვი იყავი! განა სასიამოვნო არ არის სხვებს, ან თუნდაც ერთადერთ აღამიანს ანიჭებდნენ იმ სიკეთესა და ბედნიერებას, რომლის მსგავსი თავად შენც ერთ დროს სხვებისაგან მიგიღია?

— დარწმუნებული ხარ, რომ ის ერთადერთი მაინც გამოჩნდება? ბოლოს და ბოლოს მე ესეც მეეჭვება... აი, თუნდაც ისინი, რომლებსაც ჩვენ ყველაზე მეტად ვუყვარვართ. როგორ არიან ისინი ჩვენდამი განწყობილნი? განა მათ კი ისე ესმით, როგორც ეს საჭიროა? მათი აღტაცება შეურაცხმყოფელია, რადგან მათ ასევე მოსწონთ რომელიმე ნებისმიერი კომედიანტის თამაში. ისინი იმ არარაობათა გვერდით გვაყენებენ, რომლებიც მხოლოდ ზიზღს იწვევენ. მათ თვალში ყველანი ერთნი არიან, ვისაც კი წარმატებისთვის მიუღწევია.

— და მაინც შთამომავლობას ის მიაჩნია დიდად, ვინც ჭეშმარიტად დიადია.

— შორიდან უკეთესად მოჩანს! რაც უფრო მეტად ვშორდებით, მით უფრო მაღალი გვეჩვენება მთები. მაგრამ ისინი უკვე შორს არიან ჩვენგან. ვის შეუძლია დაამტკიცოს, რომ ეს მთები ყველაზე უმაღლესი მთებია. განა შენ კი იცნობდი იმათ, ვინც ამ ქვეყნიდან უკვალოდ გამქრალა?

— ეშმაკმა დალახვროს! — თქვა კრისტოფმა. — დაე, ნურავინ მიმიხვდება, რისი თქმაც მწაღია, ან მე თავად რას წარმოვადგენ. მთავარია, რომ მე სწორედ ის ვარ, რაც სინამდვილეში ვარ. მე მაქვს ჩემი მუსიკა, რომელიც მიყვარს, მე მისი მჯერა და დარწმუნებული ვარ, რომ იგი არასდროს მიმტყუნებს.

— შენ სრული თავისუფლება გაქვს შენს შემოქმედებაში. შეგიძლია გააკეთო ყველაფერი, რაც თვითონ გსურს. მე კი იძულებული ვარ ვითამაშო მხოლოდ ის, რასაც შემომთავაზებენ. გულის არევაზე უნდა ვღებუკო ერთი და იგივე. მაღლობა ღმერთს, ამერიკელი მსახიობებივით ტვირთმზიდვ პირუტყვებად რომ არ ვიქცეოთ. ისინი ხომ ათი ათასჯერ თამაშობენ „რიპსა“ და „რობერ-მაკერს“. ოცდახუთწლოებით ერთსა და იმავე იდიოტურ როლს აკლავენ თავს. თუმცა ჩვენც აქამდე ბევრი აღარაფერი დაგვრჩენია. ჩვენი თეატრი გალატაკია! მაყურებელი ტალანტებისაგან ძალიან ცოტას ითვისებს და ამასთან იმასაც მოითხოვს, რომ მათი თამაში ათასგვარი მოდური მანქვით იქნეს შეზავებული. განა სასაცილოდ არა უღერს „მოდური ტალანტი“? ძალთა რაოდენ უმოწყალო ხარჯვა! ნახეთ, რა უყვეს მუნეს. მთელი ცხოვრების მანძილზე რის თამაშს აიძულებდნენ? ორი თუ სამი როლი — ოიდიპოსისა და პოლიევქტისა, რომლისთვისაც ღირდა ცხოვრება, სხვა დანარჩენი სისულელეა. აბა, იფიქრეთ, რამდენი შესანიშნავი სახის შექმნა შეეძლო მას!.. საფრანგეთს გარეთ არც

სხვა ქვეყნებშია საქმე უკეთესად. აი, თუნდაც, დუზე. მან მთელი ძალა რამდენიმე უღიმღამო როლს შეაღია...

— და მაინც თქვენი მთავარი დანიშნულება მსოფლიოსათვის ნამდვილი ხელოვნების ჩვენებაა, — უთხრა კრისტოფმა.

— ჩვენ კი უსარგებლოდ, სულ ამაოდ დავშვრებით. საქმარისია სცენაზე რომელიმე ჭეშმარიტად კარგი ნაწარმოები გამოჩნდეს, რომ იგი მაშინვე კარგავს მთელ თავის ამაღლებულ პოეტურობას. ყალბი ზღედა. ბრბოს სუნთქვა მას აშრობს. დახუთული ქალაქების მცხოვრებთ დავიწყებიათ, რა არის სივრცე, ბუნება, სახსე, ჯანსაღი პოეზია — იგი გრიმებით შეთბუპნულ თეატრალურ პოეზიას მოითხოვს. ჰო, კარგი, ვთქვათ და ამის შემდეგ მივალწიე წარმატებას!.. მას მაინც არ ძალუძს ცხოვრების შეესება... იგი ვერც ჩემს ცხოვრებას შეავსებს.

— შენ ისევე ფიქრობ მასზე?

— ვისზე?

— იცი, ვისზედაც... აი, იმ გაიძვერაზე.

— ჰო, ვფიქრობ.

— აღიარე, შენთანაც რომ ყოფილიყო და ჰყვარებოდი კიდეც, ბედნიერი არ იქნებოდი, ტანჯვის მიზეზს მაინც გამონახავდი.

— შესაძლებელია... ოჰ! თვითონაც ვერ გამიგია, რად ვარ ასეთი... იქნებ იმიტომ, რომ ბევრი ბრძოლა და თვითგვემა გადამიტანია და სიმშვიდეს ვეღარ ვპოულობ, სულ ერთთავად რაღაც მოუსვენრობა მღრღნის...

— ამ მოუსვენრობით მანამდე იყავ შეპყრობილი, ვიდრე ცხოვრებას გაეცნობოდი.

— შესაძლებელია... ჯერ კიდევ სრულიად ბავშვი ვგრძნობდი, როგორ მნთქავდა იგი...

— მაიც, რა გინდა?

— განა ვიცი? მიინდა ის, რაც ჩემს ძალას აღემატება.

— ეგ გრძნობა ჩემთვისაც ნაცნობია. ბავშვობაში მეც ასეთი ვიყავი.

— ჰო, მაგრამ შენ უკვე დაკაცდი, მე კი სამუდამოდ ზრდადაუსრულებელ, განუვითარებელ არსებად დავრჩი.

— განა ვინმემ შეძლო მთლიანად განევითარებინა თავისი ნიჭი? ბედნიერია ის, ვინაც იცის თავისი შესაძლებლობის ზღვარი და მას სჯერდება.

— ამ ზღვარს მე უკვე გადავბიჯე და მეტი აღარ შემიძლოა. ცხოვრებამ დამალა, ქანცი გამაცალა, დამასახიჩრა. შემეძლო კი ვყოფილიყავი ჩვეულებრივი ქალი, ლამაზი, ჯანსაღი და სხვებისაგან განსხვავებულიც.

— ჯერ კიდევ არ არის გვიან. მე სწორედ ასეთად წარმომიდგენიხარ.

— მიიხარო, მაინც როგორად?

და მან ფრანსუაზი წარმოადგინა იმ სხვა პირობებში, სადაც იგი ბუნებრივად და ჰარმონიულად განვითარდებოდა. სადაც შეეძლებოდა სიყვარული,

თავად ისიც ეყვარებოდათ და იქნებოდა ბედნიერი. მისი მოსმენა ფრანსუაზს სიამოვნებას ჰგვრიდა, მაგრამ ცოტა ხნის შემდეგ მაინც თქვა:

— არა, ეს ახლა შეუძლებელია.

— რა გაეწყობა, მაშინ ისლა დაგრჩენია, საკუთარ თავს ბრმა მოხუც ჰენდელივით უთხრა:



What ever is, is right (რაც არსებობს, ყველაფერი კარგია!)

და ამ მელოდიის ასამღერებლად ფორტეპიანოსთან მივიდა. ფრანსუაზმა ხელი მოხვია თავის ძვირფას დაუოკებელ ოპტიმისტს. კრისტოფთან ურთიერთობას მისთვის სიკეთე მოჰქონდა, თვითონ კი მხოლოდ ზიანს აყენებდა. ყოველ შემთხვევაში ასე შიშობდა ფრანსუაზი. დროდადრო იგი სასოწარკვეთილებაში ვარდებოდა და ამის დაფარვას ვერც ახერხებდა. სიყვარული ნებისყოფას უღლუნებდა. ღამით კრისტოფის გვერდით გარინდებული ფრანსუაზი ცდილობდა საკუთარი ნაღველი დაეფარა, მაგრამ კრისტოფი მაინც ხვდებოდა და ემუდარებოდა მეგობარს — ასე ახლობელსა და თან ასე შორეულს, გაეზიარებინა მისთვის მტანჯველი ფიქრები. ფრანსუაზი თავს ველარ ერეოდა, აცრემლებული გულს გადაუშლიდა კრისტოფს და მის მკლავებში ქვითინებდა. ისიც მოთმინებით, მთელი საათობით ამშვიდებდა მეგობარს, მაგრამ მისმა გამუდმებულმა მოუსვენრობამ ბოლოს კრისტოფიც შეაწუხა. ფრანსუაზი შიშობდა, ეს მოუსვენრობა კრისტოფსაც არ გადასდებოდა. მას ძალიან უყვარდა კრისტოფი და ვერ აიტანდა, რომ მისი გულისათვის ისიც გატანჯულიყო. ფრანსუაზს ამერიკაში ანგაუემენტი შესთავაზეს. ისიც დათანხმდა, რათა უკანდასახევი გზები მოეჭრა. მისი წასვლით კრისტოფი თავს დამციარებულად გრძნობდა. ფრანსუაზსაც ასეთივე განცდები დაუფლებოდა. რატომ არ შეეძლოთ მათ ერთმანეთისთვის სრული ბედნიერება მიენიჭებინათ?!

— ეჰ, საბრალო მეგობარო, — ეუბნებოდა ფრანსუაზი და თან ნაზად, სევდიანად უღიმიოდა. — რა დაულაგებელნი ვართ ორივენი. ასეთი კარგი შემთხვევა კიდევ როდის გვექნება, ან ასეთი შესანიშნავი მეგობრობა. მაგრამ ხომ ხედავ, სრულიად არაფერი გამოდის. ორივენი ასეთ სულელებად დავბადებულვართ!

მათ დაბნეულად, ნაღვლიანად შეხედეს ერთმანეთს. თავს რომ მორეოდნენ, გაიციინეს. მერე ერთმანეთს გადაეხვივნენ და თვალებზე ცრემლმომდგარი და შორდნენ. ასე ძლიერ მათ არასოდეს ჰყვარებიათ ერთმანეთი, როგორც ახლა, ამ განშორების ყამს.

ფრანსუაზის წასვლის შემდეგ კრისტოფი კვლავ ხელოვნებას — თავის განუყრელ თანამგზავრს დაუბრუნდა... ჰოი, სიმშვიდე, ვარსკვლავებით მოქვილილ ცისა!..

მალე კრისტოფმა ჟაკლინისაგან წერილი მიიღო. რიგით ეს უკვე მესამე იყო. ბოლო წერილი სრულიად განსხვავდებოდა წინანდლებისაგან. ჟაკლინი საამდურავე გამოთქვამდა კრისტოფის უნახაობის გამო და ალერსიანად სთხოვდა მასთან მისვლას, რათა ორი მოსიყვარულე მეგობარი არ გაენაწყენებინა. მართალია, კრისტოფს ძალიან გაუხარდა მიპატოება, მაგრამ დიდად არც გაპკვირვებია. მან იცოდა, რომ ადრე თუ გვიან ჟაკლინი მიხვდებოდა, რა უსამართლოდ მოექცა. ასეთ შემთხვევაში კრისტოფს პაპამისის გამჭირდავი სიტყვის გამოორება უყვარდა: „ადრე თუ გვიან ქალი გონს მოეგება, ოღონდ ამოთმინება უნდა იქონიო“.

ასე რომ, კრისტოფი ეწვია ოლივიეს. მას აქ დიდი სიხარულით შეხვდნენ. ჟაკლინი განსაკუთრებული ყურადღებით ეპყრობოდა. ქალი ჩვეული დამკინავი ტონისაგან თავს იკავებდა. ეშინოდა, რაიმე ისეთი არ ეთქვა, რითაც კრისტოფს გაანაწყენებდა. მისი საქმიანობისადმი დიდი ინტერესი გამოიჩინა და, როცა საუბარი სერიოზულ თემებზე გადავიდა, რამდენიმე ჰკვიანური შენიშვნაც მისცა. კრისტოფს ჟაკლინი შეცვლილი ეჩვენა. სინამდვილეში კი ქალი ცდილობდა, რითიმე ესიამოვნებინა კრისტოფისათვის. კრისტოფისა და ცნობილი მსახიობი ქალის სასიყვარულო ამბავს, რომლის შესახებაც პარიზის თითქმის ყველა სასტუმროში ლაპარაკობდნენ, მის ყურამდევ მიეღწია. კრისტოფი მას სრულიად ახლებურად წარმოუდგა. იგი ცნობისმოყვარეობას უღვიძებდა. ამ შეხვედრის შემდეგ ჟაკლინმა იგრძნო, რომ კრისტოფი უფრო სანდომიანი გაზნდარიყო. მის თვალში კრისტოფის ნაკლიც გაცილებით სასიამოვნო ჩანდა. იგი მიხვდა, რომ კრისტოფი ნიჭიერი იყო და გადაწყვიტა მისი მოხიბვლა.

ახალგაზრდა ცოლ-ქმრის ურთიერთობა არათუ გამოკეთდა, პირიქით, გაუარესდა კიდევ. ჟაკლინს მოწყენილობა ჰკლავდა... რაოდენ მარტოსულია ქალი! ბავშვის გარდა არაფერი ავსებს მის ცხოვრებას. ზოგჯერ ვერც ბავშვი ავსებს ამ სიმარტოვეს. თუ ის ნამდვილი ქალია და არა მხოლოდ მღელრი, ამა-სათანავე მდიდარი სულის პატრონია და სიცოცხლე სწყურია, მას იმდენი რამ სჭირდება, რომ სხვის დაუხმარებლად ვეღარ უმკლავდება ცხოვრებას. მამაკაცი კი, რაგინდ მარტოც უნდა იყოს, სრულიად მარტო მაინც არასოდეს რჩება. მას შინაგანი ხმა ჰყოფნის საკუთარ უდაბნოს ასამეტყველებლად. იგი უკეთესად იტანს, თითქმის ვერც ამჩნევს ამ სიმარტოვეს და უღრტვინვლად განაგრძობს თავის მონოლოგს. ფიქრადაც არ მოსდის, რომ მისი აუღელვებელი ხმა ამ სიჩუმეს კიდევ უფრო აუტანელს ხდის მისთვის, ვინც მის გვერდით იმყოფება, რადგან ქალისთვის მკვდარია ის სიტყვები, რომლებიც სიყვარულის სუნთქვით არ არის გამთბარი. მამაკაცი კი ამას ვერ ამჩნევს. იგი ქალივით მთელ თავის სიცოცხლეს სიყვარულს როდი უძღვნის. მისი ცხოვრება სხვა რამითაა დაკავებული... ქალი კი საით მიმართავს მთელ თავის ცხოვრებას, თავის უსაზღვრო სურვილებს, სიკეთის ძალის უწარმაზარ მარაგს, რომელიც ორმოცი საუკუნეა, რაც კაცობრიობა არსებობს და ამ ხნის მანძილზე

ამაღლ ეწირება მსხვერპლად ორად ორ კერპს. ერთი — ეფემერული სიყვარულია, მეორე დედობა — მაცდუნებელი თავისი ამაღლებულობით, რომლისგანაც ათასობით ქალი გაწვილებულა, სხვებს კი ცხოვრების გარკვეულ პერიოდს უესებს მხოლოდ.

სასოწარკვეთილებამ მოიცვა ჟაკლინი. ზოგჯერ წამიერი შოში მახვილივით გაჰკენწლავდა.

რისთვის დავიბადე, ან რისთვის ვარსებობ ამქვეყნად? — ფიქრობდა იგი და გული ტკივილით ეკუმშებოდა.

— ღმერთო ჩემო! ვგრძნობ, საცაა მოვკვდები! ვკვდები, ო, ღმერთო!..

ეს ფიქრი არ შორდებოდა თავიდან და არც ღამით აძლევდა მოსვენებას.. ესიზმრებოდა, თითქოს ამბობდა:

— ახლა ათას რეაას ოთხმოცდაცხრა წელია...

— არა, — უპასუხებდა ვილაც, — ათას ცხრაას ცხრა წელი.

და იმის გამო, რომ ოცი წელი გასულიყო, სასოწარკვეთილებაში ვარდებოდა.

— საცაა ყველაფერი დამთავრდება, მე კი ჯერ თითქმის არ მიცხოვრია! სად წავიდა ეს ოცი წელი? სად გამიქრა მთელი ცხოვრება?

ესიზმრა: თითქოს ოთხი პატარა გოგონა ჰყავდა. ოთხივეს ერთ ოთახში ერთმანეთისაგან განცალკევებით თავთავიანთ საწოლებში ეძინათ. ოთხივენი ერთი სახისა და ერთნაირი ზომისანი იყვნენ, ოღონდ ერთი რვა წლისა იყო, მეორე თხუთმეტის, მესამე — ოცის, მეოთხე ოცდაათისა. რაღაც ეპიდემია გაჩნდა და სამი ბავშვი დაიღუპა. მეოთხე კი შეშინებული დგას და სარკვეში იყურება: ხედავს, ცხვირი წაწვეტებია, ლოყები ჩასცივნია... საცაა ისიც? როკვდება და ყველაფერი დამთავრდება...

— ...როდის გაილია ჩემი ცხოვრება?..

თვალცრემლიანს ეღვიძებოდა, მაგრამ კოშმარი არ ქრებოდა. იგი ცხადი იყო. რაში გაილია მთელი ცხოვრება? ვინ მოჰპარა მას სიცოცხლე?.. და ოლივიესადმი — ამ უდანაშაულო თანამონაწილისადმი სიძულვილი იპყრობდა (რამნიშვნელობა ჰქონდა, თუნდაც სინამდვილეში უდანაშაულო ყოფილიყო!) ბრმა კანონის ამ თანამონაწილისადმი ზიზღი მას ბოლოს უღებდა. შემდეგ თავის თავს თვითონვე ძრახავდა — ბუნებით კეთილი ჟაკლინი ძალიან იტანჯებოდა. მას არ შეეძლო თავი შეეკავებინა და იმ ადამიანზე ჯავრი არ ამოეყარა. ვინც მასთან ერთად საერთო ჭაპანში შებმულიყო და სიცოცხლეს უსპობდა.. თუმცა მასზე ნაკლებად არც ოლივიე იტანჯებოდა. ყოველივე ამის შემდეგ ჟაკლინი თავს წინანდელზე უფრო უბედურად გრძნობდა და საკუთარი თავიც მეტად სძაგდა. ხვდებოდა, თუ რაიმე გამოსავალს არ მოძებნიდა, უარესიც იყო. მოსალოდნელი. ისიც ხელისცეცებით ეძებდა ამ გამოსავალს და წყალწლებულივით, რაც ხელში მოხვდებოდა, ყველაფერს ებლაუჭებოდა. ცდილობდა, ყურადღება სხვა რამეზე გადაეტანა: სულ ერთია, საქმე იქნებოდა ეს თუ ადამიან-

ნი. რაიმე ისეთი შეექმნა, რომელშიაც მასაც ედებოდა წილი. გადაწყვიტა-
გონებრივ მუშაობას დაბრუნებოდა. სწავლობდა უცხო ენებს, მოთხრობისა,
თუ სტატიის წერაც სცადა, მხატვრობასა და მუსიკასაც მოჰკიდა ხელი, მაგ-
რამ ამაოდ. პირველსავე დღეს სასოწარკვეთილებაში ვარდებოდა. ყველაფერი
მის ძალას აღემატებოდა. „ბოლოს და ბოლოს, რა არის წიგნი? ხელოვნების
ნიმუში? არა მგონია, რომ გულით მყვარებოდეს, არც ის მგონია, თუ არსე-
ბობდა...“ მაგრამ ზოგჯერ ისეთი დღეც გამოერეოდა, როცა ჟაკლინი უჩვეუ-
ლოდ გამოცოცხლებოდა, ოლივიესთან ერთად იცინოდა, ცდილობდა, ქმრის
საქმიანობით დაინტერესებულყო, ყურადღებით ისმენდა მის საუბარს. უნ-
დოდა რაიმე ისეთი ეპოვა, რასაც თავდავიწყებით მიეცემოდა... მაგრამ ყველა-
ფერი უშედეგოდ მთავრდებოდა. უეცრად აღფრთოვანება უქრებოდა, გუ-
ლი უცივდებოდა და ცრემლგამშრალი და სუნთქვაშეკრული თავისთვის გან-
მარტოვდებოდა ხოლმე. ჟაკლინმა ნაწილობრივ მოახერხა კიდევ ოლივიეს
გარდაქმნა. მაღალი საზოგადოებისთვის დამახასიათებელი სექსუალურობა შეს-
ძინა, მაგრამ ჟაკლინი ამას დამსახურებად არ უთვლიდა. ოლივიესაც
მისებრ უნებისყოფოდ თვლიდა. ისინი საღამოობით თითქმის არასოდეს ისე-
დნენ შინ. ჟაკლინიც პარიზის სალონებში თავის კაეშანს ისე დაატარებდა, რომ
მის ოსტატურად მომარჯვებულ ორონიულ სიცილში ნაღველს ვერავინ ამოიც-
ნობდა. ჟაკლინი თავგამეტებით ეძებდა ვინმეს, ვინც მას შეიყვარებდა და უფ-
სკრულის პირას შეაჩერებდა... მაგრამ ამაოდ, მის სასოწარკვეთილ ყივილს
არავინ ეპასუხებოდა. მხოლოდ დუმილი მეფობდა ირგვლივ.

მას არ ხიბლავდა კრისტოფი. არც მისი უხეში მანერები, შეუ-
რაცხმყოფელი პირდაპირობა და, რაც მთავარია, მისი გულგრილობა მოსწონ-
და. დიახ, მას ოდნავადაც არ უყვარდა კრისტოფი, მაგრამ კარგად გრძნობდა,
რომ იგი ძლიერი ადამიანი იყო — კლდე, რომელსაც სიკვდილიც ვერას დააკ-
ლვებდა. და უნდოდა ტალღების თავზე ამ მოდრეიფე ტინს ჩასჭიდებოდა, ან
მასთან ერთად ჩაძირულიყო...

ჟაკლინმა ეს არ იკმარა, რომ ქმარს მეგობრები ჩამოაშორა. მას სურდა
მთლიანად წაერთმია ისინი. თვით ყველაზე სათნო ქალსაც ზოგჯერ
საკუთარი ძალის გამოცდის სურვილი უჩნდებოდა ხოლმე. სუსტები ამ
ძალაუფლების გამოყენებით თავიანთ ძალას ამტკიცებენ. თუ ქალი პირმოთ-
ნა და პატივმოყვარე, იგი განსაკუთრებულ ბოროტ სიხარულს ეძლევა, როცა
ქმარს მეგობრების წრეს გამოსტაცებს. ეს ამოცანა ძალზე ადვილი ამოსახსნე-
ლია. საკმარისია ერთი თუ ორი მრავალმნიშვნელოვანი გადახედვა და არ არ-
სებობს მამაკაცი — პატიოსანი გინდ უპატიოსნო, რომ ანკესზე არ წამოეგოს.
მართალია, ნამდვილი მეგობარი მეგობარს საქმეში არასოდეს უმტყუნებს, მაგ-
რამ არ შეიძლება გუნებაში მიინც არ გაივლოს უკეთური რამ და თუ ამ დროს.
ტყუილში შეამჩნიეს, მორჩა, მათ მეგობრობასაც საბოლოოდ დაესმება წერ-
ტილი. ისინი იმ თვალთ ადარ უყურებდნენ ერთმანეთს. ქალი, რომელიც ამგვარ

სახიფათო თამაშს წამოიწყებს, ხშირ შემთხვევაში შორს აღარ მიდის. მხოლოდ იმით კმაყოფილდება, რომ ორთავე მეგობარი ხელთა ჰყავს.

კრისტოფი ამჩნევდა ჟაკლინის ყურადღებას, მაგრამ არ უკვირდა. როცა თვითონ ვინმეს მიმართ ნაზი გრძნობით განიმსჭვალებოდა, სრულიად ბუნებრივად მიაჩნდა, რომ ისიც ასევე გულწრფელად, ყოველგვარი ფარული ზრანვების გარეშე ჰყვარებოდათ. ახალგაზრდა ქალის შეთამაშებას ისიც სიამოვნებით უპასუხებდა. და მასთან ერთად მთელი გულით მზიარულობდა. ჟაკლინი ისეთი მომხიბლავი ეჩვენებოდა, მზად იყო ოლივიე დაედანაშაულებინა, რომ ამ ქალისთვის ბედნიერება ვერ მიენიჭებინა.

რამდენიმე დღით მათთან ერთად მანქანით მოგზაურობდა. მერე ბურგუნდიაში ესტუმრა, სადაც ლანეეებს სახლი ჰქონდათ. ამ ძველ, მიყრუებულ სახლს მხოლოდ და მხოლოდ იმიტომ არ ჰყიდდნენ, რომ ოჯახურ მოგონებებთან იყო დაკავშირებული. ეს სახლი ზვრებსა და ტყეებს შუა განცალკევებით იდგა. შიგნით ყველაფერი ძველი იყო. ფანჯრები ცუდად იხურებოდა. ოთახში სინესტის, ობის, მწიფე ხილისა და მზეზე გამლღვალი ფისის სუნი იდგა. სულ ერთთავად ჟაკლინის გვერდით მყოფ კრისტოფს შეშპარავი ტკბილი გრძნობა დაუფლებოდა, ოღონდ ეს გრძნობა მას ოდნავადაც არ აწუხებდა. მხოლოდ უცოდველ სიამოვნებას განაცდევინებდა, თუმცა არცთუ მთლად არამიწიერს. კრისტოფს სიამოვნებდა ჟაკლინის ხილვა, მისი ხმა, მისი სუნთქვა, მისი მშვენიერი სხეულის სიახლოვე. ოლივიე იკმუხნებოდა. მაგრამ არაფერს ამბობდა. თვითონვე იმშვიდებდა თავს. არც ეკვიანობდა, ოღონდ ეს კია, რაღაც მოუსვენრობა შეჰპარვოდა. ალბათ თავს რომ გამოსტყლომოდა, სირცხვილი შეაწუხებდა. საკუთარი თავის დასასჯელად ხშირად ორთავეს მარტო სტოვებდა. ჟაკლინი მშვენიერად ხვდებოდა, რაც აწუხებდა ოლივიეს. უნდოდა ეთქვა:

— ნუ ნაღვლობ, მეგობარო. ჩემთვის შენ ისევ ყველაზე ძვირფასი ხარ.

მაგრამ არაფერს ამბობდა და სამივენი თვითონინებას მიჰყვებოდნენ: კრისტოფი არაფერს ფიქრობდა, ჟაკლინს თვითონაც არ იცოდა, რა სურდა. მხოლოდ შემთხვევას ელოდა. მარტოოდენ ოლივიე იყო, წინასწარ რომ ჰკერტდა ყოველივეს, მაგრამ საკუთარ ღირსებასა და თავის სიყვარულს უფრთხილდებოდა. ცდილობდა, უეჭოური არა ეფიქრა რა. მაგრამ, როცა ადამიანის ნება მიუჩნებოდა, ხმას ინსტინქტი აღიმადლებს ხოლმე. თუ სული თვლემს, მაშინ სხეული აცხადებს თავის უფლებებს. ერთ მშვენიერ საღამოს, ნავახშმეზე უმთვარო, ვარსკვლავიანი ღამე დადგა. სამივემ გასიერების სურვილი გამოთქვა. ოლივიე და კრისტოფი ეზოში გამოვიდნენ. ჟაკლინი წამოსასხამის გამოსატანად საძინებელ ოთახში ავიდა, მაგრამ ჯერ არ ჩანდა.

მის ქალურ ზოზინზე ცოტა არ იყოს გულმოსული კრისტოფი ოთახში შებრუნდა (რამდენი ხანია, თავისდა შეუმჩნეველად, ქმრის როლში თვითონ გამოდიოდა). იმ ოთახში, სადაც ელოდა, ჟაკლინის ფეხის ხმა შემოესმა. დარაბები მიხურული იყო და ოთახში სრულიად არაფერი ჩანდა.

— გეყოფათ, წავიდეთ, ქალბატონო ზოზინა, თორემ ამდენი ცქერით სარკე დაიბზარება. — ხუმრობით შესძახა კრისტოფმა.

არაფერს გამოეპასუხა. ნაბიჯიც მიწყდა. კრისტოფი გრძნობდა, რომ ქაკლინი სადღაც აქვე იყო, ოთახში, მაგრამ არ იძვროდა.

— სადა ხართ? — ჰკითხა კრისტოფმა. ქალმა ხმა არ გასცა. კრისტოფიც გაჩუმდა და სიბნელეში ხელის ცეცებით იწყო გზის გაკვლევა. უეცრად მღელვარებამ აიტანა. გაჩერდა. გულმა გამალებით დაუწყყო ძვრა. სულ ახლოს ქაკლინის მსუბუქი სუნთქვა იგრძნო. ისევ წადგა ნაბიჯი და გაჩერდა. მიხვდა, რომ ქალი აქ იყო, სადღაც მის გვერდით და წინ წასვლა ვეღარ გაბედა. რამდენიმე წამით სრული სიჩუმე ჩამოვარდა. უცებ ორი ხელი დასწვდა მის ხელებს და თავისკენ მიიზიდა. ბაგე ბაგეს დაეკონა. უხმოდ გაირინდნენ ორივენი. მერე ბაგეები კვლავ მოსცილდნენ ერთმანეთს. ქაკლინი პირველი გამოვიდა ოთახიდან. მას მოჰყვა აცახცახებული კრისტოფიც. ფეხები უკანკალებდა. წამით შეჩერდა. კედელს მიეყრდნო, რომ აჩქროლებული სისხლი დაეწყნარებინა. მერე ისიც ბაღში ჩავიდა. ქაკლინი და ოლივიე მშვიდად მიბაასობდნენ. მთლად განადგურებული კრისტოფიც მათ აედევნა. ოლივიე გაჩერდა. კრისტოფს დაელოდა. კრისტოფმა ნაბიჯი შეანელა. ოლივიემ მეგობრულად მოუხბმო. კრისტოფი არ გაეპასუხა. იცოდა ოლივიემ მეგობრის ხასიათი, ზოგჯერ სიჩუმეში თავის თავთან უყვარდა დარჩენა და აღარ დაუქვინა, ქაკლინთან ერთად განაგრძო სეირნობა. კრისტოფიც უაზროდ, ძალღივით უკან მიჰყვებოდა ათიოდ ნაბიჯზე. როცა წინ მიმავალნი შეჩერდებოდნენ, შედგებოდა, გააგრძელებდნენ გზას და ისიც მისდევდა. ასე შემოუარეს ბაღს და დაბრუნდნენ სახლში. კრისტოფი თავის ოთახში ავიდა და კარი ჩაიკეტა. სანთელიც არ აუნთია. არც დასაძინებლად დაწოლილა. არც ფიქრობდა რამეს. შუაღამემდე იჯდა ასე. მერე მაგიდაზე იდაყვდაყრდნობილს ჩამოეძინა. ერთი საათის შემდეგ გამოეღვიძა, სანთელი აანთო; სასწრაფოდ წამოკრიბა ხელნაწერები, ნივთები, ტანსაცმელი, ჩემოდანში ჩააწყო და ლოგინზე მოწყვეტილივით დაეცა. გარიჟრაჟამდე ასე ეძინა. მერე, როგორც კი ინათა, აიღო ბარჯი და იქაურობას გაშორდა. მთელი დღია ელოდნენ მის გამოჩენას. მერე მთელ დღეს ეძებდნენ. ბრაზისაგან აკანკალებულმა, გულგრილობის იერით შენიღბულმა ქაკლინმა დამამცირებელი დიმილით სასადილო ვერცხლეულობას დაუწყო თვლა. მხოლოდ მეორე დღეს, საღამოთი მიიღო ოლივიემ კრისტოფის წერილი:

„ჩემო მეგობარო, არ მინდოდა ასე გიყვივით გამოქცევა, მაგრამ თვითონაც კარგად იცი, რა შლეგიცა ვარ. რას იზამ, განგებას ასეთი გაუფიქრებელი. გულითადი მიღებისათვის მადლობას გითვლით. თქვენთან თავს ძალიან კარგად ვგრძნობდი, მაგრამ ხომ ხედავ, სხვა ადამიანებთან ცხოვრება მიჭირს და, სავსებით, მეექვსეა, ვარ თუ არა ცხოვრებისთვის შესაფერისი? მე სადმე ჩემთვის უნდა ვიჯდე, კუთხეში და იქიდან ვესიყვარულებოდე ყველას. დიან, შორიდან. ასე უფრო უკეთესი იქნება. როცა მათთან ახლოს ვარ, მიზანთრობი ვხდე-

ბი. მე ვი სწორედ ეს არ მსურს. მინდა მიყვარდეს ადამიანები, მიყვარდეთ-
ყველანი. თ, როგორ მინდა თვითეულ თქვენგანს საშველად გავუწოდო-
ხელი! როგორ მინდა თქვენთვის და შენთვის ბედნიერების მოტანა. რომ შემე-
ძლოს, სიხარულით გავიღებდი ჩემს წილ ბედნიერებას... მაგრამ არ ძალმიძს.
სხვებისთვის გზის ჩვენება შემიძლია, მათ მაგიერ ამ გზის გავლა კი — არა-
ყოფელი ადამიანის ხსნა საკუთარ თავშია მხოლოდ. უშველეთ თავს-
იხსენით თავი. იხსენით თავი. ძალიან მიყვარხარ.

კრისტოფი.

თავმდაბალი საღამი ქალბატონ ქანენსა“.

„ქალბატონმა ქანენმა“ წერილი რომ წაიკითხა, ტუჩები ზიზღნარევი
ღინილათ მოკვამა და ცივად გამოსცრა:

— რა გაეწყობა, დაუჯერე. იხსენი თავი! — როცა ოლივიემ წერილის
გამოსართმევად ხელი გაუწოდა, ქაკლინმა წერილი დაკმუჭნა და იატაკზე
ნოისროლა...

— რა მოხდა? — ჰკითხა აღელვებულმა ოლივიემ.

— თავი დამანებე! — მიუგო გაბრაზებულმა ქაკლინმა და ზურგი შეაქცია.

— ეგოისტები! — იყვირა კართან მისულმა ქალმა.

ბოლოს კრისტოფმა იმდენი ქნა რომ „გრან ყურნალში“ თავისი
ნფარველებიც მტრად მოიკიდა. ასეც იყო მოსალოდნელი. ზეცამ ერთი თვისება-
მოჰპაღლა კრისტოფს, რომელსაც ქებით იხსენიებდა გოეთე და მას „უმადლუ-
რობას“ უწოდებდა.

„უმადურობის გამოხატვის მოსურნე იშვიათად გვხვდება და ეს თვისება
უფრო მეტად გამოჩენილ ადამიანებს ახასიათებთ, — ირონიულად შენიშნავდა
გოეთე, — ღარიბთა ფენიდან გამოსულნი, ისინი იძულებულნი არიან ხშირად
მოწყალეობა მიიღონ, ეს კი, კეთილისმყოფელთა უხეშობის გამო, ძალზე მწა-
რება...“

კრისტოფი სრულიადაც არ თვლიდა თავს მოვალედ საკუთარი ღირსება-
მხოლოდ იმიტომ დაემცირებინა, რომ მას სამსახური გაუწიეს. ეს მისთვის
თავისუფლების დაკარგვას უდრიდა. გაწეული სიკეთისათვის იგი არცერთ
ცენტს არ თხოვდა, ისე, უბრალოდ გასცემდა მხოლოდ. მისი კეთილისმო-
ფელნი კი ამგვარ საქმეზე ცოტა სხვა შეხედულებას იყვენენ. მოვალეებს ისინი
ძალზე დიდ ზნეობრივ მოთხოვნებს უყენებდნენ და ძალზე შეუთრაცხოფილნი-
დარჩნენ, როცა კრისტოფმა გაზეთის სარეკლამო რაღაც სულელური ჰინის-
დაწერაზე უარი განაცხადა. მაშინ კრისტოფს აგრძნობინეს, ასე არ უნდა იქცე-
ოდეთ. კრისტოფმა უხეშად უარყო გაზეთის მიერ წამოყენებული მტკიცებანი-
და ამით მთლად დააკარგვინა მოთმინება.

მას შემდეგ კრისტოფის წინააღმდეგ მთელი კამპანია ამოქმედდა. ჩანაირ-
ხერხს აღარ მიმართეს. მათ ცილისწამების არსენალიდან ხელახლა ამოქმედეს

ბრძოლის ყველა ის ძველი იარაღი, რომელიც კი ოდესმე მიემართათ შემოქმედა ადამიანებისაკენ. ეს იარაღი რიგრიგობით ყველა უნიჭობას ემსახურებოდა, თუმცა არც არასოდეს ყოფილა, რომ ამ იარაღს მოექლას ვინმე. სამაგიეროდ, ბრძოლებს იგი მიზანში აუცდენლად ხედებათ. კრისტოფს პლაგიატორობა დასწამეს. იმ ნაწარმოებებიდან, რომლებიც კრისტოფმა და საზოგადოებისთვის უცნობმა მისმა კოლეგებმა შექმნეს, ამოგლიჯეს და ხელოვნურად შეაკოწიწეს რამდენიმე პასაჟი, რათა დაემტკიცებინათ, რომ შთაგონება მას სხვებისგან ჰქონდა მოპარული და რომ კრისტოფი ახალგაზრდა შემოქმედთა ნიჟარაში აღმოჩნდა.

მარტო კრიტიკოსების თავდასხმას კიდევ რა უშავდა — მათთვის ყეფა ხომ ჩვეულებრივი საქმიანობაა. ეს ქონდრისკაცები გოლიათს მხრებზე აცოცდებიან და ერთვად იმას გაიძახიან: მე შენზე მაღლა ვდგევარო.

მაგრამ ნიჭმომადლებულნიც დაობენ ხოლმე. თითოეული ცდილობს, თავის თანამოკალმეს რითიმე აწყენინოს, თუმცა, როგორც ამბობენ, დედამიწა ფართოა და ყველასთვის სამყოფი ადგილი მოიძებნება. მათ საკუთარი ნიჭი მტრად უხდებთ ხოლმე.

გერმანიაში მუსიკოსებს შორისაც აღმოჩნდნენ ისეთი გულღვარძლიანნი, რომლებიც კრისტოფის მტრებს იმ იარაღით ამარაგებდნენ, ახალ-ახალი ჯორების შესათხველად რომ გამოადგებოდათ. ასეთები საფრანგეთშიაც გამოიქვინდნენ. მუსიკალური პრესის ნაციონალისტები, რამდენადმე თავდაც უცხოური წარმოშობისანი, სალანძღავად ხდიდნენ კრისტოფის გერმანულ ჩამომავლობას. კრისტოფის წარმატება განუსაზღვრელად გაიზარდა. ეს გარკვეულწილად მოდის დამსახურებაც იყო. ბუნებრივია, ეს გადაჭარბებული ხოტბადიდება, დანარჩენებზე რომ არაფერი ვთქვათ, მიუყვარძობებელ მსმენელსაც აღიზიანებდა. კრისტოფს კონცერტებზე მოსიარულე ხალხში, ძალაღმსარებლებსა თუ მოწინავე ურნალეებში უკვე გამოუჩნდნენ აღფრთოვანებული თავყვანისმცემლები. მათ ყველაფერი მოსწონდათ, რასაც კრისტოფი ქმნიდა. აღტაცებულნი სიამოვნებით აღნიშნავდნენ — აქამდე მუსიკა არც კი არსებობდაო. მსმენელთაგან ერთნი მის ნაწარმოებთა განხილვით იყვნენ გატაცებულნი და მათში ფილოსოფიურ ჩანაფიქრსაც პოულობდნენ, რაც კრისტოფს ძალიან აკვირვებდა. მეორენი ამტკიცებდნენ, რომ ეს იყო გადატრიალება მუსიკაში, მუსიკალურ ტრადიციებზე იერიშის მიტანა, იმ ტრადიციებზე, რომელთაც თვითონ კრისტოფი დიდ პატივს სცემდა. გამოდაცვებას აზრი არ ჰქონდა. სულ ერთია, თავყვანისმცემლები მაინც დაუმტკიცებდნენ, რომ მას თვითონვე არ ესმოდა საკუთარი მუსიკა. მათ მოსწონდათ კრისტოფის მუსიკა და ამით თავსაც იწონებდნენ. არც არის გასაკვირი, რომ კრისტოფის წინააღმდეგ მიმართულმა გამოსვლებმა ცხოველი გამოხმაურება ჰპოვა მის თანამოძმეებში. ისინი აღაშფოთა იმ ატეხილმა „ხმაურმა“, რომელშიაც კრისტოფი სრულიად უდანაშაულო იყო. მუსიკის ღირსების უარსაყოფად არც რაიმე საბაბი სჭირდებოდათ. საკუთარი აზრის არმქონე, გაზეპირებული ფორმულებით შეიარა-

ღებულის ამ ხალხისათვის ეს იყო ბუნებრივი გამღიზიანებელი, მიმართული იმ ადამიანისადმი, ვისაც ფიქრები მოზღვავებია და, თუ მხედველობაში შემოქმედებით ფანტაზიასაც არ მივიღებთ, ამ ფიქრებს არცთუ მთლად დალაგებულად გადმოგვცემს. რამდენჯერ სმენია საყვედურები უწიგნურობის გამო იმ წიგნების კითხვან, რომელთათვის სტილი საზოგადოების გარკვეული წრეებისა და ჯგუფების მიხედვით დადგენილ მზა რეცეპტს, სამზარეულო ყაღბის ჰვავს, რომელშიაც მათი აზრებია ჩასხმული! კრისტოფის მუსიკა ქეშმარიტად მხოლოდ მის ყველაზე საუკეთესო მეგობრებს ესმოდათ, რომლებიც არცა ცდილობდნენ მისი მუსიკის გაგებას. იმიტომ, რომ მათ უყვარდათ კრისტოფი იმ სიამოვნებისათვის, რასაც მათ ანიჭებდათ. მაგრამ ყველა ესენი რიგითი მსმენელები იყვნენ და ხმის უფლება არცერთ იმათგანს არა ჰქონდა. ერთადერთი, ვისაც შეეძლო ცილისმწამებლებისათვის პასუხი გაეცა, ოლივიე იყო, რომელიც სწორედ იმხანად ჩამოშორდა მას. თითქოს დაივიწყა კიდეც მეგობარი. ასე რომ, კრისტოფი მტრებისა თუ თაყვანისმცემლების საჯიჯგნად იყო მიტოვებული. ისინიც ერთმანეთს ეცილებოდნენ, ვინ უფრო მეტ ზიანს მიაყენებდა. კრისტოფმა ხელი ჩაიქნია და პასუხის გაცემაზე ფიქრს საბოლოოდ თავი ანება. როდესაც რომელიმე გავლენიანი გაზეთის ესთეტიკური ნორმების დამკანონებელ თავდაჯერებულ კრიტიკოსს უხეშად, ვით უვიცობასა და დაუსჯელობას შეეფერება, გამოჰქონდა მორიგი განაჩენი, გაკვირვებული კრისტოფი მხრებსლა იჩივდა და ამბობდა:

„ჰო, განმსაჯე, მეც განგსჯი. ვნახოთ, ასი წლის შემდეგ ვინ იქნება მართალი!“

მაგრამ ცილისმწამებლები არა ცხრებოდნენ და ობივატელები, როგორც ყოველთვის, ახლაც მხარს უჭერდნენ ყველაზე სულმდაბალ და სამარცხვინო ბრალდებას.

თითქოს სურდა მდგომარეობა უფრო გაემწვავებინა, კრისტოფმა სწორედ ახლა გადაწყვიტა თავის გამომცემელს წასჩხუბებოდა. იგი უკმაყოფილო იყო ჰენტიისა. თუმცა ჰენტი რეგულარულად უქვეყნებდა ახალ ნაწარმოებებს და პატიოსნად იქცეოდა, მაგრამ იგივე პატიოსნება სრულიადაც არ უშლიდა ხელს, მასთან არასახარბიელო ხელშეკრულება დაედო. ჰენტი პირობას არასოდეს გადიოდა და ზედმიწევნით პირნათლად ასრულებდა კიდეც. ერთ დღეს კრისტოფის გაოცებას საზღვარი არ ჰქონდა, როცა ნახა, რომ მისი სეპტეტი უნებართვოდ კვარტეტად გადაეკეთებინათ, ხოლო პიესის ერთი საფორტეპიანო სიუიტა ორი ხელისათვის ოთხი ხელისად ულაზათოდ გადმოეღოთ. კრისტოფი მაშინვე ჰენტთან გაჩნდა და ნივთიერი მტკიცება ცხვირწინ დაუდო:

— გეცნობათ ეს?

— რა თქმა უნდა, — მიუგო ჰენტმა.

— და მაინც გაბედეთ... მაინც გაბედეთ ჩემი ნაწარმოებები უნებართვოდ გადაგვეკეთებინათ?

— რა ნებაართვას ითხოვთ? — მშვიდად იკითხა ჰენტმა. — თქვენი ნაწარმოებები მე მეკუთვნის.

— და, მგონი, მეც!

— არა, თქვენ, არა, — ნელა თქვა ჰენტმა.

კრისტოფი შეხტა.

— როგორ, ჩემი ნაწარმოები მე არ მეკუთვნის?

— დიახ, მას შემდეგ, რაც შევისყიდე, თქვენ აღარ გეკუთვნით.

— დამცინით?! მე თქვენ ქალაღი მოგყიდეტ. გნებავტ, ფულად აქციეტ. მაგრამ რაც მასზეა დაწერილი, ჩემი საკუთარი სისხლიტაა ნაწერი და მხოლოდ მე მეკუთვნის.

— თქვენ მე ყველაფერი ერთად მომყიდეტ. ამისათვის საერთო ტანხა — სამასი ფრანკი მიიღეტ. იმ ვარაუდით, რომ პირველი გამოცემის ტიტოეულ ეგზემპლარში ოცდაათ სანტიმს გადაგისდიდით. სამაგიეროდ, სრულიად შეუზღუდავად თქვენი ნაწარმოებების გამოყენების უფლება მომეცით.

— მისი განადგურების უფლება?

ჰენტმა მხრები აიჩეჩა და ზარი დაჩეკა. ოტახში საქმეტა მწარმოებელი შემოვიდა.

— შემომიტანეტ ბატონ კრაფტის ხელშეკრულება.

ჰან ჩამარცვლიტ წაიკითხა სახელშეკრულებო ტექსტი, რომელზედაც კრისტოფს წაუკითხავად ჰქონდა ხელი მოწერილი. აქედან გამომდინარეობდა, რომ მაშინდელი სახელშეკრულებო პირობები, რომელტაც გამომცემლები მუსიკალური ნაწარმოებების ავტორებტან დებდნენ, ბატონ ჰენტს ნებას აძლევდა გამოეყენებინა ყოველგვარი უფლებები, ავტორის ფუნქციები და პრივილეგიები. მას დანარჩენ გამომცემელტაგან განსხვავებით, უფლება ჰქონდა გამოეცა, გამოექვეყნებინა, გადაეკეტებინა, დაებეჭდა, ეტარგმნა, ამ ნაწარმოებით სარგებლობის უფლება მიეცა, საკუთარი ნება-სურვილისამებრ გაეყიდა იმ ფორმით, როგორადაც ეს თვითონ გამომცემელს ეწადა, ეგრეტ წოდებული ნაწარმოები შეესრულებინა კონცერტებზე, კაფე-შანტანებში, მეჯლისებზე, ტეატრებში და ა. შ... გამოექვეყნებინა რამდენიმე ინსტრუმენტისათვის და არა თუ სატაური, თვით სიტყვებიც კი შეეცვალა... და ა. შ., და ა. შ.

— როგორც ხედავტ, ძალიან მორიდებით ვიქცევი, — თქვა ჰენტმა.

— გამოდის, რომ მადლობელი უნდა ვიყო, რომ ჩემი სეპტეტი კაფე-შანტანის სიმღერად არ აქციეტ.

იგი დღმდა. სასოწარკვეთილმა ხელები ტავზე შემოიჭლო.

— გავყიდე სული, საკუთარი სული გავყიდე, — იმეორებდა იგი.

— დამშვიდდით, ჩემს უფლებებს ბოროტად არ გამოვიყენებ, — ირონიულად თქვა ჰენტმა.

— ესეც თქვენი რესპუბლიკა. ასეტო ვაჭრობა ნებადართულია. ადამიანის ტავისუფლებას აცხადებტ, მისი აზრებით კი ვაჭრობტ.

— საზღაური მიღებული გაქვთ, — თქვა ჰენტმა.

— დიახ, ოცდაათი ვერცხლის მონეტა. უკანვე წაიღეთ თქვენი ფული.

კრისტოფი ჯიბეების სინჯვას მოჰყვა. უნდოდა ჰენტისთვის მისი სამასი ფრანკი დაებრუნებინა, მაგრამ ამდენი ვერ მოაგროვა. ჰენტს სახეზე ღიმილ-ნარევი მსუბუქი ირონია აუთამაშდა. ამან კრისტოფი გააშმაგა.

— მე ყველა ჩემ ნაწარმოებს უკანვე მოვითხოვ. მინდა შევისყიდო, — განაცხადა მან.

— თქვენ მასზე ყოველგვარი უფლება დაკარგული გაქვთ. — მიუგო ჰენტმა. — ხალხის ძალად შეჩერება წესად არა მაქვს. ამიტომ თანახმა ვარ, ყველა თქვენი ნაწარმოები უკანვე დაგიბრუნოთ, ოღონდ ერთი პირობით — ამინაზ-ლაურეთ ზარალი.

— თავს დავივირავებ და გამოსავალს მაინც ვიპოვი! — მიუგო კრისტოფმა.

მან უსიტყვოდ მიიღო ყველა მოთხოვნა, რომელიც ჰენტმა თხუთმეტი დღის შემდეგ წაუყენა. რაღაც სიგიჟით კრისტოფმა ხუთჯერ მეტ ფასად შეისყიდა თავისი ნაწარმოებების ყველა გამოცემები, ვიდრე თვითონ ჰქონდა აღებული. სინამდვილეში ჰენტი არაფერს აზვიადებდა. იგი შემოსავლის იმ ზუსტი რიცხვებიდან გამოდიოდა, რასაც თვითონ იღებდა. კრისტოფს არ შეეძლო მისი გადახდა. ეს ჰენტსაც კარგად ესმოდა. იგი კრისტოფს სხვა ახალგაზრდა მუსიკოსთაგან გამორჩევით მეტ პატივს სცემდა. როგორც მუსიკოსსა და ადამიანს აფასებდა და არც მის შეზღუდვას აპირებდა, ოღონდ უნდოდა მისთვის ჰქუა ესწავლებინა. თავის უფლებებში შექრას ჰენტი არავის აპატიებდა. ხელშეკრულებით გათვალისწინებული ამგვარი პირობები პირადად მისი დაკანონებული როდი იყო — იგი ყველგან ამ სახით იყო მიღებული და ამიტომ ჰენტსაც სამართლიანად მიაჩნდა. გარდა ამისა, მას გულწრფელად სჯეროდა, რომ ამგვარად ორივე მოგებული რჩებოდა — ავტორიცა და გამომცემელიც. რადგან გამომცემლისათვის უფრო ხელმისაწვდომია ხელოვნების ნიმუშთა გავრცელება, ვიდრე თვით ავტორისათვის. ავტორის მსგავსად, მას არ ერიდება უმადლესი რიგის მოსაზრებების გამო, თუნდაც ძლიერ ღირსაცნობისა, თუ ეს მოსაზრებები საქმის ჰეშმარიტ ინტერესებს ეწინააღმდეგება. ჰენტს სურდა კრისტოფისათვის სახელი და დიდება მოეტანა, ოღონდ საკუთარი მეთოდების გამოყენებით. ეს კრისტოფს ხელ-ფეხს უკრავდა. ამჯერად კი სურდა კრისტოფისთვის დაემტკიცებინა, რომ ჰენტის გარეშე არსებობა არც ისე ადვილი იყო. ისინი შეთანხმდნენ: თუ ექვსი თვის განმავლობაში კრისტოფი ამ თანხას არ გადაიხდიდა, მისი ნაწარმოებები მთლიანად ჰენტის საკუთრებად იქცეოდა. აქედანვე ეტყობოდა, რომ კრისტოფი ამ თანხის მეოთხედის შეგროვებასაც ვერ მოახერხებდა.

კრისტოფი მაინც ჭიუტობდა. მან სანუკვარ მოგონებებთან დაკავშირებული თავისი ძველი ბინა ახალ, შედარებით იაფფასიანზე გადაცვალა. ხელი მიჰყო

სხვადასხვა ნივთის გაყიდვას და ძლიერ გაცემული იყო, რომ არცერთი იმათგანი არავითარ ფასეულობას არ წარმოადგენდა. იღებდა ვალებს, დახმარებისთვის მოიხსადაც მიაღდა, მაგრამ მისდა საუბედუროდ, მოიხი უკიდურეს გაჭირვებაში ჩავარდნილი ნახა — რევმატიზმებს ლოგინად ჩაეგდო. ბედი სხვა გამოცემებთანავე სცადა, მაგრამ ყველგან ისეთსავე მძარცველურ წესებს აწყდებოდა, როგორსაც ჰებტთან ანდა ზირდაპირ უარით ისტუმრებდნენ.

ეს სწორედ ის დრო იყო, როცა მუსიკალურ პრესაში კრისტოფის წინააღმდეგ მიმართულმა ბრძოლამ ყველაზე მწვავე ხასიათი მიიღო. განსაკუთრებით პარიზის ერთ-ერთი დიდი გაზეთი იყო გაშმაგებული. მის ერთ თანამშრომელს კრისტოფი მიზანში ჰყავდა ამოღებული. იგი გვარს არ აწერდა. კვირა ისე არ გავიდოდა, რომ ქრონიკაში რაიმე ვერაგული ცნობა არ გამოქვეყნებინა და კრისტოფი სასაცილოდ არ აეღო. თავის ანონიმ თანამომქმეს მუსიკალური მიმომხილველიც ემატებოდა — ნებისმიერ საბაბს იყენებდა, რათა კრისტოფი როგორმე გაეკენწლა. ეს შეტაკების დასაწყისი იყო მხოლოდ — კრიტიკოსი იმუქრებოდა ახლო მომავალში კიდევ მიბრუნებოდა ამ თემას და კრისტოფისთვის საბოლოო ანგარიში გაესწორებინა. მტრები არ ჩქარობდნენ. მათ კარგად იცოდნენ, რომ ზუსტად ჩამოყალიბებული ბრალდება უფრო ნაკლებ ზემოქმედებას ახდენს, ვიდრე გადაკარგულად თქმული სიტყვების დაჟინებით გამოვრება. ისინი კრისტოფს კატათავგობანას ეთამაშებოდნენ. ყველა წერილს მას უგზავნიდნენ. კრისტოფი ამ წერილებს ერთი შეხედვით გულგრილად იღებდა, მაგრამ გულის სიღრმეში საკაოდ სწყყინდა, და პასუხის გაცემის ნაცვლად (თუმცა, სურვილიც რომ ჰქონოდა, ალბათ მაინც ვერ შეძლებდა) ჩუმად იტანჯებოდა. თავმოყვარეობის გამო თავის გამოცემელთან უმიზნო და უთანასწორო ბრძოლაში შეუდრეკელობას იჩენდა, ამასობაში კარგავდა უამრავ დროს, ენერგიას, ფულს. მუსიკას — თავის უმთავრეს იარაღს არ იყენებდა და თავისივე ნებით ამბობდა უარს იმ რეკლამაზე, რომელსაც ჰებტი უქმნიდა.

მოულოდნელად ყველაფერი შეიცვალა. გაზეთში წინასწარ გამოცხადებული ცნობა არ გამოჩენილა. გესლიანი შენიშვნებიც შეწყდა. კომპანია ერთბაშად გონს მოეგო. უფრო მეტიც: თითქოს შემთხვევით, მუსიკალურმა მიმომხილველმა ორი თუ სამი კვირის შემდეგ გაზეთის ფურცლებზე ქების რამდენიმე სიტყვაც გამოაქვეყნა. თითქოს სურდა ენიშნებინა, რომ მშვიდობა დაჰყარებული იყო. ლაიფტიგის ერთ-ერთმა დიდმა გამომცემელმა კრისტოფს წერილი გამოუგზავნა და ნაწარმოებების გამოცემა შესთავაზა. ხელშეკრულება ხელსაყრელ პირობებს ითვალისწინებდა. მისდამი გამოგზავნილ მამებლურ წერილში, რომელსაც ავსტრიის საელჩოს ბეჭედი ესევა, თავმდაბლად სთხოვდნენ კრისტოფს, ნება დაერთო და მისი ნაწარმოებები საელჩოში გამართულ საზეიმო საღამოების პროგრამაში შეეტანათ. ფილომელაც — რომელსაც კრისტოფი მფარველობდა, ერთ-ერთ ასეთ საღამოზე მიიწვიეს სამღერად. ამის

შემდეგ ქალს პარიზში არსებულ გერმანიისა და იტალიის კოლონიების არისტოკრატიულ სალონებში ხშირად იწვევდნენ. ერთ-ერთ მუსიკალურ საღამოს კრისტოფიც დაესწრო. ელჩმა იგი ფრიად გულთბილად მიიღო. ხანმოკლე საუბრისას გამოიჩინა, რომ მასპინძელი მუსიკაში ნაკლებად ერკვეოდა. ეტყობოდა, არც მისი ნაწარმოებები სმენოდა. მაშ, რამ გაუღვიძა ეს მოულოდნელი ინტერესი? ჩანდა, ვიღაცის უხილავი ხელი კრისტოფს გზიდან ყოველგვარ განსაცდელს ამორებდა. სცადა, გაეგო. ელჩმა მისდამი დიდი სიმპათიით გამსჭვალული რომელიღაც ორი მეგობარი — გრაფი და გრაფინია ბერენიები ახსენა. ოღნავადაც არ ეცნო ეს გვარი. იმ საღამოზე, როცა კრისტოფი საელჩოში იმყოფებოდა, ცოლ-ქმარ ბერენიების წინაშე წარდგენის შემთხვევა არ მისცემია. მათ გაცნობას არც ცდილა. იმხანად არავინ აინტერესებდა. მეგობრებისაც თითქმის ისევე სჭეროდა, როგორც მტრებისა. ორთავენი ერთნაირად არასაიქედონი იყვნენ. ნიავის ოღნავ მოქროლვაზე იცვლებოდნენ. ჯობდა, უიმათიდ ყოფილიყო და XVII საუკუნის ბრძენის სიტყვებს მოჰყოლოდა: „ღმერთმა შემძინა მეგობრები. ღმერთმა წაართვა ისინი. მათ მიმატოვეს. მეც მივატოვებ და იმათ სახელს მეტად აღარასოდეს ვახსენებ“.

მას შემდეგ, რაც კრისტოფი ოლივიეს სახლიდან წამოვიდა, ოლივიეს მისთვის ერთხელაც არ შეუხსენებია თავი. თითქოს მათ შორის ყველაფერი დამთავრდა. ახალი მეგობრების შექმნა აღარ აინტერესებდა. მას ეჭვიც არ ეპარებოდა, რომ გრაფი და გრაფინია ბერენიები ოღნავადაც არ განსხვავდებოდნენ იმ სნობებისაგან, კრისტოფის მეგობრებად რომ მოჰქონდათ თავი. არცა ცდილა იმათ გაცნობას. კიდევ რომ შეხვედროდნენ, ალბათ განერიდებოდა. მზად იყო, პარიზიდანაც გაქცეულიყო. სურდა რამდენიმე კვირით განმარტობით ეცხოვრა. რამდენიმე დღე, თუნდაც რამდენიმე დღე თავის მშობლიურ ქვეყანაში გაეტარებინა! ეს ფიქრი კრისტოფს თანდათან ავადმყოფურ მოთხოვნილებად ექცა. მშობლიური მდინარისა, ცისა თუ მიწის, სანუკვარი საფლავეების ხილვა ეწადა, მაგრამ არ შეეძლო, რადგან მათი ნახვა თავისუფლების ფასად დაუჭდებოდა — გერმანიიდან გაქცევის შემდეგ დაქერის საშიშროება ისევ ემუქრებოდა. და მიუხედავად ამისა, მზად იყო ყოველგვარი სისულელე ჩაედინა, ოღონდ სამშობლოში ერთი დღით მაინც დაბრუნებულყო.

ბედად, ამის შესახებ ერთ-ერთ ახლადმოვლენილ მფარველიან მოუხნდა საუბარი. იმ საღამოზე, რომელზედაც მისი ნაწარმოებები სრულდებოდა, გერმანიის საელჩოს ახალგაზრდა ატაშემ უთხრა: ისეთი კომპოზიტორით, როგორიც თქვენა ხართ, გერმანია ამაყობსო. ამაზე კრისტოფმა მოახსენა:

— სამაგიეროდ, იგი ისეა გაგულისებული ჩემზე, რომ უმაღლ თავის კარებთან მოძილებს ბოლოს, ვიდრე შიგ შემიშვებს.

ახალგაზრდა დიპლომატმა სთხოვა, აეხსნა საქმის ვითარება. არ გასულა რამდენიმე დღე, რომ ახალგაზრდა ატაშემ კრისტოფს აცნობა:

— მაღალ წრეებში თქვენით დაინტერესებულნი არიან. მათ უკვე მოახ-

სენეს ერთ ფრიად წარჩინებულ დიდ პიროვნებას, ვისაც შეუძლია შეაჩეროს ის მძიმე განაჩენი, თქვენ რომ ტვირთად გაწევთ. დახმარების სურვილიც გამოთქვა. საოცარია, მას მოეწონა თქვენი მუსიკა. ჩვენ შორის დარჩეს და, მაინცდამაინც დახვეწილი გემოვნებით არ გამოირჩევა. ისე კი კეთილშობილი, ნათელი გონების ადამიანია. ამაჟამად განაჩენის შეცვლის შესაძლებლობა არ არსებობს, მაგრამ თუ მშობლიურ ქალაქში მხოლოდ ორმოცდარვა საათს დაჰყოფთ და თქვენიანებსაც მოინახულებთ, ამაზე თვალს დახუჭავენ. აი, პასპორტი, აქედან გამგზავრებისა და ჩამოსვლის დროს მისი შემოწმება არ დაგავიწყდეთ. ფრთხილად იყავით. ეცადეთ, არ მიიპყროთ ყურადღება.

კრისტოფმა კვლავ იხილა მშობლიური მიწა. ის ორი დღე, მას რომ მისცეს, იმათთან გაატარა, ვინც მშობლიურ მიწაში განისვენებდა. დედის საფლავზე მივიდა. ბალახი წამოზრდილიყო. სულ ახლახან ვილაცას ცოცხალი ყვავილები დაეწყო. იქვე, ერთმანეთის გვერდით მამა და პაპამისი განისვენებდნენ. კრისტოფი იქვე ჩამოკდა. საფლავი გალავნის ახლოს იყო გაჭრილი. საფლავს გალავანს იქით, ვნის პირას მდგარა წაბლის ხე უჩრდილებდა. კედელს გადაღმა თბილი ნიაფი ყანას ოქროსფრად ალივლივებდა. მზე მცხუნვარედ აჭერდა სხივებს გარინდებულ დედამიწას. ყანებიდან მწყურების კუტკუტი მოისმოდა. წყნარად ირწეოდნენ საფლავებზე დარგული კვიპაროსები. მარტოდ-მარტო მჯდარ კრისტოფს ფიჭვებმა წაართვეს თავი. საოცარი სიმშვიდე დაუფლებოდა. მუხლებზე შემოექძრო ხელები და კედელს მიყრდნობილი ცას უმზერდა. წუთით თვალები დახუჭა. რა მარტივი იყო ყველაფერი! თავს ისე გრძნობდა, თითქოს თავის სახლში, ახლობლებს შორის ყოფილიყო. იმათ გვერდით მჯდარიყო ხელგადახვეული. გადიოდა საათები. საღამოს პირას ხეივნის ქვიშაზე ვილაცის ფეხის ხმა მოისმა. დარაჯი იყო. გვერდით ჩაუარა, მერე საფლავის ქვაზე ჩამომჯდარ კრისტოფს მოხედა. კრისტოფმა ჰკითხა, ვინ მოიტანაო საფლავზე ცოცხალი ყვავილები. ბუიერულ ფერმერ ქალს ჩვეულებად აქვს სასაფლაოზე წელიწადში ორჯერ ან ერთხელ მაინც შემოიბაროსო, მიუგო დარაჯმა.

— ლორხენი? — ჰკითხა კრისტოფმა.

საუბარი წამოიწყეს.

— თქვენ მისი ვაჟიშვილი ბრძანდებით? — ჰკითხა უცნობმა.

— მას სამი ვაჟიშვილი ჰყავდა. — მიუგო კრისტოფმა.

— მე ჰამბურგელზე მოგახსენებთ, დანარჩენები დმერთს არ უქნია.

მზე უკვე ჩაიწვერა. უკან თავგადაწეული კრისტოფი ჩუმად, ხმისამოულებლად იჯდა.

— დაეცის დროა, — თქვა დარაჯმა.

კრისტოფი წამოდგა და დარაჯთან ერთად გაუყვა სასაფლაოს. მანაც გულთბილად აჩვენა თავისი სამფლობელო. გზადაგზა კრისტოფი ჩერდებოდა და

საფლავის ქვებზე წარწერებს კითხულობდა. რამდენი ნაცნობი განისვენებდა აქ! მოხუცი ეილერი, მისი სიძე, ცოტა იქით მისი ბავშვობის მეგობარი გოგონები, ბავშვობაში მათთან ერთად უთამაშნია. აგერ კიდევ ერთი სახელი, ადა. მისი წაკითხვისას გული ეტყინა... უფალო, შენ განუხვენი ყველას... შორეულ ჰორიზონტს ჩამავალი მზის შუქი ადგა. სასაფლაოდან გამოსული კრისტოფი კიდევ დიდხანს დაეხეტებოდა მინდორ-მინდორ. ცაზე ეარსკვლავები აციმციმდნენ. მეორე დღესაც მოვიდა აქ კრისტოფი. შუადღემდე იმე ადგილას იჯდა. გუმინდელი მშვენიერი სიმშვიდე დღეს თითქოს გამოცოცხლდა. უფარდელ, ბედნიერ საგალობელს მღეროდა სული. საფლავის კიდეზე ჩამოქვდა მუხლებზე ნოტებს რვეული გაშალა და სულში ამღერებელი მელოდია რვეულში ფანქრით გადაიტანა. ასე გავიდა დღე. ეგონა, ისე თავის ძველ პაწია ოთახში ნუშობდა. იქვე, თეჯირს მიღმა, დედა დაფუხფუხებდა. წერას გორჩა და წასასვლელად შეემზადა. საფლავიდან რამდენიმე ნაბიჯიც გადადგა, რომ უცებ შემობრუნდა, რვეული ფათალოს ფოთლებქვეშ, ბალახებზე დადო. რამდენიმე წვიმის წვეთი ჩამოვარდა. კრისტოფმა გაიფიქრა:

— რაც მალე წაშლის წვიმა, მით უკეთესი!.. ეს შენ მოგიძღვენი, შენ ერთადერთს და სხვას არავის!..

იყო მდინარეზე, ნაცნობი ქუჩებიც მოინახულა. აქ ბევრი რამ შეცვლილიყო. ბულვარის გასწვრივ. ქალაქის კედელს გადაღმა, ძველ ბასტიონებს შორის, აკაციების ქალა წამოზრდილიყო, რომელიც თითქმის მის თვალწინ დარგეს და ახლა იმოღენა გაზრდილიყო, ძველ ხეებსაც ფარავდა. ფონ კრიზების ბაღს რომ ჩაუარა, ის ბოძი შეიცნო, პარკის ვალავანს იქით გადასაჭვრეტად ბავშვობაში ზედ რომ მიქვებოდა ხოლმე. ძალიან გაკვირვებული დარჩა: ქუჩებო, პარკიცა და ის ვალავანიც საოცრად პატარა ეჩვენა. წამით ცხურთან შეჩერდა და ეკიპაჟის ბორბლების ხმაური რომ შეწყდა, მხოლოდ მას შემდეგ განაგრძო გზა. უნებურად ზემოთ აიხედა. მისი თვალები ფუნთაშმა, მხიარული მანდილოსნის მზერას წააწყდა, იგი ცნობისმოყვარეობით ათვალეზებდა კრისტოფს. უცებ მანდილოსანმა გაკვირვებისაგან შეჰყვირა და შეეტლეს უბრძანა, გაჩერებულიყო:

— ბატონო კრატ! — შესძახა მან.

კრისტოფი გაჩერდა.

მანდილოსანმა სიცილით უთხრა:

— მე მინა ვარ!..

კრისტოფი ისეთივე აღლევებით მიიჭრა მასთან, როგორც პირველი შეხვედრის დღეს.¹ ქალმა გვერდით მჯდომი დიდი, მსუქანი მელოტი ბატონი წარუდგინა, ულვაშები თვითმკაყოფილი იერით რომ გადაეწყო. ეს იყო მისი მეუღლე — ბატონი იუსტიციის მრჩეველი ფონ ბრომბახი. მინა დაჟინებით

¹ იხ. თან-კრისტოფი, ნაწ. I, დღია.

სთხოვდა კრისტოფს, შინ მეწვიეო. კრისტოფი შეეცადა როგორმე თავიდან აერიდებინა ეს დაპატიჟება, მაგრამ მინამ შესძახა:

— არა, სადილად აუცილებლად უნდა გვეწვიოთ!

მინა ხმამაღლა, სხაპასხუპით ლაპარაკობდა. კითხვაც არ აცალა, მაშინვე თავისი ამბების მოყოლა დაიწყო. მისი ხმამაღალი, ჩქარი ლაპარაკისაგან გაბრუნებული კრისტოფი გაფანტული უსმენდა, უფრო მეტად კი ქალს შესცქეროდა: ნუთუ ეს მისი პატარა მინა იყო? როგორ გაფურჩქენილა, გავსილა და დაქალებულა. რა მშვენიერი ვარდისფერი სახის კანი აქვს. თუმცა ნაკვთები ცოტა გაუხეშებია, განსაკუთრებით ცხვირი დაქსვილებია. მანერები, მოძრაობა და მიხრა-მოხრა წინანდებული ჰქონდა, ფორმა შესცვლოდა მხოლოდ. ამასობაში მინას პირი არ მოუკუმია. მან კრისტოფს უამბო, რაც თავს გადახდენოდა, თვით ინტიმურ ამბებზედაც კი ესაუბრა: როგორ შეუყვარდა ქმარი და ქმარსაც როგორ უყვარდა იგი. კრისტოფი თავს უხერხულად გრძნობდა. მინას ყველაფერი მშვენიერი ეჩვენებოდა და ურყევად სწამდა, — განსაკუთრებით მაშინ, როცა სხვების თანდასწრებით ლაპარაკობდა, — რომ მისი ქალაქი, საბლი, ოჯახი, ქმარი და თავადაც ყველაზე უკეთესნი იყვნენ. ქმრის თანდასწრებით ჰყვებოდა, რომ მისი ქმარი „უშესანიშნავესი“ ადამიანი მათ შორის, ვინც კი ოდესმე შეხვედრია“ და რომ მასში „ზეადამიანურ ძალას“ ხედავს. ეს „უშესანიშნავესი“ ადამიანი ცოლს ღიმილით ხელს უსვამდა ლოყაზე და კრისტოფს არწმუნებდა. ამაზე „ღირსეული ქალი არ არსებობსო“. როგორც ჩანს, ბატონი იუსტიციის მრჩეველი იცნობდა კრისტოფის საქმეებს და აღარ იცოდა, მის მიმართ მოკრძალება გამოეხატა თუ, პირიქით, უპატივცემულად მოჰკიდებოდა. ერთის მხრივ, მის წინააღმდეგ გამოტანილ განაჩენს ითვალისწინებდა, მეორეს მხრივ — უდიდეს მფარველობას. ბოლოს მათ შორის რაღაც საშუალო მდგომარეობა იჩნია. რაც შეეხება მინას, იგი კვლავ შეუსვენებლივ ლაპარაკობდა. ბოლოს, როცა საკუთარი ამბავი დაასრულა, კრისტოფის შესახებ დაიწყო ლაპარაკი. თავი მოაბეზრა ისეთივე ინტიმური შეკითხვებით, რომლებზედაც თვითონვე იძლეოდა პასუხს, თუმცა ამგვარი შეკითხვა კრისტოფს ერთხელაც არ მოუცია მისთვის. მინა აღტაცებული იყო მისი ხილვით. მართალია, კრისტოფის მუსიკისა მინას არაფერი გაეგებოდა, სამაგიეროდ, გაგონილი ჰქონდა, რომ იგი გამოჩენილი ადამიანი გამხდარიყო და თავს იმით იწონებდა, რომ ერთ ღროს ამ კაცს იგი უყვარდა, მან კი უარით გაისტუმრა. მინამ ეს ხუმრობით საკმაოდ უტაქტოდ შეახსენა ალბომისტვის ავტოგრაფიც სთხოვა. თავი მოაბეზრა პარიზის ამბების გამოკითხვით. ამ ქალაქის მიმართ იგი ისეთსავე ინტერესს იჩენდა, რამდენადაც ეზიზღებოდა. მინა საოცრად დარწმუნებული იყო, რომ კარგად იცნობდა პარიზს, რადგან „ფოლი-ბერჟერში“, ოპერაში, მონმარტრსა და სენ-კლუშიც იყო ნამყოფი. მისი აზრით, პარიზული ქალები ერთობ კოკობზინის და ცუდი დედები იყვნენ, რომლებიც ცდილობენ, რაც შეიძლება ნაკლებად იყოლი-

ონ შვილები, შინ უმეტეაღყურედ ტოვებენ მათ. თვითონ კი თეატრებსა და სხვა გასართობ ადგილებში დაბრძანდებიან. მინა შეპასუხებას ვერ იტანდა. სალამო ხანს კრისტოფს სთხოვა, როიალზე დაეკრა. ქალმა შეაქო იგი, მაგრამ გულის სიღრმეში თავისი მეუღლის დაკვრა არანაკლებ მოსწონდა.

კრისტოფი სიამოვნებით შეხვდა მინას დედას — ქალბატონ კერიხს, მის მიმართ იღუმალი სიმპათიით იყო გამსკვალული, რადგან ეს ქალიც მისდამი კეთილად იყო განწყობილი. ქალბატონ კერიხს წინანდებური ახალგაზრდული მშვენიება შემორჩენოდა. მას მინაზე უფრო ბუნებრივად ეჭირა თავი. მაგრამ კრისტოფთან საუბარში მაინც იგრძნობოდა მსუბუქი ირონია, კრისტოფს რომ აღიზიანებდა წინათ. მას შემდეგ ქალბატონი კერიხი არ შეცვლილიყო. იგივე შეხედულებები დარჩენოდა. ქალს ყოველგვარი წინსვლა, უკეთესობისკენ სწრაფვა უაზრობად მიაჩნდა. იგი მაშინდელ კრისტოფს ახლანდელს აღარებდა და უპირატესობას აღრინდელს ანიჭებდა.

მის გარშემო, კრისტოფის გარდა, შინაგანად არავინ შეცვლილიყო. კრისტოფს უმძიმდა ამ პიროვნული კარჩაკეტილობის, გონებრივი შეზღუდულობის ატანა. მასპინძლებმა ნახევარი საღამო მისთვის სრულიად უცხო ადამიანების გაკილვაში გაიყვანეს. აღუნიშნავი არ დარჩენიათ, რაც კი რამ სასაცილო შეემჩნიათ ახლობლებისათვის. სასაცილოდ მიაჩნდათ ყველაფერი, რითაც დანარჩენები მათი ზნე-ჩვეულებებისაგან განსხვავდებოდნენ. ბოლოს და ბოლოს კრისტოფს მოებურდა ამ უკეთური, უაზრო ცნობისმოყვარეობის სმენა. სცადა, საუბარი თავის საზღვარგარეთ ყოფნაზე გადაეტანა, მაგრამ მაშინვე იგრძნო, რომ საფრანგეთის ცივილიზაციით, რომლის გულისთვისაც მან ამდენი რამ გადაიტანა, ამ ხალხს ვერ დააინტერესებდა. ახლა, როცა სამშობლოში მის წარმომადგენლად გამოდიოდა, ამ ცივილიზაციის მთელ სიმშვენიერესაც განსაკუთრებული სიცხადით გრძნობდა. კრისტოფი მათ ვერ გააგებინებდა ლათინური სულის უსაზღვროებას, რომლის პირველი და უმთავრესი კანონი არის გონიერება: ჩასწვდე, შეიცნო რაც შეიძლება მეტი, თუნდაც „ზნეობრივი პრინციპების“ ხარჯზე. მასპინძლებისაგან, განსაკუთრებით კი მინასაგან იგი ახლაც გრძნობდა იმ ქედმაღლურ ამპარტავნობას, რომელსაც ადრეც გაუნაწყენებია, ოღონდ ახლა დაეიწყებას მისცემოდა. ამგვარ ამპარტავნობას სულმოკლეობა უფრო ასაზრდოებს, ვიდრე სათნოება — უმოწყალო, უღმობელი პატიოსნება, თავისი სათნოებით რომ ამყობს და აბუჩად იგდებს იმ სისუსტეს, რომლის გაგება მას არ შეუძლია. წეს-ჩვეულებების თავყვანისცემა, შეურაცხყოფელი ზიზღი „დაუშვებელი“ უპირატესობისადმი. მინა მშვიდი, დამრიგებლური დაჯერებულობით გავრძნობინებდათ, რომ იგი მუდამ მართალი იყო. სხვების შესახებ უხეში პირდაპირობით მსჯელობდა. თუმცა, მათ გაგებას არცა ცდილობდა. საკუთარი თავის გარდა მას სხვა არავინ აინტერესებდა. თავის ეგოიზმს ბუნდოვანი მეტაფიზიკური საღებავებით ნიღბავდა. გამუდმებით თავისი „მეს“ განვითარებაზე საუბრობდა. იქნებ კარგი ქალიც იყო და სი-

ნამდვილეში მართლაც შეეძლო სიყვარული, მაგრამ საკუთარი თავი ზომაზე მეტად უყვარდა. ისეთ შთაბეჭდილებას ტოვებდა, თითქოს საკუთარ „მეზე“ ლოცულობდა. იგრძნობოდა, რომ იგი უძვირფასეს ადამიანსაც სამუდამოდ მოიძულებდა, თუ მისი „მეს“ პატივისცემა წამით მაინც დაავიწყდებოდა, თუნდაც მერე ამ ადამიანს თავისი წუთისოფელი მონანიებაში გაეტარებინა. ეშმაკმა დალახვროს ეგ თქვენი „მე“, ზოგჯერ მაინც გაგონდებოდეთ „შენ!“

მიუხედავად ამისა, კრისტოფი მაინც შემწყნარებლურად უტკებდა. საერთოდ ფიცხი კრისტოფი მის ლაპარაკს ანგელოზისებური სიმშვიდით უსმენდა და ცდილობდა ჩვეულებრივ არ გაეკილა. სიყრმისდროინდელი სიყვარულის სათუთი მოგონებანი მინას შარავანდელით მოსავდა. კრისტოფი გულდასმით ცდილობდა მასში პატარა მინას სახე ამოეცნო. ზოგიერთ მის მოძრაობაში ისევ ჩანდა რაღაც ძველებური. მისი ხმაც კვლავ ძველებურ გამოძახილს იძლეოდა. გარინდებული ამ ხმებს ხარბად იჭერდა, ისე, რომ სიტყვების მნიშვნელობა არც ესმოდა, თუმცა მისდამი გულისამაჩუყებელი პატივისცემით იყო გამსჭვალული. კრისტოფს აზრის მოკრება უჭირდა. თავისი გამაყრუებელი, ქოთქოთა ლაპარაკით ახლანდელმა მინამ ჩაახშო წინანდელი მინა. ბოლოს და ბოლოს, ცოტა არ იყოს დაქანცული კრისტოფი წასასვლელად წაშოდგა.

— საბრალო პატარა მინა! კიდევაც სურთ დამიმტკიცონ, რომ ეს მყვირალა, თავისმომამბეზრებელი, ლამაზი მსუქანი ქალი და შენ ერთნი ხართ. მაგრამ მე ხომ კარგად ვიცი, რომ ეს ასე არ არის. მოდი, წავიდეთ, მინა, გავეცალოთ აქაურობას. ამ ხალხთან ჩვენ რა საერთო გვაქვს.

წასვლის წინ კრისტოფი შეჰპირდა, ხვალაც შემოვივლიო. დღესვე მივემგზავრებო, რომ ეთქვა, მატარებლის გასვლამდე არც გამოუშვებდნენ. ბნელ ქუჩაში პირველივე ნაბიჯის გადადგმაზე ისევ ის სასიამოვნო განწყობილება დაუბრუნდა, ეტლის გამოჩენამდე რომ ჰქონდა. ღრუბლის ფთილასავით გაქრა იმ მოსაბეზრებელი საღამოს მოგონება, მისგან აღარათფერი დარჩენილა, ყველაფერი რაინის მშფოთვარე ტალღების ხმაურმა შთანთქა. კრისტოფი ნაპირ-ნაპირ გაჰყვა მდინარეს იმ სახლისაკენ, სადაც თავად დაიბადა. მისი ცნობა ოდნავადაც არ გასჭირვებია. დარაბები მიხურული იყო. ეტყობოდა, ეძინათ. შუა ქუჩაში შედგა კრისტოფი. ასე ეგონა, რომ დაეკაკუნებინა, ნაცნობი ლანდები გაულებდნენ კარს. სახლის გვერდით, მდინარისპირა მდელიობზე გავიდა და იმ ადგილას ჩამოჯდა, სადაც გოტფრიდთან საღამოობით უყვარდა ხოლმე მასლაათი. მის თვალწინ გაცოცხლდნენ წარსულის დღეები და მასთან ერთად ის პატარა გოგონაც, ვინც პირველი სიყვარული აგრძნობინა. სიყვარულით ატრემლვებულები, ოცნებათა უსასრულობაში გადასულნი კვლავ ახალგაზრდულ ვნებას ეძლეოდნენ. კრისტოფმა ბედნიერი კაცის ღიმილით გაიფიქრა:

— ცხოვრებამ ვერაფერი შემასწავლა. ვიცი... კარგად ვიცი, ისევ წინანდ-

ლი ილუზიებით ეცოცხლობ. რაოდენ დიდი ბედნიერებაა გიყვარდეს, გწამდეს დაუსრულებლად! უკვდავქმნილია ყოველი, რაც სიყვარულის სუნთქვითაა გამთბარი.

ნავდელი მინა აქ არის, ჩემთან არის და არა სხვაგან... ჩემი მინა არასოდეს არ დაბერდება!..

ღრუბლებიდან გამოცურდა, პირბადე ჩამოიცილა მთვარემ. ტალღების ზურგს ვერცხლისფერი დაეფინა. კრისტოფს მოეჩვენა, რომ წყალი ასე ახლოს არ ჩაუდიოდა იმ ბორცვს, რომელზედაც ახლა იჯდა. წყალმა წინ წამოიწია. აგერ ანლახანს აი იმ მსხლის ზის უკან სოლივით შეჭრილ ქვიშნარზე მწვანე ბალახით დაფერილი ფერდობი ეშვებოდა. ვინ მოთვლის, იქ რამდენჯერ უთამაშია. მდინარემ მიწა მიიტაცა. თანდათან მსხლის ხემდე მიატანა და ფესვები გამოუჩინა. გული შეეკუმშა კრისტოფს. წამოდგა და სადგურისკენ გასწია. ქალაქის ამ ნაწილში ახალი კვარტალი შენდებოდა — ღარიბთა სახლები, ნავსაშენები, ქარხნების ცადაწვდილი მიწები. კრისტოფს შუაღლეზე ნანახი აკაციების ქალა მოაგონდა და გაიფიქრა:

— აქაც ისევე იმძლავრებს, ყველაფერს წაიღებს მდინარე.

ღამის სიბნელეში ჩაძინებული ძველი ქალაქი მთელი თავისი მაცხოვრებლებით — ცოცხლებითა თუ გარდაცვლილებით კრისტოფისთვის უფრო ძვირფასი და ახლობელი გამხდარიყო, რადგან მის თავზე მუქარასავით გაისმოდა:

*Hostis habet muros...*¹

ჩქარა, ჩქარა გადავარჩინოთ, რაც ჩვენია! თორემ, რაც გვიყვარს, ყველაფერ იმას სიკვდილი ჩასაფრებია. ჩქარა გამოვეკეთოთ მათი სახეები სამარადისო ბრინჯაოში. გადავარჩინოთ სამშობლოს საგანძური, ვიდრე პრიამოსის სასახლეს² ეცეხლი ჩანთქავდეს...

კრისტოფი მატარებელში ავიდა და ისიც ისე სწრაფად გაიქრა, თითქოს წყალდიდობას გაურბოდა. იმ ზღაპრული დევგმირების მსგავსად, რომლებიც დასაღწეად განწირული ქალაქიდან მის ღმერთებს გადაარჩენენ ხოლმე, კრისტოფსაც მშობლიური მიწიდან სიცოცხლის ნაპერწკალი და წარსულის წმინდა-თაწმინდა სული მიჰქონდა.

უაქონი და ოლივიე ერთხანს ისევ დაუახლოვდნენ ერთმანეთს. უაქონის მამა გარდაეცვალა. მისმა სიკვდილმა ძალიან დაამწუხრა ქალი. ჭეშმარიტმა უბედურებამ ცხადლივ აგრძნობინა, რა უაზრო და უბადრუკია სხვა მწუხარება. იმ სინაზემ, ოლივიე რომ იჩენდა მისდამი, მაძინებული გრძნობა კვლავ გაუღვივებდა. ცხოვრებამ რამდენიმე წლით უკან, მამიდა მართას ავადმყოფობისა და მისი გარდაცვალების სევდიან დღეებთან დააბრუნა, რომლებიც კვლავ სიყვა-

¹ კედლები მტრის ხელთაა (ლათ.).

² პრიამოსის სასახლე — ბერძნული გადმოცემის თანახმად, მეფე პრიამოსის სასახლის განადგურებით დასრულდა ტროას დაცემა.

რულის ნათელმა დღეებმა შეცვალა. ყაკლინი ახლად მიხვდა, რომ იგი ცხოვრების უმადური იყო. რაც ჰქონდა, იმას არ აფასებდა. სინამდვილეში კი მადლიერი უნდა ყოფილიყო თუნდაც იმისთვის, რომ ცხოვრება იმ ცოტასაც არ ართმევდა, რაც მისგან ჰქონდა მომადლებული. ახლა, როცა იმ ცოტას ფასი კარგად შეიგრძნო, მის შენარჩუნებას თავგანწირვით ცდილობდა. სევედა რომ გადაწყვიტა, ექიმმა ურჩიათ ყაკლინი რამდენიმე ხნით პარიზიდან გაეყვანათ. ოლივიესთან ერთად იმ ადგილებში წასვლა, სადაც მათ ცოლ-ქმრული ცხოვრების პირველი წელი გაეტარებინათ, სალოცავად გამგზავრებას ჰგავდა. ამან ყაკლინს სულმთლად გაუღლო გული. როდესაც სადმე, მათი ცხოვრების გზაჯვარედინზე იმ ძველი სიყვარულის ძვირფასი, ნაღვლიანი სახე ხელახლა წარმოდგებოდა, მათ დიდი ხნის წინათ გაშქრალი რომ ეგონათ, ხედავდნენ, როგორ ჩაუვლიდათ გვერდით. დარწმუნებული იყვნენ, იგი ისევ გაქრებოდა, ოღონდ რამდენი ხნით! იქნებ სამუდამოდაც? სასოწარკვეთილნი ვნებით ებლაუჭებოდნენ მას.

— დარჩი! ჩვენთან დარჩი!

მაგრამ, კარგად იცოდნენ, რომ სიყვარულს ვერ შეინარჩუნებდნენ... პარიზში რომ დაბრუნდა, ყაკლინმა სხეულში სიყვარულის პირში — პაწაწინა სიცოცხლის თრთოლვა შეიგრძნო. სიყვარული კი უკვე გაშქრალიყო. ის ტვირთი, ყაკლინი თავისი სხეულით რომ ატარებდა, თანდათან უფრო მძიმდებოდა, მაგრამ ოლივიესადმი სწრაფვას ვერ ადარდებდა. ვერც იმ სიხარულს განაცდევინებდა, რომელსაც ყაკლინი მისგან მოელოდა. სევედა რომ მოიცავდა ხოლმე, შემფოთებული თავს ჩაჰკითხავდა. წინათ ეგონა, რომ პატარა ბავშვის ამქვეყნად მოვლენა მას იხსნიდა. საცაა ბავშვი გაჩნდებოდა, მაგრამ ხსნა არსაით უჩნდა. ყაკლინი შიშით გრძნობდა, რომ მის სხეულში ცოცხალი არსება ფესვებს იდგამდა, იზრდებოდა, მისგან საზრდობდა. მთელი დღეები უქმად იჯდა, ფიქრებში წასული, თვალისჩინდაკარგული და ამ უცნობ არსებაზე ფიქრით მოცული, მას რომ დაეპატრონა. ეს წყნარი, ბუნდოვანი, რულის-მომგვრელი და ამავე დროს გულისწამლები ზუზუნის აბრუებდა ქალს. გაშტერებული ერთბაშად გამოერკვეოდა ხოლმე მთლად გაოფლილი, აცახცახებული; უცებ აენთებოდა. ამ დროს იგი თავის დაღწევას ცდილობდა იმ ბადისგან, რომელშიაც უნებურად მოაქცია ცხოვრებამ. სწყუროდა სიცოცხლე, თავისუფლება და ასე ეგონა, ბუნებამ მოატყუა. თუმცა ამგვარი ფიქრებისა შემდეგ რცხვენოდა კიდევ და თავს მტარვალს უწოდებდა. უკვირდა, ნუთუ ყველა ქალზე უარესი ვარო. მერე თანდათანობით მშვიდდებოდა და მასაზრდოებელ ხესავით მთელ თავის ძალასა და ოცნებას ამ ცოცხალ არსებას უთმობდა, მის სხეულში რომ მწიფდებოდა. როგორი იქნება ნეტავი?..

ახლადდაბადებული ბაღის უმწეო, გულისამაჩუყებელი სხეული რომ იხილა, ყაკლინმა საბოლოოდ მოიბრუნა გული და მასში ერთბაშად იფეთქა დედობის უღიადესმა სიხარულმა — ქვეყნად ამ უძლიერესმა გრძნობამ. მისი

ტანჯვა-წამებისაგან იშვა ადამიანი—მისი სხეულის ნაწილი. სიყვარულის უზარმაზარმა ტალღამ, მთელ სამყაროს რომ ამოძრავებს, თავით ფეხამდე დაუარა. მთლიანად დაუთვლა, ზეცის მაღალ თაღებს ააწვდინა... ღმერთო, მშობიარე ქალი შენი თანასწორია, ოღონდ იმ განსხვავებით, რომ შენ ვერასდროს ვერ განიცდი იმ დიდ სიხარულს, რამეთუ მისდენი არ გიტანჯია...

კოტა ხნის შემდეგ ტალღამ დაიწია, სული მიწაზე დაეშვა.

მღელვარებისაგან ათრთოლებული ოლივიე ბავშვისაკენ დაიხარა: იგი ყაყლინს უღიმოდა. ოლივიეს სურდა გაეგო, ცხოვრების რა იღუმალი კავშირი აერთებდათ მათ ამ უმწეო არსებასთან. ნაზად, ოდნავი ზიზღით შეახო ტუჩები მის ყვითელ, დაპრანჭულ პაწია სახეს. ყაყლინი თვალს ადევნებდა. მან ფრთხილი მოძრაობით იქით გასწია ქმარი, ბავშვი ხელში აიყვანა, მკერდში ჩაიკრა და სახე დაუკოცნა. ბავშვი ატირდა. მაშინ ყაყლინმა ისევ ოლივიეს დაუბრუნა ბავშვი, კედლისკენ იბრუნა პირი და აქეითინდა. ოლივიე ახლოს მივიდა, ხელ მოხვია და კოცნით ამოუშრო თვალები. ყაყლინმაც აკოცა და თავს ძალა დაატანა. გაეღია. მერე დაღლა მოიმიზეზა, ოღონდ ითხოვა, ბავშვი მასთან დაეტოვებინათ... ეპ! რას იზამ, როცა სიყვარული მკვდარია. მამაკაცი, რომელიც მნიშვნელოვანწილად გონებით ცხოვრობს, არასოდეს ჰკარგავს ამ ძლიერ გრძნობას — გონების სიღრმეში მას სამუდამოდ რჩება რაღაც კვალი. შესაძლებელია, მას აღარ უყვარდეს, მაგრამ რომ უყვარდა, ამის დაიწყება არ შეუძლია. ქალი კი უმიზეზოდ შეიყვარებს მთელი არსებით და მერე ასევე მთელი არსებით უმიზეზოდ გადაიყვარებს ხოლმე. მაშ როგორ მოიქცეს? თავს ძალა დაატანოს? მოტყუდეს? საამისოდ ის ძალზე სუსტია და ერთობ ალალი, რომ თავი მოიტყუოს...

საწოლზე იდაყვდაყრდნობილი ყაყლინი ნაზი სიბრაღულით დასცქეროდა შვილს. როგორი იყო იგი? მაგრამ, როგორიც უნდა ყოფილიყო, მთლიანად მას მაინც არ ეკუთვნოდა. „იმისიც“ ერია. „ის“ კი აღარ უყვარდა. საბრალო ბავშვი! ჩემი ძვირფასი პატარა შვილი! ბრაზი მოსდიოდა ამ არსებაზე, წარსულთან რომ აკავშირებდა და კოცნიდა შვილს მისკენ დახრილი, კოცნიდა დაუხსრულებლად...

თანამედროვე ქალების ყველაზე დიდი უბედურება ის არის, რომ ისინი მეტისმეტად თავისუფალნი არიან, და ამავე დროს არც იმდენად თავისუფალნი. ისინი უფრო მეტად თავისუფალნი რომ ყოფილიყვნენ, შეეცდებოდნენ რაღაცით შეებოჭათ თავი და ამაში თავისებურ სიმშვენიერესა და შვებას ჰპოვებდნენ. ნაკლებად თავისუფალნი კი შეეცდებოდნენ შეჩვეოდნენ იმ ბორკილების სიმძიმეს, რომლისგანაც, სულერთია, თავს მაინც ვერ დაიხსნიდნენ. მაშინ ისინი არც ამდენად გოიტანჯებოდნენ. მაგრამ ყველაზე მძიმე ბორკილი სწორედ ის არის, რომლითაც ხელ-ფეხი არ გაქვს შეკრული და ყველაზე მძიმე ის მოვალეობა, რომელიც შეიძლება არ შეასრულო.

ყაყლინს რომ ეფიქრა, მთელი სიცოცხლე ამ პატარა სახლში უნდა გამო-

მიღამდესო, შესაძლოა, იგი ასე ვიწრო და მოუხერხებელი აღარ სჩვენებოდა. — შეეცდებოდა სიმყუდროვე შეექმნა და დაამთავრებდა იმით, რითაც დაიწყო: ეყვარებოდა ქმარი. მაგრამ ყაყლინმა იცოდა, რომ შეეძლო ამბოხებულისყო, იქაურობისგან თავი დაეღწია. ამიტომ აქ სული ეხუთებოდა. იმდენი იფიქრა, ბოლოს ეს თავის მოვალეობად მიიჩნია.

საკვირველი ხალხია თანამედროვე მორალისტები. გარდა სხვათა თვალთვალისა, მათში ყველა სხვა უნარი მკვდარია. ისინი ცხოვრების დანახვას ცდილობენ მხოლოდ, სიღრმეში ჩაწვდომას კი არ ესწრაფვიან. მის წარმართვას არცა ფიქრობენ. როცა აღამიანის ბუნებაში იმას აღმოაჩენენ, რაც სინამდვილეში არის, და მერე ამას აღნიშნავენ, თავიანთი მიზანი შესრულებულად მიაჩნიათ და ამბობენ:

— ეს ასე არის.

და აღარაფრის შეცვლა აღარ აინტერესებთ. თითქოს მათ თვალში თვით არსებობის ფაქტია სიკეთე. ამგვარად, ნებისმიერ სისუსტეს წმიდათაწმიდად მიიჩნევენ. ეს ხალხი აშკარა დემოკრატიზაციის ნიშნებს ავლენს. ადრე უპასუხისმგებლობა მართოდენ მეფეების პრივილეგია იყო. ახლა ამ პრივილეგიით სარგებლობს ყველა, უფრო მეტად კი არამზადები. მათ შესანიშნავი მრჩეველები ჰყავთ! უდიდესი გულმოდგინებით და კეთილსინდისიერებით ცდილობენ მორალისტები დაუმტკიცონ სუსტებს, რაოდენ სუსტნი არიან ისინი და რომ მათი სისუსტე ბუნებისაგან ოდითგანვეა დაკანონებული. სხვა რაღა დარჩენილია თუ სუსტებს? გარდა იმისა, რომ გულზელი დაიკრიფონ? კიდევ კარგი, რომ ისინი ამით არ ამაყდებიან! მას შემდეგ, რაც ქალს დაეინებით უმეორებდნენ, შენ სნეული ბავშვი ხარო, ეს აზრი მას თანდათან მოეწონა. მის ამგვარ სულმდაბლობას მხარს უჭერდნენ, ავითარებდნენ. აზრადაც არავის მოუფიქროდა, თუნდაც მოკრძალებულად ეცნობებინათ ბავშვებისათვის, რომ სიჭაბუკის წლებში აღამიანს შეუძლია ბოროტება ჩაიდინოს, კაცი მოკლას, ფიზიკური ან ზნეობრივი სიმახინჯე გამოავლინოს და ყველაფერ ამას აპატიებენ მხოლოდ იმიტომ, რომ ჭაბუკის სული ჭერ არ ჩამოყალიბებულა. ეს ხომ ბოროტმოქმედთ მოამრავლებდა. თვით ზრდადასრულებულ აღამიანსაც რომ გაუფიქროთ — თქვენ უფლებააყრილი ხართო, იგი მაშინვე დაკარგავს წონასწორობას და მასში მხეცი გაიღვიძებს. აბა, სცადეთ და ქალს ჩაავიანეთ — თქვენი სხეულისა და სურვილების გამგებელი თქვენვე ხართო, რომ იგი თავისი თავის სრულ გამგებულად იქცევა. მაგრამ თქვენ მხდალები ხართ, საჭიროდ არ თვლით უთხრათ რაიმე, იმიტომ რომ თქვენთვის უფრო ხელსაყრელია, თუ მას ამის შესახებ არაფერი ეცოდინება!..

იმ დაბალმა წრემ, რომელშიც მოხვდა ყაყლინი, საბოლოოდ აუბნია თავგზა. ოლივიესაგან დაშორებული ყაყლინი იმ საზოგადოებას დაუბრუნდა, რომელიც ყმაწვილქალბაში სძაგდა. მისი და მისი მეგობარი გათხოვილი ქალების გარშემო ახალგაზრდა, მდიდარი ქალებისა და მამაკაცების პატარა წრე

შეიქრა — ელევანტური, საზრიანი, უსაქმო და უბრინციბო საზოგადოება. ამ წრეში აზროვნებისა და მეტყველების სრული თავისუფლება მეფობდა — მახვილგონიერების საკაზმით შენელებული. მისი წევრები ალბათ არც რაბლეს სააბატოს დევიზზე იტყოდნენ უარს:

Fais ce que voudras¹.

მაგრამ ცოტათი აჭარბებდნენ: სინამდვილეში მათ ცოტა რამ სურდათ. ისინი გაღიზიანებულ თელემელებს მოგვაგონებდნენ. თავგამოდებული ინსტიტუტების თავისუფლებას ქადაგებდნენ, თუმცა იგივე ინსტიტუტები საკმაოდ სუსტად ჰქონდათ განვითარებული. მათი გარყვნილება უფრო გონების მიერი იყო. სიამოვნებათ ცივილიზაციის დიდ ემბაზში ნებივრობა. ამ მოთბო ჰუ-ჰუციან წყალში ფართხალი, რომელიც აღუნებს ნებისყოფის იმპულსებს, ადამიანის სასიცოცხლო სტიქიურ ძალებს, პირველყოფილ გრძნობიერებას, ყველაფერს, რაც ჰბადებს დიდებულ რწმენას, ნებისყოფას, ვნებასა და მოვალეობის გრძნობას.

ჟაკლინიც მთელ იარსებით ამ ბუნდოვან აზროვნებას მისცემოდა და ოლივიეს არ შეეძლო მისთვის ხელი შეეშალა. ისიც თანამედროვეობის სენით იყო დაავადებული. თავს უფლებას არ აძლევდა თავისუფლება შეეზღუდა მისთვის, ვინც მას უყვარდა. არც რაიმეს მიღება სურდა ისე, თუ სიყვარული არ ასაზრდოებდა. ჟაკლინი ოდნავადაც არ უმადლოდა ოლივიეს. მას ეგონა, თავისუფლება ისედაც ეკუთვნოდა. ყველაზე უარესი ის იყო, რომ ამ ცრუ ქვეყანაზე მას პირუთვნელობა შერჩენოდა. ჟაკლინს სძაგდა ყველაფერი გარებულნი. მთელი არსებით მიეცემოდა ხოლმე ფიქრებს მისი სუსტი, მაგრამ მგზნებარე, დიდბუნებოვანი და მაინც ეგოისტური სული. იგი ყველა თავის ხომალდს საკუთარი ხელით სწვავდა. ოლივიესთან ყოფნამ ჟაკლინს პირდაპირობა შესძინა და მზად იყო იგი უზნეო საქციელშიაც შეენარჩუნებინა.

ახალი მეგობრები ძალზე ფრთხილნი ჩანდნენ. ცდილობდნენ გარეშეებს ისეთები არ სჩვენებოდნენ, როგორებიც სინამდვილეში იყვნენ. მართალია, სიტყვიერად საზოგადოებრივი და მორალური ცრურწმენებისაგან სრულ გათავისუფლებას ქადაგებდნენ, მაგრამ საქმით მშვენიერად ეთვისებოდნენ მათ, ვისგანაც გამორჩენას მოელოდნენ. ისინი ექსპლოატაციას უწყევდნენ როგორც საზოგადოებას, ისე მორალს და ისევე ღალატობდნენ მას, როგორც უპატიოსნო მსახურები ძარცვავენ თავიანთ ბატონებს. ჩვეულებისა თუ უქმადყოფნის გამო ისინი ერთმანეთსაც ძარცვავდნენ. მათ შორის ბევრი იყო ისეთი ქმარი, რომელმაც იცოდა, რომ მის ცოლს საყვარლები დაუდიოდა. ასევე ცოლებმაც კარგად უწყოდნენ თავიანთი ქმრების სამიჯნურო თავგადასავლები, მაგრამ ამას შეგუებულნი იყვნენ. თუ არ გაახმაურებ, არც აურზაური ატყდება.. ამ საშავალითო ცოლქმრულ ცხოვრებას კომპანიონების — უფრო სწორად, თანა-

¹ „ჰქენ, რაიცა გწადეს“

მონაწილეებს შორის უსიტყვო შეთანხმება ედო საფუძვლად. მაგრამ ერთობ პირდაპირი ჟაკლინი თამაშობდა აშკარად, გამომქვადუნებულად. უპირველეს ყოვლისა, გულწრფელობა, კიდევ გულწრფელობა და ისევ და ისევ გულწრფელობა. გულწრფელობაც იმდროინდელ მოდურ თვისებათა რიცხვს განეკუთვნებოდა. ჯანსაღთათვის ყველაფერი ჯანსაღია, გარყვნილთათვის — ყველაფერი გარყვნილი. რა უსანდომოა ზოგჯერ გულწრფელობა! საშუალო ხალხისთვის დამღუპველია საკუთარ მეში ჩახედვა. რწმუნდებიან რა თავიანთ საშუალოობაში, ისინი აქაც პოულობენ თავისთავისადმი ტრფიალის მიზეზს.

ჟაკლინი დღითიდღე ისეთი გულმოდგინებით აკვირდებოდა საკუთარ თავს, თითქოს სარკეში სწავლობდა. ამ დროს იგი ისეთ რამეს აწყდებოდა, რაც, უმჯობესი იყო, სრულებით არ ენახა. მაგრამ რაკი ერთხელ შეამჩნევდა, აღარ შეეძლო მისთვის თვალი მოეშორებინა. და ნაცვლად იმისა, რომ შებრძოლებოდა, ხედავდა, როგორ იზრდებოდა იგი, მისი მხედველობისა და ცნობიერების არეს ეუფლებოდა.

ჟაკლინის ცხოვრება მარტოოდენ ბავშვმა ვერ შეავსო. მას არ შეეძლო ბავშვის გამოკვება. ისიც გამოიფიტა. საჭირო გახდა ძიძის აყვანა. პირველ ხანებში ამან ჟაკლინი ძალზე დაანაღვლიანა, მაგრამ მდგომარეობას შეეგუა და მალე ნაღველიც გადაიყარა. ბავშვი სწრაფად გამოკეთდა. მსუქანი, ჯანსაღი, ბუთხუზა ბიჭი იზრდებოდა. არც არავის აწუხებდა. უმეტესად ეძინა. ღამითაც იშვიათად თუ წამოიტირებდა. ნამდვილ დედობას უწევდა ძიძა — ჯან-ლონით სახეც ნივერნელი ქალი. იგი პირველად როდი ზრდიდა ბავშვს და ყოველი აღზრდისადმი ცხოველური, ეჭვიანი, მომთხოვნის სიყვარულით იმსჭვებოდა. როცა ჟაკლინი რაიმე სურვილს გამოთქვამდა, ძიძა მას ყურსაც არ ათხოვებდა, ყველაფერს ისე აკეთებდა, როგორც თვითონ სურდა. და თუ ჟაკლინი მაინც რამეს იტყოდა, თავის უვიცობაში მალევე რწმუნდებოდა. ბავშვის დაბადების შემდეგ ჟაკლინი ვერა და ვერ გამოკეთდა. საშინლად აწუხებდა ვენების ანთება. იძულებული იყო რამოდენიმე კვირით გაუნძრევლად წოლილიყო. საკუთარ თავს ღრღნიდა. თითქოს ბოდავდა, გუნებაში სულ ერთსა და იმავე სამღურავს იმეორებდა: „არა, მე არ მიცხოვრია, მე ჯერ თითქმის არ მიცხოვრია, ცხოვრება კი დასრულდა...“ მისი ავადმყოფური წარმოდგენით თითქოს ცხოვრება მისთვის სამუდამოდ იყო დასაბრუნებელი. მაშინ ბავშვის — მისი ტანჯვის ამ უნებლიე მიზეზისადმი ყრუ, მწველი, მიჩქმალული გაბოროტება იღვიძებდა. ამგვარი გრძნობა არცთუ იშვიათია, მაგრამ მის შესახებ ჩვეულებრივ დღემან ხოლმე. ქალს, რომელიც მსგავს გრძნობას გამოცდის, რცხენია, თავს გამოუტყდეს. ჟაკლინიც კიცხავდა თავს. მასში ეგოიზმი და დედობრივი სიყვარული ერთმანეთს ებრძოდა. გული მოუღებოდა, როცა შეხედავდა, რა ნეტარი სიმშვიდით ეძინა პატარას, მაგრამ მეორე წუთში გაბოროტებული ფიქრობდა:

— ამან მე მომკლა!

და საკუთარი ტანჯვა-წამების საფასურად მოპოვებული ამ უშფოთველი

ძილის შემყურეს არ შეეძლო გაღიზიანება დაეფარა. მას შემდეგაც კი, რაც ბავშვი გამოძვობინდა და საკმაოდ წაშიზარდა, მის მიმართ მტრული გრძნობა არ განუღებია. ქვეშეცნეულად რცხვენოდა კიდევ ამ გრძნობისა და მთელი ბრაზი ოლივიეზე გადაჰქონდა. ეგონა, რომ ისევ ავად იყო. თავის ჯანმრთელობაზე გაუდღებულმა ზრუნვამ იქამდე მიიყვანა, რომ საკუთარი თავის გარდა, სხვა არაფერზე ფიქრობდა. ექიმებიც ხელს უწყობდნენ — უსაქმურობისაკენ, ყოველგვარი უბედურების სათავისაკენ თვითონვე უბიძგებდნენ. ბავშვისთვის ძუძუს წოვება აუკრძალეს. არც რაიმე საქმის გაკეთების ნებას აძლევდნენ. ჟაკლინთან არავის არ უშვებდნენ. რამდენიმე კვირას წამოდგომის უფლებაც არ მისცეს, თან დასაკლავი საქონელივით ჰკვებავდნენ. საოცარია ნევრასთენით დაავადებულთა მკურნალობის თანამედროვე მეთოდები — ჩემი „მეს“ ავადმყოფობა მეორე ავადმყოფობით — ჩემი „მეს“ ჰიპერტროფიით იცვლება! სინამდვილეში კი საჭიროა სისხლისაგან დაცალო მათი ეგოიზმი, ან თუ ავადმყოფი ისედაც სისხლნაკლებია, სისხლი თავიდან გულისაკენ უნდა გარეკონ, რომ ამან ძლიერი ზნეობრივი რეაქცია გამოიწვიოს!

ჟაკლინი ფიზიკურად მოღონიერდა, გაივსო და გაახალგაზრდავდა, მაგრამ მორალურად წინანდელზე მეტად დაუძლურდა. რამდენიმე თვით განცალკევებით ყოფნამ ჟაკლინსა და ოლივიეს შორის უქანასკნელი სულიერი კავშირაც გაწყვიტა. მიუხედავად იმისა, რომ ოლივიე მას ბევრ რამეს უთმობდა, თავაი იდეალებისადმი უცვლელად ერთგული დარჩა და ჟაკლინი, ვიდრე მის გვერდით იყო, ოლივიეს კეთილსმყოფელ ზეგავლენას განიცდიდა. ამოდ ცდილობდა ჟაკლინი, თავი დაედწია მასზე ძლიერი ადამიანისადმი მორჩილებისაგან, მისი გამსჭვალავი მზერა აეცდინა, უნებურად რომ აიძულებდა საკუთარი სიმცლარე თავადვე ეღიარებინა. მაგრამ როგორც კი შემთხვევამ დააშორა ისინი, მისი შორსმჭვრეტი სიყვარული აღარ ზღუდავდა, მისგან გათავისუფლდა, მეგობრული ნდობა წაშლევ გაბოროტებამ შეცვალა, რომ ამდენი წელი მას მორჩილებდა, მონობის მძიმე უღელს ატარებდა. ამ სიმძიმეს ჟაკლინი უკვე აღარ გრძნობდა... რა უღმობელოა იმალება ზოგჯერ იმ ადამიანის გულში, ვის სიყვარულშიაც ისევე ზარ დარწმუნებული, როგორც საკუთარში! წამში იცვლება ყველაფერი. ჭერ კიდევ გუშინ თიჯოს უყვარდა, ასე ეგონა თვითონ, მაგრამ აი, დღეს აღარ უყვარს, მისი გონებიდან იგი უკვე ამოიშალა. ერთბაშად დაინახა, რომ ოლივიე მისთვის აღარ არსებობდა და გაოგნდა. ოლივიეს არც კი შეუმჩნევია, რა თანდათანობით ხდებოდა მასში ცვლილებები. არც კი დაუქვებულა, თუ როგორ იზრდებოდა ჟაკლინის გულში მტრობა და ახლა ამ შურისმაძიებელი ზიზღის გამომწვევ მიზეზებზე არც სურდა დაფიქრება. მიზეზი კი მრავალი იყო — ნაწილობრივ დიდი ხნის წინათ ჩასახული და გატარებული. აქედან ერთნი საწოლში, საფარველქვეშ იმალებიან, მეორენი შეურაცხყოფილი თავმოყვარეობიდან მომდინარეობენ, რასაც იღუშალი ზრახვების ამოცნობა და გაკიცხვა იწვევს, — მესამენი, თუმცა ქალმა თვითონვე არ იცის მისი

გამომწვევი მიზეზი. არსებობს ისეთი წყენა, რომელსაც უნებლიეთ მიაყენებენ ხოლმე, მაგრამ ქალი მას არასოდეს აპატიებს. მის გამომწვევ მიზეზს ვერასოდეს ვერ ჩასწვდები. ხშირად ქალებს არც ახსოვთ იგი, მაგრამ ეს წყენა მათ ძვალსა და რბილში აქვთ გამჭდარი და არც როდისმე დაივიწყებენ.

ამ უსიამოვნო, საზარელი დამოკიდებულების წინააღმდეგ ბრძოლა სხვას უფრო შეეძლო, ვიდრე ოლივიეს მსგავს ადამიანს. აქ ნაკლებად რთული ბუნების, უფრო პრიმიტიული, ადვილად შემგუებელი, ზედმეტი კეთილსინდისიერებისაგან თავისუფალი ადამიანი იყო საჭირო, რომელსაც მახვილი ალლო და საჭიროების შემთხვევაში ისეთი რამის ჩადენის უნარი ექნებოდა, რასაც გონება უარყოფს. ოლივიე კი უკვე დამარცხებული და განიარაღებული იყო. იგი ჩვეული შორსმჭკრეტელობით ხვდებოდა, რომ მემკვიდრეობითობა თრგუნავდა ჟაკლინის სულს. მასში დედის ხასიათი იჩენდა თავს. იგი ხედავდა, რომ ჟაკლინის ძარღვებში წინაპართა სისხლი ყოიდა და ქვასავით მიაქანებდა ფსკერისკენ. ოლივიემ იცოდა, ყოველგვარი ცლა — შეეჩერებინა იგი — ამ ვარდნას უფრო მეტად დააჩქარებდა. ამიტომ გაჩუმებას არჩევდა. ჟაკლინი ცდილობდა უგუნური ანგარიშობით მოთმინებიდან გამოეყვანა ოლივიე, მკვახე, უხეში სიტყვა ეთქმევიინებინა, რომ მერე მისი სიძულვილის საბაბად გამოეყენებინა. საკმარისი იყო ოლივიე აღელვებულიყო, რომ ჟაკლინი მაშინვე ათვალწუნებით შეხედავდა. თუ ამგვარი აღელვების შემდეგ ოლივიე დარცხვნილი დადიოდა, მაშინ უფრო მეტად სძავდა. თავის შეკავებას შეძლებდა და, წინანდელზე მეტად შეიზიზღებდა ხოლმე. მაგრამ ყველაზე უარესი ის იყო, რომ ერთიმეორის გვერდით მყოფნი მთელ დღეს დღემილში ატარებდნენ. ამგვარი დღემილი სულს უფუთავს, ახრჩობს, აზროვნების უნარს ართმევს ადამიანს. თვით ყველაზე მორჩილიც კი მოთმინებიდან გამოჰყავს. ასე რომ, ზოგჯერ გინდა ტკივილი მიაცენო ვინმეს, უზომო ტკივილი, შენც იყვირო და სხვაც აიძულო იყვიროს. დუმილი, უშუქარი დუმილი საბოლოოდ ფიტავს სიყვარულს იმ ადამიანთაგან, ორი სხვადასხვა სამყაროს მსგავსად, თითოეული საკუთარ ორბიტაზე გადის და წყვდიადში უჩინარდება... ჟაკლინი და ოლივიე იმ მდგომარეობამდე მივიდნენ, როცა დაახლოების სულ უმცირესი ცდაც კი უფრო მეტი მანძილით აშორებს ადამიანებს. მათი ერთად ცხოვრება აუტანელი გახდა. შემთხვევამ დააჩქარა დასასრული.

იმ უქანასკნელ წელს სესილ ფლერი ჟანენების ხშირი სტუმარი იყო. ოლივიემ იგი პირველად კრისტოფთან ნახა. შემდეგ ჟაკლინმა მოიპატოყა სესილი. მას შემდეგაც ხშირად დადიოდა ჟანენებთან, რაც კრისტოფმა მათთან სიარულს თავი ანება. ჟაკლინი ყოველთვის გულთბილად ხვდებოდა სესილს. თუმცა მუსიკაში ნაკლებად ერკვეოდა და სესილზედაც ამბობდა, ცოტა არ იყოს ვულგარულიაო, მაგრამ მისი სიმღერა მოსწონდა და მასზე დაამშვიდებლადაც მოქმედებდა. ოლივიე სიამოვნებით ასრულებდა აკომპანემენტს. სესილი თანდათან ამ ოჯახის მეგობარი გახდა. როდესაც გულლია, სიცოცხლით სავსე მხი-

არული სესილი ზნამალაი სიცილით ჟანენების სასტუმრო ოთახში შემოდით-
და, თითქოს დაძღვარ ნისლში მზის სხივები შეიჭრებოდა. ჟაკლინიცა და ოლი-
ვიეტ ორივენი შვეებით ამოისუნთქავდნენ და როცა ქალი წასასვლელად შეემ-
ზადებოდა, ორივეს სურდა ეთქვა:

— დარჩით, ცოტა ხანს კიდევ დარჩით, უთქვევინოდ მცევა!

ჟაკლინის არყოფნის დროს ოლივიე სესილს უფრო ხშირად ნახულობდა. ერთხელაც იყო, მან თავისი მწუხარების დაფარვა ვერ მოახერხა: უნებლიეთ მიენდო და როგორც ეს სუსტი, ნაზი ბუნების ადამიანებს სჩვევიათ, ყველაფე-
რი გულახდილად უამბო სესილს. რომ არ ეამბნა, სული შეეხუთებოდა. სე-
სილს შეებრალა ოლივიე და დედობრივი ალერსიანი სიტყვებით ნუგეში სცა. მას ორივე ებრალებოდა. ოლივიეს ურჩევდა, სულით არ დაცემულიყო. იქნებ იმიტომ, რომ ოლივიეზე უკეთ იგრძნო ამგვარი აღიარების უხერხულობა, თუ სხვა რამ მიზეზით, სესილმა ჟანენებთან სიარულს უკლო. როგორც ჩანს, იფიქ-
რა, ჟაკლინის მიმართ უპატიოსნოდ ვიქცევი, მისი საიდუმლოების გაგება მე არ მპართებდაო. ყოველ შემთხვევაში, ოლივიემ ეს განდგომა ამგვარად ახსნა და მის საქციელს ამართლებდა, თავისთავს კი ამ გულახდილობისთვის კიცხავ-
და. ამ განდგომამ ოლივიეს აგრძნობინა, რასაც ნიშნავდა მისთვის სესილი. იგი მიეჩნეოდა სესილისთვის თავისი აზრების გაზიარებას. ის ერთადერთი ადამიანი იყო, ვისაც შეეძლო მისთვის მძიმე მდგომარეობის შემსუბუქება. ოლივიე სა-
კუთარ გრძნობებში ზედმიწევნით კარგად ერკვეოდა და შეეძლო ახლანდე-
ლი გრძნობისთვისაც შეუმცდარი სახელი ეწოდებინა. მართალია, სესილისთვის არაფერი უთქვამს, მაგრამ რასაც გრძნობდა, არ შეეძლო არ ჩაეწერა. დიდი ხა-
ნი არ იყო, რაც საკუთარ ფიქრებთან ქალღმრთელ საუბრის საშინვე ჩვევას დაბ-
რუნებოდა. სიყვარულის წლებში არც ახსოვდა იგი, მაგრამ როცა ისევ მარტო დარჩა, ძველმა ჩვევამ თავი შეახსენა. წერა როგორღაც შვებას გვრიდა, მწერლური თვითნაალიზის მოთხოვნილებას უკმაყოფილებდა. ოლივიე წერდა თავის თავზე, თავის გასაჭირზე, თითქოს მას, სესილს ესაუბრებოდა, ოღონდ უფრო გულწრფელი იყო, რადგან იცოდა, — ამ ჩანაწერს სესილი ვერასოდეს ვერ წაიკითხავდა.

მაგრამ რალაც განგების ძალით ეს ჩანაწერები ჟაკლინის ხელში აღმოჩნდა და ისიც სწორედ მაშინ, როცა ჟაკლინი სხვა დღეებთან შედარებით ოლივიესადმი განსაკუთრებულ სიახლოვეს გრძნობდა. კარადის დალაგებისას ოდესღაც ოლივიესგან გამოგზავნილი სასიყვარულო წერილები გადაიკითხა და ლამის ატირდა. საქმეს თავი ანება და კარადის გვერდით მიმჯდარი წარსულზე ჩა-
ფიქრდა. მწარედ ნანობდა ჟაკლინი, რომ საკუთარი ბედნიერება თავადვე და-
ნგრიო. რამდენი წყენა მიუყენებია ოლივიესთვის — არ შეეძლო ეს მშვიდად მოეგონებინა. ოლივიეს დავიწყება არ იყო ძნელი, მაგრამ ის აზრი, რომ ოლივიე მის გამო იტანჯებოდა, მისთვის აუტანელი გამზდარიყო. ლამის

გული გახეთქოდა. მზად იყო ოლივიეს მკლავებში ჩაეარდნოდა და ეყვირა:

— ოპ! ოლივიე, ოლივიე, ეს რა ჩავიდინეთ? რა სულელები ვართ ორივენი! მეტად ნულა დავტანჯავთ ერთმანეთს!

ო, ნეტავ იმ წუთებში შემოსულყო ოლივიე! მაგრამ სწორედ მაშინ წააწყდა მის ჩანაწერებს... და ყველაფერი დამთავრდა. დაიჭრა ნეტავ, რომ ოლივიემ იგი მოატყუა? შესაძლოა, მაგრამ განა სულერთი არ იყო? მისთვის ის უფრო ძნელი ასატანი იყო, რომ იგი მეტად აღარ უნდოდათ, ვიდრე თვით ღალატი. ძვირფას ადამიანს იგი საყვარლის ყოლას უფრო აპატიებდა, ვიდრე იმას, რომ საიდუმლოდ მას სხვისთვის მიეცა გული. და მართალიც იყო.

— დიდი ამბავი! — იტყვიან ზოგიერთები... — (საბრალონი, ისინი მხოლოდ ფიზიკური ღალატისაგან იტანჯებიან!.. როცა გული კვლავინდებურად წრფელია, სხეულებრივი ბიჭიერება რა ჩასათვლელია მაშინ. მაგრამ თუ გული ღალატობს, სხვა აღარაფერი რჩება).

ჟაკლინს წუთითაც არ უფიქრია, დაებრუნებინა ოლივიეს სიყვარული. ამაზე ფიქრი გვიანდა იყო. აღარც თვითონ უყვარდა ქმარი. თუ პირიქით, შესაძლოა, ძალიანაც უყვარდა... მაგრამ არა, რასაც ახლა გრძნობდა, ამას ექვიანობა არ ეთქმოდა. ეს ოლივიესადმი რწმენის, სულის სიღრმეში დარჩენილი უკანასკნელი საყრდენის გამოცლას უფრო ჰგავდა. ჟაკლინს არ სურდა თავს გამოსტყდომოდა, რომ მან საკუთარი წინდაუხედაობის წყალობით სასოწარკვეთილებამდე მიიყვანა ქმარი. მისი ახალი სიყვარულის მიზეზიც თვითონვე იყო. ოლივიეს ოდნავადაც არ მიუძღოდა ბრალი. სიყვარული ხომ არავის ეკითხება — უყვარდეს თუ არ უყვარდეს. იგი დაუკითხავად მოდის ჟაკლინს ფიქრადაც არ მოსვლია ეს უცოდველი გატაცება და მისი კრისტოფისადმი აღტკინებული გზნება ერთმანეთისთვის შეედარებინა: მას კრისტოფი სრულიადაც არ ჰყვარებია, არც სათვალავში იყო მისაღები. სიჭრისაგან უკიდურესობამდე მისული ჟაკლინი ფიქრობდა, ოლივიემ მომატყუა, მე მისთვის აღარ ვარსებობო. ხელიდან ეცლებოდა უკანასკნელი საყრდენი და ისიც იმ დროს, როცა თვითონვე გაიწვდინა მისკენ ხელი... ყველაფერი დამთავრებული იყო.

ოლივიეს არც არასოდეს გაუგია, რაც იმ დღეს განიცადა ჟაკლინმა, მაგრამ მისი სახის გამომეტყველებით იგრძნო, რომ ყველაფერი დამთავრდა.

მას შემდეგ მხოლოდ ხალხის თანდასწრებით ლაპარაკობდნენ. ორივენი დევნილი ნადირებივით უთვალთვალდნენ ერთმანეთს, ეშინოდათ და ფხიზლად ეჭირათ თვალი. იერგმია გოტელფი საოცარი უბრალოებით აღწერს იმ მეუღლეთა მოწამებრივ თანაარსებობას, რომელთაც მეტად აღარ უყვართ და ჩასაფრებულები მხოლოდ ერთმანეთის თვალთვალთ არიან გართულნი. თითოეული ცდილობს მეორეში ავადმყოფობის რაიმე ნიშანი შეამჩნიოს და თუმცა მისი სიკვდილი არ ეჩქარება და არც არის მოსურნე, გულის სიღრმეში

იმედს რაიმე გაუთვალისწინებელ შემთხვევაზე მაინც ამყარებს და სჯერა, რომ თვითონ უფრო მეტად სიცოცხლისუნარიანია. იყო ისეთი წუთებიც, როცა ქაკ-ლინიცა და ოლივიეც ერთმანეთზე ასევე ფიქრობდნენ, მაგრამ სინამდვილეში ძნელად თუ დასწამებდით ამას. თუმცა ისიც ვმაროდა, დამდამობით ჰალუცი-ნაციებით შეპყრობილ ქაკლინს უძილობა აწუხებდა და თავს ირწმუნებდა, ოლივიე ჩემზე უფრო ამტანია, განზრახ ცდილობს ბოლო მომიღოს და ამას მალე კიდევაც მიაღწევსო... ეს იყო ბრაზისაგან გაშეთებული გულის საზარე-ლი ბოდვა! — და მაინც გულის სიღრმეში მათ ისევ უყვარდათ ერთმანეთი!..

ამ მძიმე ტვირთისგან დათრგუნვილი ოლივიე შებრძოლებას არცა ცდი-ლობდა. იგი განაპირდა — სულიერი საჭე ქაკლინს მიანდო. საკუთარ თავს შე-ტოვებულ, მიმმართველის გარეშე დარჩენილ ქაკლინს თავისუფლებამ თავბრუ დაახვია. მას მბრძანებელი სქირდებოდა, ვის წინააღმდეგაც შეძლებდა ამბოხე-ბულიყო. რაკი არ ჰყავდა, საჭირო იყო ახალი მბრძანებელი ეპოვა. მაშინ ერთი აზრი აეკვიტა. თუმცა ბევრი გულისტყვილი შეხვედროდა, მაგრამ ოლი-ვიესგან განსორება აქამდე ფიქრადაც არ მოსვლია. ამ წუთის შემდეგ კი გადაწყ-ვიტა ყველა ბორკილი ერთბაშად გაეწყვიტა. უნდოდა, ვიდრე არ იყო გვიან, ვინმე ჰყვარებოდა, (თუმცა ჯერ ახალგაზრდა იყო, მაგრამ ქაკლინს თავი უკვე მობერებულად მიაჩნდა), — და იყვარებდა კიდევ, რაღაც წარმოსახულ, ყოვ-ლისმომცველ ვნებებს ეძლეოდა, პირველივე შემხვედრით, რომელიმე სახელ-განთქმული პიროვნებით ან, უბრალოდ, სახელითაც იხიბლებოდა. და თუ ერ-თხელ გაგიტაცა ვინმემ, შემდეგ ცხოვრება შენი რჩეულის გარეშე წარმოუდ-გენელი გეჩვენება. ველარ უმკლავდები მოზღვავებულ გრძნობას, ცარიელდება სული და იქიდან გამოდევნის ყველაფერს, რაც აქამდე მას ავსებდა: სხვათა სიყვარულს, ზნეობრივ შეხედულებებს, მოგონებებს, საკუთარი ღირსებისა თუ სხვათა პატივისცემის გრძნობას. და მას შემდეგ, რაც ამ აკვიატებულ აზრს აღარაფერი რჩება მასაზრდოებლად, მოვა დრო, ისიც მოკვდება და მისი ხანგრძვებიდან სულმთლად ახალი ადამიანი წარმოჩინდება — მკაცრი, უსულ-გულო, მობერებული და ილუზიაგაცვეთილი, რომელსაც ისევე აღარ ძალუძს ცხოვრება, როგორც ხანგრძვებიდან ამოზრდილ უსუსურ ბალახს.

ამ აკვიატებულმა აზრმა, ჩვეულებისამებრ, ახლაც იპოვა ის მაცდუნები-ლი საგანი, რომელსაც მარტოოდენ იმედის გაცრუება შეეძლო. საბრალო ქაკ-ლინმა ერთი ქუდბედიანი პარიზელი მწერალი შეიყვარა, ვინც არც ლამაზი გახლდათ, არც ახალგაზრდა — მსუქანი იყო, სახელაჟღაჟა, კბილებჩამპალი, სა-შინელი გულქვა. საშავიეროდ, მოღაში იყო შემოსული და ბევრი ქალის გუ-ლის დაპყრობა მოეხერხებინა. ქაკლინი თავს ვერ გაიმართლებდა, რომ ამ აღა-მიანის ეგოისტურ ბუნებას არ იცნობდა. პირიქით, ეს კაცი თავის ამ თვისებას საკუთარ შემოქმედებაშიაც შეგნებულად ზაზს უსვამდა. ხელოვნების მოსას-ხამში გახვეული მისი ეგოიზმი ტოროლების მშვენიერი მისატყუარი იყო, ან ჩირაღდანი, სუსტებისყოფიანთ თვისკენ რომ იზიდავდა. ქაკლინის ბევრი მე-

გობარი გაემა ამ მახეში. ერთ სრულიად ყმაწვილ, ახალგაზრდას ჯალს მან სულ ადვილად დაახვია თავბრუ და მერე მიატოვა... მისგან მიტოვებულები, მართალია, არა კვდებოდნენ, მაგრამ საზოგადოების სასიეროდ თავიანთ წყენას საკმაოდ მოუხერხებლად მალავდნენ. თუმცა თვით ყველაზე მეტად შეუარაც-ყოფილნიც კი ცდილობდნენ თავიანთ აღვირახსნილობაში ზომიერების ზღვარს არ გასცილებოდნენ, რადგან ყველაზე მეტად საკუთარ ინტერესებს და საზოგადოების წინაშე თავიანთ მოვალეობას უფრთხილდებოდნენ. ისინი ოდნავ ხმაურსაც არ ატეხდნენ, მოტყუებულნი ქმრისა და მეგობრების წინაშე ჩუპადვე იტანჯებოდნენ. ეს ქალები ნამდვილი გმირები იყვნენ — საზოგადოებრივი აზრისთვის რალას არ ჩაიდენდნენ.

მაგრამ უაკლინი მათთან შედარებით სულელი იყო. მას არა მარტო იმის გაკეთება შეეძლო, რასაც ამბობდა, არამედ იმის თქმაც, რასაც აკეთებდა. იგი ამ ბრიყვულ საქციელს ანგარიშს არ აძლევდა, საკუთარ თავზე არცა ფიქრობდა. საოცარი თვისება ჰქონდა — თავის წინაშე მუდამ გულწრფელი რჩებოდა, ჩადენილი საქციელის შედეგი ოდნავადაც არ აფიქრებდა. უაკლინი გარშემო-ყოფთაგან ყველაზე უკეთესი იყო და ყველაზე ცუდად ამიტომ იქცეოდა. რაკი შეიყვარებდა და გულში ღალატს გაივლებდა, ამ „სასიყვარულო ავანტიურას“ ანგარიშმიუხედავად, თავდავიწყებით ეძლეოდა.

ქალბატონი არნო სრულიად მარტო იყო შინ და რალაცნაირი აგზნებული სიმშვიდით ქსოვდა; ასე იყო ალბათ პენელოპე გართული თავისი საოცარი ხელსაქმით. პენელოპესავით ისიც ქმარს ელოდა. ბატონი არნო მთელი დღე შინ არ იყო. დილთა და საღამოთი გაკვეთილები ჰქონდა და თუმცა კოქლობდა და ლიცეუმშიც სადღაც პარიზის ბოლოში იყო, ჩვეულებრივ, სადღად მუდამ შინ-მოდიოდა ხოლმე. ბატონი არნო ამოდენა გზას ჩვეულების გამო უფრო გადიოდა, ვიდრე ცოლის სიყვარულით ან ეკონომიის მიზნით. ზოგჯერ დამატებითი გაკვეთილების ჩასატარებლად გვიანობამდე რჩებოდა, ან ბიბლიოთეკაში შესვლის ცდუნებას ვერ უძლებდა და სამუშაოდ შეივლიდა ხოლმე. ქალბატონი ლუსილ არნო მარტოდმარტო იჯდა იმ ცარიელ ბინაში. მთელი დღე ისე გაივლიდა, კარებზე ზარს არავინ დარეკავდა. შინამოსამსახურე თუ შეივლიდა მხოლოდ რვიდან ათ საათამდე შავი სამუშაოს შესასრულებლად, ან მომმარაგებელი თუ მოიტანდა დილაობით შეკვეთას და მეორე დღისთვის ახალ შეკვეთას იღებდა. მათ ბინაში ძველი ნაცნობებიდან აღარავინ შემორჩენილიყო. კრისტოფი სხვაგან გადავიდა. იასამნის ბაღს ახალმობინადრენი დაეპატრონენ. სელინა შაბრანი ანდრე ელსბერჟეს მისთხოვდა. ელი ელსბერჟე მთელი თავისი ოჯახით ესპანეთში გადასახლდა მალაროებში სამუშაოდ. მოხუცი ვეილი დაქვრივდა და მას შემდეგ პარიზში თითქმის აღარა ცხოვრობდა. მხოლოდ კრისტოფი და მისი მეგობარი ქალი სესილი არ ივიწყებდნენ ლუსილ არნოს. მაგრამ ისინიც აქედან შორს ცხოვრობდნენ და მთელი დღის შრომით მოღლილნი

მის სანახავად რამდენიმე კვირაში ერთხელ თუ შეივლიდნენ. ლუსილი საკუთარი მარტოობის იმედით იყო.

მარტოობა არც აწუხებდა ამ ქალს. ყოველგვარი წვრილმანი ართობდა — უმნიშვნელო რაიმე ოჯახური საქმე ან ოთახის მცენარე; იგი ყოველ დილით დედობრივი მზრუნველობით ასუფთავებდა მის ნაზ ფოთლებს. საყვარელ ნაც-რის-ფერ კატას, როგორც ეს შინაურ ცხოველებს სჩვევიათ, ცოტა არ იყოს ლუსილის განაზებულობა გადაეღო. მთელ დღეს ისიც ბუხრის პირას ან ლამ-პასთან იყო მოკალათებული და პატრონის ხელის მოძრაობას თვალს ადევნებ-და. ზოგჯერ იღუმალად მიაჩერდებოდა, წამით მიაშტერდებოდა, მერე კი თით-ქოს მზერა ჩაუქრებოდა, ისევე გულგრილი ხდებოდა. დროის გაყვანაში ქალბა-ტონ არნოს თითქოს ავეჯიც შევლდა. თითოეული საგანი მისთვის ისე მახლო-ბელი იყო, მათი მოვლა ბავშვურ სიამოვნებას განაცდევინებდა. თითოეულს ფროზილად ამორებდა მტვერს და ისევე თავის ადგილას დებდა, უხმოდ ესაუბ-რებოდა. იგი სიამოვნებით გაუღიმებდა ხოლმე ლუდოვიკო XVI დროინდელ ასახდელთაგან სეკრეტერს — ერთადერთ ძველებურ ნივთს. მისი შეხედვა მუ-დამ სიხარულს ჰგვრიდა. ამაზე ნაკლებ არც თეთრეულის თვალთვლება უყვარ-და. საათობით იდგა კარადის წინ სკამზე შესკუპებული. უჯრებში თავ და ხე-ლებწაყოფილი ათვალთვრებდა, ალაგებდა თეთრეულს. კატაც ცნობისმოყვარე-ობით საათობით შესცქეროდა პატრონის საქმიანობას. მაგრამ ყველაზე ბედნიე-რი წუთები მისთვის მაშინ დგებოდა, როცა ყველა საოჯახო საქმეს მოითავებ-და, განმარტოებული საჩქაროდ ისაუზმებდა (ძალზე ნაზი მჭამელი იყო), აუცილებელ საქმეებზე ქალაქში გაივილიდა და შინ ოთხი საათისათვის დაბრუ-ნებული თავისი განუყრელი ხელსაქმითა და კატით ფანჯარასთან ან ბუხრის პი-რას მიჯდებოდა. ქალბატონი არნო ზოგჯერ ისეთ საქმეს მოიმიზეზებდა, რომ ხანლიდან გარეთ არ გასულიყო. განსაკუთრებით ზამთარში სიამოვნებდა შინ ყოფნა, როცა ციოდა და თოვლი მოდიოდა. წვიმა, ქარი და ტალახი მას აშინებ-და. თავადაც იმ ქნუტივით ფაქიზი და ნებიერა იყო. თუ შემთხვევით დამტა-რებლებს მასთან შევლა დაავიწყდებოდათ, საკმლის მოსატანად სახლიდან გასვლას შინ მშიერი ჯდომა ერჩია. იმითაც კმაყოფილდებოდა, რასაც ბუფეტში მოახელებდა — სულერთი იყო, შოკოლადის ნახეტი იქნებოდა თუ ხილი. ამის შესახებ ქმარს არაფერს ეტყოდა. ეს იყო მთელი მისი ეშმაკობა. ღრუბლიან ჩამოქუფრულ დღეებში, ზოგჯერ კი ნათელ, მზიან ამინდ-შიაც (როცა ცა ლურჯად კამკამებდა და გრილ, მყუდრო ბინაში ქუჩის ხმაური იჭრებოდა, მისი სული თითქოს მირაჟში ეხვეოდა.) საქსოვით ხელ-ში თავის საყვარელ კუთხეში მიჯდებოდა, დაბალ სკამზე ფეხებს შემოაწყობ-და და გაუნძრევლად იჯდა ფიქრებში წასული — მხოლოდ თითები მოძრაობ-დნენ შეუსვენებლივ. გვერდით მისი საყვარელი წიგნი, უფრო ხშირად, ჩვეუ-ლებრივი წითელყდიანი ტომი, ინგლისურიდან თარგმნილი რომანი ედო. კითხუ-ლობდა ძალიან ნელა, დღეში თითო თავს. მუხლებზე დადებული წიგნი ერთ-

სა და იმავე გვერდზე გადაშლილი დიდხანს რჩებოდა, ან სულაც არ გადაიშლებოდა — ქალბატონმა არნომ მისი შინაარსი ისედაც კარგად იცოდა. მას თავის ფიქრებში ხელახლა განიცილდა. თეკერესა და დიკენსის გრძელ რომანებს, მართალია, რამდენიმე კვრავში გადაიკითხავდა, მაგრამ მათზე ფიქრი წლობით თან სდევდა და ალერსიანად უნანავებდა. დღეს ხალხი ძალიან სწრაფად და ცოტას კითხულობს. ამიტომაც ვერ გრძნობს იმ ზებუნებრივ ძალას, რომელსაც წიგნები ნელი კითხვის დროს გამოასხივებენ. ქალბატონ არნოსთვის წიგნების გმირთა ცხოვრება ისევე რეალური იყო, როგორც საკუთრივ მისი. წიგნის ზოგიერთი გმირისთვის თავსაც გასწირავდა: ლედი კესლვედი, ნაზი, დედობრივი და ქალწულებრივი გულის მქონე, რომელსაც სიყვარულიც შეეძლო და დუმილიც, მას დად მიაჩნდა. პატარა დომბი მისი ძვირფასი ბიჭუნა იყო, თვითონ კი თავი დორად — ნადრევი სიკვდილისთვის განწირულ ნორჩ მუღღლედ წარმოედგინა. იგი გულწრფელი, ბავშვური უშუალოებით გულში იკრავდა ყველა იმ ქმნილებათ, ვინც ამაყი, სუფთა, უმანკო თვალებით ხალხში ჩნდებოდა. მის თვალწინ ჩაივლიდა სათაყვანებელ მაწანწალათა თუ ბუნებით უწყინარ ადამიანთა მთელი მწკრივი — თავიანთ სასაცილო და გულისამაჩუყებელ ოცნებათა მდევნელნი. ამათ წინ მიუძღოდა დიკენსი — კეთილი გენია, საკუთარი ფანტაზიის ნაყოფით აცრემლებული და მოციხარი. ასეთ წუთებში თუ ლუსილი ფანჯარაში გადაიხედავდა, ეჩვენებოდა, თითქოს საცაა გამვლელთა შორის წარმოსახული სამყაროს მისთვის საყვარელი ან საძულველი პერსონაჟები გამოჩნდნენ.

იცოდა, ამ სახლებს იქით, მის კედლებს მიღმა ისეთივე ადამიანები ცხოვრობდნენ. მას შიშის ზარს სცემდა ეს საიდუმლოებებით მოცული სამყარო. ამიტომაც სახლიდან გასვლა არ უყვარდა. ყველგან გათამაშებული კომედიები ელანდებოდა და ხშირად არცა სცდებოდა. მარტობამ მას ინტუიციის იღუმბალი უნარი შესძინა. გამვლელთა მზერაში მათი წარსულისა თუ მომავლის საიდუმლოებათა ამოკითხვა იმათზე უკეთ შეეძლო. ქალბატონი არნო ამ რეალურ სურათებში თავის რომანტიკულ მოგონებებსაც ურევდა და მას სახეს უცვლიდა. ამ უზარმაზარ სამყაროში იგი თავს დაკარგულად გრძნობდა და შინისაკენ მოიჩქაროდა, ეშინოდა, შიგ არ ჩაძირულიყო.

ქალბატონ არნოს არც ვინმეს ნახვა ან მათი სახეების ამოკითხვა სჭირდებოდა, მისთვის საკუთარ თავში ჩახედვაც კმაროდა. რაოდენ ჩაფერფლილი, უფერული ჩანდა გარედან მისი ცხოვრება და რაოდენ შუქს გამოსცემდა შიგნიდან! რა სისხლსავსე იყო მისი ცხოვრება! რაოდენ ძვირფასი მოგონებები გააჩნდა, რომელთა არსებობაში ეჭვიც არავის შეეპარებოდა!.. იყო მასში რაიმე რეალური? — რა თქმა უნდა, იყო, რადგანაც იგი ქალბატონი არნოსთვის არსებობდა... რამდენი უღიმღამო ცხოვრება გარდაუქმნია ფანტაზიის ჯადოსნური ჯოხის შეხებას!

ქალბატონი არნო ოცნებით კვლავ თავისი ბავშვობის ადრეულ წლებს უბ-

რუნდებოდა. მისი ჩაქოალი იმედების სათუთი ყვაილები სიჩუმეში იშლებოდა... პირველი ბავშვური სიყვარული ახალგაზრდა ქალიშვილისადმი, ვისა სილამაზემაც ნახვისთახავე მოაჯადოვა. უყვარდა იგი მთელი სიწმინდით, რაოდენაც კი შესაძლებელია სიყვარული. ყოველ მის შეხებაზე მღელვარებისგან ილეოდა. სურდა მისთვის ფეხები დაეკოცნა, გამხდარიყო მისი ცოლი ან შვილი. მაგრამ ეს გაღმერთებული ქალიშვილი გათხოვდა. ქორწინებამ მას ბედნიერება ვერ მოუტანა. ჭერ იყო და, ბავშვი მოუკვდა, მერე თვითონაც გარდაიცვალა. მეორე სიყვარული თორმეტი წლისას ეწვია — ეს იყო თანატოლი ქერათმიანი, კისკისა, თავნება გოგონა, რომელსაც უყვარდა მისი წვალება. იქამდე არ მოეშვებოდა, ვიდრე არ აატირებდა, მეორე წუთში კი კოცნით ახრჩობდა. ისინი მომავლის ათასნაირ რომანტიულ გეგმებს აწყობდნენ ერთად, მაგრამ მოულოდნელად მისი მეგობარი გოგონა კარმელიტების ორდენის მონაზვნად აღიკვეცა. თავადაც არ უწყოდა, რისთვის. ამბობდნენ, ბედნიერაო... ამის შემდეგ საკმაოდ ხანშესული მამაკაცი შეუყვარდა. ამ გატაცების შესახებ არავინ არაფერი იცოდა, თვით გატაცების მიზეზმაც კი. ლუსილმა ამ გრძობაში მთელი თავისი თავგანწირვა და სინაზე ჩააქსოვა... მერე კვლავ ახალი გატაცება. ამჯერად ორმხრივი. მაგრამ განსაკუთრებული სიმორცხვისა და თავის თავში დაურწმუნებლობის გამო ვერ დაიჭერა, რომ შესაძლებელი იყო ვინმეს ძისე შეპყვარებოდა და სიყვარული გულში ჩაიკლა. ბედნიერებამ ისე ჩაუარა, მისი შეჩერება არც უცდია... ამის შემდეგ... თუმცა რა აზრი აქვს სხვებისთვის იმის მოყოლას, რასაც საკუთრივ მხოლოდ შენთვის აქვს აზრი! აქ კი სულ უმცირესი რამაც ძალზე მნიშვნელოვანია: მეგობრული ყურადღება, ოლივიეს მიერ ანაზღად თქმული სასიყვარულო სიტყვა, კრისტოფის სტუმრობით გამოწვეული სიხარული, მისი მუსიკა, რომელსაც ჯადოსნურ სამყაროში შევყავართ, ვინმე, სრულიად უცნობი ადამიანის შემოხედვა: დიახ, ეს წმინდა, უმწიკვლო. შესანიშნავი ყოფაქცევის ქალი ზოგჯერ ფიქრით მაინც ღალატობდა ქმარს. წონასწორობას კარგავდა. თუმცა თავისი თავისა რცხვენოდა კიდევ, მაგრამ ამ უნებლოე ღალატს არცთუ ძალიან ეწინააღმდეგებოდა. ეს უვნებელი გრძობა მის გულს მზის სხივივით ათბობდა... ქალს უყვარდა ქმარი, თუმცა ცხოვრების ასეთ თანამგზავრზე არ ოცნებობდა. ეს კაცი ძალიან კეთილი ბუნების ადამიანი იყო. ერთ დღეს ქმარმა უთხრა:

— ჩემო ძვირფასო! თავადაც არ იცი, რაოდენ სათაყვანო ხარ. შენ მთელი ჩემი სიცოცხლე ხარ...

ამ სიტყვებმა საბოლოოდ გააღზო ლუსილის გული. ამ დღის შემდეგ იგი მთხვდა, რომ ამ ადამიანთან სამუდამოდ იყო დაკავშირებული — მას არასოდეს მიატოვებდა. წლითიწლობით უფრო უახლოვდებოდნენ ისინი ერთმანეთს. ერთად ოცნებობდნენ, ფიქრობდნენ თავიანთ საქმიანობაზე, მოგზაურობაზე, ბავშვებზე, მაგრამ რომელი ერთი ახდა ამ სანუკვარი ოცნებიდან?.. ვაი, რომ არც ერთი!.. ქალბატონი არნო კი ისევ ოცნებობდა. პატარა ბავშვზე ისე დაჟინე-

ბით და იმდენხანს ფიქრობდა, თითქოს ცხადლივ ხედავდა მას. წლების მანძილზე თვალწინ უდგა, რაც ძვირფასი და სანუკუარი გააჩნდა, იმითი რთაუდა... მეტი თქმა რაღა საჭიროა!..

ეს იყო და ეს. რამდენი სამყარო არსებობს, რამდენი უგულვებლყოფილი ტრაგედია, სანუკუარად რომ ინახავენ ასეთი მშვიდი, ერთის შეხედვით ჩვეულებრივი არსებანი! ყველაზე დიდი ტრაგედია კი ის არის, რომ სინამდვილეში არაფერი ხდება, ადამიანები კი იმედით ცოცხლობენ, სასოწარკვეთილნი ისწრაფვიან იმისკენ, რისი მოპოვების უფლება ბუნებისაგან მათ ისედაც აქვთ ნაბოძები და მისგანვე არიან უარყოფილნი — სევდიან ვნებაში იხრჩობიან... გარეგნულად კი არას იმჩნევენ!

საბედნიეროდ, ქალბატონი არნო მარტოოდენ თავის თავზე არ ფიქრობდა. ბიწადი ცხოვრება მხოლოდ ნაწილობრივ მოიცავდა მის ფიქრებს. იგი იმათი ცხოვრებითაც ცხოვრობდა, ვისაც იცნობდა და თავისი თავი მათ ადგილას პყავდა წარმოდგენილი. ფიქრობდა კრისტოფზე, მის მეგობარ ქალ სესილზე. აი, დღესაც სესილს იგონებდა. ეს ორი ქალი ძალიან შეეთვისა ერთმანეთს. საკვირველი ის იყო, რომ გარეგნულად ძლიერი აღნაგობის სესილი სუსტ ქალბატონ არნოსთან ეძებდა დასაყრდენს. სინამდვილეში, ეს ჯანმრთელი, სიცოცხლით სავსე ქალიშვილი გაცილებით სუსტი იყო, ვიდრე ჩანდა. იგი სულიერ კრიზისს განიცდიდა. თვით ყველაზე მშვიდი გულიც კი არ არის მოულოდნელობისაგან დაზღვეული. სესილის გულში ნაზი გრძნობა შეპარულიყო. თავდაპირველად არ უნდოდა ეღიარებინა, მაგრამ იგი სულ უფრო და უფრო იზრდებოდა და ბოლოს შეუძლებელი გახდა მისი არცნობა — მას ოლივიე უყვარდა. ახალგაზრდა კაცის ძალდაუტანებელმა, ალერსიანმა ქცევებმა, მისმა სუსტმა, უმწეო, ცოტა არ იყოს ქალურმა მომხიბვლელობამ მიიზიდა იგი (დღობრივი ინსტინქტების ქალებს უყვართ, როცა ვინმე მათ დახმარებას საჭიროებს). ჟანენების ოჯახურმა უსიამოვნებებმა სესილს ოლივიესადმი ცოტა არ იყოს სახიფათო სიბრალული აღუძრა. რა თქმა უნდა, მარტოოდენ ეს არ იყო ამის მიზეზი, მაგრამ განა ვის ძალუძს ამოხსნას, რატომ შეიყვარებს ხოლმე ერთი მეორეს? ხშირად არც ერთი მხარეა დამნაშავე და არც მეორე. დგება ისეთი წუთი, როცა სიყვარული მოულოდნელად თავს დაატყდება ხოლმე უმწეო სულს. სესილმა, რაკი საბოლოოდ დარწმუნდა თავის გრძნობაში, გამირული შეუპოვრობით სცადა ამოეგლიჯა სიყვარულის ნესტარი, რადგან იგი დანაშაულებრივ და უაზრო გრძნობად მიაჩნდა. დიდხანს იტანჯავდა თავს, მაგრამ ვერაფერს გახდა. ვერც ვერვინ მიუხვდებოდა ამ გრძნობას, რადგან მთელი მონდომებით ცდილობდა ბედნიერი ადამიანის სახის მიღებას. მხოლოდ ქალბატონმა არნომ იცოდა, რადაც უღირდა მას ეს თავდაჭერა. სესილი მიდიოდა ქალბატონ არნოსთან, რათა თავისი დიდი თავი ქალბატონი არნოს გამხდარ მკერდზე მიეყრდნო, ჩუმად გადმოეღვარა ცრემლები, მოხვეოდა მეგობარს და მისგან სახემცინარი წასულიყო. სესილი თავიდან სცემდა ამ სუსტ ქალს, მასში

მორალურ ძალასა და უპირატესობას გრძნობდა. ქალბატონი არნოსთვის ჯერ გული არ გადაეშალა, მაგრამ იგი შუა სიტყვიდანვე უხვდებოდა სათქმელს. ქალბატონი არნოსთვის ქვეყნიერება ნაღვლისმომგვრელ გაუგებრობას წარმოადგენდა, რომლის შეცვლა ყოველად შეუძლებელი იყო. იგი მხოლოდ უნდა გყვარებოდა, შეგბრალებოდა და გეოცნება მასზე.

როცა ოცნებათა აზუზუნებული სკა ფიქრის საშუალებას არ აძლევდა, ქალბატონი არნო პიანინოს მიუჯდებოდა ხოლმე და მის კლავიშებს ალალბედზე შეახებდა თითებს. უკრავდა ხმადაბლა, ძლივსგასაგონად, ისე, რომ ცხოვრების მირაჟის დამამშვიდებელ შუქში გახვეულიყო...

ეს პატარა მხნე ქალი არც თავის ყოველდღიურ საქმიანობას ივიწყებდა: შინადაბრუნებულ ბატონ არნოს ლამპა მუდამ ანთებული და ვახშამი გაწყობილი ზედებოდა. ცოლიც გაცრეცილი ღიმილით ეგებებოდა. მას ფიქრადაც არ მოუვიდოდა, რაოდენ შორეული მოგზაურობიდან ბრუნდებოდა მისი ცოლი. ყველაზე რთული ამ ორი ცხოვრების ერთობლიობის შენარჩუნება იყო. ერთი — ჩვეულებრივი, ყოველდღიური ცხოვრება იყო, მეორე — მთავარი, სულიერი ცხოვრება თავისი თვალშეუწყდენელი პორიზონტებით. მათი შეთანხმება არც ისე ადვილი იყო. საბედნიეროდ, თვითონ ბატონი არნოც ნაწილობრივ წარმოდგენებით ცხოვრობდა — წიგნებითა და მხატვრული ნაწარმოებებით მოცული, რომელთა მარადიული ცეცხლი მისი სულის მბუქტავ ალს ასაზრდოებდა. ბატონი არნო იმ ბოლო წლებში თავისი პროფესიის წვრილმანი საზრუნავით, უსამართლობებით, კანონის შემოსაყელი შეღავათების შესწავლით, თავის კოლეგებთან ან მოსწავლეებთან კინკლაობით უფრო და უფრო მტრად იყო დაკავებული. ყოველივე ამან იგი გააბოროტა. ბატონმა არნომ პოლიტიკაზე საუბარს, მთავრობისა და ებრაელების ლანძღვას მიჰყო ხელი. თავის სამსახურებრივ უსიამოვნებებში მთელ ბრალს დრეიფტუსს სდებდა. მისი ცუდი განწყობილება ნაწილობრივ ქალბატონ არნოსაც გადაეცემოდა ხოლმე. იგი თითქმის ორმოცს მიახლოებოდა. ამ ასაკში თანდათან კლებულობს სასიცოცხლო ძალები და აშორდებიან მის ადრეგანს. მის შეგნებაში ვეებერთელა ბზარები გაჩნდა. მუუღლები ზოგჯერ იმასაც ფიქრობდნენ, რომ მტრად აღარ ღირდა ამქვეყნად ცხოვრება. არც იმ ობობას ქსელის გაბმა იყო საჭირო, რომელსაც მათი გონება ქსოვდა. ფიქრები ცოტათი მაინც უნდა დაყრდნობოდნენ სინაზღვილეს. ასეთი საყრდენი კი მათ არ გააჩნდათ და ვერც ერთმანეთში პოულობდნენ. დახმარების ნაცვლად ქმარი თვითონვე სთხოვდა ლუსილს შეველას. ისიც აღიარებდა, რომ არ შესწევდა საიმისო ძალა, ქმარს მხარში ამოსდგომოდა, რადგან თავის თავსაც ვერას შეელოდა. მხოლოდ სასწაულს შეეძლო მისი გადარჩენა და ისიც ელოდა ამ სასწაულს...

ხსნა ისევ სულის სიღრმიდან მოვიდა. ქალბატონ არნოს განმარტოებულ სულის სიღრმეში წარმოიქმნებოდა ამაღლებული და განუსჯელი სურვილი, შეექმნა რაიმე ყველაფრის ჯიბრზე, რათა მონიჭებოდა შემოქმედებითი სიხა-

რული, ყველაფრის ჯიბრზე სივრცეში ექსოვა ობობის ქსელი, იმ იმედით, რომ ქარის მოქროლვა ან ღმერთის სუნთქვა იქითკენ გაიტაცებდა, საითაც ისედაც მართებდა წასვლა. ღვთიური სუნთქვა აკავშირებდა მას ცხოვრებასთან, თვალთ უხილავ, შეუძინეველ სიმაგრეს აძლევდა. მაშინ ცოლმაც და ქმარმაც. ორივემ მოთმინებით დაიწყო იმ საუცხოო ეფემერული აბლაბუდის ქსელვა, საკუთრივ მათი სისხლით რომ იქსოვებოდა.

ქალბატონი არნო სრულიად მარტო იყო შინ... საღამოედებოდა.

საღარბაზო კარზე ზარმა დაიწკრიალა. ქალბატონი არნო შეკრთა. ვიღაცამ ჩვეულებრივზე ადრე დაურღვია მყურდროება. ქალმა ფრთხილად გადადო ხელსაქმე და კარის გასაღებად გაეშურა. ოთახში კრისტოფი შემოვიდა. იგი აღელვებული ჩანდა. ქალბატონმა არნომ სიყვარულით დაუქირა ხელი და ჰკაობა:

— რა მოხდა, მეგობარო?

— ოლივიე დაბრუნდა, — თქვა მან.

— დაბრუნდა?

— ამ დილით მოვიდა ჩემთან და მითხრა: „მიშველე, კრისტოფო!“ გულში ჩავიკარი. იგი ატირდა. „შენს მეტი არავინ მყავს. იგი წავიდაო“.

ქალბატონმა არნომ გაკვირვებისაგან ხელი ხელს შემოჰკრა:

— უბედურები!

— წავიდა, — ისევ გაიმეორა კრისტოფმა, — საყვარელს გაედევნა.

— ბავშვს რაღა უყო? — იკითხა ქალბატონმა არნომ.

— ორივე მიატოვა, ქმარიცა და ბავშვიც.

— უბედური ქალი! — გაიმეორა ქალბატონმა არნომ.

— ოლივიეს იგი უყვარდა, მხოლოდ ის უყვარდა. ოლივიე ამას ვერ გაუძლებს. სულ ერთსა და იმავეს იმეორებს: „კრისტოფ, მიმატოვა... ჩემმა საუკეთესო მეგობარმა მიმატოვაო“. ამოდ ვუმეორებ — რაკი მიმატოვა, მეგობარიც არა ყოფილა. იგი მტერია შენი, ან გონებიდან ამოიგდე, ან მოკალო-თქო.

— რას ამბობ, კრისტოფ! რა საშინელ რამეს ამბობ!

... — ჰო, მკვლევლობა თქვენ ყველას პირველყოფილ ბარბაროსობად მიგანინათ. ერთი განახათ, თქვენი სათნო პარიზელები როგორ აპროტესტებენ, როცა ქმარი ძოღალატე ცოლის მოსაკლავად ცხოველურ ინსტინქტებს ამჟღავნებს. ისინი ასეთ შემთხვევაში გონებით ნაკარნახევ შემწყნარებლობას ქადაგებენ. კეთილი მოციქულები! კარგი სანახავია ცხოველური ყოფის წინააღმდეგ ამხედრებული ერთმანეთში არეული ძაღლებას ხროვა, რომელთაც თვითონვე შეურაცხვეს ცხოვრება, წაართვეს მას ფასი და ახლა რელიგიურ კულტად აცხადებენ... მართლაც, ღირს კია მოწიწებით ეპყრობოდე ამ უაზრო, უსულგულო, ღირსებაყარილ ხორცის პატარა ნაჭერს, რომელშიაც სისხლი ფეთქავს?

აი ის, რასაც მათი მოჩვენებითი ღირსება პატივისცემით ეკიდება! მათ შიშის კანკალი ასტყდომიათ საქონლის ამ ხორცის წინაშე. მისი შეხება დანაშაულად მიაჩნიათ.. გნებავთ, წარყვენიტ სული, ოღონდ სხეულს ნუ შეეხებით...

— ვინც კლავს სულს, იგი მკვლელთა შორის უბოროტესია, მაგრამ ერთი დანაშაული როდი ამართლებს მეორეს. ეს თქვენც კარგად იცით.

— ვიცო, მეგობარო, თქვენ მართალი ხართ. თუმცა, რასაც ეფიქრობ, იმას არ ვამბობ... ვინ იცის, იქნებ მეც ასე მოვქცეულიყავი?

— ნუ, საკუთარ თავს ტყუილად ნუ სწამებთ ცილს. თქვენ კეთილი ადამიანი ხართ.

— თუ ვნება მომერევა, მაშინ მე სხვებზე უფრო უღმობელი ვხდები. ამისი მოწმე ახლახან თქვენვე იყავით. მაგრამ, როცა ხედავ, როგორ ტირის შენი საყვარელი მეგობარი, განა შეიძლება მისი ცრემლების მიზეზი არ შეაჩვენო? განა უსაზარლესი სიტყვაც ურბილესი სალბუნეი არ იქნება ამ უსაზიზღრესი ქალისთვის? რა სახელი უნდა უწოდო ქალს, რომელმაც მიატოვა საკუთარი პირმშო, რათა საყვარელს გამოსდგომოდა?

— ნუ, კრისტოფ, აგრე ნუ იტყვიტ. თქვენ ხომ არაფერი არ იცით.

— როგორ!? თქვენ მას იცავთ?!

— მე ისიც მეცოდება.

— მე კი ისინი მეცოდებიან, რომლებიც თვითონ იტანჯებიან, და არა ისინი, რომლებიც ამ სატანჯველს სხვებს უმზადებენ.

— ეჰ! ნუთუ გგონიატ, რომ ის არ იტანჯებოდა? მისთვის ადვილი იყო ბავშვის მითოვება, საკუთარი ცხოვრების დანგრევა? მან ხომ საკუთარი სიცოცხლეც გაანადგურა. კრისტოფ, მე მას ნაკლებად ვიცნობ. ორჯერ თუ მეყოლება ნანახი. მისგან ერთი მეგობრული სიტყვაც არ მაგონდება, ეტყობა, სიმპათიით ვერ განეწყო ჩემდამი, და მაინც მე მას უფრო უკეთ ვიცნობ, ვიდრე შენ. დარწმუნებული ვარ, არც ისე ცუდი ქალია. საბრალო! წარმომიდგენია, რაც გადაიტანა!

— ამას ამბობტ თქვენ, ვისი ცხოვრებაც კეთილგონიერებისა და პატიოსნების მაგალითია?

— ჰო, კრისტოფ. ამას მე ვამბობ. თუმცა თქვენ კეთილი ადამიანი ხართ, მაგრამ ეს არ გესმით, რადგან თქვენ მაინც მამაკაცი ხართ. მთელი ამ სიკეთის მიუხედავად, თქვენში არის წმინდა მამაკაცური უღმობელობა. თქვენ, მამაკაცებს, არავითარი წარმოდგენა არა გაქტ ქალებზე, რომლებიც თქვენთან ახლოს არიან. თქვენებურად გიყვართ ისინი, მაგრამ სრულიადაც არ ცდილობტ მათ გაუგოტ. საოცრად თვითკმაყოფილნი და დარწმუნებული ხართ და გგონიატ, რომ კარგად შეგვისწავლეთ ჩვენ... ეჰ, რომ იცოდეთ, რა დიდი წაშებაა ჩვენთვის შეგრძნება იმისი კი არა, რომ თქვენ სრულიადაც არ გიყვარვართ, არამედ იმისი, თუ როგორ გიყვარვართ და რას წარმოადგენს ქალი თვით ყველაზე მეტად მოსიყვარულე მამაკაცისთვის. ჩვენს ცხოვრებაში დგება

წუთები, როცა სიმწრისაგან ფრჩხილებით საკუთარ ხელისგულებს ვიკაწრავთ, რომ როგორმე თავი შევიკავოთ და არ ვიყვიროთ: „თქვენ სრულებითაც არ გიყვარვართ. ასეთ სიყვარულს ყველაფერი სჯობს.“ თუ გახსოვთ, ერთი პოეტი ამბობდა: „ოჯახით, ბავშვებით გარშემორტყმული ქალიც კი, რომელსაც არავითარი სიკეთე არ აკლია, ხშირად იძულებულია აიტანოს აბუჩად აგდება, რომელიც ნებისმიერ უბედურებაზე ათასგზის მწარეა“. ჩაუფიქრდით ამ სიტყვებს, კრისტოფ.

— თქვენ მე შემადრწუნეთ. მთლად კარგად არ მესმის... ესე იგი თქვენ თავადაც?..

— დიახ, ჩემთვისაც ნაცნობია ეგ სატანჯველი.

— შეუძლებელია!.. სულ ერთია, მაინც ვერ დამაჯერებთ, რომ ოდესმე იმ ქალივით შეგეძლოთ მოქცევა.

— მე შვილი არ მყავს, კრისტოფ, და არ ვიცი, მის აღვილას როგორ მოვიქცეოდი.

— არა, არა, ეს შეუძლებელია! მე თქვენი მჯერა, უაღრესად გცემთ პატივს და დარწმუნებული ვარ, ამგვარად არ მოიქცეოდით.

— ჰოდა, ნუ ხართ დარწმუნებული! ძალიან მიძიმს, იმედი უნდა გავიცროყოთ, მაგრამ მეც კინალამ არ ჩავიდინე ასეთი საქმე... და მაინც მინდა, ცოტათი მაინც მიეჩვიოთ ჩვენს გაგებას, რომ უფრო სამართლიანნი იყოთ. ამგვარი უგონო ნაბიჯის გადადგმისგან ბევრზე გადავრჩი. ნაწილობრივ სწორედ თქვენ შემაჩრეთ. ორი წელი გავიდა მას შემდეგ. ერთხანს მძიმე დარდი მტანჯავდა; მეჩვენებოდა, რომ აღარავის ვკვირდებოდი, არც არავის ვუყვარდი, არც ვინმეს ვენალვებოდი. ასე მეგონა, ჩემი ქმარიც მშვენივრად გაძლებდა უჩემოდ, რომ ცხოვრებამ ფუჭად ჩამიარა... გაქცევას ბევრი არაფერი მაკლდა და, ღმერთმა უწყის, რას ჩავიდენდი, მაგრამ მე მაშინ თქვენთან მოვედი... ალბათ არც გეხსომებათ... ვერ მიხვდით ჩემი მოსვლის მიზეზს. მე კი მაშინ გამოსამშვიდობებლად მოვედი თქვენთან... არ მახსოვს, რა მოხდა, რაღაც მითხარით, ზუსტად არ მაგონდება... ოღონდ ეს კი ვიცი, თქვენმა სიტყვებმა რწმენა დამიბრუნეს (თქვენ არც დაექვებულხართ)... მოულოდნელად გონება გამინათდა. იმ წუთებში ჩემს გადასარჩენად ან დასალუბავად ოღნავი ბიძგიც საჭარისი იყო. თქვენგან წამოსული შინ მოვედი, კარი ჩავკეტე და მთელ დღეს ვტიროდი!.. შემდეგ დარდი გადამეყარა. კრიზისმა გაიარა.

— ახლა არ ნანობთ? — ჰკითხა კრისტოფმა.

— ვნანობ? ამგვარი სისულელე რომ ჩამედინა, ალბათ ახლა სენის ფსკერზე ვიქნებოდი. ამგვარ შერცხვენას ვერ ავიტანდი და ვერც იმას გავუძლებდი, ჩემი ქმრისთვის ასეთი დიდი უსიამოვნება მიმეყენებინა.

— მაშ ახლა ბედნიერი ხართ?

— დიახ, რამდენადაც ამქვეყნად შესაძლებელია იყო ბედნიერი.

იმვითად ხდება, რომ ორი ადამიანი სავსებით უგებდეს ერთმანეთს და

ამ ური-იერთნდობასა და პატივისცემას მარტოდენ სიყვარული კი არ ასაზრდობდეს, რომელიც ხშირად ტყუედება, არამედ ერთად გატარებულ მოსაწყენ და ერთფეროვან წელთა სიმრავლე. და მაშინ გადალახული ცდუნებების მოგონებანი კი არ უშლიან, პირაქით, ხელს უწყობენ ურთიერთშეთანხმებულ ცხოვრებას, თუმცა სიბერეში ყველაფერი ისედაც თავისთავად მორიგდება ხოლმე.

ქალბატონი არნო გაჩუმდა. მერე ერთბაშად წამოენთო:

— ღმერთო ჩემო! ეს რა ჩავიდინე! როგორ შემძლო ყველაფერი მეამბნა თქვენთვის!.. ეს რა გქენი!.. გთხოვთ, კრისტოფ, დაივიწყოთ! ამის შესახებ არავინ არაფერი არ უნდა იცოდეს!

— დამშვიდებული ბრძანდებოდეთ, თქვენი საიდუმლო ჩემთვის წმინდა სალოცავია, — უთხრა კრისტოფმა და ხელზე ხელი მოუჭირა.

თავისი გულახდილობით დარცხვენილმა ქალბატონმა არნომ წამით სახე მოარიდა, მერე ისევ გაიმეორა:

— არ უნდა შეთქვა... მაგრამ ძალიან მინდოდა დამემტკიცებინა თქვენთვის, რომ თვით ყველაზე მეგობრულ ოჯახებშიაც და იმ ქალებსაც, ვისაც თქვენ მოკრძალებით ეპყრობით, კრისტოფ, შეიძლება არათუ წუთიერად უბნელდებოდეთ გონება, როგორც თქვენ ამბობთ, არამედ ნამდვილ სატანჯველში იყვნენ, თანაც ისეთში, რომელიც არცთუ იშვიათად უბიძგებს მათ უგონო საქციელისაკენ და ლუბავს მარტო ერთი კი არა, ორი ადამიანის სიცოცხლეს. ნუ იქნებით შეტისმეტად მკაცრნი. ადამიანები მაშინაც კი აწამებენ ერთურთს, როცა გულწრფელად უყვართ ერთმანეთი.

— მაშ, თქვენი აზრით, განმარტოებით ცხოვრებაა საჭირო? ყველამ თავისთვის უნდა იცხოვროს?

— ეს უარესია ჩვენთვის. მარტოხელა ქალი მამაკაცისგან ებრძვის ცხოვრებას (ხშირად მამაკაცის წინააღმდეგაც). ქალისთვის ეს ძნელი ასატანია, რადგან ჩვენი საზოგადოება ჯერ ამ აზრს არ არის შეგუებული და მისდამი მეტწილად მტრულადაა განწყობილი...

ქალბატონი არნო გაჩერდა. წინ გადაიხარა და კერაში ცეცხლს მიაშტერდა. მერე ჩუმი, ყრუ ხმით სვენებ-სვენებით დაიწყო ლაპარაკი:

— მაგრამ ეს სრულიადაც არ არის ჩვენი ბრალი. ქალი იძულებულია ასე იცხოვროს. ეს მისი ახირება როდია. მან დამოუკიდებლად, მამაკაცის დანმარების გარეშე უნდა იზოვოს ლუკმაპური, ხელმოკლენი მამაკაცებს არ სჭირდებიან. ქალი მარტო ცხოვრებისთვისაა განწირული. მას ამგვარი ცხოვრება სიხარულს არ ანიჭებს. საკმარისია, ქალმა თავისი დამოუკიდებლობა თუნდაც სრულიად უვნებლად მამაკაცის ოდენად გაოიყენოს, რომ მაშინვე ატყუდება ხმაური. მას ყველაფერი აკრძალული აქვს. ერთი მეგობარი ქალი მყავს. სადღაც მიყრუებულ ლიცეუმში ასწავლის. მარტოობისაგან საბრალოს სული ეხუთება, დახშულ საკანში გა-

მომწყვდეულივით ცხოვრობს. ბურჟუაზია ყველა კარს უხშობს იმ ქალებს, რომლებიც ცდილობენ საკუთარი შრომით იცხოვრონ. მათ ყველა უნდობლობას უცხადებს. იმათ ნაბიჯებს გამკილავი, უკეთური სურვილებით ზედებიან. ვაჟთა ლიცეუმების მასწავლებელ მამაკაცებს თავისივე კოლეგა ქალებისაგან თავი განცალკევებით უჭირავთ: გაჭორვის შიშით თუ ფარული მტრობით, ან სულაც იმიტომ რომ გაველურდნენ, ყავახანში ჯდომასა და უხამს ლაპარაკს მიეჩვივნენ. მთელი დღის მუშაობით იღლებიან. ინტელიგენტი ქალები კი მობეზრებიათ. ეს საბრალო ქალები ერთმანეთსაც ვეღარ იტანენ, განსაკუთრებით, მაშინ, როცა იძულებულნი არიან კოლეჯში ერთად იცხოვრონ. მათი ზედამხედველი ქალი ჩვეულებრივ ვერ სწვდება ახალგაზრდა მასწავლებლების ნაზი სულის საიდუმლოებას. ისინიც პირველსავე წლებში უსიხარულო შრომისა და უღმობელი სიმარტოვისაგან სასოწარკვეთილებას ეძლევიან. დარდისაგან უსიტყვოდ იღვივიან. ზედამხედველი ქალი კი არ ცდილობს რითიმე დაეხმაროს მათ, პირიქით, ამპარტავნებსაც უწოდებს. მათი არსებობა არავის აინტერესებს. გათხოვებით ვერ გათხოვდებიან, რადგან არც შვითევი აქვთ და არც ნაცნობები ჰყავთ. გონებრივი ცხოვრება იმათ არ აინტერესებთ და ვერც ვერავეითარ შვებას ვერ პოულობენ მასში. სამუშაო ძლიერ ბევრ დროს ათმეგს, თუ მათ რელიგია ან განსაკუთრებით ძლიერ განვითარებული მოეალეობის გრძნობა არ ექნათ საყრდენად, მე ვიტყვოდი, არანორმალურად, ავადმყოფურად განვითარებული, რადგანაც საკუთარი თავის მსხვერპლად გაღება სრულებითაც არ არის ბუნებრივი, ეს ნიშნავს, ცოცხლად დაიმარხო... ამგვარად, გამოვროცხთ გონებრივი შრომა. რა სარგებლობა მოაქვს ქალისთვის ქველმოქმედებას? მხოლოდ და მხოლოდ იმედის გაცრუება. თუ ქალი იმდენად ალაღმართალია, რომ მას არ შეუძლია ოფიციალური ან მაღალი წრის ქველმოქმედებით, კაცთმოყვარე ფრაზებით, გართობის ფილანტროპიის, გულგრილი ფორმალობის ბილწი ნარევით დაკმაყოფილდეს, თუ მას ზიზღს ჰგვრის ორ ფლირტს შორის უმწეო მდგომარეობაში მყოფთ ხელი გაუწოდოს!—მარტოოდენ გულის გატეხა და იმედის გაცრუება. მაგრამ როცა ქალი სიმხნევეს მოიკრებს და გადაწყვეტს თვალი გაუსწოროს სიღარიბეს, რომლის შესახებაც ყურმოკვრით გაუგია, რა სასოწარკვეთი სანახაობა წარმოუდგება მაშინ! ნამდვილი ჯოჯობეით! ამ შემთხვევაში რით შეგიძლია დაეხმარო? იგი სასოწარკვეთილების ზღვაში იძირება და მაინც ცდილობს იბრძოლოს, განწირულთაგან ვინმე გადაარჩინოს. მათი ხსნისათვის ღონის გამოლევამდე იბრძვის და მათთან ერთად ეშვება ფსკერზე. მისთვის უდიდესი ბედნიერება იქნებოდა, ერთი ან ორი ადამიანის გადარჩენას თუ შეძლებდა. მაგრამ თვითონ მას კი ვინ გადაარჩენს? მისთვის ვინლა შეიწუხებს თავს? იგი ხომ თავისი თუ სხვისი სატიკვარით საკმარისად გაიტანჯა? რაც უფრო მეტ რწმენას უნერგავს სხვებს, უფრო მეტად უტყდება გული თავად. უმწეონი მას ებლაუჭებიათ, თვითონ კი რას მოეჭიდოს? არავინ გაუწვდის ხელს საშველად. ის კი არადა, ქვებსაც მიაყრიან... თქვენ ხომ

იცნობდით, კრისტოფ. იმ საუცხოო ქალს, მოწყალების ყოვლად დაუფასებელ და გამირულ საქმეს რომ შესწირა თავი? იგი თავშესაფარს აძლევდა მშობიარე მეძვე ქალებს. ამ უბედურებს თავიდან იშორებს ოფიციალური საქველმოქმედლო დაწესებულება და თვითონ მათაც ეშინათ ამ ოფიციალური ქველმოქმედებისა. იგი ცდილობდა ასეთი ქალები ეხსნა ფიზიკური და მორალური განადგურებისაგან, შეენარჩუნებინა მათთვის შვილები, დედობრივი გრძნობა გაედვიძებინა, დაებრუნებინა ოჯახური სიბოლო და პატიოსანი შრომით ცხოვრების სიყვარული. ამ მძიმე ამოცანის გადასაწყვეტად არავითარ ძალ-ღონეს არ იშურებდა. მაგრამ სანაცვლოდ მხოლოდ წყენა და უსიამოვნება ხვდებოდა. განა ბევრის გადარჩენა ხერხდება, ან ბევრს კი აქვს გადარჩენის სურვილი? რამდენი ბავშვი იღუპება, რამდენი ყოვლად უდანაშაულო, დაბადებიდანვე განწირული... ამ უწყინარმა ქალმა საკუთარი მხრებით ზიდა სხვათა მწუხარება, გადაწყვიტა, ადამიანთა დანაშაულებრივი ეგოიზმი გამოეყვირა. თუ იცით, რას ამბობდნენ მასზე? მტრულად განწყობილმა საზოგადოებამ ამ წამოწყებისგან გაზიდვრება, ვისაც მფარველობას უწევდა, მათგან ფულის აღება დასწამა... სასოწარკვეთილებაში ჩავარდნილი ქალი იძულებული გახდა იქაურობას სამუდამოდ გასცლოდა... თქვენ ვერც კი წარმოიდგენთ, დამოუკიდებელ ქალებს რაოდენ დიდი ბრძოლის გადატანა უხდებათ თანამედროვე უგულო, გონებაშეზღუდული საზოგადოების წინააღმდეგ! ასეთი საზოგადოება სულს დაფავს, მაგრამ თავის უკანასკნელ სასიცოცხლო ძალებს იმას ახმარს, რომ სხვებს სიცოცხლე არ დააცალოს.

— არ გეგონათ, ჩემო კარგო, რომ ეს მხოლოდ ქალების ხედრია. ამგვარი ბრძოლა ყველა ჩვენთაგანისთვის არის ნაცნობი. მე ვიცი, რა გვიხსნის მისგან.

— რა?

— ხელოვნება.

— მაგრამ ეს თქვენ გიხსნით მხოლოდ და არა ჩვენ, ქალებს. რადგან ჩვენთვის ხელოვნება ნაკლებად ხელმისაწვდომია, თუმცა ვერც ყველა მამაკაცი ეუფლება მას.

--- აი, თუნდაც ჩვენი საერთო მეგობარი სესილი... იგი სავსებით ბედნიერია.

— რა იცით, რომ ბედნიერია? რა ნაჩქარევად გამოგაქვთ დასკვნა! რაკი სულიერად არ ეცემა, თავისი დარდით თავს არავის აბეზრებს და არ წუწუნებს, ამიტომ თქვენ იგი ბედნიერი გგონიათ? დიახ, ბედნიერია, რადგანაც ჭანმრთელია და საბრძოლველად ძალა შესწევს. მაგრამ თქვენთვის უცნობია ყველაფერი, რის წინააღმდეგაც ბრძოლა უხდება მას. რატომ გგონიათ, რომ იგი ხელოვნებისთვის, ამ უკუღმართობით სავსე ცხოვრებისთვისაა შექმნილი? ხელოვნება!.. თუმცა ბევრია ისეთი ქალი, მწერლად, მსახიობად ან მოცეკვავედ გახდომის სურვილით რომ იწვის. მათთვის ეს ბედნიერების მწვერვალია! საბრალო ქალები!.. ისინი ხომ ყველაფერს არიან მოკლებულნი. მათ

არც იციან, რაში გამომამყლავნონ თავიანთი გრძნობა!.. ხელოვნება!.. რა თავში ვიხლით, თუ მის გარდა სხვა აღარაფერი გაგვაჩნია? ქვეყნიერებაზე მარტოდმარტო ერთი რამაა ისეთი, რაც სხვა ყველაფერს გადაგავიწყებს! ეს არის ბავშვი — პატარა სათაყვანებელი არსება.

— როგორც ხედავთ, არც ეს ყოფილა საკმარისი.

— რა თქმა უნდა, ყოველთვის არა... საერთოდ, ქალები არასოდეს არიან ნამდვილად ბედნიერები. ძნელია ქალობა. გაცილებით ძნელი, ვიდრე მამაკაცად ყოფნაა. თქვენ ეს ცუდად გესმით. თქვენ შეგიძლიათ მთელი გატაცებით მიეცეთ რაიმე საქმიანობას, ისე, რომ ამით საკუთარ თავსაც ავნოთ, სამაგიეროდ, განსაკუთრებულ სიამოვნებას განიჭებთ. ჩვეულებრივ ქალს კი ტანჯვის გარეშე არ შეუძლია ეს. არაადამიანურად ძნელია ჩაკლა შენი „მეს“ თუნდაც ნაწილი. ჩვენ, ქალებს, არ გვყოფნის ცალმხრივი ბედნიერება. ჩვენში რამდენიმე სული ცოცხლობს. თქვენ კი მხოლოდ ერთი ძლიერი სული გაქვთ, თავისი ძალით ზოგჯერ უხეშობამდე, არაადამიანურობამდეც რომ მიდის. მე თავს კბრი თქვენს წინაშე. მაგრამ ნუ იქნებით ასეთი ეგოისტები! თვითონაც არ იცით, რამდენად თავკერძანი ხართ და ვერც კი ამჩნევთ, როგორ გვაწვალებთ ჩვენ ამ ეგოიზმით.

— რა ვქნათ? ჩვენი ბრალი ხომ არ არის!

— არა, არ არის თქვენი ბრალი, მაგრამ არც ჩვენი ბრალია. ძვირფასო კრისტოფე. სწორედ ესაა მთავარი, ცხოვრება არც ისე უბრალო რამ არის. ამბობენ: ბუნებრივად იცხოვრეთო, მაგრამ ცხოვრებაში არის კაა რაიმე ბუნებრივი?

— მართალია. ჩვენს ცხოვრებაში არაფერია ბუნებრივი. ქორწინების გარეშე ყოფნა არაბუნებრივად ითვლება. არც ქორწინებაა უფრო ბუნებრივი. თავისუფალი კავშირი სუსტებს ძლიერთა მტაცებლურ ნებას უმორჩილებს. აი-ღე თუნდაც ჩვენი საზოგადოება. არც ის არის ბუნებრივი. იგი ჩვენს მიერვე ხელოვნურადაა შექმნილი. ამბობენ, ადამიანი საზოგადოებრივი ცხოველიაო. მტკნარი სისულელეა! იგი იძულებული იყო ასეთი გამხდარიყო, რათა სიცოცხლე შეენარჩუნებინა. გამორჩენის, სიამოვნების მიღებისათვის, თავდაცვისათვის, თავისი მოღვმის განდიდების მიზნით იგი საზოგადოებრივ ცხოველად იქცა. ამასთან იძულებული იყო ზოგიერთი ვალდებულება თავისთავზე აეღო მაგრამ ბუნება ვერ ეგუება ძალადობას და შურს იძიებს ხოლმე მასზე. იგი ადამიანის საამებლად როდია შექმნილი. ჩვენ ვცდილობთ მის დამორჩილებას, ვებრძვით და, ცხადია, ამ ბრძოლაში ხშირად ვმარცხდებით. მაშ როგორ მოვიქცეთ? — ძლიერი უნდა ვიყოთ.

— ვიყოთ კეთილნი.

— ო, ღმერთო! ვიყოთ კეთილნი, შორს მოვისროლოთ ეგოიზმის ჯავშანი, ვისუნთქოთ ხარბად, გვყვარდეს სიცოცხლე, სინათლე, ჩვენი მოკრძალებული შრომა და მიწის ის პატარა ნაგლეჯი, რომელშიაც ღრმა ფესვებით ვართ

ჩაზრდილნი. თუ არ გვეოფნის სივრცე, მაშინ სიღრმეში, ან ზევით უნდა ავიკრათ იმ ზესავით. რომელსაც სიეიწროვის გამო გასაქანი არა აქვს და მაინც მზისკენ მოისწრაფვის.

— დიახ, და, რაც მთავარია, გვეყვარდეს ერთმანეთი. დაე მამაკაცმა იგრძნოს, რომ იგი ქალისთვის ძმაა, რომ ქალი არ არის მისი ნადავლი. ისევე, როგორც არც კაცია ქალის ნადავლი. დაე ორივემ დაიმორჩილოს საკუთარი სიამაყე. უფრო ნაკლებად იფიქროს თავის თავზე და მეტად სხვაზე. ადამიანები ბუნებით სუსტნი ვართ: მამ საშველად გავუწოდოთ ერთმანეთს ხელი. ნუ ვეტყვით დაცემულს: „მე შენ არა გცნობ“. არამედ ვუთხრათ: „გამხნევდი, მეგობარო, ყველაფერს ეშველება“.

ორივენი გაჩუმდნენ. ბუხრის წინ მსხდართ შუაში კნუტი ეჭდათ. სამივენი თვალგაშტერებული ცეცხლს მისჩერებოდნენ. ცეცხლის ალი ნაზად ელამუნებოდა ქალბატონ არნოს ნატიფ, უჩვეულო შინაგანი მღელვარებისაგან შეფაკლულ სახეს. საკუთარი გულახდილობა თვითონვე უკვირდა. ასეთი რამ არასოდეს დამართვია და მეტად არც არასოდეს განმეორდება.

მან ხელზე ხელი დაადო კრისტოფს და უთხრა:

— ბავშვს რას უპირებთ?

აი, რაზე ფიქრობდა თავიდანვე. ლაპარაკობდა და ამ ლაპარაკში თითქოს სულ სხვა ქალად გარდაქმნილიყო. მისი გონება ერთადერთ ფიქრს მოეცვა: ბურანში მყოფს ჰკავდა. კრისტოფის პირველსავე სიტყვებზე მან მთელი რომანი შეთხზა. ფიქრობდა ბავშვზე, დედამ ღვთის ანბარა რომ მიატოვა. რა ბედნიერება იქნებოდა ბავშვის მოვლა — ამ სათუთი სულის გარემოცვა სიყვარულითა და ოცნებებით. იგი თავს ესაუბრებოდა:

— „არა, ეს ცოდვაა. სხვისი უბედურებით არ მმართვეს სიხარული“. მაგრამ თავს ვერ მორეოდა. ლაპარაკით კი ლაპარაკობდა, მაგრამ გული დუმდა იმედით დამტკბარი.

— დიახ, ამაზედაც ვიფიქრეთ, რაღა თქმა უნდა; საბრალო ბავშვი! მის აღზრდას ვერც ოლივიე და ვერც მე ვერ შევძლებთ. მას ქალის მზრუნველი ხელი სჭირდება. იქნებ მეგობარ ქალთაგან რომელიმე დაგვეხმარებოდა...

ქალბატონ არნოს სუნთქვა შეეკრა.

— მინდოდა, თქვენთვის მომემართნა, რომ სწორედ ამ დროს მოვიდა სესილი. როცა გაიგო, რაშიც იყო საქმე და ბავშვიც ნახა, ისე აღელდა, ისე ძალიან გაუხარდა, რომ მითხრა: „კრისტოფ...“

ქალბატონ არნოს ძარღვებში თითქოს სისხლი გაეყინა. აღარ ესმოდა, რა თქვა სესილიმა. თვალწინ ყველაფერი დაუტრიალდა. უნდოდა ეყვირა:

— არა, არა, ბავშვი მე მომეცით!..

კრისტოფი ისევ ლაპარაკობდა. ქალბატონ არნოს არაფერი ესმოდა მისი ნალაპარაკევიდან. მაგრამ მერე თავს ძალა დაატანა, მოიგონა სესილის ღირსე-

ბები და გაიფიქრა: „ბავშვი მას უფრო მეტად სჭირდება, ვიდრე მე. მე მყავს ჩემი ძვირფასი არწი... მაქვს ოჯახური მყუდროება... და ამასაც რომ თავი დაჰვანებოთ, წლოვანებით სესილზე უფროსი ვარ.“

მან გაიღიმა და თქვა:

— კარგად მოგიფიქრებიათ.

ბუხარში ცეცხლი მიწვლდა და ქალბატონი არწიოს სახიდანაც გაქრა ვარდისფერი ათინათი. მის დაღლილ, სათნო სახეს კვლავ მშვიდი, უშფოთველი გამომეტყველება დაუბრუნდა.

„ჩემმა მეგობარმა სხვაზე გამცვალა“.

ეს ფიქრი მოსვენებას არ აძლევდა ოლივიეს. შეგონებებით ამოღ ირჩე-ბოდა კრისტოფი, თუმცა ამას მეგობრის სიყვარულით აკეთებდა.

— რას იზამ, — ეუბნებოდა იგი.—ბოლოს და ბოლოს მეგობრის ღალატი ისეთივე უსიამოვნებათაგანია, როგორც, მაგალითად, ავადმყოფობა, სიღარიბე ან ჰუკუსუსტ ხალხთან ბრძოლა. მის წინააღმდეგ მუდამ იარაღსმზელი უნდა იყო მზად. საბრალოა, ვინც ვერ შეძლებს წინ აღუდგეს მას.

— შენ მართალი ხარ. სრულებით არ გამაჩნია სიამაყე... ღიახ, სწორედ რომ შესაბრალოსი ადამიანი ვარ. მე სიყვარული მჭირდება, უიმისოდ სიცოცხლე არ შემიძლია..

— შენ ჯერ ცხოვრება არ დაგიმთავრებია. კიდევ შეგიყვარდება ვინმე.

— ამიერიდან აღარავისი აღარ მჭერა. მე მეგობრები არა მყვანან.

-- ოლივიე!

— ზაჯატიე. შენს გულწრფელობაში ეჭვი არ მეპარება, მაგრამ ზოგჯერ ყველაფრისადმი ეჭვი მიპყრობს... საკუთარი თავისადმიც კი. კრისტოფ, შენ ძლიერი ადამიანი ხარ. არავის დახმარება არ გჭირდება და უჩემოდაც შეგაძლია იცხოვრო...

— იმას უფრო ნაკლებად სჭირდება.

— რა უღმობელი ხარ, კრისტოფ.

-- საწყალო, განზრახ გაწვალე, იქნებ ბოლოს და ბოლოს მაინც აღმოვთდე. რა ღეთის წყრომაა! ყველას, ვისაც შენ უყვარხარ და თვით შენ თავსაც, მსხვერპლად სწირავ მას, ვისაც სასაცილოდ აულიხარ.

— ვისაც ვუყვარვარ, იმათთან რა მესაქმება? მე ხომ ის მიყვარს.

— იმუშავე, დაუბრუნდი იმ საქმეს, რომელიც აქამდე გაინტერესებდა.

— ახლა კი აღარ მაინტერესებს. დავიღალე. ასე მგონია, ამ ცხოვრებას აღარ ვეკუთვნი. ყველაფერი შორეული მეჩვენება... ვუყურებ და ვერაფერი გამიგია. მაკვირვებენ ის ადამიანები, რომლებიც მომართულ მანქანასავით მუშაობენ და არასდროს არ იღლებიან. ყოველდღიურად საათის მექანიზმივით მომართულნი ერთსა და იმავე საქმეს ასრულებენ. საგაზეთო პოლემიკას ეწევიან, საწყალობლად ეწაფებიან სიამოვნებას, თავდავიწყებით ებრძვიან ან ემ-

ხრობიან მინისტრას კაბინეტს. რომელიღაც წიგნს ან მსახიობს... ო, რომ იცოდე, რა ბებერი მგონია თავი! არც არავინ მძულს, არც ვინმესგან მწყინს რაიმე. ყველაფერი მომწყინდა. სიცარიელესა ვგრძნობ... ისევ დაუბრუნდე წერას? რისთვის. ვინ გამიგებს? მე ხომ მარტოდენ მისთვის ვწერდი. თუ ვარსებობდი, მარტოდენ მისთვის... ახლა ჩემთვის ყველაფერი დაცარიელდა. დავილაღე. კრისტოფე, გესმის, დავილაღე ძილი მინდა...

— ჰოდა, შენც დაიძინე. მე კი შენს ძილს ფხიზლად ვუდარაჯებ.

მაგრამ ოლივიეს ყველაზე მეტად დაძინება უჭირდა. ეჭვს, ნეტავ თვეობით შეეძლოს ძილი ტანჯულს. იძინოს მანამ, ვიდრე მწუხარების კვალი მის განახლებულ სულში წაიშლებოდეს. ვიდრე იგი სულ სხვა ადამიანად იქცევა! მაგრამ ვის ძალუძს ამგვარი ძილი მოჰგვაროს ადამიანს? ოლივიე არც თვითონ იყო ამის მოსურნე, რადგან ყველაზე მწარე მისთვის სწორედ ამ სატანჯველის წართმევა იქნებოდა. ოლივიე იმ ავადმყოფს ჰგავდა, ვისაც ციებ-ციხელება ლოგინში არ აწვევს. მართლაც ციებ-ციხელებას ჰგავდა, ერთსა და იმავე საათებში შეახსენებდა ხოლმე თავს, განსაკუთრებით საღამოხანზე, ბინდი რომ ჩამოწვებოდა. დადიოდა განადგურებული, სიყვარულისგან მოწამლული, მონგონებებისგან გვემული და იმ ჰკუასუსტივით ისევ ერთსა და იმავე ფიქრს უბრუნდებოდა, რომელსაც ლუკმა პირში აქვს, ლეჰავს, ლეჰავს და გადაყლაპვა კი ვერ მოუფიქრებია. ოლივიეს გონება მხოლოდ ერთ აზრს მოეცვა.

მის ადგილას კრისტოფე ალბათ გაბეზრდებოდა და ყოველგვარი ფიქრის გარეშე მთელ ბრალს ამ უბედურების გამომწვევ მიზეზს დასდებდა. უფრო სამართლიანი და ნათელი გონების ოლივიე ხედავდა, რომ ამ უბედურებაში მასაც ედო წილი. მარტო თვითონ არ იყო უბედური, ჟაკლინიც თავისებურად მისი მსხვერპლი იყო. მან ხომ თავისი ბედ-იღბალი ოლივიეს მიანდო. ოლივიემ კი როგორ წარმართა იგი? ბედნიერებას თუ ვერ მოუტანდა, მაშ რისთვის დაუკავშირა მისი ცხოვრება თავისას? ჟაკლინის უფლება ჰქონდა დაემსხვრია ის ბორკილები, მას რომ აწამებდა.

— მისი ბრალი არ არის, — ფიქრობდა ოლივიე. — დამნაშავე მე ვარ მხოლოდ. საკმაოდ არ მიყვარდა, თუმცა ძლიერი იყო ჩემი სიყვარული. ჩანს, ისე არ მიყვარდა, როგორც საპირთა, რადგან ვერ შევძელ მისთვის საპასუხო სიყვარული შთამეგონებინა.

ოლივიე თავის თავს სდებდა ბრალს და, შესაძლოა, არცთუ ტყუილად. მაგრამ აქვს კია რაიმე აზრი წარსულის განსჯას? იგივე შეცდომების გამეორებას? იგი ცხოვრებას აუგემურებს. ძლიერი ბუნების ადამიანი, როგორც კი დარწმუნდება, რომ ამით საქმეს არ ეშველება, ივიწყებს მისდამი ჩადენილ ბოროტებას და, სამწუხაროდ იმ ბოროტებასაც, რომელიც თავად ჩაიდინა სხვების მიმართ. მაგრამ ძალას გრძნობა ჰბადებს და არა გონება. სიყვარული და ვნება მხოლოდ ნაწილობრივ ეთვისება ერთმანეთს. იშვიათად, მაგრამ ზოგჯერ

ხელიხელჩაკიდებულნიც მიდიან ხოლმე. ოლივიეს უყვარდა. მაგრამ მას მხოლოდ საიმისო ძალა გააჩნდა. რომ ეს გრძნობა საკუთარი თავის წინააღმდეგ მიემართა. ისეთ აპათიაში ჩავარდა, ყველანაირი ავადყოფობა ეჩუოდა. გრძობი, ბრონქიტი, ფილტვების ანთება — ყველაფერი ერთბაშად მიესია. თითქმის მთელ ზაფხულს იავადმყოფა. კრისტოფი და ქალბატონი არანო თავდადებით ზრუნავდნენ მისი გამოჯანმრთელებისთვის და ბოლოს სძლიეს კიდევ ავადმყოფობას. მაგრამ სულიერი ტრამვის წინაშე მეგობრები უძლურნი აღმოჩნდნენ. ოლივიეს გაუთავებელმა დარღმა თანდათანობით მოქანცა ორივე და მისი მიტოვების სურვილი აღუძრა.

უბედურების ღროს ადამიანი საოცრად მარტო რჩება. მის მიმართ უნებური შიში იპყრობთ. ასე ჰგონიათ. უბედურება გადაძღებია, ყოველ შემთხვევაში, იგი ბეზრდებათ და ცდილობენ რაც შეიძლება შორს იყვნენ მისგან. ერთობ მცირეა იმ ადამიანთა რიცხვი, ვინც სწავათა გასაქირს გულთან ახლოს მიიტანს, თანაგრძნობით მოეკიდება. ისევე მეორდება იობის მეგობართა ის ძველი ამბავი. ელიფაზ თემანელი ბრალს სდებს იობს ტანჯვათა ვერთმენაში. ბაღდად სულიერი ქადაგებს. რომ იობის მთელი დანაშაული მის მოუტევებელ ცოდვათაგან მომდინარეობს. სოფარ ნამათელი მას თავისი თავის განდიდებაში სდებს ბრალს: „ხოლო განრისხნა ელიუს ვარქილისა ვუზიტელი; ნათესავისაგან რამისა ავისიდიტელთა კერძოსი, ხოლო განურისხნა იობსა ზედა ფრიად. ვინათგან იტყოდა თავსა თვისსა მართალწინაშედღმთისა...“ ცოტანი არიან ისეთი ადამიანები, რომელთაც ნამდვილად შეუძლიათ მწუხარება, როგორც იტყვიან, ბევრია წვეული, ცოტაა რჩეული. ოლივიე ამ უკანასკნელთა რიცხვს ეკუთვნოდა. ერთი მიზანთრობისა არ იყოს: „მას როგორც ჩანს, მოსწონდა ჩაგრულის ხვედრი. მაგრამ წამებულის იერის მიღებით ვერაფერს მოიგებ, სხვათა თვალში უფრო აუტანელი ხდები“.

ოლივიეს თვით ყველაზე უახლოეს ადამიანთანაც არ შეეძლო იმისი თქმა, რასაც განიცდიდა. გრძნობდა, რომ საკუთარი მწუხარებით ყველას თავს აბეზრებდა. თვით ძვირფას კრისტოფსაც აღიზიანებდა მისი ამგვარი დაუინებელი მწუხარება. კარგად იცოდა კრისტოფმა, რომ იგი ნუგეშისმცემლად არ გამოდგებოდა. სიმართლე რომ ითქვას, თვით ამ კეთილშობილ, მასზე არანაკლებ მწუხარებაგამოვლილ ადამიანსაც არ შეეძლო მისი მწუხარება ბოლომდე ეგრინო. რას იზამ! ასეთია ადამიანის ბუნება! რაგინდ კეთილი, შემბრალე და დაკვირვებული ადამიანი უნდა იყოს, რა ტანჯვაც უნდა გქონდეთ გადატანილი, თუ თქვენ მეგობარს კბილი სტკივა, თქვენ ამით საკუთარი კბილი არ გეტკიანებათ. თუ ავადმყოფობა დიდხანს გაგრძელდა, იმ დასკვნას გამოიტანთ, რომ ავადმყოფი ზედმეტად აზვიადებს სატკივარს. და რომ იგი ნაკლებად ამტანია და მოუთმენელი. მით უფრო ძნელია ამის გაგება. როცა სატკივარი გარედან არ ჩანს, არამედ სულის სიღრმეშია ჩამალული. ის, ვისაც ეს უშუალოდ არ ეხება, აღშფოთებას გამოხატავს. რატომ უნდა გაიშროს სისხლი იმისთვის,

რაც პირადად მას არ ეხება. ბოლოს, სინდისის დასამშვიდებლად თავს ეტყინება:

— რა ვქნა, მასზე არავითარი შეგონება არა სჭრის.

პართალიცაა. მარტო შეგონებით ვერას გახდები, თუ მთელი არსებით არ გიყვარს თვითონ ის. ვინც იტანჯება. თუ არ ცდილობ რაიმეში დაარწმუნო ან განკურნო როგორმე. მხოლოდ უნდა გიყვარდეს და გებრალებოდეს იგი. სიყვარული ერთადერთი მალამოა სიყვარულისგანვე მიყენებული ჭრილობების მოსაშუშებლად. მაგრამ სიყვარული თვით უზომოდ შეყვარებულთათვისაც არ არის უშრეტი. მისი მარაგი უსასრულო როდია. მას შემდეგ, რაც მეგობრები მთელ თავიანთ თანაგრძნობას სიტყვიერად თუ წერილობით ამოსწურავენ, თავისი მოვალეობა საკუთარ თვალში შესრულებულად მიაჩნიათ, თავაზიანად განზე გადგებიან და ტანჯული ადამიანის, როგორც დამნაშავეს გარშემო, სიცარიელე წარმოიქმნება. მაგრამ მეგობრებს ამ უმწაშენელო დახმარების გამო ჯერ ისევე რცხვენიათ. ამიტომ ცოტ-ცოტაობით ისევე ეხმარებიან, ოღონდ ისე. რომ ტანჯულ მეგობარს აღარ ახსოვდეს მათი არსებობა. თვითონაც ცდილობენ მის დავიწყებას. თუ ამ უბედურებას არსაიდან შემოველეება და მისი ეჭო კედელში დაჟინებით ვრცელდება, მის სისუსტეს მეგობრები მკაცრად განსჯიან, აქაოდა, სუსტიაო, განსაცდელს ვერ უძლებსო. დარწმუნებულნი ბრძანდებოდნენ, თუ ძალა გამოელა და საბოლოოდ გატყდა, მეგობართა გულწრფელ სინანულში დამამცირებელი სიტყვებიც გამოერევა:

— საცოდავი! მასზე უკეთესი წარმოდგენისა ვიყავი!

ამ ყოვლისმომცველ ეგოიზმში ერთმა უბრალო ალერსიანმა სიტყვამ, ნახი თანაგრძნობითა და სიბრალულით სავსე შემოხედვამ იმ ადამიანისა, ვისაც თქვენ უყვარხართ, შეუძლია ენით უთქმელი სიამოვნება მოგანიჭოთ! სიკეთის ფასს მხოლოდ მაშინ გაიგებ. მასთან შედარებით ყოველივე არარაობაა! სწორედ ამ სიკეთემ იყო, რომ ოლივიე ქალბატონ არნოსთან უფრო მეტად დაახლოვა, ვიდრე კრისტოფთან. და მაინც კრისტოფი შესაშურ მოთმინებას იჩენდა. ოლივიესადმი სიყვარული ნებას არ აძლევდა ეგრძნობინებინა, რასაც მის შესახებ ფიქრობდა. მაგრამ ბუნებით მგრძნობიარე ოლივიე, როშელიც დარდს უფრო მგრძნობიარე გაეხადა, ზედმოდ, როგორ ებრძოდა კრისტოფი საკუთარ თავს, როგორ უმძიმდა დარდისგან დათრგუნვილი მეგობრის გვერდით ყოფნა. ეს საკმარისი იყო, რათა ოლივიე თვითონვე მორიდებოდა კრისტოფს და ზოგჯერ თავს ძალას ატანდა, რომ არ ეყვირა:

— წადი აქედან!

ასე ამორებს უბედურება ხშირად ორ მოსიყვარულე გულს. თესლის დამხარისხებელი ცალ მხარეს წანსალ თესლს ყრის და მეორე მხარეს — უყვარვისს. ცხოვრებასაც თავისი უღმობელი კანონები გააჩნია, რომლებიც სიყვარულზე უფრო ძლიერია!

დღეა მომაკვდავ შვილს დასცქერის, ან მეგობარი ხედავს, როგორ იხრჩობა მისი მეგობარი, მაგრამ რაჟი დარწმუნდება, რომ შველა შეუძლებელია, თავის თავზე ფიქრი არ ავიწყდება და მასთან ერთად არ იღუპება. თუმცა ორთავეს შვილიცა და მეგობარიც საკუთარ თავზე მეტად უყვართ... დიდი სიყვარულის მიუხედავად, კრისტოფი ზოგჯერ იძულებული ხდებოდა გაქცეოდა ოლივიეს. მეტად ძლიერი და ჯანმრთელი ადამიანი იყო და დიდი ხნით შეგუბებული ნადგელი სულს უხუთავდა. მერე რცხვენოდა და ბრაზი ჰკლავდა, რომ მეგობრისთვის არაფრის გაკეთება არ შეეძლო. უნდოდა ეს ბრაზი ვინმეზე გადმოენთხია და გულის ჯავრს ჟაკლინზე იყრიდა. კრისტოფი, ქალბატონი არნოს დამრიგებლური შეგონებების მიუხედავად, ჟაკლინის საქციელს წინანდებურად მკაცრად სჯიდა, როგორც ეს ახალგაზრდა, გულფიცხ ადამიანებს სჩვევიათ, ჯერ საკმაოდ რომ არ გასცნობიან ცხოვრებას. ამიტომაც არიან ცხოვრებისეული სისუსტეებისადმი ასე შეუწყნარებელნი. კრისტოფი სესილისა და მოსავლელად მისთვის მინდობილი ბავშვის სანახავად მიდიოდა ხოლმე. მას შემდეგ, რაც დედობილი გახდა, სესილი სულ გამოიცვალა. ერთბაშად გაახალგაზრდავდა და გამხიარულდა. უფრო მეტად ფაქიზი და ნაზი გახდა. ჟაკლინის წასვლით მას იმ ბედნიერების იმედი როდი მისცემია, იღუშალად გულში რომ ედო. იცოდა, ჟაკლინზე ფიქრი უფრო ამორებდა მისგან ოლივიეს, ვიდრე მისი იქ ყოფნა. თუმცა ქარიშხალი, სესილი რომ ააფორიაქა, ჩადგა. კრიტიკულმა მომენტმა გადაიარა. ამას ჟაკლინის სავალალო მდგომარეობამაც შეუწყო ხელი. სესილს ჩვეული სიმშვიდე დაუბრუნდა. ახლა უკვირდა კიდევ, რამ გამოიყვანა მამის წონასწორობიდან. მთელი სიყვარული მან ამ ბავშვზე გადაიტანა. საოცარი ქალური წარმოსახვის უნარის წყალობით იგი ამ პატარა არსებაში საყვარელ ადამიანს ხედავდა. თითქოს სწორედ ის იყო უსუსური და მთლად მასზე მონდობილი, მისი კუთვნილება, ვინც შეეძლო ჰყვარებოდა თავდავიწყებით, ამ უმანკო ბავშვის სულივით წმინდა, მისი თვალბევით გაცისკროვნებული, სუფთა სიყვარულით... ამ გრძნობას სევდიანი სიბრალულიც ახლდა. ოჰ, ნეტავ ეს ბავშვი მისი სისხლი და ხორცი ყოფილიყო!.. მაგრამ მაინც კმაყოფილი იყო.

ახლა კრისტოფი სულ სხვა თვალთ უყურებდა სესილს. მას ფრანსუაზ უდონის ირონიული სიტყვები აგონდებოდა:

„შენ და ფილომელა თითქოს ცოლ-ქმრად ხართ დაბადებული და როგორ მოხდა, რომ ერთმანეთი ჯერაც არ შეგყვარებიათ?“ ამ კითხვაზე კრისტოფზე მეტად ისევ ფრანსუაზს შეეძლო პასუხის გაცემა. კრისტოფის მსგავს ხალხს ძნელად თუ შეუყვარდებათ ისეთი ადამიანი, ვისთანაც მათ კარგად ეცხოვრებათ. ასეთ ხალხს უმეტესად მხოლოდ ისინი უყვართ, ვისთანაც არ გაეძლებათ. ორი ურთიერთსაწინააღმდეგო მხარე ერთმანეთს იზიდავს. მისი ბუნება თვითონვე ისწრაფვის მოწინააღმდეგისაკენ. მჩქეფარე, სიცოცხლით სავსე ცხოვრებას, თავის თავს შეუბრალელებლად რომ სწევას, გამოზომილ, კეთილგო-

ნიკრულ არსებობას აწკობინებს. კრისტოფის მსგავს ადამიანებს ასე დაუკანონებიათ: იცხოვრონ რაც შეიძლება ცხოველყოფლად და არა რაც შეიძლება დიდხანს. კრისტოფს არ გააჩნდა ფრანსუაზისოდენი განქვრეტის უნარი. სიყვარული ბნელი, უღმობელი ძალააო, ამბობდა კრისტოფი. იგი ისეთ ადამიანებს აერთებს, ვისაც ერთმანეთი სძულთ და ერთმანეთისთვის შექმნილთ კი აშორიშორებსო. იმასთან შედარებით, რასაც სიყვარული ანადგურებს, მისი შთამაგონებელი ძალა არც ისე დიდია. ბედნიერი სიყვარული ნებისყოფას აღუწებს, უიღბლო გულს გმირავს. მაშ სადღაა მისი სიკეთე?

კრისტოფი სიყვარულს ასე აუგად რომ იხსენიებდა, მისი დამკინავი, ალერსიანი ღიმილი შენიშნა: თითქოს ეუბნებოდა, რა უმადური ყოფილხარო!

კრისტოფს ერთხელ კიდევ მოუხდა ავსტრიის საელჩოში გამართულ საღამოზე მისვლა. ფილომელა შუბერტის, ჰუგო ვოლფისა და კრისტოფის სიმღერებს ასრულებდა. მას საკუთარი წარმატებაც ახარებდა და კრისტოფისაც, რომელსაც მაღალ საზოგადოებაში უკვე კარგად ხედებოდნენ. მისი სახელი ფართო საზოგადოებისათვისაც დღითიდღე უფრო ცნობილი ხდებოდა. ისეთებს, როგორებიც ლევი-კერები იყვნენ, აღარ შეეძლოთ მისი არცნობა. კრისტოფის ნაწარმოებები სრულდებოდა კონცერტებზე. მისი ერთი პიესა „ოპერა კომიკ-მაც“ შეისყიდა. თანდათან იზრდებოდა მისდამი სიმპათიის უხილავი ძაფები. იღუმალებით მოცული მეგობარი, რომელიც არაერთხელ მიეშველა, ახლაც კვლავინდებური გულმოდგინებით ეხმარებოდა. ბევრჯერ უგრძობნია კრისტოფს მისი ერთგული ხელი. ცხადი იყო, ვიღაც მფარველობდა, თვითონ კი იმალებოდა. კრისტოფი ცდილობდა გაეგო, ვინ იყო იგი, მაგრამ, როგორც ჩანს; მეგობარი განაწყენებული იყო, რომ კრისტოფს ძალიან გვიან გაახსენდა მისი მოძებნა და წინანდებურად ისევ შეუმჩნეველი რჩებოდა. კრისტოფს ისედაც ბევრი საზრუნავი აწუხებდა: ფიქრობდა ოლივიზეზე, ფრანსუაზზე. სწორედ იმ დღით გაზეთში წაიკითხა: ფრანსუაზი სან-ფრანცისკოში მძიმედ გამხდარიყო ავად. თვალწინ წარმოუდგა, როგორ იწვა იგი უცხო ქალაქში მარტოდმარტო სასტუმროს ნომერში და არც არავის ნახვა სურდა, არც მეგობრებთან წერილის მიწერა. კბილს კბილზე აჭერდა და მარტოდ დარჩენილი სიკვდილსდა ელოდა.

ამ ფიქრებით დამძიმებულს უნდოდა ხალხს გაცლოდა და მოშორებით ერთ პატარა სასტუმრო ოთახში განმარტოვდა. იქ, ნახევრად ბნელ კუთხეში, პარადმწვანე მკეპარეებისა და ყვავილების ფარდის მიღმა კედელს მიყრდნობილი ფილომენას სასიამოვნო, სევდანარევე სიმღერას უსმენდა. იგი შუბერტის „ცაცხეს“ ასრულებდა. პაეროვანი მუსიკა სევდიან მოგონებებს უღვიძებდა. მის პირდაპირ, კედლის სარკეში სინათლეებით გაჩირადლებული მეზობელი სალონის ცხოვრება ორეკლებოდა. მაგრამ კრისტოფი ვერაფერს ამჩნევდა. ღრმა ფიქრებში წასულს თვალებში ცრემლი ნისლივით ჩასდგომოდა... შუბერტის მთრთოლვარე ბებერი ცაცხევივით უმიზეზო კანკალმა აიტანა. რამდენიმე

წამს უძრავად იდგა გაფითრებული. მერე თვალებზე ჩამოფარებული ლიბრი თანდათან გადაეწმინდა და მის პირდაპირ სარკეში მეგობარი ქალის სახე დაინახა. ისიც კრისტოფს უყურებდა... მეგობარი? ჰო, მაგრამ ვინ იყო ის მეგობარი? კრისტოფი მას არ იცნობდა, მაგრამ დარწმუნებული იყო, რომ სადღაც ენახა იგი. გაშტერებულს თვალი თვალში გაეყარა ქალისთვის და კედელს მიყრდნობილი ისევ კანკალებდა. ქალი იღიმებოდა. კრისტოფი ვერც მისი სახის ნაკვეთებს ხედავდა, ვერც ტანის მოყვანილობას, ვერც თვალების ფერი გაერჩია. არ იცოდა, მაღალი იყო, თუ დაბალი, ან როგორ ეცვა. ერთადერთი, რასაც ამჩნევდა, ეს იყო ამ ქალის ღვთაებრივად კეთილი, თანაგრძნობით სავსე ღიმილი. ამ ღიმილმა მესხიერებაში უცაბედად შორეული ბავშვობის მოგონება აღუდგინა... — აი, იგი ექვსი თუ შვიდი წლის ბიჭია, სკოლის მოსწავლე. თავს საშინლად უბედურად გრძნობს — ეს-ესაა მასზე უფროსმა ბიჭებმა შეურაცხყოფა მიაყენეს — სცემეს. ყველა დასცინის. მასწავლებელმაც უსამართლოდ დასაჯა. დანარჩენი ბავშვები თამაშობენ. ის კი კუთხეში მიკუნჭულა და ჩუმად ქვითინებს. ერთი ნაღვლიანი სახის გოგონა, ერთთავად დაფიქრებული რომ დადიოდა, სათამაშოდ არ გაჰყვება სხვებს (ახლა ის გოგონა ცოცხალივით თვალწინ დაუდგა, თუმცა მას შემდეგ ერთხელაც არ მოჰგონებია): თავი იდგენდა, მოკუნტული, ქერა, თითქმის თეთრი თმა და წამწამები, ღია ცისფერი თვალები, გამობერილი ფერმკრთალი ლოყები, სქელი ტუჩები, ოდნავ შესუპებულ სახე და პატარა წითელი ხელები ჰქონდა. მის წინ იდგა. ცერა თითი პირში ჩაედო და შეჰყურებდა, როგორ ტიროდა კრისტოფი. მერე თავზე ხელი დაადო და მორცხვად, სწორედ ისეთივე თანაგრძნობით სავსე ღიმილით უთხრა:

— ნუ ტირი!..

კრისტოფს გული აუჩუყდა, ცხვირი გოგონას წინსაფარში ჩარგო და გულამოსკენილი აქვითინდა. გოგონა ალერსიანი, მთრთოლვარე ხმით ისევ უმერებდა:

— კარგი, ნუ ტირი...

რამდენიმე კვირის შემდეგ გოგონა გარდაიცვალა. იმ დროს, როცა ეს ამბავი მოხდა, სიკვდილს ალბათ შემართული ჰქონდა მასზე ხელი. ახლა რამ მოაგონა ის გოგონა? რა საერთო ჰქონდათ დიდი ხნის წინათ გერმანიის რომელიღაც შორეულ ქალაქში მცხოვრებ მღაბიო პატარა გოგონასა და ამ ახალგაზრდა არისტოკრატ ქალბატონს, ახლა სარკიდან რომ მისჩერებოდა? დაე, მილიონობით ადამიანები ისე განსხვავდებოდნენ ერთმანეთისაგან, როგორც პლანეტები გალაქტიკაში, სული მაინც ერთი აქვს ყველას. ისევ ის სიყვარულის ალია, ერთბაშად რომ იცის აბრიალება საუკუნეებით დაშორებულ გულებში და კრისტოფმა ახლა სწორედ ის ციალი შენიშნა, მაშინ რომ იმ პატარა ნუგეშისმცემლის ბავშვთაგან გამოკრთა...

მაგრამ ეს მხოლოდ წამით გაგრძელდა. ხალხის ტალღა კართან შეკვთუ-

და და კრისტოფს ჩამოეფარა. იფიქრა, მღელვარება არ შემამჩნიონო, ჩაბნე-
ლებულ კუთხეს მიაშურა, რომ სარკეში არ გამოჩენილიყო. მაგრამ, როგორც
კი ოდნავ დამშვიდდა, ისევ მოუნდა მისი დანახვა, შეშინდა კიდევ, არ წაეი-
დესო. კრისტოფი დარბაზში შევიდა და სტუმრებს შორის ისევ იმ ქალს მოჰ-
კრა თვალი. ოღონდ ახლა უფრო სხვანაირი ჩანდა, ვიდრე სარკეში. იგი კოხ-
ტა ქალბატონებს შორის იჯდა. კრისტოფი პროფილით ხედავდა მას. სავარძ-
ლის სახელურზე დაყრდნობილი, ოდნავ წინდახრილი, გონიერი, ოდნავ დაბნე-
ული ღიმილით უსმენდა საუბარს. გამომეტყველება და სახის ნაკეთები ჭაბუკ
წმინდა იოანეს მიუგავდა, რაფაელმა რომ გამოსახა თავის „დავაში“, სადაც ნა-
ხევრად თვალმოხუჭული იოანე თითქოს საკუთარ ფიქრებს უღიმის...

მერე ქალმა თავი ასწია და კრისტოფს ისე შეხედა, სახეზე ოდნავი გაკ-
ვირვება არ გამოხატვია. კრისტოფი მიხვდა, რომ ეს ღიმილი მას ეკუთვნოდა.
აღლევებული მიესალმა და ახლოს მივიდა.

— ვერ მიცანით? — ჰკითხა ქალმა.

სწორედ მაშინ იცნო კრისტოფმა:

— გრაცია... — წაიჩურჩულა მან.

ამ დროს მათ გვერდით ელჩის მეუღლემ ჩაუარა და კმაყოფილება
განოთქვა იმის გამო, რომ ბოლოს და ბოლოს ეგზომ სასურველი შეხვედრა
მოხერხდა და კრისტოფი „გრაფინია ბერენის“ წარუდგინა.

მაგრამ კრისტოფი ისე იყო აღლევებული, ამ უცხო გვარისთვის ყურად-
ღება არც მიუქცევია. მისთვის ეს ქალი ისევ წინანდელი პატარა გრაცია იყო.

გრაცია ოცდამეორე წლის იყო. ერთი წლის წინათ უნგრეთის საელჩოს ატა-
შეს გაჰყოლოდა ცოლად, ახალგაზრდა, წარჩინებული გვარის არისტოკრატს,
იჰერატორის პრემიერ-მინისტრის ნათესავს, მოქეიფე, ელეგანტურ, საკმაოდ
გაცვეთილ სნობს. გრაციას გულწრფელად შეუყვარდა ქმარი და ჯერაც არ გა-
ნელებოდა სიყვარული, თუმცა ამ კაცის ფასი კარგად იცოდა! მოხუცი მამა
გარდაცვლილიყო. მისი მეუღლე პარიზის საელჩოში დანიშნეს. გრაფი ბერე-
ნიების ნაცნობების, საკუთარი მომხიბველობისა და გონების წყალობით
მფრთხალი, მორცხვი გოგონა პარიზის საზოგადოების ერთ-ერთ თვალსაჩინო
ქალბატონად იქცა, ისე, რომ ამისთვის თავი ოდნავადაც არ შეუწუხებია.
არც რაიმე უხერხულობას გრძნობდა. დიდი ძალის მომცემია ახალგაზრდობა,
როცა ლამაზი ხარ, სასიამოვნო, თანაც დარწმუნებული, რომ ყველას მოსწონ-
ხარ, მაგრამ არანაკლები ძლიერებაა, როცა გაქვს მშვიდი გული, ნათელი გო-
ნება, ხარ აღლევებული და ბედისა და საკუთარი სურვილების ურთიერთ
პარმონაში ჰპოვებ ბედნიერებას. ცხოვრების მშვენიერი ყვავილი ისე გაშლი-
ლიყო, სრულიადაც არ შერყვნოდა სინათლითა და იტალიის მიწის დიდებუ-
ლი სიმშვიდით ნასათუთევი ლათინური სულის წყნარი მუსიკა. მას პარიზის
მადალ საზოგადოებაში სავსებით ბუნებრივად ეჭირა თვალსაჩინო ადგილი.
ოდნავადაც არ უკვირდა, როცა მხატვრულ ან საქველმოქმედო წამოწყებათა

დასახმარებლად მიმართავდნენ. ქალი ჩვეული ტაქტით უწყობდა ხელს მათ, ოღონდ ამ წამოწყებათა მეურვეობას სხვებს ანდობდა. თუმცა საკუთარი მდგომარეობის შესაფერისად ეჭირა თავი, ველ-მინდვრებში განცალკევებით მდგარი ვილაში მცხოვრებ იმ პატარა გოგონას შინაგანი დამოუკიდებლობა საიდუმლოდ შეენახა. მაღალი საზოგადოება ღლიდა და ართობდა კიდევ. თავაზიანი ღიმილით მოხერხებულად მალავდა მოწყენას, რაც მის კარგ აღზრდასა და სათნო ბუნებაზე მეტყველებდა.

გრაციას არც მისი მეგობარი კრისტოფი დავიწყებოდა. რაღა თქმა უნდა, ის გოგონა, უბიწო სიყვარულის ცეცხლი ჩუმად რომ წვავდა, მეტად აღარ არსებობდა. ახლანდელი გრაცია ყოველგვარი რომანტიულობისაგან თავისუფალი, დარბაისელი ქალი იყო! ახლა იგი თბილი ღიმილით იგონებდა იმ თავის წრეგადასულ ბავშვურ გატაცებას. და მაინც ეს მოგონება გულს უჩვილებდა. კრისტოფზე ფიქრი გრაციას მისი ცხოვრების უფაქიხეს წუთებთან აკავშირებდა. მისი ხსენება მუდამ სიამოვნებას ჰგვრიდა. უხაროდა მისი წარმატება, თითქოს ამაში თვითონაც ედო წვლილი. სწორედ მან უწინასწარმეტყველა კრისტოფს წარმატება. პარიზში ჩასვლისთანავე გრაცია მასთან შეხვედრას ცდილობდა. კრისტოფთან გაგზავნილ ბარათზედაც თავისი ქალიშვილობის გვარს აწერდა. მაგრამ კრისტოფს იმ ბარათისთვის ყურადღებაც არ მიუქცევია. არც პასუხი გაუცია — საქალაქო კალათაში ჩააგდო. გრაციას არცა სწყენია. კრისტოფის შეუღმჩნევლად იგი თვალს ადევნებდა მის შემოქმედებას. ზოგჯერ მისი პირადი ცხოვრებითაც ინტერესდებოდა. გრაციას მეგობრულმა ხელმა იხსნა კრისტოფი ახლანან ამტყდარი საგაზეთო ცილისწამებისაგან. საერთოდ გრაცია გაზეთში მომუშავე ხალხს ათვალწუნებით უყურებდა, მაგრამ როდესაც მეგობარს დახმარება დასჭირდა, მზად იყო მისთვის თვით ყველაზე უსიამოვნო პიროვნების საცდუნებლად ყოველგვარი ეშმაკობა ეხმარა. მან სახლში მიიპატიჟა გაზეთის რედაქტორი, რომელიც იმ ცილისწამებელთა ხროვას მეთაურობდა და სულ ადვილად დაახვია თავბრუ. მერე მის პატივმოყვარეობასაც მოხერხებულად მოუქონა თავი. მოხიბლა და ისეთი ჟრჯოლა მოჰგვარა, საკმარისი იყო გრაციას კრისტოფზე თავდასხმების გამო ოდნავი გაოცება გამოეხატა, რომ მისი დევნა ერთბაშად შეწყვეტილიყო. რედაქტორმა სასწრაფოდ ამოიღო ის შეურაცხყოფელი წერილი, მეორე დღის ნომრისთვის რომ მზადდებოდა. როდესაც ქრონიკორმა გაბედა და შეფერხების მიზეზი იკითხა, შავი დღე აყარა. ამასაც არ დასჯერდა. ერთი ისეთი თანამშრომელი იხმო, ყველაფერს რომ იკადრებდა და უბრძანა, ორ კვირაში კრისტოფზე ქებას სტატია დაეწერა. მართლაც, შეითხზა კიდევ ზომავზე მეტად ხოტბის შემსხმელი სტატია. საელჩოში გამართულ დარბაზობებზე კრისტოფის ნაწარმოებთა შესრულების იდეაც გრაციას ეკუთვნოდა. როცა გაიგო, მისი მეგობარი სესილს მფარველობდა, ახალგაზრდა მომღერალს დაეხმარა, რომ თავისი ნიჭი გამოემჟღავნებინა. და ბოლოს, გერმანიის დიპლომატიურ სამყაროსთან ურთიე-

რთობის წყალობით მან ნელ-ნელა, ჩვეული მოხერხებით შეძლო გერმანიიდან გაქვევებული კრისტოფისადმი ხელისუფლების ყურადღების მიპყრობა. გრაცამ თანდათანობით გარკვეული წრეები შეაგულიანა, რათა იმპერატორისაგან მიეღოთ ბრძანება, რომელიც დიდ მუსიკოსს, ვინაც გერმანია ასახელა, სამშობლო ქვეყნის კარს გაუხსნიდა. რა თქმა უნდა, ამგვარი შეწყყნარების იმედი ნაადრევად იყო, მაგრამ გრაციამ ის მაინც მოახერხა, რომ კრისტოფს მშობლიურ ქალაქში რამდენიმე დღით ყოფნის ნება დართეს.

უხილავი მეგობრის არსებობას კრისტოფი დიდი ხანია გრძნობდა, მაგრამ ვინ იყო იგი, ვერა და ვერ ამოეხსნა. უცებ სარკიდან მოღიძარი ქაბუკი წმინდა იოანეს სახეში შეიცნო იგი.

ისინი ლაპარაკობდნენ წარსულზე, ოღონდ სახელდობრ რაზე, კრისტოფი ვერ გეტყვოდათ. როცა საყვარელი ადამიანის გვერდით ხარ, მას ვერ ხედავ, არც მისი ლაპარაკი გესმის. იგი გიყვარს მხოლოდ და რაც უფრო მეტად გიყვარს, მით უფრო ნაკლებად ფიქრობ ამ საყვარელზე. კრისტოფი არაფერზე არ ფიქრობდა. იგი აქ იყო, მის გვერდით და ეს სრულიად კმაროდა. სხვა დანარჩენი აღარ არსებობდა...

უცებ გრაციამ სიტყვა შეწყვიტა. აწოწილი, საკმაოდ ლამაზი, ელეგანტური, ახლად წვერგაპარსული მელოტი კაცი აბუჩადამგდები მოწყენილი სახით მონოკლით ათვალეირებდა კრისტოფს. მან ამპარტავნული თავაზიანობით მძიველ დახარა თავი და მიესალმა:

— ჩემი მეუღლე, — გააცნო გრაციამ.

სატუმრო დარბაზიდან ისევ მოისმა ხმაური. სინათლე ჩაქრა. კრისტოფი გამრა, მთლად მოიბუზა. საღამოზე საჩქაროდ უპასუხა და უკან დადგა. რა სასაცილოა და უძღები ხელოვანის სულიერი სწრაფვა და ის ბავშვური კანონები, რომლებიც მის გრძნობებს წარმართავენ! ერთ დროს მან არად ჩააგლო ამ ქალის საყვარული. წლების მანძილზე ერთხელაც არ გახსენებია, მაგრამ დანახვისთანავე იგრძნო, რომ გრაცია მას ეკუთვნოდა და თუ ამ ქალს სხვა ვინმე დაეპატრონა, ეს იმას ნიშნავდა, რომ იგი იმ სხვამ მოჰპარა. თვითონ გრაციას უფლება არ ჰქონდა, თავი ვინმესთვის მიეკუთვნებინა. კრისტოფმა აღარ იცოდა, რა მოსდიოდა. სამაგიეროდ, მასში მუსიკის დემონი გრძნობდა ამას. მისი წყალობით საყვარულის მტანჯველ გრძნობას უღამაზესი სიმღერები უძღლენა. დიდი ხანი გავიდა მას შემდეგ, რაც ერთმანეთი აღარ ენახათ. ჯერ იყო და, ოღვიფის მწუხარებამ, მერე მისმა ავადმყოფობამ მთლიანად მოიციკა კრისტოფი. მაგრამ ერთ დღეს იგი შემთხვევით წააწყდა მისამართს, რომელიც გრაციამ მისცა და გადაწყვიტა, მასთან წასულიყო. კიბეზე რომ აღიოდა, ჩაქუჩების კაკუნი მოესმა — ეტყობოდა, რაღაცას აქედებდნენ. წინა ოთახი ყუთებითა და სკიერებით იყო გახილული. ლაქიმ მოახსენა, გრაფინია არავის იღებსო. ის იყო იმედგაცრუებულმა კრისტოფმა ბარათი დატოვა და წასასვლე-

ლად მიბრუნდა, რომ მოსამსახურემ ბოდიშის მოხდით სთხოვა, უკან დაბრუნებულიყო. იგი კრისტოფს სასტუმრო ოთახში შეუძღვა, სადაც ხალიჩები უკვე ჩამოეხსნათ და დაეხვიათ კიდეც. გრაცია გაბრწყინებული ღიმილით შეეგება და სიხარულით აღტაცებულმა კრისტოფს ხელი გაუწოდა. სულელური წყენა გაქრა. კრისტოფი მასთან მიიჭრა და ბედნიერებისგან თავდავიწყებული ხელზე ეამბორა.

— როგორ მიხარია, რომ მოხვედით! უზომოდ დაწყდებოდა გული, თქვენს უნახავად რომ წავსულიყავი! — უთხრა გრაციამ.

— წასულიყავით? როგორ, წასვლას აპირებთ?

— როგორც ხედავთ, — უთხრა გრაციამ და არეულ-დარეულ ოთახზე მიუთითა.

— ამ კვირის ბოლოს პარიზიდან მივემგზავრებით.

— დიდი ხნით?

გრაციამ ხელები გაშალა:

— როგორ გითხრათ?

კრისტოფმა თავს ძალა დაატანა, როგორმე ხმა ამოეღო, ყელში რაღაც მოსწოლოდა და ახრჩობდა.

— საით მიემგზავრებით?

— შეერთებულ შტატებში. ჩემი მეუღლე იქ საელჩოს პირველ მდივანად დანიშნეს.

— მაშ ყველაფერი დამთავრდა? — ტუჩების თრთოლით ამოთქვა კრისტოფმა.

— არა, არ დამთავრებულა, — მიუგო მისი ხმით აღელვებულმა გრაციამ.

— ნუთუ იმიტომ გიპოვეთ, რომ ისევ დაგკარგოთ?

კრისტოფს თვალეზზე ცრემლი მოადგა.

— ჩემო მეგობარო! — ისევ გაიმეორა გრაციამ.

კრისტოფმა თვალეზზე ხელები აიფარა, რომ აღელვება დაეფარა.

— ნუ ინაღვლებთ, — უთხრა გრაციამ და ხელი ხელზე შეახო.

უცებ ისევ ის პატარა გერმანელი გოგონა მოაგონდა. ორივენი გაჩუმდნენ.

— ამდენ ხანს რატომ არ მოხვედით? — ხმა ამოიღო ბილის გრაციამ. — თქვენთან შეხვედრას ვნატრობდი, თქვენ კი პასუხს არ მაძლევდით.

— მაგრამ მე ხომ არ ვიცოდი, სრულიად არაფერი ვიცოდი... — უპასუხა კრისტოფმა. — მითხარით, ამდენჯერ თქვენ დამეხმარეთ? თქვენ უნდა გამაძლოდეთ, რომ გერმანიაში ჩასვლის უფლება მომცეს? ეს თქვენა ხართ ჩემი მფარველი ანგელოზი?

— თავს ბედნიერება ვთვლი, თუ ცოტათი მაინც შევძელი თქვენი დახმარება. მე ისე ძალიან ვარ თქვენგან დავალებული!

— როგორ? მე ხომ თქვენთვის არაფერი გამიკეთებია?

— თავადვე არ იცით. რას ნიშნავდით ჩემთვის, — უპასუხა გრაციამ და მოიგონა ის დრო, როცა ჯერ ისევე პატარა გოგონა პირველად ბიძია სტივენს-თან შეხვდა კრისტოფს. მისმა მუსიკამ აგრძნობინა გოგონას ქვეყნიერების სიმშვენიერე. გრაცია საუბარში თითქოს თანდათან გამოცოცხლდა, ნაწყვეტ-ნაწყვეტად, გადაკრული სიტყვებით უყვებოდა თავის ბავშვურ გრძნობებზე. უამბო, როგორ განიცდიდა, როგორ ტიროდა, როცა მის კონცერტზე სტვენა ატეხეს, როგორ გაუგზავნა წერილი, მან კი უპასუხოდ დატოვა, რადგან წერილმა კრისტოფამდე ვერ მიაღწია. უსმენდა კრისტოფი და იმ წარუშლელ შთაბეჭდილებებს გულწრფელად ადარებდა ახლანდელ თავის გრძნობას და სინაზეს, მისკენ მიპყრობილი საყვარელი სახე რომ შთააგონებდა.

გულლიად, მეგობრულად საუბრობდნენ. საუბრის დროს კრისტოფმა ხელი გამოართვა გრაციას. უცებ ორივე გაირინდა — გრაციამ იგრძნო, რომ კრისტოფს უყვარდა იგი. კრისტოფიც მიუხვდა ამას. წინათ გრაციას უყვარდა კრისტოფი, ისე, რომ კრისტოფი ამით ოდნავადაც არ წუხდებოდა. ახლა კრისტოფს უყვარდა გრაცია, მაგრამ გრაციას მისდამი ახლა მარტოოდენ მშვიდი, მეგობრული გრძნობა შემორჩენოდა. გრაციას ახლა სხვა უყვარდა. ხშირად ხდება ხოლმე ასე — ერთის სიციცხლის საათები წინ უსწრებს მეორისას და ამით ორთავეს ცხოვრება მთლიანად იცვლება...

გრაციამ ხელი გამოართვა. კრისტოფიც დაჰყვა მის ნებას. შეცბუნებულები რამდენიმე წუთს დუმდნენ.

— მშვიდობით! — უთხრა გრაციამ.

— მაშ, ყველაფერი დამთავრდა? — ისევე გაიმეორა კრისტოფმა თავისი სამდურავი.

— ალბათ ასე აჯობებს.

— მაშ გამგზავრებამდე ველარ ვნახავთ?

— ველარ, — უპასუხა გრაციამ.

— მაშ როდის?

გრაციამ ნაღვლიანად გაიქნია ხელი.

— მაშ ერთმანეთს რიდასთვის შევხვდით? — თქვა კრისტოფმა, მაგრამ გრაციას საყვედურით სავსე თვალებს რომ შეხვდა, თვითონვე უპასუხა:

— მომიტევეთ, არ ვარ მართალი.

— ნუდამ თქვენზე ვიფიქრებ, — უთხრა გრაციამ.

— ვაი, რომ მე ფიქრის საშუალებაც არ მექნება. მე ხომ თქვენი ცხოვრების შესახებ სრულიად არაფერი ვიცი, — უთხრა კრისტოფმა.

მშვიდად, რამდენიმე სიტყვით აღუწერა გრაციამ თავისი ცხოვრება, უამბო თავისი ყოველდღიური საქმიანობის შესახებ. ჩვეული, ნათელი ღიმილით ლაპარაკობდა იგი საკუთარ თავზე და მეუღლეზე.

— ესე იგი, თქვენ გიყვართ იგი, არა? — იკვნეულად ჰკითხა კრისტოფმა.

— დიახ! — მიუგო გრაციამ.

კრისტოფი ადგა.

— მშვიდობით.

წამოდგა გრაციაც. კრისტოფმა მხოლოდ ახლა შეამჩნია, რომ იგი ფეხმძიმედ იყო და მის სულს ზიზღის, სინაზის, ეჭვისა და მწვავე სიბრალულის ამოუხსნელი გრძნობა დაეუფლა. გრაციამ სასტუმრო ოთახის კარამდე მიაცილა. კართან მისული კრისტოფი შემობრუნდა, დაიხარა და დიდხანს ჰკოცნა მეგობრის ხელები. გრაცია იდგა გარინდებული, ნახევრად თვალდახუჭული. ბოლოს კრისტოფი წელში გაიმართა და უკანმოუხედავად, სასწრაფოდ გავიდა ოთახიდან.

...E chi allora m'avesse domandato li cosa alcuna,
la mia rispensione sarebbe stata
solamente AMORE, con viso vestito d'umilta...¹

ყოველდწმინდის დღესასწაულია. მოღრუილული დღეა. ცივი ქარი უბერავს. კრისტოფი სესილთანაა. სესილი ბავშვის საწოლთან ფუსფუსებს. აქვეა ქალბატონი არნოც. სადღაც აქეთკენ ყოფილა და შემოუვლია. კრისტოფი ჩაფიქრებული ზის. გრძნობს, რომ ბედნიერება ხელიდან გაუშვა, მაგრამ არ ნანობს. იცის, რომ ბედნიერება არსებობს ამქვეყნად.. მზეო, მე არ მჭირდება შენი ხილვა, მისთვის რომ ვიცოდე—მიყვარხარ! ზამთრის ცივ დღეებში, როცა ყინვა მაზრობს, ჩემი გული შენითაა სავსე. მე ჩემივე სიყვარული მათბობს. ვიცი, რომ იგი არსებობს...

ჩაფიქრდა სესილიც. იგი ბავშვს დასცქეროდა. მას აღარ ახსოვდა, რომ ეს ბავშვი მისი ღვიძლი შვილი არ იყო. კურთხეულია ადამიანის წარმოსახვის უნარი, ცხოვრების შემოქმედი ძალა! ცხოვრება!.. რა არის იგი? სრულებითაც არ არის ისეთი, როგორც გარეგნულად გვეჩვენება, ან მას ჩვენი ცივი გონების თვალით ვხედავთ. ცხოვრება ისეთია, როგორც თავად წარმოგვიდგენია. მისი ქალბატონი არნოს მგრძნობიარე, დაღლილ სახეს და მასში, როგორც ამაღელვებელ წიგნში, ყველასაგან ნამალევ, სიტკბოებითა და ტანჯვით სავსე შეუღლისა და ქალის ცხოვრებას კითხულობდა, რომელიც ზოგჯერ ისევე მდიდარია, როგორც ჭულიეტასა და იზოლდას სიყვარული. ოღონდ მასში შეტია სარწმუნოებრივი სიღიადე...

*Socia rei humanae atque divinae...*²

როგორც რწმენა ან მისი უქონლობა, — ფიქრობდა კრისტოფი, — ასევე შვილის ყოლა ან უყოლობა არ განსაზღვრავს ქმრიანი თუ უქმრო ქალების ბედნიერებას. ბედნიერება სულის სურნელია, გულის იღუმალ კუნჭულში ამღვრებული ტკბილზმოვანება და ამგვარი სულის უმშვენიერესი მუსიკა არის სიკეთე.

შემოვიდა ოლივიე. მოძრაობა მშვიდი ჰქონდა. მის ცისფერ თვალთაგან ახლებური შუქი გამოსჭვიოდა. მან ჯერ ბავშვს გაუღიმა, მერე სესილს და ქალბატონ არნოს გაუწოდა ხელი და მშვიდად, აუღელვებლად დაიწყო ლაპარაკი. გულთადი გაცემით შეჰყურებდნენ მას მეგობრები. ოლი-

¹ ...და რაიმე რომ ეკითხათ მაშინ, მშვიდი სახით მივუვებდი: სიყვარული (იტალ.) დანტე, ახალი ცხოვრება, თავი XIV.

² იდამიანურ და ღვთიურ საქმეთა შეკავშირე (ლათ.).

ვინ მთლად ვამოცვლილიყო. ბუდეში მჭადარ ჭუპრივით თავის დარდთან გან-
მარტოებულს ხანგრძლივი ცდის შემდეგ მოეხერხებინა და მწუხარება ძველი
კანკით მოეცვალა. ოდესმე გაამბობთ, როგორ იბოვა, ან ყოველ შემთხვევაში
ეგონა. რომ იბოვა ის დიდი მიზანი, რომლისთვისაც ღირდა თავგანწირვა. ახლა
მისთვის სიცოცხლეს ფასი ჰქონდა, იმიტომ, რომ შეეძლო თავგანწირვა. ასე-
თია ბუნების კანონი: ის იყო განუდგა ცხოვრებას, რომ ცხოვრებამ კვლავ ახა-
ლი ძალით იფეთქა მასში. მეგობრები თვალს ვერ აშორებდნენ. არ იცოდნენ,
რა მოხდა და შეკითხვასაც ვერა ბედავდნენ. ერთ რამეს კა გრძნობდნენ შეუ-
ცდომლად: ოლივიე გათავისუფლდა, სინანული აღარ სტანჯავდა, არც დარდობ-
და, არც რაიმე აწუხებდა.

კრისტოფი წამოდგა, პიანინოსთან მივიდა და ოლივიეს უთხრა:

— გინდა, დაუჟკრა ბრამსი?

— ბრამსი? შენი ძველი მტრის სიმღერა გინდა შეასრულო?

— დღეს ყოვლადწმინდის დღეა, ყოველთა ცოდვათა მიტევების დღე. —

მიუგო კრისტოფმა.

და მან ნახევარი ტონით, ხმადაბლა, ისე, რომ ბავშვს არ გაეღვიძებოდა,
შვაბური ხალხური სიმღერა წამოიწყო:

...Für die Zeit, wo du g'liebt mi hast
Da dank'i dir schön,
Und i wünsch, dass dir's anderswo
Besser mag gehlr...

(მადლობას გიძღვნი იმ სიყვარულისთვის, რომელიც მომანიჭე. გისურვებ,
უფრო მეტი სიყვარული გეგრძნოს ყველგან, სადაც წახვალ...“).

— კრისტოფ! — უთხრა ოლივიემ.

კრისტოფმა მაგრად ჩაიკრა გულში მეგობარი.

— გამხნევდი, ჩემო კარგო! ცხოვრებამ მშვენიერი ბედი გვარგუნა!

ოთხივენი მძინარე ბავშვის საწოლთან ისხდნენ და არც ერთი იმათგანი
ხმას არ იღებდა. რომ გეკითხათ, რამ დაგაფიქრათო, მშვიდი სახით მხოლოდ
ერთ პასუხს მოგაგებდნენ:

„ს ი ყ ვ ა რ უ ლ მ ა“.

შ ი ნ ა რ ს ი

წიგნი მეექვსე. ანტუანეტა. თარგმანა ცისანა ბიბი-
ლიოპოლიმა 7
წიგნი მეშვიდე. შინ. თარგმანა ომარ ხახაშვილმა . . . 85
წიგნი მერვე. მეგობრები. თარგმანა ომარ ხა-
ხაშვილმა და ნათელა გუჯაბიძე 239

Ромен Роллан
ЖАН-КРИСТОФ. ТОМ III
КНИГА ШЕСТАЯ, СЕДЬМАЯ, ВОСЬМАЯ
(На грузинском языке)

Детгюздат Грузинской ССР
«Накадули», Тбилиси, 1977

ს. ბ. № 108

რედაქტორი გ. ბუაჩიძე. გამომცემლობის რედაქტორი ნ. ლორთქიფანიძე. მხატვარი ჯ. ყაულაშვილი. მხატვრული რედაქტორი შ. დოლიძე. ტექნიკური რედაქტორი ნ. შველიძე. კონტროლიორ-კორექტორი დ. კალანდარიშვილი, კორექტორები ნ. მუსხელიშვილი და თ. შინდაგორიძე. გამომშვები ვ. ვასტანაძე.

გადაეცა ასაწყობად 18/II-77 წ. ხელმოწერილია დასაბეჭდად 15/X-77 წ. ანაწყობის ზომა 7×9³/₄. ქალაქის ზომა 70×90¹/₁₆. საბ. ქალაქი № 1. ნაბეჭდი თაბახი 28,08. სააღრიცხვო თაბახი 23,9 ტირაჟი 20.000. შეკვ. № 507.
ფასი 2 მან. 20 კაპ.

გამომცემლობა „ნაკადული“, თბილისი, მარჯანიშვილის ქ. № 5
Издательство «Накадули», Тбилиси, Марджанишвили 5

საქართველოს სსრ მინისტრთა საბჭოს გამომცემლობათა, პოლიგრაფიისა და წიგნის ვაჭრობის საქმეთა სახელმწიფო კომიტეტის თბილისის წიგნის ფაბრიკა, მეგობრობის გამზ. № 7
Тбилисская книжная фабрика, Государственного Комитета Совета Министров Грузинской ССР по делам издательств, полиграфии и книжной торговли, пр. дружбы № 7